

禪宗金書



禪宗全書

語錄部五

(40)

藍吉富 主編

北京圖書館出版社

新學
社
PDG



一、恕中無愠禪師語錄

二、無幻禪師語錄

三、無趣老人語錄

四、紫柏尊者全集

五、紫柏尊者別集



解題

編譯組

一、恕中無愠禪師語錄：六卷。明·恕中無愠撰，宗綱等編。萬曆二十六年（一五九八）刊行。又稱「瑞巖恕中和尚語錄」、「空室和尚語錄」。爲竺元妙道法嗣恕中無愠的語錄。收錄師在廣福、淨土二禪寺的語錄，以及舉古、頌古、小佛事、讚、銘、偈頌、法語、詩、題跋等，卷末附「天台空室愠禪師行業記」。

二、無幻禪師語錄：二卷。明·古湛性冲撰，慧廣編。萬曆四十二（一六一四）年序刊。爲無趣如空法嗣——無幻道人古湛性冲的語錄。卷上收錄住車溪菴語、徑山語、示禪人、機緣、拈古、頌古、讚，卷下收錄偈頌、雜咏、號偈、佛事。卷末附慧廣撰「無幻禪師行狀」。

三、無趣老人語錄：一卷。明·無趣如空撰，性冲編。萬曆年間（一五七三—一六二〇）刊行。又稱「無趣大師語錄」。集錄師之示衆、頌古、偈頌、雜咏。卷末附性虛撰「無趣老人行狀」。

四、紫柏尊者全集：二九卷。明·達觀真可撰，慈山德清校。天啟元（一六二一）年序刊。又稱「紫柏老人集」。集錄紫柏大師所開示的法語、解經、題跋、詩文、頌古等。卷首收有序贊、塔銘等文。本書爲研究明代佛教史的最佳資料。

五、紫柏尊者別集：四卷。明·錢謙益編。集錄全集所漏載者，含有雜文、詩偈、書信、語錄等。

目次

解題

壹、恕中無愠禪師語錄

序

原書目錄

卷一：住象山靈巖廣福禪寺語錄

卷二：住黃巖瑞巖淨土禪寺語錄

卷三：舉古

頌古

小佛事

卷四：讚

銘

偈頌

卷五：偈頌

一
三
四
四
一八
三〇
三三
四三
四四
四八
四九
五七

法語	六七
卷六：律詩	七〇
絕句	七五
題跋	七八
行業記	八一
貳、無幻禪師語錄	八五
序	八七
卷上：住車溪庵語	八八
徑山語	八九
示禪人	九四
機緣	九五
拈古	九八
頌古	九八
讀	一〇一
卷下：偈頌	一〇三
牧牛圖	一一三
六根	一一四
雲棲六景	一一四

雜咏	一一五
號偈	一一八
佛事	一一九
行狀	一二一
叁、無趣老人語錄	一二三
序	一二四
示衆	一二五
頌古	一三三
偈頌	一三九
雜咏	一四二
行狀	一四五
肆、紫柏尊者全集	一四七
序	一四九
跋	一五一
原書目錄	一五二
卷首：自題・像贊	一五三
塔銘	一五六
祭文	一六四

舉火	一六五
舍利塔頌有序	一六五
園中語錄序	一六七
園中語錄	一六八
記	一七二
卷一：法語	一七四
卷二：法語	一八九
卷三：法語	二〇九
卷四：法語	二二六
卷五：法語	二四二
卷六：法語	二六〇
卷七：法語	二七六
卷八：法語	二九六
卷九：法語	三一〇
卷十：法語	三三二
卷十一：解經	三五—
卷十二：解經	三六九
卷十三：緣起	三八四

疏	三九四
卷十四：序	四〇二
記	四〇七
文	四一四
卷十五：題	四一九
跋	四二二
卷十六：拈古	四四〇
卷十七：贊	四五四
卷十八：贊	四七四
頌古	四八〇
卷十九：偈	四九二
卷二十：偈	五〇八
卷二十一：雜說	五二八
字說	五三九
卷二十二：雜記	五四五
解易	五四八
銘	五五一
傳	五五七

卷二十三：書……………五五九

卷二十四：書……………五七五

卷二十五：詩……………五九三

卷二十六：詩……………六〇七

卷二十七：詩……………六二〇

卷二十八：詩……………六四一

歌……………六四九

卷二十九：歌……………六六一

伍、紫柏尊者別集……………六八一

序……………六八三

原書目次……………六八四

卷一：雜文……………六八五

卷二：贊偈詩……………七〇一

偈……………七〇七

詩……………七一三

卷三：書問……………七二三

卷四：語錄……………七三一

附錄……………七三九

跋……………七四七

恕中無愠禪師語錄

明
•
宗 恕中無愠
黼 等撰
編

瑞巖恕中和尚語錄序

余觀大梵天王哥佛決疑經所載梵王以金色波羅華獻佛請爲說法佛拈華示衆人天百萬悉皆罔措獨金色頭陀破顏微笑佛云吾有正法眼藏涅槃妙心實相無相分付摩訶迦葉嗚呼此非禪波羅蜜之初乎人生而靜性本圓明如大月輪光明偏照凡蘇迷盧境界具濕性者大而河海細而沼沚無不有月是故有百億水則百億之月形焉仰而瞻之而中天之月未嘗分也月譬則性也水譬則境也一爲千萬千萬爲一初無應者亦無不應者體用一源顯微無間也大聖全體皆真不失其圓明之性如月在寒潭無纖毫障翳清光燁如也凡夫爲結習所使業識所縛而惟迷暗是趨如月在濁水固已昏冥無見加以擣斃四興翻濤鼓浪魚龍出沒變幻恍惚欲求一隙之明有不可得矣故聖人之心主乎靜靜而非靜而動亦靜也凡夫之情役於動動而不靜而靜亦動也吾達磨大師特來東土以迦葉所傳心學化度有情欲澄濁爲情止浪爲平直入於覺地而後止故其體

常寂而寂而寂也其智常照而照無照也其應常用而用無用也至此則其妙難名矣然未易以一蹴至也惟一惟虛坐忘其軀或緩或徐長與神明居懼其散而弗齊也設疑情以一之恐其至而自畫也假善巧以引之慮其偏而失正也挽沉溺以返之其道蓋如斯而已歷代諸師各尊所聞守此而不敢失逮我青王珙公起於東海之濱秉執法輪弘開度門達磨大師之道煥然中興入其門者無非龍象而竺元道公號爲世適今吾恕中愠禪師則又竺元之入室弟子也初受度於元叟端公多聞法要辦香酬恩歸之道公厥後俯徇衆請出世象山之靈巖黃巖之瑞巖皈依者日益衆名聞東夷使者入貢中國兼奏請住持師因奉

詔來南京力辭其行

皇上憫其耄也特從所請一旦將歸隱鄞江其徒居頂以二會語徵余序余久聞師名亦嘗窺見語言之一二茲又獲觀其全驚霆春而疾颺馳山嶽移而海水立鬼神泣而魑魅奔有聞之者凡情盡喪余故不

辭爲稽決疑經所載以啓禪源法水月之喻以明性源推達磨之教以爲學源歷題之於首簡余老且病凡求文續紛於前悉皆謝絕今獨爲師拈此者憫大法之陵遲樂師言之契道也

洪武七年十月二十二日翰林侍講學士中順大夫知制誥同修國史兼太子讚善大夫金華宋濂序

恕中和尙語錄目錄

卷一

序

住象山靈巖廣福禪寺語錄

卷二

住黃巖瑞巖淨土禪寺語錄

卷三

學古

頌古

小佛事

卷四

讚

銘

偈頌

卷五

偈頌

法語

卷六

律詩

絕句

題跋

行業記

目錄終

恕中和尙語錄卷第一

門人前住昌國萬壽禪寺宗輔等編

住象山靈巖廣福禪寺語錄

山門入門一句有甚難見動著機關東扇西扇喝一喝

祖堂栗棘蓬金剛圈拋來擲去此土西天

據室一椎便就把髻投衙不假一椎抱賊叫屈直饒百發百中雙放雙收向我靈巖門下總用不著拈拄杖畫一畫云乾三連坤六斷

山門疏未入靈巖門。諸人是主。山僧是賓。既入靈巖門。山僧是主。諸人是賓。且賓主混融一句。作麼生道。金香鑪下鐵崑崙。

方外交疏。夫子鼻孔達磨眼睛。總在者裏論其根本。同出一源。較其功德。各具八百。中間有些請訛。今古無人道著。度疏云。殺人刀活人劍。

陞座拈香祝

聖罷次拈香云。古人出世拈香。酬法乳也。今人出世拈香。酬世恩也。溫上座總不然。昔年行脚。到紫羅山中。參箇老布衲。彼亦無法可授。我亦無法可受。只向無授受中。拈出供養。

前住崑山薦巖禪寺竺元道和尚。不圖報德。願恩只要大家知委。遂歛衣就座。智門和尚白。推云。法筵龍象。衆當觀第一義師。垂語云。第一義諦。即今智門和尚與諸人華壁了也。若向椎聲未舉已前。薦得猶爲鈍漢。何況踏步向前聽人處分。豈堪珍義。雖然。官不容針。私通車馬。其或有疑。不妨致問。問者不答。乃云。靈山真旨。少室真機。日月不足喻其明。虛空不足喻其廣。

其廣巍巍獨運。蕩蕩無私思之則差。議之則錯。五千四十八卷說食。向人一千七百葛藤。持蠹測海。在今諸方。莫不盡謂驅其耕斂其食。貴圖宗風不墜。殊不知正是救渴進火。禦凍贈冰。愈增其劇。新靈巖與麼道。不是壓良爲賤。取笑大家。臂三折而知醫。閱多人而曉相。靈利底不用如何。若何。便請單刀直入。掃蕩攪搶。坐享太平。豈不快哉。少涉遲疑。白雲萬里。復舉臺山有一婆子。凡有僧問臺山路向什麼處去。便云。蕭直去。僧纔行數步。婆云。好箇師僧。便與麼去。趙州云。待我去。勘破者。婆子州亦如是。問婆亦如是。答州歸告衆云。婆子被我勘破了也。師拈云。婆子如蟲蝕木偶。爾成紋。趙州見義勇爲翻成特地。諸人還會麼。雲收雨霽。長空闊。一對鴛鴦畫不成。小參靈巖峭絕。到者應難已到者。享用安然。未到者。始嫌孤露。孤露底正好踏步向前。享用底更須退步。就已所以道。事無一向。有時翻頭作尾。有時翻尾作頭。收放縱橫。寧存軌轍。摩竭掩室。毗耶杜詞。雖曰正令。全提要且未臻其極。山僧今夜入門之始。聚首之

初與汝諸人約法三章第一不得起佛見第二不得起法見第三不得道不起佛見法見若也依而行之管取眉毛厮結。薰拈拄杖云。明眼漢沒窠臼。高高處觀之不足。低低處平之有餘。卓拄杖。鐵牛不喫欄邊草。直向須彌頂上眠。

復舉大慧和尚問僧云。不是心。不是佛。不是物。你作麼生會。僧云。願慧云。願你屋裏七代先靈。僧便喝。慧云。適來領而今。喝干他不是心。不是佛。不是物。什麼事。僧擬議。慧便打。師拈云。大慧老人提持箇一著子。縱以太虛空爲口。須彌盧爲舌。亦難擬其用處。然揀點將來。未免有得有失。當時者。僧若是箇人。見他與麼問。只向他道。三更過鐵圍。豈不光前絕後。擊拂子。竹杖化龍去。癡人屏夜塘。

謝專使上堂。達磨大師十萬里西來。要作箇馳書達信。漢及乎面。對梁王盡力。只道得箇不識。拈拄杖有賓有主。有禮有樂。手面分開。白月團圓。頂門撼動。黃金鐸。

上堂。你若會禪。會道。被會縛。你若不會禪。不會道。被

不會縛。空中求鳥跡。水內覓魚蹤。

上堂。有問有答。日下挑燈。無問無答。兔頭截角。別資一路。萬里崖州。直下承當。且緩緩地。拈拄杖。畫一畫云。天傾東南。地傾西北。臨濟小厮兒。只具眼一隻。卓拄杖。喝一喝。

上堂。明月照高巖。懸水響前嶺。耳目一何清。冥然了心境。咄哉。觀世音。檐雪來填井。下座。

上堂。豎起拂子云。世尊拈華。達磨面壁。乃至後來。或行棒。行喝。或擎叉。舞笏。神頭鬼面。百種施呈。總向者裏出。擲下云。好事不如無。

上堂。魚以水爲命。鳥以樹爲家。伐却樹。鳥獲栖遲。竭却水。魚全性命。且道。既伐却樹。竭却水。因什麼。鳥反獲栖遲。魚反全性命。若向者裏。明得。許你有箇入處。若向者裏。明不得。也許你有箇入處。明得。明不得。則且置。只如莊周道。北冥有魚。其名曰鯢。化而爲鳥。其名曰鵬。正與麼時。喚作鵬。又是鯢。喚作鯢。又是鵬。且鯢之與鵬。還有分別也。無若謂有分別。本出一體。若謂無分別。又化作兩形。畢竟作麼生。評論擊拂子。竿。

頭絲線從君弄不犯清波意自殊

上堂祖師意無別法下地走穿却鞋上牀眠脫却襪只恁麼太誦訛不恁麼無合殺。瀉山水牛百丈野鴨帶水拖泥不足觀。腦後圓光最輝赫。喝一喝

上堂剛刀雖利不斬無罪之人。勁竹雖長難點天邊之月。臨濟三玄。戈甲洞山五位。君臣是甚。閑家潑具良久云。也是爲他閑事長無明

上堂風不來樹不動。心不生境不到。僧問雲門如何。是佛門云。乾屎橛。僧問楊岐如何。是佛岐云。三脚驢子弄蹄行。好大衆。向道是龍剛不信。果然奪得錦標歸

上堂舉黃龍心禪師與夏公立劇談肇論。論萬物爲自己情與無情共一體。時有狗子臥香卓下。龍拈壓尺擊狗子。又擊香卓云。狗子有情。卽去香卓無情。自住情與無情如何。得成一體。公立不能加對。龍云。纔涉思惟。便成剎法。何嘗會萬物爲自己哉。黃龍老漢傷慈不少。夏公立如入寶山空手而回。諸人要會萬物爲自己情與無情共一體麼。隨殺有情狗子碎却

無情香卓盡情收拾。將來與他一團束縛。拋向東大洋海自然洒洒落落。雖然更須知有頂門一竅。始得拈拄杖擊香臺云。阿刺刺。阿刺刺。登山脚膝酸。啜茶舌頭滑。十字街頭石敢當。對月臨風吹尺八

上堂朝看般若暮誦華嚴。一字何曾道著。坐斷千差。壁立萬仞。自己何曾會得。蛇無頭不行。虎有脚方走。達磨老臊胡。面皮三寸厚

上堂旭日照高巖。爛爛黃金色。普賢縮首藏身文殊奮大威力。諸人坐地看楊州山僧亦坐地看楊州牛角長三寸。兔角長八尺

上堂靈雲見桃華。香嚴聞擊竹。眼睛耳朶放大光明。照徹一切。只是不能自照。若能自照。卽非本光。上堂適來行者打鼓一下。下打著你。諸人心肝五臟還知疼痛麼。而今長老說黃道黑。一句句道著你屋裏七代先靈。還知慚愧麼。若也知得。可謂恩大難酬。若也未知。未免爲汝重下註脚。拈拄杖卓一卓。上堂禪和家道我無有。不知無有。不會忽有人問如何。是行脚事。便口如扁擔。病在於何。病在多。知多解

怎麼參學不如三家村裏種田。漢忽有人問。今歲稼穡如何。一一道出。如瓶瀉水。蓋其無知解。故無簡擇。故秋氣向寒。各自歸堂珍重。

上堂。舉金牛。每於齋時。自舁飯至僧堂前。作舞喚曰。菩薩子。喫飯來。師拈云。金牛露出醜。舉止殘羹餒飯。阿誰肯喫。

上堂。直指之宗。初無別法。只要當人了。却自己而已。後代兒孫。駕空說空。幻直作曲。所謂騎九書而爲鳥。虎三寫而成帝。靈巖不能爲人。只是箇喫飯屙屎。漢諸人不得妄生節目。

上堂。魯祖見僧。面壁俱胝。見僧豎指。有指示。無指示。雪峯覆却飯桶。甘贊禮拜。蒸籠是機。要非機。要纔涉。思惟打入陰界去也。便下座。

上堂。盡十方世界。是一口劍。且道柄。欄落在什麼人。手裏。縱然道得分明。我要問你。是殺人劍。活人劍。上堂。明機自味。息慮迷源。轉腦回頭。墮坑落壑。祖師云。至道無難。唯嫌揀擇。但莫憎愛。洞然明白。走殺多少。人坐殺多少人。

新斫法鼓。上堂。只與麼散去。已遲三刻。那更指東畫西。說黃道黑。明眼人咬牙有分。雖然有條攀條。無條攀。例不見鹽官。示衆云。虛空爲鼓。須彌爲椎。什麼人打得。掘地深埋。南泉云。王老師不打。者破鼓。是精識。精法眼。別云。王老師不打。班門弄斧。靈巖新斫法鼓。以木爲身。以皮爲面。要打便打。要歇便歇。且無許多勞攘。只是不得聞著。聞著則喪身失命。且誰是喪身命者。牀下爛蒲鞋。籬根秃荳蒂。

上堂。丁一卓二。爛泥有刺。放兩拋三。吉無不利。堂前鐵鋸舞三臺等閑。撲碎天靈蓋。

上堂。狂象難調。枯株易拉。隋珠非寶。魚目生光。咄咄咄。力。希誰將金彈子。換你糞毬兒。

上堂。大棒打虎。空虛空。痛不徹。黃面老瞿。墨腦門流出血。負屈要人知。四十九年說燈籠。爲證明。露柱成饒舌。阿呵呵。推倒門前大桡山。却從火裏撈明月。上堂。雀兒不向鷄子頭上。扇明眼人不從盲者問路。空華不能結果。陽焰不堪止渴。此四件事。是人知得。法如是。故世尊云。法本法無法。無法法亦法。今付無。

法時法法何曾法

謝國清清涼開元三藏主上堂向上一路千聖不傳
未曾踏著早隔大千清涼山裏萬菩薩拖犁拽耨方
廣寺中半千尊者撥供遷齋惟有開元石佛硬糾糾
地風吹不入水灑不著五千餘卷言言異一一龍宮
海藏來

上堂無今無古無臭無聲天上天下莫之與京蝦蟆
蚯蚓十相具足木雞芻狗唱道談經喝一喝猶較靈
巖半月程

上堂波騰鼎沸起必全真寂默無爲領歸空界截斷
兩頭光照熙地認賊爲子劫我家資拈拄杖畫一畫
三邊不用安戈甲萬里謠謠賀太平

上堂辭親割愛剃髮染衣入此門中合爲何事若也
知慚識愧是真出家一出俗塵恩愛家二出三界火
宅家三出蠱惑煩惱家四出細惑無明家出得四家
始稱衲僧家且如何是衲僧家撞著冤家惡口小家
上堂石女高歌時前過木人撫掌相酬和蚍蜉把住
大風輪百億須彌自掀簸

秀才道士相訪上堂豎起拂子云三教聖人總在拂
子頭上牽枝引蔓說妙談玄儒者曰吾道一以貫之
老者曰聖人抱一爲天下式佛者曰惟此一事實餘
二則非真既各說有來由未免稱強稱弱且作麼生
判斷使其聲和響順形直影端剖破人我藩籬塞却
無明窟穴擊拂子二由一有一亦莫守日午打三更
面南看北斗

上堂迷則總迷悟則總悟悟時悟迷迷時迷悟底
迷悟悟迷如水與水似火與火歷劫來來更非別物
上堂朝陞堂暮入室贏得鬧熱門庭有甚交涉德山
隔江招手高亭便乃橫趨麻谷携鋤入園良遂當下
休去

上堂截斷生死路高踞涅槃城敗軍之將豈足論功
須彌山上走馬大洋海底挑燈舉則易會則難
謝來蘇莊監收上堂山僧昨遣數員宿將征諸未服
既俟我來蘇一鼓而下直得風以時雨以時嘉穀登
庶民樂今當遣師振旅奏凱論功坐享太平之時玄
躬眞君忍俊不禁不覺手之舞之足之蹈之於一毫

端上揚聲而歌曰。台州仙高一伯紅蓮青江口。白鰲
殼來歸兮連子格。且道是什麼曲調。乃云。飯飽弄箸
冬至小參。海寺荒涼。巖巒攢拱。門外寒潮。浸月庭前。
古木號風。人人眼見。耳聞一一。超今邁古。戔玄機於
未兆。藏冥運於卽化。慈明揭榜堂前。鬼門貼卦。洞山
撥退果卓。欺陷平人。若非智眼洞明。盡作奇特話會。
所以道。參禪須透祖師關。學道要窮心路。絕心路不
絕祖關。不透未免受他寒暑。變遷生死籠罩。拈拄杖
云。此土西天十萬程。冬至寒食一百五。

復舉瀉山示衆云。仲冬嚴寒。年年事。暑運推移。事若
何。仰山進前叉手立。瀉云。我也知你答者話。不得却
問香嚴。你作麼生會。嚴云。某甲偏答得者話。乃叉手
進前立。瀉云。賴遇殺子。不會拈云。瀉山將引二子向
冰枯雪老之時。作一家。燕熊掌。馳峯下箸。獸餵管弦
鼙鼓聲微。雲霄遠近。觀瞻莫不歆豔。及乎分付家財。
依然却成吳越。擊拂子。當初只道芽長短。斫却元來
地不平。

上堂。心如工伎兒。意如和伎者。五識爲伴侶。妄想觀

衆伎大衆。還識得心也未。若識得心。便識得意。識得
意。便識得諸識。識得諸識。便識得妄想。妄想滅。則諸
識滅。諸識滅。則意滅。意滅。則心滅。心滅。則一切滅。所
以道。心生種種法生。心滅種種法滅。喝。一喝。山河大
地。日月星辰。有什麼過下座。

元旦上堂。新年頭。佛法觸處皆現成。懂懂賀歲。倒
雇相歡迎。笑指好天氣。風日猶和明。必定田稻熟。鼓
腹歌太平。大衆忽遇上上人來。又作麼生。祇待青原
酒。趙州茶。三杯兩盞醉臥煙霞。大底風流出富家。
元宵請後堂首座上堂。曠大劫來。燈一。碗照天照地。
幾人知。要看不盡。傳持處。兜率宮中夢覺時。

願藏主集衆禮梁皇。懺請陞座。金剛正體。猶若虛空。
在天同天。在地同地。出生萬有。囊括古今。燦石流金。
而不熱。折膠墮指。而不寒。高出蓋纏。迥超言義。向者
裏提持得去。領略得行。便見邨氏。即蛇身而證法身。
梁武了世智。而明眞智。現前若僧若俗。若男若女。若
幽若顯。若聖若凡。無罪可懺。罪若冰消。無福可修。福
同川至。無恩不報。無願不從。無果不滿。無行不圓。頭

頭攝入法法圓融。交光相羅。如寶綵網。天堂地獄。任性優游。火聚刀山。如意出沒。左之右之。無可不可。直得千祥駢集。萬善咸臻。麒麟出鳳凰。現干戈寢文德。修秋穀登庶民樂。雖然如是。且畢竟功歸何處。擊拂子。皇風常永。扇拂曰。鎮長明。

復說偈云。善哉大丈夫。其名曰善願。其願高且深。山海莫能喻。憫茲五濁世。衆生煩惱纏。罪垢積累久。非懺莫能滌。因憶梁世主。郗氏專內嬖。癡愛膠漆堅。死生常對面。由瞋墮蟒類。苦願求昇濟。乃知迷背覺。處處成住著。無心罪亦無。有心還有罪。禮彼諸聖師。爲啓無心懺。遺文日月懸。照映千載下。凡有遵修者。無不獲饒益。故於上元節。廣集清淨衆。對佛重宣揚。積罪如湯雪。重重華藏海。種種言辭海。廣說及略說。總說如是義。是義不可窮。功德亦無盡。普願諸有情。普弘懺悔力。

上堂。舉傳大士偈云。空手把鋤頭。揭諦揭諦。步行騎水牛。波羅揭諦。人從橋上過。波羅僧揭諦。橋流水不流。菩提薩摩訶下座。

上堂。舉僧問香林如何。是室內一椀燈。林云。三人證龜成鼈。拈云。三人證龜成鼈。一口各含一舌。當機不辯來風。喫水也須防咽。老香林能列聖真燈。照世都吹滅。喝一喝。

涅槃上堂。今朝二月十五。令人做盡腸肚。踈山手中木蛇。咬殺南山猛虎。翻身觸破虛空。好手應難修補。椎臂只合哭蒼天。發機須是千鈞弩。拍禪牀。

上堂。春日遲遲。春華灼灼。大事現前。常情不覺。若也覺去。回三毒爲三聚。淨戒回六識爲六神通。回煩惱爲菩提。回無明爲大智。若也不覺。且向生死海中。頭出頭沒。與麼說話。曲爲今時。汝等還覺。腦門重麼。上堂。怎麼來者。截斷脚跟。不恁麼來者。穿却鼻孔。恁麼不恁麼。則且置。昨夜文殊普賢起。佛見法見。各與二十棒。貶向二鐵圍山。是人知得。且道非非想。天今日有幾人退位。喝一喝。

上堂。心無自性。全物而彰。物無自體。全心而現。有時拈一莖草。作文六金身。有時將丈六金身。作一莖草。七出入沒。築著。磕著。明月堂前垂玉露。水精殿裏撒。

眞珠

上堂惟一堅密身。一切塵中現。拈拄杖。釋迦老子來也。三百六十骨節。八萬四千毫髮。一一放大光明。照徹恒沙國土。於其中間。若聖若凡。有情無情。被其光者。無不證大涅槃。獲大安樂。得大受用。靠拄杖。此時若不究根源。直待當來問彌勒。

春日示衆。巖寺春深。草樹肥。幾回特地啓柴扉。行人只在青山外。杜宇聲聲喚不歸。

上堂。猪肉按頭。喪車幙下。靈山一會。儼然未散。盤山無理。可伸智者。無妙可說。眼如木突。口似鼓椎。

佛誕日上堂。黃面老子。未出母胎已前。好箇大力量人。既出之後。口吧吧地。便見不堪。只如道天。上天下。惟我獨尊。開市裏。鷄碌碌。磚必定打著。爭奈無人承當。下座。

結夏小參。俊快底。掾起便行。似鴈提鳩。脚跟下。好與三十槽。懂底。三搭不同。如魚止瀨。腦門上。不銷一錐。古今天地。古今日月。古今人倫。好不增一毫醜。不減一毫。以大圓覺爲我。伽藍畫地爲牢。刑名斯著。身心。

安居平等性智。沉埋鬼窟。塵慮尤多。靈巖寺裏。明日結夏。今夜小參。亦不說妙談。立亦不設期。立限三條。緣下七尺單前。一任諸人橫眠倒臥。渴飲饑餐。管取心華發明。照十方刹。其或情存限量。墮在見聞。他時後日。有人索飯錢。在莫言不道。

復舉世尊在摩竭陀國說法。是時將白夏。乃謂阿難曰。諸大弟子。人天四衆。我常說法。不生敬仰。我今入因沙舊室中。夏坐九旬。忽有人來問法。汝代我說一切法。不生一切法。不滅言訖。掩室而坐。頌云。白夏時將至。垂慈勉進修。人天不敬仰。歲月自遷流。法法無生滅。頭頭有放收。九旬聊掩室。恩大實難酬。

結夏上堂。雲門云。今月十五入夏也。寒山子作麼生。靈巖道。今月十五入夏也。黑漆桶作麼生。旃檀叢林。旃檀圍繞。師子叢林。師子圍繞。衲僧鼻孔。大頭垂金剛腦後。三斤鐵。

上堂。空生大覺中。如海一漚發。有漏微塵國。皆依空所生。國土依空生。空依大覺生。大覺無所依。是謂光明藏。衆中忽有道。依文解義座。主家風東塔西兜時。

流趣向。納僧門下。未見作家。山僧聞與麼道。直得到頭禮拜。何也將謂猴白。更有猴黑。

啓建聖節。上堂拈拄杖。崇高不極。廣博無涯。是謂聖中之聖。天中之天。取三光以照臨。總萬寓而光宅。無思不服。有感必通。畫拄杖。壁開華嶽。連天秀放出。黃河徹底清。

上堂相逢不拈出。舉意便知有。颺下柴。月賣弄不少。罰錢出院力盡。烏江上有鯉魚。井底有蓬壘。千年桃核裏。覓甚舊時仁。

上堂大衆業不可爲。業不可避。不見道。假使百千劫所作業。不忘世尊有金鎗馬麥之報。迦葉有世世金色之報。只此二報。無起相。無滅相。如風吹水。自然成文。

滿散上堂。一年三百六十日。惟有此日最吉祥。黃河澄清。聖人出文經武緯。開明堂。聖人既出天下太平。無爲而治。不令而行。南北風塵俱蕩盡。熙熙萬姓歌黃唐。

上堂不用低頭思量。難得菩提煩惱熱。碗鳴聲。譬如

上堂作緣

煉鐵成器。入火則紅。出火則黑。鐵性如故。上堂圓明了知。不由心念。活活。鑼鑼。蓋地蓋天。去却七三。存一合眼。跳黃河。黃昏候日出。

端午上堂。五月五日。端午節。競渡江頭。歌管咽。納僧共啜菖蒲茶。無限馨香。生頰舌。百病消除。千妖殄滅。文殊令善財採藥。善財拈草度。與文殊石上栽華文殊接得示衆云。此藥亦能殺人。亦能活人。空中釘。檨顧視左右云。莫有與文殊善財作主底麼。喝一喝。

上堂舉教中道。凡夫實謂之有二乘。析謂之無圓覺。謂之幻有。菩薩當體即空。拈云。虎咬大蟲。蛇吞鼈鼻。上堂十五日以前。崖標嶽峙。十五日以後。電激雷奔。正當十五日。風不鳴條。雨不破塊。拈拄杖云。拄杖子。久默斯要不務速說。茲見人天普集。佛事興隆。剛要出來。露箇消息。爭奈落在靈巖手中。要橫不得。橫要豎不得。豎雖然執之失度。必入邪路。放之自然。體無去住。乃橫拄杖云。卽今橫也。三千大千世界。有情無情。莫不受他蓋覆。豎起云。卽今豎也。上極須彌頂。頭下極金輪水際。有情無情。莫不被他窒礙。提起云。卽

今不橫不豎也。憐迦羅眼觀不見大悲千手摸不著。千佛出與讚不。波旬聚族毀不得。大眾拄杖子具如是神通如是妙用。宜其出沒卷舒得大自在。適來因甚得與麼隈陁。而今得與麼光采不見道得之於心。伊蘭作旃檀之樹失之於旨。甘露乃莢藟之園。復卓一卓下座。

上堂。威音以前本無授受。釋迦以後遞相傳持。第瓶盤。釵釧爲一金。攪酥酪醍醐爲一味。臨濟和尚云。誰知吾正法眼藏。向者瞎驢邊滅却。只知開口易不覺舌頭長。

瑞龍夢堂和尚至上堂。大人具大見。大智得大用。黑漆竹筴掀翻海嶽。芭蕉拄杖敲打虚空。直得釋迦彌勒拱手。歸降文殊。普賢潛身無地。所以道殺人須是殺人刀。活人須是活人劍。有活人劍無殺人刀。一切活人死不得。有殺人刀無活人劍。一切死人活不得。活得死人死得活人。猶且墮在功勳埋沒宗旨。豈不見芙蓉和尚一日訪同參。實性大師性乃陞堂。以右手拈拄杖倚左邊。良久云。此事若非芙蓉師兄大難。

委悉便下座。實性與麼道。李向亦邊咬當茲季運。袒肩擔荷。亦手提持。不涉廉纖。斬釘截鐵。惟我瑞龍師兄一人也。勿謂土曠人稀。祕而不泄。惟願放開線道。曲徇時宜。使彼承言滯句者。澈證直指。單傳一段奇持大事。顧不遑歎。下座與首座大眾同伸拜。請冀爲敷揚。

上堂。佛佛授手。祖祖相傳。蒸沙不成飯。掘地難覓天。祖祖相傳。佛佛授手。鈍鳥逆風飛。蝦跳不出斗。跳得出萬事畢。跳不出甘受屈。赤脚波斯入大唐。一對眼睛烏律律。

禱雨上堂。甘雨愆期。田疇龜拆。衲僧鼻孔焦。熱生煙。拈拄杖云。拄杖子化爲龍。向南閭浮提行雨去也。山僧不可洗手奉功。未免助其神力。卓拄杖云。急急如律令敕。

禱雨有應。上堂。信心生一念。諸佛盡能知。拈拄杖云。諸佛在者裏。信心在什麼處。昨日焚香禱告。令朝驟雨傾盆。清涼熱惱。甦活枯苗。畫拄杖不是信心所感。不是諸佛降靈。若也會得。被我熱瞞。若也不會。長連。

牀上有粥有飯

上堂赤肉團上有一物。昭昭靈靈。恍恍惚惚。隨事變通了。無拘束。要知來處。分明不離學足下。足。今時叢林中兄弟。聞與麼道。便道說。老婆禪。殊不知雲無心而出。蚰水盈科而或流。遇高山而必止。至大海而方休。拍禪牀。

仲膚首座。允藏主。至上堂。風行草偃。水到渠成。正令既行。十方坐斷。睦州拶人。脚折雲門。颺下柴片。雖是逸格超宗。未免麻纏紙裏也。堪笑也。堪悲。烏石嶺頭。相見事。知音知後。更誰知。

解夏小參。達磨不來。東土二祖。不往。西天水長。船高泥多。佛大。翠巖一夏。與兄弟東語西話。唐喪光陰。靈巖只管九十日。爲一夏。驚護雪蠟人。冰鐵彈子者。一火絡索。總拈來。拋向背後。日不待火。而熱。月不待風。而涼。三家村裏。臭老婆。全無伎倆。十字階頭。醉翁子。太殺風流。目機銖兩底。有甚數粘牙。綴齒底。有甚數解夏。上堂。舉德山遠和尙。夏滿上堂。僧問。九旬禁足。今已滿。自恣之儀事。若何。德山云。胡蝶趁。蛺蝶九步。

作一歌。僧云。未審意旨如何。德山以頌示之云。兩箇兒童。昇木鼓。左邊打了右邊舞。剎那變現百千般。分明示君君記取。拈云。答也。答了。頌也。頌了。爭奈者僧未肯點首。在靈巖路。見不平。要與德山相見。自恣在今朝。有華當面貼一句。定請訛。胡蝶趁。蛺蝶飛。無處尋。空中打坐。海底穿針。鶻拈拄杖。顧視左右云。衆中莫有因齋慶。讀者麼。卓拄杖。休將閑學解。埋沒祖師心。

上堂。不用參禪學道。不用寂默。無爲。不用因邪打正。不用分別。是非。任運騰騰。無繩自縛。現成受用。緣木求魚。饒伊別有神。僊術難避。靈巖腦後。錐。

請監收上堂。兼謝天童藏主。以字不成。八字不是。玲瓏巖頂。白浪滔天。萬工塘中。蓬塵漲起。分毫上定。當升合裏。論量收得。來放得去。隨緣剔脫。觸處放光。可以起臨濟正宗。可以滅正法眼藏。雖然。若是箇中人。聞與麼道。直須洗耳。有分。且誰是箇中人。面如滿月。目如蓮天。上人間。咸恭敬。中秋謝侍者上堂。一痕未吐。千聖罔測。其由三五正。

圓萬像莫逃其質。長沙與仰山一踏南泉拂袖便行。諸人還會麼。犀牛扇子無頭角。拈起清風。徧大千。上堂。舉真淨和尚示衆云。今朝九月一夜來霜氣寒。當知門外路。一一透長安。喝。拈云。老真淨向淨潔地上撒屎撒溺。當時一衆什麼處去也。山僧敢將狗尾要續其貂。今朝九月一山風吹面寒。知音千里外。白鴈報平安。是則是。未見作家不見道。善言言者。言所不能言。善跡跡者。跡所不能跡。喝。一喝。纔有是非。紛然失心。

上堂。情塵易遣。理障難除。十二時中。放教虛豁豁地。不取一法。不捨一法。情塵不遣而自遣。理障不除而自除。饑則喫飯。寒則添衣。又不可違時失候。祖忌拈香。破六宗之邪見。傳上乘之妙法。日鑿一竅。七日而混沌死。插香云。無人知此意。令我憶南泉。上堂。形與未質。名起未名。三乘十二分教。是游說生活。十聖三賢。是去國羈人。且到家一句。作麼生。道石女畫娥眉。

請首座上堂。開鑿人天眼目。挽回上古風規。坐斷情

塵。意想不落玄妙機關。斬新日月。特地乾坤。須是其人堪任其事。靈樹盧第一座。而待雲門。蓋爲此也。拍禪牀。莫怪渠。農多意氣。他家曾踏上頭關。上堂。舉僧問長沙云。如何轉得山河國土。歸自己去。沙云。如何轉得自己。成山河國土。去。僧云。不會。沙云。湖南城裏好養民。米賤柴多足四隣。僧無語。沙有頌云。誰問山河轉。山河轉向誰。圓通無兩畔。法性本無歸。拈云。名僧猶一擔。瞿瞿換得一擔。漚沍。雖然。不因夜來鴈。爭見海門秋。

與沙彌落髮。世尊在雪山。以金刀自剪。不顯如來頂相。汝既不能。吾爲汝剃落。前聖後聖。其揆一也。付衣提起云。此衣豎窮三際。橫亘十方。從上老宿。莫不披之。提持正印。宜善護持。令法久住。至節小參。古佛心。只于今明月。照幽谷。寒濤助夜砧。先德與麼吐露。可謂千鈞之弩。要待勦敵。發機萬斛之舟。不爲坳堂。枵設若是滄溟上。客闌外將軍振轉船頭。踏翻射垛。自然中的。於機先豈用瞻風於五兩。所以道。譬如師子王。哮吼師子兒。聞之皆增勇健。不

見洞山問興平云。如何是古佛心。興平云。汝心便是。洞山云。雖然如是。猶是某甲疑處。興平云。恁麼即問取木人去。大衆者些子見不破。踏不著。饒伊辯如滿。慈智如驚子。未免癡狂。外邊走今夜正當群陰剝盡。一陽來復之時。聊與諸人聚話片時。敢問諸人。且洞山與麼問興平。與麼答。莫是將錯就錯。借路經過麼。莫是真實相爲。爭踢相赴麼。如斯品論。鄭州出曹門。只如興平末後云。恁麼即問取木人去。此一轉語。太殺慈悲。多少人向者裏錯。會有能於此撥開胸襟。伸得口氣。何止醍醐灌頂。苟或未然。陋巷不騎金色馬。回來却著破襴衫。

上堂。若以語言名狀心。終不得心。不以語言名狀心。亦不得心。去此二途。如何湊泊。驢唇先生開口笑。阿脩羅王打踣跳。海神失却夜明珠。孽破毗盧穿七竅。成道上堂一明一切明。一了一切了。豁開總持門。諸法不相到。六年冷坐。舌上生芽。夜觀明星。眼中添翳。以手拍禪牀。左邊云。釋迦老子。過者邊著。就中若有識機宜。別休咎底。必然別有生涯下座。

上堂。舉僧問古德。如何是冬來事。德云。京師出大黃。拈云。會醫還少病。知分不多愁。

除夜小參。靈山會上。少室巖前的。的相傳。將錯就錯。德山小參。不答話。鉤頭有餌。趙州小參。要答話。秤尾無星。七十三八十四。築著磕著。礙塞殺人。看看今夜。是年窮箇箇明朝添一歲。靈不在已。聖不慕他。檢點將來。是不是。

洪祐和尚送歸源法衣至上堂。拈衣示衆云。者箇是先歸源。向異類中遺下皮可漏子。日炙風吹而不壞。刀斫鋸解而不開。業力既重。累及不肖子。亦入其羣隊去也。披云。且道是驢是馬。遂陞座問答。不錄。乃云。夫爲宗師者。垂一機。示一境。如青天霹靂。不容掩耳。如十日並照。無幽不燭。如大爐鞴煅煉頑鈍。如大醫王療種種病。如大舟航運載一切。有如是奇特。如是作略。然後方可據法空座。傳持大法。爲人抽釘拔楔。解粘去縛。明頭合暗頭。合據虎頭。收虎尾。若也向上論去。尙恐埋沒宗風。恥他先作那更婆婆。和和渙渙。恁恁撒土拋沙。瞎學者眼。豈堪稱譽。天台那畔。石佛。

山前有大智人把斷要津不通水泄提破沙盆索起
遼天重價用黑豆法換盡大地人眼睛掀翻舊日條
章裂破今時窠臼直得德山臨濟吞聲歎氣竺乾震
旦遍絕行踪灼然不落聖凡實謂大功不宰諸人還
知落處麼經天緯地無多子扶樹單傳只一人

復舉阿難問迦葉世尊傳金襴外別傳何法迦葉召
阿難阿難應諾迦葉云倒却門前刹竿著拈云世尊
做盡生涯責在後來承紹阿難太殺奢華迦葉亦成
落魄靈巖今日承鴻祐木庵師兄持先師竺元和尚
法衣到來但知頂受一語不敢問著何故不經一事
不長一智

元宵上堂天上月圓人間燈晃曠劫來事不隔纖塵
有佛處不得住無佛處急走過

上堂兼謝維那侍者金槌一擊電掣馳紙襖潛書
珠回玉轉東頭賣貴西頭賣賤拈得鼻孔打失眼睛
拈拄杖出頭天外看誰是我般人

退院上堂靈巖作主僅三年說法匡宗愧昔賢今日
盡情都放下話頭不舉自完全大丈夫漢終不向淨

絮地上坐殺蓋其自有透脫一路所以道去來不以
像動靜不以心塵塵普入刹刹全彰正與麼時且隨
歧一句作麼生道攜取詩書歸舊隱野華啼鳥一般
春

恕中和尚語錄卷第一

恕中和尚語錄卷第二

處州府南明禪寺住持嗣法比丘道瑄等編

住黃巖瑞巖淨土禪寺語錄

山門盡大地是解脫門把手拽不入雪峯與麼道瑞
巖不與麼道喝一喝

佛殿佛是家裏人直下會得玄沙道底

土地堂虛靈寂照固不在言飯籬邊漆桶裏有一句

子還知麼蘇嚧蘇嚧

祖堂心心相同眼眼相矚一等陳年爛葛藤六六依

然三十六

據室我者裏一切只是尋常你若來弄機關誇敏手

向毒蛇頭上搭。饕餮虎頭下解鈴。拄杖子未打你在何故。有盤根錯節。方可施利器。有银山鐵壁。方可展鉗鎚。

拈明州三宗諸山疏祖意教意。是同是別。風清三佛地。月朗四明山。

法座平地上。險崖孤峻處。平易是古今。尋常用底。今日終不向者裏依。摸脫擊。瞞汝諸人。雖然見之。不取千載難忘。且坐斷毗盧頂。頭一句作麼生。道衆無語。乃云。泊合放過。便登座。

祝聖罷。次拈香。云。此香已是第二回拈出。熟向爐中。烘養我。前往崑山薦巖禪寺。晚年歸老紫羅峯頭。西方廣院。坐元大和尚。用酬法乳之恩。然冤家債主。自有來由。今日幸對人天衆前。不妨重爲洗雪。一上山僧昔年在彼山中。咨參者箇老和尚。爲看狗子無佛性。話不破。特去請益纔開口。被他一喝。直得通身汗下。因進呈一頌。云。狗子佛性無春色。滿皇都。趙州東院裏。壁上掛葫蘆。乃發笑曰。恁麼會又爭得。可謂前箭猶輕。後箭深插。香云。縱有伯牙琴。應難寫心曲。遂

歛衣就座。廣孝和尚白。趙云。法筵龍象衆當觀第一義師垂語。云。諸佛出世。是第二頭。祖師西來。是第三首。饒你向戴音那畔。別立生涯。百草頭邊。全明殺活。布袋裏老鴛子。未知有出身一路。在作麼生。是出身一路。是時無人出問。師乃云。今日無人出問。話不是冷落門。正是光顯門。達何也。若論此事實。不在語言上。若在語言上。釋迦世尊四十九年說一大藏之乎者。也。豈是無言耶。因基末後。向靈山百萬衆前。單拈起一枝華。惟迦葉一人打頭知尾。驀爾破顏微笑。既是物直貨當。便云。吾有正法眼藏。分付摩訶大迦葉。由此遞相傳授。而至于今。當時豈有攢華簇錦。辯舌利辭。問一句來。答一句去。湊得團圓。契合得好。然後始相付囑。惜乎者。老漢前車既覆。後車改轍。爭奈依然口裏水。漉漉地。諸德若要紹續此箇門風。不用廣求文義。不用息念。歸空。但向世尊未拈華處。迦葉未微笑處。一領領取。如白衣拜相。如平地登仙。不涉階梯。掀翻途轍。巍巍自在。穩坐家堂。五欲八風。窺覷無門。四生九有。籠罩不住。便見無恩不報。無德不酬。亦

見山僧遠離四明波波挈挈而至於此踞曲承牀拋沙撒土不爲分外拈拄杖有擒有縱有卷有舒祝融峯頂上露滴萬年松

復舉黃檗和尚示衆云自達磨大師到中國惟說一心惟傳一法以佛傳佛不說餘佛以法傳法不說餘法法卽不可說之法佛卽不可取之佛乃是本原清淨心也拈云黃檗將達磨大師鼻孔出氣將謂無人檢點山僧不是却他威光祇要家平戶貼未免重爲頌出本原清淨心是甚緊關祇傳既不可傳說亦不可說黃檗舌頭長達磨齒門關打刀須是郴州鐵小多垂語云德山小多不答話識法者懼之州小多要答話賣弄風流瑞巖不作者般去就有問卽答無問卽休莫有問話者麼僧出問云用則波騰海沸全眞體以運行體則鏡淨水沉舉隨緣而會寂者箇是用不離體體不離用作麼生是體用雙忘一句師云胡孫喫毛蟲僧云窮諸玄辯若一毫置於太虛傑世樞機似一滴投於巨壑者箇是久客還家暫忘歧路作麼生是天然受用一句師云騎馬踏踏不如步行

僧云豁開戶牖無邊剎境自他不隔於毫端瞥轉一機十世古今始終不離於當念者箇是捏定死蛇頭徹底無轉智作麼生是蓋天蓋地一句師云虛空無向背日月自循環僧云莫言少室兒孫少自有甘心斷臂人師云家無白澤之圖必無如是妖怪僧云畢竟水須朝海去到頭雲定覓山歸師云七棒對十三僧禮拜師乃云瑞巖山中阿練若堂殿玲瓏絕點塵昔日暫游今載到到來只是舊時人既是舊時人且說舊時話山川秀發龍象駢填入境宛然如昔風光不減當時顯揚少室微猷揭示靈山奧旨無絲毫同相無絲毫異相全體是箇金剛正體全體是箇大解脫門全體是箇華藏世界海是以從上老宿競出頭來激揚聲緒只要各各當人明自本心見自本性高聳人天壁立萬仞睦州和尚云汝等諸人還得箇入頭處也未若未得箇入頭須得箇入頭若得箇入頭不得孤負老僧玄沙和尚云我若舉揚宗教法堂前草深一丈二大老一人牢關把斷水泄不通一人入草求人拖泥帶水正眼觀來總是無風起浪浪殊不知

者條通天活路。千聖共行。萬靈同轍。不離真際。建一切法。不壞假名。而說實相。拈拄杖者。箇是假名。那箇是實相。卓拄杖。實相假名。一擊百雜碎了也。咄咄咄。力口稀。驢前馬後。莫亂針錐。南泉偏要斬猫兒。

復舉。當山開山。空照祖師。嘗於室中。自呼應云。主人。翁諾。惺惺著。他時後日。莫受人瞞。諾諾。師拈云。祖師弄者。一解可謂超今邁古。然只作得箇看家兒子。山僧向者裏著。一隻眼。非獨紹續箕裘。直要衝樓跨竈。會麼。電光莫及。石火難追。兔徑非大象之所游。雞栗豈鳳凰之陷啄。喝一喝。

請西序上堂。如來藏中。不留一法。衲僧門下。豈有多端。靈樹和尚云。我首座生也。我首座行脚也。一字不著。畫會麼。不見道。客來無茶。點薑湯備禮儀。

上堂。僧問云。如何是瑞巖境。師云。風吹不入。僧云。如何是境中人。師云。水洒不著。僧云。入境已蒙師指示。向上宗乘事。若何。師云。真不掩偽。僧云。諸法寂滅相。因甚。舟行岸移。雲駛月運。師云。好箇消息。只恐錯會。僧云。兩重公案。按師云。海水不生。冰師乃云。趙州云。東。

司頭不可與汝說佛法。自屎不知臭。雲門云。佛法太殺。有只是舌頭短。有多少。龍牙問德山云。遠聞德山一句佛法。及手到來。未曾見和尙說一句佛法。山云。嫌什麼。鋸解秤鎚。山僧亦有佛法。向上一機。今日明。明拈出。布施大衆。遂展開兩手云了。

上堂。僧問云。如何是最初一機。師云。蝦蟆趕鷄子。僧云。如何是末後一句。師云。老鼠弄胡孫。僧云。恁麼則。七出入沒去也。師云。且莫詐明。頭僧云。人無遠慮。必有近憂。師云。晨朝有粥。齋時有飯。憂箇什麼。僧云。竹影掃塔。塵不動。月穿波底。水無痕。師云。二年同一春。僧提起坐具云。謝師答話。師云。口是禍門。僧禮拜。師乃云。瑞巖無可供養。諸人只有一碗山田脫粟飯。任你麤食細嚼。飽足還休。中間有一粒砂子。因甚咬不著。就中忽有出云。某甲咬著。即向道。急須吐却。

涅槃上堂。古者道涅槃。心易曉。差別智難明。與麼說話。勞而無功。世尊涅槃會上。以手摩肩告衆云。汝等善觀吾紫磨金色之軀。今日則有明日。則無。瞻仰取足。毋令後悔。有甚差別。耶。雲門大師拈起扇子云。扇。

子。踴跳上三十三天。築著帝釋鼻。孔東海鯉魚打一棒。雨似盆傾。有甚差別。耶。以拂子畫一畫。云。人貧智短。馬瘦毛長。須知遠煙浪。別有好思量。

上堂。山僧入院以來。已過了兩箇月。如一刹那。頃於其中。間覓一刹那之相。了不可得。所以道。白鼠推遷。銀臺不變。汝諸人。十二時中。作麼生行履。山斷疑無路。溪迴別有村。

上堂。欲得與麼事。須是與麼人。既是與麼人。不愁與麼事。拈起犀牛扇子。擲出栗棘金圈。闍錫。祖宗風。開鑿人天眼目。只如城東老姥。與佛同生。不願見佛。又作麼生。擊拂子。珊瑚枕上兩行淚。半是思君半恨君。

啓建上堂。心王不妄動。六國一時通。罷拈三尺劍。休弄一張弓。正恁麼時。直得黃河清。澈白日流輝。金輪卸而玉燭調。麒麟出而鳳凰現。普天之下。用至道而不知懷生之倫。荷大造而無謝且林下道人如何祝讚。豈拂子只將者箇真消息。仰祝吾皇億萬年。

空照忌拈香。未見巖頭口似磑。盆既見巖頭。眼如木突。本然理柱地。撐天何勞置。問主人翁呼來喚去。猶欠惺惺。插香云。相逢不下馬。各自奔前程。

散忌上堂。法不孤起。仗境方生。今日是開山空照祖師入般涅槃之辰。山僧將不可說不可說。恒河沙世界。作一筵。席百億須彌山。作一碗飯。百億香水海。作一碗羹。聊陳供養。正與麼時。且將此筵席。向什麼處鋪設。若向世界上鋪設。既此世界已成筵。席豈世界外。別有世界耶。若向虛空中鋪設。虛空無實相。又作麼生鋪設。若一向與麼休去。又是顛倒。佛性。體。何真如。衆中莫有出來措置者麼。如無老僧自出手去也。豈拂子。恒河沙世界。百億須彌山。百億香水海。華簇簇。錦簇簇。總向拂子頭上鋪設。不寬不隘。無欠無餘。大衆且道。空照祖師還肯受此供養也。無受與不受。卽且置。你道他卽今在什麼處安身立命。擊拂子。家家門前。赫日月。太平不用將軍威。

上堂。舉魯祖。凡見僧來。便面壁而坐。拈云。諸方多作奇特解會。殊不知者箇老和尚。被人以無文印印破。

面門至今不欲呈露。還有不動舌頭與他雪屈者麼。
良久只有照壁月且無吹葉風。

上堂一念未生以前。切忌守住者裏。有底道水向石
邊流出。冷風從華裏過來。香有棒不打者。漢乃云。秋
月照高堂。草根鳴絡緯。若非鍾子期。休問琴中趣。
上堂諸上座。有色有明。有心有眼。空却心了却色眼。
無所見。明無所受。顛倒想滅。出生入死。如火燒冰。
上堂視之不見。名曰夷。森羅萬象。甚處消遣。聽之不
聞。名曰希。鐘魚鼓板。衆聲錯然。搏之不得。名曰微。著
衣喫飯。承誰恩力。拈拄杖云。李伯陽騎牛入你諸人
眼睛裏去也。

上堂學青峯。因齋次問北院云。先師道信手拈來草
師兄。作麼生會。北院拈起一隻箸。峯云。與麼會。何曾
夢見先師。北院云。汝與麼會。何曾夢見先師。師拈云。
一得一失。有人辯得。未必善。因而招惡果。

四月八上堂。明珠在掌。隨衆色以分輝。寶月當空。逐
千江而現影。拈拄杖釋迦老子生也。九龍吐水。沐金
軀。地湧金蓮。雙足眼有瞳人底。謂我誑嚇閻闍皮。

下無血底。謂我將蝦釣蟹。卓拄杖。觀音買胡餅笑倒。
金剛神。

結夏小參。圓覺伽藍。人人具足。在天同天。在地同地。
自是諸人用力太過。不能構得。故勞釋天調御。曲開
方便之門。立期立限。如逼生蛇。化龍要汝親證。親悟。
龐居士云。十方同聚會。箇箇學無爲。此是選佛場。心
空及第歸。好大衆。箭不虛發。發必中的。言不虛發。發
必全真。針眼魚吞却。嘉州大象。卽不問。且可大師於
三拜處。得髓還端的也。無拍禪牀。一年春已盡。臺榭
綠陰多。

復舉僧問長慶云。長期進道。西天以蠟人爲驗。未審
此間以何爲驗。慶云。鐵彈子。僧云。意旨如何。慶云。大
底大小底。小師拈云。長慶與麼答話。也是貪觀雲裏
鷹。失却渡頭船。我此一衆箇箇自謂。握靈蛇之珠。抱
荆山之璞。且山僧如此批判。還有不甘者麼。良久。懷
心湊泊。終難會達者。應須暗裏驚。

次日上堂。僧問云。道藉言傳。傳由文字。非文字不足
記。言非言。焉能顯道。和尚爲什麼戒人不要看讀文。

字師云咬人屎。概是甚好。狗僧云。恁麼則五千四十餘卷。皆成刺語。師云。我亦不知。僧云。和尚既不知。爲什麼戒人不要看讀文字。師云。一度被蛇傷。怕見斷貫索。師復舉開山彥禪師到來。山山問云。何處來。師云。臥龍山。云。來時龍還起也。未師近前。以目顧視。山云。灸瘡癰上。更著艾。焦師云。和尚又何苦如此。山休去。師拈云。二尊宿一挨一撈。如善舞太阿。不傷其手。然也有到處。也有不到處。

上堂。未有無心境。曾無無境心。心境兩俱忘。未是到家句。東弗于逮打鼓。西瞿耶尼說禪。且道是什麼人分上事。狗舐熱油鎚。

上堂。舉保福在病。問僧云。我與你相識年深。有何名方妙藥。相救僧云。藥方甚有。聞說和尚不解。忌口。師拈云。者僧也不易得爭奈。保福心且未甘。當時只好輕輕道和。尙病得幾時。看他出什麼語。但云不堪發藥。豈不籠罩古今。

端午上堂。龍牙和尚云。學道先須有悟由。還如會翻快龍舟。雖然舊閣閑田地。一度贏來方始休。大小龍。

牙見地不脫坐在者裏。山僧不惜眉毛。爲他撥開一路。便見功超一切。道絕名言。乃云。迷悟從來總自由。要須平地上行舟。乾坤體備無今古。千載清風卒未休。就中忽有出來道。瑞巖也是釘椿搖櫓。阿呵呵。將謂無人便下座。

上堂。今朝十五打動法鼓。露柱出班。長老醒座下座。顧侍者云。適來說什麼。侍者無語。乃云。一字入公門。九牛拽不出。

上堂。食輪不轉多時。甑倒厨空。竈冷侍者來覆上堂。令我千思萬想。正茲忍饑不暇。寧暇拋三放兩。復忙披起七條膝上橫。按拄杖驅使文殊普賢。檢點森羅萬象。喚作向上提持。大似隔靴抓癢。下座。

上堂。一句截流。萬機寢息。兩不成雙。單不成隻。拈拄杖卓一卓。鐵壁鐵壁。

上堂。朕兆未分以前。好箇消息。朕兆既分以後。消息全無。一塵入正。受諸塵三昧起。急水上打毬子。

上堂。相逢不拈出。舉意便知有。打失雙眼睛。留得一張口。孤峯頂上。呵佛罵祖。簸盞頂門。十二街頭。掣風。

掣顯符懸肘。後長沙虎子。湖狗拈起。臘辣藜好與劈脊樓。

病眼上堂。山僧數日來。病眼暗昏昏。地直得東西不辯。南北不分。然於不分不辯處。却有箇分曉。僧問。九峯如何。是把定乾坤。眼折筋攪。龍門峯云。把定在裏許。乞兒弄飯碗。僧云。乾坤眼何在。再犯不容。峯云。正是乾坤眼。賣賤賣僧云。還照燭也。無有甚矢。照燭峯云。不借三光勢。舌頭拖地。僧云。既不借三光勢。憑何照燭。喚作乾坤眼。狗咬枯骨頭。峯云。若不恁麼。觸骸前見鬼。正是見鬼說話。九峯長吹緩打。自謂手段高。強爭奈者。僧久經行戶。酬唱無虧。若是把定乾坤眼。總未見得。今日不是攬行奪市。盡爲病多諸藥性。要識把定乾坤眼麼。卓拄杖。曙色未分。人盡望及乎。天曉也尋常。

示衆。瑞巖有一機。極小彌宇宙。不居威音前。不落樓至後。晨起值天昏。夜眠逢日晝。塲子壽千春。白首纔出幼參。

上堂。簷外連宵雨。聲聲盡屬伊。分明重指注。何事更

狐疑

謝明慶。瑩中和尙。惠竹拂上堂。拈起示衆云。凌雲勁節。傲雪孤標。結根於曠劫之先。孕質於三乘之外。一刀兩段。不假思惟。信手拈來。神號鬼泣。非墨尾之能齊。豈龜毛之可比。擊處而雷轟。蟄戶豎時而劍倚。長空馬師束手。歸降百丈。望風歛衽。有如是之妙用。有如是之神通。汝諸人還知來處麼。若也未知。問取明慶和尙。擊禪牀下座。

青苗上堂。依經解義。三世佛冤。離經一字。卽同魔說。山中連日集衆看經。用保禾苗。但見白底是紙。黑底是字。既不離經自立。亦不依經解義。且道是佛說是魔說。喝一喝。

上堂。僧問。如何是函蓋乾坤句。師云。猛虎口裏活活兒。僧云。如何是截斷衆流句。師云。金剛手中入稜棒。僧云。如何是隨波逐浪句。師云。李白捉月。張翥乘槎。師乃云。眼見如盲口說如啞。三界獨尊。天上天下。收得來。放得去。生鐵槌。被蟲蛀。有利無利。不離行市。三更月下。唱巴歌。無端驚起梵王睡。

上堂拈拄杖云。者箇是德山。棒卓拄杖云。者箇是臨濟。喝是汝諸人。切忌將錯就錯。豈不見玄沙和尚云。直似秋潭月影。靜夜鐘聲。隨扣擊。以無虧觸波瀾。而不散。猶是生死岸頭事。有底聞與麼道。便解東邊思量。西邊計較。別要討箇出身路。殊不知牛欄馬廐。圓覺伽藍。火聚刀山。清涼境界。瑞巖到者裏。巧盡拙出。只得趁風倒柁。逐浪隨波。雖然。不是知音者。徒勞話歲寒。

上堂。今朝七月一。屋角秋風動。無上解脫門。豁達無遮。擁東來西來。南來北來。明窓下。如法安排。是佛是祖。是聖是凡。手面上。等與一送。有主有賓。全體全用。徹骨風流。十八不共。三千刹海。夜沉沉。妙高山色。自孤聳。

解夏小參。安居制滿。一念萬年。布袋頭開。百了千當。天南地北。無非圓覺。妙場溪東。溪西總是國王水草。與麼與麼。鋤得片畚種得。籊栗不與麼。不與麼。日中一食。夜後一寢。與麼不與麼。不與麼。却與麼。拈出倚天長劍。截斷露布葛藤。直得上無攀。仰下絕已躬常。

光現前壁立萬仞。正與麼時。是汝諸人。還知者箇消息麼。若也未知。未免向淨潔地上。拋沙撒土去也。世尊初生下時。一手指天。一手指地。周行七步。目顧四方。乃云。天上天下。惟吾獨尊。豈不是者箇消息。西天四七。東土二三。或行棒。或行喝。或堂前。或室中。安水。豈不是者箇消息。自餘麻三斤。乾屎橛。庭前栢樹子。後園驢喫草。趙州勘婆話。百丈野鴨話。雖則三頭兩面。萬別千差。豈不總是者箇消息。如斯理論。俯徇機宜。明眼人前。是甚寐語。不見道。向上一路。千聖不傳。學者勞形。如猿捉影。鷲拈拄杖。卓一卓云。百雜碎。沒窠臼。拈得鼻孔。失却口。儼欲將身。北斗藏。應須合掌。南辰後。復說偈云。夏罷。抽單。何處去。勸君權息。此時心。諸方爐。鑪如灰。冷少室。門庭似海深。若要悟明超佛祖。莫將知解當。習。懔懔。石畔堪行。樂共聽松風。演正音。

上堂。夏有解結法。無定相。有無之義。空裏溫華。南天台。北五臺。在諸人脚跟底。踏著踏不著。置而不說。前程忽有問。何處來。切不得道。瑞巖來教他。疑三十年。

上堂宗乘一唱三藏絕詮。祖令全提。乾坤失色。如王寶劍。凜凜神威。優欲衝前。橫屍露骨。一向與麼。道絕人荒。密室商量。轉無交涉。拈拄杖。昨夜西風。枕簟秋無限。蟬聲噪高樹。

上堂萬里無雲。青天猶在。千波競起。水量無虧。動靜難該。明暗罔措。你衲僧家。獨行獨立。早是擔夯太重。更若他爲如蛾赴火。

師問僧云。昨日晴。今日雨。如何是一體真。如僧云。和尚問誰師。云。卽今問上座。僧云。適來却會。而今却不。會師打兩掌。云。且道是賞伊。是罰伊。

上堂諸佛法印。歷歷現前。從上以來。莫不以此印而爲佛事。諸人語時。語現。默時。默現。乃至一切時。一切處。無不現當。其現時。且非大非小。非青非黃。量度他不得。描貌他不得。畢竟作麼生。趣向不見古人云。聲前領旨。猶迷顧鑒之端。句後精通。尙味識情之表。大家究竟取光顯此宗。

上堂黃檗坐南泉鉢位。利動人心。仰山夢昇兜率天宮。說法開眼。作夜克賓法戰不勝。暫時失采。雪竇對

賓客談論。韓大伯冷地發笑。年年衰鬼弄人。今日承諸名勝下訪。聊舉四則。因緣用相。暖熱莫怪。空疎下座。上堂秋風涼。秋夜長。黃華繁。林藪蟋蟀啼。壞墻情與無情。一筆勾下。西來祖意正好商量。手提殺活金剛。劍直踏毗盧頂上行。

請侍者上堂。趙州與文遠鬪劣不鬪勝。老大不識羞。相席還打令。致使明眼人無由辯邪正。邪正既不辯。轉轉成毛病。瑞巖百不能愛用。無星秤。稱起太虛空。錙銖無欠剩。以此爲瑞爲祥。以此爲坑爲窞。斷衲僧之咽喉。續佛祖之慧命。

上堂古人道。諸佛一向淨用。故名諸佛。衆生一向染用。故名衆生。大衆熱則普天普地熱。寒則普天普地寒。彼彼丈夫。莫受人瞞。

上堂僧問云。維摩丈室。不以日月爲明。和尚丈室。以何爲明。師云。物見主眼。卓豎僧云。摩竭掩室。毗耶杜詞。相去多少。師云。一坑埋却。僧云。德山入門。便棒臨濟。入門便喝。畢竟明什麼邊事。師云。塞北千人帳。江南萬斛船。師乃云。黃金鑄就鐵。崑崙推出人前駭見。

聞四七二三驚吐舌埋頭東走向西奔

上堂坐深井者不知太虛之寬廣忘偏見者方明至理之圓融與麼說話譬如以大地作射垛挽弓所向無不中的衆中忽有出來道如斯舉唱今古罕聞山僧喚侍者點一碗茶供養他更有出來道如斯舉唱未稱全提亦喚侍者點一碗茶供養他且道還有爲人處也無雪壓難摧澗底松風吹不動天邊月

上堂大智非明真空絕跡三世諸佛只言自知六代祖師全提不起今日抑不得已向諸人面前說東道西大似巡官犯夜卓拄杖神龍一舉透無邊鐵鱗猶向泥中躍

上堂古人吐露一言半句要控諸人得箇入處瑞巖不以一言半句爲事也要控諸人得箇入處古人說而不說瑞巖不說而說且道是一合相非一合相開爐上堂楊岐和尚示衆云薄福住楊岐年來氣力疎寒風凋敗葉猶喜故人歸囉囉哩拈起死柴頭且向無煙火山僧雖忝末裔要且不同同慶薄福住觀峯多嘖還少喜此日話開爐火種無些子報諸人休

優議大家收足上蒲團今歲立春在年裏

祖忌拈香云吾本來茲土傳法救迷情一華開五葉結果自然成舉香召云大家速磨大師面目現在巍巍堂堂離一切見

上堂當言不避截舌當爐不避火迸便請全身擔荷何必再三勞讓巢和風穴知雨兩箇石人相耳語百丈拂得鼻頭穿野鴨成羣自飛去喝一喝

多福秋江和尚至并侍者進退上堂通宗通途挾帶挾路一句全提萬機頓赴僧問多福如何是多福一叢竹福云一莖兩莖斜僧云學人不會福云三莖四莖曲奇怪諸禪德是牛鼻勒芒繩是馬口嚼生鐵提妙明之心印用格外之生機還他多福始得且者僧與麼問還有孤負處麼金鷄啼向玉闌干一聲直透須彌頂

冬節小參始見重陽又逢冬至大法本無變遷寒暑自成來去是以山僧自到此山首尾將及二載運水搬柴迎賓送客與諸人同一眼見同一耳聞同一心思意思想同一鼻嗅舌嘗山僧移易諸人一絲毫不得

諸人移易山僧一絲毫不得。所以道是法平等。無有高下。又有道具足。凡夫法。凡夫不知具足。聖人法。聖人不會。聖人若會。卽同凡夫。凡夫若知。卽同聖人。與麼說話。大似掩耳偷鈴。今夜打動法鼓。集衆小參。不說同法。不說異法。不說不同。不異法。若是皮下有血。底向者裏翻身。一擲抹過太虛。便見覺城東際。始見文殊樓閣。門開。方參慈氏。總是鬼家活計。日下孤燈。喝一喝好事。不須頻話。會留將和氣煖丹田。

復舉。滙山因仰山向火次。滙山問云。天寒人寒。仰云。大家在者裏。滙山云。何不直說。仰云。適來也不曲。和尚如何。滙山云。直須隨流。師拈云。珠明川媚。玉闌山輝。滙山父子之謂也。是則固是。當時若知有轉身一路子。孫也未到斷絕。還會麼。人天渾莫測。珍重赤須胡。其或未然。更聽一頌。一對琵琶月下彈。清風習習指端生。只知寫盡心中事。誰管傍人冷地看。上堂。從門入者。不是家珍。自己流出。還同瓦礫。天下無二道。聖人無二心。長連牀上滴水。滴凍十二街頭。滴水滴凍。

上堂。舉五祖和尚云。世有一物不屬凡。不屬聖。不屬邪。不屬正。萬事臨時。自然號令。師拈云。大小五祖。白雲正傳。將謂有迴天關。轉地軸。底謀略。如斯吐露。何異宋人以死鼠爲璞。瑞巖則不然。世有一物在凡屬。凡在聖屬。聖在邪屬。邪在正屬。正萬事紛紜。何須號令。拈拄杖卓一卓下座。

示衆。穩坐家堂。主人翁因甚不識。掀翻大海。擗碎須彌。平地上。因甚擡脚不起。眼光爍破。四天下。自家眉毛落盡。因甚不見拈拄杖。三句內一句外。不涉兩頭。有人道得。拈拄杖子。兩手分付。

上堂。拈拄杖云。三世諸佛。是門外漢。六代祖師。是門外漢。所以道。有一句子到你。啞却我口。無一句子到你。瞎却你眼。卓拄杖。南人不相耳。北人不相鼻。

上堂。大地載不起。虛空包不過。誰敢爲安名。打教你頭破。乃云。官不容針。私通車馬。

臘八。上堂。光透日月。明暗不收。智出聖凡。賢愚不立。雪山深處。夜觀明星。豁爾大悟。螢火之光也。敢問未悟以前。向什麼處。既悟已後。又向什麼處。出頭。

通方作者。試出道看。良久云。休休。看看白却少年頭。
填溝塞壑。無人會。雲自高。飛水自流。

除夜小參。拈拄杖云。先佛性命。後佛紀綱。總在者裏。
是汝諸人。從年頭至年尾。觸目遇緣。隨處明了。何曾
昧却。開山彥和尚云。主人翁惺惺著。好不丈夫。更有
德山臨濟。棒喝交馳。雖則雷奔電激。爭奈蟄戶未開。
畫拄杖乙巳歲。君所司時。令所屬善惡一畫。畫斷直。
得木人發笑。石女謳歌。微塵數佛一時現。前無邊刹
土不離掌。握各請歸寮。穩臥明朝。起來慶賀。新年見
僧賀。僧見俗賀。俗見狸奴白牯。賀狸奴白牯。還知有
不受賀者麼。卓拄杖。三級浪高。魚化龍。癡人猶尋夜
塘水。復說偈云。一年三百六十日。日日應勞事不同。
今夜勸君都放下。管教明取少林宗。

元旦上堂。新年頭。有一句子。舉似諸人者。一句子。卽
是父母未生已前底。句子不得。向舉起處。承當不得。
向意根下卜度。但見皇風。成一片。不知何處是封疆。
謝兩序就退院上堂。我此一宗。難爲荷負。自非有驅
耕斂食手段。放行把住機關。至於一進一退之間。未

免貽笑作者。瑞巖今者兩序進退。各得其宜。其進也。
如耀世明燈。燭破歷劫昏衢之暗。其退也。如潛淵老
蚌。孕成不夜照乘之珠。毗嵐猛風吹之不滅。五濁穢
泥汨之不昏。大衆荷負。旣已得人。山懷正堪放下。且
放下底事作麼生。拈拄杖。柳標橫檐。不顧人直入千
峯萬峯去。

恕中和尙語錄卷第二

恕中和尙語錄卷第三

舉古

仗錫禪寺前住持嗣法比丘宗豆等編

舉德山示衆云。今夜不答話。問話者三十棒。時有僧
出禮拜山。便打僧云。某甲話也未問。山云。你是甚麼
人。僧云。新羅人。山云。未跨船舷好。與三十棒。法眼云。
大小德山話作兩橛。圓明云。大小德山龍頭蛇尾。雪
竇云。二老宿雖善裁長補短。捨重從輕。要見德山亦
未可。何故。德山大似握閫外威權。有當斷不斷。不招

其亂底。劍諸人要識新羅僧麼。只是撞著露柱底。瞎漢。浮山云。德山門下草偃風行。其奈法眼圓明。猶不放過雪竇。雖則縱奪可觀。抑揚有準。要見二老宿。亦未可拈拄杖。畫一畫到江吳地。盡隔岸。越山多師云。德山以強凌弱者。僧有理難伸。法眼圓明固是見義。勇爲爭奈死而不弔。浮山云。雪竇雖則縱奪可觀。抑揚有準。要見二老宿。亦未可圖他一粒米。失却半年糧。

舉雪峯一日。普請自負一束藤。路逢一僧。峯便拋下。僧方擬取峯便踏倒。歸舉似長生。乃云。我今日踏者。僧快生云。和尚替者。僧入涅槃堂。始得峯便休去。雪竇云。長生大似東家人。死西家人。助哀也好。與一踏。浮山云。者僧喫雪峯一踏。小出大遇。長生喫雪竇一踏。禍出私門。檢點將來。總是涅槃堂裏漢。師云。者僧喫雪峯一踏。白日見鬼。長生喫雪竇一踏。平地成仙。大小浮山。蹉過不少。

舉百丈再參馬祖。侍立次。祖以目視禪牀角頭拂子。丈云。卽此用離此。用祖云。你他後開兩片皮。將何爲。

人丈取拂子豎起。祖云。卽此用離此。用丈掛拂子於舊處。祖震威一喝。百丈直得三日耳聾。雪竇云。奇怪。諸禪德。如今列其派者。甚多。究其源者。極少。總道百丈於喝下。悟去還端的也。無然。刀刀相似。魚魯參差。若是明眼人。謾他一點不得。只如馬祖道。你向後開兩片皮。將何爲人。百丈豎起拂子。爲復如蟲禦木。爲復啐啄。同時諸人要會。三日耳聾。麼。大冶精金。應無變色。浮山云。龍驤電卷。虎嘯風生。師資會遇。不妨奇特。雪竇云。只如馬祖道。你向後開兩片皮。將何爲人。百丈豎起拂子。爲復如蟲禦木。爲復啐啄。同時胡餅。覓什麼汁。大冶精金。應無變色。走作多少人。還會麼。劍斬聶人頭。波斯腰不屈。師云。無辯龍蛇眼。目難以荷。負正宗。無超佛祖機。謀難以定論。今古馬祖一喝。何止百丈三日耳聾。直得盡浮幢王刹海。若聖若凡。被他轟破耳門。聽事不真。喚鐘作甕。與麼舉揚。諸人還知落處麼。良久。雲收雨霽。長空闊。一對鴛鴦。盡不成。

舉崇壽指凳子云。識得凳子。周匝有餘雲。門云。識得。

堯子天地懸殊。雪竇云澤廣藏山。理能伏豹。浮山云。餽飯坭茶爐師云。松直棘曲。鴿白烏立。

舉永嘉大師到六祖。繞禪牀三匝。振錫一下。卓然而立。祖云。夫沙門具三千威儀。八萬細行。大德從何方而來。生大我慢。雪竇舉至此。代永嘉便喝。乃云。當時若下得者。一喝。免見龍頭蛇尾。又再舉繞禪牀三匝。振錫一下。卓然而立。代祖師云。未到曹溪。與你三十棒了也。浮山云。先行不到末後。太過師云。永嘉承虛接響。祖師將錯就錯。雪竇龜背剗毛。浮山馬頭安角。繞禪牀三匝。兮。眼似銅鈴。勉留一宿。兮。頭如木杓。松風江月。少人知。南海波斯生白澤。

舉雪峯因僧問。古澗寒泉時如何。峯云。瞪目不見底。僧云。飲者如何。峯云。不從口入。僧舉到趙州。州云。不可從鼻孔裏入。僧却問趙州。古澗寒泉時如何。州云。苦僧云。飲者如何。州云。死。雪峯聞云。趙州古佛。遂遙作禮。從此不答話。雪竇云。衆中總道雪峯不出者。僧問頭。所以趙州不肯如斯話。會深屈古人。雪竇即不然。斬釘截鐵。本分宗師。就下平。高難爲作者。浮山云。

趙州不因者。僧爭得與雪峯相見。雪峯不得趙州爭能圓得此話。大小雪竇刺腦入膠。盆師云。杲日昇天。宿雲解駁。陽春回律。枯枿萌芽。直得長空皎皎。萬彙熙熙。若是覆盆之下。朽腐之餘。又爭怪得者。僧當面蹉過。累他雪峯。趙州輟入草窠裏。雪竇浮山可謂入理深談。互相擎展。要且只能委曲。不能直截。今日有問古澗寒泉時如何。蟻子擎天柱。飲者如何。藕絲掛須彌。且道與古人是同是別。

舉洞山到雲門。門問。近離甚處。山云。查渡門。云。夏在甚處。云。湖南報慈門。云。幾時離彼。云。八月二十五。門云。放汝三頓棒。山至來日上。問訊云。昨日蒙和尚放三頓棒。不知過在甚處。門云。飯袋子。江西湖南。便與麼商量。洞山於此大悟。雪竇云。雲門氣宇如王。拶著便冰消瓦解。當時若據令而行。子孫也未到斷絕。浮山云。把定乾坤。佛祖無進入之路。放開江海。魚龍得游泳之方。雲門老人不妨奇特。雪竇云。雲門氣宇如王。拶著便冰消瓦解。識甚好惡。當時若據令而行。瞎却天下人眼。師云。雲門放洞山三頓棒。汝諸人作麼。

生會諸人會處。便道洞山。慣曾作客。少遇知音。雲門食店。雖開不許人喫。所以雪竇却雲門而出。洞山浮山小雪竇。而扶雲門。與麼見解。天地懸殊。諸人要會麼。年年八月二十五。查渡依然冷浸秋。

舉雲門示衆云。老胡生下一手指天。一手指地。周行七步。目顧四方。乃云。天上天下。惟吾獨尊。師云。不說那知我當時。若見一棒打殺與狗子喫。貴圖天下太平。師云。好一棒爭。奈打不著。雪竇云。便與掀倒禪牀。師云。勞而無功。浮山云。雲門赤心片片。蓋代功高。雪竇見義勇爲。機如掣電。二俱足可觀光。其奈頂門無眼。師云。有文有武。有卷有舒。又云。飯裏著得屎麼。舉忠國師三喚侍者。雪竇云。點即到。侍者三應。雪竇云。到即不點。國師云。將謂吾孤負汝。却是汝孤負吾。雪竇云。謾雪竇不得。雲門云。作麼生。是國師孤負侍者。處會得也。是無端。雪竇云。元來不會。雲門云。作麼生。是侍者孤負國師。處粉骨碎身未報得。雪竇云。無端無端。浮山云。國師好肉剗瘡。雲門灸瘡上著艾。雪竇大似隨邪逐惡。殊不知鼻孔總在侍者手裏。師

云。叢林中商量。國師三喚。嘔出心肝。侍者三應。全身擔荷。是則固是。只如國師道。將謂吾孤負汝。却是汝孤負吾。又作麼生評論。若曰。兩無孤負。味却雲門大師若曰。兩有孤負。屈了雪竇老漢。總不與麼。浮山又道。鼻孔總在侍者手裏。靈巖向者裏露箇消息。也要諸方檢點。易分。梅裏粉難辯。墨中煤。

舉馬祖令僧知藏。馳書上徑山。山接得。開見一圓相。於中下一點。却封回。國師問云。欽師。猶被馬師惑。雪竇云。徑山被惑。且置。若將呈似國師。作箇什麼伎倆。免被惑去。有老宿云。當時坐却便休。亦有道。但與畫破。若與麼。只是不識。羞敢請天下老師。各具金剛眼。睛。廣作神通變化。還免得麼。雪竇見處。也要諸人共知。只者馬師當時。畫出早自惑了。也。浮山云。欽師被馬師惑。且置。國師惑。却多少人。雪竇云。只者馬師當時。畫出早自惑了。也。穿却天下人鼻孔。師云。馬師自惑。國師惑人。置而弗論。當時徑山下者一點。非惟點破馬師。觸醜。抑且爲千古龜鑑。

頌古

未離兜率已降王宮

朱弦彈夜月。翠袖舞春風。只者消搖處。何人得與同。

世尊降生

奇哉千歲鳥。龜殼靈聖昭於未灼前。一自當陽鑽破後。都盧不直半分錢。

拈華

靈山拈起一枝華。出草菸菟露爪牙。金色頭陀遭一口。至今天下亂如麻。

外道問佛

不問無言與有言。張顛顛後更誰顛。掃成筆底龍蛇陣。流落人間萬古傳。

達磨面壁

面壁胡僧瞌睡多。西來伎倆盡消磨。當時不得神光力。一箇渾身沒奈何。

二祖立雪

俗子投誠慕聖師。炎炎火宅厭驅馳。夜深獨立庭前雪。徹骨寒來只自知。

女子出定

彈指聲中出定時。毗嵐撼動五須彌。可憐費盡神通力。羞殺堂堂七佛師。

三十年不少鹽醬

知子無如父最親。何須苦苦問元因。平生不作暗中事。直把心肝吐向人。

百丈再參

師子教兒迷子訣。漏泄天機惟一喝。堪笑堪悲馬大師。千古萬古成途轍。

國師三喚

國師三喚星飛火亂。侍者三應相席打令。吾負汝兮汝負吾。王喬跨鶴來。僊都俯視人間同。坎井漂沈汨沒胡爲手咄。

有句無句

只箇布單猶賣却。三千里外罄身來。前途且得無纏帶。又向明昭走一回。

明昭問僧虎生七子

第七菸菟獨無尾。目光閃閃腥風起。嚇殺明昭獨眼龍。不臥澄潭臥死水。

南泉示衆

不是心不是佛。叔孫禮樂蕭何律。漢室龍興佐太平。
龍驤虎驟成乾。沒君不見功德天。黑暗女有智主人。
俱不取。

心不是佛。智不是道。

枕石臥煙蘿。山中樂事多。夜聞祭鬼鼓。朝聽上灘歌。
黃檗示衆云。汝等諸人。盡是噇酒糟漢。

匡徒領衆徧諸方。禪有師無未。斯當賺殺五湖雲水。
客茫茫。走得脚生瘡。

臨濟見僧便喝

只將一喝定綱宗。聞者如同耳過風。自是要貪途路。
樂不須惆悵怨飄蓬。

十二面觀音

觀音十二面面。面總無偏。不是閑神鬼。休來化紙錢。
臨濟問僧什麼處來。

無位真人

雖行畜生行。不得畜生報。臨濟小厮兒。三步作一跳。
面門出入露全身。苦口叮嚀說向人。到此不須生異。

見從來賊是自家親

趙州訪臨濟

賓中主也。主中賓。掣電機。輪眼裏。塵射虎。不真徒沒。
羽。至今愁殺李將軍。

平常心是道

平常心是道。到老無煩惱。夏熱便乘涼。冬寒便著襖。
使得十二時辰。

晝夜從來十二時。使來使去何時了。引得無知瞎屢。
生。隨例茫茫入荒草。

趙州訪茱萸

大法淵源浩莫窮。擬探深淺枉施功。一條拄杖且靠。
壁。雷電何時解化龍。

趙州一日從殿上過

自屎如何不知臭。人前猶自挑來嗅。大都年老變成。
魔。千佛出世知難救。

不許夜行投明須到

一拳還一拳。一踢還一踢。伯牙與子期。不是閑相識。
趙州勘婆。

婆婆偏要逞風流。越格風流遇趙州。各向人前誇意氣。豈知白盡少年頭。

趙州問南泉知有底人何處去

知有底人何處去。禮越家中作水牛。橫眠到臥翻圈。穩萬里青天月一鉤。

趙州一日在丈

沙彌伶俐侍者。酒漏鑑裁分明不差毫忽。

東司上不可與汝說佛法

喚一聲兮應一聲。半滿偏圓一齊說。驚池驚浪給孤園。不出而今箇時節。

趙州一日共文遠行

可惜面前一片地。被他一大都。復舊年年野草碧。連天指向時人人不識。

文遠禮佛

禮佛尋常事。如何便打他。向來爲父子。今日是冤家。

狗子還有佛性也無

盡毒家中水。軒知要殺人。寧教饑渴死。切忌莫語唇。

金佛不度爐

金佛木佛泥佛真佛。精精靈靈。活活潑潑。眼中瞳子。面前人作者。相逢莫輕忽。

青州市衫

單單提起七斤衫。要與師僧作指南。本是自家成現物。隨時脫著有何難。

鎮州蘿蔔

鎮州蘿蔔光生。政好將來羹羹。喫得肚裏飽了。不妨東行西行。

僧辭趙州

者僧要往南方。特問趙州。卜日只消一道真言。到處變凶爲吉。

趙州問僧甚處來

雪峯打動鼙。拍版趙州吹起無孔笛。夜深把手卸銜。行等閑合出鈞天曲。

胡釘絞

一縫釘不徹。猶說更打破。利動小人心。點過地上臥。

疎山造塔

休論山鈴與他鈴。自然衰旺弗相干。玲瓏八面煙霞。

表何用羅山再合尖

羅山送同行

舉目千山與萬山。別時容易會時難。離亭無限相思意。更把琵琶子細彈。

德山托鉢

德山不會末後句。賴有巖頭爲發明。果得三年遷化去。却將平地掘成坑。

雲門示衆云世界怎麼闊

石女腰邊裁兔角。鐵牛背上刮龜毛。雖然只是尋常事。千古輸他手段高。

德山入門便棒

棒下傳心印。森羅盡罷參。高茅村座主。曾是見龍潭。

百丈野狐

春到園林感物情。窓前一鳥百般聲。口頭只爲無常度。千古難磨反舌名。

魚跳網

頭動尾動活鱖鱖。宏綱大網難遮遏。騰身一躍過天門。東海龍王驚吐舌。

甘贄設粥

等心來設粥。何處有請訛行者出門去。南泉打破鍋。

竹筴話

竹筴舉起日照天。臨提分背觸大海摸針。

主人翁

頻喚主人翁。修行怕落空。俱胝惟豎指。石鞮只張弓。

興化打同參

正令當行佛來也。打口似血盆分疎不下。

興化打克賓

養兒最怕順毛。拈興化家風與世乖。棒了割錢龜出。

院要他赤手立生涯。

聞東廊也喝

秘魔擎叉捉老鼠。慈明揭榜鬼畫符。何似風流興化。

老紫羅帳裏撒真珠。

單刀直入

大坐當軒驗作家。單刀直入尙請訛。喝聲迸落千巖。

月爭奈全身置草窠。

出則爲人

一對無孔鐵鎚就中一箇最重有人揀擇得出也是
鬼爭漆桶

隱峯淨瓶

提起淨瓶當面瀉是他慣會討便宜襯衣單著曾驚
衆三聖堂中下一槌

石頭云恁麼也得

滄海渺瀰焉用濬泰山高聳不須培一條古路如弦
直拍手浩歌歸去來

三聖問雪峇

壽翁相逢笑臉開大家攜手上高臺及手話到諸訛
處悲語頓拳劈面來

夾山境

碧巖青嶂峭絕幽深華開葉落自古自今夾山隨風
倒也目眼劈腹劍心庵部臨臨臨

澹版漢

未嘗飲水便知源鼻孔分明失半邊貼肉汗衫都脫
了喚來重與痛加鞭

一氣轉一大藏教

睦州有口元無舌妙義重重一句該爲報五湖禪客
道等閑休作鴨聞雷

兩堂首座下喝

兩堂齊下喝各自縱威權誰道成功處領歸臨濟邊
普化搖鈴

鬧市紅塵闌大機不同閑鼓口唇皮鐸聲撼動三千
界蚌蛤螺螄睡正癡

明招天寒上堂

風頭暖室雖然別立命安身總一般啼吼自無師子
子明招豈是故相謾

保壽開堂

正令全提日月昏東西南北競趨奔百丈游山見野
鴨道吾答話得要禪

古德不赴堂

莊上油糴滋味別果然喫得飽非常可憐持者無慚
愧問訊低頭請赴堂

中心樹子

斫倒中心樹子批破祖父契書英雄氣奪頂羽負無

卓地之錐

新婦騎驢阿家牽

坐得驢兒穩今朝喜入門檀郎相見了心事正堪論

烏白問立紹二上座

猛虎口中奪食驪龍頷下探珠不有天然作略定應

斷送頭皮

乾屎橛

雲門乾屎橛炙地又熏天大家齊打疊送上渡頭船

須彌山

須彌突兀倚青空推出蟭螟眼捷中若也一朝親到

頂方知不與衆山同

鋸解秤椎

拈出秤椎將鋸解燈籠露柱間歇歇其中未解忘情

者奇特商量卒未休

四方八面來時如何

藏身古廟正憂煎鬼面神頭盡現前待得霎時風雨

過依然杲日耀中天

望州亭與汝相見了也

宗師與汝長相見因甚頭皮更樣頑惡水自來三度潑猶如對面隔千山

夾山示衆目前無法

和盤托出尙遲疑被蓋囊藏豈得知畢竟爛泥中有刺不知踏著是何時

無業國師

一條紅線兩頭牽爭得叢林此話圓索性爲渠都摘斷虛空背上打鞦韆

靈雲見桃華

靈雲見桃華欽轎列挈丫一年開一度爛漫似紅霞

玄沙云諦當甚諦當

敢保兄未徹背後空捏訣打破鬼門關喫水須防咽

言無展事

把斷咽喉穿過鼻孔東土西天頭輕尾重

學道者訪瑯邪

一箇執伽伽到天一箇放頑頑到底各與三十龜辣

梨還我相看主賓禮

語默涉難微

巧婦做成無麵餅，呆郎買得有錢村。令行吳越功難
共，鐵券休將累子孫。

趙州訪道吾

斑斑駁駁豹皮褌，著出人前駭見聞。不是趙州曾識
慣，一場驚恐豈堪論。

臨濟遷化

白拈手段元無比，對面設人不可論。剛把十方常住
物，臨行分付與兒孫。

僧問慶峯

煙笏雨笠野盤僧，到處無非球已靈。堪歎高年二尊
宿，却將漆桶對渠呈。

聞聲悟道

蓋色騎聲莫外求，東頭打著動西頭。華紅柳綠須臾
事，犬吠驢鳴卒未休。

陸亘大夫問南泉

南泉指出一枝華，毒似南山鼉鼻蛇。天下更無人解
弄，最堪誇又不堪誇。

雲門拈拄杖舉教中云

春色無高下，華枝自短長。太行雖路險，依舊有人行。

玄沙三種病

玄沙不出飛鳶嶺，攪吵叢林事萬端。只此未爲眞傑
斗，靈雲猶且被他瞞。

玄沙見新到

未曾輕吐露，先與劈臂拳。語下分緇素，還應落蓋纏。

赤肉團上

日炙風吹赤肉團，神通變現百千般。一時拋向人前
去，打鼓從教普請看。

百丈侍馬祖游山歸哭

李陵蘇武河梁別，留者悲兮行者悅。古今休論是和
非，漢地胡天共明月。

楊歧問僧栗棘蓬作麼生吞

烈焰紅爐亘天極，藏和退馭短城泣。鐵壁银山萬仞
高，到此也須豁作汁。

三脚驢

楊歧倒跨三脚驢，湖南長老相追隨。過都歷塊如電
馳，驚駭謁蹶徒嗟吁。

廬陵米價

青原旨的易見難識。軟似綿團硬如特石。大士門誦
賢公刀尺更問如何。棒教誰喫。

後園驅喫草一飽。一切飽不比餓。蘆空把枯骨咬。
小魚吞大魚。水上卓紅旗。欲言言不及。林下好思惟。

五逆聞雷

鐵牛昨夜拗折角。撞破虛空鳴剝剝。今朝特地辯蹤。
由却是東村李八伯。

口是禍門

一句當機絕較量。五湖四海沸如湯。蝸牛角上乾坤。
闊石火光中日月長。

龍門十二時辰歌

時時日日。時時綿綿。密密怪怪。奇奇。

鐘樓上念讚

截斷兩頭打中間。底惹起是非海水難洗。

師子尊者

流水不復返。落華難上枝。夜闌孤燭下。心緒亂如絲。

芭蕉示衆

咄哉亂走阿師。何曾放得拄杖。捉來拗作兩橛。請領
末後句。

十智同真

十二街頭安客。則不許人來胡亂。同任你一歛能掘。
井臺。眸鷄子過新羅。

一口吸盡西江水

拾得一顆驪珠。自謂人間無價。撞著東海龍王。視之
如同土苴。

雲門鑑咦

雲門一鑑。萬苦千愁。諸天罷樂。帝釋搖頭。咦。惱亂春
風。卒未休。

大通智勝佛

刻舟求劍。空費力。守株待兔。那由得。鷄鷄只麼懸。
枝大鵬自展搏風翼。

其施汝者不名福田

白鼻豈崙舞柘枝。春風庭院落花時。千村萬落人爭
看。那箇元無眼上眉。

居一切時不起妄念

開單展鉢拈匙放箸一一現成討甚碑記

見見之時見非是見

石女攜籃空手擺。黃茅山上尋鱗蟹。澗地峯迴路轉深。更無一箇相逢者。

清淨行者不入涅槃

日不待火而熱。月不待風而涼。隨處青山綠水坐我。洞庭瀟湘。

五法三自性二種無我

十箇元來是五雙。釋迦老子面皮黃。琉璃殿上行人少。犬吠驢鳴滿大唐。

救產難

檀家產難祈分免。一語相投頃刻間。是我好兒隨不殺。信他人馬要騎難。

至正戊申。余以避兵依龍山永樂南谷褒公公之孫鼓山調師。謂昔大慧竹山以避兵亂居雲門庵。作頌古一百一十則。今師之來。其迹適相似。況宗門寥落。師亦當續其遺響。余不揣勉贅蕪語。如其以答調師之意。云無愠識。

趙州訪上下庵主

白髮漁翁坐釣舟。蘆華兩岸一般秋。錦鱗不食江風冷。收拾絲綸歸去休。

達磨見武帝

玉殿珠樓盡豁開。區區獨進萬年杯。雖然不得君王寵。猶帶天香滿袖回。

庭前栢樹子

八十高年始行脚。頭髮莖莖到根白。佯聾詐啞討便宜。人問西來答庭栢。

德山見龍潭

頭角輝煌臥碧潭。四山惟見起青嵐。有時觸著風雷動。大浸須彌露一簪。

黃檗上堂大衆纔集以拄杖一時起散復召

云。大衆大衆。回首檠云。月似彎弓。少雨多風。萬仞雄關絕四鄰。不通來往峭嶙峋。可憐南北食程者。風雨淒淒愁殺人。

慈明揭榜

一道天書出禁城。千門萬戶盡疑驚。纔聞使者宣傳

後稽首山呼賀太平

小佛事

聰西堂起龕某是黠聰明。泯知見不懼生死底漢。颺下住山鋤斧。正好東行西行。

徑山南楚和尚茶靡公。舉蒙仰山撼樹二大老各展鎗旗。殺活自在。到我堂頭和尚面前。總用不著。何故。萬仞龍門鳥飛不度。

暫到見上座起龕。欲得大用現前。須是頓忘諸見。諸見若盡。生死卽空。家舍途中更非別物。頂門放出遼天鷲。

耐監寺火逼慈明。晚參是死伎。豎起火云。火炎崑岡。玉石俱焚。耐烹煉者。惟眞金爾。

受都寺火。受得惡辣拳踢。便解超生。越死漏燈盞動。地放光金剛圈。分文不直。烈焰堆中。理釣車釣得鯉魚長一尺。

印藏主起龕。毗盧正印文承燦如。不善用者。動成空礙。平地上死人無數。透過荊棘林。是好手。

福維那火福城東際。不異于今。汝因甚向桶羅爆處。

方始死却伎倆。滅却現行舉火云。點火照看面皮厚多少。

運監寺鎖龕。靈機密運。智鑑發輝。直得三脚驢蹣跳。踏破虛空。只者鎖子有甚用處。

昇都寺起龕。拗折聖箭子。好箇昇平世界。生老病死。甚處得來。放便倒扶。便起星流電激。三千里。

常都寺起龕。愛惜常住。如護眼晴底。一念盡情放下。了也。涅槃臺上不用遲留。勝熱門頭更須進步。

生都寺火。楊岐對白雲發笑。大似逼生蛇化龍。總是死門。俱非活路。擲下火云。我喚作火。汝不得喚作火。奇上座火生佛。未具以前。有一段奇特。大事成住壞空。該攝他不得。心思意想。捉摸他不得。直下會去。方知道無量劫來。舍身受身。如火燒冰。

漢監寺起龕。今朝一隊死漢。送箇活漢。透過金剛圈。吞却栗棘蓬。十方世界杳無消息。雖然也是喪車後掉藥囊。

有提點火拈却漏燈盞。放出本有靈光照破歷劫生死昏衢之夜。月不待風而涼。日不待火而熱。

道淨人起龜。至道淵曠弘之在人。黃梅夜半傳衣大
似弄假像真。真不立妄本空。死蛇驚出草。撞倒須彌
峯。

滿書記起骨茶。滿肚文章通身。檐版及手挨拶將來。
直是皮穿骨露。南匾頭自非慈明痛下毒手。未免向
渤潭死水裏浸。殺人在畫樓沽酒處。相要來喫趙州
茶。

成上座起龜。現成公按不用躊躇。手上座在楊州聞
畫角當下悟。去高亭隔江見德山。便乃橫趨路逢死
蛇。莫打殺無底籃子。盛將歸。

明都管入塔。明知是者。箇開口道不得。明知不是者。
箇開口却道得。坐斷兩重關。天然露風骨。百發百中。
聖箭離弦七穿八穴。湘南潭北爲君。幾下蒼龍窟。
義都寺火汝。雖出塵。不明勝義。是情執未斷。汝雖年
耄不達性。空是大事未了。卽今四大已離。未斷斷取。
未了了取。楊歧檐子。拗作柴燒。烈焰堆中。橫飛雪電。

恕中和尙語錄卷第三

恕中和尙語錄卷第四

翠山禪寺住持嗣法小師比丘居頂等編
讚

觀世音菩薩讚

鎮江府普照禪寺住持溲姪文暉。購菩薩畫像一
軸。慈相甚宏偉。無愠謹爲焚香拜讚曰。

稽首憫世大慈父。從聞思修證寂滅。於寂滅中無所
住。故能三十二應。身衆生感果既不同。不與同類知
難化。而我菩薩審其宜。隨緣泛應。作佛事。根塵二性
識爲主。於識所現。無有邊六凡四聖由茲出。是故得
名如來藏。識性旋復露本真。圓通之門啓關鑰。隨方
來者皆得入。如子就父無所疑。娑婆衆生迷本。聞循
聲流轉墮邪見。有若山雞惜毛羽。臨流玩影死。不悔
菩薩爲興精進力。巧誘同至真。如地究竟了。然如夢
幻聞與聞性俱圓融。我願世間諸有情。尅志均修獲
常住。

圓通境界萬類同。歸闕歌要道非聖而誰惟我大士。
興慈運悲入諸有。海爲仗爲依。我今皈命念念弗渝。

大士之念念亦念余。彼念此念。匪即匪離。如大圓鏡。如如意珠。神光湛湛。應用不虧。願諸含識。黜怨癡。等觀生滅。證此真如。

行深般若。若色空無二。如幻金剛。灰滅身意。尋聲救苦。不墜大悲。會俗冥真。不緣聖智。以耳根一門之圓證。契十方諸佛之極果。豈心言可得而思議哉。

蒼壁倚天。示險崖句。明月在水。現真實身。圓融心境。迥脫根塵。眼見何如耳聽親。

以口說法。口有時歇。以身說法。身有時滅。惟我大士。宴坐水月。剎剎塵塵。不說而說。

左手拈頤。右手按膝。所說既忘。湛然空寂。譬如時雨。滋長萬物。雨既無功。物亦無得。

以魚示人。人不爲意。以珠示人。人以爲異。欲控人心。珠纓罕地。無法可得。是真授記。

應化無方。何曾有作。寂然不動。未始無爲。示不思議。解脫之境。界攝五濁。清泰之真。歸聖階不退。智焰長輝。撈倒險崖。施衆吼。蝦蟇吞却玉蟾蜍。聲是佛聲。色是佛色。消塵旋明。隨處證入。稽首大士。

爲物作則。普願有情。得無畏力。

迅瀑驚雷。長松倚蓋。維喧維寂。金剛三昧。

反聞聞盡。絕離微六。用門自息。機童子不來春寂。冥寶瓶楊柳。正依依。

端坐法空座。分身徧剎塵。無邊聲色裏。獨露本來人。

一毛頭上。普門境。百草頭邊。自在身。脫領驪珠那有。類當臺明鏡。本無塵。

魚籃觀音讚

籃裏錦鱗。鮮活可羨。不遇當行。誰著眼看。赤手提來。走市鄽頭。上金烏急。如箭。

籃裏分明。是活魚。聲聲報向大家。知好場買賣。無人識。放下身心。是幾時。

好箇錦鱗。誰肯買。手頭點數。更沉吟。衆生不道無靈種。爭奈茫茫業海深。

行道觀音讚

前無迎者。後無隨者。手拈圓珠。步較遲。回首塵勞深似海。衆生度盡是何時。

妙湛上人書普門品觀音像讚

三十二應身處處無住著。拈起一毛端。普門何廓落。妙湛總持不動尊。解盡衆生煩惱縛。

翠巖琳上人書法華塔讚

惟此寶塔常現世間不遷不變屹如崇山。纖塵不立。湛然清淨大小合宜。高低普應。徧周沙界。放太光明。破癡暗獄。開正法城。衆生肉眼見如不見。爰有智人。曲開方便。再闢靜室。翠巖之陽。寥寥虛敞。止止吉祥。外緣既絕。內照惟寂。宣持法華。以爲常則。慨茲寶塔。佛佛同居。示眞實相。匪我而誰。凭紙運筆。手書心誦。結字構形。妙於機綜。相輪層級。欄楯建瓴。行布圓融。宛如生成。多寶釋迦。時時對面。曠劫至今。不分一線。日月有盡。此塔長存。誓將呵護。天龍駿奔。作大饒益。至功不共。我述讚詞。畫波求經。

文殊大士讚

草衣勃窣紺髮鬚。共維摩談不二門。落節不少對。釋迦擇圓通法。拔本何多手中經。卷撒得下不妨隨。處薩婆訶。

朝陽對月二讚

者領破布衫零落。吁已久今日補不完。何年更下手。看底是誰經忙忙。且披閱不了第一義。孤負天邊月。

布袋讚十八子

拋却兜率陀天。親入小兒羣隊。只管牢把拄杖。不知打失布袋。謠言彌勒世尊。何曾得大自在。回頭轉腦。可憐生他家。自有通人愛。

啞女讚

者一片田地。焉用頻頻掃。若不啞却口。如何向人道。

普化和尚讚

尋常針劑不入處。鐵壁银山未是堅。十二街頭搖木鐸。和盤托出在人前。

達磨祖師讚

東土先鋒西天殿後語。觸梁王事同掣肘。莖蘆泛泛。非謂潛身四顧寥寥。且須袖手一華五葉。吹劫外之春風。直指單傳。翻空中之石臼。神光斷臂。覓安心可憐。關合揚家醜。

智覺禪師讚

奉化福慧庵主僧仁寧。持所奉智覺像以相示余。

獲瞻禮不覺涕淚俱下。恨不得與師同時而求侍
巾拂。聽其提持大綱。闡揚奧旨。盡我微細法執。謹
再拜稽首爲之讚曰

心無生滅。惟證乃知。高揭宗鏡。光現影隨。百尺竿頭。
放身自在。大用熾然。迥絕對待。方便百八。日日安行。
憫彼後學。勤獲怠耕。研其說法。如禹治水。猗甘露滅。
詞無虛美。

虎丘隆禪師讚

菸菟肉醉未醒。爪牙已露。全鋒殺人。活人似空。噉空
圓悟室中。輸機落節。虎丘山頂。罵雨呵風。百煉黃金。
失色一枝。桃萼爭紅。輓鐵鼓。擲金鐘。接得楊岐正脉
通。

應庵和尚讚

咄哉老古錘。平生愛打闕耕種。蒺藜園。偏布三毒種。
要續楊岐正宗。大似開眼作夢。當時若不得一領破
衲衣。我也知你餓殺凍殺有分。

橫川和尚讚

老翁平生口吃吃。出語撞倒須彌山。西天此土少知

已。鄧嶺山寮獨掩關。

寂照先師讚

咄哉沒量大人。說著令人膽喪。平生要使拍盲佛祖。
也難近傍。謂其智眼欠明。視明月之珠。夜光之璧。不
直半錢。謂其手段欠高。有時拈起須彌。盧稱作十二
兩。坐斷凌霄二十年。奔走四海之龍象。是故獨能崑
起臨濟之正宗。熾妙喜之末焰。窮天地亘萬古與虛
空同壽量者也。

雪窓和尚讚

真本川僧。頭顱自別一味。溫和十分。列挈拈却栗棘
蓬。拔却釘根。檍六月降清霜。紅鱸飛白雪。致使天育
山。兩處存途。轍途轍空。成大同風。從虎兮雲從龍。

古鼎和尚讚半身

者漢本無面目。未曾貌著先真。只要時人知有不欲
露出全身。妙明心印。鑑地輝天。誰管迷頭認影。黑漆
竹篋掀翻。海嶽直是盡法。無民得人。憎得人怕。只宜
妙喜作其先祖。寂照是其卽罷。自餘談玄說妙。賣弄
家風底阿師。又焉得與之齊驅而並駕者也。

善世禪師讚

宴坐匡牀心無所係。冥應萬機利人善世得達磨之
正宗。續迦文之遠裔。泯去來今弘戒定慧。真西天之
佛子。東土之覺帝也。

南堂和尚讚龍泉西隱請

智如湧泉機如掣電。傲睨德山臨濟放過日月面。
敲破沙盆聲徹九天。唱脫空歌調須千變。坐斷全吳
正令行出匣龍泉光燄燄。

榮枯木像讚坐枯樹下

春風扇野華糝糊。尋芳摘葉填道途。皮膚脫盡真實
在我。愛老樹聊跼踖。

自讚翠山頂長老請

頂額一著該天括地。本無形段丹青焉寄。三關鉅關
笑黃龍用老婆心。一喝雷奔陋臨濟鼓粥飯氣過橋。
必須斷橋金注何如瓦注。眉毛舊話喜重圓翠巖增
從千尋翠。

又染無著請

不讀東魯書。不會西來意。破沙盆一椎擊碎。從教塞

壑填溝。乾屎橛信手拈來。直得重天炙地。如斯爲人
有甚巴鼻。若非無著道友。世上有誰識你。噫。假使打
殺狗。亦不啻更說甚麼。修行期證阿惟越致。

又仗錫原極長老請

靈山會上一笑傳心。少室峯前三拜得髓。是皆狹路
相逢。撞著冤家債主。死蛇活弄。你不如我。猛虎生擒。
我不如你。六環金錫貼天。飛翳盡時。人眼珠子。

銘

小師 惟寂宗寄慧浩等 編

圓中銘

體性虛圓。孰窮終始。本無形段。豈存規矩。如月當空。
不偏不倚。上下四圍。洞無邊鄙。近之彌遐。遠之彌邇。
於中覓中。對面千里。曷哉圓中。請事斯語。

簡首座靜元字銘舍禪入教

靜爲動體。動爲靜用。動靜雙收。舉無不中。欲知其靜。
當究其元。欲知其動。當究其根。究之無究。迥然獨存。
雲之飄空。水之赴壑。彼有何心。爲湍爲鶴。一真法界。
無不含融。動兮靜兮。教虎禪龍。

共笑軒銘

大哉此軒。廓徹無礙。燕坐其中。得大自在。青山在几。綠水常門。共我笑談。不間朝昏。萬象點頭。千聖側耳。問笑者誰。劍去久矣。楊岐啓齒。迦葉破顏。自倒自起。爭透重關。裂破單傳。掀翻直指。無盡法藏。卽此軒是。

用貞銘

貞而恒用。用而恒貞。無內無外。有準有程。貞者謂何。安然大定。用者謂何。一體萬應。用而非用。貞亦非貞。湛湛寂寂。昭昭靈靈。咨爾丈夫。廓清幻妄。牛欄馬廐。大光明藏。

琦首座無依字銘

眞照妙圓。非背非向。迥然孤立。寧假憑仗。如雲出岫。如鳥翔空。逍遙自在。奚覓蹶蹤。詎有智人。靠此一著。大地平沉。須彌倒卓。

亮西堂西隱字銘

心法無形。該攝一切。隱而不彰。露迥迥地。四圍上下。平等弗虧。心徧其中。奚局方隅。昔有亮公。得道之妙。隱迹西山。名由是召。謂其隱也。而名未嘗朽也。謂其

非隱邪。而跡滅然無有也。誰茲開士。亮其名而西隱其字者。誠欲與之齊驅。豈徒屬其後也。心乎心乎。不可授受。講得分明。轉添窠臼。

漁家傲二首

余讀東山空禪師呈夢石漁家傲。因次其韻。以悼徑山妙明和尚。雖辭意不相埒。然春禽秋蟲。各得其時而鳴爾。

宗派傳來。誠浩渺。龍淵萬古。澄清消古鑑。無痕明皎。皎深而杳。光吞萬象。乾坤小。鳳去啾啾。喧衆鳥。空庭露冷。梧桐曉。大道司南。今已少。誰師表。索塗擲。值何當了。

四辯滔滔。還渺渺。未窮源委。憂心悄悄。底事癡雲欺日皎。徒遶杳高明。不爲陰霾小。獨守空池。憐鷗鳥。魚游脚下。何曾曉。生死純眞。無欠少。超塵表。衣盂賴有人傳了。

偈頌

示秀禪人

參學比丘 清歲等 編

南能北秀同一師。朝參暮請同一時。胡爲分宗作南北。匹似骨肉成乖離。只緣見性有差別。究竟也知無二說。明鏡非臺火裏漚。菩提有樹空中樛。丈夫豈肯師於心。便從陸地甘平沉。直是循流了源委。三乘教外求知音。空室老矣無機智。喫飯有時忘却箸。因子凌晨覓贈言。撥筆不覺書長句。

贈果上人。次南堂和尚韻。

禪非禪道非道。夜半西方日出卯。撥轉虛空背面看。四七二三徒擾擾。賣帽相頭和麤糲。麤甜唇美舌在處。何多激揚大事。舉唱宗乘不道全。無其奈還少君不見。東山爲人曾落草。海月山雲俱笑倒。一曲高歌下水船。希聲激烈誰堪紹。報君知休別討。祖師玄旨破草鞋。寧可赤脚不著好。

贈性傳唯侍者。

性本無性傳本無。傳纔涉擬議。十萬八千譬如水之行地。火之傳薪。薪有盡而火常煜煜。地有極而水還津津。父不得與子。君不得與臣。包羅萬有。亘今古全肩荷。負須當人君不見。靈山對衆拈華時。八紘雲淨。

懸朝曦。又不見。少林末後分皮髓。禹門龍化雷燒尾。謂性曾可傳。如蠶作繭空自纏。謂性不可傳。正同掘地尋青天。道人心猛利。得處亡正偏。縱橫與逆順。底用重加鞭。紙衣裂下赤骨律。寥寥迥邁威音前。

病中贈醫僧悅可庭。

我懷佛祖病不獨。病厥躬三界病有盡。我病無終窮。可庭解醫病。聊與言病功。虛空病之體。病體離虛空。呻吟儂笑病。歡樂病笑儂。推病病不去。覓病病無蹤。年來識病處。不將病掛臂。千病及萬病。只與一病同。有身則有病。無身病何從。

贈項君禮。

佛祖無上大道。非點慧而可知。要須從頭打疊。直教絕毫絕釐。豈不見昌黎伯大顛。室內曾挨拶。得入還從侍者邊。先以定動後智拔。又不見黃太史。曾近晦堂窮自己。西風一陣桂華香。方信吾無隱乎爾。二老儒宗百世師。揣出少林骨中髓。遠者殊途共一家。不達定應分彼此。項君項君好善爲。稱僧門下無玄微。娘生鼻孔忽摸著。藕絲竅裏藏須彌。

送又侍者遊台鴈

天台之山高且高。龍湫之水深更深。深兮不可以智測。高兮不可以肘。尋龍孟虎錫探奇。賞勝懂懂往來乎其中者。不可以數計。抱煙霞之沉痾。守空寂之生涯。不可以菩提心藥而治療者。自古自今。道流此去。廓彼幽襟。靈禽畫語。唱無生之妙曲。松風夜響。奏太古之鳴琴。一一與他。按過。慎勿。櫓草。棄金。踏破。草鞋。赤脚走相逢。何處無知音。

送法姪暉日初遊台鴈

台山高鴈山。高造物似欲爭雄。豪根盤厚地。輪囷糾結共深杳。頂摩太虎。鸞翔峙立同。嵯嶢飛泉斷續。白雲掩映。展天眞之圖畫。連城累堞。翠壁丹崖。分刻鏤於秋毫。良工欲揭閣其筆。神匠擬習藏其刀。我昔事參訪。彼彼曾遊遨。一重一嶮。華藏界一竹一樹。羅旌旄灑然。心境兩俱寂。不知無地容塵勞。別來三十載。歲月何滔滔。老步不可動。靈覽長自遭。送子未行我。先返以神爲馬輪。其尻蒲團竹榻。坐正穩耳邊。彷彿聞松濤。

楚雲歌贈場上人

楚江江上雲如蓋。楚江江水波如沸。江水東流日夜忙。雲也無心自堪愛。膚寸瀾漫宇宙間。卷舒出沒俱閑閑。金鷄三號郢城曉。文章五色何煒爛。釘釘著高掛。著國師萬古存。標格不徒爲雨潤。焦枯等閑拗折蒼龍角。全楚頻年飛戰塵。只今誰是眠雲人。一一從頭輕按下。天開地闢回陽春。

初度日寄季通

去年今日凌霄頂。我逢初度無人省。惟君和我此日生。特爲開庖煮湯餅。今年今日東海東。一身飄蕩如斷蓬。造化窮通有臧否。年乎日乎無異同。去年今日止。於是明年後年來。未已。輕至微塵大劫中。依然又是從頭起。積骨幾幾毗富羅。飲乳海海非爲多。戴角披毛著珍御。空華影裏陽焰波。我本無生有生。日從本爺娘不須識。縱然今日識得渠。也是止渴將鹽喫。

木庵號

道人曾中小天地。剝木爲庵如是住。已將一鑊定宗綱。十劫何妨更觀樹。抹過當年臭老婆。三冬暖氣何

其多洞然劫火不可燎。巖前白日如飛梭。戶底門頭最森爽。不設樞機任往來。貯食焉須白玉璫。標名豈用黃金榜。霜蟾午夜栖禪枝。密葉掩映青瑠璃。八表澄澄萬籟寂。清光一片無盈虧。趙州老漢不知有。只麼東馳復西走。觸著渠儂陷虎機。豎起拳頭齊北斗。

韜侍者刺血書法華經

韜其光晦其跡。未免悠悠滯空寂。覲面當機證一乘。看來也是方便力。靈山一會常儼然。何須顯實而開權。迦不受然燈記。當來作佛猶浪傳。指端瀝盡娘生血。燁燁紅蓮廣長舌。拽脫塵勞八萬門。直把心肝鑄生鐵。君不見言法華。翻然飲啖屠沽家。火宅之中恣游戲。笑他門外求三車。

憩庵歌棠上人求

德山發軔來南方。恢張此道何煌煌。千載叢林想遺愛。有如召伯留甘棠。剎剎塵塵恣游戲。孤峯頂上聊憩爾。草庵盤結出常流。佛祖駢頭聽呵罵。遊兮憩兮非等閑。東敲西擊開玄關。榮華從教逐流水。白雲依舊棲青山。獨掩柴門機事息。拄杖芒鞋掛高壁。澗底

潛龍不耐眠。昨夜檐前飛霹靂。

古劍歌爲快藏主賦

陰陽爲炭天地爐。飛廉鼓鑪元氣嘘。陶鎔萬物絕纖滓。洋神劍脫範成斯。須想得當初運工處。號泣神天走魑魅。七佛傳持直至今。鈍鐔熒熒轉銛利。文殊昔日用最親。等閑持逼如來身。虎氣騰光射牛斗。龍身躍水清埃塵。朽爛何年落君手。當陽一擊生銅吼。坐斷乾坤建太平。突鬢蓬頭敢追後。

光明室爲二靈天淵和尚作

一室煌煌邁今古。爍迦羅眼猶難覩。無光明處顯光明。無門戶處開門戶。是故光明不可量。門戶廓落無邊方。離之愈近卽愈遠。弄他光影非吉祥。道人屏疊淨裸裸。明暗雙忘也須打。龍潭雖解善提持。紙燈吹滅成話墮。疎簾卷起春晝長。披露萬象難遮藏。客來有問不暇答。笑指湖上山蒼蒼。

無我

大棒打虛空。虛空未嘗苦惡語。罵木人。木人未嘗怒問之。何能然。以其無我故。無我一切無法。法自回互。

舟行岸必移。舟住岸還住。撥火覓浮漚。徹見無我義。
送漢藏主歸疎山號昭同

疎山木蛇頭戴角。殺氣森森滿寥廓。上人親曾拈弄。
來毒口不遭還傑。作有時潛蛰毗盧藏。十聖三賢難。
近傍。蕩然奮躍逞雄威。平地滾起千尋浪。歸去來歸。
去來覺。天佛日重昭。回憑君爲問矮師叔。與誰把手。
登高臺。

贈刀鐻于生

于生于生聽吾道。衲僧那箇無頭腦。鼻孔從來向下。
垂摸不著時休別。討于生于生記我言。金刀在手宜。
拳拳逆順忘情。迺至銜血脉不露真神。僊記我言兮。
聽吾道。總是隨人閑起倒。不如盡情剗却。無明草圖。
陀陀光皎皎。絕廉纖同醜。好一聲彈鐻海天寬。百億。
須彌眼中小。

韻 曇維那以古林東州二尊宿唱和之什令次

虎丘之虎牙爪惡。管見常流謾圖貌。威風颯颯振叢。
林殺氣森森頭戴角。鳳臺之鳳文九苞。五百年來遇。

斯作岐陽阿閼時。一鳴聖德微猷。願炤燦嗚呼我生。
其後恨不執鞭而從之。尙想高談唾珠落。

示傑上人

傑斗禪和真猛利。不著惺惺與無記。分身兩下強差。
排蹉過西來祖師意。卽心卽佛把兔放鷹。非心非物。
空華求蒂。翻身百草頭邊跳出劫。初田地夜半正明。
天曉不露曦輪推出海門東。金烏蹴折珊瑚樹。

日峯歌爲昇居士賦

曦和鞭日昇扶桑。殘星曉月俱遁藏。出海高峯最先。
照草木。渴漾浮金光。與來振衣凌絕頂。俯覽人間同。
坎井。呼吸元氣融心神。擺脫塵勞發深省。一真之境。
無異同。聲聞醉酒如瘖聾。安得毗耶多病翁。與渠把。
手擊節歌日峯。

特峯號

一峯特立天地間。仰望不及徒躋攀。知有何人住絕。
頂。菜葉流出清溪灣。霧卷煙舒日千變。枯木巖前路。
回轉。善財到此亦躊躇。何處親承德雲面。華開華落。
春復秋。太華未足爲朋儔。石背蘿陰臥麋鹿。風前日。

下。啼。粟。留。千。奇。萬。怪。狀。不。盡。得。趣。忘。言。心。自。領。栽。田。
博。飯。老。楊。枝。見。說。年。來。賦。歸。隱。

雪巖號

峩峩我表一片石。晃晃耀耀如銀山。世人可望不可
即。心思但覺毛骨寒。到底不生閑草木。六出飛華盡
相續。大旱土焦陽焰浮。一種清涼自然足。何年推落
明月輪。表裏洞徹無纖塵。莫教鑿開混沌竅。空在認
著來藏身。

出行次道上人求

僕夫行李在門外。催余上道踏脚待禪人。覓渴急如
絃。抖擻心腸無可寫。幸自現成有一訣。直捷分明與
伊說。毗盧師法身主。釋迦彌勒文殊普賢。是什麼乾
矢橛。不動纖塵薦得親。千里萬里橫該抹。咄咄咄。

示密禪人

祖師密旨。迥絕言談。直下便是。擬即不堪。不見明上
座。越盧行者。到大庾嶺頭。蒙以不思善惡。而啓發之。
乃復咨云。上來密語密意。外還更有密否。既而仍謂
之曰。汝若返照自己。本來面目。密密却在汝邊。與麼說。

話早是指鹿爲馬。喚六作三。何況東馳西逐。問禪問
道。終日喃喃。一機不露。有口如鉗。愚者自昧。智者相
諳。咄。若是真正衲僧。寧可凍殺餓殺。終不著他鴈臭
布衫。

操藏主歸真如省師原靈

操則存捨則亡。拽脫鼻孔。纔相當萬像。森羅驚吐舌。
白牛露地生寒光。一塵不立。真如界。玉殿珠樓最瀟
灑。傳家三世破沙盆。碎打零敲索高價。一大藏中收
不得。百草頭邊恣痕藉。忽然撒出摩尼珠。赤白青黃
隨五色。阿師兩眼明如鏡。大千洞徹無餘剩。待子歸
來。捋虎鬚。定應倒行摩竭令。

送竺先住九偃寺

少林絃斷無膠續。鱗角鳳觜世難得。幸有斯人智力
強。要撚龜毛爲更易。龜毛之絃最奇絕。一鼓人間衆
音歇。黃金不鑄鍾子期。請亂宮商教誰別。九仙綽約
非凡流。風車雲馭來相求。送君去。休遲留。輔翼既有
老宿外。護豈無邦侯。當垂裕於後代。毋貽愧於前修。
攀陪老我知無由。爲君洗耳東海頭。爲君洗耳東海

頭

贈雪竇墳書記

黃龍未出。渤潭自謂氣吞寰宇。及乎來見。慈明有口。不能通吐。得額頭汗出。黃連未是爲苦。藥汞入銀。卽流。豈是雲峯。妄語洞山之棒。賣弄手頭。臺山之婆。誇張口觜。直須一時捉敗。方可嚙津。自許道流。乳峯來與彼不相似。量外立乾坤。塵中辯賓主。宗綱委地。知不知。此日憑誰爲扶起。

樵雲歌爲彥希聖作

新州老樵。雙眼碧。腰間大斧。霜華色。亂雲堆裏。挨身入伐。盡稠林。不費力。不費力。眞可憐。雲深路轉。柴在肩。笑殺黃梅七百衆。日高三丈猶安眠。眠有時。嘯一聲。白雲無耳。還能聽。有時歌一曲。松風接響。雲相逐。憑誰說。與爛柯人好。與槌碎閑棋局。

無言歌爲眞如本長老作

無言歌。歌無言。無言之道。言難傳。機先領。略猶鈍。漢句後解。會知徒然。我本有口。且無舌。興來不妨歌一句。闕七金山外。覓知音。引得虛空笑聲咽。君不見。空生

寂寂巖間坐。匝地天華亂飄墮。又不見毗耶病夫施。一默潦倒文殊歎。無及兩處牢關盡。掣開白日青天。轟霹靂。噫吁嘻。誰與知。碧溪深處多紫芝。叢叢燁燁堪療饑。塞斷諸方閑口。觜拈起鐵笛。揀亂吹。

贈銓侍者

昭昭靈靈。漏洩滔滔太虛之中。東湧西沒。圓悟皮下。有血五祖。舌頭無骨。勒住羆駕。神駒放出。遼天俊鶻。一時喪却。目前機。金鷄拍翅。闌干曲笑。他無事惱春心。頻爲檀郎呼小玉。樂不樂。足不足。六六依然三十六。

贈道士凌雲峯分得道字

坐夏不出戶。塵緣淨於掃。羽客蒼溪來。訪我無生道。無生不可學。可學成繳擾。有物天地先。冥冥還杳杳。仙凡本一致。明悟當及早。蹠躋豈永年。顏冉未曾夭。南熏破炎熱。濃綠鶯聲老。與子兩忘言。塵寰卽蓬島。

送宗寄行脚

汝欲參禪。參自己。汝欲讀書。明性理。性理何殊自己。親莫向其中分彼。此迷人泥在文字邊。一似膏火同。

烹煎不從言外了。源委幾時澡浴清冷淵。我老癩成癖。至死無藥痊。汝今正年少。旦夕宜乾乾。策著磕著。自有日教汝罵。汝知徒然。豈不見古靈偏參得此旨。歸與其師通。所以我雖不是古靈師。獨脫無依終望汝。

示叔藏主

猛虎咬殺石菸菟。昨夜三更忽然活。即今踞坐石門關。來者教渠性命絕。老僧近前仔細看。牙如劍鋒爪如鐵。說向諸方切要知。更不由人順毛捋。

贈相士袁庭玉

我相無相具一切。相我身無身。示無量身。雖婁之明莫能察。唐舉之智奚能詢。自非旁礴形骸外。尋常豈易探其真。四明有士漆兩瞳。閱人過眼知窮通。是他鑑心不鑑貌。指摘臧否如發蒙。昨來過我松巖頂。相見無言心自領。吉凶悔吝總休論。且與敲冰煮山茗。

勉潮侍者

我未見歸源禪道無處著。及見歸源後一字用不著。用不著處用最親。所以忝竊師其人。不是私門有傳。

授觀入葛藤窠裏。費臂并勞唇。豈不見圓悟祖喫盡黃連。不知苦小玉聲中得路歸。東山自此恢門戶。我既無可說。汝亦無可錄。紙衣幸是白於霜。慎勿輕教汚塵墨。噫。少林風月浩無邊。斷絃須是鸞膠續。

不歸篇

昨日又不歸。今日又不歸。不歸自不歸。勞我長歎歎。歎歎爲何事。憐此亡家子。棄却祖翁業。向外圖經紀。歲月苦無多。悠悠水上波。心源未昭廓。奈此生死何。

歸來篇

歸來兮。歸來歸來。免攀陪。山泉甘露味。草座黃金臺。人生當自足。自足真天祿。寧爲擊壤歌。莫作窮途哭。一法不留情。青山四時青。折松拂石坐。白雲林外行。

托鉢歌爲元恕和尚作

五峯道人慈無畏。饑來托鉢前村去。衲衣擦亂似飛鵝。頭髮鬢鬆如刺蝟。得飯即便噉。得飲即便啜。塞却饑腸即便休。箇中滋味憑誰說。自我生來得此鉢。受用無窮真快活。非銅非鐵亦非金。絕類離倫最奇絕。不借借不洗刮。圓陀陀兮光燦燦。有時擲向十字街。

頭渾弗愛惜。有時收向百衲袋中。重重包括。傍人對我問端由。劈面高聲與一吐。我笑老釋迦。托鉢一。日限七家。我笑維摩詰。托鉢。勞人到香積。而我誰知盡不然。逍遙任運如神。仙相遭箇箇是檀。越出門處處逢炊煙。阿呵呵。會也麼。三界擾擾空中華。談玄說妙如稻麻。動著便是成誚訛。鉢兮鉢兮。聽吾誓。汝慎勿譁。我已死生不棄汝。汝休棄我。別處營生涯。

示茂上人

最初一機末後一句。開口便承當。早已落第二。不見殃。崑摩羅喚世尊云。住住世尊。向他道。我已住。是汝不住。看者老漢等閑發露。如轉圓石於萬仞峯頭。躍然而下。直至平實地上。尙未是他歇處。達磨不東來。二祖不西去。槎槎牙牙。且過時。莽莽箇箇。河沙數。

病中贈訥上主

我病正無奈。百骸如擊搏。君來覓禪偈。應念成解脫。撥筆爲之書。萬象相應諾。藏海絕纖流。蒼龍露頭角。青天轟霹靂。白日飛雪雹。君不見全機坐斷兮。說甚陰魔死魔煩惱魔。一念圓融兮。頓超等覺妙覺。無上

覺

恕中和尙語錄卷第四

恕中和尙語錄卷第五

參學比丘 清歲等 編

偈頌

送人再參中竺用章和尙

桂子堂前千歲翁。噫氣六合生雷風。金陵始祖來普通。邂逅一見情識空。魔外攝伏爲侍僮。飄飄兩湖山水中。稽留輿城靈鷲同。擇勝發地成梵宮。高堂伐鼓聲。鼙鼙四衆駢集如林叢。左顧右盼回蓮踵。隨類悟悅超樊籠。前身寶掌今我公。三生石上曾相逢。鳳雛驥子寰宇充。馬駒蹴踏須讓雄。子親入室窮始終。繞指百練非頑銅。別來踪跡猶轉蓬。新月屢見如彎弓。慈明易服隨游戎。敢忘參請歸心悅。向來香火存餘紅。兜樓薺處橫蟬蛩。咄嗟相見機何隆。電光石火休恩恩。拂子掛起深鞬躬。喝下定應雙耳聾。

戊申歲坐夏金鷲禪餘閱羅湖野錄其中載

竹山珪公廣郢州潼泉山洪禪師獨孤標頌

四首謾次高韻以示記侍者魯侍者軾侍者

獨孤標獨孤標一道神光透九霄涅槃生死無二法

三乘十地何須超看他天下宗師競出頭來弄盡機

關作盡伎倆恰似點火謾把虛空燒

獨孤標獨孤標九年面壁舌生芽悔殺當初錯開口

一言輕出驚老蕭到頭輸與德山臨濟趙睦二州得

路塞路過橋斷橋

獨孤標獨孤標牀頭薜壁懸茶瓢天光日出睡正穩

一聲窗外婆餅焦寒山豎起竹掃帚長汀解開布袋

包試問時人會不會若也不會五柳先生元姓陶

獨孤標獨孤標一瓶一鉢何寂寥騰騰任運絕修證

聖凡不超還自超懸崖峭壁紫金聚蒼煙翠霧白玉

毫壁破太虛成兩片石女補綴紉龜毛

贈法姪莊藏主

燭龍吐火燒虛空處處江河盡枯竭方士神僧世已

無誰倒天瓢洗炎熱柴門日高關未抽豈爲一口生

閑愁南村北村青稻死上田下田黃埃流竹外忽然

聞剝啄姪也何爲到林壑油黃卷子手持來玉閨珠

輝見新作載舒載讀心眼開便如飲我甘露孟老懷

從茲頓蘇豁末運不畏宗綱頑我有一句須聽取無

智人前莫輕舉山前石虎咬菸菟吒沙獵領九條尾

道初和尚悼偈

人謂真際死我謂真際生真際本非幻幻生真際名

禪房夜月冷石塔春雨鳴宗綱正落紐佇立徒含情

後昆亡軌範提唱肯宗趣未曾得入頭已謂登祖位

力闡向上機要彼知本據一夜毗嵐風吹倒陰涼樹

龍河多嗣子文彩丹山鳳赫赫照人天今古孰與共

惟公智力強祖佛受持控拋出末後句渾崙無罅縫

或音非我祖達磨非我師真空本平等三際同一時

刹那無量劫電影猶遲遲生身五十年聲譽無盡期

示惟寂

古人出家爲生死今人出家則否爾生死由來既不

明況復所爲同俗于友不友兮師不師浩浩成羣習

庸鄙獨事如今已面牆何待他年始知恥而汝既然

爲我徒日用應須重操履教旨禪宗力究參聖像晨昏更勤禮懺或一朝得入頭便有清聲播人耳慎勿悠悠只麼過沒頭浸在死水裏我今衰老百無能隨分山林且容與汝來問訊我合掌觀面何曾孤負汝

箴仲規扁所居爲清白居

道人宴坐清白居身心不動長如如月窟深藏雪師子冰壺靜貯銀蟾蜍絕色純真妙難測中下焉能造其域不修梵行事空王豈守邪禪作家賊縱橫廓落舍卜虛三尺丈六攜手歸徹骨風流祇者是六門日夜揚光輝靈利師僧近來少往往多從外邊討本無階級坦然平到此定應先睡倒道人道人聽我言探紅抹綠知徒然要須臨機盡別脫莫教墮在清白邊與子從頭數先哲臨濟家風最超越豁開戶牖辯龍蛇地裂天崩惟一喝

朝宗偈贈測侍者

我宗廓落如虛空無邊法界皆含容又若明君朝萬國風從虎也雲從龍宗本無宗我無我白雪陽春和來寡曹溪之後錯流傳五派分張成話墮茅堂晝坐

南熏涼草木過雨浮天香朝宗消息只這是別有奇特難商量

贈福建乘上人

要作上乘之人直下必須見性果爾見得分明自然頭正尾正寢削萬機斷除四病如出匣之龍泉似當臺之明鏡瞻前顧後者認影迷頭避刃限鋒底喪身失命立沙只箇釣漁翁一肩擔荷無餘剩

贈悟維那

正音畢竟憑誰續短舞長歌徒碌碌承虛接響漫言多節拍相投一麟足楔出楔兮機奪機掃除意路超玄微戴角泥牛入海吼無毛鐵鷄搏風飛法戰場中老興化生擒活捉令人怕克賓出院一場榮脫得入身能幾箇

贈詮侍者

依師取友須慎擇友勝師良爲上策如彼滯痾必遇發藥如彼稿苗必遇甘澤是以會通執事於鳥窠雪峯取證於老獃幸有從上體裁自可爲標爲格黃昏祈願望扶桑金鷄一聲天下白

今入字原本
刪減疑全

白雲山舍歌贈麟藏主

白雲縹緲無住著。獨與青山如有約。暮向青山頭上飛。朝來又抹青山脚。道人業空寂。不喜世上名。既愛白雲白。復嗜青山青。結箇茅廬事深隱。笑指雲山當戶庭。雲山宛然是我性。我性本是雲山靈。寒則衣雲裘。饑則飲山綠。日用逍遙無不足。佛也從來不願爲。那識人間有榮辱。

送渭侍者省師叔印宗就問訊

徂徠之松渭川竹。勁節高標拔塵俗。納僧行志亦如斯。甘分空山抱幽獨。香巖一擊忘所知。鳥窠臺足乘危枝。只將松竹代說法。布毛何用拈來吹。道人東寺有師叔。慎莫拋家事。馳逐鐵船打就已多時。歸颿好趁東風熟。老我不得相周旋。送子但覺心拳拳。爲言吾道正牢落。千鈞重檐安誰肩。

瑤藏主先字方石後於禪燕中夢入委羽山

獲奇石方寸許。面有宗印之文。遂以宗印易

前字求偈

道流夢入委羽山。警歛疊疊開雲關。誰遣山靈獻奇

石。落手異色非朱殷。宗印之文炳然現。拈起千人萬人見。令行吳越在斯時。東土西天看平展。覺來偃仰牀上眠。追思往事何茫然。三世如來共說夢。空餘半滿并偏圓。更名換字都在我。出沒卷舒無不可。有人更問鐵牛機。拈起烏藤劈頭打。

瑞巖僕陳安壽求

佛法本無高下。凡愚自生分別。徇緣隨類。賦形恰似天上明月。現清此以何優。印汚流而何劣。出入無時。應用不缺。瑞巖頻喚主人翁。不出于今箇時節。咄。

大圭贈挺藏主

大圭溫如祕光焰。纔經琢刻生瑕玷。三獻須知不自珍。全歸早是成落賺。乾坤之內宇宙間。連城重價相酬難。黑月則隱白月現。豈同頑石埋空山。如來藏裏親收得。富貴熏天更無敵。別寶還他碧眼胡。孟浪之夫豈能識。

參禪行贈荷藏主

參禪乎參禪乎。參禪須是大丈夫。當信參禪最省事。單單提箇趙州無。行亦提坐亦提。行住坐臥常提撕。

驀然打破黑漆桶。便與諸聖肩相齊。所以懶墮不受黃麻詔。芙蓉不受紫綃衣。既是參禪了生死。誰肯逐物成自欺。近代參禪全不是。盡去相師學言語。縱然學得言語成。恰似雕籠養鸚鵡。鸚鵡隨人巧調舌。白日千般萬般說。問渠所說事若何。隨問隨言怎分別。勸後生宜猛烈。著手心頭便須瞥。三乘教典米中沙。百千諸佛眼中屑。參禪乎參禪乎。絲毫繫念非良圖。堪歎神僊張果老。灼然不愛藥葫蘆。

性宗偈示翰藏主

廓然真性同虛空。孤危不立而開宗。有無商量探水月。善惡置論裁天風。不識眉毛爲伊說。試問于今甚時節。真性虛空尙假名。認著名言拙中拙。我此一宗扶最難。德山臨濟頭皮頭。棒喝交馳振萬世。翻翻軼駕誰高攀。後生可畏古所道。慎勿閑邊打之遶。一語能摧異見。王少室方堪慰懷抱。

次南堂韻送壽首座歸扶桑

屋頭鐵馬聲丁東。明明歷歷揚眞風。老夫夢熟蓬萊宮。鈞天廣樂盈耳中。覺來軒知與神遇。逸響遺音競

奔注。夢覺曾無起滅心。帖然一似霑泥絮。道人推門露未乾。相看一笑非顚顛。預十世古今融當念大千沙界。歸毫端。愛爾年來手脚老。出沒神機電光掃南堂。室內早鷹揚。鉢袋千鈞已傳了。翻憶當時侍禪榻。開口便受攔臂踏。罔象明珠離水泥。軒轅寶鏡開塵匣。明朝送君鄧水邊。博多遠泛東歸船。老夫閉門仍打眠。更無心力論單傳。

次楚石和尚韻贈志侍者

不以意遣意。不以言遣言。當頭一坐斷。白日懸青天。西齋我兄弟。有口懶說禪。竹筴胡亂揲。自然忘正偏。蟬蟻棲理窟。叱咤排冥筌。死盡活潯僧。直下脫蓋纏。子也文遠輩。師資兩成全。關劣不關勝。堪齊古人肩。秋隼振六翮。拭目看孤鶩。橫翔九霄上。曾次空八埏。豈比輟尿猪。故故拘欄圈。三呼便三應。密意在汝邊。寶八破布衫。薄處定先穿。

息游室爲振上人作

百尺竿頭進一步。黑漆崑崙遭指註。百尺竿頭退一步。脚跟未踏通天路。路進非進兮退非退。騰身已在須

彌肯進卽退。退卽進。大悲倒握魔王印。堪笑當年
老趙州。上人門戶將焉求。臺山婆子勸不破。只解看
樓還打樓。摺折平生鐵拄杖。截斷諸方閑妄想。一室
寥寥盡日開。彼旣無來我無往。雨過疎簾捲上鉤。白
雲如水天邊流。博山噴煙談實相。窗外一聲黃栗鵪。

次韻贈月上人兼柬穆庵

叔世宗工誰第一。抹過二三并四七。敲打虛空驗作
家。獨有開元眞傑出。西丘直下五世孫。名高德重僧
中尊。摩醯豎亞頂門。眼下視四海如杯。盆子也冷然
好風骨。慎重依參絕輕忽。室中授手得親傳。豈比撈
波取明月。嗟余百事不如人。偏於爾父情相親。爲言
近得安樂法。困來只麼憑蒲輪。

來禪人求長句

近來禪子好長句。纔寫短句便不喜。句有短長理則
一。何故於中分彼此。長者不知長幾何。短者不知短
幾許。若能直下究根源。長短皆由妄心起。阿呵呵囉
囉哩。須彌爲筆虛空紙。寫出贈行一句子。此去從君
較短長。莫教打失自家底。

次韻示釋藏主

不然不然如是如是。纔分佛界魔宮。便有人鄉我里。
作意橫詮豎詮。蹉過直指單傳。見飯人人會喫。飲鴆
獨許曹瞞。老我庵居成落魄。柴門縛解無心縛。道流
侵早自何來。金錫倒持當面卓。佛祖向上無立闢。七
通八達休防閑。安得任公釣竿手。六鯨一掣連三山。

示劍上人

神劍在握寒光孤。魑魅罔兩皆遁遁。三乘十地呼婢
奴。無位眞人鼻孔短。雪山童子眉毛藏。

題熙明先生挽章集

麒麟可殺鳳可烹。世上不可無先生。青松可彫柏可
槁。儒林不可無此老。此老心如日月懸。燭幽破暗無
頗偏。向來持斧來南天。提挈造化專機權。機權可施
勢不偶。隱几深山柳生肘。了知富貴如浮雲。日課彌
陀十萬口。心心念彌陀。念念如懸河。彌陀之心卽我
心。我心早已離娑婆。可憐固可憐。可惜固可惜。莫將
生死論先生。生死從來本空寂。

自然歌

自然不可歌。可歌非自然。蒙莊滿口道。不著邁往徒。
有逍遙篇。更有老釋迦。何曾脫蓋纏。母胎纔出便捏。
怪分手指地。還指天。欲識自然道。莫向餘處討。秋至
千山落紅葉。春來徧地生青草。萬彙槩然自榮。自槁。
一一順時。一一合妙。若謂造物使之爾。造物畢竟成。
有心苟言造物本無心。造物無心物誰造。阿呵呵。呂
仲賓會取好。

黃孟賓號聞居士求偈

有聞可聞非真聞。真聞豈得將聞聞。擬達真聞了聞。
性休將覺觀來評論。真之爲言亦妄說。如與虛空安
耳穴。可笑獼猴不息心。癡狂水底探明月。坡仙昔日
遊廬山。一著錯聽非等閑。指出溪聲廣長舌。至今此
話消磨難。黃君黃君誠好手。開口便成師子吼。聲色
堆中輟出來。驚起法身藏北斗。

盧居士求無隱偈

君不見廬山昔有十八賢。開池結社同栽蓮。力究禪
那了生死。死翹誠清泰。尤乾乾。君今有志慕先哲。特地
參尋請吾說。此事分明本無隱。相知豈在多饒舌。舌

恢焉晃晃焉。開眼合眼常現前。大悲千手掩不得。蓮
胞胎獄難縈。縈赤灑灑淨保保。白日青天休把火。水
晶甕裏坐波斯。黃檗樹頭懸蜜果。妙中妙奇中奇。惟
心本性超玄微。十字街頭寥胡子。左顧右盼揚雙眉。

鐵牛偈贈牧長老

鐵牛通身鑄生鐵。仰性獨與常牛別。鼻孔頑然弗受
穿。兩角指天何嶮嶮。蚊子飛來難下背。有耳焉能聽
春雨。挽之不後推不前。阿童徒用施鞭箠。荒田疊疊
未動犁。舉目煙草尤淒迷。安得乘時借餘力。卽看種
極盤虹蜺。

幻居爲金鷲笑庵閻長老作

三界蟬蝶幻中有六道微茫有中幻。未能了幻證無
生。何似蒸砂要成飯。金鷲道者誠個奇。尋常妙用那
容知。蝸牛角上展世界。藕絲竅裏藏須彌。一室宏開
石樓脚。誰道虛空也不著。回僊徒自逞嘍囉。幻化門
中成住著。飛泉迸壑如奔雷。白月照耀青蓮臺。萬法
皆空一眞寂。未窺靈閫徒驚猜。

郁西堂號文海松月翁爲作歌。余因次其韻。

我家文海非常闊。一勺能含萬頃渤。空墳魯典漲餘
湍。詞鋒筆陣徒騷。聒日月。倒影相參。羅上下。融液凝
彩波。天然之文。有如此。辯舌不動。翻四河。汪洋廣大
無窮。極百川同歸。味惟一。蠶測之流。欲問津。望洋向
若。寒毛立。

贈育王肇藏主

大藏小藏八面玲瓏。一機便轉。豈較西東。玉几峯前
振鐸。須彌頂上撞鐘。著著隨機利物。頭頭開發盲聾。
大千一擲。三十反風。從虎也。雲從龍。

賢上人求警策

衲僧事行脚的。爾非小緣孜孜與。乾乾舉措思齊賢。
水牯既求熟。寧不痛加鞭。塵勞既未脫。何名清淨禪。
湧泉四十載。尚乃多變遷。香林四十載。方纔得完全。
古人且如此。今人豈其然。譬如渴求水。鑿井向高原。
鑿之轉轉深。會當見清泉。我老宜殿後。子壯須及前。
叮嚀復叮嚀。勉旃仍勉旃。

短歌贈蓮侍者

蓮華開在半天上。古人此語非孟浪。平生廓達韓退

之玉井。徒誇長十丈。藕絲數裏飛大鵬。么荷葉掌須
彌。輕無手。僊人摘實。喫纖眉。石女肌骨。學蓮禪者。蓮
禪者。不妨爲我折一朶。行行莫謂知音寡。

居山好一首贈獎藏主

居山好。居山好。居山快樂同誰道。我見居山快樂多。
老來悔不居山早。憶得初年事。行脚東走西奔。無孽
畫。知識門庭。盡歷過。心地依然未明白。或施棒。或施
喝。或把甜言相誘。嚇。只管依樣畫葫蘆。葫蘆之內。無
真藥。從此令人病轉深。沒興相逢還喫著。居山好。居
山好。居山快樂同誰道。猿吟鳥語是全提。壑列峯攢
卽三寶。真源實相。露堂堂。聖解凡情。均一掃。恬然受
用。絕安排。且免從人口邊討。報同流。休草草。未明心
地話。居山。居山。但見添煩惱。

一笑軒爲宗旨南作

一笑軒中行。復坐青山白雲。不可唾六戶。虛凝絕點
塵。經按銅瓶。安一箇。靈山對衆拈華時。百萬龍象徒
蚩蚩。金色頭陀獨解事。巖然一笑揚雙眉。笑邊真旨
憑誰委。木強楊歧未相許。客來不必更躊躇。便應識

取軒中主

贈東林球侍者

天球卞璧爲世瑞。遇貴則賤賤則貴。形山之寶。迥不同。赫然誰敢當頭覲。我笑廬山十八賢。蓮漏聲中開眼睡。獨有淵明解見機。警爾攢眉便歸去。上人親自山中來。老我不必頻頻舉。鐵牛耕破舌頭皮。有口莫吸西江水。

蔗庵號

繞屋不栽松。繞屋不栽竹。繞屋惟栽甘蔗苗。釋迦遠裔憑茲續。僧來扣門無可道。捏起麤拳劈臂。擣要你從今見本根者。回莫向甜頭咬一節低一節高。由來不長閑枝條。天生自然滋味足。釋釋亦假施勤勞。雲林昨夜西風起。撼撼秋風戰窗紙。叮囑園丁快著忙。收拾當年眞種子。

贈天敘西堂

大梅提起住山斧。虛空拍手須彌舞。大梅放下住山斧。南泉不打鹽官鼓。提也放也總自由。猛虎脫檻鷹辭鞬。勘破諸方老凍。屢不同夾。嬌華亭游少室宗風。

已寥落力振宏綱。繼先作吳越爭看正令行。頂門撼動黃金鐺。

送梁藏主

手中拄杖牢把住。未踏吾家向上路。一大藏教盡掀翻。清淨界中撒沙土。從空背空有句無句得失紛然。是非交互若是出格。英靈蒼鷹爪下分兔。自然單古籠今更說什麼有淨有污。空室不識羞從頭盡披露。放得下時須放下。放不下時擔取去。

次天界全室和尚韻贈彰維那

說禪并說道。昧却自己光。苟不淨打疊。此事何由彰。君不見雲峯未入大愚室。弱子捨父而逃亡。桶繡爆處伎倆盡。話頭從此爭傳揚。又不見應庵曾領堂司職。遺範到今如畫一。洞裏桃華腹得春。六十小劫風雨疾。後生慎勿隨他去。從上牢關都截住。龍河鉢袋重千鈞。老我會見親分付。

權中偈

輕重可權中。奚權權中之道。應有焉。九年面壁涉計較。嘉陰高臥成徒然。要識圓常不偏倚。湛湛秋空沒。

纖滓正當午夜月輪孤於斯未可輕相比寒山眼腦
雖精靈拈來秤尾元無星半斤八兩定不出拍手大
笑歸巖廊

新昌大像前無著菩薩面貌傾損登上人化
緣重爲裝飾說偈以示

彌勒時時出現無著日日相親從教改頭換面始終
不離本身鼻孔依舊向下眼裏執謂無筋石城青山
削玉鏡湖白水浮銀卽是兜率內院儼然弗聞纖塵
何待龍頭華吐方纔說法度人咄

送潮藏主歸鄉

不解參禪并學道一心只說歸鄉好多少癡迷昧本
眞倚家傍舍空衰老爾也年來頗識機契飯著衣知
起倒胡乃猶尋舊路行掌包取別成草草古人歸鄉
有榜樣豈是今人沒收放永嘉振錫到曹溪一宿便
回非孟浪更有圓悟歸錦城父老共置茶筵迎道光
德色耀千古皎皎白日懸青冥如此歸鄉良不惡不
如此者還成錯洞山所以死不歸要令後輩師先覺
丈夫氣吐萬丈虹肯膏駿轡循遺蹤打破從前黑鬼

窟直須赤手扶眞宗春風春雨天台路溪流百摺如
經布脚跟踏實是便宜莫羨他家浮笠渡

心源爲究首座作

心源心源無淺深擬欲究之徒苦辛直是掀翻絕涓
滴於斯始許來問津請君且勿誼聽我歌心源滔天
沃日亘今古揚清激濁忘中邊三世如來不知有被
他浸得鼻孔穿對面分明不相識眉間掛劒光燿燿
可祖求安安不得三寸舌頭轟霹靂

遠藏主修幻室

覺後眼前尋夢境疾馳日下期留影影若可留夢可
尋幻亦可修須自省以幻心來修幻法幻根深固終
難拔戶底門頭盡豁開我家始信乾坤闢匠牀兀坐
如山安與來謾把無絃彈就中一曲調最古好訪知
音繼先祖

示百丈益藏主

向上一關七穿八穴亘古亘今間不容髮言前薦得
猶涉兩歧句後精通只得一撇百丈老古雖無事生
枝節指出箇野狐腥風滿寥沉不落因果炎天冰片

撒徧長街不昧因果。裏蓮華香飄臘月。道人英俊流得處。自超越。推倒大雄峯。十方開聒聒。會見心空及第時。蟾宮丹桂和根拔。

萬宗自號斷佛種人請偈

斷佛種人手段別。烈焰爐中撈出雪。十聖三賢尙不親。小果聲聞豈能列。日用行藏可復奇。透脫溟滓超希夷。不受然燈閑記。萌自然更不差毫釐。執法迷流豈知錯。癩狗偏笑雲間鶴。紙錢堆裏轉法輪。猪肉按頭成正覺。金剛寶劍高佩。纏逼人凜凜生寒光。佛無種性焉用斷。有種可斷成斷常。

法語

示銛維那

鹿城銛維那訪余於太白山庵。求說禪病。余謂禪本無病。爲參禪之人。參之不得其妙。遂致禪亦成病矣。若是大根大器。直取無上菩提種。草自然與尋常不同。日用行藏中。凜凜地直教五欲八風四生九有。菩提涅槃真如解脫一切法。近傍他不得。如是一切法。正是病禪之病。苟能當頭坐斷。內同木石。外同虚空。

廓然清淨禪。亦不可得。況病乎。近代宗風不競。直指之要。往往流成戲論。踞曲承牀。稱宗匠者。要籠罩新學。以古人澈骨澈髓。爲人直指。句子盡拈。將來如鄉村中老教授。教年少子弟。讀上大人一般者。一句是對機語者。一句是肯他。不肯他語者。一句是相應帶語者。一句是不落玄妙。語密地商量。以爲宗旨。一箇傳一箇。謂之傳法度生。如斯鄙劣。不足枚舉。若果是有志擔荷者。不必求人說禪病。但自退步向脚跟下密密體究。豈無到家時節耶。

示英維那

達磨大師自般若多羅處。竊得箇無文印子。以爲盡恒河沙世界。無上無等等之至寶。嘗於其國六宗邪見邊。略施其用。以爲不足承受。乃佩而東。遇至赤縣神州。求人授之初。值梁家天子。奈其所尙者。蟲文鳥篆。虎鈕龍綢。由此不契。遂至少林。冷坐九年。待人求授。而無意求人授矣。偶有箇斷臂阿師。求授於深雪中。自覺勤切。故憐而授之。從而遞相傳授。莫不能如法施設。鮮有能超宗越格。倒用橫拈者。及至風穴手。

中被他一擊百雜碎。直至而今乃子乃孫俱收拾不上。建長英維那心憤憤口排排。要與風穴索取完全底印子。爲達磨大師出一口氣。可謂有驚天膽略。蓋世良謀矣。却來問老僧當初者箇印子。不審其中刻箇什麼字。余咄之曰。分明向你道。是無文印子。猶更來問其中刻箇什麼字在。

示至德禪人

永嘉大師到曹溪。一宿後作證道歌。始開口便云。絕學無爲閒道人。不除妄想不求真。且無玄妙佛法。可得商量。至如後面所說許多切切怛怛。無非解說。絕學無爲四字而已。若得一朝親悟親證。獨脫無依。不上他古人閒機境。不守自己家常受用事。便與永嘉把手共行。豈難哉。藥山參石頭。一日坐次。石頭問云。作甚麼。答云。一物不爲。石頭云。恁麼。即閒坐也。答云。若閒坐。卽爲也。看他得底人。只者閒坐。尙且羈絆他。不得何況毗尼戒法。言論經教。知識傳授。而羈絆得他。既然如是。又焉肯向外妄有求覓。莫道向外無可求。便是向內何嘗有耶。所以道。若人修道。道不行。萬

般邪境。鏡頭生智。劍出來無一物。明頭未顯。暗頭明。雖然一人喫飯。焉能使衆人同飽。苟或佇思停機。永嘉大師在你脚跟下過去久矣。

贈寬侍者

達磨大師初至東土。但云直指人心。見性成佛。當時吐露這一句子。自覺舌頭已重千鈞。豈似今日。不本元由。向外馳逐。牽條比例。指東畫西。那箇公按。是爲人。那箇公按。不是爲人。教壞學者道。我是達磨兒孫。傳持直指正宗。吁謗法之罪。其可逃乎。若是真正丈夫。如踞地師子。如出林猛虎。無你摩挲處。無你近傍處。但是達磨大師到來也。須與他一撈。雖然到者裏。不得草草。灼然是箇渾鋼。打就生鐵。鑄成底方有趣。向分方有開口。分古今參學出類。邁倫無出。臨濟當其於黃檗會中。三度問佛法大意。三度被打六十拄杖。尙且對面諱却。若不得高安多口。阿師與他觸發。幾成蹉過。既而夢覺。知非。築拳脇下。雖則虎鬚倒捋。已是賊過。張弓。何況指鹿爲馬。認奴作郎者乎。信原侍者深諳此事。不在再三大事。爲你不得小事。各自

祇當

贈所藏主

大凡學道有箇棲泊處便有推尋一路子。若無棲泊處推尋何所施焉。且如虛空本無名相而人強爲立名相。卽隨着便有沈寂寥廓廣大弘邈之見。學道人爲於本分事上雖著盡氣力。猶擊鼓而求亡子。轉相疎遠矣。所以德山見僧入門便棒。臨濟見僧入門便喝。正如國家兵器不得已而用之。後來汭流失源。強生枝節。却就棒喝上註解。道你若會去方知道。德山棒不從手出。臨濟喝不從口出。令學者向者裏推尋。縱然推尋得著。要作少林直指宗徒。何異驅蟻馳驛。役蚊負山哉。不見長沙和尚學道之人不識真。只爲從前認識神無量劫來生死本。癡人喚作本來人。正謂此也。靈隱無住藏主自幼年插腳叢林中。親事知識。究明已事。而於易學最精。因爲舉長沙偈。隨問曰。只如易中道。寂然不動。感而遂通。是生死本。非生死本。無住曰。虎咬大蟲。蛇吞鼈鼻。余曰。正是生死本。無住以手搖曳而已。并記于此。三十年後脫空話行。

未必不由是而發也

示大禪人

今之學道人。不明大道。惟務貪求。只如打初發心學道。一解便錯了也。夫道者。本原清淨之道也。曠大劫來。而至今日。無得無失。無新無舊。無明無暗。無相無名。在諸佛不添在衆生不減。強名之曰道。早是染汚。若言學之方有所成。是所謂錯也。古者不得已呼向上人爲學道人。蓋其以無可學爲學。無可道是道。無可學則無執著。無可道則無遵守。等閑蹉口道。著佛字。直須漱口三年。始可謂之眞學道人。也。南泉和尚云。道不屬知不屬不知。知是妄覺。不知是無記。若眞達不疑之道。猶若太虛。豈可強是非耶。王老師可是忘軀爲物。不顧危亡。殊不知我王庫內無如是刀。

古源說

威音以前波瀾浩渺。釋迦以後涓滴全無。縱爾向波瀾浩渺處。把定牢關。不通滲漏。正是迷源喪本。更若向涓滴全無處。撥開一脈。沃日滔天。又成墜露添流。去此二途。別有施爲於我曹溪路上。未有揭厲分在。

豈不見趙州訪茱萸。攜拄杖上法堂。東觀西觀茱萸。
云作什麼。趙州云。探水茱萸云。我者裏一滴也。無探。
箇什麼。趙州以拄杖靠壁而去。趙州茱萸將陰陽未。
判。天地未形。那時。澤沸。濫觴發。蒙底這些子。谷米遞。
相澆潑。可謂知其源委。得其淺深。較之蠡測。蚶探。望。
洋向若之類者。何異雲泥。遼遠也。歟。雖然。若要窮威。
音以前。波瀾浩渺。底則可要窮釋迦以後。涓滴全無。
底則未之許也。因甚如此。不見道曹溪波浪。相似。
無限。平人被陸沉。臨川輿上人號古源。求說於余。不。
覺切怛。

恕中和尚語錄卷第五

恕中和尚語錄卷第六

參學比丘 清歲等 編

五言律

寄宗聖西堂

宿有扶宗志。辛勤四十年。句清堪供佛。業白可箋天。
燕坐畦衣薄。經行雪頂圓。長庚光欲滅。內院一燈傳。
暇日讀真淨和尚寄荊南高司戶五偈。愛其
直示心法。如雲廓天。布絲毫無隱。真弄大旗。
鼓手段也。輒追次其韻。以示酬侍者。

本心無自性。休論主和賓。妄想巡蹤狗。聰明捕獵人。
追隨同契分。呼應最相親。得僞歸家後。洋洋總任真。
知見還知見。何須認作心。四生同受用。七處謾推尋。
賢明終磊落。愚昧轉飄沉。忽憶西來事。令人感慨深。
惺惺行異路。默默墮邪禪。螻蟻逢腥聚。猴獼得樹緣。
遺屍眠夜塚。腐種布秋田。如此明心要。知君恐未然。
只箇娘生面。時中莫外尋。卓然千聖眼。赫矣萬靈心。
圓淨非因古。優悠豈自今。劫波徒浩蕩。惟是謝飄沉。
仰山親種粟。百丈勸開田。做出千般樣。都歸一味禪。

口頭何斥。想手面更團圓。水底無明月。當知月在天。

十念示法姪淨覺源

定起懷安養。添膏助佛燈。剎那圓十念。迢遞出三乘。
天樂時時奏。蓮臺步步登。遠公雖已矣。斯道要人弘。
坐禪箴示歲侍者

執坐非真坐。觀心是妄心。衆流俱截斷。三際自消沉。
爾發無今古。其源絕淺深。黃金須百煉。珍重好光陰。
讀高僧詩示心印

道合千年運。身游萬行林。玄言空俗語。幽思發清吟。
玉潤難方德。金堅謾比心。雖然無諷刺。正氣鬱森森。
聞蟬

侵曉堆梳坐。蟬聲出樹林。分明宣祖意。何處有凡心。
歷歷消清夢。悠悠助獨吟。時人皆共聽。誰謂少知音。
熱

大地燦金石。禪心只晏如。幽閑無濁慮。鬱埒自清虛。
坐石頻揮麈。臨流看躍魚。優悠三界內。寒暑不關渠。
贈山庵半雲

茅屋住來久。惟勤聚法財。煮茶先濾水。吸粥旋烘苔。

石薛成團吐。巖華逐朶開。老年無別事。一念待金臺。

悼深居施元師兄

憐君雖早喪。宗響有餘音。細行嚴持密。宗門悟入深。
煉磨金出鑛。徵詰芥投針。歲晚游從少。憑誰話此心。
人世風波險。高齋獨晏然。資身無長物。輔教有遺編。
坐久兼牀穴。書多鐵硯穿。只知弘祖道。豈謂損天年。
憶昔同參請。先師彊健時。一言未脫口。密意已先知。
更不從人覓。終能厚自持。陰涼天下樹。先折最繁枝。

題珪上人山舍

紅葉填松徑。清溪繞竹林。西風雙鬢老。落日半窗陰。
壞牆偏宜厚。幽居不厭深。竺仙遺偈在。展卷且高吟。

讀東山語

咬破鐵酸餡。風流有許多。城中看傀儡。屋裏唱巴歌。
棒落青天雨。華開臘月荷。兒孫遵舊轍。爭見化龍梭。

示操侍者

一片無瑕玉。多年混碓砢。琢磨逢敏手。好惡曾分途。
密似行軍令。精於定廟謨。觀毫如失準。霄壤便差殊。

謝靜中過訪

掃跡千巖裏。柴門久不開。正逢新雨足。忽見故人來。
燒笋供茶碗。烹薇薦粥盃。欲留君共住。分石坐堆堆。

秋海號

玉露洗空碧。滄溟湛不搖。一漚曾未發。何處覓全潮。
忽地西風急。粘天白浪高。漁翁談笑裏。隨手掣金鰲。

贈南湖謙西堂

台衡宗觀旨。嵩少只傳心。江漢皆歸海。瓶盂共一金。
未能親證入。寧免競推尋。三獸同河渡。隨機自淺深。

題王山人草齋

築室鳬溪上。松門日夜開。家貧無盜入。山好有僧來。
雨漏重苔草。年深旋積苔。繞檐梨與栗。祇爲子孫栽。

寄楊建文先生

五載不相見。況兼行路難。身安知少病。髮白想無斑。
按上玄經就。爐中蛇女還。無茲有真趣。應對馬師彈。

示會上人

此道人人具。其如會者稀。說時皆有悟。拶著不無疑。
要識單傳旨。須明向上機。獨行無伴侶。真是出家兒。

贈初復庵

可師心地法。不在少林傳。密意頭頭顯。真燈處處然。
須知三毒火。正是上乘禪。未解知端的。時中自勉旃。

贈澄上人

西來消息。別不憚共君論。脫體誰無分。隨方自獨尊。
後天爲祖父。古佛是兒孫。年少勤參訪。流年似電奔。

示師孫曇微

向上無立路。當休便合休。慧燈常寂照。智水鎮長流。
大地終歸盡。虛空絕去留。時中宜勉力。歲月漫悠悠。

次韻答烏草齋先輩

藉甚烏夫子。鄢居傍柳林。焦桐高掛壁。春草滿牆陰。
道譽丘山重。詞源江海深。嚴僧亦何幸。許得共論心。

七言律

送恩侍者歸蜀

西蜀禪宗百世師。龍飛鳳躍見當時。盈車火燎金剛
疏。越格風流小艷詩。豆子山前打瓦鼓。草鞋庵外蓋
烏龜。此行莫墮他途轍。別立新條唱祖機。

次韻答南堂法兄見寄

禪詮歷倒老圭峯。舌底長吹少室風。千聖那邊開正

眼一毛頭上現神通。烹金不用陰陽炭。羅鳳何須天
地籠。截斷古今閑露布。西天此土有誰同。

復用韻寄西白和尚

峯元凌霄出衆峯。是誰還可繼孤風。嘉聲號號雷霆
震。峻嶽滔滔河漢通。應笑鏡清拈火箸。豈容甘贄拜
蒸籠。妙明心印傳來久。不與尋常篆刻同。

正月十五日。搥退鼓于靈巖瑞龍夢堂和尚
以偈勉留次韻奉謝

堂前退鼓合三搥。自媿非才荷見遮。道喪時危心轉
弱。途長任重力何加。青松秀挺千年操。紅蘂榮開一
日華。珍重龍峯善知識。片言端可鎮羣華。

次芥室韻悼南堂和尚二首

知向誰家作馬驢。南堂終以此爲期。莫言去日非來
日。須信生時卽死時。弟子但教傳鉢袋。梵王何用獻
華枝。驪珠撒出三千顆。亦是重安眼上眉。
咸淳提唱太支離。父子鏗鏘與古期。再續統燈光照
世。重拈公案語驚時。絕無氣息揀人鼻。那有心肝掛
樹枝。筋斗背翻三界外。丙丁童子笑掀眉。

送楚藏主參方

我宗無法可傳持。妙用神通豈用師。快似亨衢騎駿
馬。險如絕壑控蒼螭。試看大海波騰處。正是虛空粉
穽時。待汝徧參知識了。不妨來喫頂門匙。

扶桑登侍者以偈請益有三萬里程來問道
之句次韻答之

三萬里程來問道。艱難喫盡許誰知。可憐打失其中
事。只爲貪多向外馳。蜜水甜糖非善友。瞋拳熱喝是
良師。翻身踏著來時路。早已重安眼上眉。

賀天界全室和尚浴室成

驗人開室宗師事。要使勞生心地明。既識涼時炎似
火。更知熱處冷如冰。無功可立功難紀。有垢堪除垢
轉生。任爾古靈揩背手。到來焉敢亂施呈。

次韻寄法姪滅宗石田二西堂

衰頽彼彼已成翁。眼既昏迷耳又聾。忽接來書承厚
意。何當握手話先宗。山林風月長如舊。江海人材自
不同。昔日交游今日少。始知秋後見山容。

悼前普慈大林和尚

列祖功齊自少年。老來無復更加鞭。法輪三轉雖稱妙。宗要單傳不落玄。海國風高無夢到。雲峯歲晚有書傳。末稍漏泄歸源旨。火後莖芽翠拂天。

次亘原極韻

少室宗風豈易論。全生全殺始驚羣。試看臨濟參黃檗。猶羨楊岐接白雲。贈掌腮邊終自肯。藏刀笑裏更誰聞。閑居正好談禪病。玉石須憑巧匠分。

次鴈山能仁密心見寄韻

格外提持再是誰。是誰於我合應知。龍峯去後無尊宿。鴈宕今來有碩師。養子不施拈葉術。爲人須拔釘根疑。短筇亦欲相尋去。山萬重兮水萬枝。

悼天鏡和尚

子身逮繫別錢唐。伍百朝昏共客窻。寒水莫留鴻鴈影。旋嵐俄偃葛藤榕。金棺示衆雙趺露。宗鼎憑誰獨力扛。西望鷺峯生感慨。如公音吼已無雙。

送一上人試蓮經請度牒

七軸靈文一句通。不妨隨處顯真宗。化城固是堪投宿。寶所那堪久滯蹤。香象渡河須徹底。不輕遭筆浪。

施功此行必定成。希遇恩露灑灑降。九重

送瞿上人試金剛經請度牒

頂門拾得金剛眼。日用行藏便不同。四相本來無住著。三心那得有流通。語言外覓扶邪。說聲色中求味正。宗拈却然燈閑授。記當空寶印錦紋重。

送會上人試心經請度牒

般若無修智力充。本來生佛體皆同。光明豈受根塵障。透脫從教識陰籠。童壽譯時追閃電。觀音行處捕清風。好參上國諸尊宿。乞取微言爲解蒙。

送巖上人試圓覺經請度牒

大光明藏絕周遮。觀面相違數似麻。四病頓除金出鑊。三期纔立玉添瑕。幻生幻滅遍歸水。全放全收客到家。接得靈符懸肘後。安心不必更求他。

示悟維那

衲衣高擁背盧都。誰識今吾非故吾。興化果能行正令。克賓端不墮邪途。堂前饋飯香雲合。袖裏金槌膽氣橫。一擊虛空成粉碎。等閑扶起老臊胡。

示林侍者

香林逸軌尙堪追。好語潛將紙襖書。溫栗有常含石玉。光明不定走盤珠。撥來焰焰波中火。驚出雙雙樹杪魚。鬪勝有時還鬪劣。趙州元是一頭驢。

追悼宗寄

寄子生身五五年。志專探教亦窮禪。觀心每恨多癡鈍。數息深期減睡眠。力疾口常宣玉偈。臨終眼獨覩金僊。因思白髮栽松事。不覺孤懷爲悵然。

示智圓

學道無師枉用功。動爲多是辱宗風。未能了念惟專靜。先且懷疑怕落空。提語話頭須切切。對人開口莫匆匆。老僧豈是閑饒舌。要逼生蛇化活龍。

七言絕句

示雲禪人

雲門三句無指示。洞山五位絕安排。衲僧踏著踏不著。十二街頭破草鞋。

悼一庵和尚

大梅已入輪回去。落日空悲一聚灰。知向誰家作驢馬。皮毛脫却又重來。

次韻題高齋

高齋寂寂俯清池。瓦鼎香浮十二時。天曉定回松下石。薜痕青上布伽黎。

贈帽工

諸人頂額一著子。結角羅紋總自由。是聖是凡都蓋却。當陽提起價誰酬。

遠庵

杳杳柴門盡日開。遊人多是半途回。趙州脚踏四天下。千古輪他落賺來。

病中答紹滅宗

討得入頭身。始穩實無寸土立家風。溪邊石女初懷孕。兩鬢垂絲草木中。

次韻答淨慈蒙堂安西堂

萬緣脫去湯鎔雪。三界空來風卷煙。門外輪蹄如鼎沸。短衣勃率自深禪。

悼實庵和尚

臨終握拳枕額憑几而逝

口有雌黃眼有筋。輕輕觸著便生瞋。拳頭作枕且高臥。無復攜曾去策人。

寄仲邠和尚

屋角松聲吼怒濤。夢魂幾度泛漁舸。金鉤不在纖鱗上。直入滄溟釣六鰲。

寄定水見心和尚

定水無波浪。拍天源頭來自普通年。龍睛鵲眼河沙數。浸得渠儂鼻孔穿。

寄清涼靈谷和尚

倒跨金毛師子。子五臺山頂。逞全威。文殊作鬧。喧天地。不向機先展大悲。

寄妙庵首座

黃獨煨來可療飢。心如鑿壁眼如眉。趙州十二後參尋。少有箇拳頭豎向誰。

禮秋江和尚塔

活葬松巖二十年。眼睛鼻孔尚依然。我來欲起那個定。石火光中話別傳。

示綿工蔣生

當陽華摩從君看。長短臨時任放收。翻轉面皮輕打疊。灼然不露一絲頭。

松巖雜言十首

卜得巖居絕四隣。得安貧處且安貧。一條壞衲重重補。提起知他重幾斤。

石門關外天梯險。擠得身心到不難。爲報五湖雲水客。好來於此共躋攀。

自古深山虎豹多。擬心降伏便成魔。大慈悲種知人意。白日庵前引子過。

念念無生自入微。瓶中米盡腹中饑。夜深月下敲門急。道者蕉溪托鉢歸。

草木煙霞提正令。貧僧何用苦丁寧。闌干獨倚無言說。池面鯈魚聚首聽。

跏趺默數鼻中息。始促須知久自長。日晚下牀行一轉。石罏燒過幾行香。

心無可了何須了。道本無成作麼成。野性好爲泉石伴。隱居不是爲逃名。

閑到心閑始是閑。心閑方可話居山。山中賸有閑生活。心不閑時居更難。

山中十日九日雨。樹頭青子落不住。白犬尋蹤入草

間驚起竹鷄飛上樹

秋且陰陰電光閃起洗沙鍋羹藜糝細撥爐中火種
無隣寺疎鐘隔重嶺

簡藏主冒軍旅訪余於安巖避地贈以二偈

慈明易服見汾陽不憚區區道路長顧我老年無伎
倆還來莫是欠商量

相別相逢眼似眉臨岐不必更針錐手中拄杖須牢
把箇是扶桑第一枝

寄法姪衍斯道除建元

二妙林間五色鸞赤霄終見散飛翰藤州事業非難
繼況是曾中宇宙寬

示忠藏主

從空放下無一物不見從空放下人若道有人能放
下保君猶未透金塵

示法姪選大用

以法說法無別法以心傳心無異心妙德空生元不
會狸奴白牯是知音

贈鍾侍者

每憶金鸞善侍者手頭機用妙難窮等閑拈出一塊
石疑殺翠巖真點胷

次韻寄左庵大梅山閱藏經

日讀經兮夜讀經眼光直與月爭明有時不受諸天
供饑食松華骨也清

紙帳次忍庵和尚韻

從今不怕惡風吹一片寒雲四面垂幸自明明還白
白休來裏許撒真珠

朽庵爲道場竺芳和尚作

風鏤雨鏤虛朴朴梁棟曾無半寸堅不是捨身拚命
者敢來屋裏放頭眠

送珠上人游江西

清水白米湖間有拈來粒粒是真珠不知何處有糠
粃又覓江西馬箴箕

贈翠巖一侍者

一夏東語與西話紙衣抄得甚分明入泥入水翠巖
老落盡眉毛不再生

寄佛隴本初和尚

石磬晨敲雨後天。箇中音響最清圓。十方世界無行路。方有人來續正傳。

贈朗性天

自驗不疑含石玉。求人指證躍金爐。頭伎倆消磨盡。眞實無過一片心。

題華亭船子接夾山圖

踏翻船子去。早是兩塗糊。今日師資別。無言看畫圖。

送心上人禮大梅塔

卽心卽佛投崖虎。非佛非心落網禽。莫把炊中容易展。丈夫膝下有黃金。

寄無相居士宋學士

語言渾不涉離微。抹過雲門顧鑑。噴伸出玉堂。揮翰手倒拈禿帚。畫蛾眉。

送彥上人游金陵

參禪只怕路頭差。不是成家便破家。若見金華宋學士。爲言鐵樹也開華。

寄翠山頂長老

行處要教機路絕。說時莫遣意根生。如來大寶華王

座。不比尋常黑木棚。

示禮寶陀僧

屋裏有觀音。便被觀音惱。咄哉大丈夫。爭似無事好。

示器維那

叢林法戰尋常事。棒了如何又罰錢。興化雖能行正令。便宜落在克賓邊。

送序維那遊方

當年臨濟參黃檗。背後攬人有睦州。今日幸然無此作。不妨隨處賣風流。

示慧惺

行脚見人須帶眼。著衣喫飯要知時。百年壽命一彈指。急下工夫也是遲。

示師孫遠謨

眞實語汝須信取。出家大事非小緣。莫學瞎驢趨大隊。祖師衣鉢要人傳。

題跋

題竺先頌後

余初作竺先號頌。或謂是贈偈。非號頌也。余生平好

聞過而改之不吝故重作竺先頌夫吾宗所謂頌者
宜借事顯理曉人心地使理事混融純一無雜有如
醍醐之味薈蔔之香使人鼻舌略經觸受落不通乎
心暢乎四體灑然清爽豈若世書所謂美盛德之形
容而已哉宋季咸淳間諸尊宿凡寓輿贈別及申咏
字號之類皆有頌以四句爲準其作至精假使滅去
名目而其義自昭顯猶省題詩自非契證深密傍通
墳典取之左右逢原用之頭頭合轍而託此以吟暢
玄旨者不能也後之爲者既不知所宗又尠才學惟
務雄快直致以矯咸淳之習或得理而遺事或得事
而遺理甚至事理胥失者有之不察已病反輕議先
輩盛作如見之即揚眉哆口爲侮慢態若將浼焉間
遇當世有超越格量稱性而說者視之茫然莫測必
指以爲非而欲牽引證據誑誘新學則又曰咸淳所
製如彼而今所爲反是吁甚矣其矯亂也余每不愜
于中茲因再作竺先頌故發余之緒言而備書之
于後識者毋訥焉

跋高峯上雪巖書

吾宗從上以來授受之際如疾雷破山霜弓劈箭豈
容擬議耶高峯初見雪巖于北澗塔纔問訊便打不
妨露出向上爪牙又於天寧一問一答至於無理可
伸處正好與勦絕命根使其作箇灑灑落落漢當時
不合放過反爲露布葛藤致使坐在死關中無出身
之年也今觀此書歷敘得失告之於師自有不可得
而已者豈得以常情淺識而測之嘗聞雪巖住仰山
時因事到杭寓於靈隱得得遣僧登天目招之相見
恐因此書而發耶而高峯已立死關不復出山僧反
命故雪巖有檐板漢之語余謂設使高峯聞命翻然
出山相見必有三日耳聾之禍既被他把定雪巖計
無所施惟道箇檐板漢亦喪車後藥囊爾雖然且道
雪巖此語是肯低不肯伊有授受無授受試甄別看

題大慧和尚眞墨

妙喜老祖在宋南渡時其門庭峭峻如德山臨濟慧
辯汪洋如南陽大諸一時賢士大夫有志於此道者
莫不願登其門而受策勵也況衲子乎居常與學者
曰我者裏說蚌蛤禪開口便見差珍異寶蓋其得處

穩實說處。語當如風行水上。自然成紋。豈涉情識計較。以文字語言。尖新縝密。爲誇詡哉。謂余言爲未信。請以此帖觀焉。

題重刊十規論後

十規論者。乃曹溪下第十世法眼禪師所著也。禪師自見地藏得指訣。後開口動舌。無非與人解粘去縛。且如僧問。如何是曹源一滴水。答云。是曹源一滴水。又僧慧超問。如何是佛答云。汝是慧超。與麼設施。恰似炊鐵釘飯。煮木札羹。要飽天下之饑人。直是教他無下牙處。豈肯以文身句義。係綴於人耶。斯論之作。蓋欲藥當時宗唱瘡鬱之病。亦不得已而爲之爾。或謂師契證穩密。知見宏博。故託此以拋擲其文章。辯論者誤矣。元丙戌歲南屏悅藏主出此文。嘗命余書之。鏤版于徑山寂照塔院。逮徑山遭兵火。版亦隨燼。今台之委羽旻上人。捐已資。用舊所搨本。重爲刊行。而屬余題其後。余諦觀嚮日弊畫。正如昔人見夏口甕中之像。瑯琊梁上之書。眞隔世事也。吁。而今而後。讀斯論者。果能察已病體。禪師之心。而肯服其良藥。

不亦善乎

題高上人書小字金剛經

天台鏡禪人示余高上人手書小字金剛經一卷。縱不過三寸有奇。橫足四寸而已。驟觀之。如蚍蜉聚腥。熠熠浮動。不知端倪。及靜慮諦觀。尋其行布。究其文句。凡一字。字明明歷歷。無半畫之訛。想其運指行筆之時。得大自在。不啻壁窠大書也。蓋嘗論人心之精妙。超越限量。固不可以大小議。苟非存養純一。圓融無間。又安能以大爲小。以小爲大哉。上人平日存養圓融之力。於此見之矣。或謂莊生言棘端之刻。猴堂下之斷輪。宜與此經並按。是則固是。但恐管城子未肯點首爾。

題無準書浮山遠錄公語後

昔玉山癡翁。凡有學者。求警訓。往往伸紙綵墨。作斗方書。般若心經及古德語。以酬之。於紙尾。惟記年月。署已名而已。更不別加一字。蓋其與佛祖同一舌頭。同一宣說。實在控人入處。實不在馳騁翰墨。且與古人述而不作之意。合今觀正續老人手書遠錄公語。

一通既無名銜可考。竟不知爲何人作。恐因讀其語。適然有磯激于中。不覺形諸毫楮。以示學者。此亦玉山述而不作之意也。玉山見曹源正續見破庵二人。乃法中昆季。其所施爲。必有講習。而然豈徒然哉。

恕中和尙語錄卷第六終

鎮江府普照禪寺住持法姪比丘文暉拜書

天台空室愠禪師行業記

大矣哉佛祖之道也。以心傳心。至唐之大鑑禪師。支分派別。衍於五季。盛於宋徽。於元。元崇禮刺麻爲帝者。師禪利相望。鐘鼓之聲不絕。豈微也哉。蓋學者惟見夫位高譽隆。而傾動遐邇者。則嚮風而至。願受法不暇。而不知得曹溪之正味者。殆寡是不免爲有識者之長太息也。天台愠禪師居叢林中。必慎擇所從。果以正法眼藏。躡諸祖之埒。輯諸祖之緒於千載之上。以啓迪盲瞶。豈非橫絕於天下者耶。師諱無愠字。

恕中別號空室台之臨海人也。族姓陳氏。父壽母林氏。師生七歲入鄉校。所讀書不煩再授。年未冠。白父母自願歸沙門。往徑山依寂照端公。薙落受具。足戒於昭慶律寺。明年謁淨慈靈石芝公。又明年造鳳山楊墳。見一元靈公。靈公得方山寶公之傳。造詣深遠。師扣問法門。細大事至詳切。旣而歸徑山。覲寂照公。公命居擇木寮。時徑山爲四方衲子淵藪。師每出所長聲譽。日著。後東游四明。見太白砥公。典藏鑰居十載。偕木庵聰公。大宗興公。往台州紫籙山。謁竺元道公。以看狗子無佛性話。未破問公。纔開口。被一喝。師大悟。直得通身汗下。因進呈一頌云。狗子佛性無春色。滿皇都。趙州東院裏。壁上掛葫蘆。公乃發笑曰。恁麼會。又爭得。師拂袖便出。間與同參聰公興公等語。及向上事。師曰。此事如魚飲水。冷暖自知。決不在語言文字上。我輩若不遇者。箇老和尚幾被知解埋沒。一世公等設有把茅蓋頭。當不忘所自。逮三人出世。拈香果如所言。踰一歲復還天童。古鼎銘公主徑山遣弟子招師歸蒙堂。商確立旨。且以爲學者矜式。故

參請者衆。閱五六歲。以兵難航海。還四明。性不喜出世。僅兩住山。皆甫及三載而退。先主明之。靈巖時夢堂。靈公住瑞龍。觀師爲寂照。師曰。素志有在。不可奪也。一香遂爲紫籙。道公拈出。重得法也。後主台之。瑞巖既至。室中示衆曰。穩坐家堂。因甚。主人翁不識。掀翻大海。擗碎彌平。地上因甚。擗脚不起。眼光爍破。四天下自家眉毛落盡。因甚不見前後下。語者多不契其機鋒。峻拔蓋若此。學者方景從。竟謝事入松巖。孤坐松巖。乃秋江湛公隱處也。在萬山之巔。人跡罕至。師至。悉謝遣。徒御緘一書寄寺衆。衆發緘。乃退院。上堂語也。皆涕泣。抵松巖。固請還寺。師堅拒不允。今

天朝之洪武七年夏。日本國主遣使入貢。就奏請師化其國。以水晶數珠。峨山石研。以爲請師贊禮。

上召師至。闕下師以老病辭。

上閱而不遣。留處天界。天界全室。勑公延致丈室。時金華宋公景濂。方在翰林。遇休沐日。必訪師。劇談道妙。一時朝中賢士。靡不敬慕。是年冬奉

詔東還。宋公既爲序其語錄。別後復寄詩見意。十七年其弟子居頂住鄞之翠山。迎師就養。四方之扣謁者無虛日。金齒大理僧在京師。中間師名。特入翠山。踰五十人拜牀下。各求偈語而去。一日忽遘微疾。僧問疾者。至師。惟力談禪。病勉以祖道自重。無一語及世間相索。筆書偈云。七十八年無法可說。末後一句。露柱饒舌。咄。端坐而逝。實洪武十九年丙寅七月十日也。壽七十有八。臘五十有九。遺命我死世俗之禮。宜一以屏去。勿行。惟闔維後。煨骨散水竹間。以表無常。居頂念師。逮老弗寧。歐居及住山。迎養。又以事殷。早暮闕侍。養禮煨骨之命。其敢守乎。乃購翠山常住山地若干畝。於唐舉之原。以是歲十二月十有五日。奉骨空焉。建石塔其上。師天性純粹。端慤恒以謙抑自持。進道若不逮。修德若不足。處心尤仁。恕見學者有尺善寸長。輒喜見言面。若已出。誘掖獎譽。殊篤冀其有所成就。裨益法門。苟有過事。無大害者。未嘗怒責。見英氣者。恐直言之難受也。乃歷舉前言往行。告之。俾其潛消默警。故四方衲子。愛敬如慈母。然遇法

門有教。背義事必面折之不少貸。師自少至老。手不釋卷。凡內外典。靡不該博。發爲文章。詩偈必追及古。作輒爲人傳誦。不已。暇則端坐。寡言。諸子請求法語。禪偈。撥筆揮灑。若神。各副其意。不欲久留。滯也。自奉至清。約其進也。分所得者。悉無所取其退也。凡素所給者。罄無所携。其敬師待友之意。殊汲汲若寂照公在日。師奉之惟謹。每侍立至二三鼓。不命之退。不敢退。泊公沒。冒大寒。書語錄。手成疾。弗顧也。又求黃文獻公銘其塔。若同門法屬。一庵如公住。保福時有院僧素衡。公適有童子野死。僧賂其父。認如公公。被逮獄中。師將代訴於部使者。又請法門之有力者援之。乃得釋。一庵示寂後。又掇集其可書者。求名公記其事。餘則類如此也。閑居。雖以道自娛。見大法陵替。人材淪落。每切切焉。憂之形於言色。平日著述有二。會語若干卷。偈頌若干卷。重拈雪竇拈古一百則。續頌大慧竹山頌古一百一十則。山庵雜錄若干卷。淨土詩一卷。凡外學著述。皆不存。彙斯道聞師之令名。爲最稔。嘗兩造翠山。請見觀其氣象。聽其言論。讀其

著述。與居頂所求行業。記事。實無少異。不揣蕪陋。爲銘之曰。

河之盈也。有時而漸。道之隆也。有時而微。佛者之盛。莫盛於元道則微矣。師曰。既焉尋隱。訪幽心證。紫籙脫略。天地震動。河嶽不爲高。河不爲深。高深者。師橫絕古今。曹溪之水。復引其流。流之弗替。維師之休。洪武戊辰歲九月。既望。四明山人烏斯道撰。

送心泉衲上人謁

空室和尚

參禪第一要知宗。四海惟聞老想中。白日青天轟霹靂。華孤妖魅盡潛蹤。

金華 宋濂 再拜

天台空室溫禪師行業記終

無幻禪師語錄

明
•
慧古湛
廣性冲
編撰

to
off

無幻禪師語錄序

聞夫一光東亘五葉華開密運靈機千差競入
所以諸方各宗其宗門風自是不一共學所學
知見何曾有二唯我車溪大師乃臨濟直下兒
孫實無趣克家之子默籌七事妙協三玄播黃
蘗吐舌之風顯高安聖拳之用掌殺活機權衡
學者秉吹毛劍勘驗諸方遐邇咸推獨步古今
屈指一人苟非承宿願之再來寧不爲多生之
根熟也圓澄生不遇時學無所附福輕罪重不
無幻語錄序

二 寶慶堂

能面稟佳猷道聽途傳歲月徒增渴想茲因南
明禪友持錄相示焚香頂讀自覺潛神再玩淵
微初心頗愜何期不出蛙居而聞所未聞生逢
斯世而遇此難遇如展智囊始知已見之朦朧
似入大海方信江湖之狹淺自慚無德莫可讚
揚畧着數言聊伸翹致爾

萬曆甲寅年夾鍾月

日嗣曹洞正宗第二

十七代會稽晚學雲門顯聖寺住持圓澄沐

手撰

無幻禪師語錄序

從古衲僧大事明了者如麻如粟但得已躬安
貼便自休去歇去絕無語句漏逗流傳誰謂千
七百則葛藤而外佛法遂爾斷滅幻上人於無
趣老人處得些氣息便爾揚眉瞬目濶步禪林
搖唇弄舌何異蛟龍得一滴水便會作浪興波
法孫某比丘衰次成書程尚甫刻而傳之然非
幻上人之意也近代作家如高峰中峰兩和尚
父子智燈相續各有語錄並增入藏其他或有
無幻語錄序

二 寶慶堂

或無淺深難測今無趣與無幻一時兩錄並傳
說者謂優曇再見外紹乎內紹乎昆季乎父子
乎請質之雲棲老人定應緇素不爽

吳興夏休生蔡善繼和南書於無
憂堂之空齋

無幻禪師語錄序

予固非知禪者其於古尊宿升堂入室示衆小
叅乃至拈提贊頌種種著述類而成編者未嘗
不莊誦而樂玩之也若其與肯微機通玄入要
至實互換入境交奪明暗相叅殺活自在脫義
路超情量非予劣智所能測也予不敢妄爲之
說也茲無幻古湛禪師既謝世門人錄其語爲
帙將鐫梓以傳徵序於予予未識禪師之面而
幸獲覩禪師之遺言猶面也合掌焚香書此以
無幻語錄序 寶夢堂 一

弁其卷

老病僧祿宏和南謹識

無幻禪師語錄卷上

明人慧廣 編集

住車溪庵語

圓藏經小叅釋迦老子道始從鹿野苑終至跋
提河於此二時中未嘗說一字祇如這一大藏
教從何處得來遂拈拄杖劃一劃云從這裡去
諸大德還檢得出麼若於此際一肩荷負不但
釋迦老漢一期落處被你等看破亦使冲關主
結舌有分其或信之未及數墨循行如披破絮
無幻語錄 卷上 寶夢堂 一

入棘林中何時解脫昔日有婆子請趙州轉藏
經州祇達禪床一匝傳語婆子轉藏經竟婆子
聞云某甲請轉全藏云何祇得半藏諸大德那
裡是他轉半藏處還會麼五五二十五欲識全
藏麼良久云善吉維摩談不到目連鷲子視如
盲

師問秀座主教依甚麼答云依理又問理依甚
麼主無對師曰你問來座問理依甚麼師曰大
衆聽取

兩客下棋次僧到請益師云若論此事如兩家着棋用心鮮有不克者何則若也未知局面舉必全乖不善權宜觸途遭喪祇爲他意馬散失狂象無鉤兵車不識機關心籠常行險地不惟重重納敗將見皮破血流若是主將威嚴七途平坦如是而砲不虛發發則打破重圍兵不亂行誰肯直前退後天馬而追風八面神車而竟沒遮欄不唯致勝奏功畢竟風行草偃良久云太平元是將軍致不許將軍見太平

無幻語錄 卷上

二

寶壽堂

無趣和尚忌辰陳供養畢拈香云此一瓣香焚向爐中爲光明雲爲祥爲瑞專伸供養敬畏庵中無趣和尚惟願於光明中劈開面門現大人相與諸人等大家描摸遂作女人拜云看看山僧舌頭墮地了也咄

徑山語

示衆老漢本擬深藏鄉僻遣過生緣爭奈無趣老人有不了底公案在山僧出來與他了却僧問如何是無趣老人不了公案師便打僧云某

甲有甚過師云殃及兒孫

示衆大道無向背至理絕言詮迥出三乘高超十地萬法不到處特地光輝生佛未分時靈源獨耀不落見聞不隨聲色直下無一絲毫頭徧界全彰奇特事直饒棒頭取證喝下承當猶是曲爲今時更或光景俱忘契心平等畢竟亦非的旨所以道向上一路千聖不傳學者勞形如猿捉影到這裡絕行絕解絕照絕用絕理絕事若倚天長劍凜凜神威如鐵牛之機羅籠不住

無幻語錄 卷上

三

寶壽堂

今日明眼人前不敢囊藏被蓋八字打開去也拈拂子云諸上座還委悉麼耀古騰今卽這是大千沙界一閒身

復舉雪峰拈拄杖示衆云我這個爲中下機人時有僧出問忽遇上上機人來時如何峰拈却拄杖雲門云我不似雪峰打破這葛藤乃拈拄杖云我這箇爲中下機人時有僧問忽遇上上機人來時如何門便打卽云大凡扶宗立教湏是頂門具眼肘臂有符看他二大老殺活縱橫

甚生奇特仔細檢點將來猶是節外生枝若據山僧見處乃豎起拂子云只將這個普爲諸人無論上中下若要擎展一任擎展若要承當一任承當處處把斷要津箇箇壁立萬仞且道忽遇其中人來時如何萬國醉心嘗大鼎相逢攜手上高臺

清明示衆禁烟時節陳寒食荒塚野田人啼泣灰骷髏上活眼開鬼神茶飯都打失首陽山堪隱逸時人莫調春無力一夜東風鼓少林落花無幻語錄 卷上 四 寶慶堂

復舉臨濟大師拈拄杖示衆云我這裡是活底一切臨時要用便用天如以拂子搖曳示衆云我這裡也是活底一切臨時亦是要用便用遂擲下拂子云臨濟止欠這一着在師拈拄杖云我這裡臨時要用便用不論死活雖然以拄杖畫圓相云臨濟天如總出這個不得示衆孤峯頂上闊步大千十字街頭知音少遇不禮維摩詰不尊傳大士良久云舉頭天外看

誰是箇中人

示衆三界唯心萬法唯識卓拄杖云昨宵時雨滴空堦一片綠苔俱打濕

示衆天清地寧時亨道泰摩訶正眼洞明肘後靈符光彩譬如善舞太阿終不自傷其手壯士展臂不借他力既是水到渠成自然風行草偃豈不見古德道緣不虛應似鏡臨形若能於心無事無事於心則法幢隨處建立時節因緣到來爲人一句作麼生道烹煨佛祖

無幻語錄 卷上

五 寶慶堂

示衆大道體寬長空絕跡按下雲頭別通消息同處同生風行草偃且今日把住爲人則是放行爲人則是乾坤一合地糊餅日月兩輪天氣

毬 畱執事示衆孤掌拍不響獨樹難成林大家出隻手掇起破沙盆大衆且道喚甚麼作盆良久云獨來將謂無相識鬧市忽然逢故人

四月八日示衆毘藍園裡曾呈醜古佛堂前又露形不是月光三昧力何年洗得你身清大衆

且道釋迦老子今日誕生未審此時落地也未
一僧出云落地了也師曰你見甚麼人說僧無
語師曰杓卜聽虛聲

示衆古德有休去歇去底特地一場愁有一念
萬年去底死骷髏上無活蛆還有鬧市裡虎麼
一僧遽出師便出去其僧隨後云和尚道甚麼
師曰老鴉入布袋去

過香積厨示衆古德云不敬功德天唯嫌黑黯
女若怎麼何處出頭來又云有智王人二俱不

無幻語錄卷上

六

寶善堂

受雖然祇救得一半只今莫有不受者麼也好
與二十痛棒何故不見道放下筌籬雖得價動
他杓柄也無端

朔日拈香畢衆集師良久云思而知慮而解鬼
窟裡作活計古人道胡蜂不戀舊時窠猛將不
在家中外若是箇漢聊聞舉着剔起便行在當
時這般人用得着在今日用不着何故大悲閣
外數竿竹橫者自橫直者直

端午示衆今日是端陽日輪正停午看取村落

人把筆書門戶婆子林雄黃孩童懸艾虎攀蒲
映手青揮榴燒髮火祇知應賞時誰想三途苦
時毒如是穰死魔何處躲禪流若也未知歸豎
起拂子云急須薦取這一箇

示衆石屋珙大師道過去事已過去了未來不
必預思量只今便道只今句梅子熟時梅子香
大衆且道只今便道只今句爲甚麼梅子熟時
梅子香還會麼豈不見丹霞和尚又道過去諸
佛已過去了你等不必追念未來諸佛又且未

無幻語錄卷上

七

寶善堂

至你等莫妄想現在佛正當今日你是何人一
僧出衆曰某甲今日不疑去也師喝曰汝見箇
甚麼僧云某甲見處如紅爐上一點雪師曰未
夢見在僧便喝師拈杖云喫得棒也未僧擬對
師便打出

松陵歸示衆水牯偷閒一月多祖翁田地必我
禾歸來懶得牽犁耙未審其中意若何諸上座
過去已過去未來已未至正當今日還曾見有
過去未來纖毫之相麼若理會得下分疎得去

任你早朝喫粥黃昏打眠有甚不甘其或未然更勞山僧從頭說起昔日南泉和尚道王老師不會佛法禪道自小牧一頭水牯牛擬問溪東牧未免食他國王水草擬向溪西牧亦未免食他國王水草不如隨分納些些總不見得諸上座隨分兩字大有諍訛在莫錯會好更聽一偈山前山後從渠牧隨處悠悠本自安若也犯人苗稼去牧童還用更加鞭

示衆良久云世界如許開闢爲甚麼在老僧手裡便歸方丈

無幻語錄 卷上

八

寶夢堂

示衆若論此事十字街頭靜悄悄地窮岩絕谷鶴唳鶯啼正當恁麼時十箇有五雙匙挑不上還有本分道流出來證據看良久云直得天雨四花地搖六動不如歸堂喫茶

示衆不登泰山不知天之高不涉滄海不知水之深此案區中至論也若是其中人則不然卓拄杖云手把虛空盛不得威音那畔卽今朝示衆急急用工夫單提狗子無脊梁堅堅起恰

似須彌盧打失昏沉窟掀開散亂魔廓然雲霧盡長夜月輪孤這箇猶是漸入佳境若論宗門中事開口便墮畢竟如何卽是卓拄杖云彌勒未開袋迦文已入山

示衆腰包裹糝入山頭脚未登高白汗流不是閒遊觀勝境皆緣未斷死生愁諸上座佛法徧一切處一切處竟不得祇有一處不覓自得且道那一處聾良久卓拄杖云東廡頭佛殿裡

示衆達摩不來東土人人壁立萬仞二祖不往

無幻語錄 卷上

九

寶夢堂

西乳箇箇常光現前自從面壁九年致使神光露布咄家醜不可外揚

示衆心本是佛造作卽乖道不屬修染汚不得只此不染汚諸佛之所護念山僧與麼說早是不着便不見道毫釐繫念二途業因瞥爾情生萬劫羈鎖卓拄杖云紅爐點雪黑夜穿針

示衆舉起拂子云未明這些子俱是妄卜度旣明這些子亦是妄卜度一僧出問未明時卜度某甲不疑旣明後爲甚麼也是卜度師曰豈不

見道不得春風花不開及至花開又吹落

示衆諸方有解猛虎項上鈴控驪龍領下珠握須彌山踔跳過大海劍刃上藏身冰凌上走馬大悲閣今日則不然身寒縫破衲腹餒煮蓼羹健則經行去慵來卧石牀

示衆明明百草頭明明祖師意笑殺老龐公至今猶瞋睡曾祖見人便面壁不解寒溫秘魔走到便擎叉全無禮義南山驚莫不若虎齕西院鐮刀渾如鈍鋸且道大悲閣如何爲人卓拄杖

無幻語錄

卷上

十

寶壽堂

云輪王總未拋三寸偏界先聞刀斧聲

中秋示衆舉寒山道吾心似秋月碧潭清皎潔無物堪比倫遂喝一喝曰寒山大似抱賊叫屈吾心似秋月又道無物堪比倫石屋和尚道吾心勝秋月秋月非不明有圓復有缺安得如我心圓明常皎潔這老漢賣弄有家私怎奈勾賊破家永嘉道江月照松風吹水夜清宵何所爲却較些子雖然也是臘月扇子且道大悲閣今夜又作麼生賞翫以拂子打圓相云金風吹桂

子滿院盡清香

中秋夜師月下坐衆見亦來隨侍師指月示之衆擬問師便歸方丈

示衆古者道盡大地都是自己已走殺天下人盡大地不是自己已疑殺天下人直饒抹過二邊滴水滴凍到這箇門頭了無干涉諸上座還會麼豈不見德山焚鉢良遂敲門猶是奴兒婢子且道如何是主人喝一喝

示衆舉安國挺禪師在五祖時因僧問其性緣

無幻語錄

卷上

十一

寶壽堂

起其義云何祖默然挺侍次乃謂大德正興一念時是真性緣起其僧言下大悟後寶應老人拈云五祖不合默然好與二十棒挺長老不合道正興一念是真性緣起也與二十棒其僧不合大悟也與二十棒寶應老還有過也無也與二十棒師曰寶應有過且置這許多二十棒教阿誰下手卽今有下手者麼出來與老僧相見不然大悲閣自下手去也便擲下拄杖

示衆舉僧問仰山法身還解說法否山曰我說

不得別有一人說得僧曰此人在甚麼處仰山推出枕头示之瀉山云寂子用劍刃上事忽有人問中長老法身還解說法否老僧對他道枕子聲

示眾不叅古釋迦不揖新彌勒正當恁麼時乾坤黑漆漆且道山僧在那裡躲根喝一喝云莫錯下註脚

示禪人

老僧昔年遊歷叢林叅尋耆德無非求箇歇處無幻語錄 卷上 十一 寶華堂

諸方老衲別無異說祇教人歇却在心休從外覓諸上座莫說從外覓你便從自己覓總是外覓了也何故夜光尚在漁人手徒使人從合浦來

諸上座老僧有真實語言苦口相勸各各自相體究凡聖情量淨盡自然真常獨露但將從前虛妄攀緣念想塵垢一時放下心如虛空他時後日自識得根源去在咄伯牙遇子期不是言相識

叢林建立祇爲修行本色道流宜從實履不可掠虛過日不可任意縱情切須諦審先宗畢竟是何標格但外絕諸緣內心不動六門虛靜萬慮冰清泯絕根塵無傷苗稼雖然更須知有向上一着在珍重

大凡出家人須會取佛意好若會得不在僧俗貧富貴賤但隨家豐儉諸上座盡是久歷叢林偏叅尊宿作麼生會佛意試出來大家商量看莫空腹高心好僧問如何是佛意師曰汝口似無幻語錄 卷上 十三 寶華堂

大丈夫須猛烈裂斷從前伎倆直下斬釘截鐵打破佛祖機關碾得須彌粉屑豈不見黃蘗爲人太親切臨濟三番啐痛棒向高安灘上省得來却把虎鬚顛倒捋又不見龍潭逼拶周金剛黑夜吹他紙燈滅如今子孫多不古耳內聞來口頭別如斯將謂作叅禪逗到驢年未休歇大悲閣下老婆禪也是重新增口業汝等諸人還知痛痒麼卓拄杖云一場狼藉

摩醯正眼六處洞明少室真機一超直入傳不傳之妙心悟無悟之面目直下斬釘截鐵還同滯殼迷封更若說性說心却是泥人洗澡會麼收拾不了

機緣

僧到人事了便問和尚如何是父母未生前本來面目師良久問云會麼僧云不會師曰描也描不就說也說不到

因一座主到師舉古德云窮諸玄辯若一毫置無幻語錄

卷上

十四

寶覺堂

於太虛竭世樞機似一滴投於巨壑若怎麼不如歇去好上座還歇得也未主喝一喝師便打云客亭尚遠

二僧到師問曰却是作家禪客麼一僧曰和尚問甚麼師曰且過這裡來僧擬對師便打僧無語師曰龍頭蛇尾漢復指第二僧僧曰某甲道過了也師作拈棒勢僧擬出師喝曰同坑無異土

僧到問德山和尚上堂云及盡去也直得二世

如來口挂壁上猶有一人呵呵大笑若識得此人一生參學事畢未審和尚識得此人否師放聲云蒼天蒼天僧罔措師便打出

僧問提婆宗時如何師曰一字不着劃僧云不問這箇師曰圓相不着圈

僧問此事人人本具箇箇圓成未審達摩來做甚麼師曰北斗七南斗八

師見僧來展手示之僧曰不會師曰與我一文錢

無幻語錄

卷上

十五

寶覺堂

僧問臨濟大師道赤肉團上有一無位真人如何是無位真人師曰胡張三黑李四進云及乎合煞來又道無位真人是甚麼乾屎橛師曰南人唱北曲

僧問臨濟大師有四料揀語意旨如何師曰汝逐一問來進云如何是奪人不奪境師展手作相招勢進云如何是奪境不奪人師作捏聚勢進云如何是入境界兩俱奪師乃袖手進云如何是入境界俱不奪師撒手便行

僧問如何西來密傳心印師呵呵大笑僧罔措復問密傳箇甚麼師便打云開門漁笛近明月在滄洲

師亭前立次一僧問曰和尚在此作麼師指亭前水曰會麼僧云不會師曰門前一湖水無面亦無底年去復年來滔滔流不已

僧問清虛之理畢竟無身時如何師曰道者合如是進云向上更有事也無師曰雪隱鷺鷥柳藏鸚鵡

無幻語錄

卷上

十六

寶慶堂

僧問如何是輪王三寸鐵師曰嚇僧擬進語師曰住住徧界是刀槍僧有省又一僧問如何是佛法大意師曰死骷髏上撐活眼

二僧論萬法歸一一歸何處一僧曰一心歸於萬法師叱之曰墮酒糟漢汝恁麼會要見老趙州驢年又驢年正未夢見在僧曰忽有人問和尚一歸何處時如何師曰爛溪直隴侗又一僧問曰機不離位墮在毒海如何免得此過師曰髑髏乾盡又問萬機不到處作麼生行履師驟

步入僧堂

僧問新年頭還有佛法也無師曰有問曰新年頭佛法聾師曰家家點火燒香處處篩鑼插鼓進云謝師答話師曰大悲亭今日不着便又僧問曰北禪烹露地白牛此間除夜作麼生師曰謝子供養僧禮拜師曰啐茶去

歲暮一僧來問臘月三十日到來時如何師曰家無索債人

僧問祖師心印狀如鐵牛之機去卽印住住卽

無幻語錄

卷上

十七

寶慶堂

印破不住不破又作麼生師曰匝僧禮拜師曰露

僧問臨濟大師有賓主句請師答一轉語師曰道來看進云如何是賓中賓師曰赤脚走紅塵進云如何是賓中主師曰長年無伴侶進云如何是主中賓師曰堂官叱吏進云如何是主中主師曰猛虎當路坐僧禮拜而出

僧到師問云何處來僧曰嘉定師曰六街三市從何處得定僧擬對師便喝又一僧入師曰適

來這位大德祇對甚諦當僧擬進語師亦喝首座至理前話問之座曰二僧真嘉定人師曰你何處見得座便喝師拈棒座便出去

僧問婆生七箇子六箇不遇知音祇這一箇也不消得便拋向水中意旨如何師曰非公境界進曰忽遇其中人問時如何祇對師便打

僧問古者道從無住本建立一切法如何是無住本師曰豈不見道形生未質名起未名進云建立一切法聾師曰甚麼喚作一切法僧有省

無幻語錄

卷上

十八

三寶堂

師曰莫將支遁鶴錯認右軍鷺

僧到師問大德何處來僧曰廬山師曰古人道不向廬山尋落處象王鼻孔湯撩天如何是廬山落處僧曰舉卽不難傍觀者哂師曰不然你且與着僧云和尚尊重萬福師曰我還疑着汝僧云不消師休去

僧問達磨未來時如何師曰家家觀世音進云來後如何師曰旄頭星出現又問如何是最上一乘師曰藤穿篋縛進云意旨如何師曰三十

年後

僧問興化和尚打克賓意旨如何師曰我今日不曾打汝引冤雪屈做甚麼聾進云維那道不入這保社興化道汝會了不入不會不入那曰總不恁麼有甚過被打師曰若使總恁麼打折拄杖亦未有喫棒分進云如何卽是師便打

僧到問古人道山僧若要通消息萬里無雲月上時此理如何師曰猶是塔下漢進云請師接上塔師曰放汝三十棒又一僧問如何是聖諦

無幻語錄

卷上

十九

三寶堂

第一義師抗聲云汝又要我說聖說凡那進云前人道去了也師曰阿誰進云達磨師進前把住云不審老臊胡其僧罔然師托開云偷乾薑餉素漢出去

僧問和尚百年後向甚麼處去師曰千株松下角灣灣百草頭邊亂踈跳

師燒火次僧到問曰如何是自性天真佛師曰與我搬取一束柴僧搬柴了又問師曰這奴子好惡也不知便打

僧問一毫穿衆穴時如何師曰直須自在進云自在後如何師曰日出東方夜落西

拈古

真歇了和尚道處處覓不得有一處不覓自得良久云賊身已露

師云處處覓不得且道何處不是有一處不覓自得人無下賤下賤自生良久云甚麼處去也賊身已露還我賍來乃曰真歇和尚祇解閉門作活未知奪角衝關且道

無幻語錄

卷上

二十一

寶夢堂

水

歸宗問僧云子裝束了何處去僧云諸方學五味禪去宗云我這裡一味禪爲甚麼不學僧云如何是一味禪宗便打僧云莫打某甲我會也宗云你作麼生會僧擬開口宗又打

師云這僧被宗老要關把定無處躲根然雖如是宗老亦被這僧穿却鼻孔何處出氣今日衆中或有代他出氣者麼衆無對

師自代云恩多成怨

頌古

經前題上以字不成八字不是甚麼字文彩纔彰字已成不知此字喚何名閱經三藏無搜處忽聽雲堂板一聲

黃龍選住持

宗師口直心猶直鼻孔撩天不覆藏床脚鐘樓當路虎節文義理實難當

魯祖面壁

無幻語錄

卷上

三

寶夢堂

要人省力自勞力本自無端又起端總令生佛未來會也使鰻魚上竹竿

睦州如喪考妣

去歲重陽曾賞菊今年賞菊又重陽人心爭奈自明暗那事何曾有變常

女子出定

世尊會說法文殊用盡力罔明彈指間女子從定出一火而鑄成思量最難得

青州布衫

衫子青州出拈來重七斤一百十二兩莫錯定盤星

趙州喫茶去

曾到未到喫茶去空門侍者絕疎親要將滋味均同得一樣烹來普施人

百丈開田

躬行數步立展兩手佛法大義那箇不有尋常論作是開田毒氣何曾離得口

僧問投子法身還受苦也無子曰地獄豈

無幻語錄

卷上

三

寶夢堂

是天堂

天堂地獄由心造了得無心罪福空只有法身空不得本來無影亦無踪

趙州問投子大死人活來時如何子云不

許夜行投明湏到

死去活來有甚異不行夏地也無難趙州差張

二李四投子撥李四張三

夾山參船子和尚

藥山掩口華亭覆舟青天霹靂白日血流盡已

盡人無盡盡青山綠水自悠悠

雲門日裏看山

日裏看山明白話層層疊疊萬千重天聰畢索耳根出祖意西來在此中

六祖答不會佛法

碓頭三下三更鼓夜半分燈過嶺南親言不得又不曾灼見黃梅不妄傳

僧問洞山清淨行人不入涅槃破戒比丘

不入地獄何如山曰度盡無餘影還他越

無幻語錄

卷上

三

寶夢堂

涅槃

清淨破戒元無二涅槃地獄有何形不知度盡無遺影一陣香風起少林

德山托鉢

平地洪濤起德山雪峰隨浪挈波瀾岩頭突出翻潮手倒嶽傾湫闊一番

仰山一二三子偈

一二三子大鵬纔展翅平目覆仰視虛空誰把住兩口無一舌塵塵剎剎說此是吾宗旨言

中無別事

雪竇與李殿院并羽士秀才同坐李問三
教中誰尊竇下禪床叉手而立李云何不
道竇云對夫子而難言

試問教中誰是貴側身叉手獨稱尊這軀寶相
人人具何獨三家村裏尋

馬祖離四句絕百非

勞倦頭痛却不曾一盤托出不辜人復云頭白
與頭黑可是饒金與益金

無幻語錄 卷上

三六 寶夢堂

達摩大師頌

胡鬚儻侗又顛頂無聖無凡本廓然一片赤心
云不識自知無計渡江南

雪峰一日叅德山山云你與我喫義存來
冷灰荳爆呼侍者欲通消息到潘郎老婆一片
心徒切不是知音不洞房

高峰上堂云盡十方世界是箇鉢孟汝等
諸人行住坐卧俱在裡許若也識得達摩
大師與你爲奴若也未識二時粥飯將甚

麼喫

佛祖家風衲僧活計百姓日用無不在內喫粥
喫飯也要仔細

巖頭三句

三句皆從內一句不知一句又何來吹毛利處
言思斷徧徧界巖頭笑滿腮

香嚴獨脚頌

香嚴老人露刃劍觸着應知命莫逃總使鋒前
超得過也應脫殼換皮毛

無幻語錄 卷上

三五 寶夢堂

二庵主堅拳

但知春色無高下誰信花開各不同殺活縱擒
非趙老誰能識得老婆雄

臺山婆子

驀直一條平坦坦與他勘破太區區崎嶇平坦
都行遍穩坐臺山樂故居

檣頭有省

踏破草鞋無覓處得來全不費夫工尋常一樣
窓前月纔有梅花便不同

次德山托鉢頌

梅蘊芳姿將欲粉春隨
浪蕩動香魂東風吹出
林間去惹得遊蜂滾到今

讀

觀音

云從聞思修頓入三摩地無爲未必真有作何
所取良哉濟世者出此方便語勿以耳聞聲眼
觀猶不許某人寫爾形目之皆可喜若謂這箇
是遠之又遠矣除此別相見驢年何所似突出
無幻語錄 卷上
王六 寶夢堂

水月觀音

大智若水大滿若月自在體同三無差別是境
界中誰生誰滅我作是解認龜作鱉

魚籃觀音

筐攜小鱗索掠天價遇知味人可賣不賣負之
而趨償焉郎債翳形而去從人笑恠

指顧觀音

從聞思修至成寶覺曲盡時機也知絡索不耳

聞聲眼聞亦悲一指頭禪何處描摸

題二祖圖

達摩何曾面壁神光何曾立雪圖者如虫嚙木
偶爾成文觀者指鹿爲駒認龜作鱉咄

達摩

梁王殿上曾虧本石壁巉前又弄奇不是神光
輕覷破至今猶是雪花飛

佛祖手卷

一隊老古錘不知爲甚麼水石山樹邊行住復
無幻語錄 卷上
王七 寶夢堂

坐卧世外并世間盡情俱說破大地及虛空都
來無別箇當央展向與人看黑白米分皆話墮
咄

傳袈裟

塔前付囑無多子百萬人天那裡尋未審是誰
成漏泄至今殃禍及兒孫

古卓真

若謂這箇是古卓紙墨雲烟空索索若謂這箇
非古卓丹青點出顏無錯慈隆悲濟難掩藏威

容德相宜圖却老禪翁何灑落光風霽月心寥廓
捻藤杖驗龍蛇脫諸方鶻鼻布衫搖壘尾闈
玄言開一隊生盲後學兒孫不必湯搏量酬恩
祇在香一握

義道中真

無希曰道不倚曰中二義一覺了無所容興衰
補敝今頭頭合轍革故鼎新今事事皆同顯大
悲之如幻三昧開庭栢之據實心宗湛然一寂
歸真際萬象森羅列下風

無幻語錄 卷上

天

寶鑑堂

玉峯圖

素壁爲峯玉作山大都俱在白伽藍雲蒸霧擁
元無滓萬別千差總不班銀世界中開寶相水
晶宮裡現優曇象王放去無尋處問取前三與
後三

三教圖

三家村裏元無事行者須從坦道歸到此脚根
而未穩依然打入是非堆

師子端禪師

林端師子王雲間曾返擲人謂逞風流我知示
真實毛彩付阿誰至今絕消息

無幻禪師語錄卷上 終

無幻語錄 卷上

三九

寶鑑堂

無幻禪師語錄卷下

門人

編集

偈頌

集無趣和尚語偈偶成三首

法偈不多句言言是指南掀開須自看不被筆
頭瞞畫畫無長短行行非正偏恁麼猶未薦何
處問西傳

逐物非良輩循言豈丈夫無思同木石有念悉
狐魔擬議三千里承當八萬途如何爲諦當猶

無幻語錄卷下

一 寶慶堂

子問狸奴

元白平常理施勞早自欺卽今非是悟往日不
曾迷所作皆如幻安然本若愚同叅相訊問直
下一聲噓

叅禪偈十一首

叅禪須猛烈一切莫交涉擬涉一絲毫萬生孽
不徹禪是眼中珠如何着得肩何用別尋頭秤
鍵元是鐵

叅禪不等閒推倒人我山敲出虛空髓揮開佛

祖關追廻千古夢放下是非擔獨步千峰外十
方彈指間

叅禪須切已不可從外覓打水求杖痕捫空尋
鳥跡要徹祖師機頓超心意識毘耶惟默然少
林祇面壁

叅禪不徒叅念念入虛玄對境心無住當機體
自圓真如何得失本覺絕中邊皓月無私照千
江空湛然

入道方便門叅禪最第一靜極已忘形忘形心

無幻語錄卷下

二 寶慶堂

湛寂湛寂合太虛太虛無一物無物卽本來千
聖從茲出

叅禪須出類玄機無伴侶瞬目越三乘揚眉超
十地喝散蝦蟆羣奔逃窠臼隊傾盡野狐涎直
取少林髓

叅禪無後前三際一時圓踏着今時地融通劫
外天一毛吞萬像大海出微涓叅到無叅處圓
頭圓更圓

叅禪祇恁麼恁麼已成多一塵纔着鏡萬像悉

糊模風靜千江寂雲空片月孤語言前一着仔細用工夫

參禪非守中隨處悟心宗蛙開池塘月蟬吟對裏風水流魚躍浪花謝蝶翻空觀體無餘物何須執坐功

參禪絕三思直捷了言辭實理非修證真心無受持泥牛哮吼去石女點頭時空劫前來事行人知未知

參禪活潑參不可死測度大藏半字無毘耶一

無幻語錄

卷下

三

寶夢堂

絡索圓相弄泥團捲簾成大錯憶昔老瑞庵面皮不知落

示禪人六首

吾宗如湛海微動即平沉纔起修行念牽歸知見林技窮方得本鑛盡始知金不立超玄志終須落古今

心閒無靜鬧何必入林丘歇動非真行忘緣是正修解空寧住寂涉境不隨流既達空王旨冤家也聚頭

菩提非取捨何用歷多辛識妄元非妄尋真已失真日瞞剛道夜臘盡便知春時節因緣到何曾昧本人

曠劫循文字都緣錯用心爲渠迷漏習特地訪知音理性無高下機權有淺深言前如未薦七處轉難尋

古德思修日平時亦送迎祇緣常自覺所以不隨情道體恒空寂人心屢變更一從聞見盡觸處自分明

無幻語錄

卷下

四

寶夢堂

直捷車溪路透迤更不迷若將心向背又見迹東西須信力非力無嫌齊不齊腳頭如未穩動步便沾泥

山樓寄幻

疎慵難順世徒跡懸雲邊實際元無地浮居聊借天樓心空界上縱目遠山巔聞見絕朝市凭虛了幻緣

登烏瞻山

曲徑通玄路樓臺迥碧空霞氣籠石壁秋色下

梧桐鶴唳塔前月猿啼澗底風長歌人不見深
院白雲封

辭招遊石湖

我懶不出戶人來招勝遊因思摩竭令何事石
湖舟月吐半簷白梧飄滿地秋閒情誰委悉應
是我同流

徑山圓至圓明禪院開居二首

歲暮下空碧來棲湖上關八風門外撼一竅箇
中圓白日誰爲伴黃昏我獨眠通宵今古意都

無幻語錄

卷下

五

寶夢堂

在寂寥間

莫謂居關逸終朝不自閒燈挑無燄火香焚息
心丹禪坐未生體經看無字函盡形如此去誰
論釋和玄

雪溪道中

我欲尋湖勝乘閒渡雪溪水平天上下山險路
高低卻近烟連陌莎長綠遍堤呼童開行徑指
我石橋西

湖西歸子

塵刹如來境因何獨樂西蘊空真樂土心淨古
阿彌忍辱頻伽烏朶和寶樹枝脫然憎愛盡蓮
蘊七珍池

嘆皮袋子

檢點這皮囊有甚堅牢計足無半點根喉有三
分氣呼吸如不來榮枯一時棄舉世盡難逃幾
人知是戲

訪靜源禪友於金山

自適居之逸無能更遠遊因思舊相識特入古

無幻語錄

卷下

六

寶夢堂

林丘山雷時還合泉聲夜不收靜來源既徹方
可渡中流

入信七首

住世休忘出世因進修湏是契天真多生昧却
靈明主歷劫甘爲懵懂人萬聖不談心外法千
經皆演性中文男兒具有衝天志肯住權乘漸
海濱

禪宗一着非容易務要當機究的真或不現生
而徹証定應來世逐風塵將叅佛祖未來事貴

在從空放下心我亦罔諳先聖旨曷曾自肯謾
因循

大聖真規日可觀不遵古典藉何般狂心未息
今湏息世事應寬就放寬眼底紛紛奔渴鹿天
邊急急走飛丸吾曹有志同叅者尚爾臨機亦
被瞞

真修畢竟宗圓頓小果權乘未足奇藥不瞑眩
痾莫瘥心非穎悟習難祛儒云盡性方臻極道
曰修心可作基祖佛代傳非外術不應諸疾忌

無幻語錄 卷下

七 寶慶堂

良醫

修行先要識心王弗識徒勞萬劫忙若以一知
爲了當不循法執便成狂從前佛祖皆良範續
後兒孫可度量寄語同叅湏仔細莫教錯認女
爲郎

叅禪端爲出羈塵豈類尋常事等倫呼吸順情
迷本領利那忘照失元神竿頭進步重加益撒
手懸崖亦未真此度出頭湏諦當那堪烏暗謾
因循

大道明明似掌平何須委曲復勞形三千律法
収心術十二雄文却妄箴但莫縱情思善惡亦
非忘念昧靈明去來今相渾無刺覲體全彰不
用尋

山居十首

健則經行懶則眠世間何物不相便年年爲客
路常陰日日看山心自閒事理極知湏俊傑安
危未識總顛預當機不解難言說空向雲林學
指南

無幻語錄 卷下

八 寶慶堂

貧無一物是吾家日用般般豈足誇五六百竿
隣舍竹兩三四樹過牆花雲山萬疊支晨供瀑
布千尋瀉午茶好景自然天設就不湏辛苦強
安排

聞說烟霞有樂情僕夫心渴入柴局但知棄世
便安穩豈識當機要眼明蔬食也諳延歲月敝
廬還解暢平生一朝未剖韶陽句深負岩居與
谷耕

觸處逢渠莫聚頭正堪願養在林丘多生業感

須先盡曠却無明趁早修若把技能爲實學終成管見作時流如同入國朝明主擬到潼關卽便休

英靈衲子異尋常坐窵行恭在機忙覷破身心如電露嚴持戒律若冰霜濃齋疊案慵趨席好友呼渠不下床颺却萬般家裡看但除自己別爲狂

搜窮三藏元非字爲甚因循不究心有漏界中橫着脚無爲堂裡少知音升沉六道安閒少繫

無幻語錄

卷下

九

寶覺堂

屬三途利害深告報諸方玄學者煮砂無飯不須尋

行非實德道非深煞有人來問祖燈一衲蒙頭貧似洗通身徹骨冷如冰自無半句閒枝葉懶打諸家舊葛藤傳與諸方龍象輩多年學得百無能

老去風霜入骨寒此身當與死相看心因直捷難迂曲性本靈明不着瞞趨座懶陪皆故紙出門送望盡驚流年來得箇安閒法忘却兩方五

味禪

吾生百拙交疎遠門徑雖通絕送迎經靈昨開函有跡病甦今與藥無情生薑可托充饑餒舊習應宜速改更分定不須重計較勞形役慮又生心

世遠雲深視聽奇了明方始絕狐疑常聞澗底泥牛吼每見山頭躍鯉魚鴉噪鹿鳴皆活句蘿牆夢壁盡新題無情有性咸平等說法何曾有間離

無幻語錄

卷下

十

寶覺堂

雪中卽事二首

放去拈來有甚麼分明大地絕纖瑕青山點出天然境茅屋粧來物外家竹几無燈還待月瓦甌有水不簪花箇中會得真消息眼裡平空又着沙

詠雪看梅不意中溪山常與我相同明時意得依前暗寒處情忘始見空經濕推窗凭几曬衣寒後座就爐烘觀君體覓西來事動止隨宜自合宗

述懷

潦倒疎慵貧病漢水邊林下了浮生力微難作
有爲事眼鈍慣看無字經不着相禪隨處坐離
文字句及時齊箇中非是從人辯但有虛空是
證明

荅冲玄計居士

決意逃禪志不羣此心端的遠塵氛莫隨有相
光中轉但向無言句外聞夜後啟窓陪皓月朝
來移榻掃殘雲非非是是從他去日對烟爐相
無幻語錄 卷下

子熏

士

寶雲堂

詠時弊三首

古德思修便退藏今時渾不辯遮藏調心未得
歸真朴應世還同在色莊僅向口頭談般若局
曾衣底鍊金剛相逢盡道衆禪好那箇蒲團肯
坐忘

像季寥寥無正信圓機直示鈔承當多將權化
門爲實却把祖師心盡忘詭解活機開法眼惟
遵死句守枯椿不由古道尋方便捨父迷頭徒

自在

平時總說心爲主一事相關主便忘大抵物從
心卽正多應心逐物成狂空居未盡窮空理識
處難逃漏識忙我輩又甘爲事末不知誰做出
頭郎

省身三首

四緣假合浮漚體六識調和幻化身畢竟有渠
成我愛定非無相別生真因貪五欲投交報爲
染情塵結死生老去不諳知止計驢年方得出
無幻語錄 卷下

沉淪

十二

寶雲堂

此身危脆同漚泡攝養殊方總不堅錦裊玉淪
猶未淨調精運氣亦難全通身莫禦蟲疣疾九
孔常流濁穢泉如是這軀何所實更於痴想望
長年

波波挈挈甚來由信類浮游不久畱三寸氣存
機未息四因緣謝業難酬無根壽命同萍跡有
限光陰若電流身世大都俱放下三根椽下且
埋頭

物外偶成六首

真寂自能含萬化染心應不契斯宗了然得旨
虛空外廓爾無心罔象中簪溜滴聲何是水竿
幡流影定非風未詣即境惟心者到底將西喚
作東

法非頓漸與偏圓祖意西來亦是權了却目前
無一物始知教外有單傳洞山五位悟非悟臨
濟三玄然未然剝盡許多閒骨董威音誰定劫
初前

無幻語錄

卷下

十三

寶慶堂

此事明明不屬他無端捏目起狂華炷香脫去
心猶妄點墨封圓見已差徹骨快湏挨白刃故
鄉元不在三車未能迸斷欄空索拄杖千峯莫
厭除

身沉出沒非他物動靜施爲總在心迷去實花
難結果悟來黃葉易成金迦文謾說三周喻寔
喜徒勞七處尋碧眼丈夫宜自看莫教錯認定
盤針

至理從來絕妄真工夫奚得論疎親弘宗必藉

超玄種樹法還湏過量人不識月輪徒望指未
忘言路湯揚塵幾多逐色隨香者錯認青黃作
曉春

道非跨虎與降龍貴在空空空不空鶴唳鶯啼
須辯的蘆花月色湧雷同卽心是佛成兒戲指
石爲金亦妄通除却白拈提掇外誰能鼓舞少
林風

遊山七首

幾年塵底卧樊籠此日排雲上碧峰踵頂已知
無幻語錄

卷下

十四

寶慶堂

天地小懸崖不覺我人空盤彎曲徑玄岐活疊
香層臺法界重平地揭開天上眼萬方都在一
觀中

晴風暖日湯山行拄杖橫擔百獸驚透頂到峰
雙鳥健磨灣轉角一身輕烟霞罽裡攀羅去風
月巔頭不憚程直入萬千重上望青山猶在白
雲層

拔地參天骨有靈迥然突出太初形懸崖瀑布
翻空白列石層巒過眼青最大極尊無我相通

玄微頂可人情咸含衆類多生化萬古乾坤得
重名

疊疊重重不盡山人生能得幾躋攀回頭塵世
迢迢遠屬目晴雲片片閒萬仞崖巔無俗客孤
峰頂上有禪關道人幻寄烟霞裡不放浮名落
世間

跣趺盤結半山巾一念忘來萬境空不向此間
尋落處更宜何地覓心宗樹頭幽鳥啼新句谷
口閒花笑古風一軸圖誰展卷浮雲流水任
無幻語錄 卷下

西東

十五 寶夢堂

欲訪知音上翠岑登登直入亂霞深經危涉險
沿崖問渡澗穿雲是處尋但見奇峰高插漢罕
閒碩德嚮叢林青山不動人非古滿目秋風自
慘吟

拄杖挑雲上碧峰芒鞋踏破古人踪孤竿探盡
千江水萬境收歸一芥中別路迢迢回步近遠
山疊疊轉頭空烟霞風味咸知悉湯興歸來月
又東

行踪二首

罔識凍流元是水自甘跋涉走山川芒鞋脫綻
根塵破布衲毳毼微體寒途路踐來咸險曲飯
羹嘗徧總餒餒誰知廢盡通身汗依舊眉毛在
眼邊

天真之性詎曾殊自去隨流失却渠動靜施爲
須達本經行坐臥只如思心同木石閒諸想量
等虛空納萬餘此理古今人共具自來不特在
頑余

無幻語錄 卷下

十六 寶夢堂

托鉢

朝悠悠也暮悠悠瀟灑元同不繫舟一衲囊身
知旅泊千門乞食示生由道非人與從誰覓過
在貪求合自修隨處住於無所住溪光雲影暫
相留

生日偶成

晝不看經夜不禪順時調攝盡身緣資生僅有
三資辦俗慮渾無一念懸落落太虛雲數片冷
空界月孤圓行歌坐笑從吾適忘却先天與

後天

村居

索居閒處未可獲遯近江村且適吾除地竹高
清氣爽隔牆梅發暗香多常陪夜月奚曾約來
慣幽禽不用呼景物自成非力致此中無寄欲
如何

荅同叅

相逢盡說世途難自向安中討不安學道且忘
名利路修真應到觸醲乾生緣豈用過前料老
無幻語錄 卷下 十七 寶覺堂
計惟憑退後看福利只宜隨力量勞形役念悉
無端

荅梅村

一錫湖湘幾十秋叢林想已飽經遊臺山曾見
文殊未驚嶺還逢迦葉不衣止曹溪今孰守燈
懸少室近誰籌憑公問箇真消息傳與叢林作
話頭

登萬壽山懷古

短策來登萬壽山松迴石徑白雲環梵荷池上

香猶在空翠庭前鶴未還坡老詩名盈海外文
翁禪語徧塵寰生緣一日重流轉掃盡藩籬滿
世間

春晴溪望

禪餘茅杖拄芳立西望水容何太清野老肯攜
今日座沙鷗未減舊時情雲橫曉樹開還合風
送春帆去復輕我勿放閒評世幻獨看生相悉
非生

過圓明禪院二首

無幻語錄 卷下

十八 寶覺堂

三尺烏藤一衲斑暫來湖寺寄雲關四簷有水
絕輪跡盡地無隣得自開明月夜來非我約好
風時至不吾攀禪流若解其中意何用持盂更
入山
敝屋蕭蕭丈許慳住來幽隱絕人扳兩函梵唄
一張几獨箇蒲團七尺單箇裡不懷榮辱夢此
中罔有是非關花開花落隨他去也笑春風空
往還

荅見招

吾生百拙難酬世潦倒惟堪在息機往事不能
重記憶鈍根還得自提撕饑瘡作患煨新芋病
骨逢寒補敝衣日用但隨緣過日豈甘逾分落
便宜

答幻上人日用工夫

禪兄詢問做工夫老我生涯苦不多日聚兩餐
無米飯夜叅一箇嘴盧都情山岌岌和根拔欲
海翻瀾徹底枯末後一機難舉似石人撫掌笑
呵呵

無幻語錄 卷下

十九 二竟 寶夢堂

頌清淨經內觀其心心無其心

云云

遠觀內外皆無物罔識能觀是甚人有見固知
非解脫循空應是昧天真纖塵不立猶迷跡當
處常靈墮識神祇箇不依他去住自無今古自
昇平

知幻寃真

大地山河皆幻有從渠處覓匪家珍色空明暗
如難會見覺聞知總未真池底金鳥形在日目
中童子影歸人指盲盡作圓融理猶滯功家五

位勲

念佛頌四首

發心念佛循公道念念無私佛即靈念到公私
俱不現惟心惟佛更何論

正心念佛無多子一句明明不覆藏若在此中

親薦得蓮花處處自生香

念佛休論閑與忙時時無間始相當一聲喚醒

慈悲王刹刹塵塵是淨邦

真心念佛錦添花功德難量等海沙六處顯然

無幻語錄 卷下

二十 三竟 寶夢堂

全體現同名同號更無差

指心八首

動口全拋一片心擬思量處不知音百千年外

看家話倒腹傾腸說與君

起念求心心即念頓然無念念無心九重之內

常爲主徹古該今不動尊

忙忙尋覓主人翁因地逢渠枉費工不是一番

顛倒力爭知夜半日輪紅

盡心竭力用工夫內外推求實總無正恁麼時

無計可忽聽村內一聲歌

作用施爲總是心急須薦取莫沉吟但於事上通無事錯亂縱橫總是真

卽心卽佛隔皮言非佛非心亦是權端的要知直實處直須吐盡野狐涎

欲覓如如不動心飛沙走石滿山林雷轟電捲翻滄海總是平常這箇人

覓心起處不可得忽地起來難料量不是道人無把捉十方諸佛也難詳

無幻語錄

卷下

三

寶慶堂

牧牛圖

尋牛

排雲撥霧細搜尋幽壑重巖轉更深忽聽子規聲斷處夕陽回首自沉吟

見跡

山邊水際已來多滿路蹄痕見也麼雨後峯前雲冷淡角端影影更無他

見牛

樹底黃鶯轉一聲巖前水牯踈然興當央鼻竅

無迴避短索慌忙貫未成

得牛

驀頭牽轉這頑皮野劣麤狂湯湯除春色上堦芳草綠白雲堆裏共安居

牧護

得渠到手莫丟閒收放繩頭經幾番掉尾碧天雲影落那容足跡到人間

騎歸

水山情足便歸家穩坐騰騰步落霞吹斷沒腔

無幻語錄

卷下

三

寶慶堂

無孔笛此回誰復更爭牙

存人

歸來寂寂卧空山簑笠鞭繩一併閒溪北溪南消息斷坦然高枕白雲間

相忘

了然無事萬機空廓爾虛靈面面通綠樹溪邊青草足碧天雲影任西東

還源

見聞聲色不施功堪笑從前自瞎聾春到樹頭

語滑家無四壁日輪紅

入屋

這漢堂堂出眾流羅龍打鳳未嘗休等閒拈起
龜毛拂挂在虛空眼角頭

六根

眼

一雙清碧晝長舒俯仰周旋得自如觀盡江山
諸物色自家眉睫不相知

耳

無幻語錄

卷下

三

寶夢堂

一竅靈通兩朵根音聲都向箇中分幾多潮聽

流湑地智者知機入妙門

鼻

祇因空直通靈竅氣息毫釐不許瞞野鴨過時
曾受觸桂花香處得親傳

舌

搖動莫教無諦當吉凶榮辱箇中來未能得斷
言思路不若深藏甚妙哉

身

美同天地真難得危若漚花不久長欲證金剛
無漏體急將骨肉報爺娘

意

方堪息慮停機處瞥地昏沉散亂來變想多端
無可料妙觀察智絕刪裁

雲樓六景

圓耀峯

陽鳥飛轉耀西峯道是無私也未公爭似衲僧
曾返照大千都在一觀中

無幻語錄

卷下

三

寶夢堂

寶刀巖

吹毛劍與活人刀盡爲勞生直下拋這箇挿天
無面背至今元不動纖毫

壁觀峰

九年面爾成何事今日誰甘又向君應是赤鬚
無伎倆借來引彼未惺人

青龍泉

靈涎瀉出真珠沫觸着渾身冷汗流未了衲僧
沾一滴却初禪病卽時休

聖義泉

泉爲甚麼名聖義聖從何起義何來是人識得
根源去五葉蓮花次第開

金液泉

這些流出本無多盡大地人用不竭五湖四海
悉平瀾尚餘潤彼青蓮葉

荅見卓

不持糞掃本無塵爭奈貧兒未到門不動步今
俱踏徧甚麼喚作昔時人

無幻語錄

卷下

王五

寶夢堂

無生

一刹那間應萬端頭頭顯現不誰瞞禪兄若問
其中意白日青天仔細看

鑄鐘

自向紅爐煅得成高低隨扣發洪音爲他裡許
無些子一吼能惺萬劫昏

拄杖

壁立一條無甚巧施爲動轉活如龍衲僧相見
通消息點着須教立下風

火炮

團團無縫罅綿密不通風一點無明裂分身刹
土中

拄杖

無葉又無梢心空節節高生來無委曲到底赤
條條

層巒夕照

層巒開夕霽祇樹隱琳宮雲外通樵客尋梁渡
此中

無幻語錄

卷下

王五

寶夢堂

巖臺夜月

巖臺雲不到冰鑑透重湖試問寒山子今宵意
若何

寒江釣雪

寒花舞太虛萬像換人日垂絲未有心孤吟恨
無續

龕銘

虎則寄幻生則藏醜無去來底汝不能圓
雜咏

山中四威儀

山中行暢幽情忽聞樹底泉吹笙千峰踏破歸
來晚玉露一杯誰共傾

山中住無俗慮但看落葉溪流去你無情也我
無情翠微深處雲千樹

山中坐忘今古鷄衣百結當胸破不將黃葉戲
兒啼肯信空花開幾度

山中卧全身露老大乳呷只一箇羅雪爲帳月
爲鈎伸去縮來都是我

無幻語錄 卷下

三 寶臺堂

又

山中行飛霞襯履輕懸差去撒手上凌嶒

山中住蘿屋依巖樹露堂堂十聖無尋處

山中坐幾度朝還暮沒來由閒看空華墮

山中卧衲被從教破亦條條自有娘生袴

心量歌

這一物甚奇偉亘古亘今恒不毀祇爲離名離
相來無見無聞人未委本無形本無跡無去無
來明歷歷捏不成團撒不開隨呼隨應何曾失

本非黃本非赤非紫非紅非黑白萬般顏色不
屬渠渠儂却會分諸色非是韻非是聲亦非梵
語與唐音雖然不屬音聲相渠是音聲個主人
非是垢非是淨垢淨從人所染病渠儂元不涉
毫釐端在其中爲號令也能大也能小小大方
圓無刺少小則鷺子也難窺大則魔醯無見表
也能凡也能聖凡聖盡從渠顯應凡因逐妄繫
幽囚聖則從渠常妙淨又能善又能惡善惡二
途俱造作善福生天亦是渠惡業受罪非他縛

無幻語錄 卷下

三 寶臺堂

亦能顯亦能隱隱顯從來無定準顯時現出萬
般形隱處埋藏無見影亦能空亦能有空有二
途俱不守大用繁興渠作爲空宗一着他爲首
人無渠形體爛獸無渠行不慣禽鳥無渠翅莫
翔魚驚無渠鱗甲散天無渠何以清地無渠何
以寧王侯無渠國不治萬化無渠總失真盡軋
坤同日月大千沙界從渠攝上至佛下至蟻佛
與今靈無不具諸佛悟此證菩提萬彙迷茲輪
惡趣衲僧家須奮志別起眉毛當薦是不識渠

今智卽愚識得渠今愚卽智休擬議祖佛從來
無別意咄三大劫修祗爲渠

十二時歌

平旦寅修行初不墮尋文心存了義尚不許豈
徒紙上費精神

日出郊真色道人沒奇巧絕學無爲未到家那
堪門外打之遶

食時辰飲喙隨緣續命根飯飽洗鉢人盡會拋
匙擲筯誰同倫

無幻語錄

卷下

无

寶夢堂

禺中已雨前香味無多子未來曾到均一甌不
解喫的甘渴死

日南午威光徧界輝今古逃形怖影難出頭接
嚮承虛何處躲

日昃未深撥地鑪煨紫芋甘香來到鼻尖頭試
問禪流會不會

哺時申龜毛繩子束樵薪擔頭防脫牢牢繫佛
手驢脚何相親

日沒酉窮子莫循門外走山南石虎解巡更急

須收拾子湖狗

黃昏戌萬事千機都寢息纖毫不見露堂堂一
物也無明歷歷

人定亥魔來佛來都是歹一根拄杖驀頭揮盡
教趂出虛空外

半夜子佛祖命根都在此五白花猫叫一聲床
頭老鼠偷心死

鷄鳴丑提起衲衣頻抖搜諸山野干出頭來吃
地一聲師子吼

無幻語錄

卷下

三千

寶夢堂

題徑山植樹行者

劫初有樹名菩提般若幹芳金剛枝不滋雨露
宛自茂累經板折顏無移有一道人親拔得無
陰陽地深培植雲蒸水發摩尼香日炙風吹太
古色道人得之宜自保頃刻莫教藤蔓繞元非
智藥移將來不識這株何處討道人保之宜自
重不與千林萬林共常將智慧水溉根莫被八
風輕撼動道人重之宜自固迦文昔日曾爲座
不離自己脚根邊日用森森靡不露道人固之

宜自悟莫弄閒條功不數抱根守節到春深定
有枝頭香果墮

勝果寺月岩秋夜有懷

蕭蕭林木秋風起澄霽歛氛淨若洗鴻蒙一竅
誰鑿開中有神光流萬里夜涼人坐更且深明
簾高捲南山岑石臺霧冷翠欲滴靈鼓雨歇青
嶙嶙境寂林虛空籟息桂枝錯落飄金粒冰丸
輾破碧琉璃峽岫萬峰銀海出有時渾不辯西
東白雲滿地曇花重珊瑚倒影入龍窟驪珠掘

無幻語錄 卷下

三

寶臺堂

出輝晴空有時渾不分真假左之右之實瀟灑
耀古騰今跡未形此身元不在陶冶有時拂衲
毳閒楞仰觀八極冰壺清狂歌一發不可禦木
人起舞彈瑤琴有時振衣步虛白笑看一輪明
歷歷唯有寒山拍手歸堂堂萬古誰相識誰相
識千山影落西湖碧九年底事孰爲真一語不
加猶狼籍猶狼籍夢眼豁開扶杖立審思寰海
高尚人烏不來斯謝塵埽分明只在眉睫間萬
壑千山追未及

號偈

月庵

我月從來無比况寒山有口道不得我庵畢竟
絕安排公輸何處施繩墨不月而月照大千是
庵非庵容百億月庵住處總不然長天永夜輝
秋白

潮音堂聽泉

娘生兩竅甚玲瓏納入潮音八萬重鎮夜寥寥
無間隙終朝汨汨盡歸空聲來耳畔聆非切耳

無幻語錄 卷下

三

寶臺堂

往聲邊聽未聽除是返聞聞不已五湖四海悉
流通

證川上人

滔滔一脉從何起萬里悠悠實暢然逢直遇濟
無彼此隨高沿下自盤桓源頭活潑流無竭徹
底澄清攪不沈任是海龍施盡力不能沾着一
毫端

桂秋宇

長空浙浙來秋風奇雲薄霧潛其踪香分萬斛

敷古桂聲鼓兩耳鳴寒蛩玉宇無塵淨若洗金
波有月溶如朧上人玄境既雅適安與檜枳同
其功

日巖

金烏躍出羣昏絕萬壑千峰俱皎潔圓陀陀也
靡不周玉車皇今恒聳列無心運用利濟多當
處出生機智活吾儕猶慮照裡迷格外道人承
此說

卓庵

無幻語錄

卷下

三

寶臺

無陰陽地渾平坦信手拈來結個庵卓處豈惟
閒禁忌住來不復論司南因無定向忘賓主肯
事權乘落二三未否此中誰委悉遶簷松竹是
同叅

了心

三際求心不可得了之一字復云何當機不作
語言會觀體掀開影像窠海底泥牛時吼月山
頭石女夜拋梭虛空落地須彌碎笑倒傍觀碧
眼胡

幸林

桺檀林是師子窟拔幸超羣從此出擬欲將爲
叢叢觀脫然盡作荒郊色是幸無分青與黃茲
林不屬寬和窄西風鼓動少林枝皮膚脫落唯
直實

復元

元非失去今將復達者深明習未祛習盡始知
元具足能祛還是習根基塵埋古鏡光常滿霧
捲長空月便輝輝碧眼丈夫當自省不應惡疾忌
良醫

無幻語錄

卷一

三

寶臺

六觀

突出劫前畔面南觀北斗六卽本來無一亦未
曾有擊碎驪龍珠笑破虛空口更擬問如何七
七四十九

佛事

爲沈居士秉炬

昔日道吾和尚云生也不道死也不道卽今是
生耶是死耶侍棺女子哭聲阿耶阿耶師曰這

女郎倒委悉在迷執火把云若喚作火落在窠
臼中不喚作火斬頭求活畢竟喚作甚麼擲下
火把云湯騰騰地煖烘烘

爲石庵殿主秉炬

三陽一轉羣陰絕某人胡爲不賞節歸鞭着在
春日前針頭削下千觔鐵以火把打一圓相云
某還是麼若謂這個是火十方世界無你噤唾
若謂不是火五葉蓮花開朵朵咄

爲童兒秉炬

無幻語錄

卷下

三五

寶夢堂

寶夢堂

一點無明是禍胎爲渠撞入是非堆今朝拋却
娘生殼始信從前蹉路來某三緣和合親憐掌
上之珍四大各離人起愛中之慘是汝幻生幻
滅教人涉愛涉憎不唯悲喜昧天真亦且牽纏
生罪業今則到這裏情愛頓空冤親平等業債
從斯而截斷覺心由是以開明明不執明斷無
斷性方可禮觀德生童子來參勝熱明師與善
財衆藝把手並行去也其或未然再聽後偈嘆
亘天紅燄元非火劫外靈光本自然

秉炬

出生入死人難免何故悠悠不我思投老不知
歸處事夕陽芳草悔時遲某你生則生矣旣往
不追滅今滅兮還知歸否念你生平未究畢竟
難明如果其言諦聽我說生則生你身滅則滅
你形本性無生滅天中號獨尊念起世界起念
寂世界止所以祖師心直示真如理拈起拂子
云還是麼遂擊拂子云還聞麼卽此見聞非見
聞無餘聲色可呈君箇中參到無參處始信凡
無幻語錄

卷下

三六

寶夢堂

寶夢堂

移舊骨入塔

一曲陽春本現成大音之下必希聲石郎彈出
宮商調總是聾人也解聽古德道逢人則不出
出則便爲人又有一宿云逢人則出出則不爲
人今日本庵定中大德是逢人耶不逢人耶在
杖子與我定當看遂指一指云從這裡去

挂真

東離黃菊霜容褪西院老僧歸興濃幾十年前
春夢斷軀身又入畫圖中某今則收因結果捨
妄歸真佛境既現前法身藏不得諸仁者還見
麼謂是本來面目凡所有相皆是虛妄謂非本
來面目則一切是法無法者還會麼若也會
得不須拈出則某與老彌陀把手共行如或未
然則冲上座與你等揭去也遂揭起云百尺竿
頭須進步十方世界示全身

無幻語錄

卷下

三七

寶夢堂

無幻禪師語錄卷下

終

無幻禪師行狀

師諱性冲號古湛永郡秀水人俗姓張育之夕
母卜氏夢橋上一鷄飛而冲天因名曰橋嬰時
每啼不止唯以供其列于前即輟巾歲與羣兒
戲以瓦石覺殿宇取上塑佛像率羣兒羅拜既
娶生一十甫四歲每嘆曰塵勞膠固曷得出離
會業師方硯山指師看佛經師即留心內典且
復問于方曰教可出世乎方曰子看經有省耶
師曰三藏十二部大約祇是筌筌耳方曰汝罷
無幻行狀

一 寶夢堂

無趣老人臨濟兒孫也野翁曉禪師之傳乃
本色道流扣之必爲子之所重師欣然往叅之
趣老曰吾待子久矣子平日作甚麼師曰粗涉
佛典趣遂訶曰記此一絡索汗汝一片清白地
可付諸長流方堪與語師即懇求捷徑趣誨以
教外別傳之旨師蒙誨即欲出家母不聽乃依
于圓明寺訓蒙膳親朝夕參究有所契入母棄
世後始剃染欲結庵徑山往辭趣趣囑曰子緣
在水邊今姑從汝志時趣老欲焚棄生平所作

偈頌師乞稿以集之既就住見趣問曰子向在甚麼處師曰徑山做得甚麼事曰某甲買得一段田收得原本契書請和尚會印即將集本呈上趣接得展看曰這箇是我底汝底疊師曰和尚莫搶奪行市趣擲下集本師即趨而出已而呈四偈趣莞爾曰非語言文字也是汝作底麼師曰某甲鼓粥飯氣若謂有所得辜負和尚不少趣點首遂傳衣法并偈曰師傳拈花宗示我微笑法親手展付汝持奉徧塵刹趣入滅後師

無幻行狀

一二 寶蓋堂

溪病益甚至辛亥季冬四日燭後事畢端坐而逝闍維奉靈骨塔于徑山師之法語偈頌門人記錄之以廣流通師生于嘉靖庚子十一月廿一日世壽七十二臘三十白衣時號無幻人皆稱之無幻云

門人慧廣等稽首述

無幻行狀

三 寶蓋堂

無趣老人語錄

明
•
性 無
趣
如
空
冲

編 撰

無趣老人語錄序

夫祖道不可絕繼風穴於法堂痛哭克家之子難逢仰山自記再來莫不以諸佛慧命爲懷度生爲急務者也所以師子有懼難之憂預傳衣法達磨忍服毒之苦得嗣方休是皆深體祖佛授受之意矣唯我無趣老人幼專曾誥壯博禪宗道聞鷄鳴而悟學得野老心傳開托臨濟棒喝之宗光揚馬祖磨磚之用慈悲密運權實並施承接從上真正源流成就克家真師子子實

無趣語錄序

一 寶夢堂

爲人天大樹後世津梁寧不爲仰山再來之儔乎圓澄自恨生此末季不遇至人嘗爲痛惜每嘆前朝豪盛近代絕聞茲得南明禪友持老人語錄相示不覺驚喜何其濁世遇此希聲片言隻字盡吐諸佛肝腸豎拂拈槌極唱諸祖骨髓開卷則疑惑潛消玩味則勇猛頓發實爲明世之盛典釋氏之法幢將來學者體而行之非唯已事可辦抑且佛祖之慧命有望矣

會稽晚學圓澄沐手撰

無趣大師語錄序

如來爲一大事因緣故出現於世夫大事因緣者卽佛之知見含靈本具之妙性也佛意以此一乘了義度諸羣品成無上覺奈衆生剛不領悟乃不得已而分時刻教如撒網天網子漚人天魚將謂功收一目以暢本懷何其時輩根習濃厚膠於文義脫一粘一反涉支離飲光尊者眼不空見於世尊瞬青蓮目處領教外別傳之旨至二十八代菩提達磨東來震旦直指人心

無趣語錄序

二 寶夢堂

見性成佛得可大師深心荷負四傳至于曹溪大鑑支流派演唯南嶽至臨濟獨名正傳宗風大振越七傳而有楊岐會白雲端師師相繼印印同文又九傳無準範斷橋倫追復古風擊磬破沙盆敲瞎金剛眼珠迴玉轉代不乏人唯在今時學者執權廢實提死話頭不善參究鮮克妙悟或認昭昭靈靈而爲覺或宗忘形無記以爲寂或作有漏爲真修或以福緣爲妙用如斯等輩不可枚舉沿襲成風使上根困於死術中

下昧於正因雖初祖再來恐不能奪其志而救

其弊也皆名不了義又名生死本亦名戲論法

相似禪如執球玦爲玉誤他後學罪莫大焉嗚

呼幸我大覺世尊願力洪深正因未墜倫復傳

寶寶傳度曰覩曰儘再四傳而寶芳進禪師出

焉踞天目險崖潛通一路被野翁曉和尚以父

母未生前這一隻眼覷見全身直入向背無門

無趣大師於無門處猛力一肩鐵壁銀山一時

靠倒從此無依無住檀信請居歛長庵爲法檀

無趣語錄

序
三十二品寶慶堂

度或素或緇無定化門蓋曲爲時機故也而師

隨扣隨應則有語頌等若干篇辭雖不多禪旨

脩矣蓋其把定佛祖咽喉直下轉迷成悟之句

若謂易會真如塔尖倒卓若謂難會誰家竈裏

無烟覓者會得則此錄不徒然矣

嗣法比丘性冲稽首撰

無趣老人語錄

嗣法比丘性冲編

入關示衆三十餘年叅禮請益十方宗匠問法

皆云無說問佛皆云無相幸得無相無說不覺

頭空伎倆追背脚跟失却便宜今喜眉毛端在

眼上從斯丟去草鞋即便拗折拄杖拍雙空手

入玄關坐着陰陽消長偈曰窮子還歸長者宅

善財叅徧維華林大千收拾毫端內推出虛空

掩上門

無趣語錄

一
三十七寶慶堂

雲臺陸居士問曰和尚入關爲個甚麼師云入

關且止汝何處見老僧擲臺云見在師云瞌睡

漢

啟關示衆自結玄關自活埋自吾閑也自吾閑

一拳打破玄關竅放出從前這漢來

新正示衆今日新年第一日大明普照恒沙國

羣靈咸在此光中皆得如來三昧力汝等還會

如來力麼以兩手作掇石勢云過拙來一僧云

重多少師云這飯袋子輕重也不知

示衆舉杜順大師法身偈云懷州牛喫禾益州馬腹脹天下覓醫人灸猪左膊上大衆作麼生會衆無對師示以偈曰大士說偈掉天相也有韻有拈無文無義粉碎圓圖圓圖粉碎一句直言爲傾骨髓恁麼會得海面生塵若也不會山頭浪起總不恁麼時如何領取順師原偈

佛誕日示衆釋迦纔降生周行七步目顧四方一手指天一手指地天上天下惟吾獨尊且問汝等諸人纔生下地血氣未乾何故便作許多

無趣語錄

寶雲堂

伎倆偈曰纔出娘胎解老郎率陀習氣不能忘通身示現大人相不顧勞煩使者忙

性冲叅師問曰老漢昨日在天寧寺前行過觀見蹴氣底通身是光雖在鬧市中人人皆不見惟老漢得見汝作麼生會冲行一步師云破也

端陽示衆年年五月五準準是端陽只要信得及何必預商量百草信得及都作藥中良諸人信得及此身卽道場復舉古德云終日拈香爇

火不知身是道場大衆且道身是道場佛在那裡拈起拂子云容顏甚奇妙

示衆搜窮三際元無我偏塞虛空更有誰祖佛相傳無法付拈華微笑只因渠召大衆曰世尊拈華則不問且道迦葉作麼生笑衆無對師云苦哉佛陀耶

師行脚時至杭城叅封自然值然補納次師問曰和尚補這箇遮寒遮熱封仰視師禮拜封曰點茶來師作舞而出

無趣語錄

寶雲堂

杭城歸示衆云予在湖山境中作篇佛法且是平直切當簡易明白渴欲歸來舉示大衆及乎今日相見忘却了也遂豎起拂子云記得麼僧叅師問叅禪來學道來僧云不打這鼓笛師云是卽是只怕前人先道去了也僧無對師云元來元來

師一日告衆云五蘊山中有個英俊孟八郎四大部洲爲家八面開門出入一切羣生盡挾他勢力作爲十方諸佛不能討他脚冊手本一向

露影藏形東出西沒昨夜三更時分在諸人濃睡之中却被盲龜跛驚扭結在此豎起拂子云是這個便下座

示衆舉巖頭齋談圓覺經云以思惟心測度如來圓覺境界如取螢火燒須彌山師云我且問你諸人如來境界既是測度不得底畢竟作麼生合殺喝一喝云還見巖頭麼便下座

五臺陸居士至問夾山和尚上堂有僧出問承和尚有言我二十年住此山未曾舉着宗門中

無趣語錄

四 三十七 寶夢堂

事是否山云是僧便掀倒禪床山休去至明日普請掘一坑令侍者請昨日問話僧來僧至山云老僧二十年只說無義話今請上座打殺老漢埋此坑中便請便請上座若不打殺老僧上座自着打殺埋此坑中始得其僧歸堂裝束潛去臺云此僧前日掀床後日潛去一言無惜和尚可代一轉語得麼師云這兩個有頭無尾漢夾山當此僧問時卽曰我向來不曾道着喚侍者擯出此僧不失乎有前無後賊過張弓這僧

次日當夾山舉話處卽向空打兩拳推一推埋了也亦免陣敗逃圓臺云是師云且遣這僧埋自己埋夾山臺云俱埋了也師云仔細切莫累我臺大笑師云出也臺云妙妙師示以頌今日掘坑昨日着賊謀畧不無勝他不得致使白拈不再來這場露布已自出

示衆言前薦得已天涯句下承當路轉賒一擊鐵圍如粉碎海天空濶雁行斜

性冲至師向火次遂舉鴻山撥火句問曰汝作

無趣語錄

五 三十九 寶夢堂

麼生會冲將火爐撥向右边師厲聲曰汝不欲我向火耶冲無對師云沒量大人冲有省作禮而出

僧問某甲初發心不會佛法大意乞和尚指示師云會取不會的

示衆舉高峰示衆云此事如人負重擔過急流行至中間忽遇黑風暴雨其水愈急愈深進亦不能退亦不及擬議之間喪身失命正恁麼時合什麼生汝等諸人若透得此喻親見高峰和

尚把手共行若也未然叅

臘月八日示衆舉法華云是諸世界若着微塵及不着者盡抹爲塵一塵一劫我成佛以來復過是數何得文云方始成道這釋迦老漢惑亂人未有了日嘉禾不免說破去也良久云貪他一粒米失却半年糧

除夜小叅時窮何似日窮好月若窮來歲亦然三十六旬窮過了東村王老夜燒錢老漢並無一物應個時節因緣拈起拄杖云祇有這個無

無趣語錄

六 寶夢堂

窮無盡歷劫經年今夜隨時送去免教涉蔓相牽遂擲下云歷劫得來今斷送拍雙空手接新年

元日云年新日新時又新梅華枝上春又新東風打從花裏過穿破諸人鼻孔門遂吸鼻云諸人還知麼拈起拂子云汝等還見麼卽今鼻裡眼裡知得見得便見山河大地徹底斬新百草頭邊處處陽春以拂子擊禪床云千門萬戶同斯日打鼓鳴金轉法輪

示衆佛是衆生屋裡了事人衆生是佛屋裡不了事漢若要一樣但佛與衆生一齊放却則無了不了卓拄杖云但於事上通無事見色聞聲不用聾

元宵示衆畫角聲中薦得觀音未是作家彩燈影裡知歸室利漫誇好手恁麼告報與諸人也須笑破虛空口禪流若也未瞥然再看鰲山顛倒走叅

衆集師分糍餅次問衆云老漢有一問各要帶無趣語錄

七

寶夢堂

圓意說一則佛法道得者得餅喫衆皆下語不契冲曰若恁麼某甲決定不得餅師云汝道甚麼冲云把將一枚來師笑曰不得不與

師舉古德上堂示衆曰若論此事衆須實叅悟須實悟動轉施爲輝今耀古若是操心不正悟處不真粧粧點點餌餌釘被人輕輕撥着未免喚燈籠作露柱且道如何是實叅實悟底消息良久云南山起雲北山下雨敢問諸人古德恁麼說意在於何此事是何物輝今耀古因何

一處起雲一處下雨若檢點得出許你具一隻眼良久擲拄杖下座

性冲至師舉古德上堂僧出問如何是正法眼德云有誓不撒沙傍觀曰不可更撒汝何處見他撒沙冲曰有誓不撒沙師曰不可更撒又作麼生冲便出師曰瞎漢瞎漢

示衆鴻蒙未判天地未分先有一物時人呼爲正法眼藏亦名涅槃妙心今在諸人六根門頭顯現四威儀內昭彰拈起拂子云見麼若見通

無趣語錄

八

寶夢堂

箇消息其或未然不得不疑

小叅老漢做人全無美計有不省儉無時浪費前後不顧當下弗濟精空亮空窮得無底抖擻抖擻沒一毫許祇有半隻破草鞋無底無根亦無對叅

講師至師問曰經前一句偏塞虛空經後一句充滿大地包括一句函蓋乾坤正恁麼時法師向甚麼處下口講無對師良久曰善來法師冲補帳次師掃地至問曰做甚麼冲曰補帳師

云誰帳要汝補冲曰和尚得恁麼惱亂人師便打冲作掃地勢師持帚而去

端陽示衆佳節端陽何曾訂約五月五年年撞着風搖蒲劍碧楞楞日照榴花紅灼灼道在時節因緣豈在正法末法向來着意尋求通身是草今日信手拈來無非是藥豎拂子召大衆云此藥治甚麼病擊拂子云不但老維摩藥王藥上也喫一帖

新晴示衆久雨初晴人皆喜悅綠柳舞薰風黃鶯啼不輟萬古祖師機一時都漏泄直下會得來依舊沒交涉何以故一朝樹倒鶯不來莫把烏龜喚做鰲

無趣語錄

九

寶夢堂

梅雨小叅梅風拂拂梅雨霏霏須彌山頭爛額香水海面皺眉池塘蛙鼓嚮如雷諸人會取西來意於斯薦得方知人人是五祖處處是黃梅大解脫門元無關鑰實際理地本自平夷若也未明任爾百煉熏修徒自辛苦何故祇爲他眼邊耳畔覓黃梅依然拋却祖翁田地

性冲至師問曰子一向在甚麼處冲曰徑山師曰做得甚麼事來冲曰性冲買得一段田收得原本契書請和尚僉押即將偈本呈上師接得便展看問曰這箇是我底汝底豐冲曰和尚莫搶奪行市師擲下偈本冲便出

冲侍師坐次師云汝看偈抄錄有些利益否冲曰冲錄和尚偈有感亦作四偈師曰汝舉來看冲乃舉法偈不多句等偈畢師曰非語言文字也是汝作底麼冲曰性冲鼓粥飯氣若謂有所

無趣語錄

十

寶夢堂

得辜負和尚不少師點首冲禮拜

鵲噪客至小叅鵲噪不知客來客來不知鵲噪彼彼不知偶爾恰好若會兩箇不知頭頭自然合道驀拈拄杖云鵲噪客來無別意擲拄杖云水流花謝兩無情

示衆豁開頂門眼照徹大千界既作法中王於法得自在下座

七夕示衆今朝七月七處處開筵席天街牛女暗相期世人盡不知消息大衆且道有箇甚麼

消息遂展臂作樓抱勢云這箇老婆心切

師同金居士步月於范蠡湖邊冲適至師曰明月與清風水天同一色人人在箇中祇是出不得冲曰打草驚蛇做甚麼師曰汝又作麼生冲曰看脚下師呵呵大笑曰將謂赤胡鬚更有胡鬚赤

俞居真至師問云老漢聞居士在天心書院悟得些子氣息是否真曰是師云氣息寧真曰在和尚開口處師曰非干汝事真上前拱手師曰

無趣語錄

十

寶夢堂

這箇是書院裡學來底真退後就位師曰乃見一斑真曰某甲日用不忘這箇如何師曰且得途中受用真作滿空雲水是生涯句呈師師曰雲散水枯時生涯在甚麼處真擬議師即彈指曰在這裡真有省作禮師示以頌云儒林一豪傑書讀萬卷徹時來叅我禪我禪離言說祇有一把鋸念起當頭截截到意根枯秤鎚流出血若不流出血持來與你打做鐵

客送藕至師云悟得塵中心恰是池底藕通身

在汚泥瑕玷何曾有天生渠不生却朽渠不朽
這般奇特物人還肯信否若是信不及問取趙
州狗

硯山居士書至示衆云方一數之始不二數即
止遂拈起書云祇有這一箇能爲萬象王放下
書云卽這方一是

師與冲經行次聞風撼槎樹聲師曰此樹風
來獅子吼風寂便涅槃冲曰樹倒風息時獅子
在甚麼處吼師良久冲曰大好吼卽不是獅子

無趣語錄

十二

寶雲堂

師便掌冲禮拜

除夜衆集偶聞爆竹聲師問衆曰是甚麼衆曰
爆竹聲師曰破了也衆乃有省

元旦示衆今日是三十六旬第一日家家戶戶

慶新年皇皇春令行天下合國羣臣祝

聖延大明九重殿上八方司府堂前錦袍簇簇
玉珮便便恭前鞠後俯仰周旋揚塵舞蹈萬歲
聲喧威儀三百禮儀三千一時頓現若作國禮
商量不唯背了如來此外更無佛法若作佛法

領會不唯背了天子此外更無國禮畢竟作麼
生始得禮法併致一道流通遂舉拂子鞠躬云
皇圖鞏固帝道遐昌以拂子打一圓相云佛日
增輝仁風永扇

佛涅槃日示衆釋迦老漢做了一生好漢末後
對衆寐語若謂我滅度非吾弟子若謂我不滅
度亦非吾弟子汝等諸人作麼生道得一轉語
便見雙林樹□枯木生枝敬畏庵前冰消瓦解
有僧出曰和尚亦寐語師轉耳作聽勢僧無□

無趣語錄

十三

寶雲堂

師曰這添桶

二月十九日示衆三月春光一半過園林花發
鳥鶯歌分明徧界觀音現試問禪流會也麼豎
起拂子召大衆云菩薩降生了也還見麼又擊
拂子云家家觀世音汝等上來下去何不會取
擲下拂子云不是普陀巖下客徒使潮聲撼海
門

示衆舉徑山在雲居作首座一僧來參禮曰某
川有首座女子出走頌有箇省悟處特來證據

座曰不是去僧曰某甲未說何得便道不是座
再三握手云不是不是僧慙懣而退老漢敢問
諸人徑山見甚麼便道不是這僧因甚麼便慙
懣而退若是檢點得出許你具隻眼要見徑山
麼三十年後

小叅衆集師良久喝一喝云禍出私門便歸方
丈

冲至師曰性冲來也冲作展具勢師厲聲曰如
法禮拜着冲作収具勢而出師曰莫道無事好

無趣語錄

丁酉 三九六 寶夢堂

四月八日小叅呱聲未絕便橫行手指軋坤眼
圓瞪赤骨小兒開口通身現出大人形

初秋示衆夏末秋新卽佛卽心秋新夏末卽心
卽佛榔下拄杖云會麼不知寒暑催人老

僧古林叅師問曰大德何來僧曰某甲初機乞

示修行門路師墜起拂子云會麼僧云不會師

示以頌曰若問門路須明這箇這箇不明舉足

便錯僧云如何是這箇師云你問我答

師問冲曰徑山頌三玄三要云徹骨徹髓道一

句三要三玄絕遮護此二句中我欲取一句爲
法汝便道取那一句好好冲曰和尚適來道那一
句師瞋目叱曰汝得恁麼無記性冲曰祇爲和
尚徹骨徹髓師笑曰不然爲子一人卽得爭奈
大衆何冲曰取卽不辭孤負先代喪我後人師
曰如是如是

始祖像前示衆廓然無聖知音未在直言不識
猶欠投機從此大梁殿上折了兩遭老本少林
室中受了九載清灰末後要做好漢不顧骨肉

無趣語錄

十五 三九 寶夢堂

髓皮通身分付與人杖擔隻履西歸熊耳峯前
了些宿債慈嶺頭上弄箇大奇却被宋雲覷破
踏步不知高低要識造佛造祖之宗匠卽此儻
侗顛頂之鬚鬚盡道祖師昔年去了以拂子指
像云現今這箇潭且道是誰乃說偈曰廓然無
聖顯真機不識重將正令提兩度赤心功不奏
秋江踏草去悽悽

示衆今日佳節七月七通身收拾巧來譬絕妙
奇能一併吞淨盡勿留些影跡向來弄巧喪天

真從今抱拙守愚直騰雲駕霧總成空百巧不如一老實如何是老實一句二便二一便一豎拂子云這箇不曾花巧

示衆今日七月十五家家齋佛享祖且道佛與祖還來麼若來經云無所從來若不來空勞設供豎拂子云無所從來亦無所去

頌古

世尊降生指天指地

嬰兒纔出阿娘胎賣弄家風逞本懷春色滿園

無趣語錄

十六

寶慶堂

關不住一枝紅杏出牆來

世尊說法文殊白槌

伯牙方擬解琴囊鍾子連忙便卷藏早是半條弦不動遺音猶是徧諸方

世尊拈花迦葉微笑

靈巖峯頭一大事承言着相已傳差破顏皺臉

何曾笑拈出分明不是花

世尊臨滅摩胸示衆

摩胸運手口喃喃無縫金襴在此傳四十九年

成浪藉慙懃末後又重宣

世尊觀明星悟道

未出胎胞成佛了指天指地已重過六年雪嶺緣何事猶道觀星意若何

傳大士講金剛經揮案一下

三十二分義無涯一揮案上沒些些誌公只爲梁天子也是重添眼裏沙

城東老母見佛來以兩手掩面見指指中

皆佛

無趣語錄

十七

寶慶堂

渡海家裡獨稱尊但見如來亦是塵兩手欲遮遮不得始知十指盡連心

帝釋被七賢女索三寶

莫謂根無樹便無黃鶯聲裡綠陰多撥開枝葉舒高眼偏塞虛空見也麼

無根樹一株

博厚無疆祖代畱羣生分有莫馳求平平坦坦

四時外號段分明在口頭

無陰陽地一片

山谷何曾喚得聽自呼元是自家應上天無臭無聲哩但向人間聲臭明

叫不響山谷一所

女子出定

神力運窮開不得輕輕一擊便通行箇中奇特
無多子只在文殊與罔明

馬祖離四句絕百非

笙歌雜沓陰陽調吹落曇花香滿林欲與同筵
共歡賞那知當席少知音

馬祖荅院主目面佛月面佛

尊候如何問處親面如日月各猶真今時刻外
同相會雪調陽春一曲琴

無趣語錄

十六

寶慶堂

百丈野狐

一字牢關實嶮巖千賢到此盡攢眉野狐百丈
爭名相惱亂叢林鼓是非

三墮

閒來撞入皮毛隊頭角崢嶸不覆藏一任青郊
芳草際洒然何處不風光

披毛帶角隨類自在

後夜鶴聲和月淚上林花朵帶春開重重紫陌
紅塵裡物物頭頭自偶諧

聞聲見色隨處自在

琉璃殿上主賓忘密運威音宴八荒白玉堦前

人影斷垂衣終日坐堂堂

總絕百像尊貴自在

昨日高峯乘駿馬今朝平陸駕籃輿大千覽徧
無餘剩一步何曾得動移

總絕

南泉斬猫二首

爭非爭是口噉噉平地無風起浪濤不是願師
獅子吼至今天下滿堂猫

拈起分明告衆知兩堂僧衆失躊躇趙州頂履
雖能道要救猫兒已是遲

陸大夫問南泉甕裏鷲

無趣語錄

十九

寶慶堂

譬喻拈來問祖翁祖翁劈面便施功直呼直要
親相見出得依前在甕中

國師三喚侍者

頻頻呼喚探如何應口聲聲欲甚麼縱是國師
心用切也從平地起風波

趙州喫茶去

曾到未到喫茶去院主來恭也一甌雨前香味
無多子管取人情箇箇周

趙州恭二庵主

江北江南總帝畿一輪化日照華夷胡笳曲調
東風外石女聽來笑滿眉

趙州四佛

言言撒去莊嚴幻句句披陳本體直風送落花
隨水去分明流出洞中春

庭前栢子

西來祖意庭前栢親手栽來恰對門重指示人
人不見依然皆外翠成林

東司喚侍者

無趣語錄 二十 寶雲堂
呼一聲兩應一聲東司佛法甚分明更云不得
與君說語脚聲明在八展

青州布衫

七筋衫子出青州信口拈來當話頭較短量長
穿不得提來提去幾時休

趙州勘臺山婆子

暮直去兮曲太多爲伊勘破轉糲糊無端平地
相饒舌惱亂行人失坦途

趙州問投子大死底人却活時如何子云

不許夜行投明須到

千年枯木忽春回觸日曇花匝地開寸步不移
閨閣內遍遊南嶽與天台

曾祖面壁

纔見人來便轉身婆心一片十分真劫前有段
風流事不惜眉毛付與人

盤山上堂向上一路千聖不傳

遲遲簾影日偏長無限春光一坐忘樹底流鶯
啼徹處更無餘法可商量

無趣語錄

三 寶雲堂

德山托鉢

華拋離根春已深密垂簾幙晝沉沉三家村裏
風流漢酒醉胡言惱亂人

德山因疾不起僧問還有不病者麼山曰
有僧云如何是不病者山曰阿耶阿耶

當年卧病老維摩諸佛多從這裏過大地衆生
皆有病其中唯有阿耶無

僧問德山古人斬猫意旨如何山以拄杖
赴却喚云會麼僧曰不會山曰我恁麼老

婆還不會

斬猫只爲切心過以杖祛之太老婆再四喚歸歸不得這般添桶待如何

德山上堂問卽有過不問卽乖有僧禮拜

山便打僧云某甲纔拜爲甚麼便打山曰

待汝開口堪作什麼

一毛頭上禹門開挾海金鱗戲水來三級浪高

圓首去已知不是化龍才

德山臨終告衆云捫空追嚮勞汝心神夢

無趣語錄

三三 寶慶堂

覺元非覺有何物言訖而化

紙燈滅處眼睛開爍破虛空絕點埃鈔那時

遷化了于今重復出頭來

瀉山水牯牛

道是僧兮又是牛葛藤打動幾時休一真實際

離名相但向瀉山問處調

瀉山問僧汝會什麼僧云會下山拈起拂

子云這箇六十四卦那卦收僧無對山曰

適來大壯今是明夷

這箇元來卦卦收擲錢拈拂一根由若非擲處分又象縱是文王難起頭

石頭示衆云恁麼也不得不恁麼也不得

恁麼不恁麼總不得汝作麼生會

宗師手段出諸方明白推人入鑊湯皮肉一時

都脫落祇留精骨奉爺娘

睦州如喪考妣

睡去眉毛排八字覺來八字擺眉毛本來面目

恒如是也着親湏見一遭

無趣語錄

三三 寶慶堂

大覺住天寧上堂云是法平等無有高下

因甚麼書明夜暗若道得一句個儻分明

天寧拄杖子兩手分付

本來佛法無高下晝夜何曾有暗明一句明明

該萬象莫言拄杖在天寧

大覺上堂舉古德云真正辦道人無費剪

爪之功天寧道真正辦道人一覺到天明

拍禪床云相逢不下馬各自奔前程

兩箇黃鸝鳴翠柳一行白鷺上青天窻含西嶺

千秋雪門泊東湖萬里船

興化耐寶價

君家日用無非寶何特生端指幞頭老衲眼中
難着屑一聲誰敢價高耐

興化打克賓

說箇說得是打箇打不差雖爲師弟兩箇作家
只爲要人徹底不知捏目生華

三聖云我逢人卽出出卽不爲人興化云
我逢人卽不出出卽便爲人

無趣語錄

二五 寶壽堂

鴛鴦兩兩逞風飛高不高兮低不低縱是傾心
而吐膽何如緘口惜毛衣

靈雲見桃花

落花滿地人皆見偏與靈雲作悟門不是玄沙
親勘的行人難免眼中塵

香巖上樹

樹裏藏身欲白拈逞窮伎倆語喃喃傍觀一撥
呵呵笑做賊心虛難自瞞

芭蕉拄杖子

這條柳栗沒親疎與奪縱橫徹有無拈出當陽
定今古太平時到也曾多

二僧叅清涼涼指簾二僧同去捲簾涼云
一得一失

鞭影纔影便轉身那期良馬未知音翩翩共捲
堂前酒同負清涼一指恩

法眼轉則監寺青峰丙丁童子話

這句何曾有舊新一番提起一番親從來善話
能依泊今日胡揮妙入神

無趣語錄

二五 寶壽堂

仰山住東平瀉山送鏡因緣

潦倒瀉山懶画眉東平提起便捺坯衆皆擬照
卽撲破免得兒孫影內迷

仰山負柴上山路僧曰山上有仰放下
柴難開云是甚麼僧無語仰曰我自要燒

收束而去

放下攤開明指與我自要燒不瞞他可憐不遇
知音者狼藉施檀作野柴

洞山叅興平禮非老朽

渠非老朽不禮不受威音那邊毘盧頂後把住
壺中日月長觸着匣裏青龍吼良醫叮囑病人
服藥不如忌口

僧問慶延蚯蚓軀爲兩段兩頭俱動佛性
在那一頭延展兩手洞山別云你問在那
一頭

蚯蚓分兩段兩頭動月印于江千處明兩手展開
何所事不知因甚問端生

僧問浮石如何觀其音聲而得解脫石將

無趣語錄

三六 寶夢堂

火筋打柴頭云還聞麼曰聞石曰誰不解

脫

二物相交發妙音一聲入耳便通神莫於聲裏
分緇素眼處聞來始得真

慈明李附馬二喝

山前山後水泠泠流出溪來一樣清調是調非
皆是水野干師子自相爭

黃龍三關

生緣佛手驢脚去咄咄攀花踏着歸一鑿三關

言外駿石郎掉臂過須彌

龍牙云此事如無手人行拳

一喻宛然明白了十乘具足舉難呈却如暗內
人書字字不成兮文已成

天寧上堂舉五祖演云釋迦彌勒已是他
奴且道他是阿誰曰寧可截舌不犯國端
下座

釋迦彌勒是他奴更有何人顛得他演祖要拈
拈不得天寧欲轉轉模糊

無趣語錄

三七 寶夢堂

黃龍選勝首座黃蘗住持

鍾樓念讚非干已床脚種菜但憑他猛虎從教
當路坐住持黃蘗選無差

徑山竹篋子

探竿在手任施爲那管人間是與非總使這僧
能脫畧好生認取不饒伊

法華經云大通智勝佛十劫坐道場佛法
不現前不得成佛道

道場十劫坐經過爭奈春光漏泄多佛未成時

猶智勝不知成後事如何

魯論四句

仰之彌高聳漢冲霄無上頂相佛祖難超
鑽之彌堅密密綿綿甚深甚厚無底無邊
瞻之在前參天地先無名無相千聖不傳
忽焉在後活潑希有難畫難描打箇觔斗

偈頌

參禪三首

參禪不知要奔馳言語道衣底牟尼珠紙上去

無趣語錄

三八

寶慶堂

尋討心地鬧喧喧塵緣忙擾擾終日打葛藤生死何時了

參禪不即坐工夫隨處做運水與搬柴供茶并
送菓黃梅嘗負春東山曾執磨作用盡真機頭
頭皆可悟

參禪無妙訣唯在信心徹話頭舉頻頻疑情恒
切切頻舉愈頻疑疑做一團鐵鐵團忽然破輓
出寒江月

念佛三首

念佛要依教彌陀莫外討念念內聞光聲聲中
返照十萬八千程只在一心了得東土心西
方即時到

念佛須專一綿綿又密密一句阿彌陀萬緣皆
頓息間忙不曾離頃刻無間隙恒作如是心蓮
胎生有日

念佛須見性是性念即正諸邪見不生一念常
相應聲聲佛念佛念念鏡照鏡佛鏡兩相融方
聽彌陀令

無趣語錄

三九

寶慶堂

省身

祇爲一箇身百計思量到生死渾不顧便宜只
管要苟得恣爾貪天真都昧了迷心着相人忙
殺知多少

心與身語

我有爲爾有爾無我本無有無端在爾生死干
涉吾有爾有生死爾無生死無不是吾多爾累
我處也多

漫成二首

白雲愛我懶我愛白雲閒我懶不出戶雲閒常在
在山懶非躲懶懶閒不等閒閒斯閒與斯懶相
期出世間

戲水蜻蜓舞穿花蛺蝶飛蜘蛛絲結網蟻蟻地
營居白鷺沙邊立黃鸝枝上啼皆以無上道吾
不會何如

山居四首

寒巖破衲草團瓢
身心樂有饒
草火深煨香透谷
茶烟輕颺篆冲霄
小池引水邀空月
鈍

無趣語錄

三十一

寶覺堂

鏤開雲種荳苗生意無多傳代遠
威音那畔到今朝

抱鈍深山一不諳
隨緣恭得及時禪
寒來向火饑來食
喜則歌吟倦則眠
自信了無心外法
從他說有妙中玄
堂堂古路如弦直
何得崎嶇自着瞞

數椽矮屋着深林
妙意玄機不假尋
聲色千般山境界
分明一片祖師心
泉披瀑布彈長舌
風鼓松濤奏梵音
幽鳥也能諳此意
每來簾外和

玄吟

禪跡幽潛寄嶺巔
埋頭自得此身安
破蒲團上生涯活
漏草庵中法界寬
一指頭禪供日用
七觔衫子禦冬寒
家私盡向諸方道
祇剩眉毛在眼邊

廊居三首

無心希聖不嫌凡
幻跡隨緣寄市間
一着分明如杲日
數椽安息卽精藍
無心於事動常寂
於事無心忙亦閒
莫謂閑中無隱者
從來城市有無趣語錄

三十二

寶覺堂

青山

居山無措買山錢
結箇茆茨亦偶然
守分住家生意穩
倚門就市所需便
連家接巷俱玄路
鼓吹絃歌悉指南
試問有誰如是會
好來同了化城緣

那事明明已決疑
罷叅方外就廊居
不離當處禪無間
常在其中靜有餘
言外同叅玄士少
門風冷落客來稀
寥寥終日簾垂地
獨對爐熏坐夕暉

省幻四首

鳥飛兔走促炎涼迅速流光真可傷萬事空花
無一實百年春夢幾多長四緣假合浮沍聚衆
象排成傀儡場今古一棚燈下戲諸人何事不
思量

勞生擾擾不思惟幻化之中豈久居那箇不懷
千載計阿誰滿得百年期奔趨利欲忙如鑽不
覺流光去若飛口內忽無三寸氣塚頭添得一
堆泥

無趣語錄

三

寶鑑堂

剎那生滅定期難白日明明是夢間倏忽年華
如電拂虛浮世態若蓬飄人當得意須知退鳥
倦飛時尚覺還欲返故鄉須早計勸君莫待髮
毛斑

人生何事不歸山斷送身心醉夢間念念自憐
真見昧時時徒把幻緣攀一朝錯認鏡中影百
計難偷忙裏閒可惜妙明心本佛隨流逐浪竟
忘還

寄同門三首

欲悟真機覲體叅揚眉瞬目辯來源印心摩頂
由師肯徹骨窮源得自甘諸見盡時開正眼覓
心無處是真傳本無一物曹溪旨千古宗風播
嶺南

禪心非放亦非収日用居常順應酬隨處任來
無所任任緣流去不隨流無爲不作頑空伴有
法終非執法儔自有一條玄活路古今千聖悉
同遊

了修了證復還源物物彌陀事事禪不動法身

無趣語錄

三

寶鑑堂

周百億慧光常寂照無邊堆堆塵裏堆堆佛片
片雲中片片天法界純真唯一寶毫釐希冀自
欺瞞

行脚

一條竹杖半邊瓢那管山高與水遙隨處生涯
瓢內做諸方佛法杖頭挑西來祖意和身轉本
地風光信步饒百億須彌叅訪遍脚跟不動半
纖毫

歲盡

聞音夢中諸傀儡打點賀年忙似蟻幻事千般
要整齊正經一節誰提起年來年去是尋常何
舊何新若甚鬼漚華影裏競奔趨紛紛盡把天
機昧

示禪人二首

禪非枯木守寒灰臥坐何曾悟活機上古宗門
尊林喝須知擊石火星飛

擬學西來佛祖禪宗門言句着深叅達摩不識
親知的佛法方能得現前

無趣語錄

二四

寶夢堂

法鼓

周遮嚴密不通風包裹虛空在箇中生急面皮
誰敢觸禾山解打振玄宗

草鞋

曾陪禪客走東西行遍乾坤步步隨踏斷聖凡
差別路這回方始不沾泥

鋸木

拽去推來妙意同作家相見密施功通身手眼
能圓互盡在當陽一線中

蛙鼓

夜半雲收月吐輝池塘蛙鼓響如雷子韶去後
知音少打破虛空那箇知

卽事二首

環山碧澗流明月遶屋疎林挂白雲禪客若將
秋景會等閑埋沒祖師心

千林搖落天機露萬象收圓色界空獨坐蘆花
深處望三三兩兩釣魚翁

贈禪人太虛

無趣語錄

三五

寶夢堂

太虛度量周沙界豈肯各一秀水埋三世佛心
包不住一條拄杖出雲來

雜咏

指性歌二首

性超類無物並當空獨耀無臺鏡摩緣堆裏露
堂堂萬象之中孤迥迥也非凡也非聖當體如
如絕修證道人到此細推詳莫把識神來錯認
性非性佛非佛說是一物眼中屑千賢萬聖不
能言江月松風懺然說參須透悟須徹要與虛

空着箇撇木人拍手笑歸來烹煆紅爐千點雪
關中四威儀

關中行不涉外途程團團腔子內無事湯騰騰
纔縱步踏到法王城

關中住寨寨遠塵世悄然無客來寂默忘賓王
沒生涯不知那一事

關中坐那記蒲團破一箇不惺惺萬事何曾顧
瞌睡來滾入破爐墮

關中卧枕子曲肱做夢去任逍遙不執陰界墮

無趣語錄

三六

寶夢堂

反側間誰云是這箇

山中四威儀

山中行松風襯步輕草鞋寬難得上峻嶒

山中住藜杖惺惺拄沒工夫手當胸處

山中坐兀兀如泥塑絕思量不學泰首座

山中卧日月床頭過白雲堆何曾埋沒我

十二時歌

夜半子萬機止睡如死而非是死老鼠床頭叫

一聲赤膊條條跳出耳

子未丑睡未久昏魔不散聲胡吼雞啼穿耳忽
翻身摸着枕子不是手

曉來寅曙色分一聲春鳥催起身穿了衣裳着
鞋襪佛手驢脚何疎親

日出卯浴面了摸着鼻孔無分曉喫粥了來洗
鉢孟工夫做得正恰好

食時辰饑火侵滿腹嘈嘈轉法輪風遍雲堂一
聲板脚頭踢出無邊身

飯後已無賓王亂攛經行不彼此山童滿托幾

無趣語錄

三七

寶夢堂

盃茶信手拈來只這是

日直午光滿戶歷歷分明有甚麼只此令人昧

不得倚牆靠壁誰能躲

午未未要瞌睡鼻引燈心打箇定合堂大眾盡

驚疑莫謂此中有別意

日晡申湯沉吟那事誰能薦得親饒君轉得番

身句何似床頭鼠盜金

酉時沒天漸黑衣底摩尼光逾白琉璃影出兩

頭蛇這段清機人不識

黃昏戌黑如漆脚跟點地方休息點燈不用照
如何只是舊時黃十七

亥人定人皆靜偏羶牛兒穿鼻竟指頭打人罵
藤窠天曉歸來孤迥迥

退步歌三首

人到中年去後光陰少如淺水魚漸漸乾來了
趁辦行資莫待臨頭懊浮世無常退步回頭好
地獄天堂輪轉隨業報禍福無門善惡由心造
六道忙忙一性都迷了苦海無邊退步回頭好

無趣語錄

三八 寶夢堂

老衲家風沒一些花巧弊敝口開禮佛全身倒
那事難言纔見人便笑問我修行退步回頭好

贈見梅上人

見梅見處奇特舉似人信不及花邊捉得眼睛
歸却是衲僧巴鼻密藏處大地全彰拈出時不
露踪跡十聖窺無縫罅三賢討無消息靈雲未
徹非傳玄沙無處點責曾被天池密印來象王
不入金獅窟

示禪者居山

會得西來祖意一切世緣屏去身如有氣死人
心似無情木塊日食淡飯黃齏寄跡水邊林際
從教夏熟秋涼那管春來冬去默默似訥如愚
默默養成法器時節因緣忽到來春發少林香
動地

除夜

貧道人無積蓄過年人事難隨俗但燒香與點
燭不燔柴不爆竹燒鍋湯洗箇浴秉盆火來
烘被褥世間錢財不浪費庵中受用儘知足
無趣語錄

三九 寶夢堂

船子和尚讚

家園喪盡路頭絕掩口難言因地瞥着雖無地
下漁船棹破華亭江底月釣得夾山頂上魚鯉
風蕭蕭播不輟

古杭王半顛讚

天台打失一漢古杭湧出半顛會得死中活句
却來鬧裏參禪放下四楞塌地挑起拄杖遶天
走漏却前消息傾翻大事因緣東撒西拋狼藉

不惜爺娘本錢笑舞虛空啼吼惹得羣兒推牽
滿口珍珠美玉却成瓦礫胡言咄却稍雪調知
音少收取眉毛度晚年

無趣老人語錄 終

無趣語錄

四十一 寶壽堂

無趣老人行狀

師諱如空號無趣嘉禾秀水人俗姓施未出家
時號靜齋娶生一子一女性仁慈畱心內典志
慕祖道同友濟法舟叅訪八年復歸家刻志叅
究適野翁號禪師寓東塔寺虎丘隆禪師之門
世孫寶芳進之□子師往謁每呈見解盡被掃
闢昔日所負至此索然一日野翁謂師曰我有
一言要與爾說師曰請教野翁但笑而不語又
問又笑師始具師資禮懇求之翁不得已乃曰

無趣行狀

一 寶壽堂

達磨西來直指人心見性成佛唯在直下體取
子若信得及可放下萬緣叅箇一歸何處師于
是勇猛三載聞鷄鳴有省往扣決擇遂蒙翁印
可由是閉關頂戴觀音日夕趺坐久而啟關翁
遂付衣鉢并法偈曰非法非非法非性非非性
非心非非心付汝心法竟復記之曰汝有二子
一青一緇師剃染後檀信 請居敬畏庵
爲法檀度萬曆己卯仲冬付法于弟子性冲訖
且謂曰來歲中秋五六之間吾欲行子宜來次

年庚辰八月六日冲以前命而至師示微恙說
傷而逝師生于弘治辛亥年十月十八日世壽
九十臘十入滅偈曰生來死去空華死去
生來一夢皮囊付與丙丁公白骨斷橋隨衆呵
呵明月清風吟弄

徒性虛稽首述

無趣行狀

二

寶蓮堂

紫柏尊者全集

明

•

達觀真可
憨山德清

撰校

紫柏老人集序

匡山逸叟慈山釋 德清 著

太虛寥廓長風鼓而萬竅怒號殊音衆響皆一氣之所宣又奚可以大小精麤謂靈根之有閒哉惟吾佛以不思議智流出一切音聲陀羅尼故世諦語言皆悉顯示第一義諦若夫塵說利說熾然說卽水流風動皆演圓音況字泰定而照羣情觸境而發無思而應若谷響者乎是以從上諸祖證無師自然智者卽揚眉瞬目怒罵譏訶莫不直示西來大意又豈可以誠情語言而擬議其形容哉故達磨西來不立文字而曹溪則有壇經及二派五宗雖直指向上然皆曲爲今時或上堂入室示衆舉揚機如雷電凡垂一語必輯爲錄大槩聊爾門頭若大慧中峯至我明楚石皆其類也蓋借語傳心因言見道言其所絕言耳今去楚石二百餘年有達觀禪師出當禪宗已墜之時蹶起而力振之得無師智秉金剛心其荷負法門之志如孛陵之血戰縱張空拳猶揮駐日雖未掣庭掃穴而一念孤忠與嚼雪吞氈者未可以死生

優劣議也眞末法一大雄猛丈夫哉然師賦性不與世情和合至老見客未效一額手雖未踞華座豎槌拂然足跡所至半天下無論宰官居士望影歸心見形折節者不可億計以自性宗通故隨機之談如千鈞弩發應弦而倒無非指示西來的意稱性衝口曾無刻意爲文也一唾便休弟子輩筆而藏之者什一師初往來於金沙曲阿之閒與于王賀氏諸君子大有夙緣所聞最多如庵居士于公執侍甚謹得片言如寶隻字不遺凡隨師杖屨者必搜而得之師每至匡廬必主於江州孝廉邢君來慈長松館多有所說師化後併屬弟子仲彙潤甫結集成帙予久沈瘴海適爲師了末後因緣之雙徑先過金沙之東禪二公以予與師爲法門深契故出其稿稽首請校而梓之予三讀其言喟然而歎曰嗟乎末法降心力拔生死之根如一人與萬人敵者予獨見師其人也觀其發強剛毅勇猛之氣往往獨露於毫端如巨靈揮斤眞所謂與煩惱魔欲魔死魔共戰竟能超越死生如脫敝屣可謂戰勝有功者也故其所吐豈可以文字語

言音聲色相求之者耶。佛說欲爲生死畏師。凡所舉必三致意。痛處割。雖直欲勸絕命。報卽此可當金鏡矣。又何庸大門庭施設哉。昔覺範禪師。妙悟超絕。語工典則。其所著述。自自之曰文字禪。故予題之曰紫栢老人集。蓋非墮於俗數也。觀者當具金剛正眼。視之於言外。則思過半矣。時

天啓元年歲在辛酉春王上元日書於匡山五乳峰

下木石庵中

紫栢大師集序

莊生曰。卜梁倚有聖人之才。無其道。吾有聖人之道。無其才。夫聖人矣。又何才與。道之別曰。苟非其人。道不虛行。才者人也。予嘗披歷代祖圖於少室。其人無不魁傑。有奇表心竊異之。旣而遇紫栢大師。見其旋尺之面。合圍之腰。坐若熊。蹲行如象。步士大夫得晉接者。不言而意已消。學徒瞻依者。未施棒喝而魂慮已惛。與向所見圖中諸宿若或睹之。蓋真其人哉。神廟戊子己丑。閒大師駐錫吾地。與先正陸莊簡公

先師馮具區先生深談不二。因築精舍。舍於棧殿廢址。時灌莽極目。而大師說法如雲如雨。東南淨信聞風。趨向施物填委。無何杞梓丹青。峩峩暉煥。不啻還舊觀而已。大師偕高足開公。創列規條。期爲百世之守。江以南海以北。諸刹不啻累百。而稱清規。楚楚遵蹈。不踰尺寸者。必首棧殿也。大師涉濤江。禮育王。躋雪棧。瞻峨嵋。躡冰壑。朝五頂。足跡徧天下。而後之京輦。以弘法故。示滅園扉。所被顯晦。大小鈍敏。諸機益廣。而語言亦益散落。其所說法。觸著信口。所錄以示人。拈著信手。絕組織蹊綫之迹。而波瀾橫溢。起沒自在。吞天沃日之勢。日澎湃於方幅之楮也。近代未見其儒求之於古。妙喜幻住。庶或近之。金沙于潤甫。大其赤心。自行混俗而扶大教。宛古淨名。龐蘊之流。其於大師。參頤最深。契誼最篤。遇所據摺。輒錄藏之。迨十年餘。裒然成大帙矣。近則謹書精刻。以寵同學。旣而又幡然曰。大師生平所棲託。注念無如棧殿。所發弘願。無如方冊。法藏爲第一事。剞劂之役。近在雙徑。

去棧嚴不五六舍。是錄宜歸棧嚴。俾模印以行。稍取其直。以資刻藏於大師寂光土中。必所欣也。且弘法維人。棧嚴主者。白法師爲大師克家之子。興廢舉墜。靡不殫力。是錄宜并入荷法擔中。乃以。

今上崇禎辛未嘉平月。昇板於堂。白法師受之。馳告於予。予曰。大夫之意良矣。嘗試與子。蘇一片檀。詣大師影堂。相對繙閱告語之意。必有浮於紙墨之上者。言誠可味。人誠可追也。是以吾貴其合。且也。大師之言行。則於法得其綱骨。大師之願滿。令佛菩薩之言盡行。則於法徹其源底。不可謂非佛日。崦嵫時。努力魯陽之戈也。師與吾輩。其必勉之。無負大夫無負大夫。

就李竹懶居士李日華沐手撰書

大師應機說法。隨緣拈舉。不假安排。俱從第一念中流出。惟期與人共明此事。原無意於文字語言。凡所開示人者。卽令其人代書。書畢隨手携去。大師未嘗再一寓目。故其中意旨。或多重複。卽累字疊句。亦復不少。惜當時未有專掌書記者。微言妙義。散於四方。

●一編惟有
二字

多矣。茲集僅得之吳江周子介。九江邢來慈。同邑王仲弢。三人所錄大同小異。不肖與二三友人。虛心參訂。疑者姑闕。方敢授梓。其他散佚不能一一訪致。凡我同學。思報法乳之恩。普慈航之濟。有藏片言半偈。不憚遠頒。並收集中。以續傳燈實法門之一快云。時天啓丁卯秋弟子三炬鹽手謹識。

紫柏大師集跋

自法席久塵。祖燈無談。求其擔荷大法。振揚宗風。摧情魔於百戰。枯識海於千流者。有明自楚石以後。惟有

紫柏大師一人而已。大師洞徹自心。皎皎孤映。語言文字。從心光中自然溢出一經拈指。本妙見前。至其慈悲熱腸。淋漓痛切。無非欲學人。積劫無明。當下冰銷。究此一大事因緣耳。噫。初祖不立文字。直指人心。大師不離文字。亦指人心。其揆一也。恨嘗見侍者。握臂旁立。大師衝口而出。侍者奮腕疾書。猶苦不給。一紙既盈。復易一紙。如泉噴地。琅琅

不停自非見地圓明了無凝滯。曷至此乎。噫。有文字。有未始有文字。學者。繇文字。悟未始有文字。則妙膳上味。人人充滿。如但作文字。會也。何異指饌說飽。豈療楊虛。雖然。凡心未鏽。聖解難窺。卽請於大師日用著眼。集中拈出。毗舍浮佛一頌。謂包括大藏。透徹禪源。持此凡十五寒暑。而精虔不休。自云。每觸逆順愛憎之境。必以此頌爲前茅。覆軍殺將。亦不知其幾矣。噫。了徹如師。而猶堅銳猛決。若此。此所以孤風絕侶。佛意祖髓。在在逢源也。卽晚寄園中。洒然夷適。死生利害。如撼空虛。照用之妙。前齊古德矣。夫人人本有心。光不知照。用以致墜失。而大師慈憐。迫切代爲指授。片語單詞。皆拭垢還光之助。於此。逗得消息。方是紫柏兒孫。至利根男子。略沾涓滴。立見風湧雲蒸。騰驤變化。超然默契。迥絕意言。卽一部語錄。無隻字可得矣。亦菴先生數載討論。獨任流布。使紫柏心光。如日華月彩。注射千古。先生之光。豈不交映互攝。融成一片乎。

弟子賀烺熏沐拜書

紫柏老人集目錄

卷之首

像贊

塔銘

附圖中語錄

卷之一之十

法語

卷之十一

釋心經

釋金剛經

釋梭嚴經

卷之十二

釋毗舍浮佛偈

釋八大人覺經

釋十二因緣

八識規矩

卷之十三

緣起

疏

卷之十四

序

記

文

卷之十五

題

跋

卷之十六

拈古

卷之十七

贊

卷之十八

頌古

卷十九之二十

偈

卷之二十一

禪說

字說

卷之二十二

禪記

解易

銘

傳

卷二十三之二十四

書

卷二十五之二十八

詩

卷二十九

藏本三十卷即此本首卷國中語也

歌

大師自題

這個阿師。心直口快。走遍天下。園中自在。
萬曆壬寅夏日題於赫山會延慶寺之慈標明季癸卯冬果圓寂園中前知其明驗云

弟子三炬盥手拜書

紫柏大師像贊

法界網裂其維不張。適生大師力振其綱。踞獅子窟。斫旃檀樹。奮迅未伸。爪牙已露。擊塗毒鼓。釀甘露漿。飲之者醉。耳之者狂。寂滅性空。轟霹靂舌。奔雷捲電。觸者褫魄。以大地心。豎金剛骨。眼裏有筋。胸中無物。臨濟不死。黃蘗猶生。誰知大師不受其名。大方闊步。不存軌則。翻身擲過須彌峰。一拳搥碎無生國。

慈山德清贊

山陰錢伯子持。達觀大師小影。索予爲贊。時予

正病劇。抽思未能。信口作禪語。貽之。

呵呵。呵。這就是達觀。昔日鬚鬢猶存。今日眉毛不換。相對依然。慈容悲願。人傳此老。示寂園中。却在這上頭。舒來卷去。一從方便。欲識師真。於此窺他。顏面雖

然也祇得一半。若欲全彰連這焚却方得相見。何以故。大明國內著不得這漢。

予晤師在癸巳歲金陵賀氏園中。爲駕部郎時。乃予請見。固有年矣。憶先於比部瞿祠觀太常傳。太恒二君共介其徒。以往到而復却。凡幾度。榮馬空歸。二君遂不復言求見。而予意未已。至是晤焉。師鬚鬢不剪。頂著樵巾。體幹豐偉。坐立如山。晦翁所謂其人皆魁岸雄傑者是已。相見慈容滿面。惓然如故。室中有數輩儒衣冠者。握筆沈思。肅如試學。予坐定。侍者設席。予前具筆。伸紙。予問故。曰。請與諸子同作。接嚴經中某四句講義。或偈亦可。予唯然受之。不爲異。隨與大師論他義。一二轉未竟。師輒呼侍者曰。周老先生面前紙筆。徹過。又論一二轉。師曰。硬掙也。硬掙頃之。侍者持客刺來報。乃鴻臚覺齋徐公一徒起。曰。老師今日體倦。徐公見可俟他時。某請回之。便欲趨出。師曰。不可。到卽請見。徐公向日與予求見。師知不可得。每偵予所至。則尾之。故今刺得入。以予有人在門。刺得至師前。以

予有人在室。其徒請命。以予在座。不然。恐師皆無由知矣。是日與徐公共午齋。而散明日。天始辨色。街鮮人行。乃余衙有叩門者。詢之爲師二徒。余出。迂言大師且來。謁少選手持拄杖。潤步長趨。數徒擁掖而至。盤桓至暮始別。時從行有周叔宗。賀知忍。餘名氏已忘。從行者曰。大師從未謁人。以是施君異數也。余竊歎是時胸中尙未盡穩。商量不得。徹底嗣後。欲載證無緣。可恨。人言師奇。恠余具觀如此。奇耶。易耶。凡初見作難意。皆諸徒所爲。予以目擊。徐公一節可推。雖然。卽師何病。世界不寬。時人眼孔不大。竟莫容此老。或以其入都門爲病。而悲願深遠。殆不可測。余爲錢子題贊詞。更爲敘相見始末。且更嘯唏。及此云。

丙午臘八日。剡城周汝登伏塊敬書。

開脫空口東語西話。以慈悲法盲拳瞎罵冷面熱腸。蓮花一社。冷債熱還。竹篋廿下。鳥去遺音。香飛落地。眞箇達師。僧繇難畫。

余久向紫栢師。辛丑入都。而師住西山。忻然欲以

瓣香見之會同學數友皆短師心疑而止後讀其遺言審其生平真證密行深慈高節一時叢林踞師席者誠罕其比然猶惜師不早去終以及禍非明明詰之道及見吳咸熙氏所寄示遺像味其自贊語類識者豈師固夙知若二祖師子尊者耶常不輕菩薩見人禮拜稱汝等皆當作佛人乃相趨打擲呵詈之袁景倩言一國中有狂泉人飲皆狂獨國王汲井以免而通國狂者覆以王爲狂也相與摔縛燒灼不勝苦趣飲其泉狂作國人喜謂王病已也始捨之紫栢視衆人爲佛不得不度衆人視紫栢爲狂不得不死於乎何足恨哉

丁未正月上澣日會稽陶望齡敬題

飛揚鬚眉頭顱禿豎眼控拳坦胸腹顛翻神妙智具足天龍人鬼俱降伏聲搖山嶽納空谷拔劍虎丘埋天目八面威風畫一軸六六原來三十六

寓生黃汝亨贊

高挂兩眸顏然雙頰河漢爲口風雷爲舌汲汲波波濟度人大扣小扣俱不竭忒慈忒豪忒賢愚終古

無休歇那辨侯王與宰官少不省時加棒喝恁般熱腸難打疊這打疊不可說休問紙上人試看徑山碣存日門庭峻厲沒時棒喝交加一念常觀自在天堂地獄無差人說因緣果報我說本分作家祇有逆來順受從他幻影空花

長水弟子李培敬題

長水姚士慎敬題

昔先莊簡法門金湯博求龍象爲法津梁既遇吾師曰眞法王皈依參請篤老皇皇忠得黃緣巾瓶侍旁昏衢智燈苦海慈航世閒父執出世導師近之則畏遠之又思創見則詫卽之轉慈揭示道要能覺我迷我於彈指悟昔之非舍海認漚乃今始知因師知佛因佛知儒靈明廓徹乃有階梯師曰咄咄階梯非是脚下承當舉足便至每惟深慈感激涕泗法乳難酬有死無貳豈期緣深躬承師逝嗟乎哲人不可思議戒慧之光遇緣益熾遊於福堂作大法施歷諸苦惱意地寂然既展王法曰了夙緣合掌跣趺隻履翻翻六日牢戶露地風塵屹峙如山光溢於顙西原夏瘞

淫滂成川。傾城漂舍。激蕩靡堅。意此土封。雨齧風穿。
南遷啓龕。載觀師顏。相好莊嚴。儼若生前。聞古賢聖。
去來如意。定慧力故。結成舍利。入火入水。色身不壞。
不圖愚蒙。觀此奇異。允若師言。驗瞑目地。非肉身佛。
豈能若是。

陸基忠敬贊

紫栢尊者達觀可大師像贊

有大醫王。治癡暗病。入泥入水。拍拍成令。喚醒夢。
宅接續慧命。爲法忘身。高提祖印。

香光居士董其昌贊

不妄視。眼不壞。不妄聽。耳不壞。不妄言。舌不壞。不
妄動。身不壞。不弄精魂。不捏怪。這回方驗真持戒。
要與人天插箇標。何妨地獄還些債。咄。債已還有。
甚待端端坐。待老憨來打破。從前舊皮袋。一道神。
光火電飛。風流鏡漢。今疎快。

聞閨居士陳繼儒贊

達觀大師塔銘

夫大地死生。顯晦長夜。以情關固。閉誠鎖難開。
有能蹶起一擊而碎之。掉臂而獨往者。自非雄。
猛丈夫。具超世之量者。未易及也。歷觀傳燈諸。
老。咸其人哉。久不復作。頃於達觀禪師見之矣。
師諱眞。可字達觀。晚號紫栢。門人稱尊者。重法。
故也。其先句曲人。父沈連季。子世居吳江太湖。
之灘。缺母夢異。人授以附葉大餅。桃寤而香滿。
室。遂有娠。師生五歲。不語時有異。僧過其門。摩。
頂而謂其父曰。此兒出家。當爲天人。師言訖。忽。
不見。師遂能語。先時見巨人跡。下於庭。自是不。
好弄。生不喜見婦人。浴不許先。一日姊誤前就。
浴。師大怒。自後至親戚婦女。無敢近者。長志日。
益大。父母不能拘。嘗有詩曰。屠狗雄心未易消。
年十七。方仗劍遠遊塞上行。至蘇州閭門。天大。
雨。不前。偶值虎丘僧。明覺相顧。盼覺壯其貌。知。
少年不羣。心異之。因以傘蔽之。遂同歸寺。具晚。

殮。雖甚相得。聞僧夜誦八十八佛名。師心大快。悅。侵晨入覺室。曰。吾兩人有大寶。何以污在此。中耶。卽解腰纏十餘金。授覺。令設齋。請薙髮。遂禮覺爲師。是夜卽兀坐達旦。每私語三歎。曰。視之無肉喫之有味。時覺欲化鐵萬斤。造大鐘。師曰。吾助之。遂往平湖巨室門外。跌坐。主人見。進食。師不食。主問何所須。師曰。化鐵萬斤。造大鐘。有卽受食。主人立出鐵萬斤於門外。師笑。食畢。徑載回虎丘。歸卽閉戶讀書。年半不越閭。嘗見僧有飲酒茹葷者。師曰。出家兒如此。可殺也。時僧甚憚之。年二十。從講師受具戒。嘗至常熟。遇養齋翁。識爲奇器。留月餘之嘉興東塔寺。見僧書華嚴經。乃跪看良久。歎曰。吾輩能此足矣。遂之武塘景德寺。掩關三年。復回吳門。一日辭覺。曰。吾當去。行脚諸方。歷參知識。究明大事也。遂杖策去。一日聞僧誦張拙見道偈。至斷除妄想。重增病。移向真如。亦是邪。師曰。錯也。當云。方無病。不是邪。僧云。你錯。他不錯。師大疑之。每至處。

書二語於壁間。疑至頭面俱腫。一日齋次。忽悟頭面立消。自是凌躐諸方。嘗曰。使我在臨濟德山座下。一掌便醒。安用如何。如何。過匡山。窮相宗奧義。一日行二十里。足痛。師以石砥脚底。至日行二百里。乃止。師遊五臺。至峭壁空巖。有老宿孤坐。師作禮。因問一念未生時如何。宿豎一指。又問既生後如何。宿展兩手。師於言下領旨。尋跡之。失其處。師至京師。參徧融大老。融問從何來。曰。江南來。又問來此作麼。曰。習講。又問習講作麼。曰。貫通經旨。代佛揚化。融曰。你須清淨說法。師曰。只今不染一塵。融命禪師直褻施傍僧。顧謂師曰。脫了一層。還一層。師笑領之。遂留挂搭。時知識嘯巖法主。暹理諸大老師。皆及門。去九年。復歸虎丘。省覺。乃之淞江。掩關百日之吳縣。適聊城傅君光宅爲縣令。其子利根。命禮師。子不憚。子一日擲二花問師。云。一是二。師曰。是一子。開手曰。此花是二。師何言一。師曰。我言其本。汝言其末。子遂作禮之。天池遇管公東。

溟聞其語深器之師因拈薔薇一帶二花問公
公曰此花同本生也師分爲二復問公公無語
因罰齋一供遂相與莫逆時

上御極三年大千潤公開堂少林師結友巢林
戒如輩往參叩及至見上堂講公案以口耳爲
心印以帕子爲眞傳師恥之嘆曰西來意固如
是邪遂不入衆尋卽南還至嘉禾見太宰陸五
臺翁心大相契先是有密藏道開者南昌人棄
青衿出家披薙於南海聞師風往歸之師知爲
法器留爲侍者凡百悉委之郡城有梭嚴寺爲
長水疏經處久廢有力者侵爲園亭師有詩吊
之曰明月一輪簾外冷夜深曾照坐禪人志欲
恢復乃屬太宰爲護法開公力主其開太宰公
弟雲臺公施建禪堂五楹既成請師命一聯師
曰若不究心坐禪徒增業苦如能護念罵佛猶
益眞修謂當以血書之遂引錐刺臂流血盈碗
書之自是接納往來豪者力拒未完局後二十
餘年適太守槐亭蔡公竟修復蓋師願力所持

也師見象季法道陵遲惟以弘法利生爲家務
念大藏卷帙重多致還方僻陋有終不聞法
名字者欲刻方冊易爲流通普使見聞作金剛
種子卽有謗者罪當自代遂倡緣時與太宰光
祖陸公司成夢禎馮公廷尉同亨曾公罔卿汝
稷瞿公等議各驩然願贊佐命弟子密藏開公
董其事以萬曆己丑創刻於五臺屬弟子如奇
綱維之居四年以冰雪苦寒復移於徑山寂照
庵工既行開公以病隱去其事仍屬奇協弟子
幻予本公本尋化復請澹居鎧公終其役始司
成具區馮公意復化城爲貯板所未克初桐城
用先吳公爲儀曹郎參師入室從容及刻藏事
師遽曰君與此法有大因緣師化後吳公出參
浙藩進至方伯竟復化城且蠲俸散刻藏數百
卷固吳公信力亦師預識云師先於嘉禾刻藏
有成議乃返吳門省前得度師覺公時覺已還
俗以醫名師聞之意行度脫時夜覺飯盂忽墮
地裂其精誠所感如此乃詐病於小舟中命請

覺眖視覺至見師大驚懼師涕泣曰爾何迷至此耶今且柰何覺曰唯命是聽師卽命薙髮竟載去覺慚服願執弟子禮親近之師初過吳江沈周二氏聚族而歸之時至曲阿賀孫二氏率族而禮至敬之至金沙于王二氏合族歸禮愈益重師於于園書法華經以報二親顏書經處曰墨光亭今在焉師以刻藏因緣議旣成聞妙峰師建鐵塔於蘆芽乃送經安置於塔中且與計藏事未偕復之都門乃訪予於東海時萬曆丙戌秋七月也是時予以五臺因緣有聞於內因避名於東海那羅延窟適遇

慈聖皇太后爲保

聖躬延國祚印施大藏十五部

皇上頒降海內名山

勅僧諷誦首及東海予以謝

恩入長安師正攜開公走海上至膠西值秋水泛漲衆度必不能渡師解衣先涉疾呼衆水已及肩師躍然而前旣渡顧謂弟子曰死生關頭

須直過爲得耳衆心服師時予在長安適師弟子于君玉立來訪言師已東行計其程旦夕乃入山期也予聞之亟促裝歸日夜兼程亦犯橫流趕至卽墨時師已出山在脚院詰朝將長發是夜一見大歡笑明發請還山留旬日心相印契師卽以予爲知言許生平矣師返都門復潭柘古刹乃決策西遊峨嵋由三晉歷關中踰棧道至蜀禮普賢大士順流下瞿塘過荊襄登太和至匡廬尋歸宗故址唯古松一株爲寺僧售米五斗匠石將伐之適丐者憐而乞米贖之以存寺蹟師聞而興感其樹根底爲樵者剝斷過半勢將折師砌石填土呪願復生以卜寺重興兆後樹日長寺竟復其願力固如此時江州孝廉邢懋學禮師延居長松館執侍最勤師爲說法語集名長松茹退先是鄒給諫爾瞻丁大參勺原素雅重師意留駐錫匡山未果遂行過安慶時有江陰居士趙我聞謁見不可適阮君自華歸心於師因爲居士先求得度未許阮君請

遊皖公山馬祖庵。師喜其境超絕。卽屬阮宜建梵刹。居士懇乞出家。遂薙髮於山中。謚名曰法鑑。是爲澹居。其庵今蒙

勅賜佛光寺。師復北遊。至石經山晉琬公慮三災壞劫正法。浸滅乃石刻藏經。安於巖穴。師見而感之。時琬公塔院被力者侵。師志復之。啓石室佛座下。得函貯佛舍利若干。出時光燭巖壑。適

聖母聞師至。命近侍陳儒致齋供。特賜紫伽黎。師讓之。謝曰。自慚貧骨難披紫施。與高人福更增。因請佛舍利入內供。三日出帑金重藏於石窟。師重二事。思得予作記。適予聞師西遊。回卽馳至京。候於上方兜率院。師拉予遊觀石經。遂記之。予回寓慈壽師。感遇亦出山見訪。同居於西郊園中。對談四十晝夜。目不交睫。信爲生平至快事。時徧融老已入滅。因吊之。有嗣德不嗣法之語。師在潭柘。居常禮佛。後方食。一日客至。喜甚。誤先舉一食。乃對知事曰。今日有犯戒者。

命爾痛責三十棒。輕則倍之。知事驚不知爲誰。頃師授杖知事自伏地於佛前。受責如數而股如墨。乃云。衆生無始習氣如油入麪。牢不可破。苟折情不痛。未易調伏也。師與予計修我朝傳燈錄。予約師往潛曹溪以開法脉。師先至匡山以待時。癸巳秋七月也。越三年乙未。予初以供奉

聖母。賜大藏經。建海印寺。成適以別緣觸聖怒。詔逮清下獄。鞠無他辭。送法司擬罪。蒙恩免死。遣戍雷陽。毀其寺。時師匡山聞報爲予許誦法華經百部。冀祐不死。卽往探曹溪。回將赴都不救。予聞予將南放。遂待於江潞。是年十一月方會師於下關。旅泊庵。師執予手嘆曰。公以死荷負大法。古人爲法有程嬰公孫杵臼之心。我何人哉。公不生還。吾不有生。日子慰之。再三。潁行師囑曰。吾他日卽先公死。後事屬公。遂長別。予度嶺之五年庚子。上以三殿工下礦稅。令中使者駐湖口。南康守

吳寶秀不奉令劾

奏被逮其夫人哀憤縊死師時在匡山聞之曰時事至此倘閹人殺良二千石及其妻其如世道何遂策杖越都門吳入獄師至多方調護授吳公毗舍浮佛半偈囑誦滿十萬當出獄吳持至八萬蒙

上意解得末減吳歸每念師輒涕下師以予未歸初服每歎曰法門無人矣若坐視法幢之摧則紹隆三寶者當於何處用心耶老慈不歸則我出世一大負曠稅不止則我救世一大負傳燈未續則我慧命一大負若釋此三負當不復走王舍城矣癸卯秋予在曹溪飛書屬門人之計偕者招師入山中報書直云捨此一具貧骨居無何忽妖書發震動中外時忌者乘白簡劾師師竟以是罹難先是

聖上以輪王乘願力敬重大法書金剛經偶汗下漬紙疑更當易亟遣近侍曹公質於師師以偈進曰御汗一滴萬世津梁無窮法藏從此放

光

上覽大悅由是注意適見章奏甚憐之在法不能免因逮及

旨下云著審而已及金吾訊鞫以三負事對絕無他辭遂司寇先是侍御曹公學程以建言逮久在獄與師問道有園中語錄時執政欲死師師聞之曰世法如此久住何爲乃索浴罷囑侍者小道人性田曰吾去矣幸謝江南諸護法道人哭師叱之曰爾侍予二十年仍作這般去就耶乃說偈語在錄中言訖端坐安然而逝曹公聞之急趨至撫之曰師去得好師復開目微笑而別時癸卯十二月十七日也師生於癸卯六月十二日世壽六十有一法臘四十有奇噫師生平行履疑信相半卽此末後快便一著上下聞之無不歎服於戲師於死生視四大如脫敝屣何法所致哉師常以毗舍浮佛偈示人予問曰師亦持否師曰吾持二十餘年已熟句半若熟兩句吾於死生無慮矣豈其驗耶師化後待

命六日顏色不改及出徒身浮葬慈慧寺外次春夏霖雨及秋陸長公西源欲致師肉身南還啓之安然不動適弟子大義卽奉師龕至經潞河馬侍御經綸以感師與李卓吾事心最慟因啓龕拂面痛哭之至京口金沙曲阿諸弟子乃奉歸徑山供寂照庵以刻藏因緣且推沈中丞重建大殿乃師遺命以師臨終有偈云恠來雙徑爲雙樹貝葉如雲日自屯以是故耳時甲辰秋九月也越十一年乙卯弟子先葬師全身於雙徑山後適朱司成文寧公禮師塔知有水亟囑弟子法鑑啓之果如言復移龕至開山乃與俗弟子繆希雍謀得五峰內大慧塔後開山第二代之左曰文殊臺卜於丙辰十一月十九日茶毗廿三日歸靈骨塔於此予始在行閒聞師計卽欲親往吊因循一紀未遂本懷頃從南嶽數千里來無意與期會而預定祭日蓋精神感孚亦奇矣師後事予幸目擊得以少盡心焉於戲師生平行履豈易哉始自出家卽臨不

至席四十餘年性剛猛精進律身至嚴近者不寒而慄常露坐不避風霜幼奉母訓不坐闕則盡命立不近閭秉金剛心獨以荷負大法爲懷每見古刹荒廢必志恢復始從棧巖終至歸宗雲居等重興梵刹一十五所除刻大藏凡古名尊宿語錄若寂音尊者所著諸經論文集皆世所不聞者盡搜出刻行於世晚得蘇長公易解大喜之室中每示弟子必令自參以發其悟直至疑根盡拔而後已然義重君親忠孝之大節入佛殿見

萬歲牌必致敬閱曆書必加額始覽師於陽羨偶讀長沙志見忠臣李賁以城垂陷不欲死於賊授部將一劍令斬其全家部將慟哭奉命旣推刃因復自殺師至此淚直迸灑弟子有傍侍者不哭師呵曰當推墮汝於崖下其忠義感激類如此師氣雄體豐而面嚴冷其心最慈接人

不以常情爲法求人如蒼鷹攫兔一見卽欲生擒故凡入室不契者心愈慈而恨愈深一棒之

下只欲頓斷命根。故親近者希。凄然暖然。師實有焉。師性耽山水。生平雲行鳥飛。一納無餘。無住足地。居常悲禪宗凋敝。欲求

國初來諸尊宿。機緣續爲傳燈。未遂本願。實志而往於戲師。豈常人哉。卽其見地直捷穩密。當上追古人。其悲願利生。弘護三寶。是名應身大士。予嘗有書答故人。問師何如。人予曰。正法可無臨濟德山末法。不可無此老也。師每慨五家綱宗不振。常提此示人。予嘗歎曰。綱宗之不振。其如慧命何。原其曹洞。則專主少林。濬仰圓相。久隱雲門。自韓大伯後。則難見其人。法眼大盛於永明。後則流入高麗。獨臨濟一派流布寰區。至宋大慧中。興其道及自

國初。楚石無念諸老。後傳至弘正末。有濟闢主其門人。先師雲谷和尚。而典則尙存。頃五十年來。獅絃絕響。近則蒲團未穩。正眼未明。則妄自尊。稱臨濟幾十幾代。於戲邪。魔亂法。可不悲乎。予以師之見地。足可遠追臨濟。上接大慧之風。

以前無師派。未敢妄推。若據堯舜之道。傳至孔子。孟軻軻死。不得其傳。至宋二程直續其脉。以此證之。則師之不忝爲轉輪眞子矣。姑錄大略以俟。後之明眼宗匠。續傳燈者。采焉。以師未出世。故無上堂普說。示衆諸語。但就參請機緣。開示門人。緝之有集若干卷。梓行於世。入室緇白弟子。甚多。而宰官居士。尤衆。師生平行履。不能具載。別有傳。乃爲之銘。銘曰

佛未出世。祖未西來。擊塗毒鼓。誰其人哉。鷲嶺拈花。少室面壁。只道快便。翻成狼籍。黃梅夜半。老盧竊逃。誰料嶺南有此獍獠。南嶽青原。據腰涕淚。多少癡人。被他誑賺。五家手快。如撫舜琴。南熏倏至。辨者知音。兒孫惡辣。觸者先亡。但放一線。其家永昌。門戶孤單。命存一絲。有救之者。定是嫡兒。如漢張良。爲韓報仇。縱然國破宗祧。可求是生吾師。如石迸笋。出則凌霄。孰知其本。爲法力戰通身。汗血大似李陵。空拳不怯身雖陷虜。其心不亡。千秋之下。畢竟歸王師。金剛心。

盡化爲骨。遍塞虛空。豈在山麓。師不知我。誰當知師。一死一生。春在花枝。

時

萬曆四十四年嘉月朔旦

前海印住山沙門辱教德清稽首誤

祭文

維

萬曆四十四年歲次丙辰十一月庚子朔越十有九日丙戌前海印沙門辱教德清謹陳香積之供致祭於

紫栢尊者達觀大師之靈曰。嗚呼。惟師之生也不生。乘願力而來師之死也不死。順解脫而去。去來不落常情。生死豈同世諦。以師之住世也。秉金剛心。踞堅固地。三十餘年。家常茶飯。脊骨純綱。千七百則。陳爛葛藤。鼻孔殘涕。推倒彌勒。釋迦不讓。德山臨濟。爲人極盡慈悲。臨機絕無忌諱。誓護法若惜眼。睛求大事如喪考妣。不與世

情和合。便是眞實行履。晏坐水月光中。獨步空華影裏。初訪予於東海也。頓脫形骸。既再晤於西山也。搜窮骨髓。當予禍之未形也。備告之以隱微。及予難之既發也。將爲我以雪洗。且酬夙約於曹溪。將扣關於

帝里。冒炎蒸於道路。兮望影響而進止。乃設法以多方。冀出予於九死。嗚呼。師之爲法門也。實抱程嬰杵臼之心。師之爲知己也。殆非管鮑陳雷之比。予荷

皇仁之薄罰。兮師之心猶未已。予被放嶺表。兮師佇候於江沚。一見歡若更生。兮如九原之復起。予與師作永訣。兮甘爲炎方之厲鬼。師囑予以寧志。兮冀幽巖之再啓。予揮涕以臨長路。兮師執手含悲而不語。維時關山一別。兮日月若矢。心知師之不我忘。兮每叮嚀其無以師以願力所持。兮誓不負其本始。乃斂太阿之光焰。兮不顧放身於塵滓。冀和璧之必信。兮不惜隋珠之輕抵。將扣

君門兮九重。倏遇颶風兮四起。陸海波騰。龍蛇披靡。玉石俱焚。法幢傾圮。師登八道之康衢兮。忽遇長蛇與封豕。

皇天實鑒其衷兮。唯見遲於庸鄙。幸此心之白兮。聊以發其蘊底。師實曠然何憂。何喜。逆順隨宜。死生遊戲。何夙負之相尋兮。信前緣之固爾。師悲五濁之不堪。直一行之可恃。乃盥漱以跌坐兮。遂寂然而長往矣。嗚呼痛哉。師既不以禍患撓寧。又何以去來爲事。故撒手便行。全無擬議。惟師以金剛爲心。故留不壞之體。有予弟子奉師以南旋兮。就雙徑以歸止。予聞計以摧心兮。望長空而殞涕。欲親禮於龕室兮。柰業繫之羈縻。擬生還以慰師靈兮。忽星霜之踰紀。匪此心之暫安兮。第因緣之不我與。頃幸遂其本懷兮。始得陳辭而致誅。嗚呼痛哉。師何死兮。我何生。我不來兮。師不寧。形骸異兮。共此心。幽冥隔兮。終合并誓同歸兮。踐深盟。寂光朗兮。師安往。我頂禮兮。展哀慕。陳香積兮。灑甘露。師臨機兮。

願來赴光明兮。照耀翹勤兮。延佇哀哉。尙饗。

舉火

性火真空。性空眞火。狹路相逢。定沒處躲。恭唯紫栢尊者。達觀大和尚。偶來人世。誤落塵寰。赤力力脫盡娘生布衫。光燦燦露出本來面目。荷擔正法。純鋼煉就。肩頭徹底。爲人生鐵鑄成肝膽。死生路上。直往直來。今事門頭。半開半掩。六十餘年松風水月。襟懷千七百則。兎角龜毛。拄杖饒他。末後風流。未免藏頭露尾。撒下賊私。誰料落在慈山道人手中。今日特爲人天衆前。當陽拈出。大衆還見麼。以火把畫拄杖挑開雙徑雲。相云通身涌出光明藏。珍重諸人著眼看。這回始信無遮障。

紫栢大師全身舍利塔頌有序

一切宗教不離七佛偈。以爲根本。最初毗舍浮佛偈云。假借四大以爲身心。本無生因。境有只這半偈已。

將三藏十二部五千四百八十八卷千七百則葛藤滿口
道出更無覆藏悟之者號祖師禪證之者即如來果
紫柏大師持此半偈普印衆生若干種心四十年脇
不至席手不停揮爲初學人談法相義爲久習輩開
般若門爲利智根指涅槃心顯法界藏有時雷轟電
掣截斷衆流有時帶水拖泥四輪著地隨機赴感未
曾一鍼鋒許出得半偈道場謂法友慈山師道吾持
此偈已得句半現前更得半句了了常知自許一生
參學事畢後十餘年師以佛知見力慈善根力向刀
山劒嶺任運遊戲自在神通戒定餘熏生身不壞可
謂空假混合心境一如用四大分解之塵根演半偈
重立之妙旨毗浮舌相徧覆三千持與持者同時寂
滅誰謂師非七佛所遣化人廣淪觀面緣際聞名種
熟清淨明誨私淑有年甲寅秋仲卒業道教壇上聞
思雖漩復驚濤目不得暇而王印在手斗柄當天行
布圓融莫不消歸半偈獨恨未能將此半偈枯禪消
歸自己長爲窮子辜負婆心聊作頌辭充塞堵波最
下劣供七金山下羽毛有同色之奇兩足舌端毒藥

化要翻之味以此善根自熏成種或者他生後世不
煩半偈阿師眉毛墮地矣頌曰

四大是假亦是真 心境不二亦不一
兼二爲一一亦亡 卽假悟真真乃徧
髮毛爪齒及涕唾 暖氣動轉諸浮根
我說卽是金剛王 幻化空身皆實相
地水火風和合聚 明闇色空相待搖
識心吸攬鏡上痕 若虧其一必無兩
十方三際本虛立 無相無名無有邊
一切時處入一塵 半偈重重羅帝網
紫柏得此三昧門 從大涅槃示生死
來以口光說半偈 風林牆壁皆雷音
瓊瀉雲興文字禪 一一衆生毛孔吼
去以身光說半偈 常與無常俱戲論
了知假合卽堅固 皮囊劫火恒宴然
於去來中逆順行 夢入他心令覺夢
悲智交參禪教律 發揮半偈無有餘
巍巍雙徑翠堵波 師坐其中熾然說

佛偈卽師師卽偈

偏在衆生心想中

我從遺編獲警珠

不歷百城持供養

傳師半偈卽傳衣

一切如來同鼻孔

萬曆丙辰季秋七日皖舒私淑小子廣瀾優婆塞吳應賓和南謹述

紫柏老人園中語錄序

園中語錄錄紫柏道人居園語也。錄語者浙西吳生彥先也。彥先儒者何慕爲此耶？吾儒宗孔孟，輒云闢佛老非惡其道之盡非也，惡溺於非者相率而至於滅倫畔道也。苟可以裨性靈，廓聞識，補吾聖教所不及者，卽伶人嫠婦之辭，昆蟲草木之變，無往而非道。稗官博士往往不棄至采之，聲歌以備覽觀。矧吾儒與二氏分馳鼎立於當代，哉昔韓昌黎稱一世大儒，力排異說，原道一篇，凜凜乎與日月爭烈。及居潮時，貽大顛書，累幅至留題留衣，又何兩截也？彼其所以非之者，非其流於邪者也，所以是之者，是其近於正者也。故曰：通於儒者，始可與談佛老矣。紫柏道人字

達觀，早失怙怙，廿歲出家，不識文字，立禪三年，苦行持戒，一旦頓悟，藏典羣書了然，領會雲遊遍天下，脇不至席者三十年，像若彌勒，心若寒潭，聲若洪鐘，口若懸河，靜慧玄朗，名傾海內，薦紳貴倨，每折節下之。道人內大慈悲，外嚴戒律，世擬爲臨濟尊宿，復出云：於人無貴賤大小，持平等心待之，故賤者小者喜其容貴者大者目爲傲，得其門而入者，靡不歸依，不得其門而入者，閒爲排詆，道人故以此得名，亦以此賈禍。道人自謂有義命存焉，吾不知有名實也。吾不知有禍福也。此可以槩其生平矣。歲庚子，玉芝子與南康子同繫福堂，閒談名理，南康子喜誦佛經，子獨不喜誦佛經，每嘲云：卽心是佛耶？卽口是佛耶？南康子未與道人面，而心嚴事道人，筆札相往來，嘗出其觀音贊示予，兩人相廣和，道人有當於心也。因了戒子寄予茶貽予半偈，子酬和之，又爲予作石佛渡海記。語語皆明心見性，又贈茶扇，香花四偈，各有唱和，恨不一見，以償夙心。無何訛言構大獄，與蔓延善類中，外震悚，道人亦以望誤下於理，兩人幸相見之晚也。

道人拷訊時神色自如持議甚正以衰老殘軀備嘗
答楚抵死不屈有烈士風時嚴寒道人且凍餒予施
一孟飯一蒲團一裯衣道人晝夜跏趺不寐環匝疊
繫者扣之隨人啓迪無非接引向善不勸空談幻語
惑人宜當代賢豪樂與之遊甚廣也癸卯十二月初
五日入獄十七日無疾坐化壽止六十一先是道人
授彥先偈若預知其將化者又與予論朝聞道章甚
有解脫處化之日說偈若干首至五鼓語人以圓寂
人莫解天明戶啓呼姜湯淨口作念佛聲出門就地
坐衆驚扶坐榻上閉目不語衆走報道人逝矣予往
視之大呼道人去得好記著麼道人復張目視予自
啓手扶兩足跏坐而逝昇出閒地經六晝夜旋風曝
日陰翳嚴霜飛沙落垢摧折備至儼然端坐神采煥
發現光明狀予與園中人靡不目擊歎異焚香頂禮
佛聲浩浩及埋瘞土穴中七越月啓骸南遷幻身如
生不毀世未曾有此平湖陸西源親歷其事者吁異
哉豈其巨靈呵護抑道人自護有神歟江南士人某
等嘉其神異治龕藏魄歸葬初修山寺中道人逮繫

彥先始終周旋曲至復手錄園中問答語偈以授舊
遊者自謂於道人有夙緣乞予一言敘之予惟佛氏
不立文字此錄不足爲道人有無生死一大事乃前
知其故至滅不亂性留不壞身蹤跡昭然靈異如此
此非修持於一世者可得而驟至也又豈末世緇流
所能彷彿其萬一也哉

玉芝子湘源曹學程撰

紫栢老人園中語錄

示潭拓寺僧衆

水緣濕燥山以高崩此有因所致爲福致殃爲惡致
祥此何因耶因自多生凡夫不覺耳老朽出山山門
無恙欲不待請主先往焉彼必以餘事累汝等姑待
之汝輩遇境慎勿驚以因不屬汝輩故也雪寒蒞屋
亦不惡鑊湯爐炭苦痛呻吟總是意樂三昧不信請
於老朽瞑目地驗之

被逮答檀越

達朽既被逮已有世智辨聰輩憤然謂余曰和尚厭

離塵界宜憐然無累何載遭白簡猶戀京師致今日之苦耶曰檀越以何物爲塵界何物爲苦乎深山大澤虎豹龍蛇居焉蛇虎未嘗不苦人也然探淵者則得珠鑿山者則獲璧是見珠璧之爲利未嘗知有龍蛇虎豹也吾諸大乘沙門以利濟爲事方冒難以救援安知塵勞之可出無上大寶失之於窮子方矢浩劫以追求焉知分段之可惜特患衣珠之喻未喻耳不患衣之頻易也朽乘此解脫其軀殼豈但解脫鶴臭弊衣乎內衣之珠不假外得夫何苦哉檀越言苦異乎朽之爲苦矣

與曹直指夜談

曹直指舉蘇長公羅漢贊曰右手持杖左手拈石爲手持杖爲杖持手宴坐石上安用杖爲無用之用世人莫知尊者曰入道之機機則透微微透則手杖皆離故曰離微入道之真機直指曰東坡東坡手杖如何有時用也有時捨作甚麼尊者曰撐天拄地先以欲鉤牽後令入佛智此維摩詰所說也圖難於其易爲大於其細此老氏所說也皮毬子以二氏之

說觀其所以然不過至人照圓衆人照偏偏則泥圓則通既謂之通矣則事無大小理無淺深聲入而心通矣奚疑之有哉雖然理通始於檢名故名不檢則實不得實不得則義不精義不精則理不易窮理不窮則性命之學安從而入歟故有志於性命之學者倘不知自重而飲食男女之欲亂其真卽世間功名事業尙了不來況大於此者乎

萬曆庚子師寄園中南康子吳中石佛贊云獄室名福堂檢名實自詳困苦生覺照覺則物我忘今所說似重拈此義也
弟子李麟記

示吳彥先

觀夫名利之來非無所本也若以四大觀身前境觀心則身與心何殊焦穀芽石女兒哉以衆人不知此觀不醉乎名則醉乎利矣殊不知緣名利而逆觀乎身心緣身心而逆觀乎身心之前者名耶利耶身耶心耶吾不得而知也

示鄧中仇文學

咄咄胡爲睡螺螄蚌蛤類一睡一千年不聞佛名字此偈釋迦老子爲弟子阿邨律陀正聞經時貪睡交

眼警其昏惰而說也。嗚呼。五欲之重。莫重於睡。故睡重者。雖西施。啜其唇。春雷奮乎地。不知聲色爲何物。夫聲之與色。此衆人之常習也。及乎睡而聲色當其前。有眼不見。有耳不聞。由是觀之。則睡酒之醉人較其餘辭其茫大矣。故曰。昏魔不斬。散魔不召。而集蓋昏之與散。必根乎念念。必根乎感知念。根感念本無我。我既無。我則受感者。誰知屬觀。無受屬止。觀足以鑄昏。止足以汰散。昏鑄則明散。汰則靜明。與靜固有之性德也。以性變而爲情。昏散生焉。若然者。明非固有。昏則無源。靜非固有。散亦無地。衆人不知。以昏散明靜爲兩物。所以情之復性。卒不易也。

警大衆

皮毬子曰。時不可忽。一忽時則昧心。心昧則何事不昧哉。由忽生怠。怠習一長。則氣爲主心。爲奴矣。故臥薪嘗膽。非虛設也。謂勾踐能之。我不能。此不知自重耳。若知自重。則天地萬物皆末也。我本也。雖然性既變情。則自無待而爲有待。待則物我亢然。順習則喜逆習則瞋。此情爲政而性隱矣。性則智周萬物而

不勞形充八極而無累。故能會萬物爲一。一已已則已外無物。物外無已。以物外無已。故我用即物用也。以已外無物。故物用即已用也。知周不勞形充無累。復何疑耶。經又曰。若能轉物。即同如來。由是論之。我能轉物。謂之如來。則我被物轉。謂之如去。如去即衆人也。如來即聖人也。聖則無我而靈。凡則有我而昧。昧則忽時忽時之人。憂不深慮不遠。不知自重耳。人爲萬物之靈。而不知自重。皮毬又何言哉。

師別號皮毬

十一月二十九日被逮別潭柘寺偈

寒潭古柘映青蓮。野老經行三十年。留偈別來衝雪去。欲乘爽氣破重玄。

出潭柘示僧衆偈

達觀老漢出山去。堂內禪和但放心。頭上有天開正眼。當機禍福總前因。

臘月初五日從錦衣衛過邢部偈

大賈闖入福堂來。多少魚龍換骨胎。恐怖海中重睡穩。翻身驚地一聲雷。

聞柝

匿王問法忽齊年。自謂觀河不見遷。我有眼根聽夜
柝。却沈豐蔀更冷然。

柝聲未斷鈴聲續。誰是聲兮誰是聞。却憶法堂鐘鼓
候。古來魂夢更紛紜。

同曹侍御諸文學集吳彥先夜談

白法剖微塵。翠濤生嚙睡。何妨真與俗。兩采夜深賭。
一見原來是故人。同心何必在分身。者條擔子誰輕
重。兩道眉毛綽有神。

傾葢白頭匪兩人。祇緣岐念總同身。兩閒擔子誰
堪任。箇有生來一點神。曹和

示吳彥先

江南知識隔風塵。獨影那從暗地親。長嘯一聲空界
裂。誰知針芥在羈人。

羈人敢必全無罪。要識生機卽死機。觀破死生原一
貫。羽還走也足還飛。

相逢不必問前因。藻鏡離塵萬象新。花裏故園應自
好。溪聲山色總宜人。

日高三丈尙惺眠。絕勝雲林鼻觀禪。却被頭陀閒擾

醒。夢魂無地更留連。

寄示法密

閻羅可是執金吾。火鑊冰山事有無。試問密郎何所
解。區區六尺等交蘆。

色空偈示楊中涓

閒居徒自伴花眠。誰謂花神解說禪。空色兩關留不
住。春風幽鳥領三玄。

添數珠偈

一線穿珠百八偶。然一珠墮落何須物。外追尋卽把
覺迷添著。

臘月十一日司審被杖偈

三十竹篴償宿債。罪名輕重又何如。痛爲法界誰能
薦。一笑相酬有太虛。

坐來嘗苦虱侵膚。支解當年事有無。可道竹篴能致
痛。試將殘脰送跏趺。

十四日間擬罪偈

夙業今緣信有機。南中蓮社北園扉。別峰倘有人相
問。師子當年正解衣。

憶介公

誰能念爾衝寒去。傀儡提撕豈有神。長別莫談身後。願好從當下。剖微塵。

憶卓老

去年曾哭焚書者。今日談經一字空。死去不須論好惡。寂光三昧許相同。

十五日法司定罪說偈

一笑由來別有因。那知大塊不容塵。從茲收拾娘生足。鐵樹花開不待春。

十六日臨化說偈

事來方見英雄骨。達老吳生豈夙緣。我自西歸君自北。多生晤語更泠然。
南北經行三十年。鈍機仍落箭鋒前。此行莫謂無消息。雪夜先開火內蓮。
盡稱達老鼓風波。今日風波事若何。試向明年看老達。風波滿地自哆和。
潭柘雙青謾說龍。相依狴犴更從容。主人歸去香雲冷。好臥千峰與萬峰。

幻骨吾知無佛性。從來稱石總虛浮。夜深寒照吳門月。翻笑生公暗點頭。

幽關寂寂鎖難開。那道沙門破雪來。饑鼠何妨露法喜。凍膿早許委黃埃。

夙願平生未易論。大千經卷屬重昏。惟來雙徑爲雙樹。貝葉如雲日自屯。

啓龕須記合龕時。痛癢存亡爾卽伊。不必燕雲重眷戀。此身許石肯支離。

山鬼不必賽水神。胡可解枯木冷重雲。獨見田侍者。人生那忽死。死者生之府。法門何所聞。付諸塗毒鼓。

謹所知

手字致江南諸法屬等。各各自宜堅持信心。老朽休矣。不得載見。特此爲別。付與小道。人持執示。覽護持。三寶。峻嚴徑山刻藏事。可行則行。不可則止。癸卯年十二月十六日。

不佞少事鉛槧。從諸名賢遊。卽聞

紫柏尊者德風籍籍。以爲肉身大士。竟媿火馳方

內無從快觀劫外青蓮也。壬寅歲彥性白簡逮繫比部獄。明年癸卯冬。

聖上以奸書震怒。大索國中而尊者以弘法來忌。亦掛彈章。比聞難。一衆股栗。而師從容笑語如平時。乃以佛法開譬。僧衆夷然出山。赴詔獄。無何入西曹。彥幸獲歸。依焉。初聞師嚴冷不易親。及見則深慈。等悲沁人心髓。彥因炷香求心要。師爲拈毗舍浮佛半偈云。假借四大以爲身心。本無生因。境有令久。久持誦且爲決了其旨曰。是身無從合。由四大是心。無從起。因前境試推四大及境更何所從乎。凡夫不知性變爲情之旨。隨情起執。生死浩然。聖人以理折情。性斯復矣。性復情空。何生死之有哉。彥惟時如後夜聞雷。顧念古人求法至於立雪斷臂。而彥罪累凡愚。沈迷牢戶。乃忽聞萬劫出苦之因。法乳恩深。卽捐頂踵不足明報也。師旣居園久。之彥時時從閒。同曹直指沈令尹。郢中諸文學。闡抉儒釋性命之淵奧。如河決川委。隨宜說偈。衝口而成。及被訊以衰殘歷諸刑苦。凡侍者皆心

欲落而師雲閒水止了無一事。甫入園輒又渠渠以佛法勸發。一衆蓋其定慧精嚴。壁立萬仞。如此臘月。望合爪說偈。徐語彥曰。道人將去。彥愕然曰。師不念法道不念衆生。耶。殷勤啓請而師顧笑曰。去得快來得快。旋卽爲吾浙何君說轉生歌。而彥以倉卒未之錄也。越二日旣曙。園扉啓。師遂出戶仰視曰。辰刻矣。因呼姜湯淨口。遂地坐。連稱毗盧遮那佛。數聲衆驚扶坐。榻上遂瞑。直指君聞之倉茫及榻前大呼去得好。記著麼。師乃更微睇直指君。啓手斂足。輾然而逝。卽十七日辰刻也。隨昇坐露地。霜風塵沙種種摧蝕。經六晝夜而神采溢發。如未度世。旣出獄。以師遺言毋斂。僅周以藁。埋而土掩於西郊。會甲辰京師大水。城關皆崩。四郊如海。諸弟子念師在巨浸中。命田侍者鳴諸當事。得歸。龜陸比部西源於孟秋十三日躬往視事。七尺之士未乾。疑師且水化。及破封而端坐如生。不動不變。一衆號呼歎未曾有。嗟乎此豈非光明碩大超格越量不可思議之肉身大士乎。彥遇師晚卽

於宗乘教理未有證入。終日戴天履地。而其高厚非所能知。然其甘禍患如遊戲。等生死於往來。其滅度也。則併幻身而不壞其一息之存也。則困頓刑楚了不入意。而勤勤懇懇。逢人勸誘。必欲出之苦海。有如拯溺。救焚目不及瞬。而手不及援者。如是而曰非大修行人。非真聖賢。則凡古之聖賢皆不足信也。師入園中。隨地隨時。隨人橫口法施。若決藏海。滔滔滾滾。香象鼻無不滿腹。隨人手錄。各各攜去。而彥所見聞者。則盡此帙中。先以致江南法屬授諸梓。而後徐致其餘。所恨獨少轉生歌耳。嗚呼。微言未絕。靈光妙音。豈遽咫尺哉。

萬曆甲辰中秋朔。竺靈居士吳中彥彥先甫和南記

紫栢老人集卷之一

明 慈山德清 閱

法語

釋迦文佛以文設教。故文殊師利以文字三昧輔釋迦文。而用揀擇之權。於楞嚴會上。進退二十五聖。獨選擇觀音。當機無有。敢議其私者。觀世音雖彌陀輔佐。亦以聞思修入。近乎文字三昧。故釋迦文佛亦退三十二億恒河沙菩薩。獨進觀世音。豈非此方真教體清淨。在音聞歟。若文字三昧。不以音聞爲體。是猶花不以春爲神。豈真花也哉。蓋文字根於音聞。音聞根於覺觀。覺觀又根於無覺無觀者。佛意欲一切衆生。因有分別心。入文字三昧。因文字三昧入音聞之機。因音聞之機入無覺無觀。無覺無觀既入。則最初有分別心至此。不名有分別。而名無覺無觀矣。夫無覺無觀者。所謂正因佛性也。正因佛性既變而爲情。苟不明了。因契之則正。因終不能會也。了因雖能契正。因若微緣。因熏發之則了。因亦不能終自發也。緣因即文字三昧之異名也。了因即音聞之機之異名。

也。學者苟能觸類而長之。則文殊文字三昧與觀音音聞三昧皆不在文殊觀音與釋迦文佛在我日用而已。故老龐曰。日用事無別。惟吾自偶諸神通并妙。用運水及搬柴。柴水卽老龐文字三昧也。神通卽老龐音聞之機也。惟吾自偶諸卽老龐了因契會。正因佛性者也。卽此觀之。凡佛弟子不通文字般若。卽不得觀照般若。若不通觀照般若。必不能契會實相般若。實相般若卽正因佛性也。觀照般若卽了因佛性也。文字般若卽緣因佛性也。今天下學佛者。必欲排去文字。一超直入如來地。志則高矣。吾恐畫餅不能充饑也。且文字佛語也。觀照佛心也。由佛語而達佛心。此從凡而至聖者也。由佛心而達佛語。則聖人出無量義。定放眉間白毫相光。而爲文字之海。使一切衆生得沾海點。皆得入流亡。所以至空覺極。圓寂滅現前。而後已。若然者。卽語言文字如春之花。或者必欲棄花覓春。非愚卽狂也。有志於入流亡所者。當深思我釋迦文以文設教。所以然之意。如其明之。卽文字語言可也。離文字語言可也。如其未明。卽文字與離

文字皆不可也。非卽非離亦不可也。

師曰。娑婆世界與十方衆生世界。皆根於空。空復根於心。故經曰。空生大覺中。如海一漚。發有漏微塵國。皆依空所生。第衆生膠固於根塵之習。久積成堅。卒不易破。故諸佛菩薩先以空藥治其堅。有之病世之不知佛菩薩心者。於經論中見其熾然談空。遂謂佛以空爲道。勝其門曰。空門。殊不知衆生有病。若愈則佛菩薩之空藥亦無所施。空藥既無所施。又以妙藥治其空病。然衆生膠固根塵之習。雖賴空藥而治。空病一生。苟微佛菩薩之妙藥。則空病之害尤不細。世以佛門爲空門者。豈真知佛心哉。或以曹溪本來無一物。何處惹塵埃之語。橫計於心。便謂我本來無一物。又有何塵埃可染。請自審察。我既本來無一物。人舉手揖我。我隨喜。人以手戟我。我隨怒。現前喜怒又何物乎。如此物不能直下爆破。則礙膺長劫。有在。敢謂橫計者。本來無一物。卽曹溪之本來無一物乎。佛菩薩說法如良醫用藥。如良將用兵。藥與兵豈有常哉。但察病人與敵人情之所在。何如耳。苟得其所

在之情則藥與兵如庖丁之解牛矣。故世以佛門爲空門。及掠曹溪本來無一物爲自己。本來無一物者。皆刀折而牛未解者也。佛菩薩知衆生迷心而有空。迷空而有身心。迷身心而有前塵。前塵卽世界之屬。身心卽衆生之類。然世界與衆生。離空則無有。根空離覺心則亦無根。故佛菩薩教衆生。始以解空。終以悟心心。悟則空與世界衆生皆不可得。所謂大覺心者。譬如浮雲相盡。不待舉目而明月在前矣。浮雲則空有之譬。明月乃喻固有之常光耳。或進曰。由塵而達根。由身心而達空。由空而達心。乞師指某甲只今心在何處。師笑曰。汝若無心。設此問端。又是何物。進者罔措。師曰。將心問心。指心不知心。是汝錯。是梅西錯。曰。是學人錯。曰。汝若果知自錯。則汝行裏坐裏。饑裏寒裏。境緣順逆。是非裏能不忘。此錯則空生大覺。中如海一漚。發有漏微塵。國皆依空所生。汝有日自知在不。惟衆生國土與虛空皆在汝心。卽大覺心離汝心亦不可得。進者稽首而退。

夫理性之通也。情性之塞也。然理與情而屬心統之。

故曰。心統性情。卽此觀之心。乃獨處於性情之間者也。故心悟則情可化而爲理。心迷則理變而爲情矣。若夫心之前者。則謂之性。性能應物。則謂之心。應物而無累。則謂之理。應物而有累者。始謂之情也。故曰。無我而通者。理也。有我而塞者。情也。而通塞之勢。自然不得不相反者也。如曰。性相近也。習相遠也。相近則不遠。復之謂也。相遠則不知復之謂也。不遠復。根於心之悟也。不知復。根於心之迷也。故通塞遠近。悟迷初皆無常者也。心悟則無塞而不通。心迷則無近而不遠也。嗚呼。心果何物乎。能使人爲聖人。又能使人爲衆人。聖人與衆人亦皆無常者也。顧我善用心。不善用心。何如耳。心之爲物。不可以內外求。不可以有無測。內求不免計心於身。內外求則不免計心於身外。有求則不免計心於聲色形骸。無求則不免計心於寂滅虛空。如是求悟心者。皆不善求者也。故曰。離心意識參。若然者。若攀緣心不歇。則情根終不枯。情根不枯。則心意識終不能離。心意識不能離。則神不凝。神不凝。則不一。不一則不能獨立。不能獨立。則

有外有外則有待有待則物我亢然故觸不可意事不免勃然而怒遇可意事不覺欣然而喜喜怒交戰寤寐無停要而言之不過總爲心意識搬弄壞了也故眞參學者寒不知寒饑不知饑勞逸相忘形如枯木心如死灰方此之時知得心意識無坐地處如是積久一旦根塵迥脫常光現前至此則心之内外有無非内外有無皆憑我說雖說黃皆自然與修多羅合所謂閉門造車出門合轍是也古德有云不是死中發活一番終是藥汞銀觸火必飛去矣又曰不是一番寒徹骨怎得梅花撲鼻香此皆親證實悟之樣子也年來禪學與道學之徒初不知心是何物便濫口談禪孟浪講學一涉危疑便喪膽亡魂被境風吹壞了娘生鼻孔作不得一些主宰實不如三家村裏一丁不識不知但種田博飯吃人也

龍樹乃九地菩薩其破四性則曰諸法不自生亦不從他生不共不無因是故說無生如嚙欲淺而天機深者一聞而能思思而能精精而遺聞聞遺所脫所脫則能消能所既蕩雖處於境緣順逆之中應而無

累則多生種子現行日損一日損之又損終至於無損忽然契同由是觀之則前之所謂根塵既消者與夫忽然契同者果一耶二耶一則前不是後二則舍前無後而學者不媿推四性之不精反疑龍樹之偈無驗譬病重而不耐服藥見病不去遂大怒而罵藥無驗也夫治身病必以神農爲藥師治心病亦必以龍樹爲藥師舍神農本草雖華陀扁鵲不能治身病而學者欲治心病不以龍樹破四性之偈治之欲其病愈亦未之有焉此偈予初聞而駭既而疑因痛思不已用之境緣順逆之際多敗績敗愈多戰愈力自是敢戰而拚死予始勝噫要知盤中殮粒粒皆辛苦若是種田人聞此必淚墮後生小子理惑心浮不知慚愧業必不消病難坐愈加以聞誨生不受善之心甘作護短之金湯嗚呼哀哉我知龍樹復生耳提面命不遭病者之唾罵無有是處

夫利刀出匣光芒耀日削鐵如泥凡梓楠松栢經其所削必皆成器此善用刀者也有等癡人刀雖快利惟用割泥泥無所成器刀刃日損此不善用刀者也

譬如衆生心性本妙不以定慧觀照。惟縱攀緣。奔塵
莫返。流浪生死。幻苦愈深。了無出期。此豈善用心者
哉。如利根上智。以心性之光。照破根境。兩俱無性。定
慧功成。卽塵勞而得解脫。卽情識而達智光。如是用
刀得非剖金削玉。凡所成器。堅完不壞。滿盛甘露。偏
洒一切。凡沾滴許。熱惱清涼。得無量百千三昧。皆非
外來。以心性本有故也。故曰。善用其心。八萬四千煩
惱。卽八萬四千三昧。不善用其心。八萬四千三昧。卽
八萬四千煩惱。嗟乎。刀本無二。善用則無割不成。不
善用者。刀日就損。

夫光有真妄。真則照萬古而無待。妄則粘六塵而發
光。故曰。離暗離明。無有見體。離動離靜。無有聽質。通
塞離而恬變。喪則嗅與嘗。如羹中香水。中火合離。離
而生滅。滅覺之與分別。則有名而無實矣。然塵之與
根。必相資而有相資。而無故。因境生心。謂之粘。妄發
光。不因境生而孤明圓照。始謂之無待之光。無待則
內外之情空。有待則內外之情封。情空性復。情生
性迷。故物能轉物者。物爲入路之資。所以情不煩遣。

而空也。老龐曰。我見石頭始得。目前萬境俱融。又曰。
日用事無別。惟吾自偶。諸蓋此老以了知爲火。燒空
根塵。有待廢而無待。全全則無外。無外則更無纖塵。
爲我障礙者也。曹溪聞客讀金剛經。一聞應無所住。
而生其心。卽根塵解脫而靈光圓。此謂之見道。未明
道也。故曰。尊其所知。則高明。行其所知。則光大。比來
學道失宗。見道與明道多混。談而不清。甚且不免認
情爲性。所以長沙岑大悲哀而說偈曰。學道之人不
識真。只爲從前認識神。無量劫來生死本。癡人喚作
本來人。此實爲天下認情爲性者。頂門針也。夫夫乃
男子之稱。有男子之稱。而無男子之實。所謂假男子。
而實婦人也。如曹溪初本。賣柴貧漢。一聞金剛經。便
直下無疑。此真奇男子也。夾山回頭。船子命斷。則子
疑父。而父不得不翻船矣。光甫汝既發心。持金剛經。
於憎愛榮辱交加之際。若不能以曹溪所悟者。痛治
現行。則有待之情。終難復性。性不復。則三塗一報。五
千劫。乃光甫所當憂者。光甫勉之。示光甫。
漢大傳疏廣上疏乞骸骨。帝賜黃金二十斤。太子贈

五十斤廣歸里中日令家具設酒食請族人故舊賓客相娛樂歲餘金將盡廣子孫勸立產業廣曰吾豈老諄不念子孫哉顧自有舊田廬令子孫勤力其中足以供衣食今復增益之以爲贏餘但教子孫怠惰耳況賢而多財則損其志愚而多財則益其過且夫富者衆之怨也吾既無以教化子孫不欲益其過而生怨於是族人悅服又龐德公釋耕於隴上而妻子耘於前荊州刺史劉表指而問曰先生苦居畝畝而不肯受祿後世何以遺於子孫乎德公曰世人皆遺之以危我獨遺之以安雖所遺不同未爲無所遺也表嘆息而去二翁皆世諸之賢者其所見高明如此吾曹爲出家兒不乞食自活而貪人供養橫受非禮究其咎之所自不過圖穿現成衣吃現成飯耳夫惡勞好逸人之常情衣不天降飯不地涌一衣一食皆必出自勞動人勞動而我安享之計欲久享而無患者無有是處疏仲翁本漢廷老臣賜金而不敢獨享與族人共之卽其子孫亦不得有吾曹既處四民之外乞食以資殘喘則外四民其誰爲我擅施哉擅

施雖士農工商之不同然寸絲粒米皆出於勞動也其勞動而得之而歡然惠我者爲欲求懺其罪與增其利益耳倘我有僧之名無僧之實必不能自利利他他生異世須改頭換面爲畜生身酬其惠施始得如閻羅老子許汝滑稽褻頑瞞得他過則天堂地獄五福六極之說皆妄語也如來聖人豈爲此妄語誑衆生耶且飲食男女人之大欲於此四者之中果然立得脚跟定何必避城市居山林乎此就上一等僧說蓋其佛知見已開佛悲願已發故也如此種僧豈有供養之而不能雪罪與增利益哉若佛知見雖未大開悲願雖未大發但能誦佛之言稍解其義依解修行此種謂之中等僧如但誦佛言不能解義惟恐玷法門勉強守戒此種謂之下等僧此三種僧雖淺深不同皆非有名無實者若人恭敬供養必罪消福長夫復何疑外此三者皆凡民非僧也汝向來雖祝髮而於僧之實曾反思無愧否僧實有愧則外侮之來實自取之故老人特舉西漢疏仲翁東漢龐德公兼上中下三種僧說以示汝汝當剗其心忘其形痛

哭讀二三十過則後來做好僧從今日始示監東華

嚴寺了凡

予讀東坡觀音贊乃知東坡非迂儒所能彷彿也東坡以爲一身之微八難萃聚何異一絲懸九鼎乎方此之時身不待忘而自忘身忘而世獨不忘無有是處身世忘則根與塵齊喪而無偶根塵無偶藏自成智智照靈源所忘流入向所謂火坑刀山猛獸毒藥一切衆苦至此皆我入流之師也故入流不難了痛不痛爲難果當痛之際痛究此痛果生於根耶外塵則無根果生於塵耶外根則無塵外塵則無根根乃塵家之根根豈我有哉外根則無塵塵乃根家之塵與根無二無二則一一則無外無外則無待至此喚甚麼作痛若了不徹覺有絲毫之痛豈真無待哉但衆生於此不徹了便與無待血脉斷絕無待血脉斷絕則有待血脉自續矣有待血脉既續橫見心外有法此非衆生以二故一身受衆苦乎苦極光回直照無待無待則無我況有物耶物我忘而照不枯則靈源妙湛徧洒焦枯枯沾甘露稿而秀茂此非若能真不二卽是觀世音耶

死生回環愛憎爲根故我無心則夢中天地人物不傾遣而自空空待天地人物而名我無心時雖空亦無地也人爲萬物靈不知此而他知則靈者味焉所以寒暑迭遷古今代謝榮榮辱辱死死生皆能劫我也如靈不昧則偏心空偏心空則彼劫我者豈待我建旗鼓然後逃哉人而知此則千窮萬變我應之而不勞矣

夫饑而食寒而衣此人之常情也一旦辟穀而服水苟非有大於生死者吾欲求而得之得之則死生雖烈而不能禍福於我如是則水可服也如食雖辟水雖服而情根不枯忍饑妄想則服水不若吃飯爲愈耳吾聞服水之源源於智積菩薩菩薩以衆生不得道者昏散累之服水則饑饉則不能睡不能睡則醒多而睡少也醒多而睡少心持半偈志專神凝而妄想不生妄想不生則身心之執受終將無地矣故曰月在上方諸品靜心持半偈萬緣空緣空則我無偶我既無偶緣豈獨有偶哉噫至此則固有常光寧待生心而現前乎瀉山曰靈光獨耀迥脫根塵體露真

常不拘文字。文字根塵也。卽此觀之。辟食服水。初若細事。而收功之大。如未見獨者。難與言也。示服水齋

佛言。凡三寶之地。辦造飲食。供養佛法僧之所謂之香積厨。故辦造飲食者。三德不解六味。不辨兼自己身口意三業不淨。則辦食之所。不名香積厨。謂之穢積厨矣。何謂三德。清淨柔軟如法。是何謂六味。淡鹹辛酸甘苦。是蓋奉佛供僧之食。若不精潔。葷穢不揀。便失清淨德。若不精細甘和。稍有粗澁。便失柔軟德。若不隨時措辦。制造得宜。忽略縱情。兼未供流涎。便失如法德。又三德若無六味調和。亦不成就。蓋淡味爲諸味之體。鹹味其性潤。能滋於肌膚。故味之調者。必以鹽爲首。辛味其性熱。能暖臟腑之寒。故味之辣者。爲辛酸味。其性涼。能解諸味之毒。故味之酢者。爲酸甘味。其性和。能脾胃。故味甜者。爲甘苦味。其性冷。能解腑臟之熱。故味齋者。爲苦汝等。卽三德六味。諦審觀察。了知德之所以然。與味之所以然之說。加以無我無人無衆生無壽者之心。率領六根四肢。勤勇善巧。辦造飲食。奉佛供僧。此人功德。假使以滿虛

空七寶。布施無量劫。不生疲厭。慳慳之心。與相較量。其功德亦萬不及一。何以故。三德無闕。六味無失。此等飲食。若觸佛鼻。若入僧口。如嗅旃檀。如飲甘露。五內調和。百毛暢悅。身適心安。顯資色力。冥資心力。色力得資。則身康健。心力得資。則神無擾。身康健。則進道有資。神無擾。則觀智易成。凡飲食不如法。則身多病。心多擾。身心既病且擾。而能精進開悟者。無有是處。卽此觀之。修行人之性命。實繫於厨中人之手。故厨中人三德不辨六味不精。謂之牛頭阿旁殺人無外如三德辨六味精。更以無我無人無衆生無壽者之心。率領六根四肢。如法辦造飲食。奉佛供僧者。謂之大慈悲菩薩。故曰三千諸佛。皆出在厨中。又爲常住慳慳不尊賢敬貴。當來得餓鬼報。爲常住破費不察來處艱難。當來得貧乏報。又辦造飲食六根不謹。九竅放肆。四肢不淨。當來得糞蛆臭蟲報。如上所述。皆如來所言。若聞若見。當生慚愧。遵而行之。愚癡必破。般若必開。衆罪必消。萬福必集。現在身心安隱。當來得無上道。登菩薩位。佛言無誑。厨中佛子。當體佛

心出苦有分在示厨

夫清淨本然則無方所云何忽生之後山河世界列焉自是則有方所矣方有東西南北之名有名則必有實故西方屬兌東方屬震北方屬坎南方屬離華嚴善財童子遍參知識何故略三方而獨詢南方得非南方離卦在耶蓋離中虛虛則明明則文故曰離乃文明之象也夫文字語言必本於音聲音聲又本於自心之虛靈華嚴四十二字字字包含義理無盡誠以字本於聲聲本於心心乃我固有之虛靈也且此四十二字攝四十二位法身大士因諸大士皆處南方故善財不憚百城烟水境風逆順誓於百尺竿頭更進百步者蓋欲歷盡諸大士門庭故也嗚呼諸大士門庭豈易歷哉苟不能以理折情則死生禍福之關誠不易破即首楞嚴五十五位真菩提路自初信以至等覺金剛道後於四十二品無明重重歷煨無明煨盡而妙覺始圓亦不出以理折情四字良以理無我情有我善造道者能以無我折有我則有我日消而無我日光光則明明則虛虛則靈靈則通既

通而靈則我言求無上道之能事畢矣故善財餘方不詢而獨詢南方者蓋離心之譬也亦心外無法故也既知心外無法則目前萬境頓融萬境融而謂我獨存者則此我何異龜之毛兔之角哉藏子如薦此始知問南非問南也乃問離也非問離也實問心也噫心不見心豈可以心問心耶悟則勿問疑則別參○予讀長沙岑禪師偈始知認識神爲佛性以虛空爲家鄉者不獨近世有之而季唐時已有之矣蓋此輩但知日用昭昭靈靈之識神便爲佛性殊不知唯見性者識神即佛性也而未見性者佛性即識神也即此觀之識神與佛性固非兩物若未見性則識神是識神佛性是佛性斷不可備侗而混說也如混說之則聖凡不分悟迷不辨聖凡不分而白衣有妄坐龍牀之罪悟迷不辨則衆生邪正不明是故佛祖門中教有性相宗有照用或信性而不信相終陷斷坑或信相而不信性必墮常弊或信照而不信用則情根難拔枉逞口解故潯山訶仰山曰寂子汝莫口解脫或信用而不信照則狂魔入心滅裂因果欺視死

生以爲知解絕無毫釐之用要在行得一分是一分。徒誇知解於死生關頭終靠他一點不得殊不知徒誇知解而不能行固是病若全無知解而滅裂橫行則其病更大故長沙老漢哀愍是輩而說此偈偈曰。學道之人不識真只爲從前認識神無量劫來生死本癡人喚作本來人。

蘇子瞻曰君子與小人之心皆正君子與小人之腎皆邪然君子能以理養心故心行而腎從之小人不能以理養心故腎行而心從之心行而腎從之此邪從正也腎行而心從之此正從邪也邪從正則情消而理漸明正從邪則理昧而情漸流情消而理明則心將復於性也理昧而情流則心漸累於物也心將復於性則坤復乾有日矣心漸累於物則坤終不能復乾矣蓋乾卽理也坤卽情也心之爲物以理養之則終復性不以理養之則漸將流於情矣情如水故以墜爲性理如火故以燄爲性墜則必墮於汚暗燄則必升於高明故汚暗是腎之氣分高明是心之氣分心常近於理腎常近於情惟性也處於理情之間

苟以正學之水澆灌之則靈苗日茂不幸以邪學之水澆灌之則稊稗日長靈苗心之譬也稊稗腎之喻也昔人有言曰取將坎位中心實點化離宮腹內陰從此變成乾健體潛藏飛躍盡由心此詩意謂性變而爲情乾變而爲離坤變而爲坎矣則乾之一陽陷於坤之二陰坤之一陰處乎乾之二陽離心之象也坎腎之象也至人知其如此故窮理盡性則坎之一陽可得復而爲乾也離之一陰亦當還其坤也予以理觀之則坎離既濟之說乾坤反覆之機本自了然何必疑滯而道家者流或以鉛汞名之至於龍虎梨棗嬰兒姤女種種名之者不過勸人於此道苟有志者自然不厭其名相瑣瑣困而求之困近忘忘則馳求心自歇馳求心既歇或於真人警歎之間一聞千悟則知性既可變而爲情情獨不可變而爲性乎情既可變而爲性則凡人而求爲真人亦非分外事也自是情習漸除道心愈固情習既除則離中之一陰將還坤矣道心愈固則坎內之一陽終復乾也純陰消盡純陽復全則能入水不溺入火不焚金石可以

直度虛空可以遊行。故曰從此變成乾健。體潛藏飛躍盡由心。雖然此雖易知。實難行者也。蓋衆生情習純熟如油。入麪苟非至明至勇者。欲麪之出油不亦難哉。

夫世界實有則終不可碎。微塵實有則終不可合。今則合微塵而爲世界。碎世界而爲微塵。卷舒無常。而合碎不昧。無常則多一情盡不昧。則合碎機存。情盡則理有。而塗窮機存。則情枯。而事顯。是故大地雖堅。觀等輕雲。一身固愛了如聚沫。形遺則神全。神全則念息。念息則心有。而無生形遺。則身虛。而有無生則靈。而無我有。用則無我。而靈夫近取諸身。可謂親矣。遠取諸物。可謂疎矣。故衣食親於房室。房室親於田畝。田畝親於衆有之地。今迦文老人。呼須菩提而問之曰。碎大千世界而爲微塵。可爲多乎。須菩提聞末知本。以爲塵雖有多碎之名。初無多碎之實。蓋外世界則無微塵。故以世界觀微塵。塵本無塵。以微塵觀世界。世本無世。嗚呼。世界於我可謂疎矣。一身於我可謂親矣。苟能因疎而悟親。則飲食男女之欲。豈

待宰割身心。竭力排遣。然後清淨無累耶。雖然衆生自無始以來。計四大假合之軀。必爲我有。計四蘊合轉之心。亦必我有。執著不化。堅如大地。如油入麪。欲其視堅成脆。觀有卽無。而天機淺者。固不易也。如徐無鬼一見武侯。便能轉其常情。故使武侯熾然五欲之中。無量熱惱。頓化清涼。此非我忘而物遺。神合而形解者。孰能至於此。然不若點疎而悟親。方省傷鋒犯手之喘。卽此觀之。天機深淺。則悟有先後。故見過而訟輪於顓氏。又知人者。智自知者。明。顓氏非自知之明。則過亦不易見。非力行之勇。則過亦不易訟。吾與二三子多生有般若之緣。適有此聚秋風。旣高行色搖搖。此別之後。志各堅牢。自度度人。泛舟驚濤。一呼而上。誰非傑豪。三呼不應。我涕沾袍。念其同體。無損秋毫。背本逐末。始墮惛憒。示弟子。

夫知廢則覺全。知立則覺隱。隱則昧。昧則無往而非障也。至於色之障。眼聲之障。耳香臭之障。鼻味之障。舌觸之障。身法之障。心所以根塵汨然常濁。而不清矣。嗚呼。我之靈臺。本來空清。以種種障之。自是空者。

不空。清者不清。空者不空。則於無色處橫謂。有色無觸處橫謂。有觸無身處橫謂。有身無心處橫謂。有心身備。則死生好惡不召而至焉。此何以故。以知立覺隱故也。夫知也者。已發而昧中者也。覺也者。發而中節而不昧中者也。昧中則不和。不和則何往。而非率情也。情有私而性無我。故率性則何往。而非靈古德曰。無我而靈者。性也。既曰。無我而靈。所謂色聲香味觸法。眼耳鼻舌身意。此十二者。果有障乎。果無障乎。有障則有我。有我則不靈。所以根根塵塵皆成我障。唯見性者。了知性外無心。心外無法。以故種種凡爲我障者。不煩觀空而後空。澄清而後清。所謂本來空清者。如天廓雲布。未始不昭然者也。覺慈來前。吾語汝。若果能覺。則無往而不慈矣。慈則視物之生。卽我之生。不覺則我生非物。生物生非我生。抗然兩立。兩立則分別起。分別起則好惡不期。私而私矣。私則謂我生可貴。物生可賤。賤物之心。莫知其然而生焉。此心果慈乎。果不慈乎。汝若知此。則覺自全。知自廢。覺全則無不照。知廢則無不公。公則自然。無我無我。

而行慈。此所謂覺慈也。覺慈勉之。示覺慈。

夫衆人之與聖人。初非兩人也。聖人人也。衆人亦人也。然聖人則無往而非率性。衆人則無往而非率情。率性則惺寂雙流。率情則昏散齊騁。惺寂雙流。則根塵空而不廢。能所之用。昏散齊騁。則根塵障而昧一真之體。故我永嘉大師於無門之中。開此十門。門雖次第。理實一條。譬之珠。雖有數線。本一條。故心通理達者。門無不歷。淺深不同。然其究竟。不越乎理。卽也。天台智者大師有六卽之科。一理。卽二名字。卽三觀行。卽四相似。卽五分真。卽六究竟。卽此六卽。精而明之。則楞嚴五十五位。眞善提路。不煩徧探。而其要領在我矣。覺皮來前。吾語汝。汝當諦聽。此集乃永嘉祖師心髓也。始由讀讀而誦誦而持持而精精則一一則獨立獨立則物我平等。古今一條矣。嘻。人爲萬物之靈。不此精而他精。非愚則狂也。覺皮勉之。

示覺皮
持永嘉

夫般若有三種。所謂文字般若。觀照般若。實相般若。是也。又此三般若。若名三佛性。緣因佛性了因佛性正

因佛性是也。嗟乎娑婆教體。貴在音聞。有音聲然後有文字。有文字然後有緣。因佛性有緣。因佛性然後能熏發。我固有之光。固有光開始。能了知正。因佛性在諸佛不加多在衆生。不加少。如是了知諦印於心。然後於境緣逆順之衝榮辱交加之際。以此印光印破諸境。根塵脫而常光現。然後持此常光普照一切。自利利他。願輪無盡。則菩薩能事畢矣。即此觀之。娑婆界中。苟無文字般若。則觀照般若無有。開發觀照般若。既不開發。則將何物了知正。因般若所以金剛般若波羅蜜經。五千餘言。字字放光。句句日月。又若明燈。日月照不及處。燈能繼焉。是故若人能持金剛般若經者。終必見性。如曹溪六祖本是賣柴窮漢。一聞金剛般若經。應無所住而生其心。便即開悟。又正因佛性如木中之火了。因佛性如火發而能燒木者。緣因佛性如鑽燧木。木雖有火。不因鑽燧烟終不生。烟既不生。安能發火。火既不發。將何燒木。木若不燒。終難復土。故木也。若欲升而不能終升之物也。然微土則無木。木因土生。火發而木化。元還於土。此木之

終也。噫。性變而爲情。猶土生木也。情熏而復性。猶木還土也。覺聲知此痛。持此經至千萬遍。持熟情消。情消雲盡。則性天廓布。豈待覺聲。瞠眼然後始見者哉。

覺聲勉之

示覺聲持金剛經

眼前世界若果實有則真如未隨緣時。世界衆生初皆本無。以初本無。故終亦無有。初始與終。既皆無有。必謂現前獨有此情也。非理也。譬如熱時。燄日未出。與日沒皆無。此燄必謂是水計。以止渴。此鹿之癡也。鹿若不癡。安肯奔逐衆生。不癡安肯分別。故法喻同觀。兩頭既無。中間豈有理如函。蓋合現在。何分別。分別既不生。光消影亦滅。逆觀分別時。能所夢中雪。開眼日在。意夢雪不可得。量及所量。空根塵初不惡。此理也。非情也。示開先。

師曰。自一精明。分成六和合。則眼等與六塵和合。從無始以來。我不能須臾離者也。蓋開眼與醒。中色塵和合。合眼與夢。中色塵和合。故也。即此觀之。則六根與六塵和合。若醒若夢。塵塵相受。自無始以來。至於今日。無有剎那頃而不和合者。明矣。又眼根與色塵

和合之見。謂之有待之見。眼根不與色塵和合之見。謂之無待之見。有待之見。必緣明而有明滅。則不能見。無待之見。則不因明而有處。暗室中不異白日也。故楞嚴經曰。緣見因明。暗成無見。不明自發。則諸暗相永不能昏。本朝楚石琦禪師。閱楞嚴經至此。遂大悟。根與塵初不相到。但衆生橫計未消。於無明暗中。橫見明暗耳。教中謂之非量。非比量現量也。此橫見。以非量用之者。以第六識不能檢名審實。精義入神。從由塵發知之。知知奔前境。故被好醜所轉。如此知。苟能了好醜明暗之影。因根有相。則明暗之影亦初本無性。既了明暗之影。初本無性。則由塵發知之。知豈獨有性哉。行者於日用中能作是觀察。以理折情。此方謂之比量也。如是觀察久漸成熟。熟則見思爆落。則行者始入相似位矣。此相似位在藏通二教。皆是佛位。非菩薩羅漢位也。在圓教但名相似位耳。別教卽七住位。行者至此位。則眼可以觀聲耳可以聞色鼻舌與身皆可以互用矣。若然者。則眼耳鼻舌身五根照境時。若第六識未起。則五根之精如鏡之

光好醜雖明了。無分別也。此無分別者。謂之現量。故永明曰。初居圓成現量之中。浮塵未起。後落明了意根之地。外狀潛形。浮塵與意根皆指第六識而言也。又非量者。恣情橫見。不能以理折情之謂。比量者。行者能於緣因佛性之海。檢名審實。實審則義精。義精則理通。理通則情不能昧。我得此擬而用之。至此謂之有心觀察。乘理折情。故以比量目之。比量卽無塵智也。無塵智熟。方得相似。無心未得真無心也。此理稍明。教觀者皆能了了。不待老漢雌黃。饒舌。雖然如是。老漢此段熟腸。自有大闡提。知在又緣見因明之見。雖謂之有待之見。能以由塵發知。因根有相互奪而痛觀之。觀之有入。則所不待忘而所未常有。累於見精也。但行者此觀不熟。情屈其理。理不能信。所以智通之信不開。故不能出依通之信。恒被情屈也。如善觀之。則知明暗自相陵奪。本與見精了無交涉。故永嘉曰。一切數句非數句。與我靈覺何交涉。老漢則曰。一切明暗非明暗。與我見精何交涉。於楞嚴會上。佛勅羅睺擊鐘驗常。亦此理也。蓋聞精初不因鐘

聲生而生亦不因鐘聲滅而滅聲塵動靜自相陵奪亦與聞精初無交涉也。第慶喜計現前能推窮分別之心未破於見聞精卒不能了了。故佛特勸羅睺羅擊鐘。佛意欲借聲塵動靜起滅令阿難即動靜起滅處會無動靜起滅者。如香嚴見瀉山時瀉山曰聞汝一問則能十答。我問汝父母未生前試道一句看。香嚴屢答皆不能。湊瀉山之機。乃乞瀉山代答一語。瀉山曰我道得是我之三昧與汝有何交涉。於是香嚴盡棄所學涕泣而行。且曰我終身作箇長行粥飯僧罷了。及住菴。冀除瓦礫。適聞擊竹聲。則所知頓忘。洞契自心。於是向瀉山大展而禮曰。當時和尚若爲我說破安有今日。嚴有偈曰。一擊忘所知。更不假修持。動容揚古路。不墮悄然機。噫。如香嚴者。所謂從緣薦得永無退失者也。由是而觀。則香嚴之所知。即慶喜能推窮尋逐之心耳。此心即由塵發知之知。此知不忘。則智通之信終不能入。智通之信既不能入。饒汝談玄說妙。辯齊佛祖。不過依通之信而已。又由塵發知之知。乃香嚴未見瀉山之時。能所心也。此能所

心雖瀉山號稱大善知識。卒不能使其忘之。須待嚴聞擊竹聲。自忘始得。故此事決不可以情求者也。蓋情求不出乎根塵妄想。如能了達根塵無性。則由塵之知亦自可忘也。又香嚴謂之自誠而明。若依教理折情治習。而有所入。謂之自明而誠。昔有祖師問僧曰。隔壁聞鈸。鈸聲即是破戒。汝作麼持戒。僧曰。好箇入路。此僧得入。與香嚴之入果同耶。果異耶。同則鈸聲不是擊竹聲。異則鈸聲固不是擊竹聲。然卒無有二也。行者於此。辨得雌雄。則一精明分成六和合。六和合復成一精明。捏聚放開。任汝施爲。若辨不得。古人有一頭汝輩再咬嚼去。果然咬嚼得破。再來見老漢未晚也。頌曰。不汝還者。復是誰。殘紅留在釣魚磯。日斜風定無人掃。燕子銜將水際飛。示開先

紫栢老人集卷之一

紫栢老人集卷之二

明 慈山德清 閱

法語

夫聖凡雖多途要而言之總不出乎四諦也。諦謂審實不謬。故聖人言苦必苦。言集必集。言道必道。言滅必滅。又四諦有生滅。四諦有無生。四諦有無量。四諦有無作。四諦故聲聞四諦。與緣覺四諦皆苦集在前。滅道在後。蓋聲聞緣覺志在二乘。惟獨善其身。無有兼善之願。故也。惟無量四諦與無作四諦雖別。圓固殊而並有兼善之願。故謂之弘誓。即此觀之。聲聞與緣覺有諦而無誓。明矣。故曰有誓名大乘。闕誓名二乘。何謂無量四諦。以空假中三觀歷別而修。先以空觀破見思。次以假觀破塵沙惑。末後以中觀破根本無明。見思破則獲般若。德塵沙破則獲解脫。德根本無明破則獲法身。德此三德者。天然之性德也。在凡不少。在聖不多。故曰性相近也。自性變而爲情。則粗順之門開矣。粗順之門開。則近者習遠矣。習遠而不返。則淪墜受苦無休歇矣。故曰習相遠也。於是先

覺者憂之。務使遠者習近。即於粗順門中始開逆門。逆也者。蓋逆而上之之謂也。上而底極。所謂聖人與衆人無多少者。我得全之矣。我全而人不全。聖人則又不忍。故乘其全。徧遊於萬化之中。開物成務。俾未讓全者。皆得其全。故逆門之後有妙順焉。然妙順惟別教菩薩與圓教菩薩有之。聲聞與緣覺則有逆而無妙順矣。蓋其闕四弘誓。不發同體之悲。故也。何謂同體之悲。謂我逆於粗順之中。受無量苦。於無量苦中。苦極思本。思本則近覺。近覺則易熏發。是時也。元覺者知我。可熏發矣。遂量我何因緣而可熏發。即以何因緣而熏發之。如箭鋒相值。啐啄同時。巧力不得預莫知。然而自符契之。噫。此非檢名審實。精義入神者。則能熏所熏。安得能所忘而無思契同哉。雖然。伍員勾踐復粗順之讐耻。並能焦身苦思二十餘年。而遂其欲。今我等於出世法中。求無上道。出無量苦果。能焦身苦思千日之勤。則我所欲者必遂。而無疑也。何以故。蓋伍員與勾踐率情圖事。於性非近。所以須苦久而遂其欲也。我等志在復性。求出情之法。勤繼

性之善於性有孝子之道焉。所以千日之功可博彼二十餘年之苦功耳。此乃自然之理。必然之勢。我復何疑。茲以四弘誓後。出四諦之精粗。與敘三德二順一逆之槩者。恐汝等發心不辨。藏通別圓淺深之教。則發心無主。主宗也。微宗則歸宿無本。要知宗本大藏中有天台四教儀。約有萬字。若求而得之。必誓讀而成誦。誦而稍通其大意。則四教淺深發心。宗本又在我而不在書也。

馬忘繩與規矩。而中繩與規矩者。馬終不收焉。如未忘繩與規矩。而馳馬。未有不敗者也。故足忘屢始適。腰忘帶始適。未始不適者。忘而適始。適即此觀之。身忘則心用。用心忘則未始不周者。周萬物而未嘗勞也。以其未嘗勞。而能勞萬物。不勞於萬物耳。故曰。惟忘忘而忘。無所忘者。惟未窮而知變者能之。

鄂州沙門明秀所節徑山節要。果明白。精到。然其所作偈曰。動靜參機。要安排路更差。今離情見。處別有好生涯。予不知情見。果是何物。而欲離之耶。殊不知擬欲離情見者。是情見耶。非情見耶。是情見。次離即

初離非情見。離次離無非情見之情見。隱節要果。精到矣。寧知節要。精到處。乃是徑山茶飯。非秀公之飲食也。秀公速道。速道。知道不來。非秀公節徑山。乃徑山節秀公耳。

緣生無生之旨。稍通於文字般若者。率皆能言之。殊不知緣生無生。特畫餅充饑耳。曷能劫生死賊哉。惟知而能行。行而能戰。戰而能勝。勝則證之矣。嗚呼。證而不能忘。則大用不彰。大用不彰。則帶累行因之妙。與夫普賢常然之行。幾乎息矣。予以是知明道易而用道難。決非虛語。吾曹當勉之。

性如水。情如冰。冰有質礙。而水融融。通則本無能。所質礙。則根塵兀然。此義有知有覺。知則意。雖了然。獨事仍迷。覺則觸事會理。情塵自空。迷則情之累也。覺則性之契也。累則二契。則一二則有待。一則無生。無生乃性之常也。有待乃性之變也。常則無我。而靈變則有情。而昧。故昧中之知。知不勝昧。所以道不敵習。靈則習不勝覺。所以不假修持。而坐進菩提。反是雖舍身命。等如恒沙。祇增有爲業耳。良以覺近。現量

知近比量是以覺之與成功殊也

所中有能所則不成能中有所能亦不成以所中無能能即是所能中無所所即是能此蓋能所不相遇故也如相遇則能與所兩俱不成矣兩俱不成非是佛法性味智故兩俱成就智雖不昧性斷血脉亦非佛法如不斷血脉而智又不昧惟親證者然後知耳夫眼夢色耳夢聲鼻夢香舌夢味身夢觸意夢法而一身之微六根皆夢脫無有覺之者則一夢永夢矣於是我不大悲菩薩教之以眼觀音以耳聽色以鼻嘗味以舌嗅香以身攀緣以意覺觸是以六夢忽醒覆盆頓曉也即此觀之以順流用六根則六塵皆夢媒以逆流用六根則六塵皆覺雷如二十五圓通以六根六塵六識與夫地水火風空見識迭互爲雷震驚夢者邇來世道交喪以雷爲夢以夢爲雷莫知孰爲覺者孰爲夢者既夢覺不辨不至於玉石俱焚不止也夫道學雖弊則勝俗學多矣禪學雖弊則勝道學多矣今有以道學爲名利之淵藪互而排之以禪學爲遁逃之淵藪亦互而排之殊不知風俗無常以道

學之風鼓之則成道學之俗以禪學之風鼓之亦成禪學之俗道學與禪學之俗成自然高明者日多而污暗者日少即或假道學禪學以爲污暗者有之此亦嘉禾中稗耳必禾多而稗少也若惡少稗而欲盡去多禾豈仁人之用心哉道學禪學

我大覺老人於靈山會上說妙法蓮華經總二十八品雖鋪張重疊法喻兼明不過即粗會妙而已至於較六根功德之優劣又粲然若日星如眼鼻身三根惟八百功德耳舌意三根則千二百功德也據實言之舌根較之鼻身功德亦惟八百然其敷演妙法則功高諸根矣所以如來加之四百功德者蓋賞之也倘不能說法而妄言綺語不眞語不實語兩舌惡罵則其罪罰亦過諸根也故曰君子居其室一言善則千里應之一言不善亦千里應之又曰言語福禍之階也榮辱之主敢不慎乎又眼耳兩根皆離中取境鼻舌身三根合中取境意根但司前五根落謝影子耳五塵實境並前五識所司也然楞嚴會上如來勅文殊選圓通之根彼二十四聖並揀而不取獨取耳

根正當堪忍之機。所以長觀音而後諸聖。蓋因緣時節也。豈諸聖果有慚德哉。昔有禪師問僧曰。聞隔壁墮釵釧聲。卽爲破戒。子作麼持戒。對曰。好箇入路。禪師曰。汝向後可爲千五百善知識。粥飯主去在。若然則普賢菩薩心間洞十方。又豈有媿於此僧耶。蓋當此方之機。普賢不若觀世音。餘方則觀世音又不若普賢之常機。未可知也。良以聖人說法。如投夜光之珠於金盤之中。而其橫斜宛轉。衝突自在。雖聖如迦文。亦不自知也。雖然。更有一問。心間洞十方。時爲方在心外。故能聞耶。爲方在心內。故能聞耶。在外能聞。在內能聞。以理推之。皆無是處。惟親聞而實證者所知也。故窮理盡性之學。舍我如來。則六根優劣事圓理徹。孰能究之乎。小子何幸。入如來家。培無上種。稍不思報佛深恩。非人矣。子其痛勉之。示洞聞。

長風游太虛。萬竅競怒號。衆人聞以耳。菩薩用眼觀。是聲果有常。圓通門難開。嗟乎聲來耳。邊來時執主耳。往聲處能聞何物。往來究之。根塵之性。有則能所難遺。無則枯若槁木。兩路旣窮。中豈孤立。故曰。智入

三世而無來往。此本光之常也。識涉三世。此本光之變也。本光變而根塵封礙。衆生睡夢濃黃昏。禮佛誰擊磬。聲入耳中空。不空空。則無聞不空。障聞響重。爲說圓通。聲旣如是。色不異香味觸法立乎。哉。知之一字。衆妙門。知見立。知禍大矣。率情率性。霄壤隔。相逢幾人辨。端的兩者從來一。而二用處在人悟與迷。悟則喜怒哀懼。率性。率性能通天下。情情通開物而成務。譬如一指間屈。信不能率性而率。情迷中。倍人可憐。生以已通人分別起。逆順關頭多愛憎。故曰。至道無難。唯嫌揀擇。但莫愛憎。洞然明白。又曰。率性之謂道。率情之謂倒。噫。聖人豈無情哉。唯其通而不昧。情而無累。情故無所不達。無累故初無愛憎。所以一切大菩薩。饑饉之歲。身化爲魚米肉山。疾疫。世身化爲一切藥草。此情耶。非情耶。無情則同木石。有情則不異衆生。故能以眼聞聲者。聖人也。以耳聞聲者。衆人也。仲尼六十而耳順。說者以爲聲入心通。道人常病之。夫何故。耳順則聲無順逆。皆率性之媒。率性則無我。無我則無內外。內外旣無。則出入者其誰乎。嘻。不

出不入。盡眉混沌。況出出入入。哉。覺情覺情。覺則性明。無分憎與愛。觸處本光。靈自覺更覺。他相逢。蓋始傾目擊。不存存別後。更惺惺。

毗舍浮佛此言自在覺。蓋此佛於身與心皆覺了解。脫故身解脫。則無生死之礙。心解脫。則無煩惱之礙。解脫即自在義也。而一切衆生不能覺了身之與心。所以不能解脫。生死煩惱之礙。若能覺破身心執受。衆生與佛無殊。若不能覺破身心執受。即諸佛亦安得自在哉。且道如何覺破身。當細細觀察我身之皮肉筋骨。凡堅之類。初從何有。我身之涕唾津液血尿。凡濕之類。初從何有。我身之溫暖凡熱之類。初從何有。我身之四肢百骸。八萬四千毛孔。運而無滯。血脉周流。能運動者。初從何有。身觀既熟。次當觀心。我現前分別之心。因他而有耶。因自而有耶。因他而有未觸境時。愛憎不起。因自而有若無境。觸心無愛憎。於自於他。反復推究。謂因他生。謂因自生。以理折之。自他之情。枯極無地。自他之情。既枯。將何物共而生心耶。共而生心之情。既枯。豈無因而能生心耶。若無

因能生。何火中無水。石不生草。鹽中無淡。兔何無角。龜何無毛。耶。龍樹曰。諸法不自生。亦不從他生。不共不無因。是故說無生。龍樹之偈。又毗浮佛偈之註脚也。

釋毗舍浮佛偈

吾嘗靜而思之。天下未始有吉凶也。吉凶之生。生於毀譽耳。故毀我者。則人凶。而我吉。譽我者。則人吉。而我凶。又毀譽生於好惡。好惡又生於未始好惡者。吾故曰。天下未始有吉凶也。雖然。吾嘗以未始有好惡者。觀天下之吉凶。皆龜毛兔角也。若以吉凶觀未始有吉凶者。則未始有吉凶者。無往而非吉凶也。若然者。吉凶初無所從。顧我所觀何如耳。故箭穿石。虎魚躍水。河若不以未始有吉凶者。感水與石。則水魚與石。虎豈能隨我而變之哉。如君子不宿怒於心。正此道也。但衆人昧理而縱情。始乃物我亢然耳。且凡好惡不能自生。必因前境而生。既因前境而生。則我現前之好惡。本前境之好惡。與我初無有涉也。譬如親疎之人。我心坦然。或親疎忽至。則我好惡之情。油然而生。不能自禁矣。謂此情我心固有。因境率而始彰。

則我真心生。尚不有安得有我。有我則有待。有待則可說心與境相牽而生。此情謂我心無生而能生。此情者得非無因生乎。自生他生共生以理折之。俱不能生。況無因生乎。昔人有言曰。暫時不在。即同死人。蓋言理昧而情馳也。曹溪亦曰。若真修道人。不見世間過。吾以是知見世間有過者。則我心未忘。所以物敢待我。如我無心。則物亦隨無心而化矣。豈煩重加排遣。然後消哉。汝曹能以此觀。觀逆順境。緣則境緣真吾大師也。敢忤逆大師乎。示弟子。

夫衆生事。若有常。則佛事亦有常。衆生事既無常。所以佛事亦無常也。如衆生有饑饉之病。佛則以香飯爲藥。或衆生犯寒凍之病。佛則以絮裘爲藥。衆生有以黑暗爲病。佛則以光明爲藥。故衆生犯病無量。而佛施藥亦無量耳。如靈山會上。佛放眉閒白毫相光。照東方萬八千土。立沙備公亡。僧偈則曰。萬里神光。腦後相臨。濟則曰。汝等諸人。赤肉團上。各各有一無位真人。於六根門頭。放大光明。由是觀之。則此光出沒初無常處。法華云。佛放眉閒白毫相光。照東方萬

八千土。則此光似有常處矣。何者。光照東方而餘方不照。故也。雖然。光照東方而不照。餘方者。非不照。餘方也。蓋如來之意。舉一方而欲九方反也。或謂臨濟無位真人。光無常。所立沙法華。光有前後。予應之曰。經既舉一方而九方反。則眉閒之光。未始不圓照十方也。眉閒之光。子謂之前。光腦後之光。子謂之後。光乃子妄生穿鑿。非佛祖之光。有前後也。但佛祖之意。衆生苟從一光而入。則圓照十方之光。明未始異也。如大海一滴之濕。未嘗異海之味。如一塵入正受諸塵。三昧起。況一方從光入。而諸方不爲三昧乎。予故曰。衆生事無常。佛事亦無常。衆生病不一。佛藥亦不一。曉禪人。倘從此入。則東光之名。豈但一方而已哉。禪人勉之。示東光。

夫達磨之始來也。一槩斥相泯心。不立文字。義學窠臼。徹底翻空。彼義稍精。而信力深者。競大駭之。遂誣祖爲妖僧。百計欲害之。祖經六毒忍死而得可。祖卽順世而西歸矣。夫義未精。信力深。必以佛語爲梁。根一旦聞斥相泯心。不立文字之聲。刺然入其耳。則其

驚駭而認祖此自然之情也。若義精而已得受用者。則以爲我祖何來之晚耶。亦理之自然也。若夫少疑而老信。以至朝入暮出者。此又矮人觀場。隨聲悲歡者。復何恠哉。然相果應斥。心果當泯。文字果宜屏黜者。如是則心外有法矣。予聞得心者有言曰。若人識得心。大地無寸土。卽此觀之。則心之與相及語言文字。果有乎哉。果無乎哉。蓋鼻祖意在奪情而不奪法也。情奪而法存。是法卽鼻祖所傳之心也。是故凡夫計諸法爲有二乘。計諸法爲無外道。計諸法亦有亦無。非有非無。皆情也。非理也。於是眞常光中。四謗之坑設矣。倘不得祖東來。彼張目而墮坑者。豈少哉。初祖果以心相語言文字必屏黜而後得心。則楞伽跋陀羅寶經祖何未嘗釋卷且密以此經授可大師。可授璨。璨授信。信授忍。忍授曹溪。大鑒復精而深之。其偈曰。大圓鏡智性清淨平等性。智心無病妙觀察智見非功。成所作智同圓鏡。五八六七果因轉。但有名言無實性。若於轉處不留情。繁興永處那伽定。蓋楞伽以八識二無我五法三自性轉識成智爲宗。彼

不達此義者。以爲得心之後。再無一事矣。殊不知道可頓悟。情須漸除。而鼻祖所傳之心道也。楞伽所謂轉識成智之法。治情之具也。倘聞道而不治情。此果眞聞道者乎。此必魔外也。我如來法中。無有是事。所以知鼻祖憂深慮遠。既傳其心矣。復密授此經爲治情之具。故自甘退屈之溺。我慢貢高之刺。不待扶植而強力拔而除也。予初亦不達法相。以爲達磨西來一字無。豈有轉八識成四智之落索耶。及閱六祖壇經。知有此偈。卒不大解。存注久之。則轉識成智之柄在予。而不在曹溪也。蓋識雖有八。能檢名審義。義精而入神入神以致用者。皆第六識之事也。卽七識雖號因中轉。亦坐轉非行轉也。豈五八獨坐轉耶。所謂行轉者。權在六識。以此識三量俱通。心所總攝。故也。又轉識成智。轉心所而不轉心王。如八識心所有五。前五識具三十四心所。第七識但十八心所耳。獨第六識五十一心所。備統而無遺也。所以轉識之柄。必在此識。故此識熾然分別我我所法。卽緣生之前茅也。熾然分別無我我所法。卽入無生之利器也。又轉

識成智根稍利者。於逆境不難轉。惟觸順境則受境轉而不能措手。脚矣。或根鈍者。於逆境初不易轉。如能拚命挨久。轉得後。觸順境轉之不難也。若大利根人。於逆順境緣。如湯潑雪。無往而不自得耳。老龐曰。日用事無別。惟吾自偶。諸頭頭非取。舍處處勿張乖。此便是大利根樣子也。邇來黑白之徒。器識浮淺。成羣逐隊。噉飽飯。裹暖衣。以爲佛法。雖有宗教之別。不過如來與祖師。發明衆生本有而已。忽有人把住。擲曰。君本有果發明。未發明耶。卽怒曰。這箇魔王。偏解無事生事。則達磨所傳之心。及楞伽治情之具。予知其必曰。此亦駕空鑿虛耳。我窺破久矣。又何煩勸我哉。果如是。而五家綱宗之說。彼聞而不信。不亦宜乎。四微合而地大成。三微合而水大成。二微合而火大成。一微立而風大成。四大合而世界成。故得般若菩薩。能碎世界而爲微塵。復能合微塵而爲世界。若屈伸一指了無異同之見。異同之見不生。則何往而非入法界之門。故曰。一念不生全體現。六根纔動被雲遮。由是而觀。則異同之見。是六根纔動之機。非一念

不生全體境界也。但凡夫不了世界初本微塵合成。及碎世界而爲微塵。又不了微塵初本世界碎成。所以見世界便生一合相。執見微塵便生多散相。執成法界門終不能入。如見世界而不生一合相。執見微塵而不生多散相。執則迎賓待客。俯仰周旋。喫飯穿衣。屙屎放尿。無往而非法界也。若法界入法界。法界見法界。法界示法界。法界悟法界。總是名有多一。而實無多一也。如實有多一。則多多一。一者豈能多一哉。

若人有三歸而無五戒。則因正而福不全。有五戒而無三歸。則有人天之福。而無出世之因。故異類有聞法之流。人天有不信之黨。惟三歸五戒全有者。乃感入天身。而諦信正法。又有半歸半戒者。所以有半疑半信之流。此四者。謂之四料簡。凡歸依佛教者。若未明四料簡。此等衆生。凡種福慧之因。決不正當。今汝等既各發心。歸依佛法。僧三寶。及受根本五戒。此非細故。乃千生萬劫邪正之關頭。偏圓之根本。故不可不嚴審精察。

堪忍衆生之機。苟不以聞思修三慧熏發之。則其佛知見終不能開矣。或謂德山臨濟之徒。未聞其以聞思修三慧使人開佛知見也。若其所用棒如雨點。喝如雷霆。使當機者於一念不生。未入陰界之地。神而明之而已。若必以三慧熏發之。而當機然後開佛知見者。恐三慧於未入陰界之初。無地可著耳。此乃知其終而不知其始者也。昔汾陽昭禪師有問鳥窠之侍者。何以見鳥窠吹布毛而卽大悟耶。昭以偈應之曰。侍者初心發勝緣。尋師訪友爲參禪。鳥窠知是根機熟。吹毛當下得心安。如以汾陽此偈觀之。則此侍者於多劫之中。不以百千諸佛所藉聞思修三慧熏發之久。未必一吹布毛而狂心頓歇也。且久則熟熟。則化於將化之時。乘其化而發之。譬如箭鋒相值。豈巧力之所能預哉。夫巧力不能預之地。不惟聞思修無所著處。卽雲門乾屎橛與圓通死貓頭。亦無著處也。予故曰。彼知其終而未知其始者也。如知之則不疑臨濟德山之棒喝。與夫聞思修三慧有所相懸者。也。又聞而不思。亦有開佛知見者。此神而明之者也。

非思而明之也。蓋思而明之屬比量。聞而明之屬現量。又現量之聞。非心聞也。乃神聞耳。然初心有神聞而明之者。乃百千萬人中亦不多得也。惟以三慧熏發之者。則百千萬中多多愈善也。故法華曰。若人稱六十二億恒河沙菩薩名號。不若稱觀世音菩薩一人之名號。謂是故也。又達耳謂之聞。注心謂之思。思明而能力行之謂之修。予願吾曹聞而能思。聞則有終也。思而能修。修而能入。則二者皆有終矣。反是則聞思修三慧雖我觀世音菩薩終日夜逐一耳提面命。亦何益之有哉。如以臨濟德山之大機大用。混我聞思修三慧。此所謂自不能始而責人於終者也。此非狂而喪心。豈有如是之妄人乎。

若以身受戒。身乃四大成。四大有歸復。則受戒者誰。若以心受戒。心乃四蘊成。三陰本受來受。從前塵有前塵。達本空則受曾無得受。既不可得。彼三成鬼角。諦推心受戒。如石女生子。若以合而受。身心既不立。將何爲物。合吾以是知。以身心受戒者。不得戒本戒本不得終難永持。何以故。非性戒。故性戒須責悟明。

非藉相受。汝既受吾戒。吾戒卽性戒。性戒爲諸戒中王大經論中廣明斯旨。梵網經中亦責明此。但季世比丘皆爲魔氣所熏。痛諱舉此。吾雖不敏。以力任是事。常以此獲謗流俗。逆思達磨六毒。南岳思入九毒。況余小子。以道以德。較彼二祖。何啻天淵。敢不消歸自己乎。

聖人以爲書不盡言。言不盡意。故設象以寓其意。使學者玩象積久。智訖情枯。意得而象忘。則書與言不能盡者。我得之矣。一得永得。千古無疑。死生迷更是非交錯。而我得者。光潔堅固。了無污染損壞也。所謂象者。如龍象。乾馬象。坤如大鵬象。止觀如童男童女表真諦。如長者優婆夷表俗諦。故表卽象也。象卽表也。象則託物寓意。表則借事顯理。故意得則無象。非意理顯則無事。非理無象。非意我不欲忘象。而象自忘。無事非理。我無心會理。而理自冥。象忘則意難獨存。理冥豈事能礙者乎。夫事不能礙理。則觀精而止。深觀精而止。深則意不存。而象無待。無待則無外。所以天地雖大。萬物雖衆。虛空雖無邊畔。然皆不能

逃我無外之用者。也是故我欲天地萬物作虛空。我欲虛空作天地萬物。譬如一指屈信。我欲信卽信。我欲屈卽屈。我欲不屈。不信卽不屈。不信我欲卽信。卽屈卽屈。信而信屈。不相遇。信屈卽不相遇。至於千變萬化。卷虛空入萬物。粉萬物爲虛空。如已指屈信。初無難也。而衆人執虛空無形。執天地萬物有形。所以有形者不能作無形。無形者不能作有形。苟能於無形有形之執。以觀精察察此執。情爲從。自生爲從。他生若謂自生。則非他不自。若謂他生。則非自不他。非他不自。則自無自體。非自不他。則他無他體。自他之體。各各觀察。察精理。開理開情。釋情釋執。空執空。心淨心淨。用圓。所以我欲有形。則虛空受役。我欲無形。則有形奉命。推其所以然之說。始因觀而入。止終則卽止。而用觀。因觀而入。止功在。玩象而得意。卽止用觀。功在意忘。而象無待。故也。故學者有志於道。則止之與觀。苟不精研玩象。則意不得。意不得。則象不忘。象不忘。則意在意。在則止不深。止不深。則不能卽萬化而寂寥。此意甚遠。非身心可到。惟卽身心而忘。

身心者似可彷彿示學者精研止觀

夫衆生執受皆本無常但隨所觀時復現行故以八萬四千毛孔觀一身則一身執受直下爆落以一身觀八萬四千毛孔則八萬四千毛孔執受亦當處銷融此就正報而觀也若以衆多微塵觀三千大千世界則三千大千世界執受亦爆落無存以三千大千世界觀衆多微塵則衆多微塵執受亦銷融無得此就依報而觀也若以法界緣起而觀依正二報則依正二報皆稱法界性而交徹冲虛所謂依正執受與夫根本無明皆即大智大則無外智則常靈無外則無我常靈則隨宜故毗盧遮那如來順本垂教爲三塗衆生而說人天乘爲人天而說聲聞乘爲聲聞而說緣覺乘爲緣覺而說菩薩乘菩薩乘性本無生智願無盡然非無所依者也唯華嚴大經直轉根本法輪凡有所依倚者皆圓攝頓融總入法界令其徹底無依動寂任智不落情量即於生死煩惱海中稱性治染染盡淨除聖凡坐斷文殊爲牛普賢作馬大行常然事事無礙而後已此名佛知見此名最上乘此

名塗毒鼓此名金剛子耳其聲則命根立斷吞入腹

直至毗盧而扁出即此觀之善觀依正二報者則執受皆智而不善觀者則本智皆執受耳予讀天闕山人棗栢論約語及山人題約語後語乃知山人以天台匡廬竹林方廣譬毗盧境界以人間世譬衆生境界山人以爲毗盧境界與衆生境界初無常規苟達緣起無性則染淨無非智光以此智光洞照法界則法界初亦無性豈但緣起無性而已然達緣起無性則入事不成就三昧達法界無性則入理不成就三昧唯圓達二性無性則事理不成就三昧如月在秋水春在花枝豈待眼孔定動然後見哉賢哉山人其

知此者乎

讀天闕山人棗栢論

凡見心外有法者皆謂之外塵邪執如聞佛說法不悟佛意亦外塵邪執也況餘聲色乎然凡夫發菩提心初不以外塵邪執爲弄引則意言之境無由得入意言之境不入則唯識與法界皆無入路矣又凡夫被外塵所轉了不知塵本無體自心所變反執塵爲實有塵復生心則徧計熾然心復生塵則意言境起

菩薩了知一切境界。意言變起。意言無體。不出唯識。唯識無體。不出法界。故以法界觀唯識。唯識即法界也。以唯識觀意言。意言即唯識也。以意言觀外塵。邪執外塵邪執。即意言也。所以能物轉不爲轉物耳。如博陵王問牛頭融曰。境緣色發時。不言緣色起。云何得知緣乃欲息其起。博陵以謂意言之境。緣前五塵起。不言我緣前塵起。前塵亦不言我能發意言之境。不言即不知也。謂有知則能言。無知則不能言。故能所皆無知。無知則無我。無我即無自性也。能所既皆無自性。則境與色孰爲能緣。孰爲所緣。此非緣生即無生乎。緣生既即無生。又教誰知緣。必欲令其息耶。故牛頭即躡博陵意緒。答曰。境色初發時。此即緣生也。色境二性空。此即無生也。本無知緣者。心量與知同。能所本皆無生。教誰知緣。既無知緣者。則心與量與知皆無生也。蓋不照本則能所縱然照本。則根塵寂滅。故日照本發。非發爾時起。自息抱暗生。覺緣心時。緣不逐。謂覺因暗生。覺生暗謝。暗謝覺湛。心無所緣。所緣既無。湛亦無寄。未生前本無色心。養育惟廓。

然無念。凡色心養育想受。皆言念生。生實無生。故曰起發未曾起。是時不惟衆生無地。佛亦難泊。此蓋以理折情。融事爲理也。飄風不終朝。驟雨不終日。飄風驟雨。天地爲之尙不能保其終。且久況天地之下者乎。然天地之道。未窮而密變。故萬物雖處乎變化之域。而萬物不知也。如一歲之道。冬未窮而變春。春未窮而變夏。夏未窮而變秋。秋未窮而變冬。冬終也。終窮也。昔人有海日生殘夜。江春入舊年之句。此亦未窮而知變者也。如一身之道。生未窮而變少。少未窮而變壯。壯未窮而變老。老未窮而知死。死則死不能窮我矣。死不能窮我。則生豈能悅我哉。夫死既不能窮生。亦不能悅而我。以生死爲舟航。遊於禍福之海。適當飄風驟雨之驚。是能驚衆人耳。焉能驚我乎。夫三皇以道化天下。道未窮而變德。五帝以德治天下。德未窮而變仁。義三王以仁義治天下。而不知變。故窮於仁義也。仁義窮則五伯乘其隙。而以智力劫天下。有不可言者矣。是故有身有家國者。不知此則身不能修。家不能齊。

國能不治也。然未窮而知變者。其惟聖人乎。

夫幽明之故。鬼神之說。死生之道。皆變後事也。而世人輒懵然如滇粵之民。談含元殿裡事。至於鬼神尤深疑之。顧第弗究心耳。誠由鬼神以究極於性情。由性情以究極於魂魄。夫既究極於魂魄。知以理治情之爲。魂恣情滅性而成魄。則幽明死生一切瞭然矣。雖然死生本乎有身。幽明鬼神本乎有心。衆人惟昧其本。故莫烈於死生。亦安焉玩之。以苦爲樂。是以大覺老人哀而拯之。教以四大推身。四蘊推心。推之既久。身窮心了。則身本無身。心本無心。無身之身。則大苦永超。無心之心。則靡幽不燭。故龍勝於此。又特地一提。其偈曰。若使先有生。後有老。死者不老。死有生。生不有老。死誠如其言。則是窮身四合之後。覓心四蘊之先。猶若環輪。孰爲終始。其於毗舍浮佛。可謂各夢同牀。而所謂幽明鬼神死生。皆作廣長舌相矣。今此偈總二十八字。前半偈中有箇入頭。便能於好惡交加之際。是非逆順之場。心心無間。念念無生。無生習熟。緣生漸疎。易粗爲精。身心不能籠罩。合下見大。

自在覺矣。

夫雲有聚散。水有昇沈。日月交遷。時序代謝。好惡相凌。興廢相禪。千態萬狀。變化無端。究其所以然之說。則彼種種奇特。變幻神智。莫測者。不異夢中所見。推夢之所自。則由晝想所成。推晝想之所自。則耳目無待聲色。無根。所謂當處出生。隨處滅盡。聖人豈欺我哉。乃衆人聞生則喜。聞死則悲。又有失常者。聞死則喜。聞生則悲。是皆蔽於情。未達於理。故也。至人設教。難以盡同。達本忘情。則千途一致。余讀龍勝大士死生偈。頓見周易原始反終之旨。偈曰。若使先有生。後有老者。死者不老。死有生。生不有老。死。若使有老死。而後有生者。是則爲無因。不生有老死。偈旨皎如日星。不待窮搜竭思。然使衆人道其所以然。往往瞠目如見。父諱推其所蔽。特不能原始反終耳。苟能之。則知始不本於終。始何所始。終不本與始。終何所終。始何所始。未嘗始。始也。終何所終。未嘗終。終也。始終不惑。則喜怒哀惡吉凶禍福死生成敗。果有所以然者。爲之耶。果無所以然者。爲之耶。至是則所稱極天下之。

難明者。譬如明鏡。湛水。見我鬚眉。又何。夫無欲。則無生。無生。則不煩所資。故有生。必有所自。資生。亦有所本。是以孝親。忠君之途。關矣。如達身爲患。資爲患。媒而以四大。觀身。則患本可拔也。苟拔患本。資生奚藉。以是之故。親雖至慈。君雖至嚴。皆謝而不顧。慈始弘焉。嚴始重焉。雖然。情爲化母。羣有皆子。能卽子得母。卽母而得母之父。則弘慈重嚴。亦非常之道也。

夫至愚之人。使其蹈湯火。則畏燒。煮雖強驅之。而不肯入。五欲湯火。燒煮衆生。法身慧命。非止一朝一夕。而人甘心蹈之。竟弗畏者。豈其喪心。病狂哉。蓋計其皮囊爲淨器。計無明心爲命根。不能以四大觀身。四蘊觀心。故也。今人於眠臥之際。枕子稍不安穩。則不能睡。必安之。而後適。死生於人。亦大矣。人皆公然自安。略不爲之計。何哉。

逆究常光。初無聖凡之地。以其有覺。無外。自作夢緣。緣實無從。無待。成待。始乎三細。終乎六粗。粗細有常。衆生豈有覺路。常光不變。昏動之機。何生。故曰起惟。

法起滅。惟法滅起滅。雖殊法本無二。譬如泡生於水泡外。無水。水生於泡。水外無泡。又如風中鼓囊。光裡揀明。誰爲能揀。誰爲所揀。孰爲內風。孰爲外風。孰爲是水。孰爲非水。故名此法。眞不思議。夫不思議者。非不可思議。以不思議之外。別無法思議。不思議。故然一切衆生。善思不思議法者。卽能一塵入正受。諸塵三昧起。故曰非不思議也。由是觀之。凡作佛事。以無利之利。爲利。利莫大焉。以有利之利。爲利。利莫微渺。何以故。無利之利。稱性而發。有利之利。因情而施。稱性而發。妙契無生。因情而施。醉夢緣生。妙契無生。雖微細之施。福等虛空。醉夢緣生。總施國城妻子。得益甚小。良以無生。則無待緣生。則有住。無待則無外。有住則有所無外。則更無有能壞無外者。有所則有能。若壞其所能。亦隨壞。故住色生心者。終受色壞。不住色生心者。色不能劫。然無壞之妙。可以神會。難以事求。有住之情。可以圖度。易以算料。昔有一僧。造大銅鍾。若干斤。出門偶值貧婆。問僧何往。僧曰乞銅造鍾。去貧婆信手施破錢一文。僧強受而嫌其薄。卽投之。

寺河旣而僧乞銅數滿鍾鑄七火而當鍾要處卽有一孔僧怒曰我鑄鍾心亦誠矣七火而鍾孔生如再鑄而孔不滿我必投身洋銅與之俱化亦甘心焉時有異人曉僧曰鍾不圓滿無他故以公昧却最初檀越信心之施故也僧熟思良久曰我知之矣我初乞銅值貧婆施錢一文時我嫌微投之寺河於是遂斷河吸水水涸得破錢擲向所鑄七火銅內一火而鍾圓矣悲哉無心之施則與不思議合刻畫而捨則與無明爲前茅比徑山刻大藏有計利而不計法者則以爲與和尚刻莫若自刻費少而易成且得我利者皆我眷屬僮僕有計法而不計利者則以爲我但施錢與和尚刻藏渠真實爲我刻經我將無作有必所甘焉且佛語無妄我必賴刻藏因緣僧緣生而植無生之因終當出苦願不偉哉或謂計利者不若計法者達觀道人則不然計法固勝於計利者然皆出有心豈若貧婆聞僧乞錢之聲未竟信手將一破錢施與謂之有心貧婆初不作較量功德多少念謂之無心則木偶人不解布施靈山會上我大覺老人拈花

示衆惟飲光破顏微笑達觀道人向無公道處作公道斷以爲貧婆與頭陀當并案結欸如是則計法計利者自知負墮也

金湯大法不越乎折攝二門折則佛祖猶有所訶斥況其他哉惟攝一門網羅怯弱之機盡矣雖然若未得佛祖之心則佛祖亦不易罵如德山以大藏爲拭瘡紙布視和尚以文殊普賢置視當之間不聞諸方具眼尊宿訶之者脫未得佛祖之心孰同肯首邇來大人不現魔外充斥無論黑白微有知解便謂已了於古德機緣之中綱宗不別明暗猶豫得爲虛名甘昧自心強橫批判逞一時之情結長劫之業此所謂因地不真果招迂曲譬如紙花終難結果吾知其這點虛名終須亦自打潑了不若自附怯弱隊裡雖未得佛祖心且信佛祖語精嚴奉行敢保萬無一失如未能爬莫學走多少穩當爬未能而強走吾知其墮坑落壘終有日在黃龍心始了此事故其筆頭三昧生殺縱橫折攝自在

貪之與瞋固俱是毒然莫若癡之毒尤甚夫何故吾

心不癡則貪與瞋無所從起。及貪瞋既起。癡而不覺。貪則如海吞流。瞋則如火燒山。造無量黑業。受苦長劫。難以芥石喻之。既究苦之。所以然則離癡無貪與瞋。苦自何來。然癡生由乎不覺。不覺復由乎覺。覺既本覺。緣何生癡。耶。以其覺外無覺。能覺本覺。故本覺亦不能自覺。本覺若能自覺。謂之始覺。則可謂之本覺。則覺外有覺矣。而本覺之義安在哉。以此觀之。唯本覺不能自覺。所以癡生。癡生起貪與瞋。而貪瞋之極苦報。必酷酷則難堪。難堪必究苦毒之所自來。始了知貪之與瞋。初本乎癡。癡復本乎本覺。本覺則無所本。本無中邊。安有內外。靈然而無我。則誰受其毒。靈然則癡本自無。既悟此理。以理治情。情弱復本。本復而哀諸未復者。乃乘智願之輪。究轉一切。碾斷癡根。同登無上。然後乃快此聖人之心也。故曰。淨法界身。本無出沒。大悲願力。示現受生。

夫念息塵忘。故忘而無功。塵忘念息。故息而無力。無功無力。故道成無作。無作之作。違順解脫。違順解脫。根塵熾然而無待。以熾然故。則淨佛國土。成就衆生。

故一針一線之施功。雖細而不昧。以無待故。故細而不昧之功。功齊等空之福。即此觀之。能所未忘。則根塵乃鬼獄之師。根境脫落。則能所乃無生之導。何以故。稱性而修。我不欲忘。而能所自忘。因情著力。我欲忘。而根塵愈結。所以得其旨也。熱惱凡夫。不異道中之聖。失其旨也。離欲聖者。取笑道前之輩。是故有志於出世者。必先知而後行。則功不虛棄。不知而行。雖舍身命等恒河沙數。終成業苦者也。

即用而酬數外無知。故離數無知。離知無數。數未嘗數。故何數非知。知未嘗知。故何知非數。如是了知。自然能所不立。而用不昧。故曰。即用而酬。初無聖凡。用處無疑。雖涉死生好惡之場。知本不累累。則非用也。故宗門貴用處不昧。不昧即照到耳。約教而酬。雖等覺亦有所知。愚兩種不能破盡。至妙覺則無愚可破矣。此論說到不拘用到也。若伶利作家。待渠問時。伸一指。反問渠。知此指否。彼曰。知則曰。識得一萬事畢。更問甚齊頭數。不齊頭數。渠若不薦我。且出身去也。右紫栢老人說。老婆禪。誑嚇禪。雖不知是甚麼心行。

疑則參取

法無可喻。法若可喻。法亦喻也。惟聖人知法不可喻。而種種喻之者。不過一時方便耳。若喻以空空。雖無際而不能出生。一切若喻以地。地雖能出生。而有邊畔。若喻以水。水雖融通。而有枯竭。若喻以風。風雖鼓舞萬物。而有息滅。若喻以火。火雖明能破暗。不可攪觸。觸而附物則生。離物即滅。若喻以樹。樹雖能種種花果。而離地則根無所托。若喻以蓮花。蓮花果同時。而離水不有。若喻以薔薇。薔薇雖香。秋風忽生。香亦隨盡。若喻以摩牟。夜光兩者。雖蓋世奇寶。而不若法之虛微靈通也。至於喻以龍。喻以師子。喻以大人。喻以王。喻以父。喻以母。喻以大。喻以小。喻以長。喻以廣。喻以方。喻以圓。喻以曲。喻以直。喻以動。喻以靜。喻以屈。喻以伸。喻以待。喻以要。而百喻千喻。法不可喻也。余故曰。喻者。聖人一時應物之方便耳。是以執喻而難法。不知法者也。

夫根之與塵。初非兩物。衆人不了。橫計成迷。如以慧眼觀之。見雖非樹。離見無樹。樹雖非見。離樹無見。以離見無樹。故樹有而非存。以離樹無見。故見有而無。

我樹有非存。雖萬象縱橫。而無物當情。見有無我。卽熾然分別。而無我當物。根之與塵。往復觀察。兩無所當。而衆人於兩無所當之場。境分好醜。心存愛憎。萬死不知。得非開眼作夢者哉。

夫姪習不難克。難在知姪之所以然。所以然明。則能尋流而得源矣。流譬心也。水喻性也。水本靜而流動。能了動外無靜。則心可以復性也。心既可以復性。率性而治習。猶殘雪撲紅爐之焰。習豈能久停者哉。雖然。復性不易。苟非達心無體。全性爲心。其孰能之。夫惡無大小。善無淺深。而有心爲之。則罪大功微。何哉。良以無知爲惡。雖有丘山之罪。而君子譽其無知。猶乃恕之。故物莫不善於有心。有心爲善。則有執有執。則有邊際。唯無心爲善者。始福等虛空耳。由是而觀。有心爲善。尙不可況。有心爲惡。手易戒。有心老亦戒。有心然觀其象。而察其爻。亦未始無心也。老亦不敢爲天下先。而不敢者。寧非有心乎。故有心無心。唯聖人善用之。無入而不可也。自非聖人不唯有心。有過卽無心。亦未嘗無過。若然者。則初

心之人如何作功能辨此者可以讀易老

予受性疎放。懶於拘檢。雖爲比丘。忽略繩墨。本圖有益。乃反致損。如內典之於外書。滿字之於半字。凡百安置。必有倫次。以不知故。每犯顛錯。及閱大藏經。始痛悔而改之。永不敢以外書加於內典之上。以半字越於滿字之先。何者。經云。不辨半滿。忽略內外。凡所生處於般若種。永不清楚。及遭面貌不端。嚴報萬歷壬辰。於龍泉寺燈下。偶見案上衆書堆疊。不辨內外。甚驚怖之。夫苟欲拔苦非般若。爲迅航。迷津曷渡。非智慧爲燈燭。重昏寧曉。故有志求無上菩提者。脫般若種子不清。如蒸沙爲飯。縱經累劫。卽名熱沙。終不成飯。因書此以自警云。

迦旃延有慧辨善說法。要於大衆中以解行稱第一。常宴坐樹下有外道問曰。以我觀世人。但有此世更無他世。可得然乎。迦旃延曰。今此日月爲天。爲人爲此世。爲他世耶。若無他世。則無日月矣。外道俛首如是。轉折幾十。而外道情枯智訖。遂歸依之。或者問佛迦旃延富樓那皆有慧辯。何故佛曰。渠二人多生修

無我觀。故曰修無我觀。何以得慧辯。佛曰。汝不見鐘鼓乎。本無心念。而隨扣隨應。以其內本空故也。問者始解。

念佛求生淨土之義。義在平生持念。至於臨命終時。一心不亂。但知娑婆是極苦之場。淨土是極樂之地。譬如魚鳥身在籠檻之內。心飛籠檻之外。念佛人以娑婆爲籠檻。以淨土爲空水。厭慕純熟。故捨命時。心中娑婆之欲了無芥許。所以無論其罪業之輕重。直往無疑耳。倘平生念佛雖久。及至捨命。娑婆欲習不忘。淨土觀想不一。如此等人。亦謂念佛可以帶業往生。淨土以義裁之。往生必難。故廬山先造法性論。次開白蓮社。非無以也。蓋法性不明。則情關不破。情關不破。則身心執受。終不能消釋。以執受未消釋。故於飲食男女之欲。根斷不能拔。所以口念彌陀。神馳欲境。如先以破身心之方。教之漸習。而熟則能了知身與心皆非吾有此解。若成則身心執受雖未頓破。然較之常人高明遠矣。破身心之方。莫若毗舍浮佛。專心前半偈。最爲捷要。或先持千萬過五百萬過三百

萬過持數完滿。徐爲持偈者。開解之自然身心橫計。便大輕了。此計既輕。卽以持偈之心。持阿彌陀佛事。想西方至捨命時。則娑婆欲念不待著力。然後始空。何以故。乘解事想。故古德曰。先了身心。非有此智。既開專心念佛求生淨土。九人念佛。我敢保他無一人不生淨土者。此義亦本廬山先造法性論。開衆生知解。次建白蓮社。成衆生之行而來也。

予聞觀世音菩薩。初因古觀音佛而發心。曰。我若成佛。等觀音如來。以聞思修三慧。自入教他入。由聞而思。由思而精。由精而遺。聞遺則所忘。所忘則聞盡。以如是三昧。熏以悲智。治往劫之染習。陶鑄衆生之黑業。一切衆中。亦如我等。此願不成。誓不成佛。然於六根之中。菩薩惟用耳根。開圓通之門者。其本願應娑婆之機。又此以音聞爲教體。所以餘方諸大菩薩。數等微塵。非有慚德迦文。揀而退之。而獨進觀世音者。以諸大菩薩應當餘方。惟觀音大士獨當應此方故也。卽此觀之。則感應之道。若針芥函。蓋毫釐有差。便不恰好矣。雖神通智巧。於恰好中。莫能作小方便。

如方便可作。則諸大菩薩豈無神通智巧哉。予少時似與觀世音有大因緣。然予初不知大悲菩薩爲何神。予將祝髮。忽生變心。自思曰。我不祝髮。亦可修行。何必祝之。須頭光然後能修哉。衆助緣者。聞予言。皆爲之變色。率多不樂。時予偶睡。睡中見一老僧立於東南空中。遙指西南。一無所言。予因指掉頭。則見西南有一舟。滿載黑白異口同音。念南無阿彌陀佛。佛聲入耳。五內清涼。悅豫難狀。急走欲登其舟。然竟不及而夢醒。謂助緣者言夢中之異。僉曰。公既發心祝髮。中道而輒變。公與觀世音菩薩有大因緣。菩薩因現比丘身而爲公說法。予曰。了無一言。但手指而已。何曾說法。衆中有曰。菩薩以指爲舌。說法已竟。公自不解耳。予聞此音。而祝髮之心始判。然無惑。既祝髮之後。以予多生習染。兼受性情。悍雖爲比丘。於如來繩墨之度。不無忽略。此豈獨自心。了了亦難逃大悲他心。道眼之所照燭也。嗚呼。予祝髮將三十餘年。於萬歷戊戌三月初二日。停舟於襄河之岸。適有二三隣船皆進武當香者。自暮達旦。焚香誦經。似若不

紫栢老人集卷之三

明 憨山德清 閱

法語

貪則不止。瞋則不反。癡則不覺。是以無窮之苦。長劫淪墜。皆二者所致。然此三者。不越乎瞥然一念。果能念起。卽覺覺之不息。雖至愚之人。可以鑄三毒爲三德。猶已指之屈信耳。況聰明者乎。雖然。愚者欲寡智者多緣。多緣則精神不一。而照功有隙。故反不若愚人之專也。由是推之於世故之中。非智則不利。惟於學道。智爲大障。故曰以智治國。國之賊。不以智治國。國之福。或曰。旣以智爲障道。而念起卽覺。非智乎。曰智無二體。用之克念。則謂覺。用之利私。則謂智。且覺之爲言。如大夢忽醒。智之爲言。如夢中之計較也。故覺之與智。少有不同耳。

古人云。自訟此言。少通文義者。未必不能了了。然觸好惡關頭。便昧却了也。故知見愈多。行門愈廣。反爲障道之賊。此賊不滅。雖與佛同胞。無益。英靈男子。能於好惡境上。如急流撐篙。相似。篙篙不失。則萬斛之

舟。輕若鴻毛矣。且道好惡之流。怒如奔馬。若何著鞭。咄。直於好其人。知其惡。惡其人。知其善。好好惡惡。此知較然不惑。如明鏡當臺。妍醜交臨。本光常淨。便是篙篙不失的樣子也。雖然。亦有好惡不能瞞者。但知而不能行。不行之弊。非外魔障礙。乃我多生我相現。行爲之祟耳。此崇現前。卽當於我有仇之人。觀想其相。以其兩足。加我頸上。口呼我名。而罵我手。撻我頭。而恨我。爾時。反照自心。起惡念否。若有念起。卽當於是人作父母想。作如來想。直待我之惡念消融。譬如陽回大地。層冰頓釋。則逆境之賊。破矣。爾時。自信戰功可立。又於順境之賊。更增勇猛。凡所愛者。必以天下至公之理。痛折私驕。如折之不斷。卽作仇想。此想現前。愛魔自滅。如是頭頭不肯放過。愛魔之窟。破之何難乎。或曰。但以心外無法觀之。善惡好惡境界。自然不可得矣。何必瑣瑣碎碎。作這等体工夫耶。噫。慧勝而無實行者。是不知事障還須事消。理障還須理遣。故患弱病者。不可進之以瀉藥。患實病者。不可進之以參苓。若然者。慧勝而無實行。果勝乎哉。果不勝

手哉。知此可以言自訟之効也。

夫止觀無門。卽以昏散爲戶。昏散無地。卽以明靜爲源。是以善造道者。必以止觀之火煨昏散之鑽。煨之既精。精成定慧。故聖人反復乾坤而不亂定之力也。徹窮萬有而不迷慧之功也。若然者。凡卽明靜而爲昏散。聖則卽昏散而成定慧。如土爲器。善作者卽成上器。而不善作者卽爲下器耳。究始終而推之上器土也。下器亦土也。然上器以盛宗廟之饌。下器以貯輿臺之食。譬夫聖凡皆性。特苦樂天淵耳。故凡不可不仰於聖。苦不可不慕乎樂。仰聖在乎明道。慕樂必須斷苦。明道貴悟自心。斷苦必先絕惡。雖然自心未悟。則出苦之志豈堅。出苦志疲。則惡緣之本寧易拔哉。以是之故。自心不徹。難與言止觀之作略者也。○凡煉心者。必以話頭爲椎輪。然而有有心話頭。有無心話頭。有心話頭。則初機精進者。有無心話頭。則無功任運者。有有心話頭。於現行時。卽伎倆窮矣。惟無功任運者。生則於昏沉睡熟之際。死則於悶絕息斷之時。如水清珠。雖汨汨乎濁流之中。而光耀炯然。

也。余以是知尋常世所謂散心稱佛者。臨命終時。冀其得力。不殊一星之火。欲沸滄海。豈不愚哉。

夫嗜羶臭者。不可與語芳潔也。執狹小者。不可與語廣大也。然而至羶至臭。至狹至小者。身也。至芳至潔。至廣大者。心也。而天下自古自今。自男自女。自賢自愚。皆以至羶至臭。至狹至小者。執嗜而不厭。何哉。良以皆未悟至芳至潔。至廣大者。故也。如悟而知之。雖鳥獸蟲魚之微。亦莫不慕此而厭彼矣。況首出萬物。至靈至聖者乎。雖然此身之羶臭狹小。吾不件數而示之。此心之芳潔廣大。吾不若揭日月以明之。使其昭然共覩。天下豈能卽信之哉。噫。此身之羶臭狹小。自足至頂自內至外。周觀悉數。地則皮肉筋骨。水則涕唾津液。黃痰白痰。赤痰。又若血之腥。尿之臊。屎之臭。蛔蟯百蟲。蟠屈宛轉。伸縮浮沈。於五臟六腑之間。以爲高天厚地。嘉山秀水。奇花艷草。瑤宮金屋。珍饈寶味。皆樂之而不厭也。以臭爲香。以穢爲潔。以苦爲樂。竊謂是足以爲極樂矣。寧知天地之外。更有他樂耶。由是觀之。人爲萬物最靈者。而嗜執至羶至

臭至狹至小之身。曾不知覺何異乎。彼之烟燒百蟲。蟠屈於革囊之中。以爲至芳。至潔。至廣。至大。而竟弗悟者哉。且皮肉之類。感土而有濕者。感水而有暖者。感火而有動者。感風而有凡有。感必有還。還則所謂至癢至臭至狹至小者。皆不可得也。況嗜而執之者乎。豈不卽化癢臭狹小而成芳潔廣大之心乎。故曰。心山育功德。流馨萬由延。又曰。空生大覺中。如海一漚發。知此始可與語心之芳潔廣大矣。紙盡姑置之。○古人之交朋友也。取其長而舍其短。就其賢而矜其愚。長則補賢。則師是以心愈誠而志愈堅。德愈茂而身愈下。下則受。受則廣。廣則大大則無極。無極則不窮。不窮則能常矣。故反愆而責己者。進德之基也。含怒而尤人者。召禍之始也。冀其不窮而能常惡可得哉。

心無好惡。好惡由情。故情有愛憎。而境成順逆。也是以遇順境如登春臺。熙然與之偕忘。觸逆境不啻手白刃。撼胸與之偕死。嗚呼。人生若夢。憎愛如雲。夢有惺寐。雲有聚散。惟所以能惺能夢者。如太虛焉。故知

太虛者何妨雲之聚散乎。今有人於此。好其人。推之層霄之上。惡其人。陷之重泉之下。吾知其寸虛無寶。天光奚生哉。

眼光照境。初無憎愛。不爲旃檀先照。不爲狗糞後照。是謂平等光也。此片平等之光。在佛祖分上。一喜一怒。一哀一樂。無往而非本光於凡夫分上。熱惱雲中。時一迸露。而現行力猛。卽復蔽之。故曰。彩雲影裏。神仙現手。把紅羅扇遮面。急須著眼看神。仙莫看神仙。手中扇所謂雲之與扇者。卽五蘊坑中煩惱執著也。故善造道者。能於好惡難克之際。此光迸露之頃。著眼窺徹。不被現行所轉。是謂豪雄。少不精彩。痴雲頓合。始作觀照。則力費排遣。如一夫當萬幸克者。幾人哉。於光露之時。一肩領過。積劫無明。當下冰消。如兵不血刃。天下太平矣。

南印度香至國王。施無價寶珠。供養般若多羅尊者。時國王有三子。其季開士也。尊者欲試彼所得。乃以所施珠。問三王子曰。此珠圓明。有能及此否。第一子月淨多羅。第二子功德多羅。皆曰。此珠七寶中尊。固

無喻此非尊者道力孰能受之第三子菩提多羅曰。此是世寶未足爲上。於諸寶中法寶爲上。此是世光未足爲上。於諸光中智光爲上。此是世明未足爲上。於諸明中心明爲上。此珠光明不能自照。要假智光。光辨於此。既辨此已。卽知是珠。知既是珠。卽明其實。若明其實。寶不自寶。若辨其珠。珠不自珠。珠不自珠。要假智珠。而辨世珠。寶不自寶。要假智寶。以明法寶。然則師有其道。其實卽現。衆生有道。心寶亦然。尊者歎其辯慧。又戰國諸侯之所寶。惟以珠玉爲論。而知所寶者。惟齊威王。楚王孫圉而已。威王不以徑寸之珠爲寶。楚王孫圉不以白珩爲寶。是知所寶在此。兩不在彼。雖然。華竺不同。而邦風軌未始不同。故以寶爲寶者。照惟盈丈。以人爲寶。直照千里。震旦鼻祖。菩提多羅。知寶外無道。道外無寶。惟時有通塞。用有行藏。既而少林壁觀九年。得一神光。華聯珠貫。以色爲聲。聽之以目。順使心精。遣聞珠體。獨露靈焰。爲燈光。傳無盡象。先而不曜。晝後而圓。照不曜。近昏圓。照近智重。以悲承之。則燈又化爲高廣大車矣。是車也。暨

窮三際。橫徧十方。兼載凡聖。包學古今。由是而觀。則魏王之乘小大。何如哉。故曰。化家爲國者。不知道。化心爲道者。可以兼忘天下。予以是知萬物一物。萬神一神。唯善用其心者。何物非神。反是者。何神非物。何物非神。雖雲山重疊。眼絕纖塵。何神非物。雖靜默淵澄。心多窒礙。又曰。道遠乎哉。觸事而眞。聖遠乎哉。體之卽神。又曰。中有一寶秘在形山。然此寶復有解寶。行寶。證寶。忘寶。唯解寶者。則知尊其所知矣。行寶者。其實光漸將完矣。証寶者。寶雖已完。不忘則用不全。故惟忘寶者。乃能用寶也。嗟乎。寶之所以然。寧易知哉。知知而不能行。行而不能證。中道廢弛。証而不能忘。如人在甕。如魚在陸。且未能自用。況能用物乎。萬物浮沈。出沒苦海。雖人天有異。橫豎不倫。長劫迷墜。情爲其根。情之所起。以迷自心。自心靈徹。照極循動。動則有昏昏。昏又生動。昏動交加。如轆轤上下。靡有窮已。究竟實言之。情本於愛。愛滋貪。疾貪而不足。遂生不悅。好惡無常。互生互滅。於如意境。係戀耽湎。如醉如癡。害當頃刻。猶自嬉嬉。以相忘故耳。大都不忘則

一體生異。忘則異體如一。有一二有對。有對角立。角立之際。抗然爾我。微逆卽知。惟於順境相忘之至。異而如一一。則無對。無對難覺。又衆生最初受生。由愛而來。順境滋之。任運冥合。所以逆境易覺。順境常迷。能於順境照之不昧。則愛源漸竭。嗔波亦停。瞋不自瞋。由愛所生。愛旣漸除。瞋豈不滅。譬如伐木。旣截其根。枝柯自墜。瞋愛交損。亦復如是。

地無邊際。皆吾足履。聲無邊際。皆吾心聞。地乃所履。心乃能聞。所履者死。能靜不能動。能聞者活。而恒活。故萬聲不昧。巨細了然。恒故聲自起滅。聞者不遷。譬諸寶鏡。光明圓滿。象觸卽照。妍媸難瞞。唯其照而不情。叢應無迹。無迹之妙。應不流影。所以從古至今。彌照彌閒。我心本光。普應萬有。有未嘗闕足之履也。其亦如然。吾言地死。指物之權耳。根旣妙。身根亦圓。足不自顯。因地以彰。地不自露。因足以知。猶若交蘆。兩虛相倚。頓悟足地。能聞亦爾。

夫人之所以有生死者。以見思未斷耳。見則五利使也。思則五鈍使也。歷三界九地而言之。故所以有開

合也。五利使者。謂身見。邊見。邪見。戒取見。戒禁取見。是也。五鈍使者。謂貪。瞋。癡。慢。疑。是也。此十合言也。開則天台四教儀註中。可尋脩覽也。此十斷盡藏教。果頭位也。圓教七信相似位也。果頭七信二位。賢聖便能六通。縱任無違。山壁由之直度矣。斷此十惑。初修空觀。空分別我法二執。二執卽十惑也。亦開合有異耳。惟圓教修進。迥異常途。而一心三觀。圓修滿進。最初行者。存志意在直破根本。無明不在見思塵沙也。然而觀志堅猛。任運而進。見思粗惑帶落之也。如壯夫入陣。射人先射馬。擒賊先擒王也。然刀頭展處。王之左右。任運而傷者。未嘗不有也。王者根本無明也。左右者見思惑也。見思如盡。將破塵沙矣。然而非空觀能破。惟用假觀。此惑可破。塵沙之爲言者。言其不明者多也。不明者何法耶。謂世出世法。世則經濟王伯。天文地理。陰陽筭數。吉凶消長。文武維執。萬物所由。周知根本。出世則三學六度。十方塵刹。佛土或說法之軌度。生之儀種。種方便三十七品。及八萬法門等。一皆通徹。則塵沙無明斷矣。此菩薩初斷此惑。偏

遊十方國土承事十方諸佛。一一問明。一一印正。了無餘疑。自是而後。鳥玄鵠白。莫不知之矣。此假觀工夫。不過博訪先覺。無事不知也。言無明者。謂屬事面。牆也。塵沙既破。將破根本。無明矣。根本之爲言者。言其能爲一切衆生惑業根本故也。此根本無明。最初本淨。本不覺。故迷而循動三細生焉。此三細者。爲見思塵沙根本。見思塵沙是其枝條。枝條雖則先斷。根本猶在行者。此際惟以中觀之斧。破之。然此三細於楞嚴經中。分爲四十二品。破之。四十二位者。謂十住。十行。十迴向。十地。等覺。後兼前塵沙無明。故曰四十二品。初住菩薩。以中觀力。四十二品中斷覺。初一品無明而入初住。即能王百佛土。封疆矣。一佛土封疆一大千是也。一大千者。即積一千箇天地。謂之小千。積一千箇小千。謂之中千。積一千箇中千。謂之大千。而初住菩薩如此大千佛土。能王一百矣。

夫飲食男女聲色貨利。未始爲障道。而所以障道者。特自身自心耳。故昔人有言。功勞莫先於有智大患。莫若於有身。智即安心也。身即妄身也。夫安心者。託

物而生者也。妄身者。假物而成者也。然唯真心。物不生。物滅不滅。真身氣聚不聚。氣散不散。物者何。前塵之謂也。氣者何。四大之謂也。所謂妄心者。觸境生情。好惡代謝。從生至老。從老至死。綿然不斷。於不淨處。耽而味著。如自翫腦。執吝不舍。雖有良師父兄善友。言以覺之。非唯不能順然棄舍。改惡遷善。猶至於結恨者不少也。此縱妄心情。識順則軟。然逆則不悅。如此者。所謂人頭牛耳。又有勞勞勤勤。深謀遠慮。以養生爲計者。貧則冀富。富則冀貴。貴則冀壽。壽則冀仙。情波浩浩。無有窮已。此謂痴衆生也。究而言之。如此妄念。終朝汨汨。畢世辛勤。不過最初一點妄心。不能空耳。我故曰。飲食男女聲色貨利。非能障道也。障道者。惟此妄心也。此妄心又名智者。何哉。以其善謀能畫故也。若能廢此妄心。從前種種勤勞。如湯消冰。泮然蕩矣。然能廢此心者。非眞爲死生漢子。英靈豪傑。未易易也。金剛般若經中。須菩提首以降心爲問者。蓋知此心苦海源頭。生死根株故也。此心一廢。智識銷融。所謂真心者。如浮雲散而明月彰矣。明月照

世高低遠近。四海百川行潦蹄浴。處處影見。然未嘗有心也。惟悟此心者。雖凡夫而即佛矣。不悟佛亦凡夫也。妄心真心並陳於此。有志出世者。留心焉。妄身真身不暇言矣。

能所分而不斷者。良以能本非所。所本非能。然則能不自能。所不自所。能不自能。由所故。能所不自。由能故。所由所故。能則功屬於所矣。由能故。所亦功歸於能矣。功屬於所。則獨立者所也。功歸於能。則獨立者能也。凡謂獨立則無待。故曰不分。獨立則有待。故曰分。知此則得實相之用矣。實相者。毫無滲漏之謂也。

古人云。難易相成。是以難即易之機。故畏難者。謂之自塞。易機易者。靈而常通之謂也。通即易。易即變。變則神。

大智道人每曉人曰。世之迷倒者。莫甚貪欲而貪欲之起。起於前境。前境雖衆。惟男女色相最爲妖嬈。男愛女色。觀女如花。女愛男相。觀男如寶。綿著生愛。雖白刃甘蹈湯火。可赴敗名喪德。玷俗戕生。亦不暇顧。

矣。殊不知揭妝飾而觀之。四衢之中。頭蓬醜露。豈惟不生愛著。且嘔噦不勝矣。再揭皮而觀之。寧獨嘔噦。且不勝恐怖矣。再去肉而觀之。則白骨頽然。寧獨恐怖。已哉。始悟由空有。骨由骨有肉。肉由肉有皮。四者具而加嚴飾。乃能惑人。今天下紛然如登春臺。如觀好花。至死不悟。可不哀哉。奚若外嚴飾而觀其皮。外皮而觀其肉。骨肉而觀其空。外空而觀無生。夫無生者。衆聖之所宅。萬靈之所始。故曰。惟得始者。可以善終。如不窮其始。而死雖金棺銀槨。藏之吉地。謂之善終者乎。

作若有作。安能有止。止若有止。豈復有任。任若有任。安得有滅。惟其不作。不止。不任。不滅。所以能作。作止。止任。任滅。滅也。有人薦此。則三世十方五蘊十八界。拈取絲毫。許向人前拋擲。吾恐黃面瞿曇。亦無辣手。○楞嚴經曰。妙觸宣明。此語開剖。本光無剩矣。第學者思致不妙。往往當面蹉過。昔有堂頭問僧。隔壁聽銀鈎聲。即破戒。戒作麼持。僧曰。好箇入路。由是而觀。在身則爲妙觸。宣明在耳。則爲妙聲。宣明一根。既然。

何根不爾。又四祖信大師年十四。參榮大師曰。願和尙。與信箇解脫法門。榮曰。解脫則止。即今誰縛汝。信遂大悟於言下。古德有言曰。撞著撞著。無非入路。良不我欺也。

師曰。坐靜有三品。曰下劣。坐平等。坐上。坐下劣坐者。但能舌拄齦。齦關謹密。雙手握拳。夾脊天柱挺。堅不欹。以信力爲主。或持半偈。或持佛號。及呪上有嚴師慈護。下有法侶夾輔。是謂下劣坐也。平等坐者。初以識破根塵。識三界爲主。於三界始末。洞悉無疑。臨坐時。視身如雲影。視心如網風。別無作手。若能堅勁。昏散痛痒。自然剝落。或一坐半日。或兩三日。飲食不進。氣力仍舊。是謂平等坐也。增上坐者。是以洞徹本心爲事。或以古德機緣。關技癢者。自然凝結不化。若負戴天不共之仇。我不欲瞋。悶而瞋。悶塞破虛空。直得依正聖凡。合下盡翻。窠窟有此等志氣力量。累足蒲團。以刻超劫。而無超劫之心。到此時。昏散無渠。栖泊處。盡十方三世都盧。是一箇話頭。迥迥然在前。塞煞眉眼。忽然心地有爆苳之機。不生欣喜。何以故。

渠我故有今。適相逢有何奇特。是謂增上坐也。

小人與君子處。莫之然。恒有不快。君子之心。此正小人之情也。如小人幸而自知此情。痛力克治。則不煩。歲月便覺。與君子處。則快然。與衆人處。則惕然矣。從此以明勇爲前茅。克治弗已。將來與衆人處。則快然。與君子處。則惕然也。如至此。更克治之不休。則又非深於悟自心者。不能耳。

天機粗。遊佛語。卽障萬苦。駢集而天機深者。皆導師也。故曰。善用其心。觸處緣因。不善用心。頭頭障礙。如威音之前。未有佛興。而因緣無地。則威音之師。畢竟其誰殊。不知苦卽導。師何用。別徵然。威音之後。亦以苦亦以樂。亦以不苦不樂。雜示而爲熏機。又萬不同也。惟威音非苦煎逼。雖天機深覺。亦難開覺。開則一切緣因。皆從中流出。此威音果上之用也。思之則凡有疑滯。可觸類而通矣。

凡夫之知。周乎六尺。聖人之知。無外不了。然凡夫之知。離無外不了之知。則知無所本。如喚六尺之知心。爲自心。則心惟六尺。而六尺之外。毫無所知。如洗蕩。

此知則無外不了之知終不得矣。如不洗蕩此知則無外不了之知亦終不得矣。故曰：即能知不得偏知。離能知不得偏知。離即離非不得偏知。即離即非不得偏知。此聖人萬古不欺之言也。

大抵衆生之機不越四料簡。有高而不能下者。有下而不能高者。有不能高下者。有能高能下者。善教者隨機引接。

本通篇作證
下同

夫真心明淨本自圓照。極昏生瞢成業相。由是轉現頓興。冥然能所然而智相未起。猶無分別。因不了現相從自心生。妄生分別。分別即智相也。智相即是意識種種愛憎千態萬狀。變幻無常。妄分疆界。若無意識而眼耳鼻舌身之五識雖各寄根各守分限。然皆無分別。既無分別五本無五。則眼耳等識言一亦可言五。亦可六。根不能互用。總因意識橫計。眼則能見耳則能聞等意識。若空則眼耳識等終日見聞未嘗見聞。以無分別故。凡有分別即有能。所能分別者是心所分別者是境。心境角立。物我紛然。故迷彼明淨。所以一箇精明分爲六用。眼乃見色耳乃聞聲。情

塵交互妄生妄滅。無有了期。故眼離明暗則無見體。餘五亦然。見體既無。誰明塵相。塵相既無。見體亦無。塵見雙亡。元一真心。此箇真心。情生則轉爲根。塵情空則根。塵元是真心。根塵真心迷之成二。悟之元一。只此一名待二。乃有二。若不有一何所寄。譬如說箇不可得待有可得。有此不可得始有可得。若無不可得可得。亦何所寄。則前所謂業轉現三相及智相復歸元真。蓋迷元真而有此等悟此等而顯元真。此等元真不是兩物。譬如一箇醒人少有昏生。雖聞外聲又不明了。雖不明了又聞外聲。喚他作醒實不明了。喚他作昏又聞外聲。到此境界謂之昏醒相半。有人喚之則隨醒。邊無人喚之則隨昏。邊既隨昏。邊外不了。境內不作夢。昏然而凝。能所未成。少頃入夢。能所則有。初者謂之證。自證分二者謂之自證。分入夢則分兩分。能見者謂之見分。所見者謂之相分。法喻參合理自曉然。

色生處即是空生。空生處即是色生。萬法雖廣無越空色。苟能洞達。色空則無塞。非通無通。非圓圓則理

微事窮佛祖聖賢便可同一鼻孔出氣矣

根塵非物妄想成迷妄想元空根塵成滯余以是知根塵非妄想而不有妄想非根塵而本無不有則山河非礙本無則念慮非知山河非礙則無往而非身念慮非知則無往而非心無往而非身則塵塵刹刹皆功德之聚無往而非心則念念心心總妙應之機情與無情本來一片佛與衆生元非兩致是以衆生笑語卽如來圓極之談諸佛梵音卽衆生談諧之語或謂我但按指海印發光或謂我警歎涕唾皆西來意眞不我欺自是衆生不了自心非幻成幻直下知歸本來成現雖然造斯玄極功由慧力譬夫觀語實相者究語所從若生於覺觀外無匡郭則音韻不成若生於根器內無覺觀則鼓擊無由反復推窮兩端不有二既不有中又何來當體無依豁然獨露如是則豈五目之能窺四智之可測哉示弟子

修行易而悟心難悟心易而治心難治心易而無心難無心易而用心難如倚門傍戶者不可與語此也學佛者倚傍釋迦學儒者倚傍孔子學道者倚傍老

子雖却倚傍露地上立脚如師子王往返遊行跳躑自在了無依倚唯悟徹心光者信手使用若定上座從臨濟來或問如何是禪和窮到底定卽擲住鄰向橋下有同行者解之定曰若不是這老凍膿直教禪和窮到底定可謂信手使用者矣如是用出世卽名爲佛經世卽名爲儒養生卽名爲老彼倚門傍戶者譬猶賈舟自無勢力假冒他勢扁其額曰某翰閣某邵寺某臺諫以欺誑一切不知者鮮不望風而靡若彼眞主卒然相值則所冒扁不唯不敢炫燿而且覆藏之不暇矣嗚呼男兒家頂天立地睜眉努眼高談闊論孰不自謂聖賢豪傑之徒一朝撞著個沒面目漢子將無孔鐵椎輕輕敲擊未有不眼目動定支吾不及如是而安望其能知四難之旨乎

皮裘子曰外離無合外合無離離由合生合由離起以離推合合無所從以合推離離無所自至人知離合無我遂推自於遠近無常古今無待也是以先天而生不爲老後天而降不爲少近取諸身既其然矣遠取諸物未始有二道焉於六塵之中就觸塵推之

如此然受杖楚者不能免痛之始終則不免魂驚骨駭酸楚入心雖息斷形消神遊氣散而能知者尙抱痛取生生隔世矣而痛猶歷然或自祖而傳於父自父而傳於子子孫相繼積五代而痛始化嗚呼衆生積情積成堅至於賢女化爲貞石莫弘血光爲碧推其所以然之故始從迷性爲情情積而萬化無恒故變化者不出乎有待有待始終之別名也智者知其如此直推痛於未痛之前於既痛之後始終了無受痛之地正當痛時以勇乘明應念化痛爲樂痛化則在有而能無樂存則在無而能有在有而能無可以卷舒塵刹於毛孔在無而能有可以展毛孔而吐山河也故曰善觀察者卽一塵而入佛智乃今以觸之一塵始於離合相推延而至遠近古今靡不達也沉入塵塵三昧者哉

一切寤時於有色處則見色於無色處不見色此天下之常情也一切夢時於無色處則見有色於有色處不見色此亦天下之常情也惟達道者以夢時無色處見色之情驗寤時有色處見色之妄較如日星

更有何惑哉

夫疑情縱想則情愈滯而惑愈深繫意念明則澄鑑朗照而造極彌密心如水火擁之聚之則其用彌全決之散之則其勢彌薄故論云質微則勢重質重則勢微如地質重故勢不如水水性重故力不如火火不如風風不如心心無形故力無上神通變化入不思議心之力也心力既全乃能轉昏入明明雖愈於不明而明未全也明全在於忘照照忘然後無明非明無非明耳乃幾乎息矣幾乎息者慧之功也故經云無禪不智無智不禪然則禪非智不照照非禪不成大哉禪智之業可不務乎

僧問臨濟見大愚還如何黃蘗便知渠大事已徹師曰寒者得酒顏面生春飢者得飯精神發悅沉醉無上醍醐者哉

包萬物者天地也包天地者泰清也包泰清者知是何物有物則不能載有形無物則功何所存知則不疑疑則不知不知而不求其知終不知矣人爲萬物之靈知愚知賢知寒知暑知香知臭知古知今於是

物也而獨不知人果靈乎不靈乎

般若者真智慧火也。凡夫二乘皆有而不皆善用之。或執有或執無。知有知無。所謂真知也。真智慧火。觸有有壞。觸無無壞矣。

因境有之心。凡有而聖無。惟無生之心。聖凡共有。凡有而聖無者。有待之影也。聖凡共有者。無待之光也。向上一路。則又非無待有待。可能彷彿。惟本色衲子。鼻孔在手。所以生殺自在。聖凡交馳。正與而奪。正殺而生。夜光在盤。其宛轉橫斜。衝突流轉。不可以意得之。惟其不可以意得者。不可以即知求。雖知求非即非離求。

因送亡僧。骨入普同塔。問大眾曰。此把骨頭與天界寺佛牙。且道是同是別。同則凡聖不分。別則心外有法。速道。速道。衆無對。良久曰。一入普同。僧海裏慈悲波浪。漫天香。

饑渴燒心。令人熱惱。幾死少得飲食。濟之便覺無限清涼。不求而足。殊不知飢渴之初。有不饑渴者存焉。但肯徐而察之。如池開水。滿月忽現。前豈待傍人指。

事物類聚

點然後見哉。雖然衆人以飲食男女生飢渴。自衆人而上者。以功名生飢渴。或以義理道德性命生飢渴。雖復高明與卑暗之不同。而飢渴之前者。未始不同也。故君子急以聞道爲前茅。

夫空色一條。而或兩之兩之者。人自兩耳。所謂一者。果兩乎。若然。一若不兩。則萬物奚源。兩若不一。則衆人絕梯。聖之階矣。故曰。但願空諸所有。慎勿實諸所無。

梧桐壯。風芭蕉壯。雨梧桐。芭蕉產於地。而風雨來乎天。如風雨不資乎兩者之善壯。則飄風驟雨。乃知其威而微細。時桐蕉雖有若無也。故曰。天不資地。無以生地。地不資天。無以長。夫有形之大者。莫過乎天地。尚必相須。而能成其體。故毛蟲羽蟲。苟無雌雄。則其化也。易窮。今有人於此。進道德而退勢利。殊不知微進則退。無其母微退則進。無其資。若然者。道德勢利。初非兩物也。惟善用者。勢力皆道德。也不善用。則道德隱然流而爲勢利。昧者不知也。是故道不足。則以德濟之。德不足。必資乎仁。義仁義不足。必流於刑名。惟

聖繼聖則不流降是吾不得而知焉

古之憂天下者以飲食男女爲大欲思欲治之殊不知憂其一而不憂其二者也夫飲食男女若無能知則相悅之地甘味之本無由矣能知之不憂而憂所知是不知類也然能知難破類油入麪以其習熟成性苟不能洞明本心以無我而靈者治之則油終不出矣今天下號稱講道者不知能知是賊象養無法又力滋培之所謂無我而靈者亦終屈而不伸矣更有甚者認能知爲主人公爲見性爲良知噫喚奴作郎何其甚也夫螻蟻之知能周芥許鷗鷺之知能周數千里然究其所從名有大小能則一也故曰剖一微塵出大千經卷非聞道者不能焉如龍聞以神蛇眼聞牛鼻聞根易而聞不殊則能知者可以類推矣一身九想初皆強觀強觀力熟應念但見見脹則惡見壞則恐恐惡難堪計棄此身如厭死蛇腥臭逆鼻魂夢驚悚況復眼觀行者至此欲覓淫心等焦穀芽如石女兒十方推求五內徧搜一切毛孔往復搜剔臭穢薰蒸淫念何地推求一死乃快吾意一想力成

慾海頓枯若彼諸想一一成就何穢不滌穢想既爾淨想之因初無定相一微之忽忽而隨流流而不返計臭爲香由忽積刻由刻積時由時積日由日積月由月積歲由歲積劫由劫積迷如油入麪情不復性麪難出油一迷永迷覺路昏黑愛欲爲命升沉萬端六道板築三塗習熟刀血火燒飲食衣服苦痛無量徹心入骨聖人哀之教卽此想強觀不淨不淨功圓顛倒習化卽蛇而龍卽凡而聖長揖苦趣生死縛解無我之樂樂無有盡逆推其功由一想始發揮談論是文字般若若能勘破身心迷情是觀照般若佛與衆生同體是實相般若

此心本來喚識不得喚智不得故曰說是一物則不中奈何無性隨緣瞥生一念自爾之後三細六粗次第名焉所謂大圓鏡智者法身上用平等性智在凡夫時名染污識此染污非是外染污謂其計八識見分爲我究理言之見分實非其我以其橫執而計之爲此識體此識體以我爲主卽生癡見慢愛謂之四惑此四惑不比六識煩惱動心發念乃生乃是莫知

然然而凡觸境界自然而憎自然而惡此習最細又喚做俱生無明此就染言也若就淨言之六識作法空觀卽七識法執自伏如六識作二空觀久六識自轉爲妙觀察智久而精進觀力漸猛卽七識我法二執溶然冰銷成平等性智至於八識及前五識化爲大圓鏡智成所作智此二智在果上一念相應時轉不涉階級者也前所謂三細六粗者八識之異稱也由是觀之莫愁八識不成大圓鏡智五識不成成所作智但要六識上著得力見得透日積月深自然轉識成智六識既轉成智不坐頂墮加功不已七識自然轉平等性智此二智在凡夫最初發心出世一念至於第七地是其收功也至於八地九地十地及等覺皆無功用到也

此來佛法大患患不在天魔外道患在盲師盲七大錯耳一者以爲禪家古德機緣可以悟道悟道斷不在教乘上我且問你安禪師讀楞嚴破句悟道永嘉看維摩經悟道普菴肅禪師英邵武皆讀華嚴論悟道你謂唯禪家機緣可悟道教乘不可悟道豈非大

錯二者以爲知見理路障自悟門道不從眼耳入須一切屏絕直待冷灰豆爆發明大事始爲千了百當一得永得我且問你當世黑白中誰是有知見理路者你若果檢點得一個半個出我也不管他悟道不悟道敢不惜之只恐亦不多得一日王介甫問蔣山元禪師曰教外別傳可得聞乎元曰公有障且以教海資茂需根更一兩生來乃可耳今人去介甫遠甚尙未解爬先學走豈非大錯三者以爲念佛求生淨土易而不難比之參禪看教唯此著子最爲穩當我且問你淨土染心人生耶淨心人生耶半淨半染人生耶全淨心人生耶若染心人可生淨土則名實相乖因果離背若半染半淨生淨土者吾聞古德有言若人臨終之際有芥子許情識念娑婆世斷不能生淨土若全淨心生者心既全淨何往而非淨土奚用淨土爲如是以爲念佛一著子能勝參禪看教豈非大錯四者有等瞎公雞聞真雞啼假雞啼皆做効作種種聲以爲動念即乖本體思量便落鬼家活計況復有言乎我且問你此等見識爲是解爲是行解則

何乖動念何病思量。古人有五斗米飯熟後方能酬一轉語。亦不乖本體。諸大禪老皆許其悟徹。又曰。思之思之。鬼神將通之。非鬼神通之心開而明也。思量何傷。觀音聞思修三慧熏化一切。你偏以思量爲病。豈非大錯。五者人生未必無欲。有欲能制而弗隨。非賢者不能。又有縱而不制者。頗藉多生慧種。稍涉獵教乘。或得一知半解。卽眼空一切。以爲古人造理不過如此。本來無事。何必別參。於逆順境風之中。又東飄西蕩。作不得一毫主宰。我且問你。古人見得卽用得著。你這般沒頭腦。卽見得用不得。尙未夢見。敢無慚無愧。莽撞說大話。徒招苦報。豈非大錯。六者三教中人各無定見。學儒未通。棄儒學佛。學佛未通。棄佛學老。學老未通。流入傍門。無所不至。我且問你。你果到孔孟境界也。未若已到決不作這般去就。若未到。儒尙未通。安能學佛。佛尙未通。何暇學老。又有一等人。謂佛家道理先是義利關頭。便見不明白。何況聖道。且其書汪洋汗漫。卒不能摸其邊徼。不如各守己道。却不省事。我且問你。你悟佛心否。若悟佛心。心自

無疑。無疑則無悔。無悔卽入信。今你不愧自己天機淺陋。反疑佛經。豈非大錯。七者在家出家之人。較唐宋黑白天淵不同。唐宋時人若裴休、蘇軾於宗教兩途並皆有所悟入。或一句一偈讚揚吾道。猶夜光照乘。千古之下光不可掩。粲然與佛日爭明。卽吾曹或與之酬酢。若韜光禪師答白樂天偈寂音尊者酬陳瑩中之古詩亦自風致有餘。至於碑文經序雖長篇短述不等。然與修多羅若合符契。非眞得佛心者孰能臻此。至本朝自宋濂以來能以語言文字讚揚吾道者。不道全無。敢謂亦少。蓋唐宋諸公與方外人遊。俱能超情離見。裂破俗網。置得失榮辱於空華之中心。心相照如兩鏡交光相似。故其遺風餘烈後人自不能附贅。嗚呼。以情求道。所謂首越而之燕也。去情求道。所謂離波而覓水也。若人於兩者之間別有出身之路。不涉忌諱。管取不參禪不看教。敢保他悟道有日。如以兩者之間立脚跟不定。不若做個長行粥飯人。豈不是好。又今之僧俗或親師訪友。未見師友之心。便乃揣摩卜度。某師不過如此。某友亦不過

如此此心既生則雖如來復起亦不能利益渠矣況
其它乎凡親師訪友譬如摘桃寧暇管其樹之曲直
唯在桃美而已若然者親師訪友剛以情識求道豈
非大錯如是七錯我也是越口胡說一上不知黑白
賢豪以爲如何然此七錯亦是醍醐亦是毒藥能善
用之毒藥未始非醍醐不善用之醍醐未始非毒藥
我又問你此七錯一念未生時著在何處一念已生
時著在何處若人辨得出老漢與他提鞋擧瓶有日
在如辨不出不可草草惹他明眼人笑你去

念非忘塵而不息者蓋念與塵如形與影若謂形先
而影後影先而形後形影本非能所此皆未了心外
無法而隨情穿鑿者也夫心外無法法外無心然心
法若似二者何哉良由以理照之則心外無法法外
無心以情分別則物我抗然難以消釋橫謂見前分
別者我心何疑見前所分別者彼物何疑物我橫執
積執成堅堅塞十方何往非執辟如蜂蜜初無中邊
嗚呼此執之累我邇流窮源自無始以來至於今日
猶澆水於冰冰日漸厚堅者不化而厚者愈堅如是

積習堅於大地厚於須彌若欲破蕩苟非了悟本心
目前無待於境緣逆順中痛以無待之光智慧猛火
燒然力深則此習千佛出世終難化也靈潤法師野
火四來無逃避處同行逸散潤師即作唯心觀禦之
以爲火寔自心豈有心能燒心之理此觀稍入火即
潛息此乃破蕩堅習之樣子也如是而塵自忘而念
自消塵忘念消本心始全以全應物物無不順物無
不順雖應無應應而無應則古今中外誰物誰我即
如以我周旋於我我外何物以物周旋於物物外何
我故曰良其背不護其身行其庭不見其人也此蓋
自遠而習近者之能事也如得近者駕近以接物則
此道光大大矣示學者

圓顯方服頂冠束帶謂之黑白之徒此兩種人或由
儒而入佛由佛而入儒或終不相入或相入而變化
無窮儒亦可佛亦可此之種種迥而上之云何忽生
之前辟如大火聚上無一可泊泊則焦爛不旋踵矣
故曰衆生攀緣之心處處能緣唯不能緣於般若之
上由是而觀以攀緣心學出世法出世法皆攀緣也

以無攀緣心學世間法。世間法皆般若也。今有人於此。謂文字語言不足以見道。惟參禪究話頭。足以見道。如文字語言不足以見道。則永嘉讀維摩經而悟。六祖聽金剛經而悟。普菴肅看棗柏華嚴論而悟。天台智者讀法華經得旋陀羅尼三昧。如此樣子。難以廣舉。又宗門機緣。皆諸祖舊案。苟得其人。據案則典刑可步。賞罰可行。照用不惑。綱宗在握。於暗鳴叱咤之間。棒喝雷霆之下。偷心頓死。活句縱橫。苟不得其人。所謂千七百則葛藤。翻成魔繞。一遭纏縛。萬劫難解。何以故。見刺入心。故古德有言曰。文字語言葛藤。閒具本無死。活死活由人。活人用之。則無往不活。死人則無往不死。所患不在語言文字。葛藤顧其人所用何如耳。又外語言文字而求道者。即語言文字而求道者。世人謂之宗教。宗教既分。各相非。是一則以爲宗。可以悟心。教惟義路。義路惡足。明自心。哉殊不知精義則能入神。入神便能致用。悟心亦精義之別名。故宗門大老有大機大用。苟不入神機。用何自故。曰解得佛語祖師語。自然現前。眞萬古之名言也。常

黑庸白菽麥不辨。雌雄未識。妄自謂文字語言。我不必求之。離文字。頓然超語者。吾始快心。如此之流氓。中親曾勘驗十個。却有五雙。都懷此見。不化管取佛語終不悟。佛心終不明。兩者既無所入。復旁搜曲問。雖黃諸方某善知識。如何某善知識。不如何一旦利害當頭。死生信急。如何不如何。亦總記不起了。況能死生自在乎。故曰。憂不深。不免忽略病多。太細求精。刻鬼在我。願一切黑白賢豪。教不可不精。宗不可不明。教精則佛語我語也。宗明則祖心我心也。到此田地。即佛入儒。即儒入佛。終不相入。無可無不可。自知用處。誰搖動得。汝雖然。猶是途路之勞。向上一著。猶未夢見。在示法屬。

紫柏老人集卷之三

紫栢老人集卷之四

明 慈山德清 閱

法語

問汝一歲之前多少歲數。汝答一歲之前。父母陰陽交會如未交會。又問汝父母兩家念頭不動。則陰陽交會境界又在何處。若曉得父母念頭未起時。則汝之歲數多少。必定知得下落。如這一點不曉得。便是買檀香雕佛。佛中不解放光。若透徹了這一點。即狗糞雕佛也。解放光破汝覆盆之暗。且人生幾何。苦多樂少。生死不明。一息不來。驢胎馬腹。又怎麼撞去了。可不哀哉。古德云。三塗一報。五千劫得出頭來。是幾時。我則曰。出得頭來。休要問五千劫裏細尋思。示鑑生師問子。今現在之身。惡得而有對。曰。假借四大而有。問曰。四大未聚之先。子身惡在。對曰。身本無有。問曰。四大既散之後。子身惡在。對曰。亦無有。師舍然大笑。曰。子求身於四大未聚之先。既散之後。皆無有。獨現身假借四大而有。以理推之。得非兩頭。無而中閒有乎。兩頭既無。中閒獨有。恐無是事。子當熟推之。先有

中閒而有兩頭。耶。先有兩頭而有中閒。耶。倘推之精熟。觀智剖開。子然後再來爲子。痛究子心。又復何在。如究身未精。即乃究心。心終不精。故曰。審名以精義。精義以入神。入神以致用。此東方聖人。西方聖人。必由道也。故顏子則察肢體。黜聰明。老氏則曰。吾有大患。爲吾有身。若吾無身。何患之有。又曰。介然有之。行於大道。唯施是畏。老氏亦東方聖人也。若究其所歸。本與儒同宗。昔人曰。老氏之學。源易謙卦也。雖然。窮生死之故。究性靈之極。設不學佛。終難徹了。何以故。蓋窮靈極數之學。苟非滿證自心。事理無礙者。終未易明也。事則屬數。理則本靈。窮其理而遺其數。則謂之乾慧。極其數而昧其理。則謂之忽本。若夫瑜伽唯識。乃極數之書也。華嚴楞嚴。窮理之經也。數理俱精。如不透禪宗。乃棄公盡龍耳。豈能與雲作電哉。故學究身心者。身不精。則有生死榮辱之累。心不精。則有好惡是非之攻。故曰。究性與命。自身心始如忽身心而不究。雖讀五車三藏。終與身心何益哉。示阮堅之聖凡無門。門啓迷悟。迷悟無本。本於自心。自心不明。

以耳聞聲則信。以眼觀聲則疑矣。雖然以耳聞聲則好惡皎然。以眼觀聲則好惡何存於此了知毫無疑惑。方信不惟大士能以眼觀音人皆可以眼觀音也。嗚呼前境不化而融能根不解而脫此邊解也。如聞與脫功若不昧則境與根未始非本也。功若不昧則又聖凡不辨始覺無功矣。安有是處哉。示李聖奉
婆伽婆入於神通大光明藏。不二隨順現諸淨土。與大菩薩摩訶薩十萬人俱。其名曰文殊。普賢。普眼。金剛藏。彌勒。清淨。慧威。德自在。辨音。淨諸業障。普覺。圓覺。賢善首。法菩薩等共入神通大光明藏。嗚呼是大光明藏。豈婆伽婆與諸大菩薩獨有之而一切衆生果無分耶。雖然一切衆生迷無我靈知而認攀緣有我之知爲自心。是以貧女宅中之寶藏。窮子衣裡之明珠。現有而不能用。一切衆生皆證圓覺。此我婆伽婆之語也。昔人以具易證眞淨文禪師呼爲燥鼻奴。以文字義理障自本心。佛語猶疑而不信。妄改聖經。則其所悟可知。已故曰不涉情解。當處現前。凡聖路斷。則所謂婆伽婆與諸大菩薩爾時向甚處安著用。

光曾參道人於長松蘭若。且自願持大方廣圓覺了義經。始而讀讀而成誦。既成誦已。則持之不假卷帙。用光能沂而上之初。則假卷帙再而棄卷帙。成誦誦而能持持而能精。精而能入。則所謂神通大光明藏者。與婆伽婆諸大菩薩。隨頭撞牆時。果有分別耶。如簡擇得出。則不妨他日流水野雲。桃源城市。驀然撞著。始能商量。賢善首老漢流通之句。時光能幾。聲色關頭。神通光藏。脫被埋沒。則生不若不生也。用光勉之體之。示那用光
夫華嚴大典。雖文豐義博。實雄他經。然其大義不過四分四法界而已。一念不生。謂之理法界。一念既生。謂之事法界。未生不礙已生。已生不礙未生。謂之事理無礙法界。如拈來便用。不涉情解。當處現成。不可以理求之。亦不可以事盡之。權謂之事事無礙法界。行者能信此解。此行此證。此總謂之四分也。又事理無礙法界。自大典東來。幾千載而黑白諸豪傑。莫不以爲此經是根本法輪。皆研精殫思。疏之論之。至於事事無礙法界。則如子聞父名。終不敢稱。謂縱有強

發揮者亦不過以理融事。事始無礙。若然則大雄氏於事理無礙之外。設此法界。豈不徒然也耶。又帝心之與善慧。或曰懷州牛喫禾。益州馬腹脹。天下覓鑿人。灸豬左膊上等語。乃不過旁敲耳。夫帝心善慧。皆文殊彌勒再來。彼二大菩薩於事事無礙法界。亦惟旁敲不敢正言。今子書是經於青山白雲之間。可謂大有勝緣也者。知子前三法界。可以智識通之。末後一界。子若不離智識而求之。則終不入矣。且離智識而可求之。則土木偶人亦可求之矣。何待子求。子若求而未通。未通之處。正好猛著精彩。拚命求之。如命根忽斷。則子所書之經。譬如塗毒鼓。擊之發聲。有心無心聞者。皆不旋踵而死。死後復活。再來印可。未晚也。示麟

活人之身固仁矣。尤莫若活人之心。爲不可思議也。活人之身以藥。活人之心以法。藥則有無難必。法則自心。卽是初非。有無可限者也。又心不活。心如水洗。水何以活之。能悟此。卽佛鑒耳。如有疑。卽不可放下。疑極更疑。疑若忽破。方可論鑒。示陳醫生

夫饑寒之於榮辱。貧賤之於死生。天下莫不以爲患。嗚呼。知其爲患。而不知患之所自。是之謂迷。迷則不覺。不覺則不能返。既不返。則自生至死。莫非背本而行。殊不知一生背本。乃至於無量生。如能直下返照。達本忘情。情忘則煩惱根拔。煩惱根拔。前所云患之所自得矣。得而治之。則皮煩惱立地根抽。始得治肉煩惱。骨煩惱。嚙皮煩惱。抽則六通縱任。無爲山壁由之直度。此謂枝末無明盡也。枝末無明盡。其靈用尙乃如斯。況骨肉煩惱盡乎。此三煩惱。世人名尙不知。惡知其義。義既不知。惡知其理。理既不知。惡知其道。而所謂德者。尤不知矣。夫名者。義之筌也。義者。魚也。義有衆多。會而通之。之謂理。理而行之。之謂道。行而功忘之。謂德。今欲治身心。而名義不辨。毋乃徒役其名。徒役其名。計治而有效。不亦癡乎。卽如有身。則有飢寒之迫。次之榮辱。再次之莫大乎死生。又有有心。則有好惡。順我則喜。逆我則瞋。自是而後。則有不可勝言者矣。故我大覺聖人。示之以毗舍浮佛偈。如讀而成誦。誦而推義。推義會理。理會可行。行則有證。示上人

夫貧者思富。富者思貴。貴者思安。逸安逸者思不死。殊不知從思有生。從生有富貴貧賤勞逸。以至萬有諸苦。不可勝窮也。故欲濟苦海者。必以無思爲舟楫。而彼岸始登焉。然思不能自無。必假聞道以無之道。不能自聞。又必假緣因爲之汲引。乃可聞耳。夫緣因者。誠諸佛之母。衆生之資。以相好爲緣因者。如觀德人之容。而鄙吝自消之類是也。以音聲爲緣因者。如一言之下。心地開通之類是也。又以聖教爲緣因。大善知識爲緣因。善友法侶爲緣因。以逆境爲緣因。以順境爲緣因。或以精進勇猛剝皮爲紙。折骨爲筆。刺血爲墨。寫大乘聖典爲緣因。故曰佛種從緣起。如是種種緣因。雖皆開道之助。唯最後刺血爲墨書經緣因。最爲超勝。但衆生身相執重。蚊蠅微而咬之。尚不勝怒而拂焉。使之不去。不已。況以利針刺指。血流心驚。而能挺然忍痛得終勝緣。苟非素常信心堅篤。識見超群者。豈易爲之。唐貫休尊者題楚雲禪師血書法華云。剔皮刺血誠何苦。爲寫靈山九部文。十指瀝乾成七軸。後來求法更無君。法燈當痛歇。此詩數十

遍則身執自輕矣。身執既輕。此經不過五千餘字。書之奚難哉。示法燈居士刺血書金剛經

夫吾曹於日用之中。不以吾我我所之光。照破交錯

憎愛之境。雖處幽閒寂寞之濱。無異乎馬足車塵之

地也。故曰。但自忘懷。無往不妙。碧雲寺語如奇等

予讀東吳支謙所譯阿彌陀經。始知諸佛頂光有小

大不同。有七丈頂光。一里頂光。百里頂光。乃至千萬

里頂光。唯阿彌陀佛頂光殊勝。無量攝山栖霞寺寺

背有千佛嶺。嶺有巖龕。如蜂房蠟穴。高低曲折。累然

布列。其佛身量亦有大小差別。先是齊徵君明僧紹

請法度禪師講無量壽佛經。感天雨四花。夢觀佛容

於是徵君據夢所見。覺後令鑿山成像若干尊。功未

半而徵君逝矣。其子某臨沂令。繼父志完之。自齊迄

元。將千載。其間寺之興廢。佛之成毀。皆因緣會遇耳

金元末屯兵攝嶺。將戰禱佛冥祐。及戰敗績。怒令諸

將曰。佛既不福我。祐賊佛即賊也。當毀之。雪憤。以故

巖龕像設。無擇大小。並遭損。或身首殘缺。以至耳目

口鼻臂腕錯壞。見者悲之。予雖不敏。敢籍如來龍靈

少生靈法

并素菴禪伯蒼方丈之獎愛。願脩補之。禪伯之孫名海印者。實聞予言。即願捐軀。圖之。嗚呼。徵君之幸。佛无术之毀。佛率佛心也。毀佛亦心也。用之善。則光流萬世。反是則惡塞虛空。虛空有壞。惡名乃滅。慎之哉。且心外無佛。佛外無心。心佛情消。常光獨露。肯心自許矣。此光有七丈。至有千萬丈。及無量國土者。非諸佛道。則是皆因中所願不同也。海印來前。予東西南北之人。去往無常。姑書此以遺。若其勉之。書示海印

一蠶在耳。鳴若雷。震一蚤在懷。攢咬不寧。況乃四大毒蛇。盤糾一身。人不知怖。非喪心病狂。土木形骸者。孰能堪之。至於四蛇相鬪。力有強弱。勢有輕重。火蛇乘勝。則心骨蒸燒。風蛇敗績。則四肢不舉。土蛇質重。水蛇性寒。一有中我。寒痛酸麻。精神恍惚。若楚萬狀。雖名曰人。與鬼無異。病後思之。可懼可驚。是以毗耶城中。淨名居士。示疾說法。指四蛇爲大患。呼五欲爲鳩毒。彈偏斥小。歎大褒圓。會蠱入妙。百千伎倆。淨佛國土。成就衆生。若然者。病與不病。願其人用心。何如耳。善用其心。大患鳩毒。即廣長舌。相喚何物。作病文。

子不遠數千里。抵燕京。一旦遽疾。將若不起。仰簪三寶光。彼得再生之路。病雖漸愈。而長途南還。秋高木落。悲風慘悽。行者依依。此時能思病中苦惱。較今者秋容溢目。秋履飄然。不急於此中求個無疾病方子。作箇自在。無患人前。愧淨名老漢多矣。文子來前。吾問你正病時。有不病者麼。文子不能答。道人叱咤曰。隔江見影。橫超去。先後無心。分別他文子。薦得四大毒蛇。未始非四等慈也。示寂言文子

淨法界身。本無生死。譬爾情動。十界昭然。由粗而精。由苦而樂。則地獄界。因十惡所感。餓鬼界。因慳妬所感。畜生界。因癡淫所感。人界。因持五戒所感。修羅界。因修善兼壞。詐所感。天界。因十善所感。此六界。謂之六凡。聲聞界。因四諦所感。緣覺界。因修十二因緣。還滅所感。菩薩界。因修六度所感。佛界。因修無上菩提所感。此四界。謂之四聖。若由精而粗。由樂而苦。則不能入佛界者。在菩薩界。不能入菩薩界者。墮緣覺界。不能入緣覺界者。陷聲聞界。不能入聲聞界者。墮天界。不能入天界者。墮修羅界。修羅界不能回心。則墮

畜生餓鬼及地獄界人界不回心亦墮畜生餓鬼及地獄三界。嗚呼一心未生。凡聖皆不可得。唯淨法界身圓滿無缺。一心既生。則聖凡判然。毫不可昧。是以修行之者。以十界鏡心。凡念頭起處。當知自己所入所墮之界。如掌中見紋理。條然明白。如於十惡境上生心。卽知是地獄界。因於慳妬境上生心。卽知是餓鬼界。因於癡淫境上生心。卽知是畜生界。因於五戒境上生心。卽知是人界。因於嗔詐善境上生心。卽知是修羅界。因於十善境上生心。卽知是天界。因於四諦境上生心。卽知是聲聞界。因於十二因緣境上生心。卽知是緣覺界。因於六度境上生心。卽知是菩薩界。因於無上菩提境上生心。卽知是佛界。因然而地獄苦有輕重。餓鬼飢有淺深。畜生癡淫有厚薄。人道有富貴貧賤。修羅有強弱。天人有優劣。聲聞緣覺有巧拙。菩薩佛有差級。是皆衆生日用業力所感。如鏡照面。好醜宛然。然地獄衆生。欣慕餓鬼。餓鬼欣慕畜生。畜生欣慕人道。人道欣慕天人。天人欣慕聲聞。聲聞欣慕緣覺。緣覺欣慕菩薩。菩薩欣慕諸佛。何啻泥

蟠之龍之慕雲霄。蹄涔之蟲之慕滄海哉。乃有一種癡人。厭浮生有限。壽樂不常。欣慕仙道。以圖長壽享樂。永久殊不知地獄衆生一念能發無上菩提之心。乃至直超菩薩境界。況天之與人修羅之與仙乎。如在人道中不能發無上之心。培佛種子。則不若地獄中能一念發菩提心。衆生遠矣。且地獄之苦。不爲極苦。女身之苦。最爲極苦。雖貴爲天子之母。自謂受福無上。殊不知訪道名山。參禪佛海。不若貧賤男子多矣。何者。女人障礙無量。嫌疑多種。一動一靜。一出一入。凡百所爲。受人禁縛。不得如意。貧賤男子則不然。但發肯心。訪道名山。亦由我參禪師海。亦由我遊行千萬里。亦由我深山靜坐。亦由我高聲念佛。亦由我歡喜樂道。大笑幾聲。亦由我縱橫自在。去來隨意。以此言之。則極貴女人。不如貧賤男子。明矣。然要脫女身。亦不難。但能信得善知識。言語透徹。反邪歸正。旁門小道。一頓併掃。朝去暮來。歡喜煩惱。忙閒動靜。昏沉散亂。種種關頭。毫不放過。惟以毗舍浮佛頌爲根本話頭。於一切逆順境上。綿綿不斷。歷歷不昧。持誦

將去如是做工夫做得三年五年若無効驗當來若不脫女身不惟我之舌根當破則十方諸佛廣長舌根亦當破也我發此誠實語汝等不能信受不能以十界照心警策日用墮大地獄現在招苦總怨不得善知識咄三塗一報五千劫出得頭來是幾時

示法

夫一心不生有無莫待況有聞見者乎雖然一心既生矣六根已備矣舍是而有入者未之有焉所至人說法或以舌根演之耳根入之或以身根啓之眼根入之以至鼻與諸根循環而闔其微無常而納其妙若然者則凡悲歌感慨唾罵譏訶棘林瓊樹衣冠禮樂鼓吹笙簧飲食男女是非好惡戈矛交加鼓而進之金而退之寂寞雲林喧囂市井皆如來廣長舌相也有入無入顧其聽者何如耳萬曆歲在癸巳春三月十有一日夕陽在峯爐煙凝翠虛堂若鏡心眸澄淨時開郎趨入肅拜而立齋頭有身根說法眼根聽受舌根說法耳根見納之語予不覺舍然大喜曰吾子可謂知言矣因援筆書此以廣其義焉

示道

聖人設律所以防奸邪祖制綱宗所以防魔外是以

是凡是聖若不打這箇圈圍裡過得縱有些微見地皆非正因故巖頭禪師曰但了綱宗本無實法年來去佛遙遠真子箇出在處逐隊成群胡吼亂吼若遇箇作家拈大明律一條據賊問罪直饒你古佛再來也須納款況小根魔子者哉雖然如是且道末後又作如何話會天上樂有盡人閒苦不窮百年如曉夢莫待醒來空

老漢挂搭清涼山中一日浣禪人白曰浣患熱病幾三月時浣母視病旁頭不堪怨而祝曰這厮何不早死於是浣知母慈不及佛慈多矣老漢不覺愴然久之乃謂浣郎曰汝知言矣然而猶未盡善也佛慈之於衆生雖天覆地載空包萬有亦難喻之況情愛之父母乎父母觸惱至極則怨心猶生衆生觸惱如來遠經塵劫猶且委曲方便慈護之不暇不至成佛終不已也是觀之佛慈母慈豈可同年而語哉

示浣

萬曆辛卯仲秋三日達觀老漢被業風吹到一處名曰華嚴菴菴前有流水菴背有青山青山與流水廣長舌相寒時老漢問浣禪人曰此菴名甚麼對曰華

嚴菴老漢從容就上一拶我聞華嚴有四法界。一曰理法界。二曰事法界。三曰事理無礙法界。四曰事事無礙法界。且道理法界現前。時事法界在甚麼處。事法界現前。時理法界在甚麼處。事理無礙法界現前。時事事無礙法界在甚麼處。若謂理法界即事法界。事法界即理法界。此便抹略前兩重法界了。也只成得個事理無礙法界。若謂事理無礙法界即事事無礙法界。則是釋迦老人開事事無礙法界。成個有名無實去。又四法界中前三法界特爲後一法界作前茅耳。是以前三法界饒你透徹了。了第四重若過不得。不免逢緣觸境種種障礙。去此種種障礙亦非天降亦非地湧亦非人與亦非境礙其病根只在事無礙法界關捩子。卒未能掉臂過得此個關捩子。非但今時學人透不過去。昔有一座主內外淹博於黃面老子所說一大藏教。無不指掌明徹。於孔老百家亦無不詣極。自謂經世出世無不了當。且有一條好熱肚腸。病天台賢首慈恩三宗及外教侮慢佛法。互相冰炭。擬作一書折衷三宗。增墮內典。適有一禪

人問曰。我聞座主欲折衷三宗。不知座主是誰家兒。孫座主曰。本宗賢首禪人曰杜順。是華嚴第幾祖。座主曰。是第三祖。禪人曰。此老有個頌子。曰。懷州牛吃禾。益州馬腹脹。天下覓醫人。灸瘡左膊上。敢問座主如何理會。座主舌大而不能答。禪人曰。此是你本宗關捩。尚透不過。敢折衷他宗乎。由是座主發憤參方去。達觀老漢即今爲現前大眾。再下個註腳。使人人管取當下了徹。雙林傳大士乃彌勒菩薩化身。渠亦有個頌子。曰。空手把鋤頭。步行騎水牛。人從橋上過。橋流水不流。若謂傳大士頌子與杜順老漢是同。則彌勒菩薩乃慈恩之始祖也。杜順亦文殊菩薩化身。乃華嚴第三祖也。而慈恩本宗相宗華嚴本宗性宗性之與相。從來冰炭不相入者。如何說同。若謂是異。相宗如波。性宗如水。波不離水。而有水不離波。而顯如何異說。又臨濟有個四料揀。一曰奪人不奪境。二曰奪境不奪人。三曰人境俱奪。四曰人境俱不奪。汝大眾且道。四料揀與四法界是同是異。謂同則饒你華嚴四法界重重了徹。於臨濟四料揀中又透不過。

謂異則臨濟所傳佛心也。華嚴四法界所詮佛語也。豈佛心與佛語自相違背者乎。老漢生平不耐扯葛。祇今日則爲現前大衆於華嚴四法界中如盲人摸象相似。乃老婆徹困如此。雖然永嘉大師有言。曉末法惡時。世衆生薄。福難調治。聞說如來頓教門。恨不滅除。令瓦碎。嗚呼。聖人慈悲之心。豈啻天覆地載而已。豈啻慈父慈母而已。但衆生不悟自心。故不知佛心。既不知佛心。安知佛語。宜乎於四法界中。攪頭攪腦。左滯右礙。過在未明自心耳。且道如何是自心。懷州牛吃禾。益州馬腹脹。天下覓醫人。灸猪左膊上。咄。莫道是兩重公案。疑則痛參去。示說上人夫慈惠之與謙謹。含渾之與精勤。深靜之與光明。而殘刻之與我慢。褊急之與因循。輕浮之與昏庸。此六者之與彼六者。果一物乎。果多物乎。嗚呼。善惡無常。靈妙如幻。唯了悟自心者。能力行善用之。雖殘刻亦慈惠也。如存我未忘之徒。雖慈惠亦殘刻也。以此觀之。慈惠之與殘刻。果一物乎。哉。果二物乎。哉。顧其入用之靈妙何如耳。故曰。善造道者。不煩千日之功。靡

不臻其妙。詎不信夫。示開轉者

師問本公。居常人謂色身有壞。法身不壞。且道夢時法身在否。本曰。在。師曰。夢時身與醒時身同否。本曰。醒時身有壞否。本曰。有。壞曰。夢時身有壞否。本曰。不。壞曰。醒時身既有壞。則夢時身應同有壞。夢時身既不壞。則醒時身應同不壞。弗爾。即不可言同。如何。甄別。○師問本公。凡作一字。少一畫。可成字否。本曰。不成。曰。有義否。本曰。字既不成。安得有義。曰。畫全成字否。本曰。有。義。否。曰。有。義。師曰。且如身字。有幾畫。本曰。六。畫。曰。義在那一畫。本無語。少頃進曰。義在六畫。師曰。均等六畫。不均等六畫。以成其義。曰。均等。曰。總。均。別。均。若總。均。則義總在初。畫。餘五無義。別。均。則畫畫有義。散。則不成。本無語。二段俱示本禪人飲食男女。人之大欲。故能制大欲者。則可與言無上覺道也。夫欲之難制。甚於毒龍猛虎。於是覺帝願命之際。阿難請問佛滅度後。四衆人等。以何爲師。如來勅曰。我滅度後。凡我弟子。以波羅提木叉爲汝大師。能若是。如我住世無異。由是觀之。則波羅提木叉。既

爲佛子敢弗欽承。邇來去佛時遙。豈惟山陬海隅。僧徒不遵戒法。卽名山寶地。不知波羅提木叉。是何骨董。嗚呼。自心清淨戒根本。潔自心空寂定水本。澄自心明徹慧光圓滿。一念之忽。無端強照。所謂本具戒定慧迷。而爲貪瞋癡矣。自是從生至死。從死至生。死死生。纏綿業網。升沉靡常。或鱗甲羽毛。天冠人服。苦樂萬種。皆曰無明。故曰隨順無明。墮諸有。若不隨順。諸有斷。若然者。無明智慧。辟若一指之屈伸耳。予奪皆由自心。焉用他力。顧其人自肯不肯。何如耳。果自肯發心。雖至愚之人。渴而知飲。饑而知食。男而知女。女而知男。既辦肯心。卽將此知。知身非有。知心惟名。身心解脫。則逆順境緣。千差萬別。皆發揮我自心之光也。到此時。節智慧尙無地可寄。況愚癡乎。予以是知人無愚智。但在發心不發心耳。故智慧之人。肯心未發。亦與牛馬無異。現前大眾已往所作。從此無論既經拈闌以來。斷須共遵佛勅。杜絕女人。無令入寺。女人既不入寺。自然德香清遠。泉石生光。亡者得生。善處生者俱獲禪祥。少違佛勅。死者愈墮。生者

滅亡。現前大眾各各要知好惡。必以波羅提木叉爲

汝大師無得怠慢。無貽後痛。

示覺山寺僧衆

四明天童滅翁文禮禪師往淨慈參混源不契。謁育王佛照光禪師。照問。怎麼來者。那個是汝主人。公師豁然領旨。異日照再問。是風動。是幡動。這僧如何。師曰。物見主。眼卓豎。又問。不是風動。不是幡動。甚處見。祖師師曰。揭却腦蓋。照喜其俊。遇後松源。唱道。饒之薦福室中。問僧。不是風動。不是幡動。僧擬議。卽棒出。師聞之。頓忘前解。往參焉。蒙印可。師上堂。舉棧巖經云。諸可還者。自然非汝。不汝還者。非汝而誰。頌云。不汝還者。復是誰。殘紅留在釣魚磯。日斜風定無人掃。燕子啣將水際飛。嗚呼。汝看這滅翁老子。六歲卽知。有此事。見佛照發之見。松源了之及出世爲人。一機一境。片言隻語。生殺自在。魔佛膽落。辟如淮陰出師。霍光立朝。節制典刑。閉門造車。出門合轍。故曰參須實參。悟須實悟。用須實用。汝三人既皆割斷世緣。同心行脚。老漢雖不敏。有幾句淡話。布施汝等。前途作個主杖子也。須知好惡。始得用去。第一句斷得盡第

二句做得徹。第三句隨分過能於第一句中荐得不
唯可與佛祖爲師。要見滅翁老子面目亦不難。第二
句荐得管取汝等天上人閒受大快樂。去第三句荐
得又不若卽就目前隨緣度日亦好。何必水雲萬里
討甚勞頓。雖然古德有言。汝有主杖子與汝主杖子。
汝無主杖子奪汝主杖子。且道爲甚麼如此咄妙德。
菴中辭我去。兩行熱淚爲誰流。

此三則機緣皆是古人了大事之簾廬也。雖然行
在中途。卒風暴雨忽然到來。亦可以作個躲避。苦
架免得淋頭澆面。去汝三人旣取斷得盡第一句。
則念佛持呪誦經總屬第二句中。不知一切果斷
盡了我問汝等茫茫行脚畢。竟以何爲主杖子。辟
如樵夫入山不持斧子。漁翁入海不持網子。將甚
麼斫柴。將甚麼捕魚。汝等黑樓莽撞如此。竟不自
知可笑。可痛。老漢憫汝等愚癡。略特著當家的
持三則機緣授汝等。前途作個主杖子。大須要知
好惡如旃檀。不知其香。狗糞不知其臭。逆境不知
忍辱。順境不知厭離。忠言不知爲我。阿諛不知害

我如是行脚。縱行到頭白老死。有甚利益。由是觀
之。莫若不出門好。雖然男兒自有冲天志。肯落尋
常流輩中。畢竟此三則機緣不透。生不如死。

夫心術無常。聖凡緣起一切。惟其所憑。憑諸淨則人
法夢空。根塵迴脫。自心完朗。反是則三塗橫闢。萬有
沉淪。衆苦交纏。縛終古抱靈。男子可不慎哉。茲陸
生痛染習難除。乘勝道場。恭伏三寶光中。刺指血書
戒文。可謂嚴以自治。愼其所憑者也。將由凡入聖。博
度有情。道人血願。陸生無忘。示陸生

吾聞古皇先生有言曰。大凡物有累則力寡。如目累
於色。耳累於聲。鼻累於香。舌累於味。身累於觸。意累
於攀緣。六塵封蔽。一心光蔽矣。是以地大四塵所成
則能載有情水。大三塵所成則能載地。大火大二塵
所成則能載水。大風大一塵所成則能載火。大由是
觀之一塵不立則其力大不可思議焉。吾人封蔽六
塵而不知覺。終古若長夜。固有慧力而不知用。寧不
痛哉。示楚人

夫道心唯微。人心唯危。微之乘危。危之傾微。苟無志

以持之則微者繼不復矣。雖然微果非危乎。危果非微乎。微乎危乎。危乎微乎。今有人於此。苟有志於道德功名之域。不能尊其所謂微者。寧惟所願弗克。將靡所不至焉。噫。萬類紛紜。唯人最靈。不能重此而重彼。非夫也。勉馬大之

夫火非膏不延。膏非薪不熾。或者以火辟神。以膏辟精。以薪辟形。故精竭形腐。則神不留矣。若然。若火未嘗不在微膏與薪。則相不可顯。故曰相火者。火之皮膚也。若所謂性火者。豈可以耳目聞見之所既識。第責神而明之耳。

古人以衣惡衣。食惡食。則謂之能甘澹泊。大率惡衣不過樹蔬之類。惡食不過糟糠之食。吾雖不德。夏則喜著樹蔬。冬則樂服布裘。食則糟糠菜根。豈查靡所不甘。至於斷食。或一日兩日。或三日。習以爲常。略不經意。嗚呼。吾雖如是不知後之居喜福者。果能踐吾之志否。如能之。則叢林自然秀茂。鸞鳳自然翔集。法道自然興隆。山門自然無事。噫。青山流水。可以怡耳目。貝葉蘇燈。可以澄身心。天子不得而臣之。諸侯不

得而友之一介匹夫。而能臻此者。皆佛光所被也。可不自重乎。示喜福爭來

自佛法東來。天下但知有佛。而後有法。有法而後有僧。殊不知過去諸佛。現在諸佛。未來諸佛。及十二部經。皆以僧爲本源也。故曰。僧者。佛法所從出。而本源不清。則佛之與法。有若無也。乃僧之本源。則又基於性事。二戒性戒者。洞明自性。決了無疑。卽名性戒。事戒者。初則根本五戒。中則沙彌十戒。後則比丘二百五十戒。五戒者。不殺不盜不淫不妄不飲酒。十戒者。五戒後續。增不香油塗身。不坐高廣大牀。不故往聽音樂。不手捉金銀生像等。不過中食二百五十戒者。茲不暇述。是名事戒。邇來世道交喪。凡爲僧者。事戒茫然不知。況望其洞明性戒乎。涿州石經山爲天下法海。自隋阮祖以來。龍像蹴踏。振揚宗教。代不乏人。逮我明珠林鞠爲草莽。金碧化爲泥塗。究其病源。在吾曹性戒不明。事戒不持。故耳。老漢實於此山有大宿因。感慨今昔。不能坐視。於是命諸檀越。贖琬公塔院。已贖自隋以來高僧骨塔二百餘座。已復思業

既失而歸復而無所守不若不復乃集東雲居西雲居兩寺住持并執事僧等撞大鐘過法鼓稟報十方諸佛釋迦如來一切賢聖僧思大尊者彌公尊者諸護法靈聰本寺護伽藍神等授以毗舍浮佛傳法頌開性戒之本源也次告以根本五戒者培事戒之鎡基也爾等自今而後各宜懺悔前愆改往修來於毗舍浮佛頌始而能讀讀而成誦誦而無閒忙閒則性戒有日明於根本五戒勉強受持能千日不犯則盡形壽可持矣噫仰佛寵靈及大善知識委曲提拔性戒事戒果能如車兩輪如鳥雙翅保重不失則運遠騰空有何難哉咄八十翁翁上場來決不是小兒戲爾等也須知好惡則佛本源枯而復榮涸而復溢端在是矣

示東西雲居寺僧衆

汝欲他行實爲好事反求古之成大器於當世者無一人不從行脚中來也若不徧遊知識之門歷煉錘鎚之下而欲成器者未之有也雖然未必常行而不住亦未必常住而不行但當行則行當住則住其當行者或飽食閒居恣情肆欲不行而住其可乎其當

住者或逢辣手師承真正道友不住而行其可乎據汝所見以爲世緣擾擾不與佛法相應擬舍而他求殊不知佛法與世緣皆爲餘事於自己分上了不相干不若向擾擾處回頭轉腦看畢竟是甚麼不得作世緣支撐亦不得作佛法會取久而恍然自省則其工愈倍矣如或雖欲行脚求心不息緣念紛然今日某州明日某縣奔南走北目盼心馳至於白首終無成就直須按下雲頭捨著性命歷艱經險面皮若生鐵鑄成遇樂逢歡心志似純鋼打就心不到境境不到心如是則有少許行脚分耳

示慈航運侍者

夫利較名則名高於利名較身則身復親於名身較心則心又密乎身心較性性則復爲彼種種本故曰窮理盡性嗟乎性若可盡則欲盡者果何物哉其所欲者又果何物哉如金剛與泥人搭背而痛癢甚奇但未自知之者殊爲土地恨也

示陸季高

夫玄黃無咎咎生於情情若不生觸目皆道故情有理無者聖人空之理有情無者衆人惑焉古德云一心不生萬物無咎又曰自心取自心非幻成幻法由

是而觀則得心者千差。皆如膠境者一眞紛擾。嗚呼。森羅萬象。一法之所印。所謂一法者。果卽心而有耶。果離心而有耶。果非卽非離而有耶。學者於此。苟能諦審觀察。觀久緣熟。爆然心開。則離亦如卽。亦如非卽非離。亦如若然者。無往而非如矣。豈可以萬盡之哉。萬如當痛持戒珠。無爲五色囊之所埋沒。勉之勉之。示萬如禪人

夫情未變之初。謂之心。心之前。謂之性。性體本具。明靜二德。以性體無外。不能自覺。故強照。生強照。生則明靜之德變而爲昏動矣。昏動既作。則萬法生焉。而變化莫窮也。故名無知覺者。謂之依報。謂之器界。有知覺者。謂之正報。謂之衆生。此自本而末也。又謂之順流。謂其流逸前塵。陷於根界。夫根塵既備。有待。雖然似不可解矣。蓋由昏動昧之動散也。故又謂之昏散。嗚呼。昏散果何物哉。置我於生死浩然之中。顛連長劫。痛苦歷窮。竟不能擺脫消解。使我現前日用之際。如處覆盆之下。如盪飄風之中。無須臾明靜者。非天地非鬼神爲之。崇究其所以。必使我當明反昏。當

靜反動。人號萬物之靈。而昏散之權在彼。而不在此。所以無我而靈者。埋沒不振。本明不明。本靜不靜。皆昏散主之也。有志於收放心者。苟不能主昏散而受昏散主。則收放之功終難建矣。故曰。欲收放心。先究昏散之所以然。昏散之所以然。既明。則昏散之權在此。而不在彼。然昏散之所以然。亦不易明。如能明之。則由情而復心。用心而復性。如掌中見紋。理鏡中見眉目。自此乘明治情。譬如挾天子而令諸侯。孰敢抗命。故曰。率性治情。非見性者不能。又曰。聞道易。明道難。又曰。大事未明。如喪考妣。大事已明。如喪考妣。眞萬古之名言也。苟非喪心病狂者。誰不信入依此而行。功不虛棄。終歸無所得。則昏散名定。慧不名明。靜者。聖人蓋欲不忘復性之功也。此謂之逆流。蓋逆無明流而入法性海。故曰。隨順無明起。諸有若不隨順。諸有離此理昭著。雖至愚者。舉逆順梗槩示之。亦必了然。況智者乎。又常居飲食後。不覺昏沉。要睡。此斷不可縱情。必當以散動倒治之。則醒醒後。雖熟睡可也。其治散亂法。亦同。良以衆生日用。不昏卽散。不散

卽昏昏散散。散散昏昏。自無始以來。勞敝我如此。又一切病患。皆生於昏散。故善治昏散者。百病輕減。亦不易老。究其所以。不過要昏散之權。不屬昏散。而必屬我要醒。則醒昏之不得要睡。則睡散之不得。始試之於飲食前後。終徵不於卽昏卽散。而明止觀。由止觀而治昏散。昏散復本。則所謂明靜之德。不待召而至也。如問性體。待汝鑄昏散成定慧後。再爲汝道未晚也。示陸季臯

龍乃鱗蟲之長。其亦有君臣男女。雖深雲重嶺之中。而出沒往來。大都無常。是故吾輩居此。當一切起居。屙屎放尿。赤體不淨之言。宜一一戒之。則護衛信心。自然之理。其必不愆者也。反是。則能久處而無魔事。未之有也。噫。住茲幽勝。受此清社。眞片時直抵百年。可不自重自大哉。潭栢示法侶

近日人命。干連今日。舍利臨筵。且道誰福誰罪。開沉吟。師咄曰。黑暗女功德。天善用之。福無邊。西雲居示道開風鼓萬物。泉行地中。樹動卽知有風。物潤卽知有水。豈必待眼見風與泉。然後知哉。人心固有之光。初無

內外匪屬。生滅無我。而靈眼資之。而見色耳藉之。而聞聲鼻假之。而識香臭舌借之。而昧不昧。身意二根。憑之。而始有覺與知也。濟上曰。汝等諸人。各各有無位眞人。在六根門頭。放大光明。照天照地。總不薦取。而取我求實。一何愚癡。長沙曰。學道之人。不識眞祇。爲從前認識神。濟上則以六根門頭。昭昭靈靈者。卽是佛性。無煩別求。長沙又以六根門頭。昭昭靈靈者。指爲識神。佛性則無我。而靈識神則有我。而昧濟上乃法海老龍。宗門匠石。豈不辨佛性與識神耶。長沙仰山畏其機峻。呼爲岑大蟲。豈亦不能辨識神與佛性耶。此兩重關。去聖時遠。無論黑白菽麥。不知每認識神爲佛性。斥佛性爲識神。是此非彼。是彼非此。卽號稱大善知識。與老道學者。佛性識神。尙辨不出。況矮人與瞎公。雞乎萬佛。也不識好惡。一味信口亂統。不遑顧人喜與不喜。但願綱宗明白。眼目人天。雖殺身可也。巖頭曰。但了綱宗。本無寔法。麤公法窟。爪牙也不以佛性識神。提撕直以綱宗爲己任。學者可以思矣。蓋綱宗曉了。魔外防閑。不費金湯。祖庭自固矣。

所謂寔法者說理說事說事理無礙說事事無礙說鼻祖東來斥相泥心直指人心見性成佛說三藏十二部說一千七百則機緣皆實法也故曰一大藏教是拭瘡癰紙一千七百則機緣是亂葛藤雖然如綱宗了然則彼種種皆我固有之光也何以故心外無法故古德曰心明則始見性光由是觀之見色則以眼爲眼見性則以心爲眼心見性時如風游太虛如泉潤大地謂之有能所亦不可謂之無能所亦不可何者以風與太虛不可捉摸故潤與土揀擇不出故然非無風與太虛非無泉與土也始光既發心求無上菩提設綱宗不明看教則受教瞞參宗則受宗瞞教與宗並是出世清淨之法猶皆瞞得始光況飲食男女聲色貨利榮辱場中千奇萬怪不能瞞始光耶且道如何是綱宗卽臨濟雲門潯山法眼與洞上密印諸方納子者也綱宗如大將兵符兵符在握則兵多多愈善兵符釋手則一兵不受命矣故綱宗一明卽諸佛諸祖或生或殺機握在我況人天魔外耶教家綱宗如不明理事皆不成就三昧則文字語言與

種種義理都謂之所知愚禪家綱宗不明則不能鉗鎚學人死其偷心偷心不死古人謂之鶻臭布衫始光須知佛祖旋陀羅尼智非黑白淺識聞耳所堪留神惟大心衆生可以擔荷旋陀羅尼卽宗教綱宗別名耳始光如旋陀羅尼不知則心不明且被情奪將恁麼當眼見性手性亦不難見難在於不能自重能自重凡所施爲自然不敢苟且比來黑白雖號稱譚禪講道咸不能憂深慮遠總來苟且圖個口解脫便了所以識神佛性九箇到有十箇辨別不出識神佛性既辨別不出則率性與率情所以然之說渠安能明了率性則無往不妙率情則無往不羈何以故率性則無往而非無我而靈者用事故率情則無往而非有我而昧者用事故又率性若未見性安能率之如人渴不見水又飲何水惟見性者然後能率性能率性則無始以來一切染習種子現行無擇境緣順逆自然任運而消故曰見性人習氣不消而消不修而修古德曰識得主杖子與汝主杖子一任挑雲掛月撥草瞻風識不得主杖子奪取汝主杖子直教汝

扶籬橫壁去。此即率性與率情樣子也。亦綱宗中不得不料簡者。脫不料簡。則佛魔不辨矣。又率性不覺。則始受用得。本有光明。受用得本有光明。謂之密。以此密能料簡防閑魔外。謂之印。曹溪因惠明問曰。此外有密意否。曹溪曰。密在汝邊。若始光問。萬佛此外有密意否。萬佛則曰。玄沙破砂盆。是密意。臨濟乾屎橛。是密意。雪峯滾毬。是密意。曹山木蛇。是密意。滿山水牯牛。是密意。耽章和尚墮字。是密意。始光若謂破砂盆等。是無義路。句此乃近時魔外見解。如此若謂別有義路。且道畢竟如何。是他義路。如於此透。不過去。則樹動不識風。地潤不識泉。可知矣。風與泉。佛性之譬也。動與潤。識神之譬也。譬喻乃象之小者也。始光如能玩象得意。則識神與佛性一任安名。賞號了無過咎。如意未得。則句不活。句不活。則不能洗光。佛日且道。佛日懸在何處。咄。除却覆盆求燭照。斬頭覓活太癡生。示始光

紫栢老人集卷之四

紫栢老人集卷之五

明 慈山德清 閱

法語

原夫無事生事。薄福所致。薄福所從。從於般若不明。故曰愚癡者。招畜生。報畜生。則去餓鬼。不遠。餓鬼去。地獄不遠。此從高而下也。若從下而高。則由地獄升至餓鬼。由餓鬼升至畜生。由畜生升至貧賤人。由貧賤人升至富貴人。由富貴人升至學般若人。以此而觀。從高而下。不過隨順愚癡。從下而高。不過隨順般若。而般若愚癡。初非兩物。譬如波之與水耳。比來清平世界。忽擯此大謗大疑大危。雖復邪黨橫駕。由理而推。亦是我曹日常世出世路。頭交遊不甚清楚。皆坐庸常坑中。憂不深慮。不遠憂不深慮。不遠自甘坐於庸常坑中。究竟所以根不重般若之故。是以無端招此疑危。今既推根究本。知其所以。若不等一痛切。捐頭目。腦髓。莊嚴般若。境緣順逆。煅煉般若。捨身受身於出世常。為佛種前芽。於世中常為忠孝前芽。如是痛悔。如是立志。是為正觀。若不如是。即是邪黨。非

佛眷屬非忠孝種子。又莊嚴般若之中。唯刻藏一事最爲肯綮。有識無識。直下易見者。無俟吾言。示弟子

梁元帝在會稽。年始十二。便能好學。時又患疥。手不得拳。膝不得屈。閉齋張葛幃。避蠅獨坐。銀瓶貯山陰甜酒。時復進之以自寬。率意自讀史書。一日二十卷。既未師受。或不識一字。或不解一語。要自重之。不知厭倦。義陽朱詹。世居江陵。後出楊都。好學家貧。無貲。累日不爨。乃時吞紙以實腹。寒無襦。被抱犬而臥。犬亦飢。虛起行盜食。詹呼之不至。哀號動隣。猶不廢業。卒成學士。官至鎮南錄事參軍。爲孝元所禮。嗚呼。一則帝胄之尊重。稚之逸。尙能如此。況於士庶。冀以自達者哉。一則貧困到骨。猶吞紙實腹。竟不廢業。今吾曹藉大覺老人之靈寵。家山徧十方衣食。可終老不以寸陰自惜。而飽食橫眠。遊談無根。以消白日。較諸梁元帝朱鎮南。猶斥鷃之匹大鵬也。且彼世間之學。一期報受。不啻漚華。空影能精勤克勵。置形骸於度外。實學問若珠璣。必冀成名而後已。吾曹變形毀服。割情絕俗。爲求無上菩提。一生不克。則再生再生。不

克。必至於無盡生。克則始已。而志不逮梁朱。譬如求石女生。兒層冰中覓火。殊安可得。哉。邇來去古逾遠。風俗愈薄。出家兒成羣。逐隊。游州獵縣。上則以爲山水。可以益道。心終年貪觀。無厭。中則持半扇破瓢。披一領重衲。以爲如是。則謂之修行矣。下則猶有不可勝言者。所謂禪之與講。不知是何等味。又有一種野狐魔子。記得一兩端因果。便謂我通講矣。學得幾句沒把柄話。便謂我解禪矣。逆而推之。法門之弊。一至於此者。大抵爲師者。最初一念。斷不真實。爲生死出家爲弟子者。最初出家一念。亦必不眞。上下既皆不眞。豈有不眞之師。而能教眞弟子哉。豈有不眞弟子。而能親近眞正之師哉。用是觀之。祖道下衰。固其所也。若幸童眞出家。卽居名山。又得親近諸大耆宿。於清涼山。朝薰夕炙。等閒吒叱。鞭朴之閒。轉常情爲智光。移染習爲淨習。所讀者皆佛祖靈篇。若不能外形骸。以道自勝。積微成著。受滴爲海。徹己躬大事。大報佛恩。則生一日不如蚤死一日也。讀氏家訓示修聞

天上五衰未足爲苦。人間八難亦未足爲苦。至於幸

而爲人乃受女身是則爲苦。故諸佛菩薩以女身爲
鴆毒坑。爲惡蛇窟。鴆毒坑邊不幸失脚。慧命立斷。惡
蛇窟中不幸共宿毒氣入心。雖有盧扁亦難救療。是
以古德有言曰。事爲貧賤男子。莫作富貴女人。何以
故。女身爲天下猜疑之本。毀謗之媒。故名山道場。村
墟精舍。或安禪講佛。子所聚法。雷霆天慧日光。耀諸
佛慈念鬼神護持。貧賤乞兒往來求食。無有阻礙。凡
諸見者。生憐愍心。起周濟念。如有女人暫入道場。一
切見者。聞者。不推其來意如何。卽皆生疑。卜度人既
生疑。因疑起謗。因謗集禍。道場以此光輝頓滅。法雷
以此消聲。僧衆以此人不敬。仰譬如毒果一枝。三毒
滋藉而成。由是觀之。則貧賤男子勝於富貴女人。萬
倍無可疑者。故女人學道。先須審察自己。若身若心
有何心行。今受此身。此身何故致人疑謗。於此兩者
推究明白。卽知前生心多欲念。今受此身。此身既因
欲念而有欲念。如花此身。如果若欲無果。先斷其花。
雖然衆生業重習深。知而故犯。以故鴆毒坑中終難
出離。惡蛇窟內甘自長眠。豈但女人不能翻身奮出。

堂堂男子。猶且視之若登春臺。不思厭離。若真心學
道。欲出生死者。聞我所言。必痛哭流涕。莫能自己。如
聞之若不聞。吾知其驢胎馬腹。鴆鴆鳥雀。斷一肩荷
負。有在然。雖如此。我豈忍坐觀成敗。亦不免發一片
好心。爲汝作一種出苦方便。諸方便中。惟有觀身一
著。最要緊。先觀我身。皮肉筋骨。因何而有。涕唾血脈
凡諸濕者。因何而有。凡諸煖氣。因何而有。凡諸動轉
因何而有。於此觀察。生路漸熟。熟路漸生。一旦了知。
我身堅者。感地而有。濕者。感水而有。煖者。感火而有。
動者。感風而有。一一次第還其所感。則所謂鴆毒坑。
惡蛇窟。畢竟安置何處。於此透脫。不妨以五色糞爲
廣長舌。說法度生。有何不可。難道男子。个个三頭六
臂。而女人。必不若耶。某奉讀此言。當痛哭流涕。精進
做去。若不爾者。學仁代汝求語。亦有干係。我尋常開
示女人。絕少。因學仁哀求多次。書此遺汝。轉授行持。
凡欲出離生死。先須知苦。苦若不知。不免認苦爲
樂。既認苦爲樂矣。則終莫返。一迷永迷。出離何期。何
以故。蓋不知苦。是第一重迷。認苦爲樂。是第二重迷。

因樂不返是第三重迷故從迷積迷迷終不解然女
人之苦較乎男子苦更重大若要次第剖析其苦雖
以大地爲舌虛空爲口亦不能盡是以女人而不先
知苦痛拔苦根則枝枝葉葉長到何時而枯且道如
何是苦根若不遠紙汝現前此身便是如直下識破
此身則一切不如意事觸將來便不須大排遣自然
燒心之火不撲而滅矣

二段俱
示女人

大鑑悟後卽曰本來無一物何處惹塵埃牛頭悟後
則曰河沙妙德總在心源百千三昧不離當處二大
老皆千古宗師也一則如此一則如彼同耶異耶同
則兩言若反異則既皆悟心之大老豈不同也哉而
黃蘗又曰如兩頭捉汝不著則可以免苦樂形相也
如黃蘗所言則兼遮二大老之言而言也以情而觀
三老之言似難消會以理通之未始不符契焉夫如
來藏性或以空言則一塵不立或以不空言則無法
不具或卽空有而言則曰空不空如來藏也大都稱
謂雖則種種實而言之卽人各本來面目也以此面
目可空可有可空不空所以受名別耳然此面目凡

夫迷之譬然而成三惑聖人悟之頓然證三如來藏
也夫三惑者所謂見思塵沙根本無明是也以見思
故則障空如來藏焉以塵沙惑故則障不空如來藏
焉以根本無明故則障空不空如來藏焉余友念公
其高足名曰性藏或以蘊真字之者蓋不知此性有
三藏也如以蘊真之義配於三藏可當不空如來藏
耳而空如來藏空不空如來藏皆遺之矣余以是知
字性藏者不知性者也或曰大鑑亦言本來無一物
此豈舉一而遺二耶予應之曰大鑑指一隅而欲人
以三隅反也予改以順南字之以含藏識中有覺義
及不覺義故如人三觀圓修則見思斷塵沙破而根
本無明由是終拔也故斷破拔則與藏識覺義冥順
不違違則不覺矣不覺所謂違門也順無明而逆覺
義故曰違門南則虛明之位也喻心覺也藏子果能
遵我言而躬踐之卽三如來藏者可坐證也

示性
藏

白刃撼胸則目不顧流矢蓋勢有緩急也如榮辱之
與生死事非兩人而緩急先後當諦審所宜直下便
判則諸俗套不煩洗滌而自除矣

示弟
子

執古以御有心妙以了色者良以心術無常惡之有地故滯有則屬處成乖惡靈則圓照無礙照身則四大所轉照心亦四蘊所成了其所轉身執自消自消之照將之照心四蘊無常無常無主無主無樹一任寒喧本無榮落既觀達此旨逢緣觸境順逆關頭秉志堅精拚命赤身捱得過便是功夫功夫漸熟會色即心色既是心心不防心孤明獨立觸有成功開物成務即智運悲不沈枯寂即悲運智不染塵紛如是行持由微而著則五十五位真菩提路非四禪四空可匹也

示王仲豪

顏平原死不忘君生平所養張睢陽生猶罵賊死到不改所以握拳透爪齒齒空齟齬其所也吾曹參禪不透蓋無二公志耳如有其志悟道一生可辦示弟子心術無常操之由人是故以道德操心者不知有功利以功利操心者不知有仁義推其所始雖道德功利發軔不同然皆不外自心但志之所存有殊耳道德操心則劫奪毀辱無非階地功利操心則榮名尊寵總是驚媒驚媒汨心神魂常擾況遭劫奪毀辱之

際而有所得也故學道之人於境緣不可意處最爲大幸於大幸中不生覺照逐境漂流謂之昧心昧心之人雖日與聖賢同席款接何異盲人頭戴杲日計爲大夜者哉大都但莫瞞心心自靈聖以靈聖之心處不可意境時如殘雪逢春自然融化豈待轟雷裂地然後消釋乎詩曰他山之石可以攻玉若以玉攻玉成器殊難良以兩俱溫潤砥礪無功故處可意境時心境相忘忘則失照雖有嚴師良友痛加明誨翻滋狎習狎習既成譬猶嬌兒不畏父母心既無畏敬從何生無數無畏豈從何得故曰逆境面前鎗順境後箭面前鎗易躲難防且世道轉衰師友之風頽然不振久矣所謂嚴師良友者豈易遠哉能以不可意境爲師友增地則何往而非嚴師良友也情識浮沈乃致四大增損能智光獨露虛恬迥迥擬有宿滯無有鼓者焉能作害並示中甫病中男子家頸腰有鐵非道義所鑄豈易屈伸既屈其身心光不剖如雲覆月幽蔽精神於是非曲直之閒好惡升沉之地弗能挺然獨立知而甘昧一息不來杳

成千古滯魄悠悠出期希有可不哀哉何不踢翻窰
臼頓斷情根若利若害若逆若順惟心光炳露等視
浮雲一朝願克笑傲家山顧不樂乎示賢知忍

聖凡無窮依正無盡升沈萬變情與無情卒不可以
智識知算數了然皆以名言爲體也夫何故蓋有名
必有義有言必有意所以開水火之名則濕之與煖
不待召而至矣聞毀譽之言則喜之與怒亦不待召
而至矣知兩者之如此則凡凡聖聖正正依依實外
名言而不可得也噫名言不知果何物哉而依正聖
凡皆以之爲體故居其室出一言善則千里應之出
一言不善亦千里應之由是而觀凡立名立言苟不
端正其原見理之澈莫若不立無遺禍也故曰名言
也者迷悟之紹介也可不慎乎

或者以趙州無字爲話頭歷年既久自以爲生死順
逆念卽話頭話頭卽念無往而非一片或者又聞而
舍然大笑曰彼若果能話頭一念打成一片面目自
然殊乎常人眉宇閒光霽若清風朗月使牛馬雞犬
觸而悅之況人乃萬物之靈者乎此等語當與愚者

道不可與智者言大抵參禪之訣心地果然順逆成
片則悟在旦夕之閒矣今人看古人機緣猶泥人摸
象手無知覺安知象之肥瘦哉嗚呼此等人以名聞
供養爲膏肓之疾以生死大事付之馬足閒者也楞
嚴經曰大妄語成墮無閒地獄非此謂乎示弟子

凡人子報親之德生供三牲死獻萬肉不過特重其
黑業耳奈世俗冥盲卒難諭之正理且順其俗習快
其眼前聖賢知其習不易化權與之浮沈陰以理折
其情密爲調攝功夫力充則習自化彼受調者亦忘
其所以然矣故禮五易而同俗人之慶不賀喪不用
此聖人之苦腸也雖然苟不以無上慈光燭其幽爽
則滯者終付之於無拔矣又豈人子人臣之本心哉
夫欲燭其幽爽莫若爲人子者淨自三業爲亡者持
毗舍浮佛偈最爲簡益示弟子

夫禮者身之榦也榦而不端其餘雖多惡足道哉自
大覺應世迦葉而降雖宗教支分而禮則一耳大人
俱沼典刑廢馳凡後塵之徒莫識大體不以端榦資
本惟競浮華所謂榦者摧折盡矣汝等念報佛恩東

力於茲。凡見晚進。未識大體者。切懇勸獎。勸之使其
幹端。則本華根固。則本壯。毋愛人以姑息。宜愛人以
大德。是以遠別近聚。晨昏相見。務要行列弗苟。長幼
有倫。先後據證。勿得恣情。老漢浪跡江湖。足音半寰
中矣。在在頗多感觸。故草是語。出家者。既然在家者。
寧獨略。是乎哉。密藏侍吾至勤。但觸名分紀綱。猶多
汗漫。況其他耶。仲尼曰。必也正名乎。蓋名不正。則分
不定。分不定。則禮不可立。人而忽禮。尚弗敢況爲佛
弟子而不端。此則前染奚爲。示黑白諸弟子

元石問曰。陸老先生。當今大居士也。精勤大道已
非朝夕。今以年老抱疾。而曰念佛持呪。并參祖師。
機緣俱不得力。則一生辛勤。幾於虛費。其所以不
得者。何故。弟子於此深懷疑。聞乞師開示。以爲將
來修習佛乘之鑑。

子發此問。不惟直陳自疑。亦開獎黑白深矣。夫禍福
莫烈於死生。真僞難逃於所忽。此老金湯法門。有年
數矣。凡觸利害。關頭不以世情生顧忌。惟知護念大
法。苟非內有定見。重以多生願力。冥顯相資。孰能臻

此哉。且好名之心。賢者不能卒忘。今抱疾頽然而臥。
卒然而問。忽然而答。譬如晴空霹靂。旱地雷鳴。可與
智者道難。與衆人言。子當默而痛思。必自知此。老用
處子不聞。青山白雲。漱石枕流。二三十年。抱寂枯坐。
設偷心未空。皆爲大障。我如是。而問彼如是。而答有
偷心耶。無偷心耶。有則決不能如是。而答無則實念
佛持呪參禪三者。俱未得力。願子再深思之。或恐自
見。客吳元石

身有大身。有小身心。亦爾。以大身爲身者。則能舉天
地。整萬物。以小身爲身者。能則周旋一家。不能則一
身尙不遑理。況功名事業哉。然則大身吾固有之。或
者迷而莫覺。小身乃四大之假合。假合則非本有。既
非本有。翻堅然執之而不化。是以見有可欲。即大心
昧矣。大身失矣。夫大心者。智周萬物而不勞。妙洞象
先而非始。蓋有始則有生。有生則有滅。惟無始則無
生。無生則無滅。光貫十虛。靈達三際。處方寸而包空
彌太虛。而入芥。故曰談禪而言空者。乃談者之陋也。
雖然。較以五尺爲軀。方寸爲心。認一漚而背全潮。高

培壘而忘秦岱者則勝多矣。余生余生痛惜時陰。即夜繼晷。勒勤補鈍。緣文字之壻。級究佛祖之心。隨理精慧。開以特厚爲炭。扇以慚愧之風。信火熾然。勇而能恒。則鑄小。心爲大。心化小。身爲大。身譬如投片雪於紅爐。擲殘冰於春海。復何難哉。示余生

佛法雖大大於衆生之心。若離衆生之心。則大無本。由是觀之。則大乃衆生自大耳。故發大人心者。爲大。人不發大人心者。便落小人中矣。今汝發此大心。惟責恒之故。曰立心不恒。凶恒則吉。不可量。示元信

中國微言不越乎六經。西來大法寧出乎三藏。至於莊老之書。亦不可不讀者。此古人博達君子之所務也。是以白首窮經。然燈精法。代不闕人。雖求之於紙墨。十年之功。不若求之於心性。一朝可敵也。王安石謁周茂叔。一謁不見。再謁亦不見。安石怒曰。我自求之。六經亦可得之。何必卑卑求人乎。自是讀書徹旦少睡。卽嚼石蓮以破昏。及其學問大成。至於入參大政。自謂孔孟不足多致。君堯舜不足難。慨然以經世自負。一切賢才。程能獻策。皆不合意。唯恣執拗。俱逐

之究其初心志。非不大學。非不博心。非不遠卒於壞宋元氣。而自招不美之名。大都學問雖淵博。於心法不曾妙悟。一番譬如學大匠者。規矩方圓曲直。非不了了。而疾徐之節。未應手故。不免傷手之患耳。規矩方圓法也。疾徐之妙。心也。執法而不妙。悟自心。能成大器。未之有也。無論若儒若道。若釋。先妙悟自心。而博達羣書。謂之推門落臼。自然之妙。用之出世。則謂之最上乘。以之經世。則謂之王道。此真學真才也。再次由博而約。博則學耳。約卽心也。此又其次也。至於讀書雖多。臨機無用。如葉公畫龍。望之非不頭角。宛然遇亢旱。欲其雷雨。無有是處。故先約而後博。禪門諸祖。十中七八先博而後約。自古及今。一切座主。十中一二耳。佛者。既然儒老之徒。大抵亦皆如此。於約言之。此心愛人。卽仁。施仁得宜。卽義。於義合節。卽禮。於禮通變無滯。卽智。於智誠恪克敏。卽信。以此觀之。五者妙用。本在吾心。而不在于書也。且道一心不生。僧耶。老耶。儒耶。於此直下。廓然無疑。在儒謂之真儒。在老謂之真道。在佛謂之真僧。不然。則皆聖人出而

大盜牛賊物現在據款結案罪難免誅誰敢拍大翻
誑嚇小兒故學問量人根器斤斧隨機十人十成反
是成希矣汝自今而後當先熟永嘉集勿讀註次則
讀肇論再次則讀圓覺已上既熟當熟四書曰文及
老子道德經則六經三藏若博若約工夫成熟自知
好惡矣或曰王安石乃宋之大儒韓生乃刀筆庸吏
以此教之未必能克始克終我未敢保余則應之曰
我聞師子捉香象全力捉兔亦爾或曰先曰量根器
以教人則成者多不成者少以前語照之無乃自背
乎余曰背不背量不量亦自有妙處非子所知勉齊生
大凡男子家出世一番斷不可與草木同腐與畜生
同養必須垂芳千古光照大夜若因循度日無所長
進豈惟草木畜生已乎大不如遠矣草木可以充薪
爨畜生可以供庖膳由是觀之人爲萬物之靈飽食
煖衣垂死而無所成就則不如草木畜生明矣汝初
見我於燕山無梁寺今日又遇於臺則汝善根靈種
殊不淺也然汝父母愛之太過汝又賦性精悍且多
聰明若克明心法薰炙聖學則後之望汝作大法城

壑或未可知自今而後變習氣須從憎愛關頭拚命
做去惡其人必須知其美愛其人必須知其過此三
個須字能負荷擔得長久世出世事畢矣永嘉集天
下奇書文簡旨豐熟此則大學中庸骨髓無勞敲打
自然得矣世人以爲教迹不同妄生分別見小而不
大識近而不遠執粗不詣精所以心法微耳此書既
熟當熟七經白文一切對句自今亦不必屑屑待諸
書貫通之後方始聚精會神一兩三月天機所動自
然水到渠成如此發軔必出人頭地反是逗落俗格
挽之卒難可畏可畏茲焚香燒燭於大聖人之前以
此囑汝汝須珍重爾度
香滿金爐花滿瓶此一句具無邊三昧故陸巨大夫
取正於南泉曰肇論甚奇天地同根物我一體南泉
對曰庭前一枝花人雖見如夢相似大夫罔措天花
道人偈曰香滿金爐花滿瓶余乃順水推舟亦曰此
一句子具無邊三昧妙喜有言若是真將軍何須武
庫中取刀殺人赤手空拳可以却敵余今卽此一瓶
花一爐香布一個漫天大陣以虛空爲鼓以妙高爲

抱樞而進之。管取是聖。是凡。利那敗績。故曰權衡在手。生殺自由。噫。道遠乎哉。觸事而真。聖遠乎哉。體之卽神。旣曰觸事。而真無相者。虛空有相者。天地大塊之閒。殊形異狀。有情無情。若愛若憎。世出世法。道雖不同。總謂之事。所謂真者。在七經百氏之書。未始不具。至於般若靈篇華嚴上典。相爲表裏。古人有言。禮樂前驅。眞道後啓。卽此言之。會萬物歸己者。書無內外。理無精粗。都來一片心光。曾無別物。此片心光。在大學卽謂之明德。在中庸卽謂之天命。在論語謂之仁。謂之孝。謂之政。種種名目。標榜不同。而仲尼所答弟子所問。問者器有方圓。答者水本無常。水若有常。安能順器。方圓聖人有心。安能應事。種種恰好大道。無情運行日月雲雨。無情普滋萬物。此心孟子用之。祖述周孔。集義成浩。此氣在春秋則折衷是非。在周易爲太極。爲八卦。在書爲九執。其中在禮經條貫品節。皎如日星。在詩情動於中天。機觸發歌咏不足。則舞蹈之。此心在樂爲韶爲濩。昔孔子在齊見牧牛童子視端而目正。喟然嘆曰。此必聽韶樂而出者也。丘

驅之晚矣。且道韶之妙何如。乃令牧牛童子聲入耳根。神凝方寸。天花道人當下知此。則四海雲濤千山松韻。未嘗非韶樂也。此樂在法華謂之實相。在華嚴謂之四法界。在楞嚴謂之大定。在圓覺謂之大光明。藏在般若謂之文字。謂之觀照。亦謂之實相。在悟謂之禪。在制謂之律。在辯謂之論。天魔不能沮。風火不能壞。貫萬古而長存。故曰經。或曰汝這老漢。舌頭雖黃。不准將佛法世法攪做一團。使後人標無所宗。派無所辨。不亦過乎。余應之曰。若人識得心。大地無寸土。有土有人。有人有法。有法有內外。有聖有凡。有世出世。一寸土不可得。則一切何存。說甚攪做一團。不一團。自是癡人。不了自心。情見不破。妄生分別。在儒被儒縛。在老被老殺。在佛被佛累。譬如穿一身絛絹。從荊棘林過。相似拈得這刺。那刺又入。拈得那刺。這刺又入。刺刺牽制。竟不能掉臂而行。你這尿牀鬼子。自家絆倒在荊棘中。爬不起來。反來攀條引例。要我同受此苦。我非呆子。肯聽你言作顛倒。去古人有云。依文解義。三世佛冤。離經一字。卽是魔說。是以佛祖

眞子乘願而來。可儒可佛。至於種種異道。隨類利生。如水銀墮地。願願成圓。與穆與穆。汝若悟此。便曉得香滿金爐。花滿瓶。此一句具百千三昧也。若未悟得。不免波外求水。離色求空。空之與色。本無二致。情生智隔。橫計不同。如水與波。豈兩物哉。以風激之名爲波。少頃風息。名爲水。風喻妄情。波喻妄色。水喻安空。既皆曰妄。何必生疑。且此水。天人湛爲琉璃。魚龍認爲窟宅。餓鬼怖爲猛火。人閒世謂之波流。若謂一物四執不同。若謂四相一尙。不有安得有四空。卽是色。空不可得。色卽是空。色不可得。空色不得。誰辨空色。所有能。所忘能息。若有辨者。所忘能立。所忘能立。虛空可以有骨。兔角可以爲杖。龜毛可以繫風。余共天花道人。昆季等。慧炬光中。饒舌至此。噫。聊城月卽燕山。月光照天池。色不同。再聽香花童子。偈塵勞卽是法王宮。示與穆

離一念之前者。則剎那不可得。離剎那。則十世古今不可得。是以微塵頓剖。大經現前。大經也者。豈惟釋迦如來之根本法輪。亦是過未諸佛根本法輪。此輪

吉水曾乾亨。不知何處持來。施與廬岳黃龍寺。心悟禪人。悟復施與潯陽邢琳學。達觀道人聞而異之。遂命悟卽持此輪。現與琳學。且囑之曰。此輪若不有。方山長者。轉運發揮。則大經微塵。豈易剖哉。嗚呼。華梵縑素。自漢明迄蕭梁隋唐之世。特羣拔類。登覺苑而稱雄者。代不乏人。惟是根本法輪。以無師智。自然智。根本智。差別智。四智縱橫。首尾鉤鎖。卽近示遠卽大。示微果樣高懸。普使初心。曉達取法。啓圓因期。圓果而因果不能籠罩。是以大心凡夫。一蹴龍門。頓入智海。手把猪頭。戒珠光淨。違順莫測。魔外聞之。而心驚。二乘觸之。而誓化。舍我長者。其孰能之。今長者棲神之地。造輪之龜荊棘叢生。狐干喧擾。安得如宋丞相商英。張公者。乘願輪爲我。光復之則某心死矣。三敬無忘斯囑。琳學

能所兩義。出苦要門。入苦嶮路。皆此也。以能所角物。我恣情識。則爲阿鼻。前茅以能所宛轉。觀身身爲所觀。心爲能觀。所觀者若無。能觀爲之主宰。惟血肉匡殼耳。烏有所謂知覺哉。旣無知覺。於我何有。咄。以智

治國圖之賊示弟

汝生前以耳見我相貌。即今汝以眼聽我說法聲音。此汝多生善根所致。遭此清勝因緣。汝若當下會得。我一句兩句。豈惟覓女身相不可得。保汝神超淨土。不難。若會不得。此段風光。汝當用心諦聽。女身過患之苦。天上人間五衰之苦。地獄之苦。飢寒凍餓之苦。求不得之苦。脫不得之苦。苦雖無量。不能盡說。要而言之。諸苦之中。女身最苦。未知人事時。雖苦未深。重纔知人事時。折旋俯仰。進退屈伸。一動一止。忌諱千端。回互萬種。高不得。下不得。輕不得。重不得。舉步少高。坐處少低。言語聲重。莫非都是回互。自家一段本來真實光明。都被這些忌諱蒙蔽了。我如此開示。汝只要你舉一而知十。因有言得無言之意。汝若果知苦意。即曉得千條毒蛇纏身。不甚爲苦。無如被這肉塊子。假模樣籠罩。羈係無片刻露光明處。汝曉得我開示。汝意頭必然悲徹。心魂發大誓願。汝若再受女身。寧受碎尸分骨之刑。斷不再受此女身。何以故。碎身分骨之苦。不過一兩箇時辰。挨過了便罷。此肉塊子帶

累牽纏。積情縛愛。從無始劫來。牽制於今。他日痛醒。假如現前。子死身喪。這一條情根。綿綿愈固。千劫萬劫。只是割不斷。這割不斷處。苦根深厚。稍無福力。不知又落在那一類中。醉無明。酒遊恩愛。團眠臥火坑。鐵牀豈有了日。我此等語。無半箇字是假的。若半箇字假。我舌根當破。諸佛菩薩亦是說謊的了。你仔細思量。諸佛菩薩肯說謊麼。我爲甚以舌根自誓。恐汝信不及。汝若信得及。咄。五漏身中。荊棘種。彈指蓮開。極樂池。雖然如是去路。尙遙。看汝丈夫。徐瑛分上。贈汝一千般若金銀。定使汝頭出頭沒。無有乏少之苦。

示亡靈
白氏

夫禍福莫烈於死生。而世不患之。蓋以飲食男女之欲。醉之耳。如稍省之。雖至愚亦患之。況智者乎。雖然有其病。必有治病之方。方得而能力治之。則患不難也。敢問其方。紫柏道人舍然笑而應之曰。假借四大以爲身。四句偈。此古佛之遺方也。若能誦千萬遍。則死生之根不待拔而自斷矣。示要
才茂

未生已生是異。是同。異則未生已生定不相。即同則

未生已生初非兩事。如何有常無常會而難通果定不相即。則未生離已生而得名已生亦離未生而有號同而究之異而推之常無常義終無歸宿。謂之有名無實。豈有真勝義諦有名而無實乎。開懷慈常無常義

簡則近無易則在平心無事而神棲於平。雖萬怪叢棘千險迭至。直以空平應之。超然有餘矣。忽細故掛心神泊感慨。即鴻毛飛前橫以爲大鵬垂天耳。又烏足應他事哉。故曰能平險阻能知險阻有以乎。示元信

黃帝有二十五子。或有姓而無名。或有名而無姓。或無名姓以山川封地而姓名之。皆以奇功茂勳而定氏族。即我釋迦牟尼如來降生中天竺國。敝屣萬乘而苦行六年。得無上覺道。自是世有佛焉。及說法度生。世有法焉。迨僑陳如等剃染之後。世有僧焉。然僧之種族有利帝利種有婆羅門種有首陀種有旃陀羅種。惟我世尊本利帝利種姓。釋迦嗣佛而後無貴賤凡剃染出家者皆以釋爲姓。如四河入海同名爲海耳。至梁大通年間達磨航海東來爲震旦鼻祖。既而宗出五派。派各其源。有號臨濟宗者曹洞宗者潯

仰宗者雲門宗者法眼宗者。若智慧清淨道德圓明。眞如性海寂照普通。總十六字。天下謂之臨濟宗派。予慮十六字歷世易窮。從眞字左駢岔十五字曰眞法元在解契恒靈大吼雷音慈門師子右駢岔十九字曰眞三聖秀昌原遠茂勝光日月昭萬古嘉福佛運長自今而後既橫抽兩枝。凡我弟子應宗嗣之。不遵者不孝。法眼宗嚴說示弟子

根塵識三者全謂之人。或謂之餘。於是三者能洞然窺破則當處不見有全人矣。凡一切榮辱死生皆刃也。欲使刃之不傷。莫若不見全牛爲嚆矢耳。蓋刃不傷牛亦不傷牛。若不傷而牛本不全。則刃之游亦寓言也。嗟乎以神爲刃游於象先太虛不到之地。亦可以宰制矣。況有形者哉。示元復

率近縛滯近塞縛則纏綿難解。塞則壅遏不通。是皆無生之理不明。緣生境界成熟也。殊不知無生緣生初無兩條。在衆人則謂之緣生。在聖人則謂之無生。緣生則身心鏗然。無生則性天廓徹。即此而觀外身心而窮性天。管取終古不旦。故曰率滯不難破。難在

於窮理窮則無往而非高明矣。高明則自然事到
卽了。仲尼曰。顏氏之子有不善未嘗不知。知之未嘗
復行。此無他。良以清明在躬。志氣如神。觸處無昧耳。
大都牽滯習重病欠明。勇明則觀照精密。勇則不墮
現行。鑄情而復性。子其勉之。元復

大凡學道人一切都不障礙。只是奈何自家身心不
下。却難果然。真正男子直下。究竟此箇身心是我的
身心。如何却奈何他不下。畢竟要見障礙在何處。這
些子實能覷得破。十方諸佛底鼻孔。卽是民部底鼻
孔。儻卒未能薦得。聽貧道醉夢中說一上葛藤。與民
部聽去。此身此心。若要將就奈何他。當觀何由而有
此身。何由而有此心。蓋此身不過四大假合。此心不
過四蘊湊成。地水火風謂之四大。受想行識謂之四
蘊。卽就民部皮肉筋骨種種窒礙的。便是地大痰唾
血脈津液便利便是水大。偏體煖熱之氣便是火大。
動轉助民部趨走運用者便是風大。或謂舉動運轉
皆是心力。與風大何與。殊不知中風的人要舉手舉
不得。要移足移不得。難道他豈無心力。如何手足宛

然竟不依他使喚。蓋關風緣故也。此四件合則有身。
不合則此身何在。民部於此切須諦觀我身之四大
與外之四大。是同是別。外四大者。脚下踐履的謂之
地大。眼前九江流的水便是水大。日常竈裏燒的燈
上點的及一切日色暖氣便是火大。長江送客帆飽
如飛。林木動搖浮萍聚散便是風大。此與民部別則
民部此身又從何來。蓋我之四大必感外四大而成。
此四大開而言之謂之五行。合而言之謂之四大。自
古至今並無一人不感五行而生者。豈民部獨離四
大而有此身耶。此與民部同則內四大卽是外四大。
若卽是外四大者。豈有有智之人認踐履之士九江
之水竈中之火樹頭之風爲自己身耶。雖至愚之人
愚不到此。況民部高明者乎。於此粗粗會得身相卽
輕身相既輕便把死生窠窟子踢翻了也。死生尙不
能動其餘榮辱愛憎又安能動得此是學道人世諦
中討便宜的方子。果然依得何累可干。惟四蘊道理
較之四大推察審究抑亦微矣。民部於此遇境逢緣
時憎愛念起諦觀此念從何所起。若從我起未逢緣

時如何不起。若從境有無。我亦不能起兩端。合而能起者。先推於我起。不可得於境起。不可得。豈有兩不可得。合而能起耶。這裏民部警然省得。雖不謂之了當。生死海中。救得一半。四蘊者何。領納前境謂之受。前境者何。前所謂逢緣。遇境時。此境便是前境。此受離前境亦無所得。受既無有。想又何來。想既無有。行亦何來。行既無有。識又何來。蓋是因受。所以有想。籌量下度。謂之想想。善惡未定。忽遷於善。忽遷於惡。往返不定。未能決了。謂之行行。遷流也。忽爾判然決了。是善是惡。毫無所疑。謂之識。雖四者用處不同。究其所由。必因受有想。因想有行。因行有識。此非強配。乃自然之勢。自然之理也。貧道上來胡言亂語。不過教家糟粕。未是衲僧活計。卽如古德問僧。卽心是佛。乃是頭上安頭。離心是佛。乃是斬頭覓活。民部於此。討得个分曉。不要取信於人。自家直下透得。自然無纖毫疑的影子。此是衲僧的活計。猶不是衲僧的巴鼻。且道如何是衲僧的巴鼻。五老峯前雲去來。等閒觸

著民部鼻

示于民部

法名之重。重於大寶。大寶不過一期之極貴。法名則由名得義。由義會理。由理行道。無阻矣。以無阻之梯。便能直登道岸。得登道岸。始謂之德。故德者得也。嗚呼。道德無古今。而包古今。所以得之者。雖匹夫非窮也不幸而失之。卽王天下。非通也。況官乃中人之簾廬乎。又法名法親。與俗名俗親。斷不可同日語者。以俗名俗親。形壽盡。更生別姓。豈可以今世之名。姓拘之耶。故得宿命通者。長劫一刻也。而一刻之中。罪福形影昭然在目。若弗更生耳。三定。毋自棄勉之。示三定鐵鉢雖堅。彈之則鎗然有聲。清亮幽遠。達耳心空。萬歷癸未。與汝雲開南禪寺相別。去歲於清涼山坂。忽得汝書。開而讀之。知汝於此箇門頭。得一隙之明矣。我甚喜。歡南禪親近我者。頗亦不少。而寥寥五七年。閒無一人寄音言此觀旨。戊子孟夏。汝又無心同堅默大變之際。請益聊城傳居士紺圖齋中。逆而思之。今昔光景如懸寸鏡影像了。然且四月朔日。復汝落草之辰。參陪諸上善人。香燈光中。同音異口。勤禮水懺。洗滌前生之垢。浣潔此世之塵。轉罪爲福。轉惡爲

慧大是好事。亦當自知慚愧。無負已靈努力精進。必
以悟爲期了達。自心作箇末法中李龍眠。以筆頭三
昧發揮自心光明。莊嚴三寶報佛深恩。大抵根無利
鈍。發心真而精進猛。卽得道快。當如發心不真。力行
不猛。雖天資高邁。聞見博極。亦徒增知見培植。我相
根耳。反不若老實頭人多矣。汝奔走四方。孤縱萬里。
弔影旅邸。不過以父母在堂。妻孥在下。衣食之費。大
不可緩者。將一片精神。不辭飄泊。博些供給。以充甘
旨。亦是爲人子大關頭處。切勿懶惰。負青春辜白日。
使父母生憂。妻屬擔慮。此點念頭。便是自心慈悲三
昧。如來放光照世也。此光不昧。雖出魔入佛。皆汝道
場行履處。亦當衣食供養父母。豐潔爲盡心。又當勸
父母生大信心。於佛法中立決定信。以娑婆爲毒瘴
之鄉。極樂爲安樂之窩。盼時盼日。惟望一旦生彼國
土。親近彌陀。奉侍九品菩薩。汝能如此供養父母。雖
曾參之孝。不可異同言也。汝不見堅默一歲之閒。兩
子繼歿。妻室續亡。遑遑道途。持四喪南歸。卽聊城傅
氏愛女。亦繼堅默。乃正而亡。金沙文卿皆我法門骨

肉。俱遭此傷心不如意事。以俗情言之。固可痛恨。以
法眼觀之。安知諸亡者非菩薩示此無常光景。使汝
曹生恐怖心。悟世非堅。或未可測。此段因緣。汝還家
日。近當白於父母。使其亦生恐怖於西方生。決定信
心。何異戰陣而趨。鼓鼓所以壯兵氣。旗所以一衆目。
卽如無常爲旗鼓。一衆生信心。一般上根之人。見幾
而作。不俟終日。聞聲便悟。見色卽明。亦是拍盲榜樣。
豈待搖唇鼓舌。說文字禪。乃開悟哉。峨眉山人行期迫
矣。想盤桓不甚久也。我初彈鐵鉢作聲時。卽壯行色。
法炮耳。汝輩聲達耳根。竟不省悟。則眉山歸日。長進
不長進。未可定。如聞如聞。當自克責。勿逐流俗。珍重
聞者

吾以興嚴命。汝其意甚遠。不可忽而不深思之。嚴之
義極廣。聊舉二三示汝。嚴心以悟。嚴身以德。嚴身心
以問學。三者苟不廢。我言凡百所當嚴者。得其綱矣。
我書此戒。汝推汝父教爾庚而來。汝今雖則年少。未
知所以至於長大。終必知也。噫。種樹方高。寸年多成。
茂陰示與嚴

衆生橫計封藏本心是故於全體作用中疑而不能
用也余以一指屈而問如聞曰見麼曰見此外見麼
曰不知余喟然歎嗟久而示之曰我此指一屈一切
聖凡一切依正無有一法可伸者豈惟此屈如是法
法皆然如一念生則盡虛空界俱生無有芥子許空
際可容滅者滅亦如是故維摩謂彌勒曰一切衆生
皆如又文殊對維摩曰居士我不來相而來若初有
來今則不能見居士矣由是言之則不來非來來非
不來明矣惟諦了自心者情見漸破於此法門通得
一法而法法皆了矣示如聞

從古至今大都學道不成者往往奈何自家身心不
下是故生死愛憎交加紛擾靈臺渾濁片飭不得清
寧總不如生死何招愛憎何成雖復奔波湖海尋真
覓訣爲治身心或從眼中看得來的耳中間得來的
攢頭相授依憑扭捏又有靜中得少光景卽爲究竟
長年終日弄鬼眼睛鼓粥飯氣自家身心毫釐竟治
不得設臨顛沛流離之際逆順是非之場依舊生死
浩然憎愛滿腔紛飛搖蕩方寸中如著芒刺相似此

蓋不知自身自心來源既不知身心來源卽此身心
障礙不淺如是不唧溜做去豈惟大道終難悟徹了
當日用中敢保從生至死未夢見安閒在何則不知
身源則見有身見有身故則受身累不知心源則見
有心見有心故則受心勞肇祖云勞動莫先於有智
大患莫若於有身豈欺我哉且道身心來源處現前
此個軀殼子不過四大合現前分別了此點妄心
不過四蘊攢就衆生顛倒妄以此身爲身此心爲心
塵沙劫波淪墜不已改頭換面如火傳薪蔓延無歇
大丈夫真心學道何不猛著精彩拍胸自判發一片
決定心志直下以四大推身四蘊推心逢緣觸境從
朝至暮綿然無閒歡喜也如是推煩惱也如是推推
來推去工夫純熟一旦身心廓落蕩然虛明到此境
界畢竟喚甚麼作身心喚甚麼作生死愛憎德修果
然擔荷得真做得不惟成佛有分學仙有路管取參
禪門中亦推爾不出德修聞此語不免疑他成佛成
仙到參禪門中皆是末事殊不知禪門向上巴鼻諸
佛猶未夢見在且道如何是向上巴鼻十方諸佛在

何處盡在驢胎馬腹中示胡德修

一切衆生見身可得是謂愚癡。認知覺爲心是謂愚癡。且道愚癡現前。般若在什麼處。仰勞大衆助稱摩訶般若波羅蜜多。纔靈三匝。且道般若現前。愚癡又在什麼處。少江若於此聲中了得過去。心不可得。現在未來。心不可得。咦。門前流水長。無盡無限魚龍唱。

鷓鴣吊沈少江居士

孔子沒發揮孔子者。孟子一人而已。夫何故。蓋孟子得孔子之心也。孔子之心當如何求。求諸孟子而已。欲求孟子之心者。求諸己而已。自心既得。孔孟之心得矣。自心如何求。當於日用中求也。日用閒人欲雖衆。不出逆順昏昧放逸而已。何謂逆。凡不可意處皆謂之逆。順則反。是何謂昏昧。觸道義事。聞道義言。不覺然奮爲。因循廢棄。皆謂之昏昧。何謂放逸。讀聖賢書。全不體認。做去見善人君子。略不收斂情馳欲境。神思飛揚。不生自返之心。皆謂之放逸。汝等於此四種關頭。挺然精進做去。卽經綸宇宙。整頓蒼生。收功當世。垂芳千古。尙且不難。況目前一第哉。然求此放

心。實在知心起處。起於道義。竭力充之。起於不道義。竭力制之。制之之要。又在先悟自心。自心不悟。雖強制之。終難拔根。根既不拔。工夫稍懈。則人欲之芽勃然難遏矣。必於穿衣喫飯處。飲食男女處。迎賓待客處。屙屎放尿處。百凡所爲。務審此心。爲生於我。耶。生於物。耶。若生於我。生於身中。耶。生於身外。耶。生於身中。如何不見五藏。生於身外。則與自己了無交涉。如他人喫飯。我必不飽也。若生於物。無我應之心。本自無若無我。應而物能生心。則擊鍾磬於衆。偶人傍。胡不見其生心。耶。心雖變幻不測。出入無時。然不出物。我之閒。若離物。我求心。卽如潑波覓水也。若卽物。我是心。又成認賊爲子也。離不是心。卽不是心。畢竟如何。是心於此參之。眞積力久。一旦豁然而悟。則孟子求放心。效驗不待求於孟子矣。求放心說 示弟子

紫栢老人集卷之五

紫栢老人集卷之六

明 慈山德清 閱

法語

汝見之與虛空者。皆徧滿十方界。不可揀空出見。揀見出空。蓋空之與見。必相待而有者。故曰空見不分。有空無體。有見無覺者。空不自有。必待色顯。故曰有空無體。見不自起。藉空塵率。爾照境如鏡照像。初無分別。故曰有見無覺。此屬現量微涉。覺知則墮比量矣。示次

喜怒未形。性本圓滿。喜怒既形。所發不過不乖未發。則謂之和微有所偏。則謂之不和。和則吉祥。駢集不和則萬戾。勃興吉祥。駢集則與佛祖聖賢同一血脈。萬戾勃興。則與小人種種惡類同一所習。所習既深。雖以天地爲爐。陰陽爲炭。造物爲力。毗嵐爲鼓。韞卒難陶化矣。於是大覺借空水以洗之。夫衆生所以爲偏戾者。不過飲食男女耳。得其正則爲吉祥。不得其正則爲咎戾。咎戾則所召惟苦。苦則精神惶怖。魂魄顛倒。殊不知喜怒未發者。與吾佛祖同然。故戾於眞

者爲脩羅。戾於愚者爲畜生。戾於慳者爲餓鬼。戾於惡者爲地獄。惟天之與人吉。以十善五戒耳。此所謂六道者也。然爲天不覺。亦可以爲人。爲人不覺。亦可以爲畜。若是衆蔽。非以空水滌蕩。欲復其眞。未之有也。而不覺有三。一則見思。二則塵沙。三則無明。凡血氣之屬。皆坐此三者。所以不得聖道。於理不徹。於事不融。於道不妙。徹則無往而不達。融則無事而可礙。妙則統空而有而無。累如是現成妙用。各各圓滿。今吾人日用之中。好惡積億人。我山高順之則歡。然而悅逆之則勃。然不快。喜怒既生。靈臺卽昧。靈臺既昧。見色卽受。色迷聞聲。則被聲惑。若香若臭。甜苦澀滑。好惡影子。斯皆由塵發。知知迷成。戾戾則乖。眞一塊圓明。六識破碎。旣爲識矣。計身爲我。男女相誑。飲食相滋。情波浩浩。湫汨靡常。於臭羈轡。上妄想。穿中作種種惡。露天不能蓋。地不能載。幽繫長劫。變易形骸。升沉萬態。苦劇難言。若人或遭蚊蠅所咬。尙側掉而不安。聞是劇苦。而心不動者。謂之最靈可乎。以要言之。一切劇苦。始於不覺。以不覺故。於無身中妄執有身。

於無形中妄見有心。既見有身心。則堅者不覺是地。濕者不覺是水。煖者不覺是火。動者不覺是風。受者不覺因境。想不覺因受。行不覺因想。識不覺因行。故堅固執著。能所八法。於死生榮辱得失。關頭小有所犯。則心魂皇怖。毛豎骨寒。此無他病。在不解以堅歸地。以濕歸水。以煖歸火。以動歸風。以受歸境。以想歸受。以行歸想。以識歸行。耳能力歸之。則不覺成覺矣。然正歸之際。且道尋常所謂身心者。畢竟何在。於此洞達。則可轉萬戾而為吉祥。化不和而為中和。身充八極。而無患智周萬物。而不勞。此觀之門。以空為路。千里始步。空非是道。道即家山。且道窮子還鄉。唱誰家曲。調喚剪燈。不借傍人力。盡有餘光照十虛。示元廣空

說觀

在立則如候大賓。在與則如朝至尊。此兩句書如不動舌根。圓圖吐出。敬容來善。則善矣。猶未盡美。咄一片心光。恒不昧。虎狼羣裏。總春風。示吳元石

任運徧知光。本無待忽起分別。能所兀然矣。今一切衆生。欲復無待之光。苟不從有待之中。立大志發大

心。則本光亦不易復。何故。良以有待之知。惟周六尺六尺之外。隔一紙。則杌然無知矣。寧惟六尺之外。隔膜而不知。即六尺之閒。如髮毛爪齒之屬。亦割剪而不知也。如吾曹求無上道。為即用周六尺之知。求之耶。不用而求之耶。若用此求。豈周六尺之知。能求之哉。若不以此求。吾曹脫廢此知。即等木石。求無上道。若此可求。則一切無情。皆能求道矣。故曰。學道之人。不識真。只為從前認識神識神。即周六尺之知耳。如外此而求。又坐無情求道之難。卜郎痛咒之。示卜生夫心不以理養。則所見弗靈。猶魚不以水養。則所長非龍。至人知此兩者。必須交相養。而能事始畢。故奉塵刹而不厭。勤循一真。而非醉寂。雖然。初不以空寂為自己。不免受七尺之累。不以靈知為自心。不免被攀緣之牽。空寂故則死生禍福之橫來如雲。觸石靈知故則好惡公私之倒置如風。遊空果有志於大事。此兩者忽而不痛痛而不恒。恒而不化。則繼往開來。聖賢之種子斷矣。若然者。則天地萬物皆失依怙也。豈有是處。示法鑑

昔毗耶城中有維摩居士以病說法度無量衆。今桐廬先生亦以病說法度無量衆乎。若不能度無量衆。則爲病所轉。佛言。若能轉物。卽同如來。我則曰。若能轉病。卽同維摩。如不能轉。則維摩鼻孔在達觀手裏。雖然。且道此病從堅煖濕動有耶。離四者有耶。若從堅煖濕動有此病者。則堅屬地。大濕屬水。大煖屬火。大動屬風。大彼四既各有所屬。則此身果有乎。果無乎。有則病乃有地。無則病根何在。先生趁此時節。須究病根所在。則生也好。死也好。生不死。死也不甚奇。特卽生卽死也。無不是好事。噫。身爲苦本。何須說四大分張病屬誰。示項居士東源病中

夫鐘不撞。鐘撞不自撞。人不引人。鳴不自鳴。聞不自聞。是須三合而後鳴。五合而有聞。此衆人之情也。殊不知離三求鳴。離五求聞。三各無鳴。五各無聞。各既無鳴。無聞豈合三五而有鳴。聞哉。夫合三五而無鳴。聞則鳴。鳴聞聞果有鳴。聞乎。果無鳴。聞乎。於此洞然了知。則妄不待窮而自窮矣。眞不待契而自契矣。妄窮而眞契。究其功能。非大圓爲師。非撞爲士。非人能。

引則吾曹卽緣生而入無生。功何所自。耶。然求功於鐘撞。苟微其人。則鐘之與撞。不能自鳴。苟微鐘撞。則人不能作鐘鳴。往復推求。求功於鐘撞。微人無功。求功於人。微鐘撞亦無功也。惟其能所無功。功無有待。功既無待。謂之無功之功。無功之功。先聖謂之內紹有功之功。謂之外紹也。嗚呼。昧三則有鳴。昧五始有聞。如鳴不昧三。聞不昧五。則鳴聞聞聞本無能。所故無說而說法。法豈有盡耶。倘逢緣不薦。必根境抗。然因成失。照則不免流入相續相待。故曰。汝應如是。聞不應如是。聽然坡公身爲宰官。而說法自在。若夜光宛轉。橫斜於金盤之中。而衝突自如。竟不可以四隅測也。渠不得事不成就。三昧理不成就。三昧則不免口縫纔開。事理鈍置。或者謂東坡於文字禪。說法多理障。吾知其未夢見坡公在也。釋東坡法雲寺鐘銘示元一

夫鐘懸而無撞。撞有而無人。則鐘與撞不能相鳴。必三合而鐘始鳴。故鐘未鳴時。聞不自聞。必資鳴而後聞。鳴與聞并前之三者。非五合而後有聞。則缺一不能聞。可知矣。五合而後聞。聞果有聞耶。無聞耶。如有。

聞聞應有五如無聞則何殊木偶哉。惟聞而無聞則無所不聞。無所不聞則聞無所在。聞無所在則眼與鼻舌身皆可聞也。豈耳獨能聞耶。若然者則正聞時聞本無聞。聞既無聞。謂鳴有無者非也。嗚呼。衆人擾擾束耳能聞則大圓。然臥士擊撞謂之無聞可乎。然無人引之功。則兩者無用。雖藉人引若微兩者人亦何功。互而推之皆非有功。故無所不功如是則大圓。廣長舌相。徧覆十虛。說無盡法。然非以眼聞之。誰領玄旨。又臥士與人。即舌耶。非舌耶。即舌則舌不撞舌。非舌則舌不能徧。古德有言曰。喚作竹筴則觸。不喚作竹筴則背。今窮舌相於是則舌相又翻成竹筴子矣。由是而觀則不免礙塞。天下人去也。故問關吏可否者。未過關者也。如慣過關者自能掉臂而行。肯復更問耶。如未過關。謂聞非聽。謂聽非聞。何異宰割虛空。爭其多寡而擇其肥瘦耶。示元

四方上下謂之六合。眼耳鼻舌身意謂之六根。以爲方決不可易。根決不可紊。則謂之衆人是不知方生於無方。根生於無根。設知之則方之與根果可易耶。

果不可紊耶。雖然惟聖人在方而不爲方之易。寄根而不爲根之移。故能顛倒上下。反覆見聞。指地爲天。指天爲地。以耳見色。以眼聞聲。無爲不可也。示觀宗

生滅滅已。寂滅爲樂。此半偈者。乃我大雄氏雙林示滅時作也。自古諸師解有多種。有藏教生滅寂滅有通教生滅寂滅有別教生滅寂滅有圓教生滅寂滅。藏教必以撥生滅之波。取止水寂滅。爲樂。通教以卽波是水。爲樂。別教以波可會水。水還成波。不波不水。爲樂。圓教以一波無水。不波一水。無波不水。以不波不水。無往不波。不水爲樂也。者於此既然。舉一物會通萬法。皆具四教之旨。願其人善通不善通。善用不善用。何如耳達觀道人。則不然。別有出身之路。請有緣者火速薦取。如何是生滅滅已。吾指解伸如何是寂滅爲樂。吾指解屈伸。屈伸即吾指兮。離吾指兮。非卽非離兮。是卽是離兮。眼中有筋骨裏有骨快性。男子向此咬嚼得破。則三世諸佛與此人作奴兒婢子。去歷代祖師爲此人爲牛爲馬。去若咬嚼不破。正好向達觀栗榔棒下討分曉。去珍重珍重。示知忍

此身本是血肉筋骨及涕唾津液煖氣動轉之風攢
淒假合便有此相若能將此相識得破了。便得真身。
真身之好不生不死清淨乾潔不同肉身有生有死。
有病有苦有勤有懶種種之苦都是此不淨血肉之
身所招來常當行住坐臥諦觀審察身內五臟之上。
五臟之下五臟之中一一逐臟推尋肝在何處肺在
何處腸在何處肚在何處腸中所藏何物肚中所藏
何物著實看得分明想得明白了又當觀察從足至
膝是幾節骨從膝至上又幾節骨從胸前至頭頂上。
種種觀察何者爲胸膈何者爲咽喉何者爲頭頭中
又有何物觀來觀去察上察下一一如看掌文如鏡
照面了了分明自然衆苦漸息執著漸消此皆觀身
妙觀也故曰觀身厭有形也此身是箇苦種癡人執
著智者實厭諦信諦信不可忽不可忽若忽了不依
我作工夫用力觀察現在諸病相尋死去人身難得
至祝至祝上來都是觀身觀不是觀心觀若說觀心
觀之功德比之觀身觀其功德勝萬倍現前晨朝起
來管種種事忙忙不得停歇心中猶豫煩惱不知一

箇時辰起了幾番夜來夢中胡夢亂夢悲歡離合與
日裏一樣不差是故令人精神枯耗疲倦了也若能
識破此心從何處生查得他明白一切苦根拔斷無
疑最初觀起先觀此分別好惡之心夢想顛倒從境
生耶從自生耶若從境生我無知覺不生若從自生
境不屬我不生此心又以受蘊爲根因有受蘊便有
想蘊因有想蘊便有行蘊因有行蘊便有識蘊此名
四蘊蘊者積聚義然此四蘊窮破了受蘊三蘊自然
不生何爲受蘊領納前境曰受境有六種眼以色爲
境耳以聲爲境鼻以香臭爲境舌以滋味爲境身以
觸塵爲境意以五塵影子爲境故受有六受對六塵
而言也窮破一受諸受遂消故曰以四大觀身即得
真身以四蘊觀心即得真心真身無死生真心無好
惡雖曰無好惡不同木石一向無知即如明鏡物來
自照好醜雖分本無照心能作此觀非但現在福壽
安樂成佛成祖亦不難也我说不虛猛生信心我說
若虛我舌當爛汝不信心汝苦當受一切聖凡證明
此語可畏可畏

示某居士

夫殺盜淫妄飲酒食肉之習初無自性以無自性不能自覺要待逢緣始覺無性一覺無性則能履憎愛之場觸生死之境此覺不昧如定風珠一投大海波浪漸停所謂五習不遠而復凡爲佛子者初心受戒實先知此知此則名性戒不知則名事戒性之與事若水水本無異同融則名水凝則名冰是故先知性戒則一切事戒無事而非性卽如知水爲水則無冰而非水耳智潭智潭汝發此心誠爲希有此點初心如初三之月終至圓滿雖然如是智潭若未知性戒且守事戒事戒積久熏炙覺性終有開悟之日事戒者有根本事戒沙彌事戒比丘事戒智潭汝當先受根本五戒培後戒之基根本五戒者一不殺生云云

授智潭戒

初春正光居士透爆竹供養三寶因著淨人試火者三一一皆響如破熱之雷忽憶佛令羅喉羅擊鐘鐘則有聲不擊則無聲此蓋常情之所計也若以眼聽之則擊時未嘗有聲不擊時未嘗無聲例爆竹放與不放聲與不聲俱兩頭語耳如坐斷兩頭中閒亦安

可得目前大衆以此聽爆竹之聲則此聲卽達觀老漢廣長舌相也雖然可與知言者道不知言者管取未夢見在

燒爆竹示衆

若睡了不作夢時果乃無我則主出入息者阿誰若謂有我我在何處不解作夢卒然不知下落痛當屏息萬緣一念萬年萬年一念討箇下落方好商略此事如若乘輿而來輿盡而去欲以有思惟心卜度此事縱有一知半解總是以網張風徒勞無獲道人念公遠來且見懷有日所以不敢忽公好心特俟人靜身自問公公當念老病不與之期時光不可把玩得功名時不異夢中簪花失功名時不異夢中所簪之花爲風雨摧謝慨花易謝而醒醒後逆思夢中簪花夢中花謝及至覺來簪者誰乎謝者誰乎醒來知簪知謝者又誰乎以至推未有我時我忽何來既有我時我不能轉物終被物轉畢竟病根在什麼處若檢得病根出簪花也好花謝也好開眼妄想也好合眼做夢也好不做夢也好見道人也好不見道人也好贊道人也好謗道人也好設檢不出儒也沒分老也

沒分佛也沒分此是真實語如黑業濃覆便信不及
若黑業輕見此語聞此語執不感痛示馬新甫

千經萬論說離身心故覺有身心即是無明不見有
身心即是大智慧。無明智慧初非兩事但順情時
身心現前情消時身心廓落身心現前生死煩惱不
待而來身心不見涅槃菩提非求即證示懷

生人之大累莫過乎身心所以聖人先治自己身心
之後然後開物成務。譬如藥外運藥不惟一藥可運
雖百千萬藥可以命人運之有餘力矣何煩自運哉
衆人異此。譬如身困藥中而欲運藥難一藥決難運
之況多藥哉。又治身治心先務窮身心之始終然後
能治之如不窮其始終而妄治之終不能也。然身粗
而易窮。心精而難窮。故先窮其易者作離身之觀。稍
稍成熟然後窮其精者則心亦不難窮矣。身者何義
身以聚爲義。心者何義。心以附麗爲義。故曰離者麗
也由是而觀先須聚五行四大身然後成境未當前
則心不能獨立。必境有以觸然後心有以附麗。毗舍
浮佛偈曰假借四大以爲身心本無生因境有與夫

棄而後有身附麗而後有心若合符契但衆人不以
文字語言會其妙反被文字語言障礙所以通者成
塞塞者不能通也如善會之何塞非通何通非妙智
燈來前吾語汝汝當精窮身心始終之所以然所以
然得則治身治心若屈無名之指也但患不肯屈苟
肯屈之執不能乎智燈勉之自今而後凡遇榮辱風
波牢把柁柄堅然自持莫爲前境所轉則身存而無
死生之累心有而無好惡之偏慎之體之則千萬藥
可運也示智燈

饑火所燒可以食救欲火所燒難以色拔良以食飽
則不饑色無飽理故也此兩者雖難易不同然皆同
出於愚癡故曰愚癡不破飽復還饑欲終難飽由是
而觀一切罪業必以愚癡爲母一切福慧皆出於自
心明了明了自心又以般若爲母今有人於此視母
爲路人自以爲不愚者得非愚癡中之倍人乎
有能碎千金之璧而不能不失聲於破釜者有心無
心之別也故曰慷慨殺身易從容就義難慷慨非有
心乎從容非近無心乎仲尼曰原始要終故知生死

之說夫禍福莫烈於死生。如知其說。則禍福乃細故耳。何謂原始知生之所以然也。何謂要終知死之所以然也。知生之所以然。則生何所忻。知死之所以然。則死何所戚。雖然。衆人之情。有我而昧。昧以性成。堅逾須彌。苟不得其道。破其堅。執亦未易也。予讀金剛般若波羅蜜經。至如來問須菩提曰。若善男子。善女人。以三千大千世界碎爲微塵。於意云何。是微塵衆寧爲多。否。須菩提曰。甚多。予不覺置卷。熱淚橫流。夫何故。慙我自無始以來。堅合相計爲實。有勞彼至人婆心。委曲以三千大千世界可碎。開我迷雲。奪我執。恬不異殘冰蕩漾於春海。片雪飛觸於紅爐。此恩此德。深大難酬。我既知一合置於三千大千世界之中。有若無也。況世界亦可碎乎。如來言世界微塵所成。卽仲尼原始也。言世界可碎。卽仲尼要終也。以黑白之徒。習儒不聞。儒習佛不聞。佛致不遠。會通焉。嗚呼惜哉。夫千金璧可碎。破釜不能不失聲情也。知大千可碎。微塵可合而成。世界理也。情則有我而昧。理則無我而靈。老人願聖書自今而去。痛以無我而

靈者爲前。茅庶不負如來聖人深慈。慨切聖香痛難之。

夫惡無大小。善無淺深。而有心爲之。則罪大功微。何哉。良以無知爲惡。雖有丘山之罪。而君子察其無知。猶乃恕之。故物莫不善於有心。有心爲善。則有執有執。則有邊際。唯無心者爲善始。福等虛空耳。由是而觀。有心爲善。尙不可況有心爲惡乎。

易戒有心。老亦戒有心。然觀其象而察其爻。亦未始無心也。老亦不敢爲天下先。而不敢者。事非有心乎。故有心無心。唯聖人善用之。無入而不可也。自非聖人不唯有心。有過卽無心。亦未嘗無過。若然者。則初心之人。如何作功能。辨此者。可以讀易老。

夫梧葉落而知秋。葭灰動而知春。梧葉葭灰。非可見者乎。春與秋。非不可見者乎。然微可見之物。不可見者。終不見之矣。苟聖人不以可見之情。見不可見之性。則性終不可見也。夫性不可見。則我固有之全失。固有之全失。則我欲立於大全之中。而運其末。亦終不可得而易之道。亦幾乎息矣。易息而謂天地萬

物存則天地萬物皆易外有也。雖至愚不信。予以是知性有性之體。性有性之用。性有性之相。何謂體用所從出也。何謂用相所從出也。何謂相昭然而可接者也。如善惡苦樂之情。此相也。苦樂之情未接。靈然而不昧者。此用也。外相與用而昭然與靈然者。皆無所自矣。此體也。昔人以性無善惡。情有善惡。殊不知性無性而具善惡之用。用無性而著善惡之相。若赤子墮井而不忍之心生。此善之情也。此情將生未生之間。非吉凶有無可能彷彿者。乃不知其爲心而遂認心以爲性。所以性命之學。於是乎晦而不明也。卽易之卦爻有謂卦寓性。爻寓情。此亦認心爲性者也。夫卦六十有四。而吉凶之情具而未著也。具故非無也。未著故非有也。非無故則不可謂之性。非有故則不可謂之情。既不可謂之性。與情謂之心。非乎。故六十四卦心之所寓也。三百八十四爻情之唐肆也。故內外之情吉凶之機。雖錯變無常。然不出乎封之內。外交之奇偶也。內近親。外近疎。吉近善。凶近惡。親疎具而無我心也。善惡具而有狀情也。夫心與情。易之

道窮於是矣。而心之前有所謂性者。則非卦爻所能彷彿者也。然雖卦爻而求之。則又聖波求水也。然如之何。曰非予所知也。知之者非知之者也。是何故。良以性不知性。如眼不見眼故也。

宗教雖分。深然不越乎佛語與佛心。傳佛心者。謂之宗主。傳佛語者。謂之教主。若傳佛心有背佛語。非眞宗也。若傳佛語不明佛心。非眞教也。故曰依經解義。三世佛冤。離經一字。卽同魔說。

知身可愛之。知身不可得之。知前知因。身可得而立。後知因。身不可得而立。前知如前步。後知如後步。前步若不起。後步安得移。前步續後步。步步似不斷。前知續後知。知知似不滅。初心作觀者。此知不可忽。痛究知知源。源得知自歇。知歇照萬物。不勞無不徹。只此不勞者。亦名般若德。此德常現前。逆順湯雪。入死併出生。自在不思議。此後未及言。能到終自知。舌板搖脚跟。無上法輪轉。願生寶而藏之。俟汝受用得來。方可示物。示聖

男子家不知自重。自大則驕。所不至矣。不自重則物

重而身輕不自大則物大而我小重者大者我則蔑有輕者小者却受不辭夫至重至大者無擇老幼賢愚誰不具足特以微名小利浮榮輕爵賺誤了也人

人本來心光照窮三際

示馬子善

解等火觀等薪薪無火而不化火無薪而不傳是以大心凡夫即熱惱心頓開圓解之火即生滅之心漸副解火如凡夫初入信乃至十信生滅功完始登初住辦不生滅行至八住始得無功用行斯意味久他種安知

生鐵男兒欲究明此事無擇智愚但辦肯心直下即得噫當味爽之際交生滅之時頭面忽呈動睛已失故曰彩雲影裡神仙現手把紅羅扇遮面急須著眼看神仙莫看神仙手中扇

心光本湛妙物無累橫生知見失彼精明是以眼識色色耳識聲聲鼻識黏香舌識黏味身識黏觸意識黏法奔境流逸竟各忘返殊不知五識一覺唯六識知六若不熾彼覺何益故曰初居圓成現量之中等塵未起後落明了意根之地外狀情形故全覺斯缺

能悟潛起痛於境緣逆順之際是非榮辱之場歷然挺然觀一切得失如雲觸石如風過樹了無窒礙始不負爲男子漢出家標格設負之生不若死也全其體之則缺者全矣缺者全即屙屎放溺皆佛事也寧獨拈香撥火爲佛事哉

示全

韓信白起今昔孰不以大將稱之然但能戰人不能戰已戰人易耳戰已實難戰人如以手捉物戰已如以眼觀眼想此等境界如何下手想久得入一旦十八界魔兵蕩除五蘊集陽翻一安永安長劫作個無事人去如此豪傑將韓白較之奚啻螻蛄之匹大鵬也本白白精進度日十八界未空五蘊未清厚膏育之疾未□死生之夢未醒敢因循而偷活哉

示教明叔

男子立志必操從苦起業就艱難鳩毒浮華穢珠滄泊歷風霜而不變累歲月而恒新橫襟抱於愛憎之關高精神於榮落之際尊知而履韜壁而光尙友千古之先定理一心之內崑崙可拔拳石難傾汝果能之不爽此昭若夫旅日月之光於寢盆之下窮風雲之思於□閣之間而能揚音於丹桂之叢金□於黃

埃之上安可得哉示于

夫素人知養生而不知所以養生之道故爲生之所累至入知養生之道本於無生故能親生無生無生而生生無物累也嗟呼目爲色之所累耳爲聲之所累至於心爲七情五欲之所累猶曰我平生快樂無累殊不知無累者累之久矣蓋素人欲重神昏坐過而不知焉辟如醉夫臥於泥淖之中人曉之曰此泥淖非可臥之所也醉者瞪目而怒曰我生平不解飲酒汝奚誣我今天下俱抱醉夫之疾安得不醉者而與之言哉

教理行果此四者乃黑白凡夫之模範也如黑白凡夫不以四者爲模範未有不遭邪小所網者邪則外道是小則二乘是教乃圓教理乃圓理行乃圓行果乃圓果如四韋陀五明典籍是外道教如阿含等教是二乘教如華嚴法華圓覺楞嚴等教是終教顯教圓教是故於邪小發心是邪小種子於圓教發心是成佛種子又佛性有三有緣因佛性有了因佛性有正因佛性正因佛性我雖固有必待了因佛性開之

了因雖能開正因佛性又必待緣因佛性熏發之夫緣因佛性者非他物也即圓教所詮之理此圓理在凡夫分上謂之無明如以圓教理火熏發之則此無明以理火能熏炙之力而凡夫無明於不知不覺之中轉而爲無塵智謂之了因佛性無塵智眞積功終謂之金剛無礙智金剛無礙智謂之如理智非如量智也以如量智能開物成務接引初機以如理智非理外之智智本無功非智外之理契而無能故智與理理如春水智如遊魚水無養魚之矜魚無樂水之趣魚水相忘而養而遊自然與萬物共也初心凡夫如金銀銅鐵教理行果如大冶洪爐金銀銅鐵融而化之倘不假模範欲其成佛祖聖賢之像終不可得也故教必有師開理則圓理圓則行不偏行不偏必正果大備然華嚴文富法華幽邃楞嚴微密圓覺簡備此四法實當各寫一闍澡身漱口置闍佛菩薩像前嚴整衣冠至心禱祝弟子某如往昔親近佛菩薩因緣何緣因緣熟信手拈之拈得何闍即闍得經義形壽受持不敢懈怠如受持經後佛知見稍開決不

敢獨善一己。誓必如一燈之明。傳千萬。明千萬。明傳之於無盡。此初心。凡夫依教理行果之模範。如鼻祖西來。直指人心。見性成佛。則教理行果之窩。白早破。這缺齒老胡。踢翻了也。且問雷雨居士。教理行果窩。白既被老胡踢翻了也。雷雨於尋常日用之際。又將誰家窩。白棲泊。宋別駕朱炎一日。問講僧義江曰。此身死後。心在何處。江反問曰。此身未死。心在何處。炎猛然有省。呈偈曰。四大不須身後覺。六根還向用時空。難將語默呈師也。只在尋常語嘿中。江首肯之。雷雨於吳門天池山初晤時。亦首問雷雨。日用能分別心。畢竟在何處。屢問屢拶。雷雨竟無有答。詰朝遂別於天池。只今天池風月依舊。而問拶話頭。不知得依舊否。如得依舊。豈有真積力久。而疑團不迸破者哉。又雷雨二次書來。有王制臺求開示之囑。制臺於理水未深。不便裁書。請益。雖然。書雖未裁。而制臺菩提之心。早發於語言文字之先矣。此語言文字之先之心。卽鼻祖東來直指之心也。如於此能直下信而不疑。用處廓達。則天地萬物。皆在制臺掌握之中。何況

西蜀一省。不啻制臺沛然之法利乎。宋朱炎呈偈後。不久立化於多人之中。啓無量黑白信心。雷雨居士能不忘吳門天池風月。則峨嵋風月。又豈在天池之上哉。古德曰。若人識得心。大地無寸土。達觀則曰。若人識得心。心外無風月。修山主曰。風動心搖。樹雲生性起。塵若明。今日事暗。却本來人達觀。又曰。修山主但見錐頭利。不見鑿頭方。達觀但見鑿頭方。不見錐頭利。敢問王制臺與成都使君。且道修山主與達觀孰難。孰雄。若辨得出。則教理行果窩。白不踢翻。也不妨。倘辨不出。卽踢翻。教理行果窩。白管取此身直得無棲泊處。偈曰。峨嵋風月與天池。幾處歡歌幾處悲。心外了知無別法。境緣逆順盡吾師。寄示雷雨居士兼轉王制臺偶與宇泰言及禪門宗綱。因舉機不昧終始。如王太傅勸明上座。又如僧問青林。展轉接拍。冷然恰好。朗公不得明。昭謙代轉。不免機昧終始去也。其臨機之際。賓主酬酢。如兩鏡交光。瀾灩清淨。中不容他。如涉一毫擬議。卽片雲點太清矣。這箇境界。不可作人。我會不可作有心。無心會觸著。卽應。豈念慮可及。靈然

接拍豈木女同倫。此非見地乾淨。保任圓熟。權衡在手。殺活自由的。漢子管取張良智。巧淮陰作。恥直得鄉關萬里。把柄已在別人手裏。殺活憑他脚跟。波浪地隨人轉去。如此之流。近來覓一箇半箇。尚不可得。何況眞忍力量。漢愈加愁人。且道如何得。權喜去。蕭蕭夜雨。蒙頭坐。淚洒春風。不盡哀。漫山遍野。野狐精到處逢人。瞎眼睛。實法與人。誠漏逗。無規說法。轉悲

零
晏坐示
仲來

迦葉菩薩問佛云。一切衆生。見妍是妍。見醜是醜。諸佛亦見妍醜。了然不昧。如何衆生。卽是妄想。諸佛便不是妄想。佛告迦葉云。一切諸佛。但有世流布想。於中不生執著。一切衆生。於流布想中。妄生執著。所以被妍醜轉。却諸佛如鏡照物。影像交羅。有何妨礙。此是教中糟粕。納僧門下。卽不然。驢胎馬腹。教誰去。不是觀音卽普賢。信得及。入地獄有分。信不及。入魔隊有分。若要兩家坐。斷做箇出脫漢子。去朝朝夜夜。夜夜朝朝。若此身心。著何處行藏。曾不離刀山。示仲來世閒有兩種親眷。一種濃厚。滋養道種。一種濃厚。增

長惡習。若有智慧人。惡習親眷。亦滋養得道種。如力量不甚大。必須生處要熟。熟處要生。這裡見不眞。行不力。千生萬劫。受他累墜。卽如女色一端。父母婚配。本欲紹祖先血脉。名教良規。世閒豈可少得有等人兒女。既有淫慾。不斷籍此爲樂。迷戀沒世。終無醒日。堂堂男子。被這臭溺孔。斷送一生。一慾迷心。萬理斯蔽。子本從父母生。一聽婦女之言。父母之言。永不入耳。君臣分上。往往有犯此過。兄弟朋友。不言可知。色慾迷人。如此惡毒。傾覆大倫。不惟增長惡習。纏綿靈識。何日得脫。脫古德有言。寧近毒蛇。莫親女色。毒蛇害人。不過此身。女色繫縛。塵沙劫波。尙難解脫。惟有法屬之親。轉多轉益。滋養道種。終當得果。明師良友。不言世務。但究眞宗。以般若靈津。迭相澆灌。耳根薰蒸了。因正因漸。著孜孜永久一念。相應大事了畢。生死高超。塵網頓脫。如華鱗入海。永無羅網之患。法友眷屬。利益如此。世人不以爲重生死眷屬。受害如此。世人皆以爲重。如眞學道人。於此不可不具眼。不可不知好惡。若不知好惡。不是地獄種子。定是魔家眷。

屬如此等流夢見猶驚。況聚首促膝而論道哉。仲來此理亦當謹慎。自己無過。亦可將此化人較之。粧佛造殿。濟貧拔苦。功德愈多。何者。法屬興隆。正教得行。正教得行。魔風殄息。菩提種子。遍塵彌利。如春迴大地。百物遂生。當來成佛。眷屬參隨。弘大法化。必今日培植者。噫。用力少而收功多。丈夫不可不取。示仲來

聖人本無常心。衆生本無常習。是以蛇虺蝮蝎。無非大士之分身。菩薩如來。無非衆生之本色。聖人若有常心。何殊木石。衆生若有常習。則佛祖永無相續。是故觀音神頭鬼臉。凡形聖容。百千方便。泛用隨宜。一皆菩薩悲田所出。譬夫片月在空中。影臨萬水。豈思量分別可測哉。悟此則菩薩隨處出現矣。

俗諦中人入吾法中。如人溺大海。露髮髻子。善知識提攜如援髮髻子相似。須自家盡命掙著。不然是自要沈沒。千佛出世也難救取。示衆

我聞如來三十二相。凡一一福皆自受用。惟白毫相光此福不受。慈惠兒孫享用無盡。是故檀越滴水根線。臨當受時。觀此白毫圓照法界。無論聖凡影現光。

中由是施者及其受者俱現光內了無能所。三輪體空不昧物。我如是作觀。一切有爲皆成無爲。受白觀禮佛夫佛法本平常。而世以奇特求之。故往往不得佛心也。故曰平常心是道。此平常心凡有血氣之屬皆本有之。豈待佛菩薩傳而後有哉。若必待佛菩薩傳而後有。則世人日用境緣。逆順好惡多端。以非爲是。以是爲非。熾然而分別不歇者。此又何心哉。此即平常心也。但衆生不善用之。而現三毒奇險之心也。如善用之。則衆生三毒奇險之心。卽是諸佛平常之心也。雖然衆生奇險習熟。脫聞平常心是道之說。自然承當不下。蓋其平常習生故也。是故必須待佛菩薩以寶几珍御之風。鼓吹而化其下劣之心。則荷擔之心生矣。此一心生。又追惟往時下劣之心。鄙而惡之。於平常心則生大驚異。以爲聞所未聞。得所未得。故沒量大人知其如此。復以狸奴白牯之風。鼓吹而化其驚異之心。至此則聖凡情盡。平常心開。開而用之。謂之大機。機之爲言。蓋取照不昧。用不昧。照耳。夫照不昧。用則謂之真。照用不昧。照則謂之大用。故臨濟

曰沿流不止問如何真照無邊說似他離相離名人不稟吹毛用了急須磨吹毛用了急須磨者變而不窮之謂也

一微涉動則吉凶橫生能洞照微先則禍福爆落但衆生迷染成性卒難回機機苟能回習染漸釋如習染終不能解則過現諸佛又從何來過現聖人得道有據則習染雖久必有除因知有除因而甘隨習染者此一種人自有閻羅老子不放過渠在不勞旁人代渠擔憂蓋此一微不出四運故以四運觀之微本不有何況有動何謂四運未微欲微正微微已是也一微若實有者豈假四運而名微哉雖然四運觀微微實不有則涉動之時於可意境便覺懽悅於不可意境便不耐煩此懽喜與不耐煩果體四運而觀有此兩者果不能觀有此兩者如果體而觀有此兩者是兩者習熟此觀習生故也如此觀力強兩者力弱則得力不得力觀者自知勝負故曰解不難而行難行不難而克終難克終不難而忘又難故惟忘而能用者則觸途成觀矣又道前道中道後有兩順一逆

真妄工夫不可不知者何謂妄順清淨本然而忽生山河大地是何謂妙順沂而上之緣情復性是何謂逆性復而悲同體駕慈航而拯濟萬有是此兩順一逆東方出聖人西方出聖人上古出聖人現在出聖人倘滅視而不信者皆天魔外道非聖人也夫業未嘗不真心亦未嘗不真業之真即心之真心之真即業之真真外無業與心心業之外亦無有真即此觀之一切衆生於顛倒七趣之中本皆現證者也以衆生日用而不知於現證中橫生分別故現證者日用而不知也殊不知於日用不知之中實未嘗不現證者矣如心不知身則身本法身身不知心心即本智法身如鏡本智如光光依鏡有光還照鏡本無所能何事非真今有人謂心不知業則業無待業不知心則心亦無待便謂罪福皆空我不可得殊不知罪福皆空待罪福未空者之影耳我不可得亦待我必可得之影耳是皆嗜欲情熟研真理生說時似悟對境還迷者也如法華之妙法法即一切萬法妙即了達萬法之外初無別真故曰借婆衫子拜婆年

又曰妄想無性將甚知業業亦無性將甚知心心不知業能存而無我業不知心所存而本虛無我而虛所能不味知而能行日用無生知而不能行日用愛憎日用無生陰陽雖巧不得加陶鑄之功於我矣日用愛憎根境雖無性則無往而不搖我精精搖則六合六合則一失一失則頭迷頭迷則心粗故曰心粗亂撞頭又仲尼心不死日用自然活潑回心死活不得故便不能不言而信不比而周無器而民蹈手前蓋回日用之際回必知一亦知回以兩相知故能所橫生活者死矣故曰有我我在天地中無我天地在我中

我乃生於可欲故有欲者不能不生生既生矣不能不死天下有欲長生者端以生爲福死爲禍故曰禍福莫烈於死生蓋不知功德天與黑暗女我能一心不生彼將不待遣而俱逃矣然後同天下吉凶而吉凶莫能累也如是者謂之正因反是者謂之邪因又橫計心外有法不能會萬物歸已謂之外道以此觀之外心則無生無生則無滅如生生滅滅動動靜靜

通通塞塞恬恬變變離離合合暗暗明明本一精明映彼六者流而不返近取諸心則爲生滅遠取諸物則爲明暗晝夜古今寒暑之多也而天機深者悟一塵芥而上之則餘黏齊拔矣故曰緣見因明暗成無見不明自發則諸暗相永不能昏此指眼根脫黏而入也至於意根則緣知因法無法無知不法自知則諸滅相永不能惑嗚呼使貪長生者洞悟此旨則痛悔向之所爲首越而之燕也

百尺竿頭踏大木而驚悸大地之上履寸板而坦然此何故哉竿本不虛地本不實一切衆生於無虛實中橫計虛實故

皮毬子曰有一事則有一義義宜也如地宜堅水宜濕火宜熱風宜動如堅者濕濕者熱熱者動動非義矣理則不然堅可以爲濕濕可以爲熱熱可以爲動動復可以爲熱熱爲濕濕爲堅蓋宜者可以不宜不宜者可以宜譬如輪之始終豈果有端哉故地水火風又名曰四輪然輪雖不可以始終窮外緣則輪何所有義理辨

夢悟醒迷。聖凡途隔。究其所自。不過未達本源。故曰達本忘情。知心體合。卽此而觀。情未忘時。不必以情忘情。何以故。情終不忘。故如一達本情。不待忘而自忘矣。如體未合。亦不必求合。何謂體合。無思契同也。若然者。知心卽達本。達本卽知心。明矣。是故達本知心之人。雖同衆人。紛然於夢境。然其達境無性。知心無外。愈夢而愈覺。一旦夢緣爆斷。覺影亦空。故不同於醒迷之曹。如本未達心。未知雖其人。忠信廉潔如伯夷叔齊。其情執堅固。過於須彌之難破也。此難破之執。謂之一合相。此一合相。是一切衆生之痛瘡。疤雖父母妻子稍觸。其疤則無明之發烈如猛焰。況他人乎。聖人知此相之難破。以爲須彌。雖則堅固勝一切。然以三千大千世界較之。則須彌又太倉稊米耳。故聖人一碎三千大千世界。以爲微塵。使衆生知三千大千世界。堅固於須彌者。尙可碎而爲微塵。衆況我最爾之軀塊。然之相。豈能久留而不可壞哉。且此世界不能自有其體。必合微塵衆而成微塵衆。亦無自體。必碎世界而有。故以世界觀微塵衆。則微塵衆

不可得以微塵衆觀世界。則世界不可得。世界與微塵衆既互觀而不可得。則一切聖凡依正二報且道畢竟安著何處。偈曰。兔子懷胎產六龍。不惟爲兩更爲風。臨機縱奪能翻弄。一片春光萬卉融。

紫柏老人集卷之六

紫柏老人集卷之七

法語

明 憨山德清 閱

地水火風空見識與覺聞知名爲十大。究其所自。則十大不離阿賴耶識而有也。阿賴耶此言含藏。蓋此識能含藏覺義。不覺義與見相二分。若地水火風空五大。乃因此識相分而建立也。見識覺聞知五大。亦因此識見分而建立也。又此識本自無體。體本不動。智而有也。何以故。以不動智。智本無性。無性之義。古今難明。此義唯紫柏大士於華嚴論發泄殆盡矣。然學者心識粗浮。論雖曾閱。了知此義者。不殊麟角焉。

予雖不敏。試且解之。蓋此智智外無智。了知此智有性。無性又智。不知智有性。無性於此。不了。即名無明。無明即屬生滅。無明無性。即屬不生滅。以生滅與不生滅。似一非一。似二非二。此二和合而成阿賴耶識。此識覺義。即屬不生滅。氣分攝此識。不覺義。即屬生滅。氣分攝。又覺與不覺。初無別故。以本智無待無外。故要須本智隨緣於緣生中。樂極苦生。苦極思本思。極心開。方始知我。此極苦本極樂來。極樂本有待來。有待則物我亢然相搖而成苦樂。今我悟有待。初本無待。於無待中求樂。尙不可得。安得有苦。回觀物我相搖之夢。譬如醒中笑夢顛倒。雖夢熟餘習。未能頓除。以我所悟。無待無物。無我。廓然而靈者。治夢餘習。譬如春陽之照殘雪。雪豈能久留哉。即此觀之。八識不覺義。具於待先。故曰本淨。本不覺。由茲妄念起。此識覺義。開於有待之中。故曰能迷。非所迷。安得常相似。既不相似。則不免樂極苦生。苦極方求出苦之智。出苦智入直下了。知有待如水。無待如水。雖質礙融通。似不相。即而離水。無水。離水。無水。故水現前時水。

無涓滴水現前時。水無毫毛。自是以。此了知。周旋五位。盤根錯節。置身心於死生福禍之中。擄性命於逆順境風之際。橫磨豎煉。豎煉橫磨。磨煉既久。行不負知。身心爆落。生死門開。乘悲智輪。浮沈於十方三世。展轉於三世十方。若一闢提不乘。此輪者。我不得佛。又此識見分第七識計。而爲內自我七識。又爲六識後半細相分之源。故引滿二業。雖隔生不昧也。故六識頌曰。引滿能招業力牽。蓋七識爲源耳。若動身發語。獨爲最。又此六識粗相分也。若前五識皆八識相分相分。即氣分也。非相分之相分也。此種種識妙達法界緣起。無性俱不動智也。雖然。先起信發心。難證發心。易蓋先起信發心。實在緣知。證發心。但在現知故也。

吾嘗因照鏡見己之影。吾作何狀。影亦作何狀。既而究能作吾狀者。畢竟是何物。吾瞋狀。即瞋。吾喜狀。即喜。始求之於六根。再求之於九竅。至於五臟六腑。八萬四千毛孔。長求短求。內求外求。精粗皆狀。惟能狀狀者。具六根九竅於偏身。毛孔根有根。虛竅有竅。虛

毛孔有毛孔之虛狀。即是色。虛即是空。若能狀狀者。屬於空色。便與空色爲一。則空色不知空色。何以故。一不知一。故也。一若知一。一是所知。知即是能。此成二矣。一義何在。吾種種求能狀狀者。始悟其初不屬空色耳。渠既不屬空色。豈可以內外古今遠近求之哉。雖然。能求之能。若不廓落。則此能難精於空色。而實粗於能求之前者。故曰。若以知知寂。此非無緣知。若以自知知。亦非無緣知。亦不知知寂。亦不自知知。卽此觀之。則能求之前者。斷不可以智識窮功力到。惟契無生者自知也。

昔有一僧。平生爲常住。務擔閣了修行。一日鬼使催捕僧曰。煩鬼使奏聞閻羅。乞假七日修行。雖死無恨。鬼使曰。奏准則七日後來。不准卽至矣。僧修行七日。後鬼使復來勾當。前案則覓僧不可得矣。噫。死生亦大矣。此僧七日精進。雖酷烈如閻羅王。尙奈何。伊不得況陰陽造物能陶鑄耶。汝等既發心持偈。若精進之心。不如此僧決斷。縱持七百日無益也。

中印聖人其名曰佛。其所設教。凡攝衆人必先三歸。

然後授與五戒三歸者。謂歸佛法僧是也。五戒者。卽不殺不盜不邪淫不妄語不飲酒是也。其意以爲不歸佛。則出世無主。不歸法。則開悟無門。不歸僧。則教授無師。故三者闕一不可。如三歸雖備。若不嚴持五戒。則樹德無基。不殺卽孔之仁。不盜卽孔之義。不邪淫卽孔之禮。不妄語卽孔之信。不飲酒卽孔之智。此五者。凡學出世法者。旣授之後。無有破犯。則謂之優婆塞。蓋有實然後有名也。又歸依佛佛者。覺也。歸依法法者。範也。歸依僧僧者和也。覺而不範。如但知土。可以爲器。若不經模。則器終不成。如範而不和。如有模而不解調治。則器成不美。是故世出世法。聖人設教不同。然三歸與三綱五戒。與五常初無別也。近世有等妄庸之徒。假佛門爲遁逃之藪。其初入門。旣非真心。則旣入之後。靡所不爲。一旦惡滿事敗。陷於王難。波及無過之僧。及真心齋戒者上之人。又不察其眞僞。凡見髡其首者。卽謂之僧。殊不知首髡而非僧者衆矣。故執政者。又不可不精辨其眞僞也。倘一忽之。則虧冤者。雖百千萬世終不免雪之。然後其冤始

解耳汝既歸依法僧三寶又從性天老師授持五戒若不知好惡少有破犯則韋馱尊天現在戮害汝身死後復誅汝神此真實語情不敢私私則在上下罪不容赦

示禪人三皈五戒

毗盧遮那佛此言光明徧照一切處吾於此未嘗不痛心也何故既言光明徧照一切處則凡血氣之屬屙屎放尿一動一靜無一刹那頃不在此光之中如何十惡熏之則地獄相現乃至緣因佛性熏之則現如來之身且道現地獄相時如來之身畢竟在怎麼處現紫金聚時地獄相何在於此揀得出見得透則雖蚤虱臭蟲螻蛄之屬其威神光明不讓毗盧遮那如來一毛頭許今若虛發大誓願轉根本法輪於一微塵中此一微塵如可剖破塵無頭腦如不可剖則根本法輪轉亦未易

大凡學出世法先要洞明自心然後昭廓心境窮內外典籍而大其波瀾則化風自遠矣人天自高矣然欲洞明自心貴在情死盡情不死性不活則於博地凡夫欲其直下轉識成智心徑圓通安有是處吾與

汝先授五根本戒者亦願汝根門潔白攀緣自斷情亦漸死耳設情不死夾帶修行謂之野干種何哉以其自生至死若靜若動若穢若潔若精進若懶墮無非情故故曰萬物浮沈於生死者情爲其累焉且道情死一句子又作麼生舉揚是佛是魔皆盡毒非魔非佛總冤讐直饒棒下番身漢未入黎奴白牯流古德曰若人識得心大地無寸土我則曰若人識得大地身心不可得願朗驅鳥曰古德說得是我說得是汝莫瞞心試說看朗曰皆說得是又問朗曰汝曾讀楞嚴經不曰讀曰汝讀楞嚴經記得佛告阿難我常說言汝身汝心皆是妙明真精妙心中所現物云何汝等迷失本妙圓妙明心寶明妙性聚緣內搖翹外奔逸昏擾擾相以爲心性一迷爲心決定惑爲色身之內不知色身外洎山河虛空大地咸是妙明真心中物譬如澄清百千大海棄之唯認一浮漚體目爲全潮窮盡瀛渤朗曰記得曰汝再試說看我與佛及大德三樣說畢竟那箇說得好朗曰檢別不得曰汝這□侗□蟲作這個解管取他生異世改頭換面

贊他信施始得何以故只解順水推船不能逆風把舵故放曰若能轉物即同如來如佛解祖解與極玄極妙古德謂之圓關中物如打疊不尋早晚上床下地終不免礙人脚手在示正

稜稜鴈塔標雲外混混龍泉續洞宗二會芳五燈圓照此等家聲寂寥久矣皮毬道人每念及此未始不痛心扼腕冀大振祖道且嘗慕中包胥爲人彼覆我存赤心耿耿無須與斷蓋疾惡習重來自多生或謂佛祖聖賢盡虛空爲量遍法界垂慈何示人不賢乃獨道人笑而應之曰若豈不聞生處要熟熟處要生夫疾惡不重卽向善不真向善不真則觸境逢緣利害相關處脚跟便立不定故五持與五犯當知犯持之際中包胥哭秦庭光景若不現前決定敗績矣人天小善持志不真尙不能成就況出世無上菩提乎萬歷丙戌春皮毬道人由路南達燕山距都城八十里爲古潭柘幽勝絕天下寂錫因留之隆冬未已春風忽動千山煖回萬壑冰消則峨嵋之興油然而生諸檀越有相慕而不捨者躡跡重雲大開祖帳悲

歌藹茗感慨竹風皮毬亦悵然矚曰若等果向善心真秉持初志堅克有終豈獨人天小果決定成就出世心燈定當續焰雖然不談六經安知王道不讀佛書豈知佛心卽宗元信不我欺或者聞言進曰靈光獨耀迴脫根塵體露真常不拘文字道人之言甚哉其膠柱鼓瑟也且言說害道障礙自心有不可勝言者今之緇素不求之經而求之疏不求之疏而求之鈔不求之鈔而求之音義少林實宗風所繫比來委靡更不堪觀大都以秘要爲直指以評唱爲資托以頌古爲過路以機緣爲利語是嘈嘈之徒號稱參禪者不求之機緣而求之頌古不求之頌古而求之評唱不求之評唱而求之秘要嗚呼語言之爲害一至於此而道人復示人以語言文字豈非救火而油之也皮毬道人又笑而應之曰豈語言之爲害哉特求之者不善耳三藏十二部千七百則葛藤皆佛祖深遠廣大之心參禪者求之於機緣習教者求之於佛語則語言文字乃入道之階梯破暗之燈燭今乃宗教陵遲祖道蕭瑟咎在棄本逐末重輕輕重如習教

以佛經爲本。明宗以機緣爲本。弘闡宗教。以道德爲本。以戒行輔之。以學問大之。視浮名爲游塵。視金帛如糞土。秉志堅貞。憎愛關頭。死生以之。管取宗雷大震。教雨滂沱。昏者醒而稿者潤。不爾。踰法王之座。披如來之衣。傳我佛之言者。所謂狐嘯耳。焉足爲法門輕重。一時開侍者。暨慧輪中光覺天浴慈田。湛鎮潔明宗。俱列祖帳之前。共獻此茗。受者進者。皆非小緣。人人當生悲感之心。誓期出世。無以富貴爲懷。決以道德爲本。學問資之。自然此別之後。有志者必遂。若等不見潭柘之祖塔。乎碑銘琅琅。餘光烈烈。使我讀之而殞淚。拜之而毛骨寒。彼其未得道前。皆臭凡夫耳。旣得道已。師範人天。流芳千古。如此之名。名終不朽。如此之功。功蓋天地。上之人天下之螻蟻。皆受其恩澤。較淮陰夷吾。彼皆生死之因此。乃無墜之本奇男子。必以吾言爲不謬。且道萬里長途。臨行一句作麼生。雞園競秀。春風暖。柱杖橫擔日月行。龍泉別業示言無廣略。義無淺深。顧其人得旨行持。何如耳。是以善星比丘。雖聰慧過人。不特博通大藏。亦無書不窺。

以心術不佳。遂招生陷之報。如摩訶比丘蛇奴乞士。唯持摩訶般若一句。若第二字。尙記不全。皆生身得果。以其天資淳朴。一念萬年。神凝方寸。用志不分。所致也。曇衡梅禪人。一朝辭紫栢道人於清涼山中。將由燕京而圖南。乞一言以爲資糧。道人囑之曰。若所持誦禪宗永嘉集言略義要。此永嘉大師已驗之方。依之行持。必然出苦道人何言。而禪人猶低首長跏不起。復次囑之曰。衆生日用無往而非昏動。菩薩日用無往而非止觀。諸佛日用無往而非定慧。謂之三耶。則外昏動本無止觀。外止觀本無定慧。謂之一耶。則昏動不卽止觀。止觀不卽定慧。果一之耶。果三之耶。若於一三之閒。未能判然了徹。豈唯永嘉集不能資汝出苦。一大藏教亦皆長物矣。何況非法。又巖頭禪老。一日有僧問曰。起滅不停時。如何。禪老喝曰。是誰起滅。其僧得旨而退。今時有一般野狐魔。便道我會也。起滅者是某甲。本來佛性。嗚呼哀哉。如此妄會。一人傳十。十人傳百。百人傳萬。吹徧世閒。滅佛種族。滿眼皆是禪人。來前設於巖頭句下。未能徹去。且

依永嘉大師此集行持終不悞汝勉之勉之

夫鉢之爲器。具三寶備六德。何以明其具三寶。蓋象此則僧無所資。僧無所資。則慧命斷。慧命斷。則佛種滅矣。彼其能清。能容。能儉。能廣。能尊。能古。則六德之謂也。古由佛授。尊由天獻。廣則普利。一切儉則過中不食。容則施受。精粗而福利平等。清則舉世不忍以輩投之。如是而吾曹敢不寶重哉。嗚呼。去佛日遠。魔外充斥。髡其顛而毀其容。偏其僧而真其俗。至於祖宗標格。法道綱常。破壞殆盡。反以操瓢爲便捷。而安之若鉢。則視爲滯貨。皆棄而不持矣。既作佛子。凡百所行。須遵佛勅。故特爲提三輔而申六德。使吾曹卽名制器。卽器昭義。得義崇古。振頽波而迴末俗。斥僞衆而集眞流。共扶慈化。并報佛恩。茲囑萬佛菴陳寶林居士。歸而制之。或萬或千。盡自心力。承荷無忽。此風一扇。能克終始。吾眉山轉塵當有可觀也。示陳寶林

雖重雲而孤明。獨露映湛水而素影全彰。此等解會。總是撥波尋水。外塵覓地。是以古人謂之。諸方所示。佛性皆半生半滅的老僧。這裡方是全不生滅。或者

詰之。則曰。彼皆以色身有壞。法身常存。豈非半生半

滅乎。老僧這理。卽臭肉團便是金剛不壞之身。故與

諸方不同。據皮。毳道人觀之。則這老僧也未夢見金

剛不壞身在。且道如何是金剛不壞身。咄。日月升沈

施大照舉。呼休自昧。清暉。示顯光居士

能急於收放。心而不能知心之所在。心果能收乎。於

此不能審究下落。則心終不能知矣。不先知其心。而

欲收之。吾不知其所收者。果有心可收耶。無心可收

耶。吾以是知。不先知心所在。而能收之者。盡世未有

其方。如雞犬既放之。將欲收之。不先知雞犬所在。雖

千呼萬呼。終難收也。大抵役名味義之習。不破而精

義入神之路塞矣。且心不可以有無求。又豈可以內

外推乎。如我現前六尺之軀。刺頭則頭知。刺足則足

知。刺胸背則胸背知。至於一身八萬四千毛孔。設有

八萬四千針。一時刺之。而一時者。知若雞毛孔。一紙

之厚。雖有千刺。萬刺。不知矣。此知果是我心。此心知

周六尺而已。六尺之外。都無所知。若然者。離身無知

之義明矣。倘此身一朝腐爛。則此知果隨而腐耶。果

不隨而腐耶。如隨而腐。則身有相而可腐。心本無相。所以有無不能盡之。豈果隨身而腐耶。死既不隨身。而腐豈未死但能周六尺餘無所知者。以理折之。終難大通。昔人有言曰。不惟真心不倚形而立。即妄心亦難必其倚形而立。何以故。求之內外無所。故豈有內外無所之物。倚形而立哉。吾以此又知收放心之要。要在先悟安心無體。則所誘我者。自不能爲待也。噫。物我無歸。誰爲放者。收收放放。放放收收。收於此。豁然譬如牧牛。而得其鼻繩矣。率之東。率亦可率之南。畝亦可率久而純。則不收不放。亦可放放收收。亦可二生。既有志於學。問不能此而能他。得非惑乎。又此既明。儒亦可釋。亦可老。亦可如此。不明儒非真儒。老非真老。佛豈真佛。二生勉之。示毛吳二生學道無他。要要在偷心不生。偷心不生。則古德機緣言句中。磕著撞著。時以宿善根力。大都悟入終易。如偷心不死。又無痛切精進之力。復遭差別。因緣阻亂。之是皆多。生惡習所致。所謂偷心者。不惟凡情。即聖情不盡。亦謂偷心。汝忽獨病緣善用之。即入道緣不

善用。即差別緣。哀汝道緣多障。附此勸汝。示沈季玉夫寒往則暑來。夜往則晝來。開往則合來。而寒往則暑來。以一歲言之也。夜往則晝來。即一日言之也。開往則合來。就一瞬言之也。衆人以一歲爲長。以一日爲短。以一瞬爲短中之短也。殊不知由瞬而日。由日而歲。由歲而成古今。皆念後事也。如一念不生。前後緊斷。長短路窮。則所謂歲之與日。日之與瞬。皆睡中語耳。豈大覺之境哉。是哉有大夢。而後有大覺。夫覺則不睡。不睡則無夢。而衆人眼睡於色。耳睡於聲。鼻睡香臭。舌睡味身。睡觸意。睡法塵。一睡永睡。長劫不覺。根塵抗然。識搖其中。開眼合眼。雖有寤寐。而實皆睡也。惟達者覺由塵發。知因根有相知。初無知相本無相。故抗然之根塵。不待觀空而自泯。故曰狂心頓歇。即是菩提。菩提此言覺也。嗚呼。本是一精明。分成六和合。積執成堅。各各不化。以睡爲惺。以苦爲樂。顛倒夢想。苟不鳴以大覺之雷。則睡者終不惺矣。且惺也者。待睡而稱未睡之初惺。在何處。謂惺在塵。是塵非惺。謂惺在根。根既是惺。孰爲其根。謂惺在惺。惺不

惺惺江生來前。吾語汝推惺於三知惺所在。則寒來暑往。暑往寒來。皆汝眼開合。又喚誰爲睡乎。誰爲惺乎。雖然轉得睡者。然後可使惺耳。倘轉睡未能。則惺使江生去也。江生勉之。示江生 惺惺

夫木具火性。然不能自焚。必須假鑽燧而烟始生。然烟雖非火。乃火之前茅也。如鑽燧不休。火必繼烟而至矣。火則木盡成灰。嗟乎。木始由土而生。終還於土。此理勢然也。衆生佛性。木中火性也。諸佛教典。鑽燧之具也。具有而不得其人。則火終不發。火發而木然。衆生因佛教典。熏發觀照之火。焚五蘊。木終歸性土。此蓋卽情而復性之譬也。

去佛世遠。祖亦不出時劫轉濁。故修行人最初立念。雖爲生死到頭敗闕者。多大抵病在何處。不在聲色貨利。不在七情六欲。只在當人一箇臭驅殼子。打不破一點妄想心。就不透被生死魔所役從。從無始來。天身人身畜鬼之身。羽毛鱗甲之身。於苦海中改頭換面。升沈無有暫止。且道這生死魔及天畜等身人。與之耶。自招之耶。總來不出一點攀緣心。這點攀緣

心看來無許大。黃面老子因地中捨金論王頭。不可勝數。卽至將證果時。更受種種惡逆之境。十生九死。拚命挨排。饑寒不顧。利害不管。但知此點攀緣心。不了禍媒。不淺務必觀透。方了。不知此點攀緣心。是何物件。非惟黃面老子併精著彩。不顧危亡。然後降伏得下。自古及今。豪傑不少。扶王佐。伯成功業於涕漣之間。百世芳名血食。未有能觀透此點攀緣心者。既觀不透。豈能降伏得下。故般若會中。須菩提人天衆前發個問。端云。何降伏其心。云。何應住爲問。住則且止。畢竟此心如何降伏。這點機關。不在於佛。不在於祖。不在於知識法師。可以傳授。與你佛祖知識。只好與你作箇傍敲助緣。若要觀透此心。悟徹了。當譬如壯士屈臂。惟在自己。不假他力。縱有大藏聖教。亦不過是傍敲說話。孟修若真要了此生死。於此決當發一段搏身捨命的志氣。此心不悟。穿衣卽是披毛皮。吃飯卽是吃屎。屎要悟此心。不知自責。便被懈怠昏沈魔所蔽。終不能到古人悟處。如乾峰示衆云。法身有三種病。二種光。一一透得。方可說修行雲門出曰。

爲什麼菴內人不知菴外事。乾峰也只得呵呵大笑而已。敢問孟修。雲門話頭是何旨意。乾峰笑處有何利害。於此二老口角。頭知些好惡。所謂降伏其心。辟如順風揚塵。有何難哉。於此放過。不求了徹。則前所謂苦海之中。改頭換面。升沈不止。羽毛鱗甲。請孟修一一從頭做將去。石崖云。三塗一報五千劫。出得頭來是幾時。

示康孟修

楞嚴會上。佛告阿難。一切衆生。從無始來。生死相續。皆由不知常住真心。性淨明體。用諸妄想。此想不真。故有輪轉。諸仁者。此一段經。有兩種血脉。一是四聖血脉。一是六凡血脉。遮箇關頭。辨析不真。管取十人舉心動足。五雙錯了。常住真心。性淨明體。此便是四聖血脉。此想不真。故有輪轉。此便是六凡血脉。四聖者。佛菩薩聲聞緣覺是也。六凡者。天修羅人。傍生。餓鬼。地獄是也。此十者。又謂之十法界。言法界者。法則共。合界則各別。此皆總是衆生最初發心不等。感果亦異。若是箇大闢提漢子。直下一念不生。轉身就父大事。因緣千了萬當。舉箇佛字。早是染污。且道十法

界者。向恁處著落。貧道此等說話。也是鉢孟添柄。嚼飯喂人。噉心不少。雖然未是箇闢提漢子。也須循規蹈矩。做來亦無大錯。故末法修行者。切須明此兩種血脉。始有商量好惡。分不然。盡是說鬼話的人。頭牛耳貧道與仁者。聚首此地。莫非前劫因緣。非今情識。諸仁者。自今而去。必當以四聖爲血脉。莫以六凡爲眷屬。要以四聖爲血脉。必要發四聖的心。腸。且道四聖的心。腸。如何發起。一念剖析得空。此聲聞血脉也。卽念體空。此緣覺血脉也。卽念卽空。卽空卽念。空念歷落。此菩薩血脉也。且道佛之血脉。如何接得。驢胎馬腹。尋常事。寶座蓮花。有甚奇。諸仁者。一念析空。方接聲聞血脉。不知諸仁者。逢緣遇境。逆順關頭。一念析得空否。一念若空。則心與空相應。心既與空相應。說怎麼。驅殼子。到此時節。又喚怎麼。作愛憎。諸仁者。此箇境界。不過聲聞血脉。尙愛憎超然。何況緣覺菩薩。佛耶。貧道也有幾句閒淡話。聊與諸仁者。解登山之勞。衆生習氣。卑劣。但提著六凡血脉。分上事。卽如膠如漆。藹然莫之親。而親之精神。爽利。言談有味。如

飲醇醪。每提起四聖血脉分上事。不是昏沈。便是散亂。方便勉強。勸他多念一聲佛。多拜一拜佛。多看兩行經。多奉事兩箇知識善友。其精神不期倦怠。而自倦怠。方寸中。又若芒刺。使身覺不自在。心覺不悅樂。此無他。不過出世心輕。塵勞業重耳。今諸仁者。皆是傑然漢子。豈尋常可比。雖然。自是而後。法脉中。宜各殷重。莫因六根門頭。憎愛影子。傷了血脉源頭。若不幸有此。皆是人頭牛耳。又何足道。貧道說此語。十方諸佛。併殿上釋迦佛。國山寺裏護法伽藍。及三洲感應章。默菩薩天。眼遙見天耳遙聞。他心證知。諸仁者。不是等閒事。若忽略了。不惟現在遭大患苦。向後地獄不免在。且道一念未生。地獄天堂。是有是無。有則墮增益。謗無則墮損滅。謗亦有亦無。非有非無。總墮謗數。此不管你張三李四。照律問罪。將去那管你承當不承當。若要出此謗類。須會得水急偏留。月山高不礙雲。示丁南羽穆仲純吳康虞于中庸豫章黃山谷嘗嘆息。學者驚流忽源。故以機緣則驚奇而趨之。曰。諸祖西來意。舍此無從入矣。以七佛偈。

則忽略而不究。殊不知舍七佛偈。則禪無源矣。禪之流。又惡自來哉。七佛偈似可以義解。諸祖機緣似難手義解。以爲義可解者。終不能超情識。義不可解者。非情識可入。參而悟之。則一悟永悟。始千了百當耳。是不知七佛偈亦有義解。不得入處。諸祖機緣亦有可以義解者。大槩學禪之法。法本無定。譬如大將用兵。有時以正勝敵。有時以奇勝敵。有時以奇正兼用。勝敵有時奇正俱不用。勝敵而學者。必謂西來意在諸祖機緣。而不在七佛偈。何異用兵者。必謂奇可勝敵。而正不可勝敵。得非癡乎。若七佛偈學者。果能精而究之。方知禪不外偈矣。於諸祖機緣。參而不悟。則恐又不若持偈矣。千經萬詠。別無一事。不過說離身心耳。如學者身心執受之障。不能離於七佛偈。祖機緣不能悟入。總謂之葉公畫龍。倘真龍現前。吾知其必投筆怖走矣。故吾勸出家在家。有志於斷生死。割煩惱者。於毗舍浮佛偈。能信持之。持久熏熟。則身心執受之障。終有消釋時。在又身執受消時。涅槃現前。心執受消時。菩提現前。此二者。教中謂之二轉依果。

蓋轉生死而依涅槃。轉煩惱而依菩提也。噫生死既轉而成涅槃。煩惱既轉而成菩提。到此時節。則我更何事。我既無事。可乘悲智輪運。彼一切有事者。都還無事之鄉。此不惟山谷居士之願。亦諸佛菩薩之本願也。又老氏曰。吾有大患。爲吾有身。及吾無身。吾有何患。又曰。介然有知行於大道。唯施是畏。又顏子心齊坐忘。則曰。墮肢體。黜聰明。墮肢體。得非老氏以身爲患之意。黜聰明。得非老氏以心爲畏之意。哉。三教聖人。皆教衆生說離身心。寧唯釋氏乎。毗舍浮佛此言自在覺。蓋身心未離。則何往非礙。身心一離。則何往非自在。歟。七佛偈示衆

恭聞過去諸佛。諸菩薩現在諸佛。諸菩薩未來諸佛。諸菩薩皆以六種攝十方三世一切衆生。無有遺漏。未聞煉頂。燒臂。拔髮。熏鼻。眠針。臥棘。而能攝受衆生。如妙法蓮華經。有然臂焚身之說。楞嚴有然指懺罪之條。法華則以象寓意。意得而象忘。實不在然臂。燒身也。楞嚴然指。實懺已罪。非藉此以鼓惑。愚夫愚婦者。何名六攝。一頓攝。謂諸佛菩薩從初發心於一切

衆生作父母想。隨力所能。直以一切樂事。饒益而攝取之。是名頓攝。二增上攝。增上猶增勝也。謂諸佛菩薩既已發心。若於父母起尊重心。種種方便。勸修善法。隨時供養。知恩報恩。若於妻子眷屬。教修善法。令其勝進。或諸佛菩薩化身爲明王聖帝。即攝受人民。如法正化。不加非罰。以財以法而爲饒益。隨其力能。教諸人民。令修善法。是名增上攝。三取攝。謂諸佛菩薩常以二種攝取衆生。一者常以舍心。以財饒益一切衆生。令其離於貧窮。二者常以慈悲心。以法饒益一切衆生。拔惡邪見。教修正法。是名取攝。惡謂十惡。身三口四意三。是名十惡。邪謂拔髮。熏鼻。眠針。臥棘。煉頂。燒臂。牛狗等戒。是名邪見。四久攝。謂諸佛菩薩攝取衆生。多歷時數。久久教化。乃得成熟。是名久攝。五不久攝。謂諸佛菩薩攝取衆生。教化不久。即得成熟。是名不久攝。如善財龍女。廣額屠兒。是也。六後攝。謂諸佛菩薩於前五攝之後。攝取衆生。於此生內。即能成熟。是名後攝。又名最後攝。無論出家在家。凡有志於出生死苦海者。如上六攝。應當一一查考明白。

依而行之自然佛知見藉此而開。觀行藉此而成。如不達諸佛菩薩遺教所知所行直。觀你舍恒河沙身命。歷種種難行苦行。皆爲魔業。何以故。佛知見不開。故佛行不成就。故佛之與魔。譬如水。水不冰。即水不冰。即水。故曰。毫釐有差。天地懸隔。又煉頂。燒臂。博米飯。僧固是好。事然不若以四大觀身。四蘊觀心。身心觀熟。轉生死爲涅槃。轉煩惱爲菩提。較飯有僧名。而無僧實之僧。勝劣。曉如黑白。佛言爲佛弟子。不解佛語。不行佛行。謂之髡頭俗人。故飯髡頭俗人。與飯常人乞兒等若。然者未知轉生死爲涅槃。轉煩惱爲菩提。妄以苦身爲行。鼓惑愚癡衆生。此非魔外而何哉。

六種顯示出家在家人

衆生靈知固有而不能用者。第未知有耳。如一知有日用。便能惟吾自偶。諸矣。大抵知有的人。知身身化。知心心化。所以處身心而解脫有餘也。故曰。知有有壞。知無無敗。有無既爾。則罪福吉凶。獨有性乎。凡學佛性宗。通而相宗不通。常迷於相似般若路頭。二宗通而禪宗不通。如葉公畫龍。形容龍之態狀。宛

若真者。然終不能致雷雨耳。於相似般若路頭。不辨清楚。不免牽諸外典。附會佛書。且性宗一味虛豁。靈微塵勞。中人少挹波瀾。懷抱便覺超放。卽如讀莊子一般。令人心魂遊揚。濁世之表。於此虛豁快活處。受用了。若以爲極。則永不求進。凡見善知識。敲打處。便以爲生事。此病不消到底。成天然外道去也。於治習路頭。罔然不辨好惡者。良以相宗不通。入識混淆。不知何識是現量。何識是比量。何識是非量。何識兼帶三量。轉何識爲智。日用逆順境上。何識作觀。既不知轉識成智。階梯。觀你於性宗七通八達。只是畫餅充饑。安能得飽。於禪宗未能究竟。則雲門打殺佛。喂狗子。南泉斬猫兒等機緣。縱十地菩薩。聞此等差事。亦不免生大疑怖。震旦國中。自昔以來。每有竊謂佛經。皆是抽繹莊老。六經自成一家。如此等人。若使其於相宗中。討箇分曉。何至失言如此。此取後人之笑。卽如義學之徒。或於禪宗。生謗立言。排斥總是爲慮。不遠執泥心。重於情識。上通不去。故墮此失。且如現前一身。於相宗。究竟不清。斷不知此身下落。便識他不破。

識他不破。便被他瞞。飲食男女。境上自然作不得主。便見可欲。既見可欲。此心便亂。心亂身惑。縱使活佛。終日耳提面命。也化你不得。蓋此心。此身。都成了箇欲塊。有何虛處。可受醍醐。要識破此身。亦不甚難。生前眼不攪色。耳不攪聲。鼻不攪香。舌不攪鹹。淡身不攪。屬則意根上。便無待根。既無待境。寧有待境。識無待。當下寂滅。寂滅現前。一切順逆。因緣順化。爲常光。由是推之。現前一身。不過生前五塵落謝之影子。橫計不消。成此肉塊耳。噫。生前有五塵影子。識不破。乃結成現前肉塊子。如現前肉塊子。再識不破。則肉塊陸續展轉。無窮去也。故不管你利根鈍根。於三界二十五有之中。要求箇出頭分。最初便把肉塊子。覷得粉碎。始得肉塊子。既能覷破。有生之患。根株拔矣。此根既拔。一切無累。既得無累。凡咳嗽掉臂。皆清淨梵行也。以此梵行之光照彼魔外。自然膽喪魂驚。歸依之不暇矣。雖然。要覷破肉塊子。也是難事。苟於出世之心。見未定。而惑不決。豈易爲哉。又相宗之書。無有通變師承。學一分加一分。繫縛故。於性宗禪宗上。

和會不來。若於相宗精了。卽一切外書。亦總是佛法。故古人云。若人識得。心大地無寸土。寸土尙無外書。非心而何。我每常見此等病人。多故不惜勞擾。牽枝引蔓。如此示門人。

藏教利用。急於陶。凡通教利用。急於陶。滅色明空之劣習。別教急於轉通人之狹識。圓教全始全終。吾如來初之本致也。通人以狹言者。其斷惑止於見思。惟巧勝乎滅色耳。別教功用殊特。非通之例。蓋斷無明十二品也。圓教則圓斷之矣。凡內書讀之。不以六卽變融了了。不味其蓋魔外無疑也。將此細議。則不遷論旨。可過半矣。示聞

諸大衆。今日是臘月三十夜。梅花色上添新歲。爆竹聲中滅舊年。請各屏息緣心。諦聽慈雲說兩句淡話。大凡人生死。不切只被箇富貴貧賤。忙迫閒散。障了他富貴最極。人中不過輪王。天上不過摩醯首羅。及至福盡五衰相現。眷屬厭離。威德不振。死魔現前。他豈不要強作箇主宰。多享幾日癡福。其如無常沒情。直下請行。到此時際。與庸人何異。慈雲見眼前齊頭。

整腦伶牙利齒談吐便便的漢子專心致志莫不以功名富貴爲極則眠思夢想必欲滿願方休他輪王摩醯首羅到頭也只是這等榜樣何苦并盡精神波波逐逐斷送了一生又有一等富貴籠罩他不得的以閒散爲懷陶情高尙殊不知天上人閒最閒散者莫過神仙乘風往返瞬息萬里意有所向莫不遂心一旦報謝淪墜生死從前神通變幻種種逍遙一無所仗隨業受苦與猪狗同倫償也業債大衆上來富貴閒散撞了箇大半三十夜也都結梢如此貧賤忙迫又何足道此是三界裏苦樂榜樣又不知三界外亦有苦樂大衆肯信否若說不信諸佛誠言安敢不信聲聞斷見思惑盡永脫分段緣六通縱任無爲山壁由之直度改身換質稱念卽成豈不樂也然還有塵沙無明及根本無明在難免變易生死於佛性上未得洞然徹了酣飲寂滅濁酒觸事面墮如枯樹死漢相似豈不是苦此是三界外的苦樂障蔽了佛性不得受用眞寂滅三昧何況三界裏頭腥臊危脆之身結業顛狂之想戀此涕唾富貴果是皮裏有血

眼裏有筋的漢子聞此談話豈不面熱痛省尋箇出脫這圈羈的活路大衆有一段極平常極奇特的事只自不知如何是極平常人皆固有本自現成只爲情封識鎖不得受用如何是極奇特不離此臭穢之軀卽就煩惱業習裏發一段堅固信心勇猛精進利害毀譽略不顧著辦了此段志氣然後見眞善知識將此懷抱直心告訴他必不辜你此點眞誠必指你箇尋活路的方法直下信受其言不得揣摩不得賣聰明杜撰卽如初生嬰兒惟乳是念不知母之妍醜貴賤多禪的漢子也要如是蓋人不本色心不純粹決做此等事不得果辦了此等肚腸繫住本多話頭不論日月孜孜綿密密週週現前一片觸不碎的境界情關坐斷意識不行到此光景胸中覓一點憎愛了不可得何況軀殼上的死生這箇時節并著精彩揀命直前以悟爲期你眞心不退十方諸佛與權位天龍八部必慈悲憫冥加忽然透徹大事了當殺活自由不妨就富貴以弘化示高尙以振俗若必以富貴閒散爲障道此又無繩自縛死結不少果到此地位卽

不離臭皮袋。便是肉身菩薩。與衆生抽釘拔楔。點凡成聖。縱步於毗盧頂上。鼓化於今事門頭。叱咤死參禪豪傑之偷心。棒喝敲落無明漢子的習氣。若也如是不惟自了。亦且爲人。豈不特奇乎。大衆如何。是本參話頭。趙州問投子。大死的人。却活如何。子云。不許夜行。投明須到。且道是何道理。有會得的。出來吐露看。若都不薦。各各自便。偈曰。一念無明昧已靈。昏昏埋沒幾千生。臭尸殼上分妍醜。虛幻門頭起愛憎。深溺邪途誰解險。飄流苦海不知醒。莫言此是閒饒舌。

大要諸人出火坑除夜示衆

夫五慾覆盆。心光不明。有能揭之千古長旦。不亦快哉。故全生之德。莫若襲明之功也。蓋日沈則月襲其明月。沒則燈襲之。如日月燈三者。照不及處。苟微不明。自發之光。則諸暗相承昏我矣。是故宗譜之設。責在襲明。自飲光至於震旦。鼻祖皆以不傳之妙。拋擲乎衣鉢。偈頌之間。使天資高者。卽妙襲明明。無盡又譬諸無盡燈。然唯濟北一枝光茂。特盛似他宗。莫及也。雖然雲門洞山。爲仰法眼之門。出入亦皆奇偉。

又非後世黃口禪。難得而皂白者也。

五戒精持。須明三聚五戒者。不殺不盜不淫不妄不酒是也。三聚者。一攝律儀戒。律卽法律。是禁止之義。儀卽儀式。是軌範之義。持此戒者。一者不得爲利養。故自讚毀他。二者不得故慳不施。前人三者不得瞋心打罵衆生。四者不得毀謗大乘經典。持此四法。無惡不離。故名攝律儀戒。二攝善法戒者。謂身口意所作善法。及聞思修三慧六度萬行。無不聚攝。故名攝善法戒。三攝衆生戒者。謂能攝受一切衆生。能攝之行。卽是慈悲喜捨。慈名愛念。能與衆生樂。故悲名憐愍。能拔衆生苦。故喜名喜慶。慶一切衆生離苦得樂。故捨名無憎無愛。常念衆生。同得無憎無愛。故以此等法。攝諸衆生。故名攝衆生戒。夫五戒三聚。稍博無遺。精則五爲諸戒之本。故名此五爲根本戒。博則無善不攝。故名此三爲三聚戒。是故持五而不持三。但紹人天難繼。佛祖然戒殺而不能放生。戒盜而不能布施。戒淫而不能教人持戒。戒妄語而不能愛語。說法戒酒而不能勸人戒飲。此名下品五戒。反是名中。

品五戒如能五戒三聚兼持無犯名上品五戒嗚呼一念不生五戒三聚凡聖圓滿一念既生五戒三聚在道前或不聞名字或聞名字不知義趣或知義趣以染業障重不能持守惟道中道後道有淺深或滿持或分持教有明文茲不煩舉又初心之人謂之毛道凡夫設觸境風逆順心識飄忽如墮鴻毛於康莊微風欲起飄忽無定故有志出苦持五戒者若不發重大惡誓痛制心識偶觸境風現行力故染流易墮淨岸難登故古人自知染習濃厚於戒戒之下一一發大重誓扶持戒心使無飄忽今可既知浮榮危脆見幾而作掛冠祝髮自外及庶自庶求真生世世不受雜身常爲男子六根完具福慧隨願永作比丘斷見思後分身散影淨佛國土成就衆生如是戒願豈可易發自受戒後苟不以惡誓怖心願繩束縛戒實難持願實難發故戒急願緩戒屬生滅戒急願急戒本無生滅如能持無生滅戒則五戒三聚自然於境風逆順之中任運無犯倘慮三聚廣博難持五須精持三聚漸持如五不精持戒神瞋怒一戒五神五

戒二十五神如影隨形護持戒人刹那不離如持戒不精神亦無時不怒

兩順一逆迷悟綱宗綱宗不明解行失準唐宣宗大中五年召京兆薦福寺弘辨入見上問曰何爲頓見何名漸修對曰頓名自性與佛同儔然有無始染習故假漸修對治令順性起用如人吃飯不因一口便飽帝悅賜號圓智禪師此兩順一逆綱宗之所券也大抵衆生本無有苦受以性變爲情昏動乃作萬法生焉昏動既作明靜失眞明靜既失昏動日深昏動既深靡所不至故警起一念念不在上品十惡則在中品慳吝十惡不在中品慳吝十惡則在下品愚癡十惡不在下品愚癡十惡則在五戒滿缺之閒不在五戒滿缺之閒則在猜忌修十善之域不在猜忌修十善之域則在純修十善之天此六者雖升沈不同苦樂各交皆性變爲情而有也夫性初本妙變而爲粗故名下凡粗必流至於濁濁必受苦苦極必思本如人臨死生之際不號呼父母必哀天叩地諸佛菩薩乘其思本之時遂以緣因佛性熏之熏熟則解解

則能了知根塵無性孰爲物我此無物我者在堯不加多在紂不加少堯能以解治染習所以人欲日消天理日全如陽回大地消得一分水則一分水現前消得十分水則十分水現前水既現前水不可得此名一逆水性融通在方而方在圓而圓可以爲六合之靈潤可以爲三冬之霜雪在天爲雨在地爲泉在流爲江在貯爲湖在納爲海名雖多種實則惟濕而已以其在方圓之器而器不能留礙如妙覺聖人分身散影遍入諸趣開迷成覺鑄苦爲樂務莫不濟然未嘗有累此名妙順又名順性起用然順性起用中有逆而未全者有逆而將全者有逆而已全者如已全不能忘之則順性之用必不能稱性惟稱性之用方能妙物無累往大通智勝佛十劫坐道場不得成佛道適坐此座卽佛法現前以其忘而能起稱性之用耳此一逆之中有聲聞緣覺菩薩佛四法界不等蓋聲聞厭苦集爲染欣滅道爲淨緣覺厭流轉爲苦欣還滅爲樂菩薩雖圓別殊種皆以六度十波羅蜜淨佛國土成就衆生佛則不然頓明自性雖臊臭凡

夫能於境緣逆順之衝一味率性應之如龍用水如虎用風謂之有心耶龍虎念未起時而風雲自生謂之無心耶脫微龍虎則風雲不起老龐曰日用事無別惟吾自偶諸頭頭非取捨處處沒張乖朱紫誰爲號丘山絕點埃神通并妙用運水與搬柴雲門問大衆曰柴搬人人搬柴耶小壽禪師以擔柴出市薪忽墮地卽大悟偈曰撲地非他物縱橫不是塵山河及大地全露法王身又陸亘大夫謂南泉曰肇法師甚奇怪解道天地同根萬物一體南泉指庭前牡丹花云人見此一株花如夢相似嗚呼葉公畫龍非不專眞龍現前卽投筆怖走若紫栢見南泉恁麼道打一擲云和尚腦後數行白髮曾見麼法樹來前紫栢受性不耐落案爲樹郎略拈兩順一逆綱宗兼提古德機緣一兩則又自弄家風代陸亘轉一上語者不過慙樹郎不遠登山辭別壽母若不以本分事慰樹郎母子之心得非兒女態乎雖然本分事非徹骨英雄亦不易承當姑以三歸培母子出世之因五戒資人天之種三歸者謂歸依佛則不迷歸依法則不饑歸

依僧食必正。故曰非正命食。不足以資法身慧命。五戒者不殺則壽。不盜則泰。不淫則潔。不妄則信。不酒則智。此五者有上中下焉。上者治心中者束身下者戒雖曾受實或負名。樹郎當斟酌上中下戒。謹自擇之。示朱

夫衆人爲欲。噉惟聖人能噉。欲爲欲。噉則迷已而逐物。能噉欲則無物不轉。故曰若能轉欲。即同如來衆人。一涉欲境。但知有境而不知有已。惟聖人即欲無欲。故能妙萬物而無累也。

世閒法精神不極。我所不化。終不能入其間。域況出世閒法乎。大都世閒法帶情而入。亦可得其精。出世閒法苟不超情而入。直饒你苦心到驢年終。無有入處。故曰離心意識參。若不離心意識。凡所參者皆心意識也。古人謂之用賊作家。非但家破禍終不免。慈愍子曰。吾讀棗栢論。乃知清涼之疏華嚴也。雖精且深。然不若李方山之發揮。無蹊徑可尋。而天機深者。以不可尋爲前茅。研窮不已。忽焉而入。則笑譔於彌勒樓閣之中。遨遊於無量利海之上。得事事無礙。

者如普菴肅英邵武輩。自唐迄明。亦不乏人也。但於遭際有通塞。故其所得者有隱顯。於時焉如船子。不得夾山。則終陸沈於烟波中。已夫華嚴法華。吾大雄氏始終本懷也。彼大經疏。則有清涼論。則有方山唯法華也。既爲華嚴之終。若不假手於天台。則玄義之作。其孰能之。有宋寂音尊者。作論論法華。則以文字而拋擲不傳之妙。於三周九喻之閒。譬如夜光之珠。宛轉橫斜。衝突於金盤之內。不可得而測其方向也。所可必者。知其不出盤耳。盤喻文字。珠喻不傳之妙也。或曰妙不可傳。既不可傳。孰知其妙。既知妙而不可以文字語言得之。則文字語言獨外乎妙哉。如文字語言。既在妙外。則文字語言不可得而傳妙。可傳也。妙既可傳。而文字語言不可傳者。則粗者愈精。精者愈粗矣。子爲我卽之。慈愍子應曰。精謂理也。粗謂事也。理猶水也。事猶波也。如必以爲文字語言非妙。妙非文字語言。是離波求水也。離水求波也。子悟波水之喻。則精粗不待吾再告而知矣。天台建六卽六波也。卽水也有迷波者。謂波非水也。有迷水者。謂水

非波也。謂波非水。則凡夫甘陷無分之阱。終迷而不
出矣。謂水非波。則淺悟之徒。不免坐於忽聖之坑也。
此吾天台六即。所以建也。六即者。理即。名字即。觀行
即。相似即。分證即。究竟即。是也。夫理即也者。謂聖凡
共有也。名字即。謂其聞名知義也。觀行即。謂其能依
解起行也。相似即。謂其依行得相似理水也。分證即。
謂其能入初住得與眞法流水即也。自是由等覺而
成妙覺。謂之究竟即。也是以知即外六則。即無所得。
知六外。即則六亦無所得。能如是知者。乃謂之圓解。
也。依圓解起行。始謂之圓行。行既圓。則所證獨不圓。
乎。嗚呼。藏通別皆金口所流出也。不名之圓教。惟華
嚴法華諸最上乘經。謂之圓教。蓋根器異也。如華嚴
時。非鹿苑時也。乃至非法華時也。豈如來聖人有異
心異言哉。如六即之建五位之設。總謂理可頓悟。事
須漸除。故不假五位。陶鑄無始習染。至盡則果體終
不可證也。陶鑄習染。若不先頓悟圓旨。則行屬有爲。
非圓行也。唯六即。即波外無水也。唯即。即六水外無
波也。然華嚴法華。皆以象寓意。能得意而忘象者。指

波爲水。可也。指理爲事。可也。指精爲粗。可也。指粗爲
精。可也。脫泥象而不得其意。雖清涼方山石門。復出
吾未如之何已。

夫繩之爲網。則水陸之命有所逸者。未可知也。以錢
爲網。則水陸之味窮矣。夫味離舌。無有舌。離身。無有
身。離心。無有故。至淫者化爲婦人。至暴者化爲猛虎。
蓋其心既變。其形不得不變也。此非心能生身乎。人
苟能因味得舌。因舌得身。因身得心。因心得性。性得
則孰爲物。孰爲我。故曰血氣之屬。必有知。凡有知者。
必同體。又曰性相近也。世儒不知性。橫謂我性與物
性不同。遂因味失舌。因舌失身。因身失心。因心昧性。
昧性則無往而非情。所以被形用。而不能用形耳。既
爲形用。不過窮口腹之欲。安知所謂性哉。劉生倘薦
此則戒殺不難矣。勸劉生戒殺

紫栢老人集卷之七

紫栢老人集卷之八

明 慈山德清 閱

法語

聖人知三障爲患之大。所以設懺摩法而蕩除之。三障既蕩。本心光圓。本心光圓。則自利利他。無往而不克矣。三障者。何所謂。煩惱障。業障。報障。煩惱障者。何。本心無欠。以日用而不知。此點不知。卽煩惱障也。由不知而造不善。卽業障也。既造不善。則天地鬼神。必厭之矣。厭必誅。誅則據罪結款。死必無赦。卽報障也。如一心不生。萬善不昧。開物成務。功高無累。此又由不知而悟。不知初無自性。不知成智。以智治習。習盡神全。則無爲而不可也。假名曰聖。

夫水之爲物也。果有常耶。果無常耶。有常。天人則以爲琉璃。餓鬼則以爲猛焰。魚龍則以爲窟宅。人閒世則以爲波流。無常則舍琉璃而猛焰。無從舍猛焰而窟宅。無從舍窟宅。則波流亦無本矣。衆人日用之塵勞。在聖人則無非解脫也。塵勞解脫。果一物乎。果二物乎。一則熱惱之與清涼。不同。二之則舍熱惱而求

清涼。譬如難波求水。安可得哉。今有人於此。欲以塵勞作大佛事。苟未知余說。終不免受塵勞驅役。奴而爲主。主寧不受命。宜痛思之。

夫凡聖無常。悟迷似異。諦觀當處。本絕纖塵。然未拔情根。愛憎封蔕。綿歷長劫。徒自疲勞。固有衣珠。莫知是寶。一朝指破。富樂無窮。八大人覺。經辭簡理。勝風致幽。奧卽衆生一念之迷。如來大人妙開。八覺有緣。衆生苟得一覺。定超苦海。況兼得者哉。陸太宰季子基志。受性多思。狗習不悟。殊不知多思則傷脾。脾傷土瘠。萬物以土爲母。母病而子豈獨無恙乎。於是命其受持此經。蓋欲以資覺思。化思化無我。無我則同。同則無物。物我既忘。孰爲能思。孰爲所思。能所寂然。一念之迷。遂成八覺矣。此季高續命丹也。敢不寶之。

示陸繼車持
八大人覺經

夫七情之與八覺。果一手哉。果二手哉。隨順七情。則苦海濤生。隨順八覺。則涅槃山寂。於是大覺老人。憫諸流浪。卽衆生日用之不覺。開爲八覺。蓋欲一切衆生一覺。永覺如分一燈之光。光光無盡。然此光在眼

爲見在耳爲聞在鼻爲嗅在舌爲嘗在身爲覺在意爲知故曰分一精明爲六和合如一心不生且道入覺在甚麼處英靈黑白直下果知好惡則經所謂入覺者何異畫蛾眉於渾沌者哉

原夫鍛昏散之椎輪三世諸佛迭相授受者也第在用之何如耳用之果善消昏散於刹那扶止觀於大寂隕山河於未始有地蕩身心於無得之鄉斷欲結之利刀資靈軀之正命効見當人之勇心游象帝之先本有神珠光明在掌初非他寶價直誰酬即凡身而證佛身依俗諦而造真諦功高空施福德難量誠以行人一息昏散清即一息佛一念昏散清即一念佛耳嗚呼茫茫苦海之中凡有血氣之屬莫不抱靈而頭出頭沒不可勝計設有一人能於椎輪之下清一息一念昏散成一息一念佛者若以佛眼觀之則其功德信不可思議況夫多時日者乎蓋人貴自反果能反照自己分上昏散自生至死利那有停息乎故曰若人靜坐一須臾勝造河沙七寶塔寶塔畢竟化爲塵一念靜心成正覺如或用之不善亦不荒失

人天福田是以黑白質豪能言者宜游揚贊嘆有力者宜護持周給凡道場所在等心助揚之道場

壽夭無相相惟其心心生則吉凶可管不生則凡聖

坐斷是以鑄天爲壽如土作塊成與不成顧我所作

如何耳故以增上心持呪雖不成就平平心持呪但

可敬天眇劣心持呪終未得效但植來因也授元新持呪

法立則不法者不立矣然不以智火鑄其情則法情

並立矣大槩聖人立意不過化其情而不化其法也

蓋法屬依他情屬偏計如能即偏計而入依他即依

他而入圓成即圓成而入破沙盆即破沙盆而入塗

毒鼓由塗毒鼓而入深慈三昧海則凡聖之鑊錘在

乾屎橛而不在法立也故曰煩他萬象說法我且博

閒耳法立薦此始不負石頭路滑之記示法立

相本無常隨熏而就是以過去善惡之業熏心則惑

現在苦樂之報如印印泥卒難改轉此蓋論衆人也

若修行之士則不可定其修短縱前生所造之業應

感苦報以其現在力行精進罪不勝功轉苦爲樂易

短成修往往目見且驗之不少矣及讀南嶽思大禪

師曲授心要印證明白。皎如日星。不復疑之。其言曰。初學行者。未得事從心轉。但可閉目。假想爲之。久久純熟。卽諸法隨念改轉。如指屈伸了無難者。故大菩薩乃至二乘小聖五通仙人等。能得卽事改變。無而現有。有而現無也。由是觀之。以假觀熏心。則法法皆假變。易何難哉。以空觀熏心。法法皆空。捲有入無。相不可得。何天何壽何罪何福。以中觀熏心。則有無離卽陰陽。不能籠罩。神智不能卜度。言相可轉。亦可不可轉。亦可不可不違。可不可不違。不可如夜光神珠。宛轉橫斜於金盤之中。雖聖似仲尼。明如離婁。孰能定其所向者乎。故曰。相逐心生。相隨心滅。有相無相生。滅由心了心之人。所以生死之際。來如著衫。去如脫襪。略不作愛憎見也。相論

僧海洲參師問曰。汝出家爲甚麼。曰。爲求出苦。師曰。以何法則求出苦。曰。我資鈍。但念佛。師曰。汝念佛常閒斷否。曰。合眼睡時便忘了。師震威呵曰。合眼便忘。如此念佛。念一萬年也沒幹。汝自今而後。直須睡夢中念佛不斷。方有出苦分。若睡夢中不能念佛。忘記

了一開眼時。痛哭起來。直向佛前叩頭流血。或念千聲。或念萬聲。盡自家力量。便罷如此。做了三二十番。自然大昏睡。中佛卽不斷矣。且世上念佛底人。或三二十年。或盡形壽念佛。及到臨時。却又無用。此是生前睡夢中。不曾有念頭。故也。人生如覺人死。如夢所以夢中念佛。得佛底人。臨死自然不亂也。示念佛念佛法門。最爲簡便。但如今念佛之人。都無定志。所以千百人念佛。無有一兩人成就者。這一句佛。一切菩薩。一切天。一切人。若生西方者。莫不因此這一句阿彌陀佛。而度苦海。然念佛心。真不真。勸驗關頭。直在懽喜煩惱兩處取證。其真假之心。歷然可辨。大抵真心念佛人。於懽喜煩惱中。必然念念不閒斷。是以煩惱也動他。不得歡喜也動他。不得煩惱歡喜。旣不能動。死生境上。自然不驚怖。今人念佛。些小喜怒。到前阿彌陀佛。便撇在腦後了。如何能得念佛靈驗。若依我念佛果能於懽愛關頭。不昧此句阿彌陀佛。而現在日用。不得受用。臨終不得生西方。我舌根必然破爛。你若不依我法行。則念佛無有靈驗。過在汝與

我無干示衆念佛

夫人之識心久混塵勞莫知返本欲即塵勞契於覺性宜假攝持其方匪一寧有善乎諸如來密因總持陀羅尼者也何以故隨根利鈍逗教淺深非究竟故惟得持此呪不問愚癡智慧咸得成就無上甚深希有以密因不可思議故若開士信心觀照所持呪語一字一句歷歷耳根心耳交攝無所雜亂於睡夢中亦不忘失即持一遍勝百千萬遍能滅八萬四千塵勞能生八萬四千道果所有功德甚爲希有不可思量以是呪爲熾盛光王即如來所說本願功德故開士常持呪時應當九禮熾盛光王如來合掌梵跪日持一百八遍持一氣畢取氣可繫心故是以經云其誦如錐謂當入心主持不少閒斷也十二時中除對人語言外初醒可持未睡可持行可持住可持坐可持臥可持食飲可持便溺可持是以持誦不得閒斷大要以合口默持令音相了然爲真實持呪當得四大安樂福慧增長有所希求必獲如願若持呪時當以兩手握金剛拳上下齒相匝舌拄上齒齦正中眼

之重一持誦

常觀鼻依鼻觀心從心觀臍全體精力默與呪會則冥契無功用觀法實心性得入之津梁也願見聞者歡喜受持乃至堅固盡形壽命信心不逆珍重流通是真佛子示持呪

閒居斗室一言不祥則千里應之好惡積意至公斯蔽矣芸芸萬物雖貴賤有序巨細弗倫而所謂生者未嘗不均也然則固情謹聲以嚴尊生則爲君子如縱情肆聲不實所生則爲小人矣夫實生者貴乎重身重身者貴乎制情慎言此三者惟君子能之夫色聲香味觸法皆名塵而不名心者何哉良以六者蔽蒙本覺如塵墮眼中不惟四方易位即伸已指莫能見矣故以塵名然塵名所擬名能所具則心不名心而名識也心去性不遠識則遠甚故知道之士以心推根塵根塵猶殘雪能推之智若燧火方熾而殘雪投之何慮其不化哉如推觸塵必究其合所自所自既得則根亦隨塵而拔根拔塵脫情化名性性既復焉然後於榮辱死生得喪之場千陶萬煉功深觀熟重以弘願熏之智光爲導而大丈夫之能事

畢矣。一獨既爾。餘塵獨非復性之雲梯乎。士不可不知好惡。以致流落異趣。期再出頭難矣。

問白毫宛轉五須彌。何以作此觀。曰。墮體黝聰可矣。墮體則能外身。黝聰則能外心。外其身。身則無量。外其心。心則無邊。以無量之身。無邊之心。作此觀。有何不成。若局促於五尺之身。較計於方寸之心。是以見小而忽大也。驗觀白毫

比丘乞食。本爲遠累。累不遠。則多擾擾。多則初心者不能無亂。此吾佛之深憂也。而後世號爲僧者。以乞食爲耻。母乃不思之甚乎。又世之號金湯者。唯責阿諛。是以搖尾乞憐。善解迎合之徒。皆得知事體之稱。由是而觀。僧徒苟且不獨出家者之罪也。亦在家者毗成之耳。今本朝取士。惟以舉業。僧徒試經之科。寢而不行。夫舉業者。本無用之具。藉之以羈繫人情。消磨歲月。則可若以之取人材。裨治道。譬如救火以油。滋其焚矣。僧不以試經剗染。則佛言尙不知安知佛心乎。不知佛心而爲僧。僧何殊俗。俗僧不殊俗。剗染奚爲。缺文

故亡佛者。非魔王外道能亡之。亡之者。不殊俗

之僧耳。論出

夫人之多欲。始必生於不知足。知足則欲不待遣而自忘矣。吾嘗躬試之一日。潞河舟中。顧謂二三子曰。吾與若俱安坐。彼舟人徒步而牽我。且食惡食。吾與若豈惟安坐。復食美食。兩者相較。慚懼之心。不覺油然而生。此心一生。萬欲自薄。寧假磨礪以損之耶。雖然。二三子與夫舟人。或勞心勞力之不同。人各自知焉。

眼也者。明瞽俱一。而所以有見有不見者。以根之所具不同也。根有二焉。一者浮塵。二者淨色。浮塵根者。有形之體。而無照之用也。淨色根者。有照之用。而無形之體也。所以死人眼未嘗不存。色未嘗不觸。而終不能見者。形具而用不存也。吾人之所以能見者。以兩者俱存。故隨觸而照。隨照而辨也。蓋色者。眼之相分。以色之形於眼也。而眼者。尤識之相分。以眼不能辨色。必辨於識也。故曰。眼爲親相。分色爲疎相。分識爲見分。三者合而觀之。則能不離所。所不離能。分而

論之能中無所中無能也。故眼中無色識。蓋親相分中無疎相分與見分也。識中無色眼者。見分中無親相分與疎相分也。夫三者俱無。則根塵不對。能所不分。雖有色之可見。而色豈獨如石女生兒乎哉。故曰離暗離明。無有見體也。論眼識

普賢菩薩有十願。王王殊勝威猛。若得一願。王則成佛無疑。況盡得哉。一者禮敬諸佛。則得身業殊勝。二者稱贊如來。則得口業殊勝。三者廣修供養。則得福業殊勝。四者懺悔業障。則得三業肅清。五者隨喜功德。則得妬習頓空。六者請轉法輪。則得慧光圓滿。七者請佛住世。則得自他兼益之勝。八者常隨佛學。則得慧命長生。九者恒順衆生。則得冤親平等。十者普皆回向。則得事理障消。如是十願。王於日用之際。凡遇境緣。逆順痛心呼之曰。積月久。自然化憎爲愛。化愛爲憎。憎憎愛愛。愛愛憎憎。好惡無常。願王不動。直趨妙覺。有何艱險。達觀道人乞食足跡徧天下。凡名山福地。佛老道場。靡不歷至。其兩家之書。亦頗涉獵。然終必以無生爲

宗。久視爲資。即燭火練魔。水齋之業。亦所不棄。近寓潭柘山嘉福寺。率二三禪人。期服水齋一期。既而輒改初轍。因諸禪人根器隨其便宜。或終其期。或不克其期。則命其讀大乘內典。如天台四教儀。永嘉禪宗集。或者白道人曰。既服水齋。則內典非所急也。茲廢水齋而勤文字。般若似不可耳。道人愀然對曰。若無正知正見。非但服一期水齋。徒受枯淡。即服千期萬期。於正知見中。有何干涉。故瀉山施衆僧小衣一僧不受。且曰。我自有娘生襌。在瀉遂拶曰。父母未生前。穿甚麼僧。無語。無語之僧。不逾年坐化。至火焚其軀。得舍利無算。有僧傳至瀉山。瀉山曰。縱有八斛四斗。不若當時酬老僧一轉語。由是觀之。爲佛弟子。若不以開佛知見爲急務。饒你勤苦累劫。非無漏正因也。且水齋之類。考諸大藏。並無所出。我輩凡所舉止。必奉教而行。可以利當世。開來學。今子必欲道人終其水齋者。不過怕人疑謗耳。殊不知道人自脫白已來。猛入空門三十餘年。大小叢林。知識法師。或於道人生信讚嘆。或於道人生疑謗毀。而道人略不以讚嘆

生喜亦不以毀謗生怒。喜怒自彼。與道人何預。譬如浮雲觸石。風游太虛。於道人有何損益。且道人要喫水齋時。如因地而倒。要開水齋時。如因地而起。倒皆在道人。自起自倒。與諸黑白本無相累。既無相累。或讚嘆。或謗毀。豈非畫蛾眉於渾沌。鑿七竅於無始者哉。雖然。且道這老漢扯這一上葛藤爲甚麼。咄。好歹是非。能眼聽普門大士現身水齋。

夫愛人以大者。則其所存也遠。愛人以小者。則其所存也淺。遠則難窺。淺則易見。是以利霸者不欲王。利王者不欲佛。夫佛道曠遠。發一願立一行。動經塵劫。一生不克。則千百生。千百生不克。必期於無盡生。吾曹苟有志於佛道。其所視人天之浮榮。何啻置一毛於太虛哉。今有人見淺而不見遠。執小而謗大。潭柘先生聞而哀之。恐其斷佛慧命。罪當坐墮。借喻世法。引淺入深。使其知詐力近功。不若真實仁義。真實仁義。不若開佛知見。夫佛知見者。不可以巧智得。亦不可以苦行求。唯貴熏蒸開發耳。然熏蒸開發有萬不同。如以十惡五逆熏蒸開發者。乃地獄知見。以慳吝

熏蒸開發者。乃餓鬼知見。以愚癡熏蒸開發者。乃畜生知見。以五戒十善兼未到地等熏蒸開發者。乃人天知見。以生滅四諦熏蒸開發者。乃聲聞知見。以十二因緣熏蒸開發者。乃辟支緣覺知見。以無量四諦熏蒸開發者。乃別教菩薩知見。惟以無作四諦熏蒸開發者。始名佛知見也。嗚呼。像季之世。末法風高。魔外雲興。龍象稀覯。不惟佛種難培。卽人天種子因果。批繆者多。眞正者寡矣。況佛知見乎。於是先生假水齋爲旗鼓。藉枯淡爲熏蒸之資。作其氣而堅其心。密以文字般若熏蒸了因開發。正因冀同行者。卽衆生日用不知之知見。開發實相。然根器利鈍。弗倫。難以克願。願既未克。功效不彰。則所疑者必衆。所信者必寡。疑則生謗。謗則招業。或者告先生曰。當稍順人情。以收衆心。使疑者生信。信者開解。不亦善乎。先生含然大笑曰。謗不孤生。必待於讚。疑亦無地。必資於信。今子欲我鑄謗成讚。範疑爲信。譬如惡屈而去其信也。殊不知爲高人易。而爲大人難。所謂高人者。不過持一小節小行。經經不同者是也。所謂大人者。但願

有益於天下後世。雖蒙盜跖飛廉之惡名。亦所弗辭。況小謗小疑何足介焉。大都衆人所執者情也。至人所行者智也。情如堅冰。實礙多端。智如清水。方圓任器。故我大覺聖人有四悉檀。隨緣設化。不拘常度。亦如大將用兵。使其由之而不使其知之。知則情生。情生則利害隨之矣。豈可以勝敵哉。所謂四悉檀者。一曰世界悉檀。謂其有界限不可踰越也。一曰對治悉檀。謂其見病進藥也。一曰爲人悉檀。謂其隨機宜也。一曰第一義悉檀。謂其開正知見也。又前三悉檀近隨情三昧。後一悉檀近隨智三昧。此四悉檀。凡爲如來使者。傳法弘道。苟不知其端緒。則中無有主。外無法範。或小觸境風。便立脚不定矣。又隨情三昧。或易見。隨智三昧。則難窺。難窺而生疑。生誘。固其分也。子必欲先生解其疑。止其謗。先生非子安肯效子作無義事乎。於是告者悶然而去。水齋後語

死近惡知識而橫死。入里不時而橫死。可避不避而橫死。此四者又橫死之變也。常則不驚不疑。故犯者偏衆。變則人情駭異。驚疑生怖。故犯者不多。由是觀之。飲食本欲資生。而反致橫死者。皆無明不覺而食故也。如以覺照當先。不唯不犯變橫。即常橫永不犯矣。故我曹滴水粒米。未入口時。必先覺照。從何所來。既入口中。從口入喉。從喉入腹。化爲何物。又我食此食。果於世法出世法中有補有損也耶。如是則縱食金剛子亦能消得。何況他物。

凡修禪波羅蜜者。有十意焉。一大意。二釋名。三明門。四辨詮次。五簡法心。六別方便。七釋修證。八顯示果報。九從禪起教。十結會歸趣。今於大意中以初心行人發心不同。故有簡非正明之辨。簡非者。行人發心修禪不同。多墮邪僻。一爲利養。故發心修禪多屬發地獄心。二爲名聞。稱嘆。故發心修禪多屬發餓鬼心。三爲眷屬。故發心修禪多屬發畜生心。四爲嫉妬。勝他。故發心修禪多屬發修羅心。五爲畏惡道苦。報息諸不善業。故發心修禪多屬發人心。六爲善心。安樂

故發心修禪多屬發六欲天心七爲得力自在故發心修禪多屬發魔羅心八爲得利智捷故發心修禪多屬發外道心九爲生梵天處故發心修禪此屬發色無色界心十爲度老病死苦速得涅槃故發心修禪此屬發二乘心卽此十種行人善惡雖殊縛脫有異既並無大悲正觀發心邪僻皆非佛種故簡非之若夫正明菩薩行人修禪波羅蜜大意有二姑置弗論者蓋恐常人聞而駭怖怖則驚驚則疑疑則不信不信則生謗生謗則受苦受苦則爲怨怨深則結業結業則不可解不可解則終仇對於是且置之耳嗚呼發心修禪豈易易哉最初發心若不遇明眼知識正其因地縱使不食如夷齊忍苦如墨翟勞動萬劫於佛菩提有障無礙故曰戒緩乘急不是緩戒急乘緩真是緩吾於水齋中作慧行行行調治情習宛轉種種方便互相資用大抵慧行爲正行行爲助未及一七卽覺身心輕利舊於經教中所聞有疑難而未釋者自然皆豁爾無滯并一切情習亦大廓落及以行行爲正慧行爲助磨礪多日終不若慧行爲正行

行爲助得益之多既而自愧慧行薄劣於陰界入境藉觀入止資止入觀猶障礙多端相狀蒙昧遂復探討天台智者大師所說禪波羅蜜摩訶止觀併輔行等書以昭廓慧行且多識行行深淺顛末蓋非獨便自己進修之補亦乃爲後之契水齋者示其最初發心務須先審因地端正則不負聖人所誠是以綴綴十種發心邪僻者爲殷鑒然水齋緣起考諸大藏未見所據卽其方法相傳一晝夜芝蔴三抄東三七二十一枚分三喰服之終南伏牛皆以此爲定式或以念佛爲話頭持呪爲話頭次者水齋雖服惟隨自意昏散延日而已所謂慧行行行名尙不聞安知其義義既不知憑何作觀觀既不作焉能入止止既不入攀緣豈息攀緣不息則心地不清心地不清則煩惱熾然煩惱熾然則我相堅固我相堅固則於臭皮袋上生大執著是以身心自相矛盾一動一靜護刺萬態言無好惡順情則雖無益於己欣然而樂聞逆情則雖有益於己勃然而不喜聞殊不知凡學佛者必須先達患累緣於有身不存身以息患知生生由於

稟化不順化以求宗。若然者。如於臭皮袋上生大執著。於熱惱心中起諸護刺。是存身耶。是稟化耶。若是存身。則患累終無期脫。若是稟化。則情識不枯。乾患累既無期脫。則生死難逃。情識既不枯乾。則煩惱苦海何時可出。如是過失。患在知見不明。知見即慧行具。慧行則行行可資。無漏若無慧行。終屬有漏。有漏則同前簡。非中九種發心。邪僻難昇。易墜斷非出苦津梁。甚可怖畏。是故若不解慧行。行行即小乘見諦。尚未知。況始終順圓之見諦乎。故服水齋。不以見諦爲本終。非正因。雖盡形壽服之。於已射下事了。無交涉。雖然。若較諸奢侈自縱。而不甘枯淡者。良亦可敬也。又服水齋。北地多寒。薑可隨意服之。設大便不甚通利。則服蜜水。由是觀之。身心開遮。惟如來大人體悉至。當故於律部中。雖則就情檢制。逢緣亦可開遮。如靴履裘毳。遮比丘不許服。既以多寒。國土仍爲開之後。之喫水齋者。可法也。或曰。師所謂有菩薩行人。修禪大意。恐衆人聞而不信。以至終作怨對者。寧有是事。對曰。吾初祖菩提達磨。梯山航海。不遠數萬里。

而來此土。別無所求。不過自既悟心。悲他未悟。所以勿憚寒暑。專爲度生。而來然邪師魔外。百計千套。毒至於六。卽南嶽思大禪師。生身已證六根清淨之位。亦遭中毒。幾死而復生。彼皆聖人以弘法之故。尙不能免。況吾見思未斷。分段猶存。設不卷口。縮舌。裝癡賣頭。則這條窮性命。斷送久矣。問曰。師爲生死出家。如何怕死。吾笑曰。怕死不怕死。不在口硬。但臨期出脫。看他便了。修禪波羅蜜大要

東平打破鏡已三百餘年。龍潭吹滅燈。復四百餘載。後代子孫迷於正眼。謂鏡燈滅而不知。行住坐臥。放十大光明。燈未曾滅也。見聞覺知。虎鑑萬象。鏡未曾破也。燈雖無景。能照生死長夜。鏡雖無臺。能辨生死魔惑。鏡與燈光。光常寂明。與鑑幻幻。皆如照之無窮。則曰無盡之燈。鑑之無窮。則曰無盡之鏡。日用不昧。昭昭於心目之間。但衆生迷而不知。故有修多羅教。開如幻方便。設如幻道場。度如幻衆生。作如幻佛事。譬如東西南北四維上下中點一燈外安十鏡。以十鏡喻十法界。一燈況一真心。一真心則理不可分十。

法界則事有萬狀。然則理外無事。鏡外無燈。雖鏡有無窮燈。無窮燈。惟一燈也。事中有無盡理。無盡理。惟一理也。以一理能成差別事故。則事事無礙。由一燈全照。差別鏡故。則鏡鏡交參。一鏡不動。而能遍能容。能攝能入。一事不壞。而即彼即此。即一即多。主伴融通。重重無盡。悲夫衆生。居一切塵中。而不知塵。塵皆毗盧遮那無盡刹海。普賢示一毛孔。而不知一毛孔。含衆生三昧色身。然則一切衆生。日用在普賢毛孔中。毗盧光明內。慈氏樓閣中。出沒交殊。劍刃上。往來念念中。與諸佛同出世。證菩提。轉法輪。入滅度。如鏡與鏡。如燈與燈。一切一時普融。無疑誠。謂不可思議解脫法門。非大心衆生。無以臻於此境。或問。即今日用見聞覺知。畢竟是燈耶。非燈耶。是鏡耶。非鏡耶。答曰。鏡燈燈鏡。本無差大地山河眼裏花黃葉飄飄滿庭際。一聲砧杵落誰家。

夫衆生無常。隨所熏習。熏之以五逆十惡。則地獄衆生發現。熏之以慳貪之業。則餓鬼衆生發現。熏之以愚癡貪欲。則畜生衆生發現。熏之以五戒善業。則人

道衆生發現。熏之以好勝詐力福業。則修羅道衆生發現。熏之以純十善業。兼修未到地定。則天道衆生發現。熏之以四諦之業。則聲聞衆生發現。熏之以十二還滅因緣。則緣覺衆生發現。熏之以三學六度之業。則菩薩衆生發現。熏之以無上菩提之業。則諸佛發現矣。由是觀之。自佛而下。九界衆生。雖世出世聖凡之不同。然皆未脫衆生之名。自九界已上。唯佛道中。始脫衆生之名耳。是以彌勒菩薩懸知釋迦緣化。將滿繼佛位者。以已身當之。既將任佛職。深慮一切衆生。若不先以般若熏之。培其智種。則將來龍華位中。內無智種。雖外熏以無上法緣。終無益也。如地有種。外藉陽和之力。熏之則油然。而各遂所生也。於是彌勒菩薩乘悲願輪。托生婺州雙林之傅氏。現爲居士身。廣化有情。時梁天鑑年間也。然居士深知衆生得道。因緣唯耳目最要徑。而耳目中。又慮衆生識文字者。少聞法亦復不多。既而設爲藏輪藏法於中。使一切衆生。若見若聞。若識字。不識字。以鼻嗅之。以口舌讚之。以身觸之。以意慕之。毋論其有心無心。賢智

與愚惜此六根熏習植般若智種作成佛因嗚呼大士之心可謂極深廣大矣藏輪

夫身不自身因觸而身所以身即觸也身既即觸反而推之即知觸亦身也身即觸身不可得觸即身觸亦不可得身觸既皆不可得矣則識本無生識本無生即身之與觸亦俱無生也今有人於此解路雖通靈機尚昧所以說時似悟對境仍迷耳是以知識依通非佛知見內豈發光真名大智予以是知身之與觸觸之與識迷時成三問字一尚不得何況於三三一絕待獨露常光遇物即宗不乖血脉理事函蓋宗教同春枝有短長花心不二但善用其心者即觸途成觀不善用者觸事生迷也

不見可欲則無所愛故以志一氣清明在躬志氣如神雖祿之以天下窮至於匹夫無所損益也雖然愛不可以自洗以聞道而洗之故曰聞道者靈臺常虛虛則明明則徹徹則遠遠則久久則大大則圓圓則備雖虛空之無緣萬物之廣多天地之確隲衆妙之所出皆自道也道乃如是不愛乎衆人則不然其

所愛不出於飲食男女之閒而已悲夫

世儒每以知行合一爲妙殊不知曾子述夫子之意則曰尊其所知則高明矣行其所知則光大矣由是而觀先知而後行明矣不知而行者又烏足道然知有解悟之知有修行之知有證極之知故無解悟之知則修行之知無本矣無修行之知則證極之知無道矣又證極之知爲解悟修行之知之所歸宿也知行合一之旨可得聞乎曰行時非知時證時非行時到此地位不可以智知所知不能及知既不能及行亦不能及知行路窮不唯神仙失其靜篤管取羅漢遺其空辭矣若然者畢竟如何卽是回看雲樹杪不覺月沉西

夫義非文而不詮意非義而不得旨非意而不冥冥則無思無思則同同則無實無實則無同若同而無待異亦無待矣譬如一指屈伸伸喻同焉屈喻異焉故正伸時伸本無待正屈時屈亦無待雖然且道離屈伸之外全指在甚麼處知此則可以言同異無待矣

精神不凝而思謂之揣摩。揣摩之患大矣。杜靈機而生。見刺故曰。悟學廢於揣摩。

夫身爲榮辱巢穴。心爲好惡根株。如根株不拔。巢穴未空。入山則怕虎兇。入水則怕蛟龍。夜行則怕鬼。入羣則怕衆。凡愚之怕。智短之怕。長低之怕。高近之怕。遠或可怕。不怕不可怕。反怕究其所由。有身則榮辱可以爲巢穴。有心則憎愛可以爲根株。能即身見空。則何空非身。即心了幻。則何幻非照。若然者。榮辱好惡。不唯可以爲解脫之梯航。實乃真爲大夜之燈燭。今有人事善知識而生。怕怕則神不安。神不安則恍惚起。恍惚起則心無所見。身無所主。終必因怕至於遠離善知識。既遠離善知識。不期然而近惡知識矣。嗚呼。華嚴經有十種事失佛法道。最初即於善知識不生渴慕。方便親近失佛法道。且善知識機緣。何多種不同。有以慈悲爲佛事者。有以嗔怒爲佛事者。有以和光同塵爲佛事者。有以叱咤棒喝爲佛事者。有以恭敬供養爲佛事者。有以守約爲佛事者。有以多聞爲佛事者。有以超放爲佛事者。有以莊重爲佛事者。

者有以人見喜而爲佛事者。有以人見怕而爲佛事者。故曰。逆順皆方便。而世之人。循聲流轉。觸相取著。以爲某善知識慈悲。某善知識譴責高。某善知識有道。心某善知識太孤峻。此所謂孟八郎漢。皆作實法。遇向不免被他明眼人。鼻笑汝在。又有一等人事善知識。不以善知識見處爲重。專以伺察善知識直達無心之過。撫爲口實。向背地裡。對人說去。噫。若將生死爲閒事。知識何須親近他。須把身心拋腦後。自然陸地長蓮華。

凡學人沐浴。當生大慚愧。洞察所因。稱摩訶般若波羅蜜。多三盥方可入水。蓋般若者。一切諸佛之母。稱其母則其子無論多寡皆隨之矣。凡不明般若者。不能生大慚愧。不能洞察。所因何以故。以智鑒不明。不辨好醜。故何謂生大慚愧。當作是念。我此身垢濁不堪。而見地不徹。行業涼薄。享此淨浴。何以克當。何謂洞察。所因當作是念。此沐浴水。衆力所成。深山寒雲之中。雪老冰枯之地。柴薪汲運。轉冷爲熱。揣我有何行德。受大衆心力。即以沐浴一事。入水出水。毫忽不

昧心光妙。獨宣明。坐入佛海。至於飲食起居。行住坐臥。緣道順情。隙愛憎。若不生大慚愧。洞察所因。捨命時。至管取九人之中。有十人手忙脚亂。在或比來。凡沐浴時。稱阿彌陀佛。以爲話頭。但責音聲。不斷。卽爲沐浴。刀錢。殊不知般若。不明。鏡你佛聲。不絕。我知其大慚愧。決生不起。凡百所因。決洞察。不徹。若然者。吾曾沐浴。不稱摩訶般若。波羅蜜者。是棄佛母也。佛母既棄。稱子奚爲。祖識如此。惟賢者正之。沐浴

夫禪波羅蜜者。其書有十卷。大章亦有十。乃天台智者大師所說也。大章十者。一禪波羅蜜。大意二釋禪波羅蜜。三明禪波羅蜜。門四辨禪波羅蜜。詮次五簡禪波羅蜜。法心六分別禪波羅蜜。前方便七釋禪波羅蜜。修證八顯禪波羅蜜。果報九說禪波羅蜜。起教十結會禪波羅蜜。歸趣而大章中。第六分別禪波羅蜜。方便章舉二子焉。初外方便。二內方便。而內方便復生二孫。初正明。因止發。內外善根。二明驗惡根性。大章第七釋禪波羅蜜。修證章舉四子。一修證世間禪。相二修證亦世間。亦出世間。禪相三修證出世間。

禪相四修證。非世間。非出世間。禪相而一修證。世間禪。相復生三孫。初四禪。二四無量心。二四無色。定二修證。亦世間。亦出世間。禪相亦生三孫。初六妙門。二十六特勝。三通明。三修證。出世間。禪相生二孫。初對治無漏。二緣理無漏。而對治無漏。生九玄孫。初九想。二八念。三十想。四八背捨。五八勝處。六十一切處。七九次第定。八師子奮迅。三昧九超越。三昧大都禪書科判明白。皎如日星。善讀者得其科判。譬如得祖而尋父。得父而尋子。得子而尋孫。得孫而尋玄。曾有何難哉。蓋此書由祖而父。由父而子。由子而孫。由孫而玄。曾凡三十五科也。若夫修禪之妙。階級次第。委曲精盡。由欲界未到地。定入初禪。未到地定。由初禪未到地。定入二禪。未到地定。乃至色無色。定九次第定。等或發有漏通。或發無漏通。至於三乘聖道。靡不資之。是以凡縑素之流。有志於修禪者。是書不可不精熟焉。嗚呼。世謂神仙之術。可以長生久視。譚而嗜之。殊不知神仙固奇矣。而最上品者。不過享地居之祿耳。如中下品者。不過浮游深山海島之閒。渠安知地。

居之上有夜摩天。夜摩之上有兜率天。兜率之上有化樂天。化樂之上有他化自在天。他化之上有初禪天。初禪之上有二禪天。二禪之上有三禪天。三禪之上有四禪天。四禪之上有空無邊天。空無邊之上有識處天。識處之上有無所有天。無所有之上有非想非非想天。此蓋就凡夫天中論層級耳。至於非想之上復有四聖人天。乃置而弗及者。行恐大鷗若鳴。凡鳥皆驚故也。禪波羅蜜科判

紫陌老人集卷之八

紫陌老人集卷之九

明 慈山德清 閱

法語

長松茹退序

慈愍子不知何許人。其應物之際。多出入手孔老之樊然。終以釋氏爲歇心之地。其所著書曰茹退者。乃自貶非暴羅也。夫何故立言不難。難於明理。明理不

難。難於治情。能以理治情。則理愈明。理愈明。則光大。故其所立之言。天下則之。鬼神尊而訶護之。慈愍子自知不能以理治情。以飲食不節而致病。病生復不畏死。猶妄著書。譬如牛馬不能力耕致遠。枉費水草之餘。唯所退者存焉耳。名其書曰茹退。不亦宜乎。雖然。迫而後應。與夫不扣而自鳴者。不可同日語也。潯陽有匡石子者。謂慈愍子曰。石兄來。慈構長松館於此。有年數矣。徒廠然於青松白雲之間。且岷江潯生。聲鐘梵境。不可謂不幽也。然未得高人勝士。擊無生之磬。震緣生之夢。則夢者終不覺矣。豈至人之存心乎哉。慈愍子愀然久之。曰。敢不唯命。乃長長松爲牛馬焉。

長松茹退

諸法無生。何謂也。心不自心。由塵發知。塵不自塵。由心立塵。由塵發知。知果有哉。由心立塵。塵果有哉。心塵既無。誰爲共者。若謂無因。烏有是處。吾以是知山河大地。本皆無生。謂有生者。情計耳。非理也。故曰以理治情。如春消冰。

千年暗室一燈能明一燈之明微吹能冥明暗果有常哉如明暗有常則能見明暗者非常矣知此者可以反晝爲夜反夜爲晝而能晝能夜者初無晝夜也明暗無代謝謂有代謝者隨分別始至也如分別不生明暗何在悲夫明則能見暗則不能見是謂塵使識若識能使塵則明暗在此而不在彼矣故曰若能轉物卽同如來

火性無我寄於諸緣外諸緣而覓火性何異離波覓水者哉火性既如此彼六大獨不然乎噫道遠乎哉觸事而眞聖遠乎哉體之卽神今觸事不能眞體之不能神蓋分別性未亡也無塵智亦未明也

明暗生晝夜晝夜生寒暑寒暑生古今脫離吾現前一念彼皆如石女生兒故曰十世古今始終不離於當念又曰覓心了不可得雖然了不可得而有如無可得則不可得者曷能獨存哉

如來藏中不許有識此古人之言也吾則不然衆人心中不許有如來藏夫何故凡聖皆獨立故譬如一指屈伸正屈時伸何所有正伸時屈何所有一現前

一不現前固不同而全露指體本無優劣故曰師子遊行不帶伴侶

空外無色色外無空空兮色兮根情而有外情而觀則空色奚寄故曰情爲化母萬物皆子母亡子隨乃自然之勢也或曰有可惜化空豈能化惑惑子曰空待色有色化空預此理之必然者也子何獨疑

道不生虛則有形者何所置之人心不虛則無窮之善自何出焉故曰虛則能容能容則大大則無外無外則獨立而獨立者在堯不加多在紂不加少然堯得之紂失之也

性變而爲情情變而爲物有能泝而上之何物非性五行相生復能相克天下好生而惡克殊不知外生無克外克無生故達者知生生克聞死不惑知克生生聞生不盈

出者有隱者之心處者有出者之情皆惑也夫出而不決爲忠不徹處而不果是謂大惑噫大惑不除雖處於幽巖深壑之閒何異市朝

見水不能渡者以其無筏見空不能蹈者以其無翼

然筏與翼皆屬於木。木生於土。由是而觀。是見土不能渡。不能蹈也。古之人有知於此者。故能不筏而浮。滄海不翼而履。太空。

我不待我而待於物。物不待物而待於我。兩者相待。而物我兀然。故廣土地者見物而忘我。略榮名者見我而忘物。一忘一不忘。何異俱不忘。唯俱忘者可以役物我。

鳥能飛。魚能游。然微空。水則翼不可展。尾不能動。故野馬奔於遠郊。長風游於太虛。苟無肆足之地。容怒之天。則殆而已矣。故君子之處小人。若不能使之各得其所用而不棄。則君子聞道奚益於世。

待欲熾。始乃治之。何異一杯之水。救積薪之火也。唯爲之於未有所謂。未昏而我本明。未動而我本靜。慎之可耳。如明極則照生。靜窮即動起。照爲昏媒。起爲動引。故聖人預知此。乃設止觀之藥。治昏動之病。一朝病除。藥廢。則向我本明本靜者。又不名明靜。乃曰。定慧者。蓋不欲忘其復性之功也。

飲食男女。衆人皆欲。欲而能反者。終至於無欲。嘻。唯

無欲者。可以勞天下。可以安天下。

身非我有。有之者。愚也。破愚莫若智。智不徒生。必生於好學。學而能辨之。非智安至此。故曰。學非是。道然足以破愚。愚破。智開始可入道矣。

能病病者。病奚從生。以不能病病。我故病焉。然病之大者。莫若生。心心生。則驕所不至矣。豈唯病哉。故曰。眼病乎。色耳病乎。聲心病乎。我唯忘我者。病無所病。可以藥天下之病。

松本無聲。風入。濤生。銅本非鏡。鏡成。生明。無情者。有情之待也。無聲者。亦有聲之待也。不明待明。明即不明。聲即無聲。情即無情。故曰。有待無待者。皆無自體。唯自心建。故達心無我者。雖處吉凶之域。而吉凶不可得而惑。

無物不神。不神有心。心有而能無者。無豈能醉哉。無不能醉。有不能昧。可以顛倒天地。有無萬物。神耶。非神耶。

刻木爲魚。魚腹空虛。以物擊之。聲出於無。無能出聲。無果無乎。聲從無出。聲果有乎。噫。舉一類。諸何物能

有形至大者莫若天地。無形至大者莫若虛空。有道德者知彼二者皆自心影響。故見空不空。見形非形。龍爲鱗蟲之長。孰不賓焉。然長而有欲。則人可以蒙之。象之者犬豕也。今龍亦可蒙之。豈真龍也哉。

介然有知。唯施是與。此老氏之言耳。曹溪大鑒則曰。對境心數起。菩提作麼長。則又若有知不无。無知也。老手曹乎。同乎異乎。吾不得而知。付之副墨之子。俟來者辨之。

今有百人焉異口而同音使聽之者疑若一人焉嗟夫口異者情之所感也音同者性之所出也敢問性對曰音之前心之初唯無思者可以契同耳世人見鸛鳥以爲非真見飛鳥則以爲真鳥也殊不知人借五行爲身折而觀之身則不有何況有人人既不有則鸛鳥飛鳥獨能有哉故曰真待假有假忘真隨忘若然者何真何假

錫狗未陳錦綉節焉旣祭牧豎踐焉夫錫之爲狗錫
不增多狗復爲錫錫不減少由是而觀狗徒有名實

唯獨也。或者見獨則以爲薪見拘則以爲畜。拘能防盜薪能傳火盜能殺人火能燒山一相因萬相因以至無窮。竟不可以知識。知故曰一波纔動萬波隨學所以破愚也。今有人於此不以學破愚而以學周欲卽此而觀則聖人設教本在藥衆人之病。今藥生病則聖人之技窮矣。故曰醍醐或毒藥也。豆在瓶中春至則能萌芽人在欲中覺生則能夢除故曰有大覺而後知有大夢也。夫大夢者併夢覺而言也。夢覺則夢除覺覺則覺除覺夢俱除始名大覺焉。

在周夢爲蝴蝶。蝶夢爲莊。周此說有心而言也。吾則曰。我夢爲山河山。河夢爲我。此該有心無心而言也。噫。能有心。能該有心。無心者。果夢耶。果不夢耶。萬物本閒。聞之者人耳。人而不聞。天下何事。故垂衣裳而天下治者。非出有心也。

一盃之水。一拳之石。足以盡泰山滄海也。夫何故。大不自大。待小而大。小不自小。待大而小。待小而大。則天地可以置於芥子矣。待大而小。則毛孔可以容乎。

虛空矣。虛空無形。毛能容之。況天地萬物者乎。故曰。毫釐非細。開闢其內。虛空非大。隨客無外。種松所以棲鶴也。養鶴所以待風也。故列子冷然乘風而遊於八荒之外。返而失其故。吾嘗謂在八荒之外也。故曰。道非有無。豈可以方所求之哉。道非遠近。豈可以去來疑之哉。唯不求不疑者。非上智則下愚矣。

心有真心。妄心。真心照境而無生。妄心則因境妄起者也。真心物我一貫。聖不能多。凡不能少。妄心則境有多種。或以有爲境。或以無爲境。或以諸子各偏所見爲境。故曰。心本無生。因境有六合之外。六合之內。羅籠盡矣。又老氏以身爲大患。身無患。無而不言。所以然之旨。曰。假借四大以爲身。則無身之所以然明矣。夫心本不勞。形累之勞。身遺則心無能勞之者。心果有乎。昔人有言。全神者。心將遺之。況於身乎。故曰。有心則罪。福有主。心忘主。無雖有罪。福孰主之哉。我心未起。義路莫造。故窮天下之辨。盡天下之義。皆謂之以網。張風翦龜之毛也。雖然。善行者無足跡。善

言者無舌力。如是言如是行。謂之不言而言。不行而行。不言而言。言滿天下。本無言。不行而行。行徧天下。無行。故曰。不行而行。至不言而言。信也。衆人以爲高。不過三丈。厚不過手。地故曰。天高地厚。無能匹者。殊不知天地雖高厚。亦有形之大者。夫有形雖無形。形何所從。無形雖有形。無形誰明明也。者有無一致之謂也。

勇而不義。謂之暴。仁而不明。謂之倒。倒也者。以小傷大之謂也。唯仁不仁。乃合乎道。月在水。水春著花容。雖至愚者。亦未有見之。而不悅也。殊不知外我一心。則水無所清。月無所明。春無所呈。花無所榮。知此者。可與言。即物實心之大略也。生公聚石爲徒。與之談涅槃。大意羣石皆點頭。而肯之。夫石本無心。豈有耳哉。無心無耳。於意則肯。肯於聲。則能受。肯之受之。心耶。耳耶。見欲忘身者。乃欲重於身也。見身忘欲者。乃身重於欲也。欲重之人。雖多才。奚爲唯聖人。因其欲而用之。終使之無欲焉。重身之人。固能忘欲。身爲欲本。心則

主之而不能忘心。則身亦欲也。故曰：唯忘心者，則身無所勞。

蛇可以爲龍，衆人可以爲聖。今衆人滿天下，而登聖者何稀焉？噫！風行於上，俗成於下，顧其鼓舞者何如耳。如鼓舞者不得其人，雖聖人滿天下，有若無也。稚子弄影，不知爲影所弄。此譚子之言也。吾則曰：影弄稚子，不知爲稚子所弄。譚言可以義求，吾言難以理通。譚兮吾兮，孰先孰後，孰智孰愚，吾不得而辨，且付之無辨子焉。

吾讀莊子，乃知周非老氏之徒也。吾讀孟子，乃知軻非仲尼之徒也。夫何故？老氏不辯，周善辯，仲尼言性活，軻言性死。辯則失真，死則不靈。失真不靈，賢者之大疵也。

羊不知驢，驢不知馬，馬不知龍，謂驢不能百里，謂馬不能千里，謂龍不能螭，九霄是皆以已盡人者也。夫人可以已盡，則道可以力得矣。何君至尊，臣不得而獻之；父至慈，子不得而傳之。耶？故曰：人不可以已盡，道不可以力得。唯舍已盡人者，無情不盡，無道不

得也。

日高則羣陰自滅，雲厚則杲日失明。今有人於此，不以無生之水沃貪欲之火，而燦靈焚和，終無息矣。晝想之夜夢之，想想夢夢，積歲成劫，萬古一息，或謂之延，或謂之促。延兮促兮，有兮無兮，唯離念者乃知此也。

岷山而至石頭，從高而下也。岷山如在天，石頭如在淵。天上有水，魚龍藏焉；淵中有陸，人物寓焉。在上者不以陸低，而設底脫之防；在下者亦不以水高，而憂衝洗之患者，命也。業也。故曰：知見每欲留於世，閒業運屢常遷於國土。

男見女喜，悅女見男亦喜。悅男女雖別，而喜悅未嘗不一也。噫！喜悅之初有不累於喜悅者，存焉。人能知此，則喜悅乃思無邪也。

儉可以積福，福亦可以積禍。吾同衆人之儉，儉非吾儉，福必積矣。如儉人而不儉，已禍必積焉。故曰：同人之儉者，人雖餓死而不怨儉人，而不儉己者，雖溫飽而不懷也。

少而不老老而不病病而不死則生者無媒矣生而不少少而不老老而不病則死者亦無媒矣噫死爲生媒生爲死媒譬如環輪端從何起故曰生本無生死本無死或者橫生橫死耳

吳人嗜鱸魚蓴菜燕人嗜鰔乳牛乳蓴菜鱸魚牛乳鰔乳味雖不同嗜無兩種鱸魚蓴菜衆人以爲鮮鰔乳牛乳衆人以爲膾噫如舌根不搖識不嘗味天雨甘露地產甘肥孰知嗜哉

公之私之皆自心出公則天下喜之私則天下怒之喜則福生怒則禍生知福生於公而不能以公滅私者欲醉其心也

制欲不難唯自重難人而能自重雖高爵厚祿不能動之果能昭廓不動至於動而無欲則幾於聖矣古有節婦謂餓死猶勝生失節失節牛猶死遂餓而死是以天下仰其遺烈如月在寒空也

皎如青天忽爾生雲吾清淨心中念生忽然念自生耶固有生之者乎生而能返出而能歸者也生而不返流浪他鄉玲壩辛苦朝之莫之弗得暫安如長風

驅雲雲雖無心茫茫不能已者風使之然也故曰境風浩浩淵殘功德之林心火炎炎燒斷覺山之路山上有天誰得見之

飲食之於人也所以資其生耳今有人於此不以飲食資生反乃傷之者蓋不節之過也飲食而能節之小則可以資一身一家大則可以資天下故曰智者能調五臟充而用之能調天下非誇也

昔之人有力拔山者氣吞天下者人在地上口在人面而能拔山山地也口亦地也謂之地拔地地吞天下於理則無悖反是雖有其辭乃過壯之耳

天下以美婦人譬好花以好花譬美婦人殊不知以人譬花以花譬人而能譬譬者非花非人也故曰境界無好醜好醜起於心

胡馬依北風越鳥巢南枝南人解乘舟北人解乘馬人物雖殊便常則一也故使農人揖讓於明堂之上置繡紳於耕鋤之間久習雖亦安之終非其常也是以聖人不以反常教天下但以中庸教之者率其常而已矣常則久久則遠遠生大大無不盡何必反常

桃李芳濃遊蜂不待召而聚。花落亦不待遣而散。殊不知花有榮悴而樹無代謝。夫樹無代謝則今日之零落安知不爲異日芳濃之本。與昔人有方受相印而責震天下。卽題詩於館壁。開曰霜松雪竹鐘山寺。投老歸歟。寄此生。噫。大悲菩薩手眼。何多果。乃一些瞞他不得。良有以夫。

開眼見山水。合眼夢山水。開眼所見世以爲真。合眼所見世以爲不真。殊不知真與不真。離心無塵。塵尙非有。況山水乎哉。

聞鐘聲而能卜陰晴者。耳聰英於人者也。過萬馬一見而不忘其毛色者。目明雄於人者也。故世皆以爲極聰明之人也。雖然。合聰不聰。合明不明。聰之與明。果聰明歟。果不聰明歟。昔人有言曰。世人之耳非不聰。耳聰特向經中聾。世人之目非不明。目明特向經中盲。若然者。彼能卜陰晴之聰。辨馬色之明。豈真聰明也耶。

孟軻言性善。荀況言性惡。楊雄言性善惡混。夫言善言惡者是析一而爲二也。言善惡混者是併二而爲

一也。噫。性也者。非一非二而一而二。孰能析之。孰能併之。吾以是知析之者。皆畫蛇添足者也。吾讀墨子。然後知其非大悖於孔子者也。吾讀楊子。亦知其非各一毛而不拔者也。今日墨子悖孔子。楊朱各一毛。是皆不讀楊墨書者也。楊墨骨已朽而不朽者。寓於書。然不讀其書而隨人口吻以安排之。假使楊墨不死。聞其排語。寧不捧腹而絕倒歟。

十習六交。惡情所積。果熟。徵報所以訓因也。若夫十號具足。萬德周隆。亦善情所積。果熟。訓因也。然惡積則受苦。善積則受樂。如一心不生。萬法何咎。人而知此。則將善不敢恃。況敢爲惡而甘受苦哉。故曰善雖是美。惡固非善。善不藉惡。則爲善無資矣。惡不藉善。則爲善無師矣。今有人於此。必欲逐盡小人。然後天下始可治者。豈聖人之心也耶。

火勝水。水必成湯。水勝火。火必成涼。是故易之泰卦。貴權在君子。亦使小人各得其所也。然聖人不病於臨而病於大壯者。至泰且固守而不敢進。噫。非憂深慮遠者。孰能知此。

吾讀易然後知六十四卦本無常性故曰周流六虛上下無常所以性之情之惡之好之凶之吉之循環無端變化無窮矣

中庸之未發卽易之未畫發而皆中節卽易之已畫或曰中或曰和或曰道或曰易中也者未發不昧已發之謂也和也者已發不乖未發之謂也先天謂之道後天謂之易故曰形而上者謂之道形而下者謂之器器成則易行乎其中矣外器而求易猶外卦而求爻也寧有是處

深山大澤龍蛇生焉茂族巨姓善惡出焉苟不得有福慧者爲之長折攝於未有則滅族殺身之禍將必不可免矣故曰一微涉動境成此頽山勢

則未至時不知是福禍至而追思無禍之曰真大福也豈待必得萬鍾然後爲福哉

勤於善者不知善之所積甘於惡者亦不知惡之所積善之所積以其不知福莫大焉惡之所積亦以其不知禍莫大焉良以不知生於所忽禍之始也知而勤之福之梯也故曰忽則昧心知則不昧

人之心慮整之則熱惱將自洗落而漸入清涼之域忽而不能整則衆苦不召而至矣至則難遣曷若整之於未至用力少而收功多耶故曰諸天正樂修羅方顯是皆心慮弗整被其所覆也覆則本心隱蔽非明而勇者心慮豈易整之哉

轉識成智非解圓而精於止觀者未之能也夫佛性有三緣因了因正因是也緣因不明了因不生了因不生正因難冥冥也者所以復之也今有人於此欲復其性而忽了因欲發了因而忽緣因譬如不穀而欲苗不苗而欲計安有是理乎文始雖言轉識成智而不言轉識成智之所以然所以然不明是有名無實也或曰敢問轉識成智之所以然對曰若能探釋氏唯識之書乎若能悉緣因了因正因之旨乎曰未也將能之矣噫若果能之則轉識成智之所以然乃在子而不在文始也

文始轉識成智之說但言其成不言其所以成所以成之說不明則義由何精凡義精乃可以入神致用耳雖然義有多途豈易言哉性變而爲識識有多種

曰含藏曰傳送曰分別曰見色聞聲嗅香嘗味覺觸知法總謂之八識。唯含藏前五果轉非因轉也。六之與七乃因轉非果轉也。然彼七識皆坐轉非行轉也行轉也者。唯分別事識之能事也。夫何故以其量備心所備故也。合理之謂比。謂比度而知知而不謬於聖經合轍故曰。比量不合則非量矣。現量也者。初無分別照境無思也。是以有志於轉識成智者。苟非精辨事識。則轉識成智所以然之說終不明矣。吾故曰。文始言其成不言其所以成也。

吾讀文始。雖愛其文章精潔。光而且曠也。精則不濫。潔則清而無塵。俗習光乎其馥。不可掩曠。乃包博沖遠。非淺識者可窺也。雖然。精之潔之光之曠之其粗也不可精。不可潔。不可光。不可曠者。豈精精潔潔光光曠曠焉而能暴之哉。吾以是知不能暴者。精而至於密者也。故其言曰。聖智造迷鬼神不識。不可爲不可致。不可測。不可分。強曰天曰命曰神曰立。合曰道者。亦密之之謂也。

饑飽無常法。故飽可以治饑。饑亦治飽。非但饑飽可

以相治。生能治死。死能治生。死若不可治。則生生之道息矣。生若不可治。則生者不死矣。今乃生必有死。此天下之共見者也。吾以是知生本無生。死本無死。而謂禍福莫烈乎死。生者安知此乎。

般若總八部。雄文六百餘卷。若天風海濤。音出自然。文成無心。可謂出聖之智母。陶凡之紅爐也。而弘法大士乃東八部雄文。成心經字無三百。而顯密要領。罄備之矣。或者再束心經。歸一句使反約。精求者。習化心通。則我法二空。無勞舉足。彼岸先登矣。雖然。二空之解。未精而入神。致用之機。豈易發哉。

初心學者。當先求精。我空之解曰。我之有我。根於五蘊。若離五蘊。我本無我。且彼聚而成我。耶散而成我。耶聚而成我。聚必有散。我豈真我。散而成我。我則有五聚散求之。我終無我。是謂我空。彼五者。初唯識變而有。識如幻夢精而觀之。識化法無。是謂法空。二解既成。依解起行。當於憎愛榮辱之地。死生聚散之場。力而行之。則又不在解而在行也。

吾讀棧嚴始悟聖人會物歸己之旨。而古人有先得

此者則曰。若人識得心。大地無寸土。又曰。我今見樹。樹不見我。我見何見。校勘文字之妙。委曲精盡。勝妙獨出此眉山之言也。

口腹累人。陽物多事。至於滅身敗國亡家者。豈少哉。然得其機而制之。不難。不得其機而強制之。非惟無益。亦足致狂夫。機者何。噫。心未生。時心將生。時心正生。時心生已。時機乎。機乎。果在誰乎。知此則口腹絕。長蛇封豕之技。陽物無星火燒山之猛矣。

老氏宗自然。夫自然也者。卽無爲之異稱也。無爲卽不煩造作之謂也。若然者。則聖人設教將教誰乎。何者。以善旣自然。惡亦自然。則無往而非自然。果如此。則衆人之希賢。賢希聖。始從勉然而終至於自然之說。老氏大悖也。故老氏但言其終而略其始之說。行則薰惡爲善之教。將戰而不能全勝矣。夫始終一條也。故衆人希賢。賢希聖。此盡其始也。聖希天。盡其終也。盡始也者。以理治情之謂也。盡終也者。復其性也。性復則向謂一條者。昭然在前矣。夫復何事。至此則知自然俱掉棒打月耳。

終天下之道術者。其釋氏乎。六合之外。昔人存而不論。六合之內。論而不議。非不可論。恐駭六合之內。非不可議。恐乖五常之意。今釋氏遠窮六合之外。判然有歸。近徹六合之內。盡然無混。使高明者有超世之舉。安常者無過望之爭。是故析三界而爲九地。會四聖而共一乘。六合之外。唯不受後有者。居之。六合之內。皆有情之窟宅也。能依者。名之正報。所依者。謂之依報。聖也。凡也。非無因而感。皆因其最初發心爲之地。有以緣生爲歸宿者。有以無生爲歸宿者。唯佛一人。卽緣生而能無生。卽無生而不昧緣生。遮之照之。存之泯之。譬如夜珠在盤。宛轉橫斜。衝突自在。不可得而思議焉。故其遠窮近徹。如見掌心。文理鏡中眉目也。吾故曰。終天下之道術者。其釋氏乎。

憨憨子正沐時。以背示匡。石子曰。若見廣長舌相乎。曰。不見。噫。見生不見善。反不見豈。惟背有舌眼有耳。將毛與髮。無往而非見矣。

一條也者。初本不遠在吾日用中耳。日用而不知者。外物累之也。殊不知物不自物待我。而物我若能忘。

我物豈能獨立乎。故曰：唯忘我者，不惟物不能累物，且爲之轉也。

一盆之水，奚異滄海？謂之盆，謂之海，情而已矣。如情忘，則海尙不有何況於盆？是時也，昭然現前者，盆乎海乎？

通紅而告我者，熾炭也；飄白而告我者，飛雪也。紅白雖殊，告我則一耳。色爲五塵之先，先者能告，則餘者寧弗告哉？雖然，具有目目耳耳，以至意意者，亦惡能領旨乎？

緣明有見，是謂衆人不緣明能見，是謂聖人。然而鴟鴞夜撮蚤虱，察秋毫，晝則瞋目而不見丘山，因暗有見，明成無見。又虎狼貓犬，晝夜俱見，則與不緣明之見何別？嗜虎狼有待則見，而聖人有待亦見，無待亦見。故曰：聖人處明暗之域，開物成務，明暗不能累焉。呼聖人，聖人應；呼衆人，衆人應。說者以聖人之應，謂之唯衆人之應，謂之阿夫，唯與阿皆應而有不同者，情也。同者，性也；性與情相去不遠，故曰：性相近也，習相遠也。既近，可以習遠；遠者，獨不可習，近乎吾以是。

知性本無常情，亦無常性。若有常情，何所生？情若有常性，何所光？光則圓圓，則明明，即覺也。圭山曰：統衆德而大備，燦羣昏而獨照，故名圓覺。

水有蛟龍，山有虎豹，樵者不敢入焉，漁者不敢浴焉。以其有物，故也。知其有物而避之，不若忘我忘我物，亦忘之。故古之人能與蛇虎爲伍，而兩相忘者，豈有他道哉？

風雨霧一耶三耶？謂之一，則風本非雨，雨本非霧，霧非兩者，謂之三。非霧則風，雨無本，故曰：霧醒成風，不醒成雨。三即一，一即三，三即一，三何所有一？即三一，亦本無知此者，可與言一心三觀之理也。

鑿地可以得泉，披雲可以見天地也。雲也，情之譬也；泉也，天也。性之喻也。今有人於此，欲堅於地，濃於雲，且恣而弗制，不唯傷生，終必滅性也。

孟軻排楊墨，廓孔氏，世皆以爲實然。是豈知孟子者，歟？知知之，則知孟子非排楊墨，乃排附楊墨而塞孔道者也。雖然，孔氏不易，廓而能廓之者，吾讀仲尼以降諸書，唯文中子或可續孔脉乎？外通或有能續之。

者吾不得而知也

人身生蠅虱則怒其嘔我。爾捫死之殊不思大道爲身。蠅虱天地。天地爲身。蠅虱萬物。人乃萬物中之一物耳。人能推其所自。則知離大道無天地。外天地無萬物。而所爲人者。特靈焉而已。卽形骸而觀之。蠅虱與人何異。以爲秒而捫之。非忘其所自者。孰能忍乎。古皇徵慶喜曰。汝心果在內耶。對曰。心在身中。曰。果在中者。汝能見五臟六腑乎。曰。不見。愀然乃再徵之。曰。汝處室中。見室中之物乎。曰。見。今汝言心在身中。而不能見身中之物。法喻相悖。於理非通也。喜窮於內。必奔於外。殊不知內爲外待。外爲潛根待。潛根爲明。暗待。反觀見內。爲中閒待。中閒爲隨所合。處待。隨所合。處爲一切無著待。則偏計橫執。緣待而立七處也。天機深者。了內窮。卽外窮。虧一喪。兩則餘處寧煩排遣。然後省哉。

八者可還。皆前塵耳。唯能見八者。不可還見。精也。卽此而觀。則見精本妙。萬物而無累明矣。今有人於此。緣明則見。不緣明則不見。此果見精之咎乎。噫。明了

不起五根本妙。故眼可以聞聲耳可以見色也。

如喜怒哀有常。既喜則終不能怒。既怒則終不能喜。以其無常。所以正喜時忽聞不可意。事隨勃然而怒。正怒時忽聞可意。事隨欣然而喜。故曰。喜不自喜。物役而喜。怒不自怒。物役而怒。嗚呼。物奴我主。我不能喜。怒物役之而喜。怒何異奴之役主。而人爲萬物之靈。竟不能役物。終爲物役。可不悲哉。

吾身至微。盈不六尺。六尺在大化之間。何異大海一漚。然是身所託者。猶多焉。蓋以至微之身。毛孔有八萬四千一毛孔。中一蟲主之。吾饑彼亦饑。吾飽彼亦飽。吾爲善。彼皆蒙福。吾爲惡。彼皆嬰禍。故有志於養生者。生不可輕。如果重生。先養其主。主者誰主。乎生者也。噫。能主乎生者。果有生乎。是以唯無我者。可以養生。主生既無。我生果生乎。知此者。可與言養生之道也。

智者老人以七喻譬五欲之無益於人也。故其言曰。五欲者。得之輒劇。如火益薪。其燄轉熾。五欲無樂。如狗噬枯骨。五欲增諍。如鳥競肉。五欲燒人。如逆風執

炬五欲害人如踐毒蛇五欲無實如夢所得無欲不久假借須臾如擊石火學人思之亦如怨賊嗚呼一微涉動五欲生焉五欲害人七喻作焉能善觀一微者則於因成假中了知五欲初無所從也夫何故未生五欲正生五欲五欲生已四運精而推之則一微非有唯一微之前者固自若也

魚在水中不知水人在心中不知心如魚能知水人能知心魚果魚乎人果人乎是以滴水可爲六合之雲微塵可容萬方之刹者非龍非聖人孰能之哉吾以是知爲龍不難魚知水難爲聖人不難人悟心難故曰日用而不知者衆人也

天地可謂大矣而不能置於虛空之外虛空可謂無盡矣而不能置於吾心之外故以心觀物物無大小以物累心心不能覺惟能覺者始知心外無物也故曰諸法無法體我說唯是心不見於無心而起於分別

積字成句積句成章積章成篇積篇成部部所以能詮所以然之說也所以然之說不明則字字句句章

章篇篇如蟲蝕木偶爾成文蟲豈有心乃蝕之手蟲既無心寧有義寓於文哉義也者心之變也如喜怒未發但謂之中已發則曰仁曰義曰禮曰智曰信仁有仁之宜義有義之宜禮智信亦各有其宜如春宜溫夏宜熱秋宜涼冬宜寒冬而不寒則謂之不宜也是故會衆義整而不紊謂之理由理而行無往不達謂之道由道而造乎歸宿之地謂之德德也者如得字成句得句成章得章成篇所以成部也

吾讀洪範乃知箕子聖人也聖人而不在位村在位商亡可知已箕謂五福六極唯敬天愛民者天以五福應之反是則以六極應之由是而觀則報復之理因果之條釋氏未東之日而中國有欲治天下者未始不嚴於此也今謂因果之談報復之唱乃釋氏鼓惑愚者之技豈君子所當道哉噫是說也不唯得罪於釋氏亦箕子所當惡也

畫屏花鳥非不悅目也如欲使之香使之鳴雖聖如神禹吾知其不能也今有人於此智不能周一身力不能縛一雞衣之冠之而周旋揖讓非不悅目也然

使之爲上治民何異使畫花香畫鳥鳴乎

水在釜中非火不能熱也種在土中非春不能生也愚在心中非學不能破也今天下學非不學也所學在於周欲而不爲破愚是以世喪道道喪世世道交喪之風扇之未已也噫扇之未已則將有不可勝言者至矣

伊蘭之臭天下之至臭也而得旃檀熏之則可以爲香今謂下愚者終不可教何異伊蘭終不可使之香也如伊蘭得旃檀而熏之亦可以爲香則下愚何獨不可教之但教而無倦爲難果能教而不倦則金石可貫人雖至愚知覺固有即其固有熏之以教誨之香久而至於熟則其至愚之臭亦熏而成香矣故曰教而無倦惟聖人能之

夜夢地裂將欲逃之逃前恐前裂逃後恐後裂逃左右恐左右裂是時也計無所出猶逃心不能已恐怖萬出既春雪撲窓春夢頓覺則床前後床左右地本如故裂何曾裂橫謂裂者乃徧計耳如故者依他也噫徧計雖忘依他不忘猶夢覺覺存覺爲夢本夢本

不忘豈真覺也耶

本惟一觸了觸非性則謂之妙觸受觸所轉乃觸而已妙則失焉故曰妙觸宣明若然者則廣長舌相不在口而搖於身矣寧惟身哉待身者觸觸旣爲入妙之階則聲聲色色皆廣長舌相也雖然苟非聽之於踵則音豈易領哉

豎而移者謂之人能豎者亦可以橫非有豎而非豎者惡能豎豎橫橫有知此者可與言性之似也

力不足生畏理不明生疑是故大言而欺人者畏人者也觸事生疑無事謂事者乃不明所致也心旣不明則中無主中無主謂我能見能聞聰明特羣非愚而自欺者惡至此歟

孟軻見王公大人則貌之貌之也者有心乎無心乎如有心非能貌人乃自貌也如我無心奚用貌爲彼王公大人一觸無心之人將忘勢之不暇何待貌之然後使之服耶故曰飄瓦撲人人不怒虎舟觸人人亦不怒知其無心故也君子懷道而遊於諸侯之門苟不以虛心應之則無所不至矣

惠不可妄受。受則當思惠之所自來。愛我而來耶。哀我而來耶。愛出於敬。哀出於憐。敬則我何德之有。而當其敬憐。則既爲男子。豈移於天地之間。使人憐我。我不能憐人。豈丈夫也哉。故曰。幣厚言甘。道人所畏。牡丹諺謂之花王。蓋尊其艷麗之富耳。殊不知青松托根於白石之上。當風霜凜冽之時。爲雲濤於萬木之叢。使聽者低回而不能去。以爲海潮初鳴。夫松鳴使塵心蕩然。雷鳴能使羣蟄頓醒。鐘磬鳴能生人道心。以此言之。則牡丹之艷麗。惡能有青松勁節之風哉。

梅以香欺雪。雪以白欺梅。兩者各恃其所長而相欺。互不能降。故酣戰不已。噫。天風忽起。雪捲花飛。則向之所恃者。安在哉。曰。恃長而欺人者。不能終。

海有大魚。背負萬山。山有大獸。尾占千里。衆人聞而不信。茲請實之。微四塵則大地不有。微三塵則大水不有。微兩塵則大火不有。微一塵則大風不有。然地以水浮。水以火浮。火以風浮。風以空浮。空以心浮。夫心也者。萬物一體。物我同根者也。以此而言。則焦螟

可以負太山。螻蟻可以抗雷雨。魚大而背負萬山。獸大而尾拖千里。夫復何疑。

衆人愛富貴而惡貧賤。所以富貴貧賤之累。至於死猶不覺也。殊不知富貴貧賤本是一條而一條之上。強愛之。強惡之。豈理也哉。故曰。理有情無者。聖人得之。衆人失之。噫。得之者。雖死生在前。直使爲一條。況富貴貧賤乎。

死生根於有。我有我根於無。我若然者。則有我乃無。我之枝條也。而善反者。卽枝條而求根本。譬如甕中捉蠶。囊中探物耳。奚難之有。雖然。衆人有我習熟。無我習生。熟而能生。生而能熟。非大明至勇者。豈易之哉。

有我無我。譬一指屈伸。屈伸無常。指無隱顯。今有人於此。見屈伸而忘指體。則在堯而不能加。在紂不能損者。終失之矣。

聖人衆人本唯一。光然聖人不假日月燈之明。直用本光自照。所以處昏暗之中。而昏暗不能昧也。衆人則不然。本光固有而不能。用反緣日月燈之明。方始

得見此明一謝則暗相現。前是時也。伸已指而不能見。況見天地萬物者哉。

滄海無際。水凝千尺。一夕陽回。永生微響。則水復爲水。可立待也。吾觀復卦。一陽生於五陰之下。陽似不能勝陰。然機在陽。而不在陰。則陰不勝陽多矣。如初發心大士。卽成正覺。蓋衆人生於五欲火中。一旦心發清涼。非至明大勇者。孰能臻此。故因該果。海譬層冰之初泮。則知復水不久焉。果徹因源。蓋冰離水無體故也。噫。冰水似殊。故寶凝之與融通。大相懸絕。然離冰無水。離水無冰。知此者可與言禪花之大意矣。老氏以爲五音可以聾耳。五色可以瞽目。介然有知。可以惑我。無知殊不知耳。目無所有。有因身有知。亦無所有。有因境有知。呼身心既有。則死生榮辱好惡是非。靡所不至矣。是以大覺天子。教天下以四大觀身。四蘊觀心。而八者現前。則身心並無所有。身心既無。則所謂死生榮辱好惡。是非。譬如片雪飛於紅爐之上。惡得有哉。然身心之執。雖解而八者猶未緣除。復教之以四塵觀四大前境。觀分別心如天機深者。

卽了悟外四塵。則四大無所有。外四大四塵亦無所有。外前境則分別心亦無所有。外分別心則前境亦無所有。能所互洗。物我蕩然。是時也。無身之身。無心之心。昭然在前矣。始知形充八極。大患莫能累焉。智周萬物。熱惱莫能焚焉。駕四弘之輪。乘十願之馬。飛行無際。顯窮色空。盡使博地含靈。頓躋覺地。乃大士之能事也。

心本無我。而靈故不可以有我。求之亦不可以無我。求之以有我。求之渠既無我。豈不乖渠耶。以無我求之。渠既靈然。豈不乖渠耶。既不可以有我求。復不可以無我求。則我終不可得。渠耶果如此。不唯衆人絕希聖之階。卽聖人繼往開來之功。可得而泯已。但渠非有無可求。要在從緣會得。故曰從緣薦得。永無退失。緣也者。如衆人以十惡五逆之緣。熏之則渠發現。阿鼻之相。乃至以人緣。熏之。聲聞大士之緣。熏之。則九界發現之相。按如日星。唯佛一人。若不以無作之緣。熏之。則渠且不能發現。殊絕之妙相焉。由是而觀。九界之相。既循緣業發現。今有人於此。能循緣業。泮

而上之則彼無我而靈者不待召而至矣

宗儒者病佛老。宗老者病儒。釋宗佛者病孔。病李。既咸謂之病。知有病而不能治。非愚則妄也。或曰。敢請治病之方。曰。學儒而能得孔氏之心。學佛而能得釋氏之心。學老而能得老氏之心。則病自愈。是方之良。蒙服之而有徵者也。吾子能直下信而試之。始知蒙不欺吾子也。且儒也。釋也。老也。皆名焉而已。非實也。實也者。心也。心也者。所以能儒。能佛。能老者也。噫。能儒。能佛。能老者。果儒。釋。老各有之耶。共有之耶。又已發未發。緣生無生。有名無名。同歟。不同歟。知此乃可與言三家一道也。而有不同者。名也。非心也。

今有人於此。能讀四庫書。而約者不明。書多奚爲。夫約者。心也。心爲萬化之主。反不能自信。乃勤朽骨。糟粕惑矣。或曰。敢問心所曰。在眼能見。在耳能聞。如生心動念。卽情也。非心也。噫。惟明心者可與復性矣。古有道戰德戰。仁義戰。智勇戰。道戰無心。德戰懷恩。仁義戰乃所以安天下之生也。智勇戰乃所以強遂其志也。或有沒巴鼻戰者。不得無心而敵。敵則敗不

得有心而敵。敵則敗。畏敗而不敢敵者。亦敗。噫。惟雲門德山善戰之師也。

義井筆錄

師說你的性剛。一日遇諸般事。如何忍得過去。復問如何方忍得。師說看得自家大。自然忍得去。復問如何看得自家大。大便忍得去。師說天地大。便能包容得萬物。虛空大。便能包得天地。我本來真心。大便包得虛空。師又說大端人不能容物。無他爲物障礙。但自昧了真心。便自小。了。據嚴曰。空生大覺中。如海一漚。發有漏微塵國。皆依空所生。漚滅空本無。況復諸三有。○大覺真心。本非有無。可以形容得。纔昧此心。便有虛空世界矣。是故聖人處於死生禍福之域。而死生禍福不能累者。無別奇特。不過不昧心而已。然此心雖在日用之中。衆人不知。不知卽是無明。無明者。謂真心本有。而反不知昧心。而有虛空世界。却膠固不舍。

三界裡頭。總是一塊情。大家在情裏。要說超情之言。如達磨遭六毒。南岳思禪師遭十餘毒。蓋二老說話。

沒偷心便惹得許多好供養偷心情也無偷心性也。處於情中而率性用事自古及今未始不遭魔外所害也。然向後去害大則光愈大。故君子常喫虧常得便宜。

師喚復你豎起拳來。復豎拳。師問你這拳是誰豎起。復對是心豎起。師問假若是沒了此手你的心何在。復罔措。師說你要在這裏自家查看。查看不出。真是苦復求之不解。請師開示。師曰。人都是愚在這裏。終日將個燈點到這裏。又去人家裏討火去。不能忘利者必不能任怨。

要想此身從何而有。此身從何而去。知其從何而有。則知其從何而去。

易曰。羣龍無首吉。此象也。如玩象得意。則活者在我。活者既在我。則死者亦活矣。至此則孰爲意。孰爲象。故曰。若人識得心。大地無寸土。我則曰。若人識得意。意外本無象。無象則無物。無意則無我。無物無我。君子何怕多存物存我。君子多不好宋之君子甚多。只是各有其首。首者我相也。如各無意。無必無固。無我。

卽王安石與諸政安石者皆君子也。

要心器利。無如甘澹泊。要身器利。無如閑勞動。

身在心裏。所以運得身。動心在身裏。便運不動矣。何以故。如風箏在風裏。所以風吹得風箏起。如風在風箏裏。則箏大風小小。不能吹大也。心是箇非裏非外的。所以能裏能外。他若是有裏外。與裏外何異。既與裏外無異。自然裏外不能運裏外。如裏外能運裏外。金可博金。水可洗水矣。

心有知覺。氣無知覺。四大是一氣之變。一氣是四大之復。故莊子曰。氣聚則生。氣散則死。生生死死。不過氣之聚散耳。達人知其如此。所以方生方死之閒。未嘗喜生畏死也。不然。則此五尺之軀。便能拘限得這無邊無際之靈明矣。

如人以手運筆。筆始能畫。達者由畫推至於筆。由筆推至於手。由手推至於心。由心推至於無我而靈者。無我則無外。外者內之待也。我既無外。內亦窮矣。內窮則外不能獨立。內外之情既枯。則無內無外。而能內能外者。現前矣。圓覺曰。一切衆生。皆證圓覺。其此。

謂乎

心不自有。因境而有。此六塵緣影之心也。如此心不能查考。徹了。則本有靈明之心。終不現前。譬如浮雲未淨。青天不露。又世人論身時。却襟心說。論心時。却襟身說。所以身心頭腦。終是不清楚。如身心頭腦清楚了。則會生死。身為法身。會煩惱。心為菩提。心不異屈伸。已指耳。

人是有形之鬼。鬼是無形之人。謂人鬼有兩心。無是理。只是有形無形差別耳。

學人先要斷淫欲。斷淫欲之道。亦無多岐。但能識破自身。則眼前雖有西施之容。子都之貌。自然忘之矣。然識破是明。能忘是勇。如明而不勇。則多生染習。如油入麪。欲使之出。亦不易易。且道身如何識破。得他先當推我未生之前。是身果有耶。果無耶。有則何勞父母交媾而生。無則既本原無。如何無中忽有此身。如是推究。推究不已。則此身一旦洞然識破了。自身既識破了。則他身不待破而破矣。自他之身既破。且道將何物為能所淫欲之具。哉。若如此推究。未能識

破自身。當次觀父母交媾時。母心先動。耶父心先動。耶父母心一齊動。耶父母心不動。耶父母心不動。兩俱無心。無心則無我。無我誰生淫欲。父母心齊動。齊則一一則亦無能所淫心。亦不能動。父母先後淫心動。先不是。後後不是。先本不相待淫心。亦無動。此以理推也。非情計也。又父母交媾時。我無淫心。身因亦無我有淫心。父母不交媾。身緣亦無須因與緣三者合。方有身。如三者合。而果有身者。則父分多少。母分多少。我分多少。如是往復多少。推之推來。推去。推來。推來。推到情枯智訖處。則是身是有。是無。不待問人而自知矣。知則明明則不惑。不惑則西施子都皆我得無欲之前茅也。又無我而靈者。性也有我而昧者。情也。性變而為情。性無邊際。情亦無邊際。情復而全。性情無邊際。性亦無邊際。如水廣水多。水厚水深也。學問不多。頭腦不過窮靈極數而已。窮靈則無我而靈者全矣。極數則有我而昧者不能昧我矣。以數不能昧我。所以一為多。多為一。在我而不在數也。如形骸假五行而成。非數乎。如心形骸成而不生形。

骸敗而不死。可以爲數之主。數乃心之奴也。衆人則不然。主反爲奴。奴反爲主。或者謂禪家但知性而不知命。道家但知命而不知性。此說非通也。靈性也。數命也。未有能窮靈而不能極數者。未有能極數而不能窮靈者。設有窮靈而不能極數。小乘是也。極數而不能窮靈。地仙是也。如曰有物先天地。無名本寂寥。能爲萬象主。不逐四時凋。能爲萬象主者。非靈乎。萬象非數乎。又有心統性情之說。世皆知有此說。知其義者寡矣。夫情波也。心流也。性源也。外流無波。舍流則源亦難尋。然此說不明在於審情與心。心與性忽之故也。應物而無累者。謂之心應物而有累者。謂之情性。則應物不應物。常虛而靈者是也。由是觀之。情卽心也。以其應物有累。但可名情。不可名心。心卽情也。以其應物無累。但可名心。不可名情。然外性無應與不應。累與不累耳。若然者。情亦性也。心亦性也。性亦心也。性亦情也。有三名而無三實。此乃假言語而形容之。至其真處。大非言語可以形容。彷彿也。故曰參須實。參悟須實。悟涅槃經有王者庫內之刀。是刀

光潔明淨。不惟削鐵如泥。亦可以照人妍醜。削鐵如泥。非利乎。照人妍醜。非明乎。利而明。非天下至寶乎。我心決斷。是非利於庫刀。照物妍醜。明如秦鏡。如見可欲。則利者不利。明者不明矣。故大丈夫常要胸中無物。眼前無欲。胸中無物。則心可以包太虛。眼前無欲。則眼可以窮象先。雖然。知則易行則難。復探策得五數。師曰。夫五者無我之數也。無我而數。數而無我。得非窮靈而極數。極數而窮靈。哉。何者。如四方纔定。則中央定。中央定。則四方定。未始有先中央而後有四方。先四方而後有中央者。也由是觀之。不惟中央無我。四方亦無我。但衆人昏而不察。理蔽於情。謂四方自四方。中央自中央。殊不知外四方而求中央。外中央而求四方。得非索龜之毛。求兔之角耶。又身如中央。地水火風如四方。故金木水火若有我。則不必攬土而成體。土若有我。亦不能爲四行之實。所以土不自土。四行借而成體。四行不自四行。爲土所寄。如身不自身。可以復還四大。四大不自四大。可以假借成身。中央不自中央。須假借四方而爲中。

央四方不自四方須資中央而爲四方。噫。知此說者。則一理散爲萬事。萬事會歸一理。譬如鏡中見眉目。掌中視文理。復何疑乎。夫中四無我理也。無我而中。中四事也。所以然者。外事無理。外理無事。猶外水無水。外水無水也。故曰。若人識得心。大地無寸土。紫柏則不然。若人會得理。萬物一任。關我偏得清閒。逆順無煩惱。如二四六八十。此倚數也。非本數也。

地水火風。毫釐混不得。似有我。然合四者而爲身。則四者又無我。故知身若有我。亦不能復還四大。身若終不能復還四大者。則人有生無死矣。又堅濕暖動。如四方中央。如身故。外四方則中央不有。外中央則四方亦不有。外堅濕暖動。則身決不有。外身則堅濕暖動亦不有。學者於飲食男女之場。勝負不決。猛作此觀。自然理水日深。人欲日淺矣。

有我而昧者。舍得盡。則無我而靈者。方得全。復問三世一身。有是事乎。師曰。有良。以身一而世三。如人行路。路有千里而行。惟一人。謂路千里。而人亦有千。此愚癡之說也。然此身非形骸。生死聚散之身也。乃法

身也。夫法身著千古一瞬。萬劫一息。豈但三世一身而已乎。老人告汝曰。三世一身。此密示未嘗死之機也。不可忽之。痛當自重。設遇扶顛伏猛之事。直肩負。荷勿得支吾。

兩人靜坐。心皆清明。清則無擾。明則不昧。無擾而不昧。豈有待之心乎。適然喜境現。前則喜心生。不喜境現。前則不喜心生。如喜心是我固有之心。則不喜境現。前他只是喜。豈能成不喜心。那三祖曰。能由境能境。由能境。欲知兩段。元是一空。

人要在是非患難裏滾得過。是非患難裏滾不過。則好人何來。故真金須火煅。好人須境煉。

顏子墮肢體。外形骸也。黜聰明。空妄心也。妄心空。則真心露。形骸外。則法身全。

離乃心之象也。如玩象而得意。則虛而明者在我。而不在文字語言。若一切文字語言。都從虛明流出。自然文天而機妙也。唐李長者每以南無釋曇謨義。文字之師往往笑之。以爲長者不辯華梵。殊不知長者獨得華嚴事事無礙法界之旨。既曰事事無礙。即以

梵語釋華言亦可。華言釋梵語亦可以。世閒書釋出世閒書亦可以。出世閒書釋世閒書亦可以。惡言明善言亦可以。善言明惡言亦可以。言明則意得意得則至虛而明者。常爲其君一切染淨善惡華梵是非好惡皆臣妾也。皆語言三昧也。嗚呼。心本虛而明。世忽之而不究。皆我現前身與心礙而不虛。味而不明。反執吝而不肯釋。殊不知礙而味者。能釋之則虛而明者。不待索而至矣。由是觀之。玩象得意之說。苟非嗜欲淺而天機深者。象亦不易玩。意亦不易得。復勉之壇經。曹溪六祖所說也。曹溪初不知文字語言。然聞金剛經而豁然大悟。遂造黃梅得衣鉢而歸嶺南傳心宗於曹溪寶林寺。自是天下稱曹溪焉。其所說壇經。至於性相二宗經之緯之錯綜萬態。若老於文字語言三昧者也。此乃悟自心虛明之驗耳。人爲萬物靈知有此而不痛求而求他。謂萬物靈可乎。大丈夫得其機而已矣。機無多少以用之不同。故似有多少耳。然象先之機。卽象後之機。象後之機。卽象先之機。謂之一機。則象先不是。象後謂之多機。則象

後之機。外象先之機。而機無別機。以乘時應物。故有象先象後之異也。

紫柏老人集卷之九

紫柏老人集卷之十

法語

示元復

明 慈山德清 閱

復述姚少師在崇國寺自題其像曰。看破芭蕉拄杖子。等閒徹骨露風流。有時搖動龜毛拂。直得虛空笑點頭。師說芭蕉拄杖子。身之謂也。我若看破。則心無累心。無累則明明則性可見矣。凡見性之人。龜毛可以爲拂。拂可以爲天地。卷舒太虛。屈伸萬象。在我而不在造物也。此姚自贊也。紫柏則不然。芭蕉。杖子。卽龜毛。生殺縱橫。氣意豪是聖。是凡。魂膽落。薰風吹落。樹頭桃。師問復姚老子有何長處。紫柏有何短處。若長短辨不出。便是眼中無珠。漢雖然。紫柏只知天經

地義禮也。姚老子若跳得這禮字圈櫃出饒他三十棒。如跳不出三十棒一棒也不饒。紫柏左右視曰。姚老子何在。復目瞬師曰。不在者。且放過他。在者代受棒始得。

復問人之性在母腹中時。有乎抑在母既生之後。一落地時方有乎。師問你說性有邊際否。性有古今否。復曰。性無邊際。無古今。師曰。性既無邊際。古今豈可。以母之腹中立有性。不有性。論與既生之後有性。不有性。論。峻嚴曰。清淨本然。云何忽生山河大地。此滿慈問。如來之詞也。夫清淨本然。猶水也。山河大地。猶水也。水則融通。冰則窒礙。疑窒礙不是。融通謂水。即水可乎。然離水無冰。謂冰非水可乎。復問所謂忽生者。果何旨耶。師曰。忽則非有心所及。必欲窮忽所以然之說。則忽似可以有心所測也。雖然。以佛性無常。水可以成冰。以諸法外真常而不能自建。故知冰可復水也。又有我而昧者。外無我而靈者。則有我而昧者。不可得也。聖人知其如此。先會物歸己。然後開物成務。無往而不達也。夫何故。良以外已無物。外物無

已。外已無物。則開物成務之物未嘗非已也。外物無已。則物不待會而已全矣。然此理知而不能行。則多生染習。終不能消行而不能證。則固有之靈亦終不能入復證而不能忘。則稱性之用終不現前。故曰有大機必有大用。

水寒極則成冰。寒過則冰還復。水性變而為情。情盛則陰極。凡一切染習種子皆屬陰也。照性成修。則染習勢也。漸自損滅。淨種功能亦漸增。益轉依有六。惟損力益能轉是初心者。日用逆順關頭之利器也。然非慚愧助其勝解。則餘轉便不能入矣。

師問復曰。汝身之可把捉者。皮肉筋骨而已。濕煖動者皆不可把捉也。可把捉者。謂地大不可把捉者。或謂水或謂火或謂風。總名四大。有本四大。有末四大。本四大汝尋常所履之地。所飲之水。所食熱物。所能鼓萬物者是也。末四大汝身皮肉筋骨與濕煖動是也。然末不離本。始假借本而有身。有身如不假本而資之身。必敗壞。此理甚明。但衆人封於情計。不能以理折情。所以執身之習不易消耳。聖人以心用身。衆

人以身累心。以心用身者。如口吐沫。一吐不知有幾。千沫星如周顛仙。以一身而化多身也。以身累心者。計可把捉。皮肉筋骨爲我之身。而不知終非我有也。此身始本不爲我有。終亦不爲我有。則中間所有者。又豈我之有。耶。聖人當有此身之時。卽不有其有。故至於將死之時。地還地。水還水。火還火。風還風。卽以其所借者交還之。何怖懼之有。死惟其不怖懼。則一點靈明凝定如泰山。何得昏亂。以故死累於其所借者。而不累於其所未亂者。況有此一點靈明在自然。死者不死。而復借本地大。與本水火風六爲身。死而復生生。而復死。更歷千萬世而機不息也。此說雖是。然未知六塵緣影爲心。所以然之故。本末四大縱件。數借還似亦了了。觀其會物歸已。則終成兩橛。如能究徹緣影之心。則靈明始凝。又靈明凝定。亦有淺深。如斷見思惑。得羅漢果。斷塵沙惑。得菩薩果。斷根本無明盡者。始得佛果。故曰。心數理妙。孔老未知也。

墨香庵常言

乳參水則滿。膠參水則薄。去古遠而人心澆。故以不

惟者爲惟。謂惟者常也。有法古之風者。見之則以矜。矜目之宜然也。

或曰。民性多暴。聖人道之以其仁。民性多逆。聖人道之以其義。民性多縱。聖人道之以其禮。民性多愚。聖人道之以其智。民性多妄。聖人道之以其信。殊不知民性非暴。可以道之於仁。民性非逆。可以道之於義。民性非縱。可以道之於禮。民性非愚。可以道之於智。民性非妄。可以道之於信。若然者。暴而道之以仁。逆而道之以義。縱而道之以禮。愚而道之以智。妄而道之以信。皆治之也。非道之也。治之如鉢治水道之如禹道水。故逆其性者。功弗置。順其性者。績乃成。若性本暴而道之以仁。吾知聖人復生其道難行矣。大都習可以治性。可以道。故暴者習也。非性也。披林逐虎。兕入水。嬰蛟龍。世以之爲勇。非勇也。能以至公之理。折隱私之情。勝而弗敗者。是爲勇也。或曰。今道有赤子將爲牛馬所踐。見之者無問賢不肖。必惕惕然。皆欲驅牛馬以活之也。至夫國有弱君。室有色婦。而謀其國。欲其室者。惟恨其君與夫不懼。

赤子之禍也。噫是復何心哉。即欲活之之心耳。微涉可欲。瞥然失照。一至此乎。故曰不見可欲。使心不亂。夫技與道同出而異名耳。故善於道者。技亦道也。不善於道者。道亦技也。若然者。道與技果一手哉。果異乎哉。

夫煩惱之與菩提。濁波之與清水。空之與色。屈之與信。果一物乎。兩物乎。忽而弗觀。則三惑浩然。反而推之。則三德宛爾。此非勞形役骨。而可入貴乎。於妄心忽生時。窮其所自。或牽於聲耶。或牽於色耶。逆耶。順耶。生耶。死耶。隨心生處。卽而體之。極而窮之。生於自乎。生於他乎。兩者合而生乎。綿然無閒。堅然痛究。至於智力無所加。功情根無地。可植。越著精彩。如鑽狗之嚙枯骨。細嚼則無味。舍之則無聊。嚙之嚙之又嚙之。忽而精力之與枯骨。能所命斷。始不疑空。不異色。屈不異信。煩惱不異菩提。衆生不異諸佛矣。噫。能排命者。可以殺人。能割情者。可以入道。雖聖人復生。不易吾言矣。

夫心術無常。顧其所馮如何耳。故馮於十惡。則泥犁

見焉。馮於慳貪。則餓鬼見焉。馮於愚癡。則畜生見焉。馮於五戒。則見之人焉。馮於十善。則見之天焉。於四諦。則聲聞道成焉。於十二因緣。則緣覺果就焉。於六度。則菩薩慈弘焉。於最上乘。則佛果圓滿。至於馮於六經。則謂之儒焉。於百家。則謂之百氏焉。若韓非。馮於刑名。孫武。馮於兵較。之畜生之與餓鬼。餓鬼之與地獄。三者推其所馮。雖皆不善。此果報非因心也。噫。人爲萬物之靈。如所馮果善。則克聖矣。難哉。而韓非。孫武。旣爲人矣。不幸而所馮不善。導天下以殺戮。則其泥犁以爲園觀。長劫遊戲。吾知其不免乎。或曰。刑名以救德教之不備。兵乃戮寡而救多。皆仁術也。子何俱非之。對曰。考之出世之典。徵之治世之經。未有不聞大道而善用者也。如善用之。自非聖人莫能焉。夫廓然無朕。奚吉奚凶。陰陽旣不可以籠罩。福禍豈可以雌雄之哉。噫。介爾有知。萬物生焉。是以觀爻象。可以推休咎。聽音聲。可以定吉凶也。若然者。一心不生。則三藏六經。惡能筌蹄之手。

夫深山重淵。蛟龍虎兕之所恃也。多財高位。富姓貴

羅之所恃也。然蛟龍虎兇。富姓貴羅。皆不能免其患。者以恃賈之耳。雖然。外天下者。則不可悅。以富貴外富貴者。則不可辱。以貧賤也。意恃潔而高。世賈患而傷生者。名乎非名乎。若然者。則蛟龍虎兇。不爲暴富。姓貴羅。不爲貪。而至暴至貪者。非外天下忘富貴者乎。

夫榮之賈。辱利之賈。盜人皆易知也。而名之招忌德之招誘道之招毀知而未真乎。果真知乎。非真蹈其閫者。豈易知哉。

天下皆慕富貴。而厭貧賤。皆惡饑寒。而好飽煖。殊不知非貧賤饑寒爲之地。則富貴飽煖何自而來哉。

大旱極則水至。滂極則旱來。是以聖人履霜而知冰。輪來而知往也。若然者。未至其極。猶可備之。既至其極。極則不返。備之何益。

凡爲之於未有一爲。而萬成。萬成而一不損。損則萬亦何益。以其不損。謂之益矣。

夫招生死者身也。招好惡者心也。生死之與好惡。聖人痛患之。以其患之患無所患也。衆人不患之。故患

患之耳。今有人於此。雖未能即去其招。知招爲患之媒。以其知之。媒曰疎矣。於是知疎。疎者。雖未齊聖。聖由是始也。

夫惺之與夢。晝之與夢。天乎。人手在天。則謂之晝。夜在人。則謂之夢。故知此者。天亦可也。人亦可也。若然者。天之與人在我。而不在造物明矣。

吾嘗思天之上。更有何物。思地之下。載我者誰乎。思之思之。又思之。思不及處。則不可以口門吐矣。又豈可以言語形狀之哉。雖然。真悲者。無聲。真親者。無情。故聲容情生。則天地大而我細矣。

夫榮者。夢辱。富者。夢盜。饑者。夢食。渴者。夢飲。勇者。夢怯。怯者。夢勇。南人。夢舟。北人。夢馬。天機深者。夢山水。雲物以其所嗜不同。故夢之各別耳。是以至人達此。知天地可以反復。山海可以移易。死生可以遊戲。故曰。悟唯識者。可以紹佛祖之位。

或問余曰。布袋和尚何笑之多。余曰。怕人恠耳。問者聞余言。以爲給而不信。是不知圖大事者。慮必遠。行遠道者。輜必重。布袋和尚與雙林傳大士。皆彌勒化

身也。此老爲當來之佛。任釋迦之東宮事。非細矣。若不深思遠謀。則臨時悔無及也。問者曰。吾聞子之言。若深告我者也。苦僕根鈍。識昏卒。未能領略。乞詳而示之。予復謂之曰。子知之乎。佛大士制藏輪布袋和尚。以笑面對人。蓋慮婆婆化。周龍華將始。若不預培衆生般若之因。結天下歡喜之緣。則臨成佛時。機感愚癡衆生多瞋。愚癡則聞法無益。多瞋則行慈不普。兩者聖人之重責。重責不慮。成佛何爲乎。且衆生以十分言之。識字者寡。而不識字者多。順之則喜。逆之則瞋。故寄廣長舌於輪藏。結歡喜緣於笑面也。若然者。六根皆眼。逆順皆春。故以眼見輪藏者耳。聞輪藏者手。摸輪藏者身。觸輪藏者意。緣輪藏者若口。贊若口。毀皆於輪藏。培般若因此。既培之。彼則成之。故布袋之笑。乃英雄之賣愁也。傳大士之制輪藏。乃豪傑之網羅也。余故曰。圖大事者。謀必遠。涉遠道者。輜必重。問者感泣而謝焉。

和尚之笑。非笑也。屈原之愁。非愁也。予以是知彌勒以笑說法。三閭大夫以愁得道也。至於仲由結纓而死。死非真死。飛廉之與惡來。非真死可乎。窓前有松。天上有月。風搖窓影。不知者夜見之。疑以爲鬼。怖而失聲求救。旁人人曉之曰。非鬼也。月上窓明。風搖松影耳。何故妄怖。怖者雖聞其言。終疑著鬼。至於黎明日上。躬自驗之。不覺失笑。始悟非鬼也。嗚呼。窓閒之影。夜見之。卽疑爲鬼。晝見之。則不以爲鬼。影非有二見者。一人何自起自倒。若是乎。夫十方依正三世。猶窓閒之影耳。凡夫見之以爲有。二乘見之以爲空。菩薩見之以爲心。故曰。若人識得。心大地無寸土。

吾少時。但知人有過。不知已有過。既長。雖知人有過。亦知已有過矣。久之。但知已有過。不知人有過矣。水不自清。人清之也。人不清。水自清也。譬夫心不自明。人明之也。人不明。心自明也。噫。雖不自明。謂之無明可乎。

心有四德。常樂我淨是也。常則無生。滅樂則無好惡。

我則無主宰。淨則染不得。故得常者。天地毀而不老。得樂者。衆苦交而超然得。我者。造萬有而無心得。淨者。處五濁而清冷。雖然。四者。卽心之有乎。雖心之有乎。離卽之有乎。三者。辨則四德可言也。

一日。忽覺身心超然。從夕至旦。此樂不失。偶觸逆境。便不超然也。病在覺。故如樂不覺。則苦亦不覺矣。噫。覺之爲害也。若是。況不覺乎。

夫饑而得食。渴而得飲。貧而得富。富而得官。此四者。其始得之也。喜不可以言語形容焉。況愚而得智。智而得忘。忘而得心。其樂豈可以言語形容之哉。

夫人而無仰食者。非奴則婢也。故家有十人仰食者。其相必不寒。家有百人仰食者。其相必殊。衆至千人仰食。萬人仰食者。猶星中之月也。其光明碩大可知矣。於戲。凡人仰之而食者。財有餘故耳。殊不知富有法。財能博濟萬古之蒼生者。則其光明之普。又非星中之月可並矣。由此觀之。世財可以資生。不能資無生。生則有死。死則有盡。無生則無死。無死則無盡。若然者。資生之德。有盡。資無生之恩。寧有盡哉。故仰食

於人者。以自不能資生故也。自既不能資生。豈能資人之生乎。如牛馬不能自生。必資於人。然後可生也。故無人仰食者。謂之奴婢。乃貴之也。非賤之也。故古人屬義學之徒。謂之奴兒。婢子。良有以焉。

或曰。人有聖賢之異。道無聖賢之異。我則曰。人無聖賢之異。道有聖賢之異。故曰。一切聖賢。皆以無爲法而有差別也。

或曰。道者。說也。路也。殊不知有說則有聲。有路則可行。有聲非道。可行非到。非道非到。道非道也。

或者愛畫花而不愛生花。有笑之者。曰。愛假而不愛真。愚矣乎。其人曰。生花造化所化。畫花吾心所畫。造物乃吾心中之影子。以影生者爲真。吾以心生者不爲假。吾非乎。子非乎。必有知者。然後可辨也。

或者犯淫病而不能治。至於病篤。欲死。良醫拱手焉。吾因問病者曰。淫從何生。答曰。淫從心生。吾再問曰。心從何生。生曰。不知。吾曰。心尙不知。將何生。淫淫尙不生。將何生。病病者。悶然而不應。自夕至旦。疑而不解。疑重則淫輕。淫輕則病減。忽然悟心無生。所謂淫與

病者龜之毛兔之角也惡可實哉

或者參究趙州庭前栢樹子話頭有年矣亦嘗自謂有所悟一日叩之于參庭前栢樹子話既無義路則汝謂之無義路又何從而得也耶

吾嘗於喜怒哀樂四者之閒尋其頭目果是何物而能喜能怒能哀能樂乎又正喜時則怒安在正怒時則喜安在正哀時則樂安在正樂時則哀安在朝尋之暮尋之日尋之月尋之年尋之積年尋之一旦得其頭面始知喜時非人怒時非人哀時非人樂時非人皆我也我喜我怒我哀我樂我自尋之俱非人也雖然乃已發之伎倆耳如未發之時則四者頭面又安在哉知此則可與言喜怒哀樂也又知喜怒哀樂者始可與言未發也噫未發果可言乎果不可言乎然而善言之者以不言言之言之不言奚不可哉聲之與色果障道乎果不障道乎說者以爲聰明鑒而真知喪矣殊不知風鳴萬松月照千峰聲乎色乎障道乎不障道乎此既不障則梵唄清唱豈獨障道哉若然者聲色惡能障道人自障耳人障道而反誣

聲色何異張翥吃酒至翥醉也

龍之喜淵虎之喜林雖水陸不同然皆喜其可庇形也殊不知龍無欲虎無毒雖陸蟠畫出其誰害之人所以室之者以龍領有夜光之珠虎能食人故也或者以爲天之高自高也地之厚自厚也日之明自明也月之圓自圓也燈之光自光也殊不知離吾心則天失其高明而地失其博厚矣若然者日之明月之圓燈之光皆吾心之彩也噫人能知此可與言天地之道乎

平受爲苦樂之因苦樂爲平受之果三受互藉無有暫停如汲井輪循環無始忽憎忽愛忽愛忽憎忽愛忽憎現平受容忽擾逆順受容隨失失成愛憎是以無受之明如雲籠月光不能顯受盡雲空本自自然此受不可以無功而遣不可以有功而驅無功受豈自空有功則反資受地反復推循環無所出若然者則受終不可空耶受不可空則衆生絕成佛之梯諸佛塞度生之路聖凡兩病學佛何益天道憫疎略人道責周密疎略者於人則不競於時

則失利周密者於人則善競於時則多利競而多利者雖取勝於目前未必有益於身後也不競而失利者雖負敗於目前未必無益於身後也且人不勝天豈豈有常哉

毛道凡夫初無見諦於諸逆順憎愛無常或我之所憎人之所愛或我之所愛人之所憎皆妄也然而離妄求真離波求水未之有焉故曰迷悟真妄如瞽屈伸本無背面若悟者妄即真也迷者真即妄也所以能屈能伸者瞽也能真能妄者心也故知瞽者不可以屈伸惑之了心者不可以迷悟拘之以於諸欲境觀若險崖則染因爲得之資矣若諸勝境不生欣仰則淨因爲染之緣矣故曰境無淨得惟精進者則觸途成觀也

地非水無以浮水非地無以載靜推兩者之功卒不能折衷能折衷者可以爲師矣

天下皆知富貴之與貧賤有而不無者也昨天堂之與地獄或者決以爲無殊不知富貴貧賤既有而不無奚獨天堂地獄無而不有也哉

吾賦性剛褻人少有逆之則勃然不悅然而事過即忘之矣噫吾雖忘之受吾觸者安能忘之哉若然者我忘而人不忘未忘也須人我俱忘始忘也

夫見後而不見忘者未可與語者也見下而不見上者未可與語主也故牛馬知牧而不知主黑鳥知春而不知冬殊不知非冬奚春非主奚牧皆不思耳故愚之思之鬼神將遁之況主與冬哉噫人而不思則去牛馬不遠矣

夫萬物者心也以未悟本心故物能障我如悟本心我能轉物夫是公聖人促萬劫爲一瞬延一刻爲千古散一物爲萬物如片月在天影臨萬水也若萬物爲一物如影散百川一月所攝也此非神力爲之吾性分如是耳

不吃醋者不知甜不吃醋者不知酸甜酸尚爾況大道乎

夫一心不生萬法無咎人物交轉本來廓如也若然者靈芳非色滂而非聲明矣故曰哀樂相生正明目而視之不可得而見也傾耳而聽之不可得而聞也

忍字爲義。以刀刺心。則使識字曉義者。知觸事之際。念不可輕起也。如念起不當乎理。卽拔慧刀以刺之。乃惡念消而善心長矣。善道而化之。則幾乎道矣。忍也如是。可不儆哉。

吾聞王子曰。仲由聞過則喜。令名無窮。奚哉。曰。惟心虛者能受善。故天地雖大。虛能包之。虛則久。長。令名之無窮宜矣。

善惡無常。愛憎無住。故衆人可以希賢。賢人可以希聖。喜可以爲怒。怒可以爲喜。如四者有常。則聖人設教。益天下之愚矣。

羅籠五臟者。形骸也。主宰一身者。自心也。形骸可見。而五臟可知。唯自心非但人莫能知。卽自知自心。猶已眼觀已眼也。故介然有知物卽生心。今有人於此。召羣愚而爲叛。其討叛者不以誠。而以詐。豈唯叛不可討。使天下失信自此始矣。

我未嘗見有大無明人。知有之千尺層冰。一朝燭動。卽汪洋莫測也。

若人以爲骨賤氣昏。於大道不敢企焉。殊不知鱗虫

可以爲龍。羽虫可以爲鳳。善惡無常。清濁無主。勤勤於善而不怠。則近性。近則順。順則化。化則虛。虛則靈。然虛而靈者。卽心而求耶。外心而求耶。卽心而求則把柄在我。不屬造物明矣。若然者。骨之賤。氣之清濁。豈有常哉。顧其所習如何耳。故曰。性相近也。習相遠也。必以骨賤氣昏而不能聖。此自棄之徒也。既自棄矣。雖終年日月與聖人爲侶。亦不能熏之矣。況下焉者乎。

人爲萬物之靈。雖五尺童子。亦能習而言之。及徵其所謂靈者何物。雖大儒老衲。未始不罔錯者也。故曰。事事尋常。總不差。相逢舉著。便清訛。且道病根在恁麼處。參三十年來爲汝說破。

天生日月。不爲穿窬。而張明地。闕江湖。不爲車馬。而設險。然行者之惡。險盜者之惡。明不啻吳越之讐也。惟天廢日月。地塞江湖。則兩者無憾矣。噫。天廢日月。則羣生失明。地塞江湖。則萬物焦心。故天不爲盜者之惡。明而廢日月。地不爲行者之惡。險而塞江湖。仲尼不爲拒魅之疾。賢而避是非也。

或曰子之道不能行。因毀者之多耳。曰吾道之不能行。非毀者之過也。過在吾修道之弗誠耳。誠則感物必弘矣。雖然。昔人有聞乞肉。齏而悟道。觀桃花而識心。豈既死之豬。無知之木。賢於吾者耶。介然有知。召毀之始。廓然無我。縱毀誰知。無知而知。不昧是非。此可毀乎。不可毀乎。

或曰牛頭融公未見四祖時。則百鳥銜花。天人獻供。既見之後。花鳥不來。天人絕響。何哉。曰鬼神敬德而不知道。知道則孰非聖人。何花鳥。天人之別哉。

夫天理之與人欲。微塵之與大地。果一乎哉。果二乎哉。一之則衆人皆聖人。也不一。則是聖人設教爲無益也。故知冰卽水者。冰非有也。知水卽冰者。水非有也。水非有。則理不礙事。冰非有。則事不礙理。事不礙理。則行彌十界而常寂。理不礙事。則知周萬物而不勞。不勞則教無不施。常寂則道無不一。道無不一。如花在春。教無不施。如春在花果。一乎哉。果二乎哉。或曰惠迪吉。從逆凶。有是乎哉。噫。無是則日月可以使之墜。江海可以使之枯矣。今日月在天。江海固然。

有是乎哉。無是乎哉。

昔有指鹿爲馬。證龜成鼈者。天下不平之。今則指鹿爲麟。證龜爲龍。天下皆然之。哀哉。

夫風之驅雲。水之轉石。何無心而有力。焉情之昏。性習之惑。知亦若莫之爲。而爲之。其有心也。耶。無心也。耶。何力捍而莫能制乎。

陽燧取火。方諸取水。故向月則水注。向日則火然。夫水之與火。果生於日月乎。果生於諸燧乎。果生於盤艾乎。若生於日月。則非諸燧。水何不注。火何不然。若生於諸燧。未向日月時。亦何不注。不然。耶。知此則可與語神化矣。

有形而最大者。莫過乎天地。無形而最大者。莫過乎太虛。包諸有無而最大者。莫過乎自心。自心如鏡之光。兩者光中之影也。故見光者。則影無留礙。執影者。則本光常失。本光常失。則光用不顯。光用不顯。則影執不消。安有卽影見光者。與之言自心之光乎。夫形者。心之影。影者。形之影。今有人於此。圖影欲眞。殊不知眞影也。生形者。豈可以筆墨圖之哉。

或曰何物非心哉。但因分別而心成物耳。直不分別。物物皆心也。故馬顧影而不驚。狐見侶而不疑。初無二見故也。

火可見此相火。非性火。若性火則周徧而不可見。故凡薪傳則見不傳。則不見者。相火非性火也。乃若云水性濕。火性熱。此則又以性喻義耳。

以世眼觀人。不足盡人。何以故。地獄衆生。見丈六金身如黑象腿。佛尙如此。況其他乎。

有我則我在。天地中無我。則天地在我中。

如現前各人之身。畢竟因何而有。究其所歸。父母情未動。赤白決不流。身何所有。父母旣情動。四大隨感。生精華。非形質。似形而非形。非形任運長。所以有此身。由是而觀。以父母情動爲因。赤白二交而爲緣。窮身之因與緣。不過如此。乃心之因。則在我而不在父母。父母雖交會。我若無憎愛想。豈無故投以是而推之。因境生心。則境爲生心之因。感受氣分。亦緣也。心力無狀。取功名而試之。此試之有也。次忘身心而試之。此試之無也。有無俱試而弗辭。始能妙萬物而

神矣。故曰能豪傑而未聖賢者。執有心堅事。所以遂也。惟豪傑而能聖賢者。有無之主也。噫。有之主尙難立。況無之主乎。昔人有言曰。有無二法。攝盡一切法。非獨立於有無之初。而用有無者。惡能吐此與。

淨瓶數枝花。無生殘紅墮。水面點胭脂。亦是春深路。惟心之外。別無一法。離心有法。無有是處。若知此者。長於金屋。死於泥塗。簾篠爲棺。何異驢山。驢山秦梓。鑿石千仞。骨隣下天。可謂深藏。藏深穴深。盜得致富。由是觀之。泥塗秦梓。孰我孰若。是以達人未死忘生。未生忘死。空中種樹。春豈有邊。花開結果。實占大地。無生若可知。爲有知。知無生。無知。知無生。有知。則生已有生。安知無生哉。無知。知無生。旣曰無知。誰知無生。若知無生。還同有知。

生無所立。謂之行尸。死有所負。謂之債鬼。地大四塵。成水大三。塵火大二。塵風大一。塵故塵多者。質重質重者。力微。唯心無一塵。故力不可思議。塵謂色香味觸也。

一身之親。莫親於皮。是故以針刺皮。悽然覺痛。難禁

焉。然皮之親不若肉之親。肉之親不若骨之親。骨之親不若髓之親。髓之親不若心之親。故曰心生則種種法生。今天下不唯不以親者爲親。反以不親者爲親。是以親親者終不親矣。嗚呼。心作天堂。心作地獄。心作聖人。心作衆人。至於大之天地廣之萬物。皆心之造作。而世之號稱聰明有識者。若問其身與心之所從來。皆莫知何說也。此而不悲。更復何悲。

夫喜怒無常。其猶板築而人情膠執。妄結悲歡。是以讐如吳越。愛如妻子。一言相合。卽割封成。好一事相乖。卽背恩忘義。悠悠古今。率惑於茲。惟有道者。知喜可使怒。怒可使喜。二俱無常。視同鏡像。故好惡交前。而心常閒也。

一念不生。孤明圓照。六塵葢蔕。本妙失眞。是以情波浩瀚。業火焦然。三界朽居。并遭焚溺。唯徹見自心者。知念不單生。必籍塵起。塵難獨立。必憑念彰。反復推尋。當處寂滅。故神珠在掌。光非外來。悟物除眞。而不作用想也。

四十八願彌陀如來。因中爲法藏比丘時。對世自在。

王佛所發之願也。若以衆生有思惟心測度之。卽一願尙難擔荷。況四十八願哉。殊不知於理推之。虛空之無際。天地之高厚。萬物之廣多。聖乎凡乎。有知乎無知乎。皆不越我自心者也。故曰。空生大覺中。如海一漚發。有漏微塵國。皆依空所生。漚滅空本無。況復諸三有。以此觀之。則法藏所發之願。如來印證之辭。證之於理。卽之於事。皎如日星。夫復何疑。又衆生習俗庸鄙。識不高明。橫計六尺之軀。爲身。方寸之心。爲心。無論貴賤賢愚。榮辱順逆。窮神殫慮。嚴飾萬態。自生至死。無須臾之休歇者。特未能窺破此身此心耳。是以大覺聖人。愍而哀之。發廣大之願。昭廓心境。使一切衆生。豁清慧目。獲無身之身。無心之心。無身則大患永息。無心則勞動頓空。故曰。大患莫若於有身。勞動莫先於有智也。然則無身之身形。充八極。無心之心。照窮萬有人爲萬物之靈。於此大身廣心。冥然不悟。局於臭軀殼上。墮於妄想夢中。毫不自覺。反乃驚怪於法藏比丘者。果靈乎哉。

達觀未見樹而夢藤。莊周自知人而化蝶。然藤無知。

而蝶有知無知則無情有知則有識無情必無識有識必有因無感而入夢有識而相緣一以此夢一以彼夢夢雖無別夢源匪同惟知源者可詳夢也

夫道之在人如空在谷谷也者千呼則千應萬呼則萬響以其空在故也人為萬物靈以惡言觸之即勃然而怒以美言獎之則春然而喜千觸則千怒萬獎則萬喜今觸則今怒古獎則古喜由是而觀則千呼千應萬呼萬響者豈谷能然哉空能應也知此則怒怒喜喜今今古古非有妙喜怒今古而喜怒今古不能累者存則觸之將至應有窮焉

墨光亭常言

宴坐靜堂胸次寂寥若可以喻太虛忽聞聲響即警然心生便覺方寸稍窒而太虛之度不復有矣是以靜中所得難以應世應世則失故曰不可以靜中求亦不可以動中求超然動靜之外而不廢其用可也又曰動用於一虛之中寂寥於萬化之域雖然會得做不到者未易及此

好生惡死人物皆然以知覺齊故也夫知覺齊終當

得聖故曰有心者皆可成聖戒殺非飾罪也特不敢食聖人肉耳使虎狼知此寧再害物人為最靈嗜殺不止是人不如虎狼也

明可以破暗乎暗可以蔽明乎明能破暗明即自破暗能蔽明暗即自蔽何哉明非暗則功不留暗非明則勢不立故曰明中有暗不與暗相遇暗中有明不與明相暗

念果有生乎念果無生乎有生則生不生無生則無生不生若然者則介然一念乃無生之梯乎

大凡逆境生則不過毀謗罵詈死則不過相殺相戮能觀身非有觀心如幻則罵詈殺戮何損何加故曰若真修道人不見世間過

一心不生萬法無咎此三祖之言也脫白驅烏率能道之然一心不生雖龐眉老宿或不易到況其下者乎

紫柏先生未能醒夢一如故開眼即醒合眼即夢醒夢交馳初無暫息有時即夢推醒中之境有時即醒推夢中之境醒夢雖殊然境不超乎逆順推來推去

日久。我深。忽然醒。夢皆空。而能醒。能夢者。一。然笑而嘲。紫柏先生曰。汝開眼時。推尋我。合眼時。推尋我。推尋得我。如老鼠入牛角。相以我。今跳出。醒夢。醒。醒。汝再能奈我。平。紫柏先生。震怒。喝曰。直饒汝。深。眼。在。醒。夢之表。亦是夢中。誇夢也。於是渠。不答。而遁去。且道。渠遁向何處去。古德有曰。蝦跳不出斗。

夫已過之事。猶醒中之夢也。果且有手。哉。果且無手。哉。有則雖造物之妙。真能使之。即呈焉。無則猶計之。若不能忘耳。故至愚之人。不忘昨。毀也。惟有道者。能忘之。

大黃之與人參藥中之春秋。雖販夫。鬻婦。無不曉然也。如病犯在食。大黃雖暴。必甘服之者。以其暴能泄。積也。今有人於此。以暴言危。計種種加陷於我。我能春然受之。福習之。積日消。而不自知。若然者。則大黃未必非人參之地也。

以思爲眼。見身始終。

聞爲思之始。思爲聞之終。思爲修之始。修爲思之終。修爲證之始。證爲修之終。證爲度之始。度爲證之終。

如環輪相轉。頤王無識。如大白牛。牽最上乘車。運豈有終哉。

尙色者。不知有。利。尙利者。不知有。名。尙名者。不知有。身。尙身者。不知有。心。尙心者。不知有。性。尙性者。不知有。性。性之性。由是言之。蛇而龍。而聖。尙而已矣。是以尙尙者。可以情通。可以理執。惟無所尙者。謂之滿覺。既滿既覺。尙何加哉。故曰。如來藏中。不許有識。有識。則藏破。破則漏。或漏於小。或漏於外。乃至漏於地獄。等皆從識始。

合眼即夢。夢而求醒。以謂已醒。一切人境。顯不現前。殊不知。謂醒之醒。猶在夢中。忽然大醒。方知夢中之醒。初非真醒。若然者。夢由心。有無心。無夢。醒由夢。有無夢。無醒。予是以知。介爾有知。無心而不境。廓然無思。無境而非心。夢兮醒兮。心兮境兮。如水洗水。如金博金。厭夢而求醒。痛醒而求空。此所謂把臂投衙。誰爲訟主。

智進全名。餘度皆字。先以定動。後以智拔。長以煩惱。山堅非定力。不足以搖撼之。無明根深。非智光不足。

以照其無本。徹其無體。

周處志在斬蛟。則不見水。可溺。李廣志在射虎。則不見石。可堅。商丘開信利而不疑害。則出入於火。而不見火。可燒。與夫從高而墜。亦不見高。可危。予是以知水本不溺。石本不堅。火本不燒。高本不危。而或者畏溺而不敢入。畏堅而不敢射。畏熱而不敢近。畏危而不敢墜者。皆自溺自堅自燒自危也。噫。知此則能出入於死生吉凶之域而無害矣。

凡菩薩欲成佛者。必以四弘誓爲樞論。舍是而修則小道矣。或者疑之曰。煩惱斷不斷在我。而已至於衆生無邊。法門無量。力有強弱。證有愚智。曷能槩盡之。歟。殊不知人但無恒心耳。心果能恒。則劫石可磨。滄海可竭。況其他哉。且煩惱未斷。則慧風不大。多聞弗逮。則法雷不遠。故易之恒。雷風恒。蓋非雷無以驚昏。豈非風無以鼓萬物。夫昏豈既醒。復能鼓之。非恒而何。不恒者。巫醫尙不可作。能與有爲乎。

莊周以爲魚之大莫過乎鯢。鯢鳥之大莫過乎鷦。人之巨莫過乎龍伯國氏。此三者。天下有恒之至大者。

也。殊不知應持菩薩。以不見佛頂致疑。由十方上窮三十二恒河沙。而佛頂不見如故。若然者。則周所謂鯢鷦龍伯氏。不異焦螟蠅蟻矣。而或者又以吾言弘濶勝大而弗信。今請實之。夫小大生手。有待有待生於有心。如一心不生。物我兩化。竟無待尙。不可得。況有待哉。

人因口腹以錢爲網。窮舌根之味。結報復之怨。故楚子將死。猶貪鰾。鰾竟不遑食。而被弑。噫。子父尙然。況受教者乎。

人心無常。猶若水耳。方圓隨器。初無定體。遇可欲境。心則或貪。遇不可欲境。心則或瞋。遇可欲不可欲境。猶豫不決。心則成癡。故方癡時。則貪瞋無地方。瞋時。則癡貪無源。若境不觸。心心不染。境則所謂貪瞋癡三者會而爲常光矣。雖然。會不徒耳。苟未了。心境皆心如眼。不見眼。手不捉手。會豈易易哉。

匹夫匹婦不達死生幽明之故。凡有所感憤。以爲一死永不復生。往往甘非命死者。豈少哉。殊不知死果不復生。則聖賢勞動以爲善。反不若匹夫匹婦之智。

矣。聖賢以知生必有死，不爲生累，死必有生，不爲死愚。所以爲善而無倦焉。如果死而不復生，則桀紂所爲之惡，孰代其償責歟？夫以是知美舜爲善，必不謬。桀紂爲惡，必大愚。由是而觀，匹夫匹婦有所不堪，甘心而死者，乃桀紂之餘氣也。

有問皮髓子曰：色卽空乎？皮髓子曰：子喚何物爲色？大之天，他耶？小之萬物耶？若以天地爲色，則天地外偏計依他，而不有。若以萬物爲色，外天地則萬物復何可得耶？夫偏計者，謂於無色處橫計有色。色計空消，則橫計色影殊不知。外色無空計，色之計既消，復計色影與計色之計，何異哉？大都衆生不明自心，心外見法，或起色見，或起空見，空色無常，隨計所見，譬如水、水本非兩物，忽然爲水，忽然爲水，衆人於無常忽然之中，計水爲質礙，計水爲融通，計質礙者固迷其本矣。計融通者亦迷其末矣。蓋融通無性待質礙而有號，質礙亦無性待融通而立名。夫名者，質也，非寔也。今天下宗質而失寔，以離色求空爲拙，卽色明空爲巧，拙拙巧巧，情計橫生，窩巢萬種，見聞棲泊如

綿著，棘如膠投，漆自無始以來，至於卽今，不以超情求入，惟任情問道，道變爲情，故曰空色如子情爲其母。又曰情爲化母，又曰情爲有無母子，以情問吾以情答，蓋因情酬情，情在子而不在我矣。子若忘情，始知我不以情答子也。子未忘情，我雖超情，應子子亦謂情子。若知此，則卽色卽空之旨，亦在子而不在我矣。

皮髓子曰：至顯而不可見者，情也。故深情厚貌之人，父子不相測，至隱而不難見者，性也。故見性之人，聖人衆人無相疑也。今天下恣情而忽性，父子生而疑於父子，生於父而疑父，蓋恣情則習相遠也。如伏羲氏生千古之上，而文王、仲尼生千古之下，仲尼不疑周公文王不疑伏羲，蓋不忽性則性相近也。故曰凡百衆人以交神之道見之，則於開物成務之際，不生心而仁智不裁制而義當，不威儀而禮明，不變通而智不惑，不盟約而信不爽，此無他，蓋率性而然也。應物而物不能搖，謂之寂，不搖者本無生，謂之滅，無生而應物應物而不搖，謂之寂滅。

夫但能用一身者。妄知也。徧能用萬有者。真知也。妄知外真。知則如波離水也。真知外妄。知如水不即波也。然知有真妄。又何哉。蓋知本無真妄。以衆人自真自妄耳。如天機深者。知妄知不離真。知而有則妄自窮矣。妄既窮。則真之待安。能獨立耶。噫。真妄情枯。本知昭然於日用之間。辟如春著花容。不取則艷然在目。設生心取之。而花神逝矣。故曰不離當處常湛然。寬卽知君不可見。以此觀之。則本知充然常在。以衆人心粗而不精。故日用昧之耳。棲巖曰。心精遣。聞聞遺。則所謂聲塵者。皆會本妙矣。故曰一切浮塵及器世閒諸變化相。如湯消冰。應念化成。無上知覺。夫佛語本平常。辟如地堅水濕火暖風動。義本如是。豈待剝去本妙之心。思方始洞然哉。雖然。如庸常魔入其心。肺至於世智辨聰者。雖於佛語平常。亦不易入也。蓮密辯鎖蓬蓬鎖子子鎖密三鎖。而斯藏苟無斯藏。則生生無盡者。幾乎息矣。故能知此。則無盡者皆在握矣。既皆在握。則聖聖凡凡愚愚智智。或生或殺。柄不在人人。人能見。豈惟人不見。自亦難見。如密知密。

密則不密矣。故曰鬼神可以知者。念後之事也。常則安異。則駭駭則疑。疑則無主。無主則爲變化所眩矣。剛柔所搖矣。故常也者。破疑之利器也。

鳥之所以能飛。魚之所以能躍。人皆見之。而眼之所以能見。耳之所以能聞。人皆莫能自覺。是以終身而見終身。而聞終不能知。聞見者。是何物焉。悲夫。

蓬蓬而鳴者。孰不知其風焉。霹靂而流者。孰不知其水焉。而忽卷屋拔茅。漂州蕩縣。則不知其所以致之端也。能知其端。雖復旋嵐偃岳。稽天浸地。未始驚也。夫羞惡之心。無恥之習。猶吳越耳。吳強則併。越強則併。吳此自然之勢也。如學者見理未定。操志非堅。凡卒然臨事之際。不覺不知習乘理隙。一鼓而下。理君敗績矣。

老氏曰。上士聞道。勤而行之。中士聞道。若存若亡。下士聞道。大笑之。不笑不足以爲道。予則曰。上士聞道。大笑之不笑。不足以爲道。中士聞道。勤而行之。下士聞道。若存若亡。或者以老爲是以予爲非。非唯不得予心。且不知老矣。

亮公過江止何園寺。頌延之。張緒眷德留連。每嘆曰。安汰吐珠玉於前。斌亮振金聲於後。清言妙緒。將絕。復興。嗚呼。良馬。微伯。樂則終困於鹽車。至人微識者。則沒世而不聞。浩然滄海。豈唯一珠。殞然泰山。寧無異木。我大覺聖人。統九有而爲君。宅大千以爲國。智山崇峻。教海汪洋。之中則異木神珠。斷不可以車載。斗量能知其數也。但智者見之謂之智。仁者見之謂之仁耳。

自心清曠。止水澄空。不可以喻其至。也得其至。則餘欲自忘矣。及一微涉動。則吉凶不召而集。吉凶既集。利害盈前。而患得患失之心。浮沉於寸虛之藹。所謂清曠自心。早埋沒矣。自心埋沒。則萬事無主。唯見可欲者。卽欣然而欲得。見不可欲者。則刺然而弗快。心光既蔽。羣暗雲生矣。

我聞善用其心者。五逆十惡。皆菩提之康莊也。而不善用其心者。三學六度。皆般若之仇讐也。由是觀之。青山白雲。未必爲幽閒。紫陌紅塵。未必爲喧擾。顧其人遇之如何耳。故曰。我自調心。非干汝事。

公孫大娘之舞劍也。不知劍之舞我手也。我手之舞劍也。則手兮相忘而相用。雖有聖智。莫可測識。況物我未忘者。安能知此乎。故曰。技無大小。能入神者。乃與造化同功也。由是觀之。大之天地。小之萬物。物皆手手。手皆劍矣。故何自而入焉。知此者可與言觸事而眞體之。卽神與。

道不在心。欲不在物。心生則道失。物棄欲自存。是以建心求道者。傷割物。割欲者。狂瞽之自創而求生。耽形而逃影。吾知禪子見之。必哀其傷。而笑其狂矣。今天下方將以傷狂爲指南。道烏乎明。欲烏乎止。

紫陌老人集卷之十

紫栢老人集卷之十一

明 憨山德清 閱

解經

心經說

般若波羅蜜多

此言智慧到彼岸。非愚痴者所能到。般若有三種。如實相。觀照。文字。是也。實相般若。即人人本有的。心觀照般若。即心上光明能悟達。則心光發明。凡吐一言一句。長篇短什。足爲萬古燈明。用除痴暗。故稱文字般若。

心

此經大部之綱骨。如人一身。雖有五臟百骸。惟心爲主。

經

訓常。又訓路。常則天魔外道不能沮壞。路則凡聖皆所共由。

觀自在菩薩。行深般若波羅蜜多時。照見五蘊皆空。度一切苦厄。

觀自在。即觀世音之別名。此菩薩既悟自心。以觀照之光。深破昏毒。不同二乘偏淺。故曰行深。夫昏毒。即五蘊爲萬苦根株。千殃之本。衆生未能空此。故繫纏苦厄。如蠶作繭。於百沸湯中。頭出頭沒。絲無斷日。菩薩既斷蘊絲。故得空色兩融。智悲並運。若事若理。譬庖丁解牛。無物迎刃。故稱自在。舍利子。色不異空。空不異色。色即是空。空即是色。受想行識。亦復如是。

舍利子。驚子佛之弟子也。其慧辨超卓。識越等倫。然未悟大乘真空。尙醉枯寂。故如來呼其名而告之曰。我所謂照見五蘊空者。非是離蘊之空。即蘊之空也。汝莫錯了。五蘊色受想行識是也。色則遠而言之太虛。天地山河草木。無分巨細。凡可見者。皆謂之色。近而言之。現前塊然血肉之軀。是也。受謂無始以來。從生至死。眼見耳聞鼻嗅舌嘗身觸意緣。皆吸前塵而生者。想謂受而籌量。善惡臧否。寵辱是非。行謂籌量無常。遷流不決。識謂籌量曉了。判然無惑。此五者合而言之。實惟一念分而言。

之乃五用差別也

舍利子是諸法空相不生不滅不垢不淨不增不減是故空中無色無受想行識無眼耳鼻舌身意無色聲香味觸法無眼界乃至無意識界無無明亦無無明盡乃至無老死亦無老死盡無苦集滅道無智亦無得

如來慮驚子及一切衆生餘疑未盡復揭而示之曰五蘊既空心光獨露淨盡滿月當天則生滅垢淨增減皆紅爐點雪矣故悟真空之後豈但五蘊元空即十二處十八界及十二因緣苦集滅道亦龜毛兔角也雖然冰不自融春回乃泮霜不自釋日出乃消五蘊乃至十八界十二因緣等法冰也霜也觀照般若如春如日冰霜既化所謂春之與日何啻已陳芻狗故曰無智亦無得

以無所得故菩提薩埵依般若波羅蜜多故心無罣礙無罣礙故無有恐怖遠離顛倒夢想究竟涅槃三世諸佛依般若波羅蜜多故得阿耨多羅三藐三菩提

嗟乎此段無得之光不特菩提依之而無罣礙諸佛亦依而得菩提佛與菩薩光非有二而優劣迢然者何哉究光之始實無優劣以光極強照照極生迷故覺迷迷滅靈覺極圓者名之爲佛光雖圓悟迷習漸除覺路尙遙名爲菩薩以本光言之非惟衆生妄想卽成佛亦妄想耳然未成佛者若無妄想悟入無門故曰一切衆生由妄想而墮生死亦由妄想而出生生死由妄想而墮生死者凡夫也凡夫不悟此身衆苦根株此心攀緣賊媒放之不放游戲於六根六塵如蒼蠅爲唾所粘濡滯腥涼至死不悟由妄想而出生死者或逢知識明誨或讀佛祖聖賢經書始悟蠅爲唾粘之咎翻然悻憤乃慕鵬舉青冥若然則妄想之心得非扶搖之風哉故未證悟者此片妄想斷不可不堅不固有等愚痴凡夫錯解佛祖聖賢之旨見說無我無人無衆生無壽者毋意毋必毋固毋我我及本來無一物天理上著不得人欲等語遂牢記胸中逢人高談危論以爲已悟如是之人誠可哀憫且汝現前日

用之閒七情六欲三毒無明如蛇如蝎誰敢觸者不幸而有觸之者未有不遭整鬻既自家毒氣曾未消得纖毫說甚大話汝欲消此毒氣須服清涼之藥始得清涼藥非龍肝鳳髓非善見空青即是上來所謂此片妄想不可不堅不固者是也果能此志堅固則七情六欲三毒無明漸化爲般若若光明矣觀想雖多以要言之一日空想二日假想三日中想空想若成則內之身心外之世界若漆桶底脫直下玲瓏老氏所謂大患者永免矣假想若成皎月浮空長天一碧蹄浴江海散影分輝中想若成陶空鑄有如臂屈伸宛轉隨心不乖全體空想治見思之毒假想治塵沙無明之毒中想治根本無明之毒噫此三毒者乃天下之大毒也除佛之外誰不遭其毒害皮毒毒般若肉毒毒解脫骨毒毒法身是以天竺醫王制大神方以空想之藥治皮毒以假想之藥治肉毒以中想之藥治骨毒然想藥雖三而不越乎一念故達一念空者即成般若德念雖空洞不廢羣有即成解脫德有無相

即空色相雖不即不離一念相應即成法身德要到無罣闕地位無恐怖境界直須三惑都除若纖毫不盡縱菩薩猶沉覺癡況凡夫哉故曰餘塵尚諸學明極即如來又曰因明有見暗成無見不明自發則諸暗相永不能昏所謂因明有見者匪獨三光之明因空因假因中皆因明耳若不因明孤光自發凡聖情消又說甚麼三觀一心一心三觀即所謂文字般若觀照般若實相般若亦不勝贅焉然未到徹頭徹腦處此智慧光明寸步舍離不得若背明而行管取斷常坑中墮落有分在故知般若波羅蜜多是大神呪是大明呪是無上呪是無等等呪能除一切苦真實不虛故說般若波羅蜜多呪即說呪曰揭諦揭諦波羅揭諦波羅僧揭諦菩提薩婆訶

大哉心光智不可知識不可識陰陽不能籠罩有無不能形容破障除昏凡聖無與等者謂之大神呪大明呪無上呪無等等呪不亦宜乎而般若顯密自觀自在菩薩至於得阿耨多羅三藐三菩

提謂之類說般若自欲知般若波羅蜜多乃至善提薩婆訶謂之密談般若又呪者加熾熾之祝願給念茲在茲似我之聲綿綿不斷則諸惡受熏莫知然而化為蝶翼矣諸佛如來以慈悲願密熏一切衆生故一切衆生莫知然而化之嗚呼佛恩廣大誰知報者而正法垂秋祖道寥落顧鈍根小子道惠虛薄無以感人甘向秦庭號呼徹誠誠無衣而救楚者誰哉

心經

般若波羅蜜多心經

夫智慧愚癡初非兩種彼岸此岸本是同源以其見有身心卽名愚癡住此岸以其不見有身心卽名智慧到彼岸也經則萬古不變之稱心則八部最先之主不變則凡聖可以共由最先則誰能舍此而求無上菩提哉

觀自在菩薩行深般若波羅蜜多時照見五蘊皆空度一切苦厄

衆生未始非菩薩但不達人法皆空被苦厄所陷

故名衆生若了還無礙執非菩薩舍利子色不異空空不異色色卽是空空卽是色受想行識亦復如是

至此特呼名而告之者謂上菩薩所證之空非小乘偏空亦非真空亦非新空直卽色之空耳色既可以卽空則空亦可以卽色故曰色不異空空不異色五蘊之中色蘊其一色空既可以卽卽餘蘊亦然故曰受想行識亦復如是

舍利子是諸法空相不生不滅不垢不淨不增不減是故空中無色無受想行識無眼耳鼻舌身意無色聲香味觸法無眼界乃至無意識界無無明亦無無明盡乃至無老死亦無老死盡無苦集滅道無智亦無得以無所得故

至此再呼名而告之者佛慮其偏小習重卒難遊大乘二空法海故明揭顯露以啓迪之諸法空相譬如質礙之冰既已融化成水在方器則隨而方之在圓器則隨而圓之觸風可以爲濤聲映地可以爲天色在江湖可以浮萬斛在大旱可以爲雲

覓無往而莫不自在矣。又方圓之器。喻前境前境自有生滅垢淨增減如水成冰無非質礙。學者知此則十二處十八界十二支及四諦皆瞭如也。雖然境不能自空。必假照以空之境。空智在病去藥存終非本體藥亦洗之方盡染汚故曰無智亦無得。

菩提薩埵依般若波羅蜜多故。心無罣礙。無罣礙故。無有恐怖。遠離顛倒夢想。究竟涅槃。三世諸佛依般若波羅蜜多故。得阿耨多羅三藐三菩提。故知般若波羅蜜多是大神呪。是大明呪。是無上呪。是無等等呪。能除一切苦。真實不虛。故說般若波羅蜜多呪。即說呪曰。揭諦揭諦。波羅揭諦。波羅僧揭諦。菩提薩婆訶。

嗚呼甚矣。偏小習重之難化也。如此故如來種種告之。令其深信。意者此般若波羅蜜多。不惟親自。在菩薩依之心。無罣礙而得涅槃。即三世諸佛亦因之而得無上菩提。尚恐其驚疑未徹。再教之曰。此般若波羅蜜多是大神呪。是大明呪。是無上呪。

是無等等呪。神則威靈莫測。明則無幽不燭。無上則更無有上者。無等則更無有等者。聖人爲物至矣。盡矣。無可以加矣。猶說密呪以加持之。予讀此經至是不覺涕泗橫流。莫能自止。比因抱疾。潭柘山中。念雲閒徐太僕。談衛法勞動。釋此以慰益其道心耳。

心經說

般若波羅蜜多。心經者。實衆生大夜之明燈。諸佛之慧命也。梵語般若。此翻智慧。梵語波羅蜜多。此翻到彼岸。蓋謂有智慧者。照破煩惱。不溺情波。生死超然。妙契本有。所謂登彼岸焉。心乃喻此經。如人一身雖有百骸五臟。心爲主耳。此經文雖簡略。實六百卷雄文之心也。經者古今不易常然徑路。人得趨而進也。觀自在菩薩者。謂此菩薩以如上智慧圓照空有了。無罣礙。肇公云。照不失虛。則涉有而無。冥虛不失照。則觀空而不滯。即有無而離色空。所以能有能無。可空可色。故曰自在。若夫衆生執有二乘。尚無各偏。所見不能圓通。便不自在。夫智慧之與聰明大相懸絕。

聰明則由前塵而發智慧則由本心而生故聰明有生滅而智慧無依倚也。所以不生滅耳。行深般若波羅蜜多時者。謂此菩薩所修觀智不同二乘偏淺。乃深般若也。惟其深般若故。故能照徹色空。本無二致。元一實相。自是凡夫不了見色而不見空。二乘偏執見空而不見色。一如恒河之水。魚龍認爲窟宅。天人認爲琉璃人閒。世認爲波流。餓鬼認爲猛獸。四者所見不過皆情耳。惟悟心者了無此見色。既如是受想行識未嘗有異。故曰受想行識亦復如是。照見五蘊皆空。則一切苦厄盡矣。凡夫迷倒不悟此身四大假合。執以爲實。故聞生則喜聞死則悲。殊不知此身以四大觀之本不可得。喚誰生死。身既乃爾。此心亦然。妄想攀緣影子。不過四蘊合成。若以四蘊觀之。是心亦不可得。喚誰煩惱。人不悟此。聞譽則慳然爲順聞毀則戚然不悅。此乃恣情縱議。不以觀行轉識而成。智則將飄淪苦海。逆浪千尋。出沒無常。改頭換面。橫豎羽毛。寧有已哉。痛矣衆生。佛本現成。不肯承當。衆生分外甘自擔荷。受此荼毒。猶未省悟。舍利子。佛之

高弟也。聰明絕倫。才辨超衆。喚呼其名而告之曰。菩薩以智慧照徹五蘊。大患永辭。長揖三界。汝知之乎。卽色之空而不廢涉世。也是諸法空相者。此空相照見五蘊之空也。此空本無生滅。本無垢淨。本無增減。或以道前道中道後釋之。未必然也。何故。行人以智慧照五蘊時。色空坐斷。凡聖情盡。此時寶剎當陽。佛亦不能嬰其鋒銳。況菩薩與凡夫耶。是故空中無色。無受想行識。無眼耳鼻舌身意。無色聲香味觸法。無眼界乃至無意識界者。謂此菩薩以此智慧豈惟照五蘊空耳。至於十二處十八界。莫不皆空矣。何故。謂五蘊卽十二處。十二處卽十八界。佛以衆生根器不同。隨機設教。有迷心不迷色者。爲說五蘊有迷色不迷心者。爲說十二處。有心色俱迷者。爲說十八界。要而言之。蘊處界三不出色心也。無無明亦無無明盡。乃至無老死亦無老死盡。無苦集滅道。無智亦無得者。謂菩薩以智慧照之。此真空之中。非惟蘊入界本空。至於十二因緣流轉。亦空。非惟流轉空耳。還滅亦空。非惟還滅空耳。苦集滅道皆空也。非惟種種皆空。

卽此能空蘊入界三乃至苦集滅道之智亦不可得。蓋所既不能有能不單立故也。十二支及四諦雖則聲聞緣覺巧拙有異。要而言之。真空之中無是事也。菩提薩埵依般若波羅蜜多故。心無罣礙。無罣礙故。無有恐怖。遠離顛倒夢想。究竟涅槃。三世諸佛依般若波羅蜜多故。得阿耨多羅三藐三菩提者。謂此經不惟衆生宗之。度生死流而登彼岸。直饒諸佛菩薩分眞究竟亦必本此也。此蓋讚勸流通此經。使諸衆生依般若而進修。庶不遭魔外眩惑也。永嘉曰。大丈夫兮秉慧劍。般若鋒兮金剛燄。非但空摧外道心。蚤曾落却天魔膽。大都有志於出世者。如此力量。如此風雲之思。如此激烈之懷抱。如大火聚。使萬物嬰之。直下灰飛烟滅。可也不然則少見可欲。而兒女情生矣。或云師之論此經。不分因果。不列科章。似乎儻侗不合古規。恐不宜也。余則應之曰。我佛所說千經萬論。五時不等。不過陶汰衆生情塵。洗滌其見地。苟情塵盡而見地正。則古規不合之中。實合之也。子胡多語乎。故知般若波羅蜜多是大神呪。是大明呪。是無上

呪。是無等等呪。能除一切苦。眞實不虛。此亦讚歎般若尊重效驗耳。神則妙萬物而莫測。可測則不神矣。明則圓應萬有而無所累累。則不明矣。無上則更無過其上者。有過之者。則不上矣。無等等。則無可與等者。圓滿充實。更無及者也。圭峰云。彌滿清淨。中不容他。孰與等之。已上皆顯說般若也。然般若有三。所謂文字觀照實相也。蓋非文字無以起觀照。非觀照無以鑒實相。非實相則菩薩無所宗極也。極者何證之謂也。夫證有淺深。淺則斷見思及塵沙耳。深則圓拔根本。無明直抵妙覺。而後已。雖三觀一心兼修並進。然斷見思則空觀之力居多。斷塵沙無明則假觀之力居多。斷根本無明則中觀之力居多。夫見地明而不修觀行者。何殊有田而不耕也。雖修觀行而見地不明。又如盲人行路。非惟不能還家。我恐其將墮坑落塹也。若人怕生死而厭煩惱。無如以四大觀身。四蘊觀心焉。夫四大觀身。四蘊觀心之旨。此如來剖心剝膽指箇方便。冀衆生卽此臭軀殼上。攀緣影中。使卽妙悟此身此心。原一實相耳。然衆生流浪生死輪

轉苦趣實非聲色貨利飲食男女牽障也。特其不能以四大觀身。四蘊觀心。則見有身可得。有心可礙。有身可得。則生死宛然。有心可礙。則憎愛熾然。生死厚而憎愛深。則本有智慧光明埋沒矣。佛與衆生。豈兩箇耶。佛不過無死生無愛憎人耳。衆生則有生。死有憎愛。佛也。四大觀身者。凡行人行住坐臥。當以齋潔念頭回觀。此身皮肉筋骨本屬地大血脈涕洟津液。本屬水大暖氣屬火動轉屬風。諦審觀察。於我何有。今橫執之。而不舍離。認以爲實。何殊兩鬼爭臭。屍焉如是。觀久積習。行深生處。漸熟。熱處漸生。至於練盡練之一字。不可忽也。苟非眞爲死生漢子。逆順境臨。便擔荷不起矣。四蘊觀心者。先觀受蘊。究從何有。推而窮之。爲無因。忽生耶。爲託境生耶。無因能生。則前境未感。本心寂寥。靈徹焉得有所謂妄想耶。托境而生。則前境遷變。心亦遷變。遷變之心。豈眞我心。若眞我心。天地以之建立萬物。以之爲本。若其遷變。安能爲天地根蒂萬物之本乎。故知遷變者。特攀緣影子耳。夫眞心則塵生不生。塵滅不滅。照物而無累者也。

一
故毗舍浮佛偈曰。假借四大以爲身心。本無生因。境有前境。若無心。亦無罪福如幻起。亦滅。此偈世尊大慈全提。緣起無生綱領也。如能悟此。則心經之妙盡於此矣。夫緣起無生者。謂心不自生。生必由塵。塵不自顯。顯必由心。惟不自生。心無性也。惟不自顯。塵無性也。心塵無性。則無生現前。無性心塵。則緣生不廢。心塵既爾。萬法皆然矣。此旨在於華嚴。則謂之法界。在法華。則謂之實相。或曰。此經以破相爲宗。談空爲趣。豈與華嚴法華同轍而語哉。夫華嚴法華皆顯示圓宗。而此經密譚實相。乃古德成言。非不依臆度穿鑿也。噫。衆生疑情不了。此旨於無身中妄見。有身於無心中妄見。有心殊不知無身之身形。无法界無心之心。靈照羣品。夫此身此心。豈是高遠玄妙也。耶。卽吾日用之中。應緣之際。未始不昭昭然也。老洞華嚴曰。佛法在日用處。穿衣吃飯。處處是。屙屎處。舉心動念。卽不是了也。龐居士曰。日用事無別。惟吾自偶。諸神通并妙用。運水及搬柴。然此旨有悟而未修者。有修而未成者。有證而受用者。今有人於此。微有小悟。

卽不修行。便謂已了。則修與證。掉頭不顧。癡到臆月三十日一場癡癲也。不佞此論。非敢參入義黨。比因海陽居士偶叩及此。不覺率意而成。故無啓請三寶證明加被偈也。揭諦揭諦。波羅揭諦。波羅僧揭諦。菩提薩婆訶者。此密說般若也。既謂之密。則不佞不敢彊論矣。

心經說

夫心經一書。乃世出。世間聖賢豪傑之神術也。是以得其旨者。御大千而王天下。如黠童牧羊。鞭策指揮之閒。靡不得其所者也。究其關鍵。則照見五蘊皆空一句。又此經之心焉。今有人於此。志在聞道。而欲兼善一切。舍是書而他求。所謂夜行而棄燭。非愚卽狂矣。大抵道之不明。世之難治。皆根於我相。我相既立。見可欲者。卽欣然而悅之。而不滿所懷。卽勃然而怒矣。天機由是而塞。好惡由是而偏。以故本有智慧光明。埋沒盡矣。以日用而觀之。則愛憎交戰於靈臺。情識浮沉於寵辱。以今古而觀之。七雄五伯之相戮。漢唐宋元之得失。雖復盡善不盡善。不可同年而

語及乎。非武則亂。不可定。非智則國不可守。要而言之。皆不出我相也。是以眞性日昧。妄想日濃。質朴日漓。世道日下。故曰。以智治國。國之賊。有我。治人物之敵。夫賊之與敵。雖父母施之於子。必不能行。寧惟不能行。將必反目而攻之矣。如來知我相之毒。天下其害甚大。所以卽一念而開色心。卽色心而開五蘊。卽色塵而開十二處。又卽五蘊而開十八界。使夫衆生悟知身執心。執俱本於我相。我相根本。又生於無明。支支相緣。苦集相起。故達無明之所由生者。則眞性自明。達色心無性者。則一念不可得。達五蘊無性。則色心亦不可得。達十二處之所由生者。卽如庖丁解牛。了無全牛矣。以十二處觀現前此身。亦無全身可得也。達十八界之所由生者。則知色心二法。外則析爲六塵。內則析爲六根。中則卽將現前分別歷歷覺知之心。又析爲六識。嘻。非我佛大慈深悲。則我相之根毒害之本。衆苦之垢。豈易拔易滌哉。滌垢如寒濤漱石。拔根如金剛破物。漱之不已。石必終易破。破之不已。物必終空。石易終穿。物空我廢。所謂若虧其一。必

喪其兩耳。夫物我既忘，則本心自露。故曰：靈光獨耀，迥脫根塵也。若夫將此光照出世，則覺路可登。照世閒，則古道可復。余故曰：心經一書，世出世之神術也。般若總部其名有八文，則六百餘卷，惟此經又六百卷，雄文之關鍵也。此經之關鍵，又照見五蘊皆空一句是矣。照見五蘊皆空，又本乎色心二法。色心二法，又本乎瞥起一念。瞥起一念，又本乎真心。惟真心初本澄湛，本無根塵物我，而獨立於五蘊之先，絕無所感。則一念瞥起，所由雖大智高明之士，扣其瞥起所由，生竟無有能酬者也。小子于此亦疑之久矣，安得有破疑之大師？我以身肉充供，亦所甘心焉。

釋金剛經

心外無法，如來實語。水外無波，聖人切喻。但衆生從無始以來，名言習氣，染深難化。故聞凡著，凡聞聖著，聖聞有著，有聞無著，無聞生死，著生死，聞涅槃著涅槃，聞世界著世界，聞微塵衆著微塵衆。本心即隱沒，被名言所轉，執而忘返，埋沒自性。所以如來於般若會上，說金剛經，即世界而破微塵衆，即微塵衆而破

世界。堅習堅習，既破微塵衆，習除虧一喪兩。一兩既喪，本心頓露。故六祖曰：不思善，不思惡，阿那箇是明上座。本來面目，此老即善惡情上指渠曉得箇無善惡的。這箇無善惡的名，有多種。曰：本性曰真心，曰佛性，曰本覺等。故天機深者，不受名言所染，能即名言而悟，名言不及者，如此經以世界微塵衆情上如來宛轉方便，借微塵衆破世界有名無實，借世界破微塵衆有名無實。究竟兩者名實無常，情消性復，即與六祖因善惡之情，悟無善惡本來面目，初無差別。即此而觀，若不能即名言了悟得名言染不得的，不惟世界即一合相微塵衆，亦一合相也。何以故？情未破，故吾故曰：虧一喪兩。茲衆位偶聚，柳上結金剛般若緣，此非就地抽苗，皆是多生曾親近諸佛菩薩來，所以不期邂逅道人與世泊然，初無他慕。今更深夜靜，白燭光中，不惜口業，世出世法將高就低，種種辟喻，委曲剖析，此一分經雖衆位根器生熟不同，或聞道人拈提，或有所入，或無所入，解者自今日後，由麤而精，既精則必入神，既能入神，則一切名言世界微塵衆

凡善惡把柄在自手裏。彼名言安能轉我。未解者自今日後。必須解始不負。幾夢中此翻。邂逅且老病。不與人期。流光不可把。玩世出世法。各須努力。

衆生情計。不此卽彼。不聖卽凡。故曰。聖凡情盡。體露眞常。今世界可碎。微塵可合。則世界與微塵。未始有常也。而衆生於未始有常之。開計世界爲一計。微塵爲多。不一卽多。不多卽一。翻計而不醒。從無始以來。至於今日。死此生彼。死彼生此。究其所以。不過我見未空。隨處計著。故如來曰。一合相卽不可說。凡夫貪著其事。利根衆生。苟和合微塵。而有世界。世界果有乎。碎世界而爲微塵。微塵果有乎。嗚呼。此責在自悟。不責說破。所以如來於此。經提無生之綱。於緣生之中。眞深慈大悲也。

夫碎世界而爲微塵。衆微塵果有乎。合微塵衆而爲世界。世界果有乎。此兩者互爲主客。迭相蕩洗。而一多之情。豈煩天風海濤鼓漱。然後掃除者哉。故善用其心者。終日處乎一多之中。而一多不能累也。反是者。則不勝累矣。故此經曰。一合相者。卽非一合相是。

名一合相。而凡夫貪著其事者。是不達一多無常。主客無定故也。如龍達之。則一合相未始非天人師焉。蘇長公有言曰。溪聲便是廣長舌。吾則曰。一合相便是廣長舌也。或者以長公爲是。以我爲非。以我爲是。以長公爲非。此所謂癡人前不可說夢也。

世界與微塵。衆往復研之。但有名言。俱無自體。謂世界合微塵衆。而有調微塵衆。碎世界。而有皆衆生。橫計也。然此橫計。不無其因。始因於事不精。理不徹。而生事精。則能了知。事外無理。理徹。則能了知。理外無事。事外無理事。果有乎。理外無事。理果有乎。是以性宗不成相。宗始精。相宗不成性。宗始圓。精卽圓。故精而無思。圓卽精。故圓而歷然。無思故卽事。而契同。歷然故卽理。而彌照。此等受用。自他滿足。但因中易知。而難證。果中易證。而難忘。應因中卽受用。果中受用。忘此非披毛戴角者不能也。

夫我人衆生。壽者四見。初本一我見耳。以展轉橫計。遂成四見。若以智眼觀之。則一心不生。我尙不有。誰爲我見。我見旣拔。則餘者不待遣而自空矣。又我見。

者無主宰。中強作主宰之謂。人見則待我而生。衆生見即循情分別。不能返照之謂。壽者見不過貪生畏死之念也。用是觀之。則金剛經所說四見。實不在經。即在吾人周旋日用逆順之間。與佛何干。雖然。若不是這瞿曇老漢曲折點破。則茫茫大塊。終古不旦矣。佛問須菩提曰。若人碎三千大千世界。而爲微塵衆。是微塵衆可謂多乎。須菩提曰。甚多。予以是知。須菩提之意。以爲不但多耳。諦觀而察之。誠乃有名無實。故曰。即非微塵衆。是名微塵衆。復次。世界之意。亦有名無實耳。故曰。即非世界。是名世界。蓋微塵自無其體。必碎世界。而有世界。亦無其體。必合微塵。而成。故以世界觀塵。世現而塵不現。以微塵觀世。塵形而世不形。或計多碎。相則多碎。相現計一合。相則一合。相現多碎。相即微塵之別名。一合。相即世界之異稱耳。若當機頓了。多碎相與一合相。皆有名而無實。則一多之情。不待掃而自盡矣。一多之情。既盡。則我固有之心光。昭然現前矣。故曰。凡聖情盡。體露真常。又此情緣一而起。謂之一情緣多而起。謂之多情緣。凡而

起。謂之凡情緣。聖而起。謂之聖情。故一一多多。凡凡聖聖。不過一情之橫計耳。又曰。偏計。又曰。前塵相想。又曰。六塵緣影。皆此情之別名也。圭峰科此段義。謂證法界有味乎哉。

夫有卷則有舒。有聚則有散。有合則有碎。此自然之理也。故如來呼須菩提而告之曰。若三千大千世界可碎。而爲微塵。是微塵衆果多耶。少耶。須菩提承佛而言曰。甚多。夫碎大千世界。而爲微塵。以凡夫心量較之。則不勝其多矣。若如來所知。則不勝其少也。豈微塵多少之數。如來不知。乃待須菩提定耶。蓋如來逆知一切衆生。雖根有鈍利之不同。而執世界爲一合相。未始有不同者也。但利根衆生。一聞世界可碎。而爲微塵。則不待須菩提言多微塵。即非微塵衆。是名微塵衆。然後悟世界必非一合相。奈鈍根衆生。須待須菩提密破其微塵多衆之執。然後知一合相。初本非世界。假衆微塵合而始成。世界世界。既合微塵衆而始有者。則世界當一合相住時。住本無住。合本無合。豈待碎世界。而爲微塵衆。然後一合相始破哉。

又須菩提以爲我與如來碎世界而爲微塵。合微塵而爲世界。合碎碎重疊。翻騰上根與中根。固已皆悟世界本無合微塵。而有微塵。亦無碎世界。而有至此則一多之執情不待觀空然後破也。奈下根之難悟。所以須菩提復拈三千大千世界。卽非世界。是名世界。顯告而曉之曰。若世界實有者。卽是一合相。世界若是一合相。則如來往嘗又說一合相。卽非一合相。是名一合相。此又何耶。卽來與須菩提憫衆生執情之難破。味著此身計爲實有。委曲翻騰而下。根衆生執解未盡。故如來呼須菩提而再告之曰。一合相者。卽是不可說。但凡夫之人貪著其事。豈須菩提不知一合相。卽非一合相。待如來再告之。而後曉耶。蓋如來借須菩提而深責下根執現前之身。廣謂實有而味著也。嗚呼。剝碎世界而爲微塵。微塵而非有。微塵非有。則世界無體。故須菩提不先破一合相之執。而先破多微塵之執。蓋多微塵。旣破。則一合相之執不待破而破矣。何者。多爲一體。多破。則一無體矣。一多情盡。則世界與微塵皆清淨法界也。指何物爲

世界微塵耶。學者知此。則我如來父子翻騰剖析之苦心。方始知也。如果知之。則三千大千世界之堅固碎而爲微塵。再合微塵而爲世界。何異一紙卷舒。浮雲之聚散者哉。

釋破微經

吾嘗讀佛頂經於七處。徵心初有疑焉。旣而疑情忽消。始知如來之心。卽我之心也。吾之疑。卽阿難之疑也。吾疑旣消。則阿難豈復疑之乎。凡學者於七處徵心之辯。智謂初處不難。餘者難耳。殊不知有內則有外。有外則立潛根。立潛根則立中。開立中則立開眼。見明合眼見暗。立開眼見明合眼見暗。則立隨所合處立。隨所合處則立一切無著。若然者。則內之辯爲六者之尤也。也得其尤。則餘黨自滅矣。凡衆生之執情。特執心在內之情難破耳。如曉內之情旣破。餘者何難哉。吾以是知學者謂六者難。不謂初者難。實不經苦心故也。

夫明心是明何心。爲明真心耶。爲明妄心耶。若明真心。眞外無妄。更教誰明真心耶。若明妄心。爲妄心有

心可明以明之耶。爲無心可明以明之耶。有心可明則阿難認能推窮者爲心。世尊直咄之。不許咄之。不許者非不許也。世尊之意。冀阿難回機。反照。照此能推窮之心。爲在七處耶。爲不在七處耶。若在七處則處處推心所在。皆一無所在。爲不在七處則根境都無心託何處。良以阿難於七處徵心時。推窮不情。呈答未了。以爲能推窮者。固即七處推之。無在。然知無在之心。又是何物。若初計心在七處之心。固依根塵而有。二推之。無在我。已無疑。但現前能知無在者。又是何物。此物字較之前物字。又深一層矣。前物字是依根塵而有之心。後物字是離根塵而有之心。雖直下推之。無在。而知無在者。是必我心。故阿難曰。我以能推窮者爲心。殊不知未經七處推窮之心。是有在之心。既經七處推窮之後。則有在之心。已了無在久矣。然有在之心。是託有境。而有知無在之心。是託無在。而有託有在而有之心。阿難已忘之矣。惟託無在而有之心。尙認爲心。此所以佛雖咄之。而阿難心終不死。至於見聞覺知俱離。而內守幽閒。猶爲法塵分。

別影事故。阿難心稍有肯處。然終不能全肯者。阿難似未悟法塵分別之影。此塵此影。卽無在之異名。故也。如阿難果知此塵此影。本無在之境。牽引而起。初無有性。則分別此影者。又轉而爲無塵智矣。夫無塵智者。從凡而至聖。從迷而至悟。苟微此智。則一切衆生終不可成佛矣。故此章題之曰。明心不亦宜乎。佛頂經曰。因明有見。暗成。無見不明。自發則諸暗相。永不能昏。余悟此始。知孔老非同道也。乃同化也。自是余之信心彌切。實以成佛自期矣。然此光又豈待成佛而有耶。卽吾現前日用。未嘗不爛爛然在也。特以橫計明暗之執未消。所以審明塵則能見。不審則不能見。故暗相可昏耳。如明暗執謝於大夜之中。見不殊白日矣。而白日之中。光亦無增焉。嘉靖間有書華嚴經者。以情誠堅至。妄念不生。情執不起。能於暗室書經如白晝。余不敢自秘。願與天下共。乃屬四明李生記之。

根塵之初。本光本自圓滿。於圓滿中。佛尙著不得。況衆生乎。以此光元無常性。譬爾不覺。發起根塵光陷。

其中卽名爲識。然識有六在眼。司色謂之眼。識乃至在意。司法謂之意。識又七識亦名意識。而與此識不同。蓋名同體異耳。凡一切衆生不以六塵爲前境作牽引。識總不生。若無六根雖生亦無所托。故曰境有牽心之業。用根有托識之功。能心與識名異體同。勿生別解。嗚呼。以根塵之初言之。堯與紂光無增減。以根塵既立言之。則堯與紂霄壤懸隔。蓋堯得之紂失之耳。如緣見因明暗成。無見此便是陷根塵的樣子。如不明自發。此便是廓落根塵的樣子。又陷之與廓本無常法。若得緣因。佛性熏炙之。則根塵之初圓滿。本光終必開解。解則會行行則終證。設已解不行。習終不消。習既不消。根塵難脫。如解而能行。不惟根塵迥脫。卽根塵皆復本光矣。此事說則容易。領略尤難。解尙難領。何況行哉。但得能行。何愁不證。既得之自然發願廣大。良以同體之悲。稱性之慈大且無待事。局於小如四弘誓十願王等。皆痛同體而發者也。道人口門狹小。一時爲汝一氣吐不盡。聊書此以作前茅。程子宜知好惡努力精進。

緣見因明見。初非緣明。既非緣暗。豈爲緣我。以是知有日月燈之明。則見萬物。無日月燈。明則不見萬物。以理準之。無有是處。何以故。以見暗在眼前者。暗既在前。能所昭然。兩非交涉。以暗較明明亦如是。夫因明而見物。明謝則不見矣。故曰緣見因明。暗成無見也。不因明而見物。雖一切暗相現前而我無待之見。本自昭然。故曰不明自發。則諸暗相永不能昏也。雖然。鴟梟夜撮蚤。風察秋毫。晝則瞑目而不見。太山又猶犬晝夜俱見。晝夜俱見。則與無待之見又何別焉。夫猶犬根全則見。見根不全則不見。惟聖人根全亦見。根不全亦見。至於頂亦見。足亦見。背亦見。腹亦見。周身四體八萬四千毛孔。無不見者。故大悲菩薩八萬四千母陀羅臂。臂有手。手有眼。良以書不盡言。言不盡意。聖人設象以盡其意。猶一人之身。身有六根。六根所待者。謂之六塵。今樓嚴會上大覺聖人於六根之中。略舉眼根。因日月燈光之明。塵塵能發識。有識則見。此妄見也。真見則不待明塵而本照徹無遺者是也。一根既然。餘根皆爾。故臨濟曰。汝等

諸人亦肉團上有一無位真人在人之六根乃能放大光明。汝若生心擬會。即非真人矣。

以手搔癢。謂有能所以。手把髻身不離地。緣見因明。見如我手癢如明緣。以此而觀。能所宛然。不明自發。獨立無待。不明自發。旨本符契。橫計忽生。千轉相因。因因無盡。識難窮究。惟得真法界者。不受譏瞞。得惟識者。不受意言瞞。此皆據用徵照。苟非鷲王擇乳實難。

明暗自相代謝。見精本自湛然。

吾不見時。何不見吾不見之處。若見不見。自然非彼不見之相。若不見吾不見之地。自然非物。云何非汝。師曰。大慧禪師。一日問禮侍者。喚作竹篋。則觸不喚作竹篋。則背如何。禮答不得。却曰。望和尚爲某作箇方便。指示大慧。向他道。你是福州人。我說箇喻子。向你如將名品荔枝和皮殼一時剝了。以手送在你口邊。只是你不解吞。達觀燈下看大慧語錄。至此不覺失笑。你衆人且道。笑箇甚麼。如薦得不勞。達觀饒舌。既薦不得。老漢爲汝說破此段經。也不妨礙。只如如。

來爲阿難老婆心切至矣。何異大慧和皮殼剝了名品荔枝。送在禮侍者口邊。只是他不解吞。大底此事。苟不到智訖情枯之地。斷然承當不下。且道如何是智訖情枯的樣子。吐泥牛夜半歸來。遠踏破前峰萬頃雲。

由彼覺明有明明覺。失彼精了黏妄發光。是以汝今離暗離明。無有見體。離動離靜。元無聽質。無通無塞。艱性不生。非變非恬。嘗無所出。不離不合。覺觸本無。無滅無生。了知安寄。汝但不循動靜合離。恬變通塞。生滅明暗。如是十二諸有。爲相隨拔。一根脫黏。內伏伏歸。元真發本。明曜耀性。發明諸餘五黏。應拔圓脫。不由前塵所起。知見明不循根。寄根明發。由是六根互相爲用。阿難。汝豈不知。今此會中。阿那律陀無目而見。跋難陀龍無耳而聽。旃伽神女非鼻聞香。驢梵鉢提異舌知味。舜若多神無身覺觸。如來光中。映令暫現。既爲風質。其體元無。諸滅盡定。得寂聲聞。如此會中。摩訶迦葉久滅意根。圓明了知。不因心念。阿難。今汝諸根若圓拔已。內瑩發光。如是浮塵及器世間。

諸變化相如湯消冰。應念化成無上知覺師曰。靈光寂照。彌滿清淨中。不容他外。此有法無有是處。凡衆生見心外有法。皆警爾念。生念生。即有我。有我則有限量。所以有內有外。內則根識。是外則依報。是依報是無情。正報是有情。因有是。是有我。我所雖三細六粗。生起次第有別。究本言之。原是一箇圓常佛性。以衆生念起之後。了不覺悟。膠於根塵。識託其中。戀能戀。所能即六根。所即六塵。根塵能所。疆界確然。是以眼識則能司色。耳識則能司聲。餘四例然。所謂由彼覺明。有明明覺。覺明即是真心。明覺即是妄心。此妄心即真心迷轉者。非離真心外。別有妄心生。既迷於真。失彼精了。黏妄發光。根塵是所黏。識是能黏。譬如眼識不能自生。必由明暗二塵引起。纔有此識。若無前塵。識終不有。故心外見法者。則有前塵。有前塵則有妄識。既有妄識。六根次第應用一點也。差謬不得。此皆是情識封翳。故也。若能當下照此一念。原無起相。即念本無念。尙不有。安得有前塵。凡有前塵爲留礙者。只是自家直下不能觀破此念。故清涼云。十世

古今終始不離於當念。無邊剎海。自他不隔於毫端。蓋有念即有自他。即有古今。念他喚一尙不可。何處有二由是觀之。天地萬物。一切含靈。不出我一念。又天台智者云。一念具三千。謂有念時。念息三千。泯謂無念時。行。者真發菩提心者。當於起念時了不可得。念息時。同照十虛。所以這一節經。最初不過迷了真。心有妄心。因有妄心。即有根塵。因有根塵。即有疆界。因有疆界。便不能互用。靈通此就迷上說。若離暗離明。既無見。體難道就沒了。見若沒了。見即是木偶人。也。蓋因明暗而有見者。應物之識也。雖明暗而有見者。真心之照也。此箇關頭。正是迷悟根本。悟得來。應物之識。即是真見。悟不來。真心之照。即是應物之識。却不是兩件。因迷悟斯有二致耳。一根如是。諸根亦然。真心發照。則不托於前塵而起。起不托興。此是離物獨立。而照獨立。則心外無法。心外無法。不知又喚甚麼作根塵。故雲門云。盡大地是沙門一隻眼。雲門此意。即是經云。今汝諸根。若圓拔已。內瑩發光。如是浮塵及器世間。諸變化相。如湯消冰。應念化成無上

知覺器世間是無情衆生是有情如何衆生悟了道一切無情器世間亦化成無上知覺此箇數子不知在何處尋得這箇數子著說無情器界成佛亦可說有情衆生不成佛亦可所謂拈頭作尾。喚尾作頭。權衡在手。褒貶由誰。到這裡說無六根而有見聞亦可有六根而無見聞亦可。上來雲門的話頭有照處便有用在經旨直饒會得只是一箇照用處又存乎其人六根互用也不甚奇特。會得從緣薦得相應捷之句。即便受用得來也。此節經雖由真起妄。會妄歸真。發許多作用。不過自家日用尋常事耳。以迷者謂之奇特。又古德云。靈光獨耀。迥脫根塵。這等說話只好爲未發心的人說。若少有見的。聞比定然鼻笑不已。既謂之靈光是活漉漉地說。恁麼迥脫不迥脫。且他本無畔岸。這個軀殼子不過三五尺長。以三五尺長置之無畔岸之中。且道是迥脫不迥脫。若道不迥脫。六尺軀殼子安能籠罩得無畔岸的靈光。若道迥脫只今大衆莫不在軀殼上作窩坐。這箇窩坐雖只有五六尺長。若不是箇真正英靈男子。且慢莫提起說。

他迥脫不迥脫。若然如是畢竟怎麼樣好。三迷一報五千劫得出頭來是幾時。

真心實不可以一體求多。體得又不可以偏體知。亦不可以不偏。偏離一離多。離偏不偏。所以又能一能多。能偏能不偏也。今阿難不悟真心。推攀緣橫計。故如來知其病處。隨機付藥。究竟言之。了無實義。亦無定方。如難阿難云。若感覺者。在應無在。既在一處。偏體多覺。斷無是理。如來就阿難計處難之意者。在一支而四支感覺。則在者亦知不在者亦知。則可言在者無在矣。何則。以三支不在。有一支在者。即可無在也。

紫柏老人集卷之十一

紫栢老人集卷之十二

明 慈山德清 閱

釋毗舍浮佛偈

夫外堅濕暖動而觀之則此身初非我有。外前境而觀之則此心本無生處。外心境而觀之則罪罪福福皆本無主也。故曰假借四大以爲身。如來大慈豈欺我哉。

宋黃庭堅號山谷有貴人以絹求山谷書。自所作文山谷笑曰。庭堅所作文烏足寶。惟寒山詩乃沃火宅清涼之具。遂書與之。復囑之曰。寒山詩雖佳。然源從七佛偈流出。故山谷凡所行樂之地。書七佛偈最多。而七佛偈中毗舍浮佛偈尤爲殊勝。所以然者。蓋過去千佛微此佛則莫能成。其終現在千佛微此佛則莫能成。其始成終實係此偈。是故讀誦書寫受持樂說流布毗舍浮佛偈者。十方三世諸佛併其神力。現出廣長舌相讚歎。是人功德不少。毗舍浮佛此言一切自在覺。嗚呼一切自在覺。一切不自在障。初非異源。故曰心佛及衆生是三無差別。但諸佛善用

其心則無往而非自在。衆生不善用其心則無往而非障礙。然此障礙不從天降。不從地生。亦非人與。以其見有我身則死生榮辱至矣。以其見有我心則好惡煩惱至矣。夫死生榮辱好惡煩惱皆以我身我心爲本源。苟有勇猛丈夫能直下拔其本塞其源。則衆生之障礙未始非諸佛之解脫也。八大人覺經曰。心爲惡源。形爲罪藪。予以是愈信山谷謂寒山詩爲沃火宅清涼之具。源從七佛偈流出。無欺焉。或問曰。枯惡源空。罪藪有道乎。應之曰。假借四大以爲身心。本無生因境有此半偈。能讀而誦誦而思思而明明而達。則惡源之枯。不枯。罪藪之空。不空。予自知之。非予口舌所能告也。

夫心爲惡源。形爲罪藪。凡血氣之屬必有知血氣非形乎。知非心乎。嗚呼。形之與心莫知是何怪物。而毒衆生若此人。有言曰。修行本無他術。苟能奈何得自己身心便了。雖然。奈何得自己身心。豈細故哉。是以聖人哀之。設大方便。使博地凡夫。卽惡源而爲慈悲之海。卽罪藪而爲功德之林。達形非形了心非心非

形則形充八極而無累。非心則智周萬物而不勞。如是妙用。莫如毗舍浮佛。頌也。毗舍浮佛此言一切自在。覺此自在。覺燦然獨立於衆生日用之中。初無障礙。然在諸佛。使得自在。用在衆生。便成障礙。礙且道。病根在甚麼處。咄。大地衆生。成正覺。十方諸佛。陷泥犁。

無根無本

夫思本無根。根於身心。所以顏子墮肢體。黜聰明者。拔患根也。老子亦曰。我有大患。爲我有身。我若無身。何患之有。由是言之。身乃饑凍榮辱死生之椿也。如以堅濕暖動觀身。則患椿不待推而倒矣。心乃好惡是非之椿。如以物我同根。觀心。勞動好惡。穢毒之椿。亦不待推而倒矣。噫。兩椿既倒。身心情枯。堅濕暖動。卽法身也。能好惡爲穢毒者。卽無分別智也。以無分別智之魚。游無邊際法身之海水。不待忘魚。魚自忘。魚不待忘水。水亦自忘。魚水相忘而浮沈自在。清冷之懷。則魚與水皆象先之紹介也。剖塵居士勉之。毗舍浮佛此言自在。覺覺與自在。體用互稱耳。蓋覺則自在。自在則覺。故聖人體用圓融。無粗不精。精則

一一則無待。無待則無外。無外則物我同根。天地一體。所以大不廢小。體不廢用。根不廢枝。根不自立。由塵而椿。塵不自立。由根而賓。由塵而椿。椿果有手。由根而賓。賓果有手。兩者既決。物我寂寥。故曰寂寥於萬化之域。動用於一虛之中。故根不礙塵。塵不礙根。大用全而無跡。無跡則物我何在。知此謂之覺根。塵不相留礙。謂之自在。若然者。根未嘗有根。塵未嘗有塵。聖人善用其心。故自在而覺。衆人不善用其心。所以自在覺。翻成不自在。障耳。余以是知以四大觀身。有身用而無身相。以前境觀心。有心用而無我執。故此半偈。誠破死生之爻象。治心病之醫王也。夫身心之初。有無身心者。湛然圓滿而獨存焉。伏羲氏得之而畫卦。仲尼氏得之而翼易。老氏得之而二篇。乃作吾大覺老人得之於靈山會上。拈花微笑。人天百萬。聖凡交羅。獨迦葉氏亦得之。自是由阿難氏。乃至於達磨氏。大鑑氏。南嶽氏。青原氏。並相繼而得之。於是乎千變萬化。鬼面神頭。或以慈悲爲三昧。或以瞋怒爲三昧。或以苦行爲三昧。或以語言文字爲三

味或以棒喝破沙盆爲三昧。以至於滾木毬握木蛇。斬蛇伏虎叱龍之類。書不勝舉。如上種種三昧。世出世法。交相造化。使夫衆生日用而不知。而或知。不知卽名。凡夫或知。卽名聖人。嗚呼。聖人與衆人。初本一條。惟以知不知。乃凡聖分焉。由是而觀。知亦由我。不知亦由我。何天下知者寡。而不知者多。病在何處。良以有生以來。計身心以爲我。而身心之前者。湛然圓滿。妙物無累。反味之而不覺。一不覺。則永不覺。所以威音同稟。以至於今。猶茫然無省。勞他聖人。右提左挈。百計千方。委曲施盡。伎倆亦窮。總不知覺。古人呼此輩。謂之行尸走肉。白日小鬼。不亦宜乎。吾毗舍浮佛。復不以衆生難度。而退願心。說此偈。要使博地凡夫。共登無上。夫無上者。謂身心之初。有大圓鏡智光。徹終古妙域。羣有威神。莫測得之。卽聖失之。則凡故也。若然者。凡聖之分。不過於身心窠窟。翻得破者。則解脫無方。不能翻得破者。則障礙長劫。蓋生死無根。以身爲根。好惡無本。以心爲本。苟能以四大觀身。身何所在。前境觀心。心從何起。知身所在。卽身有。而無

累。知心所起。卽心有。而不生。身有。而無累。生死何妨。心有。而不生。應物何礙。生死何妨。則願輪常轉。應物無礙。則慧日常明。雖然。初心學人。不以持偈爲梯航。則苦海難度。又持偈有上中下之不同。上者。以其天機深妙。觸偈卽悟。中者。惟持久。始得心開。下者。由讀而誦誦。而能持持。而能熟。熟則或以此生得入。或以多生得入。入則本同。上達無異。以此觀之。根無利鈍。能信者。皆得出苦。何故。自甘暴棄。或以貧賤累。而不能持偈。或以富貴累。而不能持偈。貧賤富貴。雖榮辱不等。累無兩般。且年光不可把玩。老病不與人期。一息不來。便成他世。凡百罪業。是汝作者。不免隨之。隨而不離。如影隨形。天上人閒。太虛空中。總無你逃避處。如可逃得。則一切佛祖聖賢之聰明。不若凡夫之愚癡矣。

假借四大。以爲身心。本無生。因境有。夫有生之患。莫大於生死。而生死之患。惟至人則能超然。無累下。是則孰不受其累。然生死又本於有身。老氏云。我有大患。爲我有身。故出世聖人。示此偈。開悟是輩。此身不

過五行攢簇而成四大合併而有所言四大者地水火風是也此四何名爲大謂其無處不徧故稱之爲大此四大在身則爲肉爲皮爲筋骨爲血脉爲痰睡爲津液爲熱氣爲動轉今現前此身不過此等合成既合成矣衆生不悟非堅確然執之爲身故臨死生之際處利害關頭心神恍惚千算萬計不過要保全此個軀殼子殊不知此身皮肉筋骨感地而有血脉津液感水而有一切熱氣感火而有凡百運轉感風而有故智者不待開時方作此想於日用中常作此想皮肉筋骨原從地有血脉津液原從水有熱氣原從火有動轉原從風有此四大者一切衆生凡有血氣之屬皆所共有我何癡迷確然妄執爲身此想周旋俯仰進退屈伸常專注不斷漸漸純熟一旦頓悟此身何在故昔人有悟之者云將頭臨白刃猶似斬春風且一切生死衆患如箭我身如垛既悟此身堅濕暖動各還其本垛尙不有箭來誰受故曰假借四大以爲身也夫心有真心有妄心真心則聖人與凡夫無所閒別者無所增損者廣大靈明廓然充滿本

無生安有死本無來安有去離生死絕去來不離日用湛然常在不可以有心得不可以無心求惟神而明之者可幾也此心不悟雖衣冠楚楚總是行尸走肉人爲萬物之靈於此不悚然懼惕然省者非顛倒卽著鬼迷矣安心者感物而有受制於物故逢順境則喜逢逆境則瞋憎愛交加靈臺汨沒一受於心恨不卽釋喜不卽化此皆妄心也真心雖然應物物不能累如明鏡照像雖辨妍醜而本無心妄心則因境有卽受境累故曰心本無生因境有也毗舍浮佛此言一切自在覺既自在覺矣有何物而爲障礙哉然未覺者不免一途成滯見色則被色障礙見空則被空障礙忽然而有身則被身障礙礙介然而有心則被心障礙身障礙生老病死心障礙喜怒哀樂是以周旋一光之中而妄成角立既角立矣一切不自在至矣生有老迫老有病迫病有死迫喜有怒迫怒有哀迫哀有樂迫迫者相催之謂也嗚呼生若定常老不可迫喜若定常哀不可迫以其無常流之莫能已也惟有道者達身無常四大成故達心無

常前境生。故達四無常。一身待故。達境無常。因心有故。借一蕩四。四無所立。借四蕩一。一無所存。借境蕩心。心初不有。借心蕩境。境不自留。一四互蕩。心境兼忘。一身而爲無量之身。身相不壞。一心而慮周萬物。寸抱本閒。由一切不自在。入一切自在。達之者。利那可以超曠劫。如其未達。解脫幢卽成行尸肉塊。智慧津翻作苦海。逆浪自古及今。豪傑英雄。打破這關捩子不得。雖功高千古。名光萬世。於本分上事了無交涉。故生時受生。迷老時受老。迷病時受病。迷死時受死。迷喜怒哀樂時。受喜怒哀樂。迷以迷續迷。迷無斷日。人爲萬物之靈。而靈不悟。以靈續迷。爲一切黑業。本山高海積。未有撼竭之時。少知自反者。安得不懼乎。又靈如融通之水。迷如窒礙之冰。融通則在方而方在圓。而圓窒礙則方則定。方圓則定。圓方圓無滯之謂活。方圓有定之謂死。是故聖人居方圓而方圓莫能滯。以無滯故。所以能通天下之情。衆人則不然。見方而被方惑。見圓而起圓執。所以在聖人卽死而活在衆人卽活而死。故聖人謂之生人。衆人謂之死。

人由是觀之。自上古以來。所謂生人者。能得幾何哉。爲聖不難。難在通靈。苟能通靈。非惟身心俱靈。大則虛空天地萬物之夥。微則一介一塵一毛一髮靡不靈矣。至於三藏六經諸子之流。百工之技。亦無不通。故達身靈通無事。可礙達心靈通無理。可障化生老病死爲無上涅槃。迴喜怒哀樂證大菩提。涅槃菩提從身心得。若無身心。二果何階。故曰此身爲塵勞山。此心爲裸毒海。一旦達身無已。塵勞山卽功德聚也。達心如幻。裸毒海卽般若漿也。人爲萬物之靈。不自重。甘爲死人不爲生人。可悲已。

此半頌特十四字而已。然大藏與一千七百則機緣九經二篇百家之要。莫不備焉。子若張而演之。雖大塊爲墨。崑崙爲筆。天風爲手。虛空爲紙。莫能盡也。故曰佛法有不思議力。旣曰不思議。豈可以衆生臆見揣摩而能知耶。但當諦信受持。則終自悟入。夫信則誠。誠則一一則我持頌之心了。無所附麗。如是積久。則身心橫計一朝爆落。則生死鑄而爲涅槃。煩惱化而爲菩提矣。此兩者謂之二轉依果。所謂轉生死而

依涅槃轉煩惱而依菩提也。然凡夫心識蠱浮。卒不能制之一處。故須由讀而誦。誦而持。持而專。專而一。一則降化。降化則將乘緣生而入無生矣。

達觀道人嘗以毗舍浮佛傳法偈授人。時必曰。持千百萬遍。自在受用。現前矣。毗舍浮佛此言。一切自在。覺而深推其旨。大要破衆生身心之執耳。故曰。假借四大以爲身心。本無生因。境有卽此觀之一切衆生。從無始劫來。至於今日。莫能自在於死生憎愛之中者。良以見有自身。則身相爲礙。見有自心。則心相爲礙。嗚呼。身相礙於外。心相礙於內。一動一靜。內外相礙。無須與超然之境。可哀矣哉。卽此相礙之境。在聖人日用中。而身充法界。如月赴衆水。知周萬物。如鏡照羣象。不速而至。不勞而遍。東坡大悲閣記。乃此偈註疏也。其略曰。大悲者。觀世音之變也。至何獨疑於大悲乎。如以東坡之意推之。則心念不靜。應物必亂。非東坡不知卽動而靜。卽色而空。蓋東坡量自己分上。只體得理具光景。未到無身而現多身。無心而智鑑羣品地位。如此地位。非大菩薩豈易爲哉。然觀東

坡理具之旨。則所見無惑矣。體此無惑之見。於憎愛境上。死生關頭。眞實挨將去。到佛菩薩地位。終有時在也。

釋八大人覺經

夫覺與不覺。如拳手卷舒耳。聖人知其如此。所以卽衆生日用。不知之。知開爲八覺。覺則如拳復。手復則提掣。四生搬運。三世東太虛如芥子。撼大地爲微塵。舉無不成。用無不驗。皆十指之力也。若手作拳。則十指屈而不能信矣。信既不能。安得有如上之用哉。故拳譬不覺。手譬了覺。以此觀之。諸佛不覺。則不異衆生。衆生忽覺。則不異諸佛。如屈指則拳。信指則手。而信之與屈。屈之與信。機在心而不在拳手也。然拳手可見。而心不可見。唯聖人因可見而見。不可見。故能以不可見。役可見者。所以可見者。爲聖人之利。而不爲聖人之害也。而衆人以可見者。爲我有。則不可見者。愈遠而愈疎矣。故曰。性相近也。習相遠也。如一旦悟可見者。卽不可見者。則日用不知之知。不惟開而爲八覺。卽千萬覺可開也。此不知之知。在諸佛則

名八萬四千三昧。此八萬四千三昧在衆生。則名八萬四千煩惱。嗟乎煩惱與三昧。果有常耶。果無常耶。有常則衆生終難得佛。無常則諸佛亦可以爲衆生。如諸佛還作衆生。則衆生又何必求得佛哉。凡誦持此經者。果知我現前日用不知之知。如來爲我開爲八覺。我因八覺而悟。廓之則八萬四千之覺在我。日用不在。諸佛言說也。予故曰。拳手可見而心不可見。則不可見者。果可以數量盡哉。

釋十二因緣

所謂十二緣生者。無明行識名色六入觸受愛取有生老死。不了自心。謂之無明。既成無明。則必循緣。謂之行。循緣則必分別。謂之識。既成識矣。則必橫計。橫計實無其體。但有虛稱。謂之名身。因橫計所有塊然一物。謂之色。然而名色解雖次第。乃一支也。根境相激。謂之觸。觸則領納。謂之受。受必耽著。謂之愛。愛而不捨。計爲常有。謂之取。取而執實。謂之有。有則有生。生則有老老則有死。死自無明至老死。謂之十二支。此十二支爲一切衆生生死煩惱之窟宅。亦是一切諸

佛菩提涅槃之樂土也。顧行人治之何如耳。

夫十二因緣者。謂因無明而緣行。因行而緣識。因識而緣名色。因名色而緣六入。因六入而緣觸。因觸而緣受。因受而緣愛。因愛而緣取。因取而緣有。因有而緣生。因生而緣老死。是名十二因緣。然無明與行。則屬過去。識乃過去之終。現在之始耳。名色六入。觸受。愛此五支。則屬現在。取乃現在之終。未來之始也。有生老死。此三支。則屬來世。又無明有迷理。無明有迷事。無明迷理。無明謂不了第一義諦。普光明智。中本無古今。凡聖身心。卽此不了名之迷理。無明迷事。無明謂執現前四大假合之身。四蘊橫集之心。此是我身。此是我心。只此執著分別者。順則歡喜。逆則煩惱。此點執受名之迷事。無明故曰迷理。無明未破。決不能達本。迷事無明未破。決不能忘情。以不達本。故法身本有。而不悟以不忘情。故色身本無。而橫執此執。不消依之而造善惡之行。行成。謂之業。業熟。謂之果。受苦樂時。謂之報。此就行一支而演說也。識則以行業牽引受果。報分別投胎。妄起憎愛名識。此識投胎

之後在母胎中作赤白主無有形段可見但有其名故謂之。名色。即赤白和合。至第五箇七日名形位。謂諸根四肢似有而未全。故謂之色六入。則名色已後。至第六箇七日名毛髮爪齒位。至第七箇七日名具根位。謂六根開張有入六塵之用。故名六入。此兩支皆胎中具。若形位毛髮爪齒位又名色六入兩支開出也。觸則出胎已後至三四歲時六根雖對六塵未能了知。故苦樂想未生。名觸。受則謂從五六歲至十二三時。因六塵觸對六根。即能納受前境好惡等事。雖能了。別然未能起淫貪之心。但名為受。受謂從十四五歲至十八九歲時。貪於種種勝妙資具及淫欲等境。然猶未能廣徧追求。但名為愛。取則從二十歲後貪欲轉盛於五塵境四方馳求。曾無厭足。故名爲取。此五支雖在胎出胎之不同。總屬現在取。則是現在終亦未來始。先已揀之。此復略顯有謂因馳求諸境起善惡業。積聚牽引。當生三有之果。是名為有。三有則欲有色。有無色。有是有。此三有又名三界。生謂從現世善惡之業。後世還於六道四生中受生。是名

爲生。老死謂從來世受生已後五蘊之身。熟已還壞。故名老死。嗚呼。此十二因緣。非三達洞明五眼圓照。孰能至於此。雖然學不檢名。名不審義。豈能精義。既不精。則終難入神義。不入神。則實用無徵。實用無徵。雖說時似悟對境。終迷耳。故一觸死生禍福之機。便作不得主宰。以致名敗德喪。取笑千古。退世人之信心。即此觀之。不以佛祖聖賢自任。則十二因緣之名。尙不及聞。況能檢名審義。精義入神。以致用哉。即太史公號稱博古。於三世報復猶疑而不了。況其他耶。如史遷於十二因緣。能檢名審義。一心了知。則三世報復決不至失言取笑於後人。嗚呼惜哉。

八識規矩

前五識

性境現量通三性

此言前五識於三境中。惟緣性境。三量中。惟是現量。三性俱通。

性境者。謂所緣諸色境。不帶名言。得境自相也。相者。青黃赤白之謂名者。長短方圓之稱。現量者。謂

對境親明不起分別也。性境屬境現量屬心。三性者。善性惡性無記性也。三性俱通以五識性非恒一故。

性境若說根塵能所八法而成。是落小乘。如惟識則無有此境。此境現前如明鏡照象。湛然明了不起分別。如云真境也。善惡兩性在五識雖無分別而照從是起。故通。

眼耳身三二地居

三界分爲九地。自地獄至六欲天皆欲界也。爲一地。四禪色界也有四地。四空無色界也有四地。共爲九地。欲界名五趣。禪居地五識俱全。初禪天名離生喜樂地。是爲二地。止有眼耳身三識。無鼻舌二識。以無段食。故自三地以上則五識俱無。徧行別境善十一中。二大八貪瞋癡。

此二句言五識心所徧行有五。別境有正善心所十一。中隨煩惱二。大隨煩惱八。根本煩惱六。今止有貪瞋癡三。共心所三十四。皆任運無分別者。五識同依淨色根。

白淨色根者。指勝義而言。惟天眼能見。蓋落形質者是浮塵根。豈能照物。以有勝義根在。故能緣境。言五個識同依勝義根而起也。

九緣七八好相隣

九緣者。空明根境。作意分別。依染淨依根本。依種子也。眼識具九緣而生耳識。惟從八除明緣。故鼻舌身惟七除空明二緣故。

合三離二觀塵世

鼻舌身三識合中取境。眼耳二識離中取境。觀即能緣見分。塵世即所緣相分。

愚者難分識與根

此言小乘愚法聲聞不知根之與識各有種子現行。以爲根識互生也。不知根之種現。但能導識之種現。謂根爲生識之緣。則可謂生識則不可以識自有能生之種子故也。小乘未破所知障。於法不了。故難分耳。

變相觀空唯後得果中猶自不詮真

佛有根本智。有後得智。根本智乃實智。能親緣真。

如後得智乃權智。但能了俗不能親緣真。因果現佛已破見思惑。能六根互用。變起相分。復觀相空。以不知前五及七八等識。遂自認爲後得智。不知後得智乃從根本智而得者。小乘雖有如理如量二智。特其名耳。豈真後得智耶。即後得智在佛果中。猶不詮真。況因中乎。詮契也。根本智無分別。所以親緣真。如後得智從色根起。是有分別的。所以不能親緣無分別理。

小乘以無我爲真。如斷了六識分別。就能六根互用。以爲能親緣真。如

偈曰。小家果頭佛。理量徒有名。迷名不知義。疑大而起諍。五識同一覺。是以眼可聞。耳不能見。色實非本根。各各在分別者。以故見思破六根。即互用。彼小不知此。未究七八五三者。曉然了橫計。渠自破既破棄舊法。悲哀歸大乘。羅什首初。師疑什亦有辨。一朝悟大理。仍復師羅什。

圓明初發成無漏三類分身息苦輪

前五識隨八識轉。佛位中第八識轉爲無漏白淨

識而相應心所。即成大圓鏡智。緣爾現前。故云初發則前五識即成無漏三類身者。法報化三身中之化身也。千丈大化身。被大乘四加行菩薩。丈六小化身。被大乘三資糧位菩薩。及二乘凡夫。隨類化身。則三乘普被六趣均沾。以止息衆生苦輪也。

○前八句明有漏。後四句明無漏。

第六識

俱頭其造善作惡不定之功能

三性三量通三境三界輪時易可知

善惡無記三性。現比非三量。性獨影帶質三境。俱通也。比者比類而知。非者情有理。無比度不著也。帶質境有二。以心緣心中。閒相分從兩頭生。帶本質生。起名真帶質。以心緣色中。閒相分。惟從見分一頭生。起變帶質。起名似帶質。獨影亦有二。一有質獨影。五根種現。皆托質起。一無質獨影。緣空花。鬼角及過未等所變相分。是五塵落謝影子。止緣過去五塵。與未來變起五塵影子。不緣見在五塵也。

前生六識攬法塵影子以成今生形種。今生又因形起影。是來生受形種子。今生若能六識作觀破了我執。不攬法塵。則不受分段身矣。○六識輪轉三界顯易可知。

相應心所五十一

此句是標數性界二句是立名。欲令衆生因名以聞義。因義以會理。會理以致用。致用在作觀上說。致用以體道。體道以立德。

善惡臨時別配之

六識遇善境時與善心所相應。遇不善無記境時與不善無記心所相應。故曰別配之。此特平平緣耳。若增上緣則善心勇猛。惡心所俱轉而爲善矣。性界受三恒轉易。

六識於三性三界併憂喜苦樂捨五受恒常轉變改易也。

根隨信等總相連

根本煩惱六隨煩惱二十善十一等餘偏行五別境五不定四共五十一亦相連性界受等轉易也。

動身發語獨爲最

動身發語時於八箇識中行相最勝。以有情故也。

引滿能招業力牽

引引起也。滿圓滿也。言六識能造業招果。

發起初心歡喜地

歡喜地因斷分別我法故。

此識於初地初心轉成無漏。以斷有分別我法二執故。

俱生猶自現纏眠

無分別我法二執與生俱生。此時尙未斷猶纏縛。

眠伏以所知障未斷故。

遠行地後純無漏觀察圓明照大千

遠行地乃第七地也。此識以前漏無漏閒雜而生。至

此地後則俱生二障永不現行。而純無漏相應心。

所亦轉爲妙觀察智。而圓明照大千矣。

第七識

帶質有覆通情本

七識於三境中緣帶質境。三性中惟有覆無記性。

有覆者障蔽真性通六識情故本八識也通情本故曰相分兩頭生

七識緣八識見分爲內自我七識是心本識亦是心所以說以心緣心眞帶質八識是其本質故七識既以八識見分爲內自我則八識見分即七識本位八識見分緣色即七識緣色也色非眞故曰似帶質

問帶質是帶八識本質而生了然如何是七識的境八識能藏一切所藏一切根身器界我愛執藏八識便有境了這境從何來是從六識來也便知七識原無體位其相分從六八兩頭而生

隨緣執我量爲非

此識於無分別我法二執是任運綿綿故云隨緣執我

八大偏行別境慧貪癡我見慢相隨

大隨惟八偏行五別境止通慧根本煩惱止具四

貪癡見慢是也

恒審思量我相隨

前五識非恒非審六識審而非恒惟此識恒常審推思察量度執八識見分爲我故曰我相隨

有情日夜鎮昏迷四惑八大相應起

既執八識爲內自我則有情恒處生死長夜而不自覺以與四惑八大相應而起四惑即根本煩惱

四

六轉呼爲染淨依

八個識俱爲轉識惟六識作觀則諸識俱轉故轉獨加於六識呼七識爲染淨之依蓋六識有分別七識無分別有分別依無分別起以無分別近無情故

極喜初心平等性無功用行我恒摧

凡一地中具初中後三心即入住出也此識於初地初心斷一分無明便轉成無漏爲似平等性智以因中轉也無功用行是八地無分別我法二執至此盡斷故曰我恒摧乃爲眞平等性智矣

六識到第八地轉妙觀察智如何七識初地初心就轉平等智耶蓋六識到觀成後轉妙觀察智初

作觀時轉爲似妙觀察智

如來現起他受用十地菩薩所被機

佛果位中現十種他受用身十地菩薩乃所被之機也

第八識

性惟無覆五遍行

此識因中於三性中惟無覆無記性緣境之時相應心所惟五遍行

界地隨他業力生

此識於三界九地之中隨六識善惡業力而生以八識無記性故

二乘不了因迷執由此能興論主諍

此識最微細所以二乘愚法聲聞不信有此惟以前六識受熏持種斷了見思執爲如理智六根互用執爲如量智以無明全未破故所以大乘論主反覆辯論證有此識也

浩浩三藏不可窮

能持種子不失曰能藏受染淨等熏曰所藏七識

執爲我曰執藏三藏體用深廣故凡小不達

淵深七浪境爲風

八識如澄湛之淵由前七個識攪前境爲風興起波浪耳

受熏持種根身器

此識能受前染淨熏能持根身器界種子根是六根身爲內世界器爲外世界

去後來先作主公

惟此識爲總報主

不動地前纔捨藏金剛道後異熟空

第八地爲不動地此識初至此地纔捨能藏所藏執藏至金剛道後乃等覺位異熟者變異而熟異時而熟異類而熟金剛道後斷生相無明異熟種子方空也

金剛觀智是智之名言其堅利能壞一切無明有生住異滅異熟空則瞥起一念無明空矣

大圓無垢同時發普照十方塵刹中

此識至佛果位中轉成上品無漏淨體號無垢識

與相應大圓鏡智同發起時普照十方圓明世界

唯識略解

夫搜剔陰陽之奧。囊括造化之精。洞洪濛之源。破渾沌之竅。超儒老而獨高。冠百氏而弘深。舍唯識之宗而他求。未之有也。夫唯遮境有識。箇心空。遮境則識外無法。箇空則非同枯滅。是以夷斷常之坑。塞生滅之路。圓彰中道。判定因明。魔外望絕。凡聖共遵耳。然識有八種。有心王心所之殊。苟非智慧空靈思量妙絕。豈易窺其庭哉。阿賴耶識等大略窮其所由生。直以真如照極反味。生滅與不生滅和合。謂之證自證分。即如醒人忽爾昏。作人語雖聞而不能了。謂之醒耶又不能了。謂之昏耶。人語又聞。此之謂昏醒相半。迷悟之關也。此等時節。有人喚之。則昏隨醒矣。不喚則醒隨昏矣。醒既隨昏。而外不能了境。又不作夢。惟昏然而已。謂之自證分。此等時節。位無能所。冥然獨存也。少頃夢種種悲歡苦樂。據能觀而言。謂之見分。即所觀之所。即相分。或問曰。見相二分前後生耶。抗然生耶。余應之曰。見相二分。謂之前後生者。

現量之中。不許有無分別。纔生分別。現量滅矣。謂之抗生。則能所弗同也。此四分乃八識之本。故有志於此宗者。不可不留神焉。四分通澈。則八識之綱思過半矣。

夫八識四分。乃相宗之綱骨也。阿賴耶識末那識分別識眼耳鼻舌身五識。謂之八識。證自證分。自證分見分。相分。謂之四分。究本言之。八識四分。初無別體。特以真如隨緣。乃成種種耳。夫真如隨緣之旨。最難明了。良以真如清淨。初無熏染。如何瞥起隨緣。耶。於此參之。不已。忽然悟入。所謂八識四分。不煩少檢。唯識之書。便能了了矣。故曰。性宗通而相宗不通。則性宗所見。猶未圓滿。通相宗而不通性宗。則相宗所見。亦未精徹。性相俱通。而未悟達磨之禪。則如葉公畫龍頭。角望之。非不宛然也。欲其濟亢旱。興雷雨。斷不能焉。是以有志於出世。而荷擔法道。若性若相。若禪宗。敢不端誠。而留神哉。惟相宗名義數多。若非心智妙密。委曲精搜。實未易明也。今則取大略稍論。而疏之。但粗曉蒙孺耳。大抵阿賴耶識通前眼耳鼻舌身。

五識當併而發揮之似覺易明。蓋阿賴耶識及前五識皆屬現量。又皆上品果中轉也。若第七識第六識則三品皆具。三品者見道爲下品。修道爲中品。究竟爲上品。故七六因中轉也。或曰前五識成無漏相應心品。現身益物何以先言第八或無漏耶。以圓明初發乃第八識相應心品成大圓鏡智。故其前五根即第八識所變相分能變本識。既成無漏所變五根自當即成無漏矣。能發五根既成無漏則所發五識遂成無漏。何疑哉。或曰既言八識轉成四智何故却言相應心品耶。對曰唯識第十云此四品總攝佛地一切有爲功德皆盡。此轉有漏八識七識六識五識相應心品如次而得。智雖非識而依識轉識爲主。故說識轉得。又有漏位智劣識強無漏位中智強識劣爲勸有情依智捨識。故說轉識成智也。大乘所緣緣義曰言是帶已相者帶與已相各有二義。言帶有二義者一則挾帶即能緣心親挾境體而緣二則變帶即能緣心變起相分而緣也。親挾者謂之實境變起者謂之假境。假境者何即實境影子也。影子者何謂前

五識親挾實境乃任運而緣不帶名言現量中也。譬諸明鏡物臨即照原無心也。纔覺妍醜現量已滅即落比量矣。余是知假境影子意識所緣耳。又能緣心變起相分而緣亦假境也。今安慧宗中妄謂因中無漏五識能緣真如殊不知五識成智必待第八識轉而爲根本智然後五識轉成所作智也。此中目此智爲後得者何也。謂根本而後得也。以五識及第八識皆屬現量果上同轉故也。彼謂因中五識未轉智而能緣真如非妄而何。縱於果上識雖轉智第能照俗而不能緣真如故護法師曰果中猶自不詮真況因中乎。

紫柏老人集卷之十二

紫栢老人集卷之十三

明 慈山德清 閱

緣起

刻藏緣起

嘉隆閒袁汾湖以大法垂秋僧曹無遠慮不思唐宋之世大藏經板海內不下二十餘副自元迄明南都藏板印造者多已模糊不甚清白矣且歲久腐朽燕京板雖完壯字畫清白顯朗以在禁中印造苟非奏請不敢擅便又世故無常治亂豈可逆定不若易梵筴爲方冊則印造之者價不高而書不重價不高則易印造書不重則易廣布縱經世亂必焚毀不盡使法寶常存慧命堅固譬夫廣種薄收雖遭饑饉不至餓死時法本禪人實聞此言但本公自顧力弱不能圖之然此志耿耿在肝膈閒無須與敢忘者也至於萬曆七年予來自嵩少掛錫清風徑上去大雲寺不甚遠寺有雲谷老宿乃空門白眉也時本谷爲雲谷侍者予訪雲谷於大雲復值本公在焉既而及刻藏之舉以爲非三萬金未能完此衆生以財爲命豈易

乞哉大都常人之情有傷其命雖父母兄弟妻子之閒有不悅者以世外之人乞人性命誰願之哉予曰小子何不見大若是乎但恐辦心不眞眞則何慮無成且堂堂大明反不若宋元之盛哉宋板藏經亦有書刻者元板亦不下十餘副子急圖之毋自歎老漢雖不敏敢爲刻藏之旗鼓旗所以一人之目鼓所以一人之耳目一則明耳一則聰聰之與明衆生之所有者特無大法以熏開其心故雖有而不能用于謂衆生財與命同以故難乞殊不知以財爲重者誠聰明未啓耳如聰明一啓卽知此身幻化非堅此心起滅不當矣既知此矣卽乞其頭亦歎然願施者況身外阿堵物耶於是法本輩化弱爲強轉狹爲廣視刻藏之舉若壯士屈伸臂耳了無難色然猶未舉行也及密藏開公問法於老漢因而囑以刻藏之事開公曰易梵筴爲方冊則不尊重無乃不可乎予破之曰金玉尊重則不可以資生米麥雖不如金玉之尊重然可以養生使梵筴雖尊重而不解其意則尊之何益使方冊雖不尊重以價輕易造流之必溥于普

萬普之中豈無一二人解其義趣者乎。我又聞之。我法如塗毒鼓。於衆人中擊之發聲。無論有心無心聞之者。命根皆斷。若然者。不惟尊重供養者有大功德。卽毀之謗之之徒。終必獲益。且娑婆度生。以折門爲先。攝門次之。縱使輕賤方冊之輩。先墮地獄。受大極苦。苦則反本。反本卽知墜地獄之因。知因則改過。改過則易輕賤爲尊重。是以攝之不可。則折之以折之。之故。則見有地獄。旣見地獄。則痛想天堂矣。由信天堂。而信佛。故尊重與輕賤。乃翻手覆手耳。老漢但願一切衆生。輕賤佛法。墮地獄中。因地獄苦。發菩提心。若然者。易梵筴爲方冊。則廣長舌相。猶殊勝萬萬倍矣。子何不智。若此乎。於是道開。聞予言。泣涕俱下。跪而發誓曰。謹奉和尚命。若有人舍三萬金。刻此藏板者。道開願以頭目腦髓供養。是人自今而後。藏板不完。開心不死。由是觀之。則法本道開。不才老漢。及現前一切刻藏施主。皆袁汾湖之化身也。

募寫大士緣起

夫聖人無常身。以衆生身爲身。如片月在空。影臨萬

水。有見不見。則水有清濁。非無月也。我觀音大士。以聞思修入三摩地。初於聞中。入流忘所。獲二殊勝。成三十二應。使一切衆生。心水清淨者。隨緣而得見月焉。由是論之。則菩薩衆生。初非有別。以聞思修薰之。卽得入流忘所。圓通妙應。以貪瞋癡熏之。卽順無明。流墮諸趣。以故菩薩憫其同體。卽所自驗。方救療羣。有駕大慈悲。分身散影。隨類利益。滇南清上人。一日病幾死。夢觀世音勸其念自性佛。遂瘳。由是發心。圖大士萬身普施供養報菩薩恩。信入心地。情見乎辭。余見其涕淚俱出。而作是言。因慨焉爲之述。此夫清禪人以篤疾爲水。得觀菩薩清涼之月。達觀道人聞其言。卽直下不疑。則以不疑爲水。亦復見之。願諸淨信。各各若我直下不疑。則菩薩清涼之月在。在而見。雖然衆生業重。不疑爲難。且向第二門頭往生極樂。共觀彌陀。聞無上法音。又普門中最方便處也。

鍊鉢緣起

大哉佛鉢。其來遠矣。過去諸佛。不可數極。現在諸佛。皆親執持。未來諸佛。非鉢不食。佛尙寶惜。況比丘乎。

去佛既遠。戒法凋零。凡沙門釋子住家者。多乞食者。少而乞食者。復率操瓢。不知持鉢。所在名蓋。真手聚徒。講演安禪。集衆千指。萬指未見有鉢食者。夫鉢者。聖人應量之器。量我量物。如函受蓋。如黃鍾之律。應氣不爽。故卽飲食而調心。心調而物化。物化而善廣。遠則兼利。界外近則澤布。寰中故曰。一夫全德。道洽大千也。然則鉢者。利己利物。大法所係。豈細物哉。乃今忝爲佛子者。食非鉢。食飲非鉢。飲蹈蓮花面之迹。壞菩提身之根。飾僞以亂真。馮虛以構僞。邪風競扇。純正遭譏。於是幻子愷公。痛正像之風移。慨教流之日薄。遂披尋律藏。精考鉢儀。以爲泥古則不近人情。徇情則乖於古式。瓦鉢則危脆。易損。金銀則侈奢。非法。惟鍊鉢堅朴。雖毀易辦。而末法比丘。心行蠹浮。時又艱險。故獨宜焉。嗚呼。羅睺洗鉢。鉢碎爲五。自茲律分五部。宗尙不一。戒珠失掌。比丘不持戒律。比丘尼等不行八敬。持應量器。遊行酒肆。或入姪舍。種種家醜。如來懸知。蓋嘗閔痛。其陵夷迄今。戒壇生草。衣鉢蕭然。且不知鉢爲何物矣。嗟乎。旣爲佛子。當報佛恩。

報佛恩中。復有緩急。自非英納。孰識時宜。愷公以法器莫重於鉢。發心造鍊鉢五百口。隨緣乞之。儻仗我皇靈。鉢功就緒。則上祈聖算。下祝民康。惟願正法昌隆。魔風殄息。繩繩法器。萬古無殘。

棲霞寺定慧堂飯僧緣起

佛法者。心學也。然紹隆佛法者。僧也。故薄僧者。非薄佛薄自心也。夫自心者。聖賢由之而生。天地由之而建。光明廣大。靈妙圓通。不死不生。無今無古。昭然於日用之間。卽之而不可入。離之而不可遺。在眼而見在心而知。境未對時。圓滿獨立。百工得之而技精。聖人得之而道備。不難而易見。觸事而冥契。而人薄之。故日用而不知焉。昔達觀禪師行脚時。至吳中。日勢稍晚。投宿律居。主者弗納。師責而數之。曰。如來有言。汝曹不聞之乎。在家僧不喜客僧來者。我法當滅。由是觀之。穎公有道之士。一宿不留。何怒至此。蓋非自安實痛佛法之衰。心學之不明故也。予以是知。飯僧一事。功德最大。大以資培佛種。小則廣植福田。今棲霞禪堂主者。雲峰徧上人。有志飯僧。惟是連歲薦

饑力不稱。願雲堂如舊。青烟寂寞來者。悽然余目覩其事。心甚哀之。既而爲其倡。百人之緣。一人歲施米十斗。十年爲限。無論豐荒。緣不可斷。嗚呼。去聖時遙。世道交喪。識慮非遠。所重者不重。所輕者率重焉。夫至重者。自心也。開明自心者。佛學也。傳佛學者。僧也。僧來而不喜。薄自心也。人爲萬物之靈。乃不知重心學。其可乎哉。因書以告四衆云。

積慶菴緣起

寒山子詩曰。庭際何所有。白雲抱幽石。世之高明者。無論今昔。皆味之而不能忘。豈不以其天趣自然。卽物而無累者乎。萬曆歲癸巳中秋。達觀道人以問疾毗耶維舟當湖。既而太宰陸居士疾少差。亦放舟顧道人於案山之陽。案山距積慶不十里許。太宰公季子適與毛修之相視而笑曰。案山水富而竹貧。積慶水貧而竹富。安得有神通者。掬當湖之水注積慶。老禪鉢中移積慶之竹於五老峯下。顧不美哉。予聞之曰。道人受性慵懶。亦無奇特神通。不暇掬當湖之浪。亦不暇移積慶之篁。何不放舟積慶。飽其空翠。歸宿

案山。不亦可乎。既至積慶。則苔徑幽然。修篁澄碧。椽敗屋老。菴宇蕭條。道人謂二三子曰。道遠乎哉。觸事而眞。聖遠乎哉。體之卽神。故曰仁者見之以爲仁。智者見之以爲智。夫厭喧趨寂者。觀白雲幽石而通玄。醉榮刺空者。聞花館笙歌而忘倦。惟得自心者。喧兮寂兮。榮兮辱兮。無往而非心兮。蓋獨立則無待。無待則無外。無外則無分別。無分別則無我所。若然者。積慶之廢興成敗。譬夫水之興波波之復水耳。雖然。道人願諸賢豪君子。舍夢中財。數空中境。卽相冥眞。從緣得旨。則積慶瓦礫荊榛。琅玕古木。皆諸君廣長舌相也。敢不勤之時。一蘆運禪人揖其祖曰。大師深慈。爲此菴施筆頭三昧。增光存歿。寧弗拜謝。

徑山佛殿緣起

雙徑冠世絕境也。自崑崙南來。翱翔萬里。越天目而逶迤隱隱隆隆。雄雌萬狀。勢方奔舞。直趨東溟。而雙溪一阻。則英靈秀傑之氣。回而氤氳盤礴。怒拔於五峰之間。世爲龍象窟宅。自唐國一欽祖開山。乃至宋大慧杲禪師傳心如貫珠燈燈相續。以迄於今。則去

聖彌遠世與道喪。僧不能轉俗。更爲俗轉矣。夫經曰。若能轉物。卽同如來。今不能轉俗。章爲俗轉。豈非現成肉佛。自作衆生。嗚呼。一心不生。凡聖路斷。一微涉動。染淨俄分。卽此而觀。衆生諸佛。初無差別。了悟者。夢覺都除。未了悟者。不惟於無夢中作夢。更於大夢中強爲已覺。殊可歎耳。昔佛經行時。俄指曰。此地可建一梵刹。帝釋信手拈一莖草。插已。曰。建刹竟。比幻居講主作徑山僧。引進導師。不遠千里。來曲阿。見老漢曰。徑山衆上人某。曾引渠跋涉燕山。請開藏主并祈旁鼓。修殿嚴像。藏主已諾。會病未至。蒙大師代以幻余本公。今復遷化。則向來所學。似同說夢。故某與衆僧不憚勞勩。今更強顏來禮。和尚所願。不惜彈指震大法雷。破衆生痴夢。成就如上勝事。老漢曰。公等此來。既不爲自求專爲。祖道今老漢有一轉語。舉似公等。公等答得相應。卽夢中說覺。覺中說夢。恣我舌端。無不可者。試問帝釋。插草建梵刹。耶。不建梵刹。耶。建則琳宮寶坊。了不現前。不建則佛與帝釋。兩皆脫空。時諸上人俱以默答。老漢亦以默領。唯喝石崖旁。

觀不禁向老漢曰。和尚不必拋擲古今。廣打葛藤。國一大慧鼻孔。要與和尚不別道開法本。雖皆夢中承當。和尚大須覺中著到。管取徑山大雄寶殿刹那成。就諸祖殘棋。移星換斗。唯時王內翰于比部只解順水推船。不能逆風把柁。攬掇喝石生兒。并諸現前黑白大衆。擎蹠而請。唯願和尚發大慈悲。勿孤負喝石亦令某等各各願滿。噫。雙徑五峰江海秀瀨。陽江澈影重重。相逢莫問誰家曲。管取聲聲落眼中。

湖州府弁山圓證寺募四萬八千彌陀緣起。夫四十八願者。乃西方極樂世界阿彌陀如來。因中爲法藏比丘時。對世自在王佛所發之願也。若以有思惟心測度之。卽一願功德。尚難信受。況四十八願。若廣大無極。迂濶無稽者。寧不爲之驚怪哉。殊不知於理推之。虛空之無際。天地之高厚。萬物之廣多。聖手凡手。有知乎無知乎。皆不越我自心者也。故曰。空生大覺中。如海一漚發。有漏微塵國。皆依空所生。漚滅空本無。況復諸三有。以此觀之。則法藏所發之願。如來印證之辭。證之於理。卽之於事。皎如日星。夫何

疑又衆生習俗庸鄙識不高明計六尺之軀爲身方寸之影爲心無論貴賤榮辱逆順窮神殫慮勞骨弊形奇智異謀嚴飾萬態自生至死無須與自在者不過未能窺破身心耳是以大覺愍而哀之發廣大之願示無邊之勝照廓其心境使一切衆生肅清慧日獲無身之身無心之心無身之身形充八極無心之心照窮萬有悲夫人爲萬物之靈於此大身廣心冥然莫悟局執於臭軀殼上甘陷於妄想夢中初不自覺反乃驚怪於法藏比丘者人果靈乎不靈乎余萬曆庚寅歲結夏於留都攝山棲霞寺以七月旬有二日有斷手僧如林者來山白余曰我斷隻手不爲名聞不爲衣食我聞阿彌陀如來有四十八願願依數請四十八員真實持戒求生西方禪僧各頂戴旃檀彌陀靈相於晝夜六時精修淨業無限年月以畢生爲期柰何事大力寡無以感人故斷隻手以表寸赤願乞一大檀越捨千金爲我開疏惟願大德決我凡心余聞其言愀然久之乃謂之曰斷手不難捨財難耳若不聞衆生捨財如割身肉乎苟手斷心僞願

豈易尅哉且連歲海內饑饉不勝有能慨然施千金者恐無是處不若遵彌陀本願化四萬八千人人各乞銀一錢積少成多以集事不亦可乎雖然諸佛不可思議衆生亦不可思議余非具他心聖人安敢妄言請以初願及次願拈闡於佛佛許可者卽奉行之斷手僧謹置闡於如來慈鏡光中泣涕以禱信手拈之卽得次願遂索余言掇敘發心大槩徧告十方媿余不能文不敢贅言於願尾堅辭弗獲免又雲臺居士余之故人斷手僧又居士往所信者故書此以慰存沒云雖然佛事人情初非有二願其用心何如耳若如法藏用心卽人情不異佛事也若衆生用心卽佛事不異人情也余慨如林上人朴實眞率能不惜形軀斷手自盟於四十八願願四萬八千人尅彌陀之果視余一瓶一鉢獨善其身何啻蹄涔匹乎滄海上人愼而行之天必祐之今太宰公已爲四萬八千彌陀之願袖則見賢思齊者必雲然而和之矣尅願奚難哉

吳江聖壽寺緣起

卽花尋春者春未必在花卽水尋魚者魚未必在水雖然雖花而覓春外水而求魚又豈可得哉故道不在迹道豈能自彰教不在人教豈能自弘如來之道猶春也天下名蓋真字種種教迹則花也吳江聖壽寺肇迹吳亦爲年間今數百載猶巍然獨存於荒廢之餘趙宗伯聞而惜之適與道人及此因緣爲之創五百人緣集茲勝事蓋憐花存春之意也若夫教海濟生魚龍聽法又道人末後句耳

迎無量壽佛立像緣起

釋迦文佛成道已思惟所親未度而度衆生非師範人天之則遂昇忉利爲母說法以優闍王想佛或渴命三十二匠往地居天刻佛三十二相請歸優闍國供養此像教之始也禹曆庚子冬有始光居士自閩之杭訪雲栖祿大師因見大師所供無量壽佛立像殊勝精神慈注瞻禮之閒使衆生染習於不知不覺之頃忽生淨想居士默謂曰吾安得如此像供之家菴以酬夙願訊之則刻匠已死大師望居士眉宇之色欲像之心有不能割者謂居士曰此像亦易得匠

者云亡資納爲居士別覓一匠刻之保任不減先刻者居士遂五體投地捐貲付托於師約明年四月迎像不幸祿大師蹈湯火之災像不如約屆期居士果遣手足來迎大師謂衆當卽以山中原像應其請像可再雕言不可食既而某迎像出山適當道蜩集買舟不得偶有一船泊於江許迎像者問舟子曰舟可載人否舟子曰船不載人欲載何者舟子曰余以待佛迎像者異之謂舟子曰專欲汝舟載佛耳舟子欣然許諾昇像舟中禮供甚虔云此佛前一夕已徵余兩人夢矣至姑蘇又將易舟所易舟子夜復夢金人來舟中像至宛如夢中所見無不驚異蓋與前舟夫婦所得夢景正相符耳還家安立淨室觀者雲集奇哉斯像謂之木佛耶善使人夢謂之肉佛耶請視之揣摩之則木佛也嗚呼木佛善使人夢世則疑之肉佛說法世則不疑如以唯心觀之木佛肉佛兩者未嘗非心也以未嘗非心之印印世之疑與信果有疑信耶果無疑信耶天機深者於此印了知不疑則大之天地多之萬物及於虛空皆納於立像一毛孔隙

毛孔不窄。天地萬物不多於不窄。不多之中。六塵內遂舉一塵。問天下黑白。此塵謂自生耶。他生耶。共生耶。無因生耶。黑白中有能轉此語者。渠臭皮囊不異立像供之無倦。

募書金字華嚴經緣起

余聞華嚴大部有一四天下微塵數品三千大千世界微塵數偈。每慮其廣大衆多不能於此生窮之矣。及讀唐譯華嚴經。偶得一偈。不勝踊躍慶幸。偈曰。毗盧遮那佛。願力周法界。一切國土中。恒轉無上輪。此偈總二十字。而大部華嚴包括無餘。毗盧遮那此言光明徧照。一切處。願力周法界。蓋法界有十謂佛法界。菩薩法界。緣覺法界。聲聞法界。天法界。修羅法界。人法界。畜生法界。餓鬼法界。地獄法界。是也。然地獄以十惡五逆爲花。餓鬼以慳吝刻剝爲花。畜生以愚癡亂倫爲花。人以根本戒爲花。修羅以十善好鬪爲花。天以未到定十善爲花。聲聞以四諦析色爲花。緣覺以十二因緣還滅爲花。菩薩以三學六度爲花。佛以萬德周圓爲花。嗚呼。東方出聖人焉。西方出聖人焉。

焉。上古出聖人焉。後千百世出聖人焉。凡所作爲。未有不有花而有果者也。我無十惡五逆。則地獄誰入。我無慳吝刻剝。則餓鬼誰受。我無愚癡亂倫之行。則畜生誰作。我有五常。始得爲人。我行十善。而好勝。則不免爲修羅。我能修定。廣行十善。則當生天。我修四諦。析色明空。必得聲聞。我作還滅之觀。終登緣覺。我行六度。長劫無疲。定成菩薩。我三惑永斷。萬德周圓。必圓證妙覺。此名實之徵也。如我一念不生。則十界無地。凡焉聖焉。鏡中眉空中花耳。雖然。參須實參。悟須實悟。則華嚴四法界不在八十一卷。而在日用也。如參悟未能。且從八十一卷語言文字。檢名審實。實審則義精。亦非分外。四法界者。理法界。事法界。理事無礙法界。事事無礙法界是也。理法界則水外無波。事法界則波外無水。事理無礙法界則波水無礙。事言之則謂之事。以波水言之則謂之事理。以波波言之則謂之事事。是故善用其心者。卽一塵而入四法界。如因一枝花得無邊春耳。況此經八十一卷。言言

皆攷字字皆花。有智男子。或因一花而得無盡春光。則荆棘蓬蒿。未始非春也。荆棘蓬蒿。六凡之譬也。如花如伎四聖之譬也。荊州府江陵縣。天寺有了初善禪人。以爲古人剝皮爲紙。折骨爲筆。刺血爲墨。而流通此經。欲凡有知覺者。卽文字語言。而入華嚴法界。善雖不能流通此經。願以莊嚴此經。爲佛事。藉此少報四重之恩。不亦可乎。於是發心募衆共書金字華嚴經一部。并綸觀一卷。如勝事夢。感願凡書一字一言一乘一卷。乃至十卷八十一卷者。皆仗此因緣。如因一花而得無邊之春。因一言一字而盡入華嚴法界。此禪人發心莊嚴此經之願也。索子數語。爲前茅。子願凡諸黑白賢豪。皆當見作。隨喜然衆生舍財如割身肉。苟無卓見。隨喜之緣。亦不易結。禪人當作剝皮折骨刺血之想。則一錢半錢不可誤用。況多錢者乎。善禪勉之。

山東東昌府鐵塔隆興寺化緣文

東昌東郭二里許。有寺曰隆興。肇自洪武初。乃祝聖道場也。地勢幽朗。高林垂陰。古塔昂霄。鐘梵流響。或

悲風塵而登臨者。頓覺煩襟洗然。徘徊卒不忍去。良以如來說法。確實迭唱。或以香飯爲階梯。放光爲舟楫。寄文字以傳心。施藥喝而啓悟。乃至樓臺礙日。覺路鋪金。通而會之。無非廣長舌之波瀾也。大凡人情。無常善惡從境。故以善境誘之。則善心生。惡境熏炙。則惡念起。聖人有見於此。弗吝弘慈。分身散影。應質垂驅。師以奇特莊嚴。廣以無邊妙剎。使夫衆生。磕著撞著。觸處善境。冥移其習。密化其惡。所謂禪頭成仁。胸懷爲慧者也。或者不達此意。以浪費民財。短之是數二五。而不知十也。夫行一善。則息一惡。息一惡。則省一刑。一刑省於家。十刑省於里。真刑省於國。謂之無補於治道可乎。隆興大殿及支官旁宇廊。無且以年深日久。風霜蟲剝。摧頽極甚。若不修整。非惟祝聖失古。卽費長舌。壞說法器。變而雷音。亦無聞矣。寺僧覺蓮。課公大概於茲。乃謀諸侍御。傳居士并一切黑白賢豪。誓續舊緒。余甚敬其識卓見殊。以故綴數語。代爲十方白云。

棲伽山寺大藏閣緣起

衆生不悟言說法身而爲文字所轉。如悟言說法身。則不必離言說而求法身也。古有鳥官。聞羽蟲之音。知其好惡吉凶。焉由是而觀。則言說法身亦不外鳥音有也。眉山曰。溪聲便是廣長舌。山色無非清淨身。則言說法身與色相法身無別也。豈惟色相哉。鼻之所臭。舌之所嘗。身之所觸。意之所知。謂之臭味法身。觸法法身亦不悖。初言說法身也。故靈雲見桃花而悟道。樓子聽曲聲而明心。良有以乎。然文字般若。又言說法身廣長舌相也。娑婆衆生。心量狹小。習尙串微。苟不以廣長舌相。吐大雷音。震其常情。則生死之夢。終不醒矣。又諸施之中。法施爲上。財施次之。然徵財施。則法施難廣。是以能割所有。身命之財。流通佛法者。其功與法施等也。某人立心造大藏一部。施石湖。棲伽山。僧某禪人。構閣供養。永爲人天眼目。施者受者。必皆無我所心。而能成此言說法身之功德也。豈可以算數知哉。末法衆生。福薄。凡集勝事。多難少。易某其勉之。

棲嚴寺五十三參長生緣起

橋李棲嚴。以嘉靖時倭奴之變。寺因火之。於是清涼寶地。翻成熱惱之場。曠古名林。遂爲游晏之所。識者慨焉。萬曆間。有豫章密藏開公。乞食城中。以爲長水靈迹。豈當久委草莽。乃不辭寒暑。而舊物始復。雖正殿殿之未建。然有靜室。可以藏經板。有雲堂。可以安法侶。有香厨。可以供饘粥。晨昏禪誦。異口同音。擊磬鳴鐘。祝延聖壽。願吾君明齊日月。等山河五穀。豐登蒼生樂業。此林下道人寸志也。嗚呼。一旦既廢。熱惱之場。復爲清涼。福地游晏之所。今爲更始。名蓋微開。耶。則曠古祝聖之壇。幾爲有力皮矣。雖然。法界門中。無孤單法。設微鶴林。藁上人佐之。寧即功成速若。是乎。至於諸大金湯。不避嫌疑。不顧毀譽。併心護持。始終如一。雖給孤復生。龐老再來。不是過也。余固不敏感金湯護持之念。開郎霍林寒暑之勤。倡善財五十三參之緣。究五十三善知識。無論黑白男女。但聞緣發心。見作隨喜者。請一人施米千升。永充棲嚴十方聖凡長生供養。庶幾無負吾君資生之恩。如來法乳之惠。金湯護持之力。二上人恢復之勞也。

疏

刻大藏經疏

大覺示生願機緣而應實聖人制誥愍同體以垂慈
大夢雷霆幽霽日月揭萬古之昏蓋活羣靈之慧根
半字滿字宛轉剖本有之光大身小身方便現圓迴
之相道高則聲聞自遠義備則圓照無虧理不乖事
開凡聖之正因色不異空杜魔外之邪見滋生之
淨種破五使之疑情曰深曰淺總就路以還家若見
若聞俱立地而成佛是以補天地之立化廣君親之
至仁挽回薄俗之風啓迪高明之習舍乎大藏別竟
真乘何啻饑寒棄捐梁纘或以釋迦非我國之人而
不從其法抑不思文王亦西夷之產奚以被其風渴
不辨泉饑無擇飯迷方固當問路愈病必事求醫乃
智者之所尊不智者之所棄從長爲善舍短稱賢泥
塗可以致雲霄行潦可以通滄海故刺血爲墨者非
無知而作剝皮伐紙者心有見而然在昔固有英賢
當世豈無豪傑是非曲直義理淺深譬夫九天之上
而日星皎如萬鏡之中而燈珠燦爾然非韓愈歐陽

修之排斥曷致契嵩洪覺範之發揮陽濟陰助權抑
實揚天風起而雲翳消時雨降而枯槁茂爰自運有
通塞法以升沉立焚求經於印度必也唐文皇之朝
懷建鳴佛於洛陽宜乎宋仁宗之世況我太祖高皇
帝成祖文皇帝於通訓則頒金湯之詔在會典則列
牆壑之條故曰化頑凶而益王綱利善良而資帝道
義林幽邃俗世罕聞王臣無愛無憎黎庶宜崇宜正
捧王言之煥朗識聖鑒之淵微豈不以功高世憲道
格殊方者哉用是吾道開法本不揆下愚遠追德意
誓刻經律論之全藏願報佛法僧之至恩力微而滿
願爲艱事勝而資檀須普或十函五函量緣而襲刻
或一部兩部隨意而樂成大地慈雲普天甘露一字
之功贊揚之莫盡半偈之益思議之難窮乃知常啼
東請善財南詢皆重法以輕生亦知恩而報德直以
身爲如來之牀座豈若手持菩薩之慧燈衆生造罪
愚昧先之大士利生智光始也萬行波騰離般若則
終歸苦業六通雲變舍溫而則俱墮偏空慈母周旋
百至未喻佛子之用心良友曲照多方庶衆至人之

護念流通大藏希觀勝因。或貴或賤。共成堅固之緣。無親無疎。咸作難遭之想。終期克濟。永用宣流。

廣諸祖道影疏

華鐘匪叩。則音響不流。寶炬未燃。則寒光匿耀。故歸依佛祖。藉有刑儀。卽像道存。雲傳貴廣。願身星布。影徧寰區。譬一鐘聲。多人夢破。如分燈燄。大夜常明矣。洪武閒。黑白中好道者。繪華梵諸祖道影。自大迦葉尊者而下。至國初耆宿百二十尊。藏諸留都之南牛首山。其精神慈注。風度高簡。非靈臺空清妙思通幽者。未易著筆也。萬曆己丑。開待者省余於金壇。于觀察北園。且西發清涼道出。石頭余曰。牛首諸祖道影。往曾於祖堂塵埽中。檢得六尊。若雲開月露。光華照人。咨詢其餘。寺僧曰。均藏牛首。余懷此六寒暑矣。弗能忘。汝無却勞。披暑一行。或可理也。對曰。謹奉和尚命。隨策杖往。果得靈相會。太宰陸公見之。喟然歎曰。是當儼臨人天光映羣品。奈何歲月浸久。凋殘若是。聖人未滅度時。吾輩業重垢深。不遑近事。茲覩道影。何啻親承得丹。青家妙契其真者。臨寫十部。散布十

方。永作供養。分輝迸耀。普照昏衢。顧不大哉。開待者建太宰議。慨然任之。太宰首臨一部。金沙善雲居士於九部中。隨寫一部。餘尙未得其人。開待者跪而請曰。願和尚疏是因緣。令諸善信生大法喜。合併勝心。成此希有。余曰。善夫。由心生形。由形生影。而善反者。由影得形。由形得心。由心得道。若然者。則百二十紙。和尚不動舌根。爲天下人漏洩家風不少也。

又

夫有自心。則有虛空。有虛空。則有天地。有天地。則有山水。有山水。則有道場。有道場。則有諸祖。有諸祖。則有道影。是以由道影而識諸祖。由諸祖而辨道場。由道場而知天地。由天地而測虛空。由虛空以悟自心。者可謂尋流而得源矣。若然者。則大如天地。襍如萬物。皆諸祖道影也。豈待索於僧繇道玄之筆端。然後謂道影乎哉。雖然。凡心鄙劣。未能觸途成覲。須憑勝相。故阿難白佛。我見如來三十二相。勝妙殊絕。形體映徹。猶如瑠璃。常自思惟。此相非是欲愛所生。何以故。欲氣粗濁。腥臊交遘。膿血褻亂。不能發生勝淨妙

明紫金光聚是以渴仰從佛剃落以此觀之阿難佛弟尙觀勝相發心況凡劣者乎故諸祖道影不可不廣也雖華梵殊土其天容道貌精光炳燦使人瞻之塵習頓空卽相會心千古日暮與諸祖周旋於大光明藏中微道影孰能至此留都牛首山藏諸祖道影一百二十尊以歲久紙故色勞將至零落於是某人誓願廣圖祖影徧流天下惟善男信女觀影開悟共證自心云

常熟慧日寺西方殿造像疏

聖人無常心以衆生心爲心大覺無常善以衆生善爲善衆生既有此心卽具此善如心本不有善本不具雖聖人設教大覺垂形何異乎誇錦繡鼓琴瑟於聾瞽人之前哉是以聖人設教不可不用大覺垂形不可不廣也然教有淺深形有大小千變萬化染淨無常要而言之不過開衆生本有之心熏發本具之善而已常熟縣郭中慧日寺西方殿旣萬鼎新而像設未備果林禪人發心造阿彌陀佛像輔以觀音勢至二大士像意在爲緣廣普像雖三座願結萬人之

緣人乞三分以訖其事有願獨造者禪人正色告之曰眞松最初一念意在緣普雖屬大檀盛心不敢奉命紫栢道人聞而嘉之遂述此以告有緣者流芳不可把翫老病不與人期逢緣勇猛見作隨喜慨然樂助結淨土緣培成佛種豈惟不負禪人最初一念亦人人本分事也此片勇猛隨喜之心本非天降亦非地生先天地而非無後天地而非有故曰有物先天地無名本寂寥能爲萬象始不逐四時漏阿彌陀佛此云無量壽佛佛有事佛有理佛理佛聖凡平等愚智本具不因成佛而增不因爲凡而減惟有事佛必假緣熏而顯事佛旣顯理佛卽圓事理無虧是謂究竟故曰佛種從緣起所以聖人設教貴乎必周必廣者以衆生染淨無常熏發成種故也果林禪人方將以彌陀之願觀音之慈勢至之悲普熏一切有緣如一燈光傳百千燈以至無盡所謂萬人緣者乃無盡燈之嚆矢耳

重建嘉興梭嚴寺佛殿疏

首梭嚴此言一切事究竟堅固一切事者略則五蘊

六入廣則十二處十八界也。初長水璩禪師讀首楞嚴經至清淨本然云何忽生山河大地處。疑而不解。及參瑯琊覺曰。清淨本然云何忽生山河大地。覺曰。清淨本然云何忽生山河大地。璩師於是疑情頓釋。歸檣李疏。此經譬夫禹之治水。循其性而疏之。古今稱絕唱焉。茲寺自宋迄本朝時。雖代謝慧炬常然。像設莊嚴。香臺靜宇。昭映日月。而諸方龍象。道長水者。必懷香入郭。探尋靈跡。戀弗忍去。蓋璩師行化之地。精神所存故也。嘉靖閒。寺廢僧徒散逸。殊林寶地。鞠爲丘墟。余過而哀之。無何豫章開郡。擁錫東來。遂有恢復之舉。旣而諸縉紳先生高其義。羣然和之。誠通造物。枯木爲之重榮。甘泉爲之再湧。於是禪室粗備。香燈續明。唯大雄寶殿尙有待焉。敢告四方賢豪。見善隨喜。勝因宜培。嗚呼璩師因讀楞嚴而生疑。因疑而參瑯琊。頓悟清淨本然之心。遂爲百世心宗之祖。然璩師所悟之心。豈外諸君子日用昭昭靈靈者乎。特迷悟一閒耳。故迷之則清淨本然。遂爲五蘊六入十二處十八界。悟之則五蘊六入十二處十八界未

始不清淨本然也。由是觀之。則一切事究竟堅固。一切事不究竟堅固。苟非其人。道不虛行。然則諸君子。凡有樹於樓殿者。如富者施財。貧者施力。辯者施言。藝者施伎。有力者之金湯。孰非究竟堅固者哉。

懺薦牛麋疏

夫忽生之前。我尙不有。喚誰作業。有業有酬。是以造善則升。造惡則墜。墜極思本本於惡。因翻然改圖。惟善是務。墜因始杜。福報油然而人。天途開。鬼獄緣薄。墜者日升。升者日多。寡相資。升墜無已。某披搜聖斷。罪福昭如。凡有所辜。敢不懺薦。薦曆甲午八月初。掛搭匡廬。忽構瘧疾。寒熱交楚。神識煎惶。將百日有餘。幻質憔悴。氣力衰微。畏寒服皮。兼飲牛乳。皮則九甕。牛乳百斤。服飲之餘。竊生慚愧。蓋充佛子。道業不修。慧不勝痴。致此重罰。猶借毛族身分。資生。苟不仗佛慈口。讀內典。心生恐怖。罪花難凋。福果非香。於是始服麋皮。卽發願心。一皮轉妙法蓮花經一部。九皮九轉。酬乳惟三。願彼牛麋。乘此法力。解脫毛羣。生人天界。英特超朗。福慧並深。不忘宿命。常思德本。委肝

棄腦竭生盡誠痛念我恩忘我資已護持佛法昭廓
人天扶升抑墜虛空有盡彼願無窮福慧爲航廣載
一切凡有知者彼岸咸登某今幸身體康強精力如
舊若忘初願有如梵川於是洒掃館室張掛如來儀
容然燈燒香朝暮勤劬無敢懈疲口讀妙法心注妙
義身體蓮花三業清淨懺摩牛虻傍生罪戾如湯消
冰現業往因應念化成無上知覺生生世世我爲其
師牛虻爲子現人天身摧邪輔正轉大法輪震大法
雷十方三世微塵刹海凡有情處願力悉充如空充
滿雖有聖智於色邊際揀毛許色相決不可得故色
充滿卽是空充滿又如水多水多泥多象大水深濕
深我發是願牛虻如船我如明月船載明月歸宿無
得不勝慚悚仰于三寶證明謹疏

本空上人住西菴飯僧疏

夫公私無常心忘已爲人則謂之公忘人爲已則謂
之私公則無爲而不大私則無爲而不小故以廣心
施一針則福德難量以狹心施千金其福德亦有限
也由是觀之則作福聚德豈惟富貴者能之而貧賤

者不能耶願其施心廣狹何如耳通江橋西百步許
有華嚴菴者乃太宰陸公司寇王公捐俸買廢菴而
延本空上人飯僧之所也五臺弇州二公現宰官身
猶爲客比丘計若此況吾曹乎佛言住家比丘見客
比丘來不喜者是我法滅之兆夫喜與不喜公私判
然我曹苟有把茆蓋頭痛以佛誠警心則法將滅而
復昌熾可期也本空勉諸

代大衆止雨祈晴疏

伏聞一心不生萬法無咎三言感格五福咸臻茲者
淫雨連綿田疇漸沒百穀將腐黎民絕再生之望一
人憂惶溥海增有死之悲溝壑幾填之時性命未殘
之際痛省水滂之災目外無青光輝之錫心上有微
故衆生不貪水滂無源衆生不瞋亢旱無本情遷而
後有凶吉心動而後屬陰陽今某等挾責有方塞源
有土仰仗佛法僧三寶威神之力君親師三敬精到
之誠合捐淨資營辦微供然香諷經禮懺兼洗人我
之愆尊卑之罪伏願上天俯察赦難解之刑賜易求
之福天風忽起羣陰掃盡而無遺曷日頓生萬物均

輝而共戴。再願聖主算餘天地。臣佐福等山河自然。風不鳴條。雨不破塊。合境之內。比閭之閒。無擇長幼。共享安康。

募寫十六開士道影疏

夫形之與影。未始不相因而有也。亦未始不相因而無也。然則有無之初。有不相因而有。有不相因而無者。存焉明矣。世人徒役於有無形影之閒。流而忘反。以真爲假。以假爲真。衆患生焉。聖人悲之。卽真假而設方便。以爲從有形。可以入無形。由有無。可以入非有非無。入而全之。則向之所謂存焉者。昭然在目也。雖然。形近乎有影。近乎無。近則易入。是故聖人形化而影留。使天下後世。卽影得形。卽形得心。卽心復性。亦猶從有入無。從無入不無者也。今有人誓寫十六開士道影三十餘堂。徧散寰內。名利供養之。如片月在天。影臨萬水。或因此而得復性。則生是心者。豈非大慈乎哉。說者以爲影不若形。形不若心。心不似性。何不卽以性示安事。影爲是不知。由粗可以得精。由精可以入妙。若然者。則粗爲入妙之嚆矢。明矣。達觀

道人聞而悅之。乃張大其說。以廣勸。知其道者。共成勝事云耳。

盧溝橋資福菴募資常住地疏

盧溝橋東資福菴。菴中守心老禪。鑿土得泉。泉鳴如雷。衆人皆驚不移。時鳴止。唯寒流湛然。來源莫測。其深淺老禪汲之。普施四方。往來渴乏者。然綆短井深。慮不能久。遂斫木爲輪。合輪爲轂。利有用。無以人役。畜輪名般。若泉名福海。人畜俱名菩薩。老禪意者。以菩薩運般若輪。汲福海水。周濟十方。無論貴賤人畜。有心無心。凡沾涓滴者。皆得發明自心。同登彼岸。托蓮華中。親近彌陀。達觀道人聞而悅之。悅而隨喜之。喟然歎曰。大哉是輪。軋軋福海。上下無常。虛而不屈。守心老禪。以無盡願力。持之運而不窮。則其功德。豈可心思口議者。歟。於是爲之倡。一百七十人。緣買地四百餘畝。用資常住。使般若之輪。福海之水。潤沾一切。終古無息。伏願見者聞者。於此因緣。生大歡喜。生大感激。慨然破慳貪。囊施如意珠。共成勝事。顧不美哉。

方山李長者像前自卜出處疏

伏聞佛祖聖賢凡出出處處必隨宜而然若不隨宜則機不逗物於教於法於自於他皆無利益某自惟發身於荒寒絕俗於倉卒乘虛入實弄假成真此心此跡一切顛末人雖不知自決了了且佛祖智鑒前無量劫後無量劫現前無量事如秋潭無波湛徹三際微雲度空纖影弗昧自然某平生好醜皆在照中然而某見地雖則無疑而現行思惑逢緣觸境智劣識強每墮愆失自惟出處未即判然何者顧在身命易捨於教無益於法無補如是則出不如處也又念祖道荒涼陵遲不忍受其恩而不能捐軀報德寸心難安如是則處不如出也於是於某年月日躬詣長者尊像前焚香疏意拈闡決之伏惟長者不吝慈悲爲教爲法爲某判然一決出處敢不奉命不勝惶悚以聞

喜禪人然指修檀溪寺疏

吾悲世之人知有昨日知有今日又知有明日若以三世詰之則曰不知也殊不知過去世即昨日現在世即今日未來世即明日故曰昨日今日與明日是

名小三世過去現在與未來是明大三日可見今生富貴者必從前所修而來現在貧賤者必從前所不修而召然有前修而富貴不能榮者前不修而貧賤不能累者此乃富貴貧賤初無增減者也此兩者知其修而不知其不能修者是謂福人知其不能修者而初無所修是謂智人惟佛與諸大菩薩始二嚴俱備檀溪寺昔道安祖師率襄人修智福之所邇來凋落不堪有真喜禪人雖有志修建願福德涼薄無以感人乃以指爲燭燃而供佛且誓曰喜若心眞勝事必克喜心不眞勝事難成吾聞襄之僧徒僉曰喜禪人然指修寺非爲衣食勝事無終神其無靈予四月二十四日再遊檀溪適值喜禪人察其眉宇知其心眞遂書此仰白十方云

施堅固子及頂骨莊嚴佛像疏

恭聞七寶布施滿四方空福德無邊終歸生滅全身頓捐等一芥子慧光圓極始契眞常是故雪山菩薩不以微軀慳惜得法於形骸之餘善財童子不以百城迢遙滿心於烟水之聚倘非憂深慮遠願終難克

必須誠竭思窮道則易成。然姪機不斷血肉。化腥臊之物。欲習順枯。皮膚成香潔之珠。心有粗精。塗分香臭。苟悟一念未生之始。聖凡誰名。痛觀四微。初借之時。男女始兆。故萬寶之海。惟舍利爲君。堅固爲輔。良以無生未達。緣生夢擬。若了緣生。腥臊不朽。天地毀而堅固無損。出界空而舍利常光。比丘可九頓首於釋迦如來及文殊普賢十八阿羅漢像。設靈焰之中。布施堅固子三十顆。頂骨三十圓。永安於主伴五腑之虛。所願弟子可生生世世在在處處。升沉交加之際。凡聖互聚之場。見思未斷。常以比丘身承事三寶。如影隨形。如光隨鏡。影逢陰滅。光受塵封。吾此願心。精持堅密。非同光影滅處。愈彰封時。愈照幸而見思惑斷。一切禰身隨類弘法。無敢疲厭。更願施我堅固者。施我頂骨者。我所積福慧。皆迴向施者。并一切衆生。福等佛。福慧等佛。慧我願。始滿我聞。無論僧俗。凡修福慧。福慧十分。國王得四分。修者得六分。何以故。皇帝爲世主。故作福慧者。若不仰仗世主。寵靈護持之德。欲作一毛頭福慧。終不可得。是故修福慧者。無

忘君恩。親恩。師恩。施者恩。善友恩。如忽略忘恩者。寧惟作福慧難成。卽人身易失。壽命不長。百凶交聚。萬吉自消。我故追思種種之恩。五內如焚。一心悲痛。代發種種願心。伏乞十方常住三寶釋迦如來十二部經。懽陳如尊者一切聖凡護法靈聰共垂證盟。又願發願之後當今

聖主堯風永扇。舜日長明。四海清平。萬民樂業。生身父母。光生於朽。骨悟達於遊魂。可再九頓首。不勝慚痛。謹疏

度亮疏

伏聞如來明誨。比丘不得服絲綿絹帛。靴履裘。臚茲可久。瘡之餘。精氣少損。形骸羸弱。動止畏寒。苟不以皮革藩屏。則江風夜露。恐難支禦。於是賈亮皮若干張。緝下衣一條。聊防先患。雖則律有開遮。持犯之欺。然內心終不自安。切念亮類生前黑業牽連。死後慈門無路。命殘箭網。皮碎刀針。今既用其氣分。將來瓜葛難辭。若不預期超拔。作緣未必無階。所以用一皮爲其口誦妙法蓮華經一部。伏願仗如來之慈力妙

法之威神。竟等開迷雲於剎那。梯覺路於般若。若自知作佛如鑿井。見泥發願度生。卽窮子得寶。

祈雨疏

恭聞聖人無常心。衆生無常習。顯在感應。奚若則機教生焉。譬如醫無常。醫病無常。病醫病相扣。而精粗始辨。故病以寒者治之以寒。藥病以熱者治之以熱。藥如衆生有無量病。佛爲醫王。亦有無量藥。世有亢旱之憂。如來則不憊實力之應。又此實力者。非但如來獨有。亦有天實力。地實力。聖實力。凡實力。龍王實力。龍王眷屬實力。併一切鬼神餘部等實力。所以雨不求則不降。衆生不感。諸佛不應。然諸佛中有大悲雲生。如來者。深愍衆生亢旱之苦。禾苗不秀。則穀飯無本。穀飯無本。則衆生生機絕矣。於是大悲雲生。如來發願救之。故凡有亢旱之處。稱此如來名。則如來大自在。實力三昧之用。率諸聖凡種種齊施。實力轉枯槁而爲滋茂。卽亢陽而爲甘霖。伏願大悲雲生。如來不違本誓。俯應羣機。三草二木。一切百穀。普救焦枯。並得秀實。謹疏。

卷之十三

紫柏老人集卷之十四

明 憨山德清 閱

金剛經白文序

此經東來。熾於唐。迄於歷代。芒寒色正。皎如日月。逮我明。揚光續燄。雖不乏人。而金剛正眼。若墮雲霧。蓋常思其故。學問尙理。謂之所知。愚所知。愚不破。則自心不得現。前自心不得現。前則心隨境轉。糾纏莫解。以有所住。見求無所住。心離經分。析蕭統孤誕。沁於識海。而經曷由明乎。欲經之明。莫若直求佛心。欲求佛心。莫若持誦本文。冥冥於離微玄妙之外。堅精於死生順逆之關心。心不斷。如醉之於酪。如麴蘖之於酒。亦非有心。亦非無心。緣緣之中。有忽然而成者。故大鑑本新州賣柴漢耳。非積文字義理之素。偶然馳擔。聞經心開。因造黃梅。取祖印而佩之。號於萬世曰六祖。夫非歷劫聞熏緣緣成熟之明驗耶。昔龐蘊一日。仰臥讀此經。丹霞詞之曰。非慢法乎。蘊於左足加右足而已。余讀傳燈錄至此。未嘗不流涕交頤。扼腕而痛不已也。今刪分數刻。經本文如來之旨。雲廓天。

布凡有知識者。死生受持操大鑑之券。以展龐公之用。則酪出乳中。決矣。

石門文字禪序

夫自晉宋齊梁學道者。爭以金屑翳眼。而初祖東來。應病投劑。直指人心。不立文字。後之承虛接響。不識藥忌者。遂一切峻其垣。而築文字於禪之外。由是分疆列界。剖判虛空。學禪者不務精義。學文字者不務了心。夫義不精。則心了而不光大。精義而不了心。則文字終不入神。故寶覺欲以爲學之學。朝宗百川而無盡歎。民公南海波斯。因風到岸。標榜具存。議刑不遠。嗚呼。可以思矣。蓋禪如春也。文字則花也。春在於花。全花是春。花在於春。全春是花。而曰禪與文字有二手哉。故德山臨濟。棒喝交馳。未嘗非文字也。清涼天台。疏經造論。未嘗非禪也。而曰禪與文字有二手哉。逮於晚近。更相笑而更相非。嚴於水火矣。宋寂音尊者憂之。因名其所著曰文字禪。夫齊秦構難。而按以周天子之命令。遂投戈臥鼓。而順於大化。則文字禪之爲也。蓋此老子向春臺。擷衆芳。諦知春花之際。

無地寄眼。故橫心所見。橫口所言。闢千紅萬紫於三寸枯管之下。於此把住。水泄不通。卽於此放行。波瀾浩渺。乃至逗物而吟。逢緣而咏。並入編中。夫何所謂禪與文字者。夫是之謂文字禪。而禪與文字有二手哉。噫。此一枝花。自瞿曇拈後。數千餘年。擲在糞掃堆頭。而寂音再一拈似。卽今流布。踈影撩人。暗香浮鼻。其誰爲破顏者。

重刻智證傳序

大法之衰。由吾儕綱宗不明。以故祖令不行。而魔外充斥。卽三尺豎子。掠取古德剩句。不知好惡。計爲已悟。僭竊公行。可歎也。有宋覺範禪師。於是手懼。乃離合宗教。引事比類。折衷五家宗旨。至發其所秘。犯其所忌。而不惜昔人比之貫高程嬰。公孫杵臼之謂。心噫。亦可悲矣。書以智證名。非智不足以辨邪正。非證不足以行賞罰。蓋照用全方。能荷大法也。充覺範之心。卽天下有一人焉。能讀此書。直究綱宗。行祖令。斯不負著書之意。卽未能洞明此書。而能廣其傳於天下。以待夫一人焉。能洞明之者。縱未能卽酬覺範之

志亦覺範所與也。覺範所著有僧寶傳、林閒錄，與是書相表裏。業已有善刻金沙于中甫比部，復捐貲刻是書三集，並行於世。亦法門一快事也。有志於宗門者，珍重流通，是所望云。

麟禪人刺血跪書華嚴經序

吾襟華通法界之經也。直指毗盧果海性德圓融，無礙廣大自在微細，嚴以示衆生日用現證平等心地。法門欲因之以廓塵習，昭真境不離當處，頓得無量受用耳。觀夫佛等衆生等，刹土塵毛染淨等劫，念往來三際等迷悟因果理事等法，爾如然居然自在，惟其所以不等者，良由吾人自昧於一念之差。究竟有天淵之隔，所以情生智隔，想變體殊。故曰奇哉奇哉，一切衆生具有如來智慧德相，但以妄想顛倒執著而不證得。若離妄想執著，則自然業智當下現前，如一微塵具含大千經卷。智人明見剖而出之，則利用無窮。由是觀之，無論衆生心具不具，只在當人眼明不明耳。豈更有他哉？是以文殊舉之以爲智，普賢操之以爲行，善財挾之以發心，彌勒帶之而趣果。四十

二位之各證五十三人之全提，月滿三觀，星羅十門，行布圓融，事理無礙，以極塵毛涉入，依正互嚴，種種言詮重重法象，火聚刀山之解脫，臥棘牛狗之堅持，乃至異類潛行，分身散影，無非游刃微塵之利具也。由具利則塵易破，塵破則經卷出，經卷出則德性彰，德性彰則果海足，果海足則無不足，其猶融會萬派，吐納百川，故德用無邊，惟心現量恒沙佛土，卽目非遙，不涉途程而頓證者，只在當人一念回光返照之力耳。斯則六千道成於言下，猶是鈍根三喚普賢於目前，豈爲智眼信乎？聖賢封蔀，識情非上根圓器，其孰彷彿之故？曰衆生日用而不知，苟知之則根塵識界草芥塵毛，通爲法界之真經，屈伸俯仰，咳唾掉臂，總是普賢之妙行。以如是經海墨積書而不盡，以如是行日用現行而有餘，如是則非智眼莫能見，非大力莫能荷。今麟禪人用瀝血跪書此經，是明見而後書之耶？抑因書而後明見耶？猶然書之欲見而未及見耶？若明見而後書，則不待操觚全經已具，如臨寶鏡，又豈淋漓翰墨區區於簡牘文字之間耶？若因書

而後明見則現前日用妙用全彰似懸珠網又豈昏沉業識茫茫於水月空華之界耶若書之欲見而未及見則析骨爲筆剥皮爲紙刺血爲墨徒點染太虛揮洒金屑豈不重增迷悶枉歷辛勤耶雖然一枝葉落而天下秋回寸管灰飛而大地春起是則書與不書全經自在見與不見明昧一如悲夫夜壑藏舟力者負之而不覺覺則透出毗盧全彰法界昭昭然毫端眉睫之間物物頭頭而與普賢交臂也此其麟乎休師有言華嚴性海與我同遊者捨子其誰歟否則暫閉閣門試請回途重參曼室大士子行矣無忘所屬

小板法華經序

此經不屬刻未刻亦不屬刻未刻所以衆生與諸佛未嘗須臾離此經也然諸佛證而忘之忘而用之故日用觸事而眞眞則神神則不可測故曰此經非思量分別之所能解唐修雅法師謂此經佛之意祖之隨衆生之心由是觀之則修雅之言又可比丘之左券也雖然衆生日用而不知又豈能證而忘之忘

而用之哉故不知此經者不可不知證此經者不可不忘之故曰情存一念悟寧越昔時迷橋李鮑勝友昆季發心刻小字梵筌妙法華經與佛頂首楞嚴經法華根於無量義處束爲六萬餘言六萬餘言束爲二十八品二十八品束爲七軸七軸束爲如是妙法四字而已四字束爲衆生日用現前一念一念束至於無念無念卽無量義處也此無量義處則十方三世聖凡依正精蘊好醜報復因果皆無量義處大圓鏡之影像也鮑勝友昆季所刻二經筆畫精爽流布稀奇負笈擔囊行脚甚便於鑑照眞不可思議功德耳鶴林葉公屬比丘跋之比丘素不能言姑書鮑勝友昆季刻二經緣起遺之然二經刻未刻二勝友於境風逆順之頃未嘗不流布也

小板楞嚴經序

首楞嚴此言一切事究竟堅固一切事究竟堅固卽法華觸事而眞也第名異而實同故未得堅固定者往往被名言所轉耳楞嚴七處徵心與八還辨見佛與阿難主賓酬酢往復奇險雖蘇秦張儀之辨設登

機嚴會上知其必舌卷而神喪矣。蓋蘇張能馳聘有心有見之域。一步無心無見之場。其舌之卷神之喪不亦宜乎。嗚呼。無心則無不知。無見則無不視。於無不知之知。無不視之視。會一切聖凡好醜之事。則何事不堅固哉。鮑勝友昆季。倘能悟此。則峻嚴與法華字字皆實相。頂佛也。

重壽投子青和尚頌古集序

洞上家風。曹山三墮日出。連山月圓。當戶縱橫生殺。明暗相參。無縫布衫。木人服得半穿。皮履石女拖來。汝若下劣。寶几珍御。汝若驚異。白牯狸奴。至於雲鬢頂急。佛眼難窺。劫外靈枝。烏雞失曉。此非賣油翁的骨兒。孫管取未夢見在。噫。此一段家風。寂寥地久矣。歲戊戌一陽初復。連山之日重放光明。當戶之月倍加精彩。吳臨川謂天地君親師皆罔極之恩。一官盡瘁萬下。一哭若舉揚洞上家風。君臣五位。曹山三墮。使下劣者觀寶几而情消。驚異者觸狸奴而心歇。輝佛日固皇圖。莫是過也。雖然。曹洞家風綿密精深。若非真參實悟。掉臂祖關者。往往心粗膽大。死在

勾下。故賣油翁頌藥山與雲巖遊山腰。開刀響因緣曰。大鵬無伴過天池。師子將兒絕後隨。崑崙觸犯歸行路。一吼吞雲萬象馳。看此翁作略如此。濟上謂之全機。大用全機。大用。即兩個泥牛鬪入海之機也。不是家裡人。切不可向痴兒前說。夢臨川受性疎朴。甘澹泊如魚。甘水昔舒王見蔣山元。問向上事。元曰。公有障道者三。近道者一。賞舒王平生甘澹泊如頭陀耳。

遠公五論序

夫論以不敬王者名。果不敬乎。蓋將折衷於至理而特申其情耳。其情既伸。則知方內方外並行而不悖矣。豈唯不悖哉。將使方內有資。方外弘通之益。而方外有啓。方內無生之明。有啓無生之明。乃凡有所知者。皆沾其靈照。有資弘通之益。方外之賓。雖跡絕於物。苟欲行道。必乘王者之運。其化始廣也。是故經世能以出世爲宗。謂之豪傑。而聖賢出世。能以經世爲用。謂之聖賢。而豪傑若然者。方內方外。猶波與水耳。今有人於斯。謂必撥波而飲水。其渴始解。外水而能

波其源始澄。雖三尺童子必聚口而笑。況上智乎。茲論五篇大略。階淺及深。緣微而著。在家奉法。以體極爲尊。順化爲宅。所以重君親也。方外之士。必以求宗而超化。超化則不貴厚生爲益。求宗則以息患爲功。以至形神殊致。形則有聚有散。神則無滅無生。是以爲善必召餘慶。爲惡必有餘殃。辟夫昨日敬客。今日客敬我。昨日辱人。今日人辱我。如我前生爲善。今日得樂。前生爲惡。今日罹殃。推而廣之。一生既爾。則千生萬生。以至無盡生。靡不皆然也。嗚呼。孔子作春秋。托名於褒貶。使後世亂臣賊子懼誅。而不敢肆。橫夫名者。實也。借名而討罪。天下尙誠而生。恐我樓煩大師。特伸亮到之心。情剖無生之旨。使夫高識之流。卽緣生而達無生。籍無生而廣治道。小人知爲惡有報。則其遷善之心。不待刑後而始生。君子知爲善無罪。能爲之弗已。則善化而造微微。則妙妙則不可以有心求。不可以無心入。有無既不能彷彿。其獎豈可以心思口議哉。以此觀之。東魯之於樓煩。名實可辨矣。然此論不行世久矣。予甚慨之。如日月在天。浮雲蔽

之使天下不覩其光輝。如摩尼在秘。使饑寒者莫得濟其欲。於是授梓弘通。凡有緣者。如渴飲海。雖小腹與大腹。固不同量。恣其各得所飽也。

重刻應庵和尚語錄序

臨濟正宗大於楊岐。會盛於五祖。演至於圓悟。嫡嗣曰虎丘隆。而隆之嫡嗣。應庵和尚是也。予讀和尚住處州妙嚴禪院語。乃知此老有心開飯店。爭柰米不賤。饑者怕來喫飽者又生厭。若有人於潭柘句中理會得。卽要見應庵亦不難。若也理會未得。見潭柘尙難。況見應庵者哉。

記

造旃檀輪記

俟刻方冊大藏經成。予願造旃檀輪貯之。輪之上下列四聖六凡輪之最下。謂之心海。蓋四聖六凡雖升沈有異。而離心別無建立。故曰離圓覺無六道。舍圓覺無三乘。圓覺卽自心之別名也。大藏經五千餘卷。雖發深佛等圓別迥殊。至於權權實實。千變萬化。不過發明我之本有心源耳。若然則心海之大。此輪之

妙轉而弗停流而無止正如夜光之寶宛轉於金盤之中未嘗息焉。但衆生見有身故即生死浩然執有心故即愛憎橫起是以心海之大迷而成小此輪之妙轉而爲粗若復大藏流充寰宇使凡有心識者藉佛靈寵於一言半句之下心海開通即粗爲妙則刺經之功造輪之勝又豈凡夫淺見薄識所能思議者乎老漢雖不敏願心既發輪影已成由影而形將徧塵刹由一佛境至於百千佛境由百千佛境至於無量佛境此心此願亦隨諸佛境昭廓我既昭廓願一切衆生如我無異雖然唯不能始終之爲難即刻經之祭若觸可意不可意事此皆十方諸佛護念汝之深慈也無得錯會

微笑庵記

夫微笑者金剛王寶劍也是凡是聖嬰其鋒芒命根立斷故我大覺老人拈花於靈山會上能破顏而微笑者飲光一人而已至於風穴上堂拈飲光微笑勸諸大衆惟念法華接拍成令耳萬曆丁酉於吳江觀音大士像前偶閱大寶積經兜率天授記品觸著我

釋迦如來微笑光劍是時也但覺根外無境界外無根根境各不相到直得一切凡聖窩窟不踢自翻然知根境不相到者復是何物嗚呼眼不見眼鼻不嗅鼻花不拈花香不聞香請試道看如道不得則達觀道人且不妨移名換字去也徑山寂照之傍有大白寮取綾轆大白傘蓋意也忽後人妄會爲老氏大白若辱故用微笑易之凡我法屬若知易名之意管取立地凡聖情盡笑光劍新無擇有心無心百尺竿頭進步不進步吹毛劍上舍命不舍命道人但管盡法不管無民如是則此微笑光劍又爲塗毒鼓也咦大衆火速掩耳留取窮性命下五峰出雙徑震大法雷施大法雨也不是分外事各各珍重

長松館記

長松館在潯陽城中其地有隱然隆然之勢館去廬岳不遠故山嵐潭霧每輕籠遲迴而不滅滅而忽明明滅無常焉昔山谷謂招隱風槩湖光山色朝莫萬態能陰而善晴若有鬼神假之作奇供以微福於有道之士今是館之嵐霧陰晴於前後左右之松似亦

不遜招隱也。顧子非有道者耳。往年抱瘡松雲閒來。慈偕其弟匡石多方調治。予性不耐服藥。復恣情所爽口者。故瘡鬼得肆焉。既而予瘡稍瘳。遂有曹溪之役。曹溪還復。償牢山之盟。奄忽三易寒暑。至戊戌結夏。襄之隆東華嚴寺時。廬岳黃龍潭名修潔者。齎來慈書。至則匡石已有淨土之遊矣。嘆息久之。於是復還潯陽。一棹匡石淹留累日。復坐長松軒下。經行庭除。見山嵐潭霧。變態恍惚。不覺追惟過現。交遊聚散之情。與夫死生之變。並不可以思惟心定其凶吉。若嵐霧之幻化。可見而不可執捉者也。夫名與利。衆人之所爭者也。身與心。衆人之所執者也。然有變化密移之君。握其機權。而我人閒世。無論智愚貴賤。皆不敢不遵其命者也。惟未窮而知變者。能棄衆人之所爭。空衆人之所執。則密移之君。始不得逞其權耳。卽過現之機局。既然則六合之內。六合之外。種種升沈情狀。何異乎館之前後左右。山嵐潭霧去來之無常哉。

歸宗堅固子記

歲戊戌。汪大參靜峰授實齋居士堅固子一頤。己亥春。饒州阮司丞遣皖山馬祖庵主圓通齋沉香龕一座。供養紫柏紫柏以授實齋居士。貯大參所授堅固子鎮撫歸宗居士曰。汪大參無心於沉香龕。阮司丞亦無心於堅固子。兩無心而適相受。如磁石針自然相吸。願乞一言記之。紫柏曰。夫堅固不自堅。固香龕不自香。龕我謂之堅。固則堅。固現前我謂之香。龕則香。龕本具。如謂堅固與香龕是兩物。則分別未忘。又謂堅固與香龕皆非心外之物。則能以理融事。本能觸事而真。苟能觸事而真。十方三世皆堅固子也。盡空法界皆沉香龕也。汪大參與阮司丞作如是施。則一施一切施。實齋居士作如是受。則一受一切受。一施一切施。施本無施。一受一切受。受本無受。施本無施。施無有窮。受本無受。受無有盡。如是施何異虛空。生風如是受何異鏡光。納影所以劫石消而施受皆無盡藏也。居士知此。則金輪與法輪日用齊轉。豈惟堅固子與沉香龕善。能說偈哉。松風水月。瓦礫荊棘。無非歸宗廣長舌相也。

檀溪寺菩提燈記

我聞世出世間有五種廣大音聲。能爲五乘之雷。隨宜而震驚之。皆從如來功德法力中流出也。如對十惡。賞十善。此震驚人天乘之雷也。如遠諸行。無常是生滅法。涅槃寂靜。無爲安樂。此震驚聲聞乘之雷也。如悟不由他狹。視聲聞獨覺。得道。此震驚緣覺乘之雷也。如叱咤二乘。廣修六度。不斷菩薩行。不舍菩提心。處無量生死而不疲厭。此震驚菩薩乘之雷也。如云。此是第一乘勝乘。最勝乘。上乘。無上乘。此震驚大心衆生之雷也。此五乘雷。又名五菩提燈。蓋雷能發聰。燈能開明。聰發則聞遠。而聽無遠。近明開則見微。而視無中邊矣。若然者。則一微之內。十虛之外。而無遺聰遺明焉。惟聰無遺耳。可以觀色。惟明無遺眼。可以聞聲。故曰。寄根明發。則明不循根。明不循根。豈惟眼可觀聲。亦可聞香。亦可嘗味。亦可覺觸。亦可知法。卽我身八萬四千毛孔。亦可以見色聞聲也。憶一根而具六根之用。非至明至勇而返流全一者。其孰能之。萬曆戊戌新秋。日有宰官菩薩金牛居士王爾康。

遊檀溪寺瞻設隱之遺蹤。不堪其岑寂。時有寒泉古柏。獨守檀溪之句。始鑄律銀一兩。囑寺僧真喜。佃地一畝。稍資佛前燈火之明。倘有同志者十人。則佃地有十畝之資。明不廣且遠哉。或又因明而延聰。有施鐘鼓而作佛事者。未可知也。涅槃有塗毒鼓句。梭嚴有擊鐘輪常之辭。此又五種廣大音聲之註脚也。顧其人所聞所見何如耳。如以人天眼耳聞見之。則謂之人天菩提燈。人天鐘鼓聲。乃至大心衆生眼耳聞見之。則謂之大心衆生菩提燈。菩提鐘鼓聲。又曰。心外無法。如當機薦此。則近取諸身。遠取諸物。何法非菩提燈。非菩提鐘鼓聲哉。紫栢道人聞居士之橫口。如此陰不悅其鬚髮未除。而攬我談柄。聊記此以爲他日索柄之媒云。

房山縣天開骨香庵記

夫聖人無常身。以衆生身爲身。辟如月無常影。以百川澄湛而影現焉。萬曆壬申五月十九日。涿鹿山雲居東觀音寺住持明亮等。以修補石經山雷音窟中三世佛座下地面石石下有一石函。函面鐫曰大隋。

大業十二年歲次丙子四月丁巳朔八日甲子於此
函內安置佛舍利三粒願住持永劫明亮等見之且
驚且喜遂揭視之內有小銅函銅函內有小金函金
函內有小金瓶如胡豆許內秘舍利果三粒小大有
差一大逾粟一如粟一細逾粟而銅函外皆靈骨附
焉嗚呼自隋迄明逾千載而舍利靈骨俱時復現
豈偶然哉將非積年水旱弗調邊塞多虞佛祖悲憫
示此希有爲和風甘雨殄滅腥醜之徵乎將非大明
主化瞋習爲慈波乎抑聖母崇信三尊所致乎予聞
石經山自北齊慧思尊者鑄大藏於石以壽佛慧命
隋靜琬繼之至元慧月終焉琬公圓寂靈骨一分塔
於靈居寺背一分藏雷音窟中今者舍利靈骨是必
琬公門弟子之所藏也子問開侍者曰佛身充滿法
界乎對曰佛與衆生本無差別寧不充滿予又問曰
佛身既充滿舍利亦充滿乎開方沉吟予振聲喝曰
汝不聞昔有中貴登浙江阿育王山未進三門問笑
翁曰舍利安在笑翁指松枝松枝遂放光汝若知此
則舍利充滿與不充滿自知下落余又何言雖然洪

鍾虛受靡扣不應幽谷無私有聲斯響故望無常身
月無常影水清則影現機感則聖應是室之建有年
數矣而未得名俟舍利靈骨併光照臨始得名焉予
與二三子皆得信宿舍利光中又得忍菴慈公昆季
爲香飯主人何幸如之夫衆生骨臭諸佛骨香而果
香臭有常凡豈成聖垢豈能淨予以骨香名此菴者
了知一切衆生初無常性以其隨順無明而六道星
陳若不隨順誰骨非香願登菴思名得名思意得意
忘思思忘忘忘若然者豈惟是室爲骨香哉四方上
下無往而非骨香也

陸太宰手印記

昔有一王生而勤善至老無懈但臨命終時偶觸逆
境瞋心一生因此命盡卽墮蟒身以善根力故身雖
墮蟒自知是蟒求脫無由竊以爲幸得一比丘爲我
說三歸五戒蟒身可脫也時有一比丘至蟒處不知
蟒蟠林中忽聞有呼比丘者比丘異之此深山曠野
樹林叢雜何人呼我躊躇四顧又呼曰比丘我是某
王以臨終生瞋今墮蟒身願大德說三歸五戒度我

脫苦比丘曰某王生而勤善至老無懈死必生天。豈墮蟒身耶。蟒曰。以我臨終。瞋熾。瞋主善伴。伴必隨主。故墮蟒身。以生平勤善力。故所以若聞三歸五戒。蟒身可脫。於是比丘遂爲說三歸五戒。訖。蟒果死。奇哉。念力變通。無常生而勤善死。動瞋心。故善不善。新瞋受報。及聞歸戒。以新善熏力。故善隨續。瞋消。蟒死而。生天。奇哉。念力何其神乎。卽此而觀。可知念無大小。若因善生心。雖事大而難成。必當深思遠慮。千萬方便。委曲爲之。若因惡生心。事雖微細。必當直下克去。所欲勿使成之。自然此世他生。入閒天上。受報光大。德冠常倫。凡所欲爲。靡不克願。何以故。最初善念力。故故曰。善不可不勤。惡不可不克。當湖陸太宰生平信佛。至於護法之際。毀譽超然。若信佛者。卽憎爲愛。若不信者。卽愛爲憎。但知護法事重。而親疎榮辱。了不關心。故其當大病之中。眉宇廓清。神不爲撓。其未病時。以左手爲淨。凡汚染處。決不用之。惟用右手而已。及病勢疑危。不知日出爲朝。日入爲暮。凡歷旬日。則左手第二指與大拇指相掐。堅然若天生而不可。

解者。苟非念力精虔。死生不入其胸。孰能臻於此。嗚呼。左手果淨。右手果不淨。則一身兩手而淨穢亢然不同界。以跡觀之。果如是也。以理推之。又大不然。手無淨穢。淨穢唯心。豈有一人而二心乎。一人既無二心。則心淨無穢。不淨果無穢。不淨寧獨左手謂之淨。將恐右手向謂不淨者。未有不淨者也。何以故。一心既淨。卽從足至頂。從邊至中。以至八萬四千毛孔。無不淨者。故曰。心淨則佛土淨。此聖人之言也。我則曰。心淨則毛孔皆淨。毛孔既皆淨。安得山河國土不皆淨乎。若然者。太宰此印果死而不解。其往生佛土必矣。雖然。可與智者道難爲衆人言也。

經龕畫八部神記

萬曆辛卯。余寫法華變殿二經畢。龕上當繪八部眞形。藉其威神。以禦不祥。使護持二經。在在無恙。而橫李陵嚴寺昱公。適以華嚴變相來予。觀之甚喜。遂屬鄞山丁生雲鵬。臨摹登龕。布置精妙。玲瓏莊嚴。殊爲希有。夫華嚴變相。雖聖凡不同。其主伴森然。威儀具足。至於卽事表法。玄旨幽朗。如月在秋水。不假言語。

使見者各各顯了不惑其中八部如阿修羅此言非天迦樓羅此言金翅鳥緊那羅此言疑人摩睺羅伽此言大蟒夜叉此言苦活毗樓博叉此言種種色莊嚴眼根鳩槃荼此言魘魅鬼乾達婆此言尋香各有其王統無量眷屬敬受佛勅隨處護法本有常光生佛不二隨緣熏炙現相不同故衆生一念起處各有所因如修羅多瞋詔詐迦樓羅吞噉資生緊那羅奏樂得食摩睺羅伽守護伽藍夜叉惱他活已毗樓博叉主領龍衆鳩槃荼食噉精氣魘魅衆生乾達婆尋香奏樂如是種種感報不同亦顧其初心何如耳今一切黑白日用治習之際起念不一試一一觀察此阿修羅業耶此迦樓羅業耶乃至乾達婆業耶照其惡念起處以知見之火精進之風忍辱之治持戒之椎禪定之炭布施之水種種淬煉使一切染習之銅頓鎔無跡則孰非如來種族耶如是則八部靈聰各以見光爲廣長舌相況其秉佛護法肝腦塗地者哉圖而供養之宜矣

趙少宰施大悲菩薩記

夫一心不生手眼無量介然念起手眼用分無量則手可見色眼可捉物用分則手惟能捉眼惟能見以此觀之菩薩衆生手眼平等是以兩目兩臂者能一心不生則圓用無虧千手千眼者介然念起則根塵互限譬如空谷無心千呼千應萬呼萬應然呼者至勞應者無疲空谷虛而匪靈者尙萬應而不窮吾人靈而不虛者呼則有盡況虛而至靈妙萬物而獨立者手其手眼無量諸根互用奚足疑哉乃有疑而未信者蓋執六尺爲軀方寸爲心故也殊不知見小者必失大見狹者必失廣大莫大於無身廣莫廣於無心故曰非無身之至無以示無量百千寶目妙臂非無量百千寶目妙臂無以示無身之至也故無思者可以契同契同者可以圓用圓用則熾然分別而不乖同體如用未至圓雖身如槁木心如死灰皆非眞忘也惟眞忘者猶龍焉彈指之頃現身無常大則可以橫塞虛空細則可以芥子爲宮龍乃有欲之物業力凡用尙難思議況無欲者乎虞山趙少宰以白銅鑄大悲菩薩像手眼姿態妙絕天下達觀道人一見

而悅之。絕現眉宇。少宰曰。師悅之乎。對曰。悅且謂少宰曰。悅名固同。悅心大別。悅爲菩薩。悅利益衆生。是爲出世之悅也。悅功名悅爵位。是爲世間之悅也。貧道固不敏。公能以寶像施我。不敏範而師之。則所惠大矣。敢不銘德。少宰曰。師還天目。願以此像施於青山白雲之間。不亦偉乎。此像藉名山福地。可以久安。又得師爲之主。則天目有主。菩薩有所不佞之願也。既而道人下天目。聞菩薩猶未至。潛豈少宰以空谷之心而應我。吾以呼者之心以俟是像也。歟。雖然。我以法界爲天目。虛空爲大悲。若然者。像不出虞山。未始不在天目也。菩薩雖在虞山。道人未始不在大慈。悲父提。按照燭之中也。恐忘所施。後遂無聞。負少宰之心。施味道人之初願。故記。

禮五祖文

蓋聞過去佛不得無生之心。不得成無上覺道。現在佛不得過去佛心。不得成無上覺道。未來佛不得現在佛心。亦不得成無上覺道。由是而觀。我釋迦老人。若不得迦葉佛心。則不得有心成佛。慈氏不得迦文

之心。亦不得有心成佛。雖然。迦文既不得有心成佛。則靈山會上拈花示衆。惟飲光微笑。領旨是果。有心乎哉。無心乎哉。於此箇別得出前則飲光兄之後則慈氏不敢弟之設。簡別不出計。有則常刺入心。計無則斷刺入心。斷常坑嶮。自古自今。遭其翳眼而墮者。不知其幾矣。是以諸佛菩薩興大慈悲。示大手眼。一實多名。無量方便。當其隨宜出世。曰佛曰祖曰菩薩。曰比丘曰居士。譬如一味多食。一莖多器。識得破者。卽名得實。識不破者。忘實遺名。曰佛曰祖曰菩薩等。皆名也。非實也。所謂實者。古德於無根舌頭直吐消息。曰大衆要識本心。否汝等各各現前靈光。獨耀迥脫根塵。體露眞常。不拘文字。薦取則當下緣心頓歇。脫復生心。卽鄉關萬里。某以是知百丈不得馬祖之心。則不能揚眉吐氣。馬祖不得讓祖之心。則不免家門枯淡。乃知我震旦鼻祖。不得多羅之心。則神光立雪斷臂而求。不知將何分付。昔然燈佛授迦文之記。迦文以無得爲得名。得阿耨多羅三藐三菩提。龍湖聞禪師初參其師。曰無上妙道可得聞乎。其師曰莫

謗他好聞曰。從上以來。光震華梵。豈是虛設其師曰。是實事。聞公卽穎然大悟而去。曹溪呈我五祖大師偈曰。本來無一物。何處惹塵埃。若然者。則某懸懸二十年。若渴鹿思泉。冀一接足。則不勝有心矣。有心則有我。有我則有物。有物則與曹溪本來無物之旨大煞違背矣。雖然見義不爲非勇也。某固不肖。忝爲大師遠孫。寧甘望崖退屈哉。且道不退屈一句。作麼生敢道。大師不得我心。則無以接曹溪。曹溪不得我心。則無以光茂兒孫。直饒威音王佛。設不得我心。縱使百劫坐道場。管取佛法不現前在。若也我不得東村王大伯心。卽不能爲一切聖凡之巴鼻。不惟不能爲一切聖凡之巴鼻。亦不能接引端敬二子發菩提心。及一切助緣。隨喜若霖等。可吐此心於祖前。實不敢以緣勝生。勝情緣。劣生劣情。二情坐斷本心。自露惟願以此。割獻慈光之中。伏願哀憐攝受。

禮石門圓明禪師文

萬曆二十六年十二月十九日。予自廬山歸宗寺。挈開先壽公與吳門朗暉鳥來臨川。於二十九日黃昏。

舟次筠溪石門寺西南隅者。蓋取坤土表信故也。夫信之爲物也。大故出世法與世法微信則皆不成。就如出世法。備殫五位。則以信爲始。世法經綸。五常則以信爲終。故信始終萬法者也。夫出世法中。自飲光微笑以來。能以語言文字揚其笑者。惟馬鳴龍樹而已。然二尊者。皆產於梵。不產於華。產於華。能以語言文字大飲光之笑者。惟谷隱東林與石門而已。石門卽圓明圓明卽寂音。寂音諱洪字覺範。生五十六年而卒。著書百餘部。如尊頂法論。法華譬珠論。僧寶傳。林閒錄。及智證傳。石門文字禪。此皆予所經目者也。其餘渴慕而未及見焉。石門十四歲講唯識論。有聲十九。參雲菴文禪師畢。大事門嘗曰。吾見雲菴之後。不惟死生禍福皆我道具。卽語言文字三昧千萬言。可以立就。又拈楞伽經曰。以自心執着心。似外境轉彼所見。非有是故。說惟心。予卽師所拈觀之。但了心外無法。則前境頓融。法外無心。則我相自化。噫。前境融而我相化。始能自信。黃面瞿曇。借我舌根說法於二千年前。孔老借我舌根。述春秋。刪詩書。作六篇。鳴

道德顛墮肢體則我穀漏子與妄想心已忘於春秋時矣。故飲光一笑落萬古於聲中。顏回一坐坐斷語言文字之路於身心之外。若然者則飲光何長。顏回何短。故短佛而長孔。老短孔而長佛者皆道聽塗說。非三氏的骨兒孫也。夫信有依通之信。有智通之信。故出世法中自飲光乃至曹溪而下於依通之信。智通之信。苟非鷲王水乳豈易擇哉。是以石門於篆面鞭背謫戍瘴海之時。搜剔五家綱宗。精深整理。或禪宗標格防閒。魔外於像季之秋。此心何心。手即仲尼述春秋之心也。故師曰知我者其惟此書乎。罪我者其惟此書乎。所謂五家者即臨濟曹洞雲門僞仰法眼是也。嗚呼。予生於五百年後。師著書於五百年前。予因師之書而始知宗門有綱宗之說。既而寒忘衣。饑忘食。窺索久之。則綱宗青紫照用生殺之機。亦稍盡崖略矣。綱宗崖略不但宗門爲然。即教家亦有綱宗。如天台清涼慈恩。於佛所說法各有所判。如天台有化儀化法四教之說。清涼有小始終頓圓五教之說。泝而上之五天。則有清光戒賢。此皆產於梵者。

也。若谷隱凡佛所說經率以三分判之。所謂序正流通也。戒賢即唐奘師得法師也。戒賢傳彌勒之宗。其宗謂之法相宗。若天台清涼西北馬鳴龍樹皆謂之法性宗。法相如波。法性如水。後世學者各專其門。互相排斥。故波之與水不能通而爲一。此曹皆以情學法者也。非以理學法者也。殊不知凡聖精粗情有而理無者也。凡耳精粗所不能盡者。理有而情無者也。至於甚者斥達磨所傳之宗謂邪禪。其說曰。自飲光以至二十四祖師子尊者爲異見王。斬之安有所謂二十五祖。與夫達磨者乎。彼不知神光學窮內外立雪齊腰。斷左臂置於鼻祖之前。而乞安心使達磨果非聖人。則神光之臂亦不易斷。光能以理自勝。外形骸而求法。豈獨善其身者能爲之乎。蓋其志在兼善萬世者也。及光得粲則光爲二祖。粲爲三祖。三祖有信心。銘其言簡其理精。此非洞了心外無法。法外無心。孰能臻於是。粲授此銘於四祖。信信授此銘於五祖。忍忍授此銘於六祖。能六祖本嶺南新州賣柴漢。初不識文字。語言一日擔柴入市有買買柴適誦金

剛經祖問應無所住而生其心。誦聲未已。祖卽大悟。及賈償柴直。祖問曰。汝所讀者何書。賈曰。金剛經曰。此經何從來。賈曰。蘄州黃梅五祖處得來。祖咨嗟久之。且曰。奈我有老母在。無人養耳。若得十金。安母則黃梅可往也。賈聞而異之。隨施十金。與祖安母。祖至黃梅。忍大師知其根性猛利。故當衆蓋覆之。至祖得衣鉢而南遁後。大闡達磨之宗。長欽光之笑。予以是知馬鳴龍樹。谷隱東林。與圓明大師。皆卽文字語言而傳心。曹溪則卽心而傳文字。語言卽文字。語言而傳心。如波卽水也。卽心而傳文字。語言如水卽波也。波卽水。所謂極數而窮。靈水卽波。所謂窮靈而極數。極數而窮。靈則法相。法性之波也。窮靈而極數。則法性法相之水也。故石門以文字禪名。其書文字波也。禪水也。如必欲離文字而求禪。渴不飲波。必欲潑波而覓水。卽至昏昧寧至此乎。故曰。性宗通而相宗不通。事終不圓。相宗通而性宗不通。理終不徹。事不圓。則不能入事。不成就三昧。理不徹。則不能入理。不成就三昧。縱性相俱通。而不通禪宗。機終不活。機不活。

則理事不成就。三昧雖入而不能用也。若夫圓明大師。則又出入乎性相之樊。掉臂於禪宗之域。卽出世法而融攝世法。以世法而波瀾乎出世之法。如春著花。如花。春穠。鮮秀麗。又如月在秋水。豈煩指點而得其清明者哉。某本殺豬屠狗之夫。唯知飲酒啖肉。恃醉使氣而已。安知所謂佛知見耶。不謂吳門楓橋雨中。承輪道人一盃之接。雨漸而爲甘露。甘露漸而續石門之血脉。石門之血脉幸而續之。則欽光之笑聲。或將傳於龍華會上。未可知也。雖然。不肖何人。敢大言如此。苟無自信於心。初不假於外者。何不憚大川峻嶺。卽窮冬而登石門。此心之痛。惟佛與孔老必皆俯而慈憐者也。偈曰。心外無法。聖凡生殺。情枯智訖。天機始活。稽首石門。心法洞達。欽光之笑。長而不歇。天風怒號。萬竅皆悅。笑不在口。聲豈有滅。太虛爲願。大地爲舌。不肖所悟。圓明之訣。法乳恩深。敢畏風雪。天寒地凍。寒極暖發。千紅萬紫。如來所說。但自忘懷。無往不潔。以潔開物。物皆解脫。以是報恩。何恩弗答。

祭法通寺偏融老師文

予受性豪放。習亦羅羅。一言不合。不覺皆裂。火迸自吳門。遇覺公。棄書。則從。剃染。而舊習亦爲稍更。然於宗教。未有開悟。一日。讀書。張拙。偈。至。斷除妄想。重增病趣。向真如。亦是邪句。舍然大笑。曰。謬矣。何不道。斷除妄想。方除病趣。向真如。不是邪時。旁僧謂予曰。公以爲張拙。偈。錯耶。若張拙。錯。或錯一字。何下句亦錯。予聞之不解。遂疑。閱經歲。弗能已。一日。忽醒。曰。渠本不錯。乃我錯耳。既而自設問。答。如何是。斷除妄想。重增病。曰。披蓑衣。救火。如何是。趣向真如。亦是邪。曰。罪不重科。從此於禪家。幾緣語句。頗究心焉。而於教乘。汗漫猶未及也。及讀天台智者觀心頌。始於教有人。時子有偈曰。念有一切。有念無一切。無有無。惟一念。念沒有無。無洎萬曆元年。北遊燕京。謁暹法師於張家灣。謁禮法師於千佛寺。又訪寶講主於西方庵。末後參偏老於法通寺。偏問汝是甚麼人。對曰。江南寒貧。晚士曰。來京城作甚麼。對曰。習講問習講。作甚麼。對曰。貫通經旨。代佛揚化。偏曰。汝當清淨說法。對曰。即

今不染一塵。偏下炕。揭予衣曰。汝道不染一塵。這好直發。向甚麼處來。適旁有僧侍。偏曰。直發。當施此僧。遂施之。偏見予內尚有衣。大笑。曰。脫去一層。還有一層。自是予往來偏老之門。觀其動履。冥啓予多矣。又有普照師者。臥法通偏室。亦契愛予。嗚呼。偏老照師。予違茲範。奄忽十九寒暑。法堂墨蹟。黃葉。萋萋。聊具瓣香。以表素思。偏老有靈。伏惟享之。予聞世諦有父則有子。嗣微嗣則人類絕。然有宗嗣焉。有恩嗣焉。而出世法中。則有我嗣焉。有法嗣焉。予於偏老之門。未敢言嗣。若所謂德則此老。啓迪不淺焉。敢忘之。茲敘脫白頌末。宗教所自。於弔辭者。蓋寔有報德之思焉。

悼廬山黃龍徹空堂師文

凡寄形於大塊間者。無論智慧愚蒙。乎千百世後。乎千百世羣羣而生。逐逐而死。豈可以數計哉。唯有道者。雖物生亦生。物死亦死。然生不以形勞。神死不以神計。形不以形勞。神則同生於萬物紛擾之中。而其神常靜。不以神計。形則神離形時。譬夫人將澡沐。脫故弊衣耳。我堂師默持金剛般若經三十餘年。南北馳

驅開山創業於天地之陽人勞師亦勞人息師亦息
其中人情百端世事變幻若寵若驚或榮或辱此卷
金剛經未始須與放下以故卽世時以持經力形不
累神且得慈聖皇太后頒大藏經以光其既寂云雖
然衲子家平生於空閒寂寞之濱抱赤獨立天不可
得而清我地不可得而濁我前千百世不可得而弊
我後千百世不可得而新我又不以天下共譽可得
而光我天下共毀可得而掩我沉於外榮乎某甲與
堂師爲道義交比自峨嵋順流東歸道出潯陽遙見
匡廬不覺潸然淚墮余昔與師共樂於此今五峯蒼
然龍潭湛爾而師已逝矣嗚呼孰知逝而不逝者師
乎師乎鑒我之寸赤乎持此經以保厥後乎

贈少宗天恩二開士禮補陀還燕文

燕之房山縣上方兜率寺隆澤二開士慕補陀有年
矣既包腰下黃金臺由潞河之彭城折蘆渡江浮淮
絕海出沒於風濤百險一朝登補陀若窮子還故山
積懷欽渴唯慈父是覲安知有身心哉於是觀音大
聖爲之現身不亦宜乎或聞而駭且疑之彼二上人

者蘊何德業菩薩特爲之現身耶是不知萬物一物
萬神一神以身心未忘力不能會眞始有凡聖之隔
苟能會眞菩薩與衆生未始不神交也故嘗聞之能
敬重自己佛性則一切凡聖皆可以交神之道見之
然則二開士親觀我大聖之容如子見父本家常事
奚駭之有雖然道德之變如江湖之日趨下也天下
不責性觀唯責情觀如咸體咸交初本一卦卽體觀
之其神未始不全也以交觀之則不勝其紛紛矣噫
安得人之忘身心而親觀大聖於日用之閒哉

紫栢老人集卷之十四

紫栢老人集卷之十五

明 慈山德清 閱

題

題金剛經塔

余瞻禮是塔自如是我聞以迄信受奉行一畫至於
一字一字至於一句一句至於一行一行至於一經

鱗鱗曳曳宛轉橫斜靜對之如遠水孤峰流觀之則長空鴈序及其標塔標佛忽然妙合則七寶無所施其工帝梵何所關其巧直自一心不生處爲基不用處爲用世尊未說是經此塔先已成就經云應無所住而生其心全是此塔註脚鹽大師且從其註脚悟入而今此塔當機電掣豈無毒眼漢見鞭影而馳乎螺燈父子刻施是經余竊有囑累昔有堅持此經者江風敗舟經遂漂墮意其竟入龍宮矣一日其妻浣於溪畔見羣螺結聚沉浮衍漾如水上燈毬怪而援之羣螺既盡此經獨出誠願刻者施者受持者等彼羣螺遂與此塔共結一段不思議公案也

題東坡禪喜集

此集或以文章奇之無乃略神駿而取玄黃乎殊不知作者力在自性宗通以不傳之妙拋擲於語言三昧尻脊無常聖凡生殺譬夫夜光在盤宛轉流利雖智如神禹曷能測其向方哉

題雪山半偈舍身卷

聖人一言天地卒難以覆載蓋大道所在耳身爲大

患此男子能於千巖萬壑冰雪之閒捐大患而貨半偈非至明至勇者乎

題普陀大士示現卷

舞者不至大士現身豈因至者我至身現豈關菩薩反復觀察合現無地於無地中海山叢生妙容慈肅見者淚滴海水可枯此淚無竭作是念人普門頓入耳擲波閒眼聞鯨吼水陸空行圓通自在樂既無根苦非有蒂

題師子林紀勝集

師子林記紫柏道人得於吳門沈伯宏齋中嗚呼師子林疎莽久矣狐兔成群白日青天作諸妖孽師子貪睡不管今此集一出師子鼻孔竟爲之牽痛矣痛則醒醒則吼請問見前大衆且道師子正吼時這一隊狐兔向何處著落能薦此師子林一旦恢復許渠來林中蹴踏自在去

題包生所刻楞伽經

此經以五法三自性八識二無我爲宗爲根熟菩薩直明識體全真頓成智用故佛於楞伽山說經者盡

山高峻下臨大海。傍絕門戶。惟得神通者堪通之。乃表心地法門。非修證可能往耳。棧伽此言不可往。若然者。則一切衆生終不可往耶。雖然。境不自境。由心故。境心不自心。由境故。心境不自境。境不可得心。不自心心。亦不可得心。境既不可得。則智山無待。覺海無邊。不動脚跟。早登棧伽之頂。纔生心想。頓入如來之藏矣。僧問岩頭。起滅不停時。如何。岩頭問僧。誰起滅。凡讀此經者。果於岩頭句下。別有轉身。始來與老漢商量。此經未晚。

題坡翁文字禪

東坡老賊以文字爲綠林。出沒於峰前路口。荆棘叢中。窩弓藥箭。無處不藏。專候殺人。不眨眼索性。漢一觸其機。刀箭齊發。尸橫血濺。碧流成赤。你且道他是賊不是賊。試辨驗看。若辨得管取從來攔路石。沸湯潑雪。

題趙生畫扇

霧勢昏曉。山形有無。且不可以心測。又豈可以筆墨盡哉。然墨光之初。心路之始。必有主人存焉。故達者

知雲霧昏曉無常。卽例山形等耳。然後筆筆墨墨。橫拖豎抹。意之所到。筆之所隨。主客升降。初無常位。意果意手。筆果筆手。吾於密郎扇頭得趙生矣。

題師子端禪師語錄

予客代之清涼山。一夕夢一僧。蒙師子皮。自東而西。斜陽在天。光燭其面。忽然啓齒。口如血盆。牙似霜劍。夢切自計曰。如彼者。我當爲之。及讀端師子語錄。驚其脫略窠臼。大用縱橫。不從軌則。果若金毛師子。跳擲露地。百獸聞風。靡不腦裂者也。嗚呼。去古既遠。宗門爪牙。希遶率皆如妖狐怪狗。輒暖委靡。凡見可欲。搖尾乞憐。萬態迎合。一充其欲。習羅老漢叱吒其前。猶不暇顧。況顧我道哉。至於由機緣而頌古。作由頌古而評唱。集由評唱而所謂秘要者。行秘要行。則後之學者。評唱不知。安知頌古。頌古不知。安知機緣。機緣不知。安知自心。自心不知。安知祖意。夫機緣者。活句耳。生殺自在。抑揚莫測。凡聖路窮。是非藥病。苟非其人。道不虛行。唯了悟自心者。卽病爲藥。卽藥爲病。卽生而殺。卽縱而奪。正抑乃揚。正殺乃生。以棒喝爲

廣長舌以鐵釘。取木札。鑿爲供養。臨機碎吼。天龍欣悅。狐兔魂銷。若然者。今之以秘要。自謂正傳。慢侮法道。寧不有愧於師乎。

題穆玄菴所著書後

昔人有將黃金鑄佛而供事之一旦爲大盜負而藏之。重泉之下。世皆不知也。奄忽更代。初鑄佛者子孫亦皆星散異鄉矣。爾時重泉倏然光達。丹霄四方遠近。靡不覩之。且驚且駭。譁然相汲引而尋光。所自以善水者。下重泉而獲金像。浮華而供事之。巢陵唐邑。內翰穆孔暉號玄菴。其所著述。發揮儒釋精奧。書成若干部。先生卽世五十餘年矣。茲由同郡傳侍御光宅表而彰之。余故亦得鑽研玄菴秘典。大凡男子立志。不可淺近圖。一時銜耀於俗黨。但當務其深遠者。精克而成之。更百世之後。或有同志者出焉。其鑄佛以黃金。雖藏之於重泉之下。異日必光達丹霄也。卽此言之。大盜藏像。盜唯一人。而俗黨蔽高。無世不廣。故莊周有曰。高言不止於衆心。妙樂不達於里耳。然精光所積。雖天地莫能蔽之。況人情私嫉乎哉。

題王畫卷

夫見畫不見筆。見筆不見手。見手不見心。見心不見心之前者。謂之見見。可乎。苟借畫見筆。借筆見手。借手見心。借心見心之前者。謂之不見見。可乎。雖然。展卷則雲物縱橫。收卷則峰泉寥寂。且道展收把柄。畢竟落誰手裏。得恁麼自在。疑則輞川有摩詰可問。

跋

跋麒麟人血書華嚴經

吾聞華嚴大經。實根本法輪。佛與大菩薩之事。非小根可堪。故曰龍象蹴踏。非驢可堪。終始一念。今昔一時。因果一佛。凡聖一性。十方一刹。三界一體。正像末一法。初中後一際。當處現前。不涉情解。本自圓成。非脩所得。故曰智由三昧。觀照方便。迷解顯得。不是修成。若夫悲願熏炙。稱性而周事。亦無盡。或曰。願終功廢。則過去諸佛。帶果行。因豈不多事。雖然。一乘無修。始終一念。云云者。蓋指果體而言也。若在凡夫。必當先悟果體根本。然後法古佛之樣。規行矩步。始以信入。次則歷行住。回向地等。圓治積生。染習盡。功圓。

則毗盧能事畢矣。經中首以善財問法。偏參勝友五十三者。蓋聖人所慮。言不盡言。意不盡意。故設像寓意。使彼有志於一乘者。既意得像神而明之。肉身現證無勞。修得如法華以龍女成佛之象。寓彼實相。以至三周九喻。重重旁敲。與華嚴何別。但下劣凡夫。不信自心。徒信佛語。被文字所轉。埋沒本光。不能直下受用。是非之僕。榮辱之奴。死生之仇。好惡之黨。顛之倒之。奴主反位。大用翻爲迷事。無明大機。總成迷理之障。理迷則觸事皆礙。事礙則於理終迷。故華嚴之法界法華之實相。名存義昧。義昧則理無所會。理無所會。則道不終通。道既不通。到家何日。既不到家。安有所得。無得則見必不定。見不定則偏圓無辨。邪正不分。謂之知解之徒。渠尙無分。豈能現證而受用者哉。豫章潯陽之廬山。山有黃龍寺。寺額卽今上所賜也。寺衆有麒麟。人有志於佛。一乘願惟天機不深。受性魯鈍。於華嚴法界率難通悟。於是發願書大經全部。意在青山白雲。朝暮書而讀。讀而禮。稱懺洗過現重輕罪垢。果其夙有微善。仗毗盧之龍靈。獲華之熏

發法界願。開入佛種性。麒麟之告余也如此。余嘉其有志。綴華嚴大槩如此。余再謂麒麟曰。若知舉筆飲墨。向白紙上橫畫豎直之者。念耶。時耶。佛耶。性耶。利耶。乃至際耶。象耶。意耶。現前耶。不現前耶。嗚呼。若能領此。則須彌爲筆。太虛爲紙。大地爲墨。書若經者。果有盡乎。果無盡乎。子若不會。雖剝皮爲紙。析骨爲筆。刺血爲汁。與善財童子相去尙遠。在況五十三勝友若能親近乎麒麟。其勉之麒麟其體之。

跋黃山谷集

此集如清水清珠。濁波萬頃。投之立澄。如摩尼寶。饑寒之世。得之生病。卽愈。蓋此老不持尊其所知行。其所以知而已。且能掉臂格外作獅子吼者也。觀其於寵辱關頭。死生路上。跳躑自在。若夜光之珠。宛轉於金盤之中。影不可留。如水天蕩漾於太清之內。光無定在。有認先生謂列子中亦有禪語。禪豈普通始末哉。此非先生語。不識好惡者所贅語耳。列子之言雖精密。至到者亦可以義路通禪。則不唯義路不可通。縱無義路。亦非禪也。唯徹悟自心者。卽閉門造車。出門合

徹矣而不識好惡者。欲以義理穿鑿。所謂撮擊虛空。祇益自勞耳。余知其家理人。故跋數語。

跋賈知忍刺血書金剛經

未刺指時。指塞虛空。纔刺指時。血流大地。指即金剛。血即般若。欲罪無輕。重半字能消。福無淺。深後毫即滿。雖然澹菴居士。未卽世時。不以此經爲常課。卽卽世之後。子雖有曾參之孝。爲書此經終與金剛般若血脉不能接續。若然者。居士卽此經。此經卽學仁父子血脉。豈以存沒斷續哉。我聞般若無古今。金剛無內外。有古今則有延促。有內外則有親疎。而未至蘊空者。則念念生滅。情塵膠執。卽蚊虻咬膚。而舉身毛豎。稻芒在眼。而四方易位。況以熱指刺於冷針。鮮血迸流。能無痛乎。今學仁卽流爲墨。卽墨成字。至於句偈完茲一卷。究其情愫。與舍全身。何異達觀道人見而哀之。且感學仁精誠。不愧紫岩書此附之。經尾願見聞之者。皆發是心。

跋鐘鼓頌

聖人有身而無累。有心而不勞。以其無累。故則一身

可爲千萬身。以其無勞。故則一心可以窮萬法。衆人則不然。有身則有累。有心則有勞。累之勞之。從無始以至今日。死死生生。榮榮辱辱。好惡萬端。改頭換面。羽毛鱗角。無所不經。得爲人身。忝在最靈極。爲希有。於希有之身。不能聞道。洗長劫之勞累。與馬牛何異哉。雖然。勞之與累。亦不可易洗。若欲洗之。須以此頌爲香水。海久滌。自除。則衆人可至於聖人也。智者思之。

跋牟子言道章

莊子曰。道惡乎在。道在鶡鴒易則曰。形而上者謂之道。形而下者謂之器。有人問趙州。如何是大道。州曰。大道透長安。今有人於此三者。併舉而問曰。牟子之言道。莊邪。易邪。余應之曰。莊易且置。敢問趙州。大道透長安。句果言道耶。不言道耶。若謂言道。則其言不可以智識知。義路得。若謂不言道。問道答。道有何差別。有人於兩問中。知得好惡。雖黃不謬。則莊易之道。譬如月在秋空。朗然廓澈。若檢點不出。不但於趙州句中。無有出身之計。卽莊莊易易。總向癡人說夢耳。

雖然由粗而得精。由情而遺聞。粗之與精。固亦遺聞之嚆矢哉。

跋證道歌

漢留侯狀如美婦人。本朝劉誠意亦狀如婦人。然皆臨大事。決大幾。若鏡中見眉目。然當世無與等者。永嘉大師。雖雲外。枯禪貌亦柔秀。末寂音尊者。初讀其證道歌。至大丈夫秉慧劍。句寂音以爲此老貌。必傑特。或掩萬僧者。及禮其道影。始知體不勝衣。貌如少年。宣律師乃歎曰。斷不可以言貌觀人。蓋此老平生踐履明白。心智猛利。故吐辭等刀鋸耳。譬如香象擺尾。五欲疆鎖超然而去。真大丈夫哉。邇來去聖轉遙。人根薄劣。凡所謂出家者。皆產於荒寒昧略之鄉。其父母不過爲兒女負重舍而出家。爲其一身衣食之計。非爲求出世而來。次則遁逃之徒。憲網張迫。以我緇林爲其淵藪。乃一時偷生之計。豈有成佛志乎。余浪迹江海三十餘年。足跡徧天下。在在處處所見。緇流黃冠。率飽食橫眠。游談無根。驕醜不作。汚佛汚老。退人信心。若使一宿老人肉目睹此。安得不痛哭流

涕哉。夫子房龍門。設不爲經世用。出家求無上菩提。當不在永嘉下風。昔崔趙公問徑山國一欽禪師曰。弟子出得家不。欽曰。出家乃大丈夫事。豈將相之所能爲。趙公心服之。故曰諦審先宗。是何標格。乃今狐兔成羣。龍象騰逝。則釋迦老子正當爲酒肉班頭。嗚呼痛哉。

跋大川和尚飯十萬八千僧卷

余讀諸居士偈言。跋語雖喜其有順水推船之心。痛其無逆風把柁之手。且道如何是逆風把柁。咄。直下死生嶮浪之中。當頭榮辱顛風之際。赤心不昧。萬善常勤。以舟爲命。則并力支撐。以國爲舟。則同心共濟。凡百情關冰消瓦解。一切人我電掃雷轟。方許渠向沒巴鼻漢前。雌黃佛法去。雖然出身一句。又作麼生。鐵索一條。誰鎖放嶺頭諸佛笑。同率。

跋末仲珩篆書金剛經

金剛般若兩者之堅利。世所共知。惟愚痴之堅利。或未察焉。夫愚癡不堅。我當先破愚痴。不利我當先犯。今我頑於死生好惡之執。牢不可破。鋒不可犯。是以

威音釋迦先我得道也。雖然愚痴不堅不利。則般若無本矣。故聖人以金剛喻般若。良以金剛能斷一切。一切不能斷金剛故也。如般若能斷一切愚痴。愚痴不能斷般若也。此就知有者言也。如未知有則愚痴能斷般若。般若不能斷愚痴也。由是而觀愚痴之與般若。金剛之與萬物。豈有常哉。觀其用心如何耳。如先以知有爲前著。則般若如金剛。如未知有。強以事行破執。則愚痴如金剛。故金剛一物。不惟能喻般若。若亦可以喻愚痴也。此經有五千餘言。疑二十有七。吾曹果能善用其心。則言言疑。疑皆觀照之媒。灼也。反是。則言言疑。疑亦愚痴之紹介也。如青蘿本元臣。榮國公本縉流。而所爲如此。果以言言疑。疑爲媒。灼耶。爲紹介耶。吾不得而知也。宋仲珩篆書妙絕古今。精密圓活。神氣流注。如春著花。余雖至愚。貪玩不知目勞。況智者乎。羅司理心堯初。旣得之於無心。豈終能以有心寶之哉。惟無心得之。亦無心寶之。則有未常有。而無未常無。所以得常無常有也。

書周輪雲發願文後

有勝解無慚愧謂之見魔有慚愧無勝解謂之悲起見魔悲起皆自心宛昧所致苟能逆順關頭掉臂除疾過得所謂三魔悲起俱歸爲又殊普賢矣應知即易行即難言望端談笑麴盡收拾得兩無欠

物不要

予聞入無生者。方知剎那故。五十計較。經云。善哉。白
佛曰。我罪滅。知何不見罪滅之相。佛曰。汝言心能轉
生否。對曰。我心若不轉生。則不能與如來共。語。佛曰。
汝言心轉生時。見心初生之相否。對曰。不知。佛曰。汝
曹既不知心生。初相豈罪滅相。汝曹獨知之乎。卽此
以觀心轉不轉。生相滅相皆不越一剎那耳。而物非
物遷不遷。又豈能越之哉。予以是知駁不遷辯不遷
者。剎那未知無生。尙遙而駁。駁辯辯得非掉棒打水
月乎。則予亦不免多口之咎。

半山老人擬寒山詩跋

月在秋水。春在花枝。若待指點而得者。則非其天矣。吾讀半山老人擬寒山詩。恍若見秋水之月。花枝之春。無煩生心而悅果天耶。非天耶。具眼者試爲薦之。

戒殺放生文跋

夫責賤殊業物我同靈恃力殘生滋蔓惡習暢一時之口味結萬劫之身殃痛不免之酬償截無始之苦本莫若戒殺殺若不戒則我暢物結物暢我結結暢相乘如汲井輪循環不已往復思之甚可恐怖恐怖既生視物如人視人如我夫殺機一動不惟殘賊同靈寔則自斷命根作如是想何待佛出齒白然後戒殺哉

跋宋諸齒白化佛文

物物有佛物物不知以不知故遞相噉食如汲井輪長劫無已佛憫物故流慈齒白諸口出佛梵相圓滿狀若拇指亦如秋月光明顯露若聞若見生希奇想俱大恐怖自是戒殺等不殺已我發是願佛即現前非色非空非凡非聖凡聖中出以是之故物物是佛云何業醉佛心佛佛相食顯是慈波注入衆齒如一燈光分百千燈燈續分光光無盡物觀佛光普照三世於此實見聞者號呼涕泣如猪正殺受痛卽我作如是觀殺習頓止

宋繡觀音經跋

禪人林白持宋繡觀音經一卷予拜而讀之至觀其音聲卽得解脫忽然疑生意會不快及見無盡意菩薩聞佛贊觀音功德之利而無盡意卽解頤衆珍寶瓔珞持上觀世音菩薩菩薩不肯受因佛勸而受之卽將一分奉釋迦牟尼佛一分奉多寶佛塔處乃豁然疑消夫多寶佛過去佛也釋迦佛現在佛也若無過去則現在無待若無現在則過去成斷若無過去現在則未來奚立若廢三世則昧利那若昧利那則一切聖凡之用依正之基將何藉焉由是觀之蓋聖人本欲直示其旨顧衆生機鈍不能神而明之故設象以寓意使翫而得之則象忘而自契也知此則現前讀經者與觀讀經者雖愚智弗倫皆周旋於寂滅光中初無閒隔此經妙麗神采具足針針刺入圓通之境字字貫攝至道之真自宋迄明六百載矣而字畫鋒刃鏗然若新非瀝肝膽之誠孰能至此

跋怪石供

石本無怪怪自禹始迄於東坡居士豈惟不以石爲

怪直以石爲無上供養衆人聞而怪之以爲天厨王
饌名花香果及珍羞異寶始足爲至公以齊安小兒
浴時戲石當禪師供不以褻乎然莊生有云高言不
止於衆心余謂無上之供自應駭俗雖然禹之所怪
坡之所愛皆未有樹也古德有言曰若人識得心大
地無寸土寸土既無又安有石哉則禹所怪坡所愛
總夢中語耳卽達觀道人亦不免開眼說夢在或有
傍不禁的出來請問和尚既無寸土只今脚跟在甚
麼處老漢緩緩向他道汝不聞金屑雖貴落眼成塵
耶

跋宋圓明大師邵陽別吳強仲敘

未戰誰不勇臨戰誰不恐惟置死生於不可得之地
者如師子遊行孤踪絕侶然此不可得之地非獨石
門安樂場寔一切聖凡所共惟臨境不惑得受用之
不然縱見道精深決非將種若圓明老漢居縲紲濱
九死而飲食談笑如平時死生不入其懷眞菩提場
中梟騎耶

又

石門老人有言曰成就世出世法者特一切能舍耳
此言雖若不甚精深細而味之苟非置死生於度外
者孰能與此哉今老人於桎梏之中而榮辱不能入
其懷飲食談笑不異平日猶超然而自得也者非洞
徹自心圓用自心者雖見地高出佛祖我知其屬境
旗靡矣

跋半山老人擬寒山子詩

受持千百萬過心地花開香浮鼻孔鼻孔生香香不
聞香善知此者則半山老人舌根拖地亦不分外也
書聖觀彌勒贊後

理水如海吾心如魚以海養魚化龍奚難更得觸不
如意事撼之卽如天風激海雲濤洶湧潑日震空空
爲之殫殫則大用始得現前子思所謂尊其所知則
高明矣行其所知則光大矣

跋毗舍浮佛偈

夫衆人知責生而不知所以養生之道故爲生之所
累至人知養生之道本於無生故能視生無生無生
而生生無物累也嗟乎今有人於此目爲色之所累

耳爲聲之所累。至於心爲七情五欲之所累。猶曰我平生快樂無累。殊不知無累者累之久矣。蓋衆人欲重神昏坐過而不知焉。辟如醉夫臥於泥淖之中。人曉之曰。泥淖非可臥之所。醉者瞪目怒曰。我生平不解飲酒。汝奚誣我。今天下俱抱醉夫之疾。安得有不醉者而與之言哉。雖然。毗舍浮佛頌曰。醉夫能讀而誦誦而思思而明。明而得何患其終不醒耶。

跋寂音尊者十明論敘

夫至愚之人。使其蹈火則畏。燒爇雖驅之不入。五欲湯火燒爇衆生。法身慧命非止一朝一夕。而人甘心蹈之。弗畏者。豈其喪心病狂哉。蓋計臭皮囊爲淨器。計無明心爲命根。不能以四大觀身。四蘊觀心。故也。今人於眠臥之際。枕头稍不安穩。則不能睡。必安之而後適。死生於人亦大矣。人皆公然自安。略不爲之計。則負覺範老漢多矣。

跋宋圓明大師邵陽別胡強仲敘

清淨光中無端強照於無身心處。計有身心心爲惡源。形爲罪藪。源若不塞。惡豈有窮。藪若不空。罪必無。

○通釋

盡雖然心無善惡形未吉凶。惡源未始不爲慈悲之海。罪藪未始不爲功德之山。顧其用心操行何如耳。嗚呼。介然有知知而不返。惡流肆矣。塊然有執執而不釋。罪山崇矣。唯有道者了心非有。不待遺而愛憎自消。知身本無。不避患而榮辱自解。故曰。若人欲知佛境界。當淨其意如虛空。遠離妄想及諸取。令心所向皆無礙。我寂音尊者方羈縻於縲紲之中。九死一生之地。而能超然自得。所謂生死憂患莫能入其胸中。何術致此哉。大丈夫既無經世之志。則於出世宜盡心焉。故曰。盡心了知性。知性即能用。辟如龍能用水爲雲。用雲爲雨。故處水不溺。行雲不墜。耳予以是知有道者。脫處死生憂患之域。非惟覓憂患不可得。且能用憂患爲廣長舌者也。今以此敘作鐵釘飯供養一源宗禪人。禪人知此子何憾焉。

跋宋圓明大師別胡強仲敘遺愚菴講主

夫法本出情。以情求法。法不可得。知不可得而求之。其惑滋甚。如范滂孔北海之徒。其人品高。問學廣。亦奇男子也。至臨患難則疑悔橫生。費悶而沒惜哉。此

蓋打頭不遇作家以情求道誤之耳。殊不知道若可以情求則儀秦之流皆可謂聞道矣。即寂音尊者童弗割除聲已藉甚。所至講席白眉大龍。靡不推服。然猶不謂之聞道。及見雲庵文叟。始了自心。宜其歷死生波險之地。辟若娑竭出海。慈雲法雨。遐被窮荒也。邇來去聖愈遠。吾曹軟暖不勝觀矣。敢望其出情求法乎。嗟哉。上則托名宗教。次之奔走衣食。而已率以爲教之典。要宗門活句。是古人茶飯。豈今人所能咬嚼。自是一犬吠聲。百犬信之。遂乃成風。卒難移易。惟愚菴貴講主情出流輩深痛斯弊。亦恨挽之而未能焉。子故重之。贈以洪老送胡生敘。且跋數語如此。

讀法華普門品跋

予讀法華普門品。至若有衆生多於淫欲。常念恭敬觀世音菩薩。便得離欲。不覺置卷。嗟歎久之。衆生之大患。患莫過於淫欲。苟能常念恭敬觀世音菩薩。便得離欲。佛言不妄。今天下恭敬念觀世音菩薩者在處有之。乃稱名而離欲者。何其寡哉。則佛言亦有妄乎。嗚呼。淫欲恭敬初非兩物。果能至誠常念菩薩。即

恭敬現而淫欲沒。稱名少懈。則淫欲現而恭敬沒。如此境界深淺。氣力生熟。予亦驗之屢矣。佛語不妄。人無恒志。自墮疑網耳。

跋周叔宗書聽法華歌

大法華七軸六萬餘言。而其所詮者。雖三周九喻。直譚曲說。亦不過一實相耳。惟此實相。昭然不離日用之中。奈何樓子六十餘年。辛勤行脚。求之而不可得。長慶蒲團。七破求之而不得。由是觀之。行求亦不得。坐求亦不得。則此實相。又非四威儀中可得而求矣。然則昭然本在日用之語。寧非夢言哉。乃永嘉覺老又曰。不離當處。常湛然。竟即知君不可見。以永嘉之語較彼二老所求之見。何天下老和尚舌頭雖黃。不定。若是耶。及讀唐修雅法師法華經歌。則若庖丁解牛。公輸子之爲匠。而縱橫逆順。精粗巨細。皆大白牛之全體也。是牛也。頭角蜉蝣。出入於吾人六根門頭。咆哮蹴踏。喜怒無常。平田淺草。綠楊溪畔。黑白互奪。使吾即文字求之。而不得。離文字求之。而不得。離即離非求之。而不得。畢竟至於無可奈何。此畜曇生通。

禪人每以奈何此畜不得爲恨。一見此歌。便有跨牛之志。然不得能書者。書而寶之。作一覓牛話頭。無擇山林城市。境緣逆順。持此參此。若不得牛。彈生佛已。紫柏道人舍然大笑曰。汝非跳過魚盤。覓豆腐之瞎貓乎。當今能書者。舍吾叔宗而他求。豈不誤邪。雖然。若有人問大白牛兒。畢竟在甚麼處。張草米書。揮筆處。細聽蹄響。墨池邊。

書東坡詩後

鳥囚不忘飛。馬繫常念馳。靜中不自勝。莫若任所之。貧賤苦形勞。富貴嗟神疲。作堂名靜照。此語予謂誰。江湖隱淪士。豈無適時資。此東坡靜照堂詩也。嗚呼。心外無法。觸目其誰動之。與靜富貴貧賤。但有名言。初非他物。眉山可謂了得。使用何異繩鋸木。斷水滴石穿。斷則根塵不到。主賓夢醒。穿則十虛通達。生殺機窮。謂物卽心。而心外無物。謂心卽物。而物外無心。解用則賓不抗主。自然接拍成令。不解用則主逐賓。隊觸處成乖。故曰。若能轉物。卽同如來。且道轉物一句。孰能吐得。榮辱交加分主客。根塵暫喚作常光。

跋蘇長公大悲閣記

魚活而筌死。欲魚馴。筌苟無活者。守之魚豈終肯馴。筌哉。如書不盡。言不盡意。蓋意活而言死。故也。故曰。承言者喪。滯句者迷。予讀東坡大悲閣記。乃知東坡得活而用死。則死者皆活矣。前大悲閣記。則公示手眼於文字之中。使人卽文字而得照用也。後大悲閣記。則公示手眼於文字之外。使人忘文字而得照用也。若然。則東坡之文字。非文字也。乃象也。如意得而象忘。則活者在我矣。如所謂大悲菩薩具八萬四千清淨寶目。八萬四千母陀羅臂。豈菩薩獨有耶。實我未嘗不具也。但有照而無用。謂之似具。唯照用齊到者。謂之真具。故顏氏之子。有不善未嘗不知。此非照乎。知之而未嘗復行。此非用乎。然而必欲八萬四千寶目。八萬四千妙臂。以象照用。其故何哉。蓋衆生具八萬四千煩惱。堅等大地。非照何以破之。非用何以轉之。又曰。窮源達本。謂之照鑄。染成淨。謂之用。予聞東坡嘗稱文章之妙。宛曲精盡。勝妙獨出。無如較嚴。茲以二記觀之。非但公得棧嚴。死者之妙。苟不得

棲巖活者。烏能卽文字而離文字。離文字而示手目者哉。

跋陸大宗伯雲居募文

昔如來不舍穿針之福者。良以福非積善而不成。善成則性有繼矣。故曰繼之者善也。成之者性也。卽此而觀。善固緣生。能乘緣生而入無生。何殊因花而得春哉。若然。則穿針之福。獨非花乎。今陸大宗伯。養高緣野有日矣。年登九十。猶不以老。却穿針之緣。爲諸緣山主。敷陳雲之花香。浮遐邇。可謂給孤後身也。嗚呼善哉。

跋曹溪碎鉢

夫一心不生。則聖凡無地。物我同光。是故聖人不同。而此心此道。未始不同也。唯執情忘本。乃見有不同耳。老子生於佛後。孔子生於老後。我讀道德。不見其有非佛之言。我讀春秋論語。亦不見有非佛之言。大都聖人應世。本無常心。但以百姓心爲心。故凡可以引其爲善者。靡所不至。譬如良醫。但欲愈病。參苓薑桂。隨宜用之。至於奇症怪疾。雖砒霜蛇蝎。亦所不忌。

其去病一也。後世三家之徒。不達聖人本意。互相是非攻擊。排斥血戰不已。是何異操戈而自刃也。我聞莊衢魏公本朝盛德君子。妬曹谿一鉢而不能容。手碎之。何示人不廣若是。雖然。大鑒本以虛空爲鉢。天地萬物爲鉢中之食。能稻糧饑饉。藥草疾疫。公亦鉢中食耳。安有食食食哉。夫何故。無能所故。無能所則無待。無待則獨立。獨立則無生。心措手之地。嗚呼起公九原。讀是跋寧不汗顏哉。雖然。且道如何。是和事老人手段。逆順境緣。風過樹殘。生不直半文錢。

程康伯書圓覺經跋

婆伽老漢。直指衆生日用。熱惱爲神通。大光明藏。十二大士。曲說如來神通。大光明藏。爲熱惱。自是父子情乖。聖凡路斷。康伯程氏。旁觀忍酸不禁。於是發心手書。是經積畫成字。積字成章。積章成帙。於一刹那中。圓覺成就。違而復順。斷而復通。父子歡呼。接拍承令。聖凡雲集。水到渠成。紫栢道人。適買舟於岷江之干。康伯氏於神通大光明藏中。拈出供養道人是時。不以面受。乃用背享。直得文殊杜口。普賢失跌。況其

書周叔宗臨帖卷

跋石屋禪師山居詩

夫身心者。死生好惡之鵠也。鵠不忘則矢不已。矢不已則害我者。寧有窮哉。然害我者大抵不出有心無心之域。故至人去此不去。彼此去則彼無主矣。主無而敵恣。何殊矢射虛空耶。故此老以消歸自己爲歸宿。旨哉言乎。

書某禪人募刻大藏卷後

1. **What is the purpose of the study?**

翳則天地之大日月之明了然無惑矣。衆生之無明。若不得佛語爲之金鑠。挾其無明障翳。雖佛性本有。惡能識哉。如火未始不在。也不得薪以傳之。則火不可得而用也。故曰地二生火。天三成之。三若不成。則火雖在。亦不可得而照物也。如衆生正。因佛性雖在。不得緣。因佛性熏之。則了。因不開。了。因不開。則正。因終不得而復矣。由是而言。緣。因佛語也。了。因佛語之所詮者也。正因。則衆生本有之自心也。自心固有。不得佛語傳之。了。因了之自心。雖固有。終不能用也。正如火在。而不得薪以傳之。火亦終不可得而用也。是故有志於用自心者。必先明佛語。夫自心明。則無往而非明矣。故曰。不明自發。則諸暗相永不能昏。而永不能昏之人。始可以開物成務矣。予是知大藏一。刻豈惟凡夫可以登正覺。寔治道中。開物成務一大機也。刻大藏之緣。始今某將再緣於四方。馮太史跋其前。予繼太史而復跋之者。蓋念聚薪不易。如薪聚而火不傳者。未之有也。佛語宏傳而衆生不明。自心者。亦未之有也。某行矣。無滯。

跋法華抒海

余讀戒公法華抒海。至全人卽法處。猛覺心廓目遺。妙不越粗。誠非思量分別所能解也。夫蓮花象也。妙法意也。學人能玩象得意。象未始非意。粗未始非妙。且道全人卽法時。阿誰玩象咄。

書鶴勒那問二十二祖公案後

歲在萬曆癸巳春。予客燕山碧雲寺。燈下讀佛祖通感。至此不覺掩卷而歎。且覆而思之。鶴勒往世爲比丘。赴飯龍宮。偏觀五百衆中。無一人堪任妙供。故不欲諸子同赴。而諸子不解師意。妄生人我師則勉強。徇情携之赴會。既而五百弟子以福微德薄。生於羽族。仍感惠而從。化鳴呼常爲最靈之物。不以智照。而以情較。乃爲羽族而從。化蓋迷極而反覺也。雖然。至此而覺。莫若先此而覺。豈不勝哉。時奇子問曰。鶴勒如何不知鶴衆。夙因二十二祖奚獨知之。曰。見道則無優劣。損習則有淺深。以深則洞照無涯。淺乃光燭有限之故。又問。鶴勒說法。九易寒暑。鶴衆卒未解脫。摩拏說偈將畢。鶴衆卽悟。無生飛鳴而去。何哉。曰。起。

信論云。如來色心業勝。故聞法者易悟。由是而觀。則摩拏道力過鶴勒多矣。辟如撞鐘。鎚大則聲洪。鎚細則響邇。奇子聞之。躍然合掌作禮。

跋蘇長公集

大眉山。凡作文作贊。作偈發揮不傳之妙。縱橫盡幻。使人莫得窺其藩籬者。蓋其所得衆生語言陀羅尼。三昧於大雄氏。未觀明星之前久矣。故能從是處說出。非來從非處說出。是來從是非處說出。不是非來從不是非處說出。是非非來長亦可短。亦可高亦可下。亦可淺亦可深。亦可近亦可遠。亦可凡其可者。皆千古不拔之定見也。定見如盤。其語言如珠。珠走盤中。盤盛其珠。而橫斜曲直衝突自在。竟不可方所測。如有生心測之者。辟如以網張風。以籃盛水也。知其難測而甘心終不敢測者。益非矣。東坡氏豈三頭六臂異乎人者耶。亦橫眉豎鼻。無所異乎人耶。但事理之障障他不得。所以無不可耳。又事理之障不能障他妙。在何處妙在不傳也。只此不傳者。孔氏得之而爲萬世師。老氏得之而爲羣有師。釋氏得之

而爲無師之師。今有人於此。能知無師之師住處。則不可傳之妙。許渠獨得焉。

跋唐修雅法師聽法華經歌

夫心法本妙。無閒聖凡。乃今在聖人則能六根互用。凡夫則甘坐豐蔀之愚。以爲眼惟能見而不能聞耳。惟能聞而不能見。殊不知凡夫以偏計不了。謂簾是蛇。故六根似不能互用耳。如偏計情消。則依他本妙。根塵無得能所。不斷匪涉。情解日用現證。故曰佛法在日用處。所作所爲。舉心動念。却又不是也。吾大雄氏於法華會上。三周九喻。橫說豎說。形容妙法。可謂曲盡慈腸矣。然終不若是歌拈提本妙。使大心凡夫一讀其歌。當處現前。而法華富有六萬餘言。演說妙法。不爲不廣。然皆死句也。惟雅得活句之妙。能點死爲活。譬如一切瓦礫銅鐵。丹頭一點。皆成黃金白璧。又如月在秋水。春著花枝。其清明穠鮮。豈待指點然後知其妙哉。

書樓嚴截流後

佛頂卽自心。自心卽佛頂。心頂互奪。常光現前。此五

乳峰下鼻祖截流之機如講主以截流之筆發揮機
微大意開爽絕塵一歷眼根耳根洞徹夫頂既不可
以眼見心又豈可以智識知哉雖然五陰十二入十
八界皆頂也特頂不見頂現行忽起用處生疑逐日
頂墮耳

跋五慈觀閣記

棗栢有言曰十世古今始終不離於當念無邊刹海
自他不隔於毫端由是觀之則一念未生之時謂之
宗一念既生之後謂之用故宗之與用如一指之屈
伸耳指未屈伸時指在而不可以見聞得指正屈伸
時指隱而不可以動靜識謂其動手屈不是伸謂其
靜乎伸不是屈屈之伸之各各獨立故正伸時屈不
可得正屈時伸亦不可得正屈伸時指體不可得未
屈伸時屈伸亦不可得惟知宗者可以用用宗辟指
體用辟屈伸又知宗者則情出古今用用者則自他
不隔然後將此愛人謂之仁將此處事得宜謂之義
將此施之於上下品節有條謂之禮將此變通一切
而不滯謂之智將此確然固守臨死生交易之際無

毫髮苟且謂之信此五者古人用不盡今人故得用
之知此則五慈之旨思過半矣雖然愛見之慈忍力
之慈與夫等慈大慈皆可以義理得也唯真慈一著
子苟非明悟自心不纏知見辟如葉公畫龍真龍現
前未必不投筆怖走也

書肇論後

夫心本無住有著者情情本無根離心無地故會心
者情了全性者心空心空則大用自在如春在萬物
風在千林其吼喚鮮明變化之態烏可以情智彷彿
者哉肇祖五論之製宗本不遷等作何異春生萬物
風囂千林矣乎既能生而能鼓之則生鼓之前必有
春不可得而生風不可得鼓者存焉雖然微宗本則
四論無心微四論則宗本無身夫身也者心之郭郭
也心也者性之郭郭也

毗舍浮佛頌跋

此頌四句二十八字包括大藏透徹禪源靡不罄矣
但衆生浮淺憂慮弗深立志苟且見卵而求時夜見
苗而求腹果是以讀者雖多獲效則寡耳予持此凡

十五易寒暑而猶精持不休每觸逆順憎愛加之
地必以此頌爲前茅覆軍殺將亦不知其幾今人持
未滿千萬過遂尤其不效復求效者持之辟如掘井
去土三尺而無水尋易地而掘之復無水復易之水
終不得而精神竭渴終不解苟有志持此頌者能知
掘井之險而持之無懈若無靈效老僧舌根定當腐
壞

八大人覺經跋

八大人覺經辭旨清遠如月在秋水雖至愚之人無
須指點皎然意了耳然是經去古既遠流行亦寡初
因明東禪人手寫一軸東雖卽世其上足世南持而
示余余疾讀之不覺心開意朗既而命諸黑白廣傳
之夫八覺之妙豈外衆生日用不知之知別有所覺
耶如來大人憫諸不覺卽將衆生日用不知之知開
爲八覺有緣者脫得一覺乃可以破長夜之昏矣辟
分一燈之談徧照世中則其靈談寧有窮哉

又

夫人之在心猶魚之在水也魚之在水果知水乎人

之在心果知心乎魚能知水則龍已人能知心則聖
已故曰百姓日用而不知嗚呼人爲萬物之靈生既
不知所以生死豈能知所以死乎一不知則永不知
永不知則無所知矣人而無知可不痛哉於是大覺
聖人見而悲之曰奇哉衆生俱有如來吾已先覺彼
猶不覺不覺則昏迷長夜終古不思矣是豈忍乎遂
將衆生日用不知之知開爲八覺雖則淺深階次所
用弗同要而言之從凡入聖自覺覺他靡不滿也此
經總三百七十一字言簡旨豐遮照精深有而能無
無而能有能得一覺則大夢頓醒況得八覺者乎嘻
覺則衆生可以作佛凡魚可以爲龍也元至政開雪
庵溥大師號稱能書書此經若干卷流行海宇自元
迄今本朝將三百年於萬曆辛卯四月望日鶴林葉
公偶得一卷於本寺明秀禪房憲副包公乃鐫於石
以壽其傳云

書寶積經偈後

寶積經偈曰四大假爲女其中無所有凡夫迷惑
心執取以爲實女人如幻化愚者不能了妄見女

相放生於染著心。譬如幻化女。而實非女人。無智
者迷惑。便生於欲想。如是了知。已一切女無相。此
相皆寂。然是名女三昧。

此偈載寶積經句十六字八十辭旨。朗然譬如月在
天碧。清光照人。涼入心肺。積生熱惱。富處冰銷。此就
天機深者。染目得益而言也。如根器稍鈍。能讀而誦。
能誦而思。能思而用之。則毛嫱西施。抱身執手。啖舌
吮唇。何殊木偶。雖然。女人之爲害大矣。漢李陵與虜
戰。陵曰。吾士氣少衰。而鼓不起者何也。軍中豈有女
子乎。搜於匿車下。皆劒斬焉。明日復戰。斬首三千餘
級。彼但畜之。已毀王師。必勝之氣。今吾曹。壞服毀容。
求無上道。於欲而不能斷。淫機綿然。一旦觸境。不幸
與之從事。不唯出苦無期。如針鼻缺。如石折難。合靜
而思之。首可碎也。肝可裂也。心可剝也。遇如斯人。此
觀破壞。生不若死。死而不生。則已死而有生。生必入
地獄矣。

跋蘇東坡十八大阿羅漢頌

予讀眉山蘇軾供十八大阿羅漢頌。愛其思致幽深。

辭氣譎幻。發揮不傳之妙。如月在秋水。無煩指點。朗
然現前。使人見之不覺心游。象先遺物。獨立也。若非
得無所得心者。烏能致是哉。然以是知黃面老人。并
諸尊者。雖是無所得心。亦無別奇勝。或問曰。無所得
心。可得聞乎。對曰。若不可得聞。而問聞者。又誰耶。雖
然。心不知心。眼不見眼。知此則得無所得。如啞人食
蜜。甜與不甜。豈可以口舌窮之哉。

書黃龍寺藏經閣毗盧佛記後

毗盧遮那。此言光明徧一切處。阿鼻。此言無閒地獄。
謂諸苦具。黑業徧一切處。此義黑白。粲然舉著。便疑
若謂光明果徧一切處。則黑業不可徧一切處。若謂
黑業徧一切處。則光明不可徧一切處。若謂兩種俱
徧。不相妨礙者。此又不然。何以故。千年暗室。忽然一
燈。暗即隨滅。光徧滿故。唯石頭老人。謂光明中有黑
業。不與黑業相對。黑業中有光明。不與光明相對。噫。
宗風久衰。此意寂寞。往往學似龐眉。老禪取胡盧而
笑。況黃口禪雛。吾觀華嚴文殊師利教善財童子。一
百一十城。參五十三知識。雖多境緣。順逆三昧。無常。

或以殺業或以淫業如是種種作諸佛事要之皆助發毗盧光耳故頓悟石頭參同之意則阿鼻卽入毗盧之門不然毗盧卽入阿鼻之隔蓋一切衆生無有定性以無上知見之香熏之則諸佛光生以四弘六度之香熏之則菩薩光生以十二因緣還滅之香熏之則緣覺光生以四諦之香熏之則聲聞光生以增上十善之香熏之則諸天光生以精思微福之香熏之則修羅光生以五戒之香熏之則人光生以愚癡之香熏之則旁生光生以慳吝之香熏之則餓鬼光生以十惡五逆之香熏之則地獄光生或謂六凡非光者彼未了黑業無性故也了此則飛潛橫走無不毗盧之光哉今匡廬黃龍寺有僧謂宰官善讀書者享言曰黃龍藏經閣成未有司閣者僕欲造毗盧一尊以爲匡廬風月主人可乎曾公曰善哉希子旣欲以毗盧圓滿之香熏一切衆生亨雖不敏敢不以文字三昧助發此光達觀道人偶讀斯文亦橫口一上見作隨喜云耳

跋陳仲醇大藏閣緣起後

夫以藥治病病得愈者常醫也常醫死而抄其方者偶中病愈又醫之常者也惟良醫則不然直以病治病此下功也如無擇病與不病聞其風而喪我者此上功也嗟乎衆生四百四病皆客病也非主病也主病特飢渴兩者耳然兩者又本於有身身本於有我我故曰聞其風而喪我者上功也若夫五伯之爭長七雄之競雄使其果能我喪我則雄雄長得非翦龜之毛哉我如來大人凡有所說皆喪我之前茅也若然者垂裳而天下治苟非我喪我不能焉或謂藥可以治病者我知其非良醫也

讀石壁經碑跋

萬曆歲在癸巳春余挂錫燕山碧雲禪樹菴應華亭徐太僕瑛之請也燈下讀唐蘇州刺史白居易重玄寺石壁經碑逆思隋靜琬尊者刊石爲經續盈大藏竊校優劣不勝悲惋夫重玄經惟八種而白公極廣長舌相讀之聲恨不能盡而我琬公刊大藏於石設公一登白帶則其讀數當復何如適開侍者賁大藏自三吳來令其讀之亦不勝悲惋因囑其刊於涿鹿

崖壁之上使觀者知瓊公之功殆非清晷諸師可並
萬一矣

跋東坡油水頌

薪多火多境大智大離薪離境火智無地是故達人
就陰息影日中逃影離境覓智從上以來無有是處
油辟本性水辟妄情火辟境智究此三者初非有一
況有三乎性變爲情情變爲境了境須智卽情逆用
以功較之賞罰立焉毫釐之間名實難負智者思之
敢不力行能力行者千古且暮眉山長公乃是其子
書般若無知論後

此論文致婉密理路冲遠得之於心可以達六經徹
大藏旁通百氏如登妙高羣峰該覽故用之出世度
越諸乘穩證自心用之經世卽事理橫拈豎弄靡
不合聖帝明王之轍是真寔學讀而成誦誦而味之
味之精了自疑永斷取決自心不由他印也

紫栢老人集卷之十五

紫栢老人集卷之十六

明 慈山德清 印

拈古

凡佛經首有此字然此字之義一切人天魔外皆
不能知唯獨悟自心於一切佛經通達無礙者乃知
此義也由此觀之則此字是一切諸佛綱宗也苟非
佛之真子決不識此字義如汾陽責價偈雲岩寶鏡
三昧臨濟三玄三要與夫四賓主句皆此字之訓詁
也邇來大人不出典刑誰舉此所以佛祖之綱宗本
具在而不知耳其不知者果不能知耶特其不畏生
死之苦耳如其果知生死可畏唯佛與真刑是究則
知見漸開信力漸充疑情漸破而佛祖之綱宗舉
便知矣既知之則於一切古德防閑庭外之具卽能
舉而行之矣豈唯知之而已哉
夫衆生所以不得道者別無他障不過未悟現前日
用能分別好惡之心是前塵影子認爲本來人此認
一錯則千錯萬錯淪墜長劫皆自此起也故長沙岑
日學道之人不識真只爲從前認認神無量劫來生

死本癡人喚作本來人如快性丈夫窮此識神爲緣境而有耶爲不緣境而有耶緣境而有則此識神本自無體不緣境而有則此識神境未觸時本無窠臼而棧殿會上佛曰一切衆生不知常住真心性淨明體用諸妄想此想不眞故有輪轉棧殿常住真心卽此本無窠臼者是棧殿用字卽此認字是然棧殿卽龍樹四性開而爲七處徵窮阿難而阿難雖經七處窮討其攀緣之心必無所在而阿難猶認能推窮者爲心故如來咄曰此非汝心前塵相想佛可謂老婆心徹底矣然阿難執悞相想尙不肯舍至於如來飛光左右輪掌開合種種方便開曉阿難以爲手有開合見無開合頭有動靜見無動靜此非卽客而辨主乎客譬開合動靜見譬亭主燦如黑白而阿難猶未敢認亭主爲主人確計過客是主翁是以如來假匿王觀河之見本無童髦旁啓阿難旣而阿難至於認見爲物如來以爲阿難見精旣同於物則如來見精亦物矣如來見精旣同於物則阿難可見如來之見矣故曰若同見者名爲見吾吾不見時何不見吾不

且一作目

見之處此如來以離物獨立之見示阿難悟入而阿難似未承當故如來又曰若見不見自然非彼不見之相蓋不見之相無待而獨立者也縱如來五眼且不能窺覲況阿難乎故曰吾見旣非是物汝見亦非是物此離物之見非汝而誰又見若同物汝旣見物物亦應見汝果如是則物我雜亂并諸世間不成安立此如來宛轉預塞阿難轉計之路使其情枯智訖攀緣心歇則卽物無累之見迥然現前矣豈阿難果有如許轉計者哉偈曰攀緣心歇見精現前一肩擔荷豈有中邊用處本空何須離根根雖不離用合本源寄根明發如來自說寄非常住卽根解脫根脫塵離圓明了知舉心動念照鏡頭迷

娑婆此言堪忍蓋此界衆生於八萬四千煩惱一堪忍於心客而不肯洗除故也若大心凡夫頓了八萬四千煩惱皆無自性則八萬四千煩惱不名煩惱而名八萬四千三昧矣於諸三昧亦能堪忍於心則名菩薩不名衆生如但堪忍煩惱不能堪忍三昧則名衆生不名菩薩也卽此觀之菩薩衆生初無常位

苟達煩惱無性。則衆生不異菩薩。於無性中橫起無明。則菩薩不異衆生。古德有言。菩薩衆生本唯一心。迷則法法皆迷。心了則法法皆了。了則物我無差。迷則是非橫起。且道如何是了的樣子。於逆境中能作歡喜想。於順境中能作煩惱想。此想成熟。則逆順死生之機。在我而不在造物矣。

夫瑜伽之秘密。與西天初祖教外別傳之秘密。大有不同。而瑜伽之秘密。惟佛與佛乃能知之。若教外別傳之秘密。無論凡小。或因拈花而領悟。或因捧喝而明心。而悟入境界。斷非未悟之人所能測知。故名秘密。予以是知。瑜伽之秘密。在佛則顯。在凡則密。惟教外別傳之秘密。在凡則顯。在佛則密。何以故。蓋教外別傳之宗。不惟不拘凡小。即販夫竈婦。一悟其宗。便解橫拈豎弄。大震鼻祖之風。若江陵賣米餅漢。及凌行婆等。所謂教外別傳之秘密。在此等人分上。謂之直顯。則可謂之秘密。則不免惹他鼻笑。有分在。故曰。如來禪。許師兄會祖。師禪則恐未夢見。在予故曰。瑜伽秘密。在佛則顯。禪宗秘密。在佛則密。此兩種秘密。

苟非宗教精深者。決不可。鹵莽舉。似有招罪咎。

聖論總有四篇。本無則直示無生之體。不遷即示物外無真。般若無知。則無所不知。無所不知。所以知無知。也不真空。則無物不真。無物不真。物果真有哉。涅槃無名。所以即名本無名也。然四論分門。交相發光。照我日用。逆順之衝。愛憎之口。可意則心。發說不可意。則毛孔生烟。故曰。一念瞋心起。百萬障門開。然此障。謂從境生。耶。謂從心生。耶。若從境生。境本無知。安能生障。若從心生。境若不觸心。非有障。推之於境。境生無理。推之於心。心生無理。心境既皆無理。凡謂從境生障。從心生障。從非心非境生障。此皆情之橫計。非達理之見也。故讀此論者。由讀而誦。由誦而持。持則精精。則入神。入神則根境若片雪之投紅爐。我欲不化。安可得哉。果能至此。方不負立言之心。授言之慈也。然後本無。即不遷。不遷。即般若無知。般若無知。即不真空。不真空。即涅槃無名。涅槃無名。即不真。空。不真空。即般若無知。般若無知。即物不遷。物不遷。即本無頭而尾之尾。而頭之縱。亦可橫。亦可交錯。亦

可分條亦可不可不可無不可夜光在盤宛轉橫斜衝突之際豈可以方隅測哉但不出盤我則不疑也洞微知知此則異日作吾道金湯舍子而誰歟洞微勉之

恰恰用心時恰恰無心用無心恰恰用常用恰恰無此四句乃是大師悟心之後消融習氣實效也前兩句謂調心之功貴在血脉不斷後兩句圓續本脉有恰恰用心無恰恰無心用則不免粘帶故也蓋妙性獨立坐斷兩頭血脉綿然廓爾虛融習氣任運而消真體無心而契任運而消習忘而本無功無心而契體證而本無得無功則無修無得則無寄無修無寄口挂東壁且道說甚麼法細聽年年三月裏鷓鴣啼處百花香此皆大師親曾踐履過來的光景故其吐辭渾璞不辭圭角模寫自受用境界何其切哉且道如何是血脉瞥起便是傷他無念佛即受殺傷殺之際血脉斷矣此箇數子須是見地潔淨保任不虛觸著自知痛癢讀永嘉集示衆

信心銘曰境由能境能由境能欲知兩段原是一空

此四句只是一句一句了徹大事了畢若人果能了知能外境而不有我日月熾然分別之心即大智也果能了知境外能而本無則目前千差萬別之境一真獨露也夫兩段無常雖真不有一真隱顯兩段舒卷諦了無疑何貴何賤用處昭然生殺高變殺則黃金失色生則瓦礫生光明暗相參體屬主張即言而了假名曰教即了通言假名爲宗宗教如花春在何處待汝思量殘紅滿地

有人喪妻者夢其妻求破地獄偈覺而求之無有也問薦福古老云若人欲了知三世一切佛應觀法界性一切唯心造此偈是也遂舉家持誦後見亡者寶衣天冠縹緲空中稱謝而去執聞之佛印禪師佛印聞之范堯夫子讀東坡書破地獄偈語恨其舌相不甚廣長吐偈意未盡嗚呼此偈豈特破地獄哉自地獄至餓鬼餓鬼至畜生畜生至人人至修羅修羅至天天至聲聞聲聞至緣覺緣覺至菩薩菩薩至佛是凡是聖一破無遺矣或謂地獄餓鬼畜生破則不疑至破人天及界外四聖恐不當理對曰四聖六凡雖

染淨不同。然皆念後事耳。如曹溪問惠明。不思善。不思惡。是阿那箇面目。明言下大悟。遂嗣曹溪。能於曹溪。句中有箇入頭方。知破地獄。偈是斬佛劍。且道劍柄。只今在誰手裏。一念不生。沈死水。六根纔動。犯波濤。聖凡路斷。翻身處。生殺那知在斗稍。

大智發於心。於心何處。尋成就一切義。無古亦無今。此四句。偈事理不成。就卽是文殊根本智。普賢差別智。一部華嚴經。盡具其中。誦之者。多能生慧。何以故。大智根本智也。大智發於心理。成就矣。然智既發於心。則心已化而爲智。更從何處覓心。若心有可覓。則是心能見心。無有是理。故曰。於心何處尋也。無處尋。卽所謂無依也。大智無依。則橫無外。橫無外。則橫無待矣。無待之智。非理不成。就乎理不成。就則不礙事。而事成。就故曰。成就一切義。雖能成就一切義。而無古無今。則事又不成就矣。無古今無所住也。無住故。豎無外。豎無外。則豎無待矣。此偈是南安嚴嚴尊者。爲侍者。而作侍者。前生爲牛。以馱磚造寺功德。獲報爲僧。苦無聞性。誦此偈久。聞性豁然。而開一切經書。

遂能記憶。故名此偈爲智慧偈。以誦之者。多能發慧故也。

魏府元禪師曰。佛法在日用處。行住坐臥處。吃茶吃飯處。言語相問處。所作所爲處。舉心動念。又却不是也。芙蓉疏老行食。龐居士擬接芙蓉。却結手曰。生心受施。淨名早訶去。此一機還。甘否。老龐曰。當時善現。豈不作家芙蓉。曰。非關他事。老龐曰。食到口邊。被他奪却。芙蓉乃下食。老龐曰。不消一句。遠觀只今。問諸善知識。且道芙蓉老龐。雙鏡交光之際。機鋒提出。又如夜光之珠。橫斜衝突於金盤之中。卒難捉摸。謂其東突。忽復北突。謂其中轉。忽向西行。是舉心動念耶。不舉心動念耶。若謂舉心動念。魏老又道。不是佛法。若謂不舉心動念。芙蓉老龐。又非土木偶人。有人直下。揀別得出。達觀當身爲床座。供養伊若。揀別不出。饒你芙蓉老龐。復生雪屈也。須捺下雲頭。聽達觀處。分始得。古人一機一境有。縱有奪有生有。殺故曰。我與汝同條生。不與汝同條死。且道同死同生。作麼生會。咄。雙鏡交光。休擬議。法輪大轉。食輪中。

東坡贊法偈以意爲根四句云法塵是五塵落謝影子意根所取非有實境何以故蓋明了意識有初中後三分初分近前五識猶屬現量中分是六識正位屬比量後分近七識屬非量唯五識所取爲現量爲真境若六識既非現量不過五塵之影耳故曰法塵以佛爲體佛是覺義現量所得在境爲真境故曰法身永明云初居圓成現量之中浮塵未起此卽法身也後落明了意根之地外狀潛形外狀卽浮塵所謂法塵也昔龐居士見馬祖頓融前境前境既融非法身而何故偈云風止浪靜也然法身離法塵無別有故又曰水無別水也放爲江河用則兼善也是大乘菩薩之作用非止自利兼亦利他且流通不滯也滙爲沼沚不用則獨善也是聲聞小乘之法止於自利而已豈有及物之功用乎風止浪靜浪卽前七箇識也八識規矩云淵深七浪境爲風是也

一喚回頭識我不依稀羅月又成鈎千金之子纔流落漠漠窮途有許愁天童此頌凡留心玄學者或喜其明白現成本無奇險或鄙其粘皮帶骨流墮識情

殊不知劒無利鈍藥無貴賤專諸用之立斷君相之命扁鵲華陀用之談笑中可以起死回生苟非其人雖莫耶善劒不若鋤耰之利腐草之効也於是感而重頌之頌曰牛頭南馬頭北覲面相逢還不識鄰寺金剛哭甚哀東村大姐叫冤屈若道予此頌與天童本無差別然頌會天童頌子則不難頌會予頌吾知趙州復起妙喜再生恐亦摸不著在況其下者乎若道予之頌子與天童大別然天童亦頌此則因緣子亦頌此則因緣豈一則因緣而有兩意耶諸兄弟這兩箇頌子若揀點不知好惡且譏道會禪也自佛教東來方外高賓方內勝士簞鼓其道者代不乏人惟東晉潯陽廬山東林遠祖憂深而慮遠所見卓然以爲僧而不知其宗俗而不知其化則宗化混淆俱無所主乃撰在家出家宗化之所以然垂諸萬世使奉法之徒各知方向若揭日月於中天震雷霆於大夢有目者孰不覩焉有耳者孰不聞焉然而近世在家出家者有至死而不聞其篇目況其義乎嗚呼去佛既久魔強法弱邪說橫行正言蕪沒予每思

至此不知淚之所從也。姑命奇郎先錄在家出家論。俾示有志於吾道者。究心焉。

老氏曰。天地不仁。以萬物爲芻狗。聖人不仁。以百姓爲芻狗。大芻狗之爲物也。其未陳也。錦繡以飾之音。樂以獻之。及其已陳也。或棄之道塗。或充之釜竈而已矣。金剛般若經曰。若有我相。人相。衆生相。壽者相。則非菩薩。又曰。若見衆生有可度者。即是我相。人相。衆生相。壽者相。以此觀之。則天地以萬物爲芻狗。聖人以百姓爲芻狗。非不仁也不仁也者。特無我之異稱耳。聖人豈不知芻狗束薪爲之哉。復以錦繡文之者。以驗其無用而用也。夫無用而用。物無而用。不無物無而用。不無雖天地之大。萬物之衆。未始有物也。知其未始有物。而天地之用。不無萬物之用。競足此非無我相。無人相。無衆生相。無壽者相。而度生之用。常然者。安知不仁之仁。仁大而無外者乎。

皖山永嘉並得教外別傳之妙。貴在坐斷語言文字。直悟自心。而信心銘證道歌。則千紅萬紫。如方春之花果。語言文字耶。非語言文字耶。有旁不察者。試道

看雖然。花果礙春乎。花如礙春。春則不花可也。知礙而春。必花之則春之礙矣。春而不礙。花果礙春哉。如此則語言文字。與教外別傳。相去幾許。

無從而來。蓬蓬如雷。藉虛能遊。觸物生號。鼓萬物而有聲。無形去來。了無其踪。號之曰風。然不免生滅。故非真風也。夫真風者。不藉空而能遊。不觸物而能鳴。本無去來。豈有生滅。靈山拈之。頭陀微笑。迦葉呼之。阿難應諾。當面蹉過。利竿倒却。以至鼻祖。西來神光立雪。少室風生。玉樓起粟。欲求安心。心不可得。斷臂胡爲。鮮血狼籍。流入曹溪。曹溪爲碧。天童頌而無聲。三祖言而無語。信心銘作。虛空蟲蛀。自是真風大扇。智火熾然。無論有心無心。是凡是聖。觸之則燒。却面門背之。則凍殺法身。使能言者。卷舌。有智者。成愚。儒失所以爲儒。老失所以爲老。何其禍及自家。念一聲佛者。直須漱口三日。此皆真風鼓舞所致也。天童頌曰。一段真風見也麼。綿綿化母。理機梭織成。古錦含春象。無奈東君漏泄。何此頌。翻騰家聲。有損有益。有雌有雄。化真風而成。古錦驟糞拈來。換人眼珠。好心

不得好報雪裡送炭反道增寒達觀道人忍酸不禁口占一偈一段真風見也麼綿綿化母理機梭織成古錦含春象無奈東君漏泄何又有旁不禁者進曰此是天童頭老和尚何故白日青天之下驅耕夫之牛奪饑人之食和尚曰我也不管他天童不天童且道老漢鼻孔在甚麼處道不出且禮拜吃茶去再來真風中雌黃別白未晚

知三合而有鳴五合而有聞則根塵之構不待盪洗而後除也故曰知之一字衆妙之門古之至人有以眼觀音聲耳視色相即遠示近即塞示通山壁可以直度虛空可以遊行無他道也其始不過知有待迷無待而成耳有待即無待也既知之矣復能行之故有待漸生無待漸熟熟則化則同所以能於遠中示近塞中示通也

拈東坡
鍾銘

迷性而爲情則油水莫辨即情而悟性始知油水不可以同住同住水見火則起油見火則湛然湛然者可與火一一則無敵所以油不知火火不知油油水不相知而始能相爲用水則與火不一矣所以見火

空堂作

則起耳火險誘情之境水喻染境之情油喻了境之智然外境則情不生外情則智無地夫情與智初非兩物以其被境所轉名之爲情了境非有名之爲智是以智情同住如油共水情燭境則奔流莫返智了境則能所無生故智恒與理一情恒與理乖如油恒與火一水恒與火乖乖則成敵敵必有勝負如水不勝火則終必負敗而起矣即此而觀外境則無理外情亦無智學者知此便會老龐日用事無別頭頭自偶諸也老龐初發身於火宅沈家財於湘水妻子團圓共鍛無生根塵蕭然轉識成智生死大事一生了拔推其所由亦不過了達前境無性根識蒂脫乘理治情逆順無閒動止一如知得徹行得到自然臨臘月三十日一家大小並應念而化宜其然矣如東坡作油水偈勝妙精絕非聞道而勇於行者不能也故有志於了辦生死者長公之偈不可不留意焉

頌水

拈東
坡油

洞山曰貪瞋癡太無知果賴今朝捉得伊行即打空即隨分付心王仔細推無量劫來不解脫問汝三人

知不知神鼎曰貪瞋癡實無知十二時中任從伊行
卽往坐卽隨分付心王無可爲無量劫來元解脫何
須更問知不知這兩頌有人愛洞山日用之閒境緣
逆順鍛鍊自心鉗鎚猛密有人愛神鼎覓到大休歇
處咬唾掉臂戲笑譏訶無非解脫三昧達觀老漢現
前問汝大衆汝道洞山鼻孔神鼎脚根在甚麼處汝
敢胡亂揣摩殊不知神鼎不打洞山爐韞中陶鑄來
安得便恁麼自在洞山不打神鼎見地上得箇消息
從汝朝卽打暮卽隨敢保貪瞋癡直待驢年也未調
伏在汝等若揀別得出許汝會如來禪若祖師禪猶
鄉關萬里若要會祖師禪須把洞山神鼎置向腦後
自家面前尋一條轉身路頭始得故曰只是舊時行
履處相逢舉著便淆訛奇男子家本來鼻孔揀天脚
跟點地爲甚麼如作賊人常自心虛偶被人按著便
愁賊物無地藏去若是良人家男女從他千搖萬撼
自然不生虛驚心安如海爲甚麼得如此穩當蓋渠
從來不竊他人物故比來去古轉遠大人不出法道
凌遲大可怖畏無論黑白或於經論上覓得些知見

葛藤內惹得些臊氣自謂我已見徹佛祖源底便乃
向無佛處稱尊有一等瞎公鷄隨聲晝夜忽然撞箇
本色人輕輕一拶便七荒八亂理會不下又不能直
下生大慚愧悲泣自訟反於本色人分上生大我慢
結死冤讐只今之世如此等流十人之中到有五雙
老漢所謂作賊人心虛殊不知此等事如來謂之一
大事因緣祖師謂之向上事苟非夙具靈骨有段英
雄氣宇豈易荷擔近有一等杜撰禿奴拍盲居士以
昭昭靈靈日用現成者領會得卽謂之徹了何不
自家向冷靜處細細檢點一上我之貪瞋癡種子果拔
耶未耶果貪瞋癡卽戒定慧耶老漢雖不與他共住
然其果肯檢點決知他心上亦有不妥處在只是被
眼前虛名浮利籠罩了故甘昧心不肯向人露布醜
處我且問汝一千七百則葛藤雖是古人殘羹餽餘
如果能則則無疑還有則把未徹耶若有則把未徹
且向洞山神鼎頌子裏尋箇轉身去爲甚麼如此只
爲自家面前不解得箇轉身路頭少不得教汝依門
傍戶去雖然如是殘羹餽飯饑者亦可點心大衆珍

重

華嚴經曰。如是自性如幻。如夢。如影。如像。悉不成就。直言諸法如幻。學者皆知之。惟言自性如幻。雖久醉於義海者。未始弗疑也。又不知痛癢而不疑者。則疑之者必非不疑者所能知焉。而洞了自性已到不疑之地者。此真不疑者也。真不疑者。佛祖尚畏之。況其餘乎。

圓成。匪幻。依他。無地。依他。匪幻。偏計。無從。偏計。匪幻。依他。匪伏。依他。匪幻。圓成。曷契。余以是知。理不成就。則隨緣之用不廢。事不成就。則衆生復性不難也。予讀端師子戒壇示沙彌偈。不覺長歎。久之。大都土無肥瘦。水無清濁。農人勤勞。真實。做去。瘦地亦自有收。漁人耐煩。守去。清水亦自得魚。因想海東曉公來中國求法。夜宿渴甚。顧旁有一泓。掬而飲之。甘涼異常。明日視之。乃罽毘坑也。正噦閒。忽自悟曰。一心不生。萬法無咎。遂還日本。疏華嚴圓覺等經。大行於世。又鳩摩羅什五六歲時。隨母學佛。鉢竊念曰。我身甚小。佛鉢甚大。不覺失聲。下鉢。母問其故。對曰。適我生

心鉢有輕重。一法既爾。萬法皆然。夫復何疑。今之學者。未見知識。法師先自疑曰。此善知識。果能開悟我否。此法師果能教我否。此戒師果自己持戒清淨否。嗚呼。君子吹毛求疵。小人吹毛求疵。而求善之心。不若求疵之工。此等器量。做世閒好人。尚做不得。況爲如來子乎。端師子偈曰。登壇受具戒。第一莫疑師。摘取菓子契。莫管樹橫枝。拈藏端師子偈

吾讀法華經。知得六根清淨者。則眼見三千大千之色。耳聞三千大千之聲。鼻嗅三千大千之香。舌嘗三千大千之味。身覺三千大千之觸。意洞三千大千之法。若掌中見果也。雖然。吾知而未得用者。六根未清淨耳。如一清淨。則現前矣。何疑哉。於戲。此用人誰不有。以見思覆之塵。沙蔽之故。不現前。如見思斷而塵沙空心。如軒轅之鏡。十方通徹。自證之矣。豈待人言之乎。

東坡觀世音贊曰。衆生墮入難身心。俱喪失。惟有一念在。能呼觀世音。火坑與刀山。猛獸諸毒藥。衆苦萃於身。呼者常不痛。呼者若自痛。則必不能呼。若其了

不痛安用呼菩薩衆生以二故一身受衆苦若能真不二卽是觀世音八萬四千人同時俱赴救解曰夫一身之微八難頓集則難存而身心俱喪可知矣然身心俱喪而能呼觀音者身耶心耶是身是心則難存而身心已喪久矣非身非心則知痛而能呼觀世音者果有痛乎果無痛乎有痛則身與心未嘗喪也無痛則身與心未嘗不喪也難者當卽身心而推其痛復離身心而推其痛於卽離離卽之閒往返觀察推究一旦察著痛處則果有痛果無痛自知不煩求觀音覓痛所在耳東坡此贊妙密超詣豈魯直少游輩所能彷彿哉予觀天童頌洞山病中機緣頌雖妙然不若此贊四稜蹋地也頌曰放下臭皮袋拈轉赤肉團當頭鼻孔正直下觸體乾子曰觸體不乾則鼻孔不正鼻孔不正則箭鋒相值之機自然鈍置不少矣又解云自難字至種種觀察皆比量也東坡此贊但於益生註中頭一難字若不忽略著力觀察則東坡贊自然有入直下觸體乾卽智訖情枯之謂也活人觸體與死人觸體初無有異但活人觸體情識未

枯智趣未忘謂之臭觸體死人觸體以其情智俱枯古人謂之金剛觸體卽法身之謂也蓋情智既枯則我忘我忘則無物非道故曰道遠乎哉觸事而眞聖遠乎哉體之卽神者體字卽比量也神字卽現量也痛咀嚼之

韓大伯點雪寶偈曰一兔橫身當古路蒼鷹纔見便生擒後來獵犬無靈性空向枯椿舊處尋香巖曰動容揚古路不墮悄然機今有人以一念不生爲佛喜怒未發爲中此所謂枯椿舊處尋者也。能舉一而反諸則明暗動靜通塞恬變合離生滅俱未形時若不。是佛是中則一精明分成六和合翻成外說矣故有。隔壁聞鈸銅聲者曾亦得入卽此言之則六塵皆韓。大伯之古路也卽六塵而不粘六塵者卽韓大伯之。兔也臨濟用其機而變其名則曰諸人赤肉團上各。各有一無位眞人於六根門頭放大光明照天照地。自汝諸人不能薦得如上諸語皆古德禪老抖擻屎。腸爲黃口禪離說老婆禪也如其本分爲人露一些。子不得何以故佛祖命根斷故況熱腦衆生耶故曰

法堂前草深一丈。良不我欺。拈韓大仙點

雪竇公案

永嘉證道歌有曰。但自懷中解垢衣。誰能向外誇精進。此兩句歌。賺殺天下人不少。非永嘉之咎也。人自咎耳。故看教與參禪。雖皆是勝事。脫打頭不逢作家。教眼却被義理塞殺。禪心即被野狐涎塗抹了。殊不知凡尚義理。古人謂之所知。愚凡染野狐涎。古人謂之識解。依通蓋尚義理。情終不枯。一不枯。一不涉文字。義理問答。處便茫然。不知雌黃。如陳撝問雲門曰。教意則不問。如何是教外別傳意。門曰。教外別傳。則且置。如何是教意。撝曰。黃卷赤軸。門曰。此是能詮之文。如何是教意。撝曰。口欲談而辭喪。心將緣而慮忘。門曰。口欲談而辭喪。爲對有言。心將緣而慮忘。爲對妄想。如何是教意。撝茫然不知。答門曰。聞尚書善解法華經。是否。撝曰。不敢。門曰。經云。治生產業。皆順正法。且道。今非非想。天幾人退位。撝愈茫然。門詞斥而去。以是撝重發心參禪。請以雲門作用觀之。則永嘉但自懷中解垢衣。誰能向外誇精進。豈陳尚書獨不解此兩句耶。如果解了。如何見雲門如木偶人相似。

蓋此公義理窠臼。不先踢翻。却被跛足阿師踢翻了。直得無坐地處。此所謂貪觀江上月。失却手中撋。卽識解依通。雖稍活潑。初非義理窠臼。可以埋沒得渠。然謂之識解。此是依通之信。非道通之信也。依通之信。說時似悟。觸境必迷。譬如汞銀觸火。不得一觸。火便飛去矣。道通之信。則不然。如迦那提婆。以舌辯困外道。外道弟子恨婆。困其師。一日婆經行。林間外弟子以利刃決提婆腹。曰。汝以舌困吾師。我以刀困汝。汝復能神乎。提婆春然受之。而且種種安慰教誨之。提婆腸胃委地。弟子驚號而至。提婆誨曰。彼自壞善根耳。與我何預。但悲其忿毒。所燒終必墮苦。我心果不瞋其所害。則其墮苦之苦。終當代受之。更以甘露洗其腸胃。我心方安。噫。婆之照用。豈尚義理之講師。野狐涎之宗。所能較其雌雄者哉。又有所謂講道學者。更不若講師與野狐禪矣。故曰。一盲引衆盲。引得衆盲入火坑。予故曰。永嘉此兩句歌。賺殺天下人不少。雖然。若是作家。此兩句歌。亦是殺人劍。活人劍耳。夫華嚴之小根。法華之退席。一者以爲華嚴攝機未

盡則謂之未暢本懷。一者以爲法華之退席。卽華嚴之小根也。惡得獨以華嚴爲不圓。而法華獨圓乎哉。於是兩家之徒。宗清涼者。遂以法華爲未圓。宗天台者。又以華嚴爲未圓。吾則給之曰。果以華嚴爲攝機未盡。爾時佛說大經。除諸大菩薩之外。猶有八部等衆。以宿世曾植圓因。故亦得聞毗盧之音。敢問復除異類。聞經之外。更有餘衆。生不聞華嚴乎。如有之。何獨小根不聞經。遂謂之攝機不盡耶。又以法華之退席。爲不圓者。敢問除退席之下。尚有餘衆。生不聞法華耶。如有之。則華嚴之小根。未必非圓也。聞者無以應吾復諭之曰。若知之乎。華嚴無小根。則圓能縛矣。法華無退席。則妙能滯矣。惟圓而帶小。妙而帶愚。始見華嚴之圓。非圓也。法華之妙。非妙也。故曰。證圓覺而住持圓覺者。凡夫也。欲證圓覺而未及圓覺者。如來也。知此則知天台清涼矣。聞者罔措而退。華嚴曰。如是自性如幻如化。如影如像。悉不成就。眞如之性。本自圓成。不覺而動。隨緣流轉。故理不成就。依他偏計。卽無自性。故事不成。就事理俱不成就。所

以理障事障。皆不煩化而並消。事理障消。聖凡莫測。故本。色人拈頭作尾。以尾作頭。而頭尾端。整生殺自在也。

我讀法華經。囑累品不覺涕泗橫流也。何故。法華之妙至妙也。衆生之蠢至蠢也。以至妙之法。欲至蠢之衆生。各各領解。在大菩薩猶難焉。故如來囑其弘法。曰。累之者。誠然也。

法華云。開佛知見。其旨本自明白。初無玄妙。若以玄妙求之。則佛知見。便不明白了。蓋佛意卽衆生日用不知之知。開佛知見。知見既開。則眼見色。耳聞聲。鼻嗅香。舌嘗味。身覺觸。意攀援。無往而非佛知見也。予以是知衆生於佛知見中。開衆生知見。諸佛於衆生知見中。開佛知見耳。以此觀之。諸佛衆生。元無定體。顧其所開。知見何如耳。

無盡意。疑音聲可以耳聞。而此菩薩於一切音聲。以何因緣。獨用眼觀耶。佛答。無盡意。但言一切衆生。受諸苦惱時。一心稱呼。觀世音。觀世音卽時觀一切稱呼之音聲。而衆生皆得解脫。無盡意。卽曉然領解不

疑衆生以耳聞音聲則物我亢然故八難交臨衆苦齊劫劫我者謂之能我受其劫謂之能所以根境搖蕩業火焚燒究其所自以耳爲聞聲之地音聲爲耳識之牽引故曰境有牽心之業用苟能以眼觀聲則根無所待而境無能待作是觀時不惟衆生菩薩窩白盡翻實乃凡聖路窮苦樂根拔然此等作用非知解邊事所以遇緣觸境無分逆順皆我入路之階梯也

阿難以無著名心有四重過當因或假時已說不得無著刹那而相續刹那而相待至於相待假時已離不著三重矣於熾然有待之后而曰無著豈非四重過乎

夫待三合而執有鳴五合而執有聞此衆人也廢三而執無鳴廢五而執無聞亦衆人也惟三五合而不執有三五廢而不執無者此非衆人之所知也予讀東坡法雲寺鐘銘大悟語言三昧陀羅尼蓋一切文字語言皆自心之變也知其自心之變則合三而有鳴合五而有聞廢三而無鳴廢五而無聞譬如畫水

成文成文水也不成文亦水也合心也廢亦心也既皆是心豈有心取心乎心舍心乎知其如此可以爲詩可以爲歌可以爲賦可以悲鳴可以歡呼文字如花自心如春春若癡花不名爲春花若癡春不名爲花惟相資而無礙故即花是春也花可以即春塵亦可以即根矣豈根獨不可以即塵耶根既可相即又獨不可以互用之耶銘曰耳視目可聽鳴寂寂時鳴大圓空中師獨處高廣座臥土無所著人引非引人二俱無所說而說無說法法法雖無盡問則應曰三汝應如是聞不應如是聽又此數句共六十字字若譬花句即春也句若譬花義即春也義若譬花理即春也理若譬花心即春也然坡公此作文嚴義精苟非識妙者直以爲紙花耳何春之有蓋坡翁以爲吾所以得悟六根互用之義六塵皆道之妙苟微三合之鳴五合之聞推至於三五合而無鳴無聞者終不可得也故鐘以師名酬其德也有師而無座有座而不高廣何以大稱大則無外無外則臥土不可得矣此舉鐘而略撞非略之也實攝之也故撞有士之名

而無士之實也。如奪情不盡。則至理終不精徹。以人奪師士矣。師士奪而人不奪。猶未臻妙。又繼而奪其人矣。三者互奪。則用存而功忘矣。夫用存則情見自枯。功忘則義路自斷。義路斷而情見枯。得全我性命之微。豈味三五而執。鳴執聞者之所能也。子初曰。讀東坡鍾銘而大悟。語言三昧。陀羅尼者。非綺語也。非妄語也。有能讀予文而知東坡作銘之意。則予又大圓師之仲弟也。拈東坡鍾銘

紫栢老人集卷之十六

紫栢老人集卷之十七

明 憨山德清 閱

佛贊

釋迦佛贊

稽首無等尊。本光何起滅。在乎用不用。凡聖始分轍。不用但熱惱。用之皆神力。妙容三十二。一一吉祥備。功成賢劫時。非三亦非五。累足青蓮花。慈風扇萬物。

此花觸風。欹髻珠亦如墮。彷彿欹墮。間有意難爲語。當處念不生。法身爆然露。若作如是觀。供者眞佛子。

釋迦文佛贊

妙容處處皆。充滿譬若春光。在萬物衆生日。用苦不知。忽知福慧本具。足佛身。非身。盈八極。吾人計身。拘六尺。佛心無心。通一切。吾人生心。一切礙了。得身心等。无角。或光熾盛。星中月見者。聞者皆清涼。況復聞見。皆寂滅。稽首牟尼。無上尊。惟願慈波恒澤物。

阿彌陀佛贊

大道非一亦非二。佛國如何有多種。究竟願力初不同。所以感報乃如是。此去西方十萬億。化主號曰阿彌陀。往因發願四十八。是故殊勝超一切。生其國者皆不退。我若發願。祖無量。我即彌陀眞骨。肉彌陀之身。壽無數。萬斛芥子不可喻。悲智不從心外生。自強勇猛亦心力。如是觀察了無疑。我即彌陀最初師。弟子既出苦海已。師長豈墮於生死。

入山佛像贊

南面之樂。視同敝屣。苟非至明。見彼知此。幽石白雲。

瑤宮金几誰離誰慈父高矢

雪山苦行佛像贊

眼不見眼心不明心眼若見眼眼非我眼心若明心
心非我心誰云六載苦行殷勤明星出時一覩悟道
道若可悟亦可修證修證非道三學六度方便劬勞
熏炙隨順轉識成智智成識空空即萬法萬法即空
異相非礙拈頭作尾以脚爲手似乃顛倒不壞本相
橫計不了見手見脚事事執著如眼見眼如心見心
如是見者大海撈針萬劫千生勞筋苦骨役心疲志
曾有何益瞿曇方便謂言成佛佛若可成斷非真佛

釋迦佛雪山像贊并序

有生最苦者惟生死耳生死本乎情愛情愛不斷
萬劫千生酬償業債我不重汝苦行雪山覩星悟
道但服汝一切情愛一刀截斷此非大英雄漢子
安能把手心頭便判是故稽首贊之

本自尊貴作下賤相堆危岩畔宛死模樣人鳥絕踪
雪覆千嶂寥兮寂兮那來情想爲什麼活馬將他死
馬盤噠不是一番寒徹骨怎得梅花撲鼻香

釋迦佛出山像贊

衰衣何似鹿裘安雪覆千峰獨耐看不是明星驚夢
眼肯來苦海弄波瀾
一觀明星眼便花逢人到處撒泥沙六年苦行成何
事惹得諸方口業加

慈慧寺毗盧佛贊

稽首無上毗盧佛光明熾然徧一切隨其分量各得
之聖凡受用皆圓滿機盡未始終於小修羅亦非必
於大祇因警爾情生時如行巨海限牛跡是放世雄
設方便範餉示此希有身譬如雲淨中秋月衆星圍
繞增殊勝見者聞者益清涼熱惱頓入不思議

廬嶽毗盧佛贊

稽首無上眞金色相好圓滿非有無江濤湖風廣長
舌一切見聞難思議匡廬震旦勝道場今復駐此光
明尊譬如寶盤得摩尼宛轉橫斜恒不息癡人若以
方隅觀何異層冰覓火燄智者日用心湛然是故白
毫常普照

無量壽佛贊

有生必有滅。有壽必有數。佛以無量壽。必有所以。此去極樂國。西方路甚遠。但念佛號者。必當生其土。釋尊金口宣。決定無虛謬。生從不生有。不生者。非數。非數爲數本。是爲萬物祖。此祖人皆有。不悟乃不睹。如頓見自心。生滅不可得。依此發誓願。如阿彌陀佛。佛佛願相紹。光光照不絕。是佛現前時。狐疑湯潑雪。

吳中泛海石佛贊并序寄園中曹直指

夫像設之始。莫始於優填王金像。與旃檀像。像設之靈奇。則莫靈奇於阿育王銅像。與吳中石像。夫金佛不度。鑪木佛不度。火則石佛不度。水明矣。而吳中石佛。乃出沒大海。浮沈驚濤。螺髮繩衣。跏趺於碧琉璃上。現大希奇。魚龍悲仰。濟海入吳。而獨應朱氏父子之請。由是觀之。石佛既以度水。則金佛度。鑪木佛亦度。火矣。予是以知無物非心。無像非眞。心能所卷舒。精粗莫測。惟照用俱全者。則黃土與松枝。皆隨感放光。況我維衛迦葉二如來。於無量劫。與吳人有大因緣。特此顯現。令無量衆生。起靈應。想則思。思則悟。悟則通。通則近。取諸身。

遠取諸物。皆自心也。然四方黑白。不道於吳者。無緣瞻仰。予甚慨之。乃屬丁南羽氏。繪像以傳。秋空之月。無擇蹄跡。二如來自茲處處。示現矣。贊曰。

金佛不度。鑪木佛不度。火石佛能度。水多生願力。故普願見聞者。福慧如春花。不假安排力。花花妙自佳。因影得佛心。佛心無中外。應用雖不竭。迷之苦甚大。維衛迦葉佛。願願靈奇。水陸作佛事。由之不許知。凡有供養者。地獄化佛會。佛會五陰空。罪福亦不昧。獄室名福堂。檢名寔自詳。因苦生覺照。覺則物我忘。堯春無中邊。舜德寧促延。朝暮禮二像。披雲觀青天。魚龍仰光彩。虎咒融瞋顯。吳水與燕山。十五日皆圓。

彌勒化身贊

河目海口。心同太虛。長風遊之。其地有餘。我心如此。何物能轉。布袋之中。聖凡難辨。

彌勒佛贊

世人多愁。尊者多笑。愁笑有常。用無懸妙。坦懷垂腹。布袋生殺。捏聚放開。聖凡失著。

善雲堂彌勒佛贊

天容道貌妙難思。待到龍華見已遲。迴脫根塵渾獨露。頃空人我便相知。面門生笑猶非妙。背流春始是奇。一禮一瞻增福慧。常觀寧不獲菩提。

護國寺自來佛贊并序

夫泥牛耕月。木馬嘶風。衆人聞而駭之。茲像非金非石。衆品合成。解附荊楚之舟。密換蠻夷之骨。達者知而易感。常徒味而難懷。然其銷我爭於真慈。廓清涼於熱惱。雖不處王侯之位。而德貫象帝之先。梵名佛陀。此言覺者。覺則無物。非心不覺。則何心非物。何物非心。一莖草可以爲丈六。金身何心非物。丈六金身可以爲一莖草。噫。苟非其人。道不虛行。贊曰。

江清先得月。緣熟佛自來。我若心水淨。豁然佛眼開。自心垢未空。怒佛無靈通。病者飲蔗漿。橫疑黃連同。一朝疾病除。菜汁甜何如。禱佛佛不應。佛安有親疎。但將我心審。果乃誠未誠。若使心誠徹。無靈佛不情。

彌勒佛贊

一切煩惱懽喜本。若無煩惱懽喜離。是知懽喜無煩惱。

懽終必懽喜。無所資。我今稽首彌勒尊。笑口常開等海門。見聞隨喜消人我。通身毛孔皆生春。此春不向無心生。智願成熟度有情。我若無情笑破口。敢問心生懽喜否。請觀木人鳥。不怕風吹手動渠不走。尊者懽笑誰不喜。喜者大都此喜。此若知此喜。此外無管教。喜懼自然墮布袋。開來寶不多。相逢任取博。凍餓

枯木彌勒佛贊

生鐵鑄就黃金打。成刻彫玉石。恣氏五形何如枯木。不煩彫刻。德相圓滿。笑容可卽。木不解笑。笑則非木。以木求笑。笑如龜毛。以笑求木。木如兔角。有名無實。無實無理。理路不通。千尋峭壁。苟能攀攬。莫是彌勒。

彌勒佛手執布袋贊

開口舌頭隱。開口舌根露。不開不開時。問在恁麼處。汝若知得了。布袋付與汝。汝若未知得。手捏終不與。

石佛贊

無際雲濤以爲槎。並乘光照吳朱家。屢經兵火初無恙。見聞之者開心花。心花開處香十虛。光無中邊本來如。若人有緣一稽首。剎那三障頓消除。障銷石佛

解說法兩口一舌覆蓋利衆生。鼠屎與放尿舌上。周旋誰覺著。誰覺著。誰覺著。眼不見眼。見生殺。聖凡一例聽指揮。廣額屠兒真猛烈。無邊苦海成智海。一指屈伸情易決。深耶持此往。蝦蟇魚龍處處生。欣悅狹路相逢劉薩訶。一切罪根方始拔。

彌勒佛贊

胸中有些事。肚皮大而窄。此心等虛空。胸部窄而黃。往來牛馬羣。出入聖凡隊。何殊風度松。寧異月穿水。久行忽然坐。仰目視霄漢。既不慚高鳥。豈有遊魚羨。

毗盧佛及文殊普賢二菩薩十八應真贊

毗盧佛

毗盧之光。日用照彰。以我未了法身。似藏了知成熟。萬行功忘。就位其誰喚。奴作耶。

文殊菩薩

衆生未達觸處。惟情達則情枯。詎多愛憎。金毛獅子跳躑躅。停以此爲坐。不行而行。

普賢菩薩

萬別千差。行無正邪。入衆生見。敷大悲花。象占十虛。

寶珠三車屠兒廣額是子恩家

第一寶度羅跋囉墮闍尊者

左手虎口。脚膝一技。僚疑屈伸。指若無知。稽首尊者。幽宵懸燈。觀承佛記。照彼愛憎。

第二迦諾迦伐蹉尊者

雙手奉杖。外心手無。屈伸手指。早是爲渠。渠若不薦。我無奈何。且收一足。再放爲他。

第三迦諾迦跋黎墮闍尊者

拂裁右手。左手空閒。開兌通離。心無往還。以慈爲人。人忽我真。當面蹉過。再來難親。

第四蘇頻陀尊者

撫膝左手。有何所思。握拳右手。不見所持。撫握難。一人無二。知口開非笑。眼豁眉垂。

第五諾矩羅尊者

我問耆年。癢何因緣。爲生於中。爲起於邊。邊則同外。癢非中先。諦觀審察。童子超然。

第六跋陀羅尊者

手雖指珠。心不在茲。眼視他處。了然無疑。大顛學似。

韓愈罔知首座叩齒雷同逐之

第七迦理迦尊者

面圓眉長神異難量。眉作願繩。繩牽法航。度諸有緣。出此饒湯。月面日面。圓缺無常。

第八伐闍羅弗多尊者

肩露臂交袈裟擁腰。看經跳足。風致逍遙。眼目人天。人天皆疑。是何尊者。蹴踏威儀。

第九戒博迦尊者

雲山蒼蒼以石爲床。跌坐右握。指何仰揚。林泉無暑。持扇思涼。疑獨眼龍。機鋒暗藏。

第十半託迦尊者

頂縮眼瞪。注心讀經。梵音嘹亮。不許耳聽。字布白氈。雁飛秋空。橫斜斷續。影亂慧風。

第十一羅怛羅尊者

咬牙恨誰。恨世人癡。橫計身心。不知輪離。劍眉橫空。眼露殺機。以殺濟生。聖人深慈。

第十二那伽犀那尊者

身棲雲外。目視人間。見彼好醜。冷笑銷閒。笑恐額墮。

擎拳撐持。小心太甚。至人之變。

第十三因揭陀尊者

奉經遺杖。奉杖遺經。舍一取一。心終不停。兼珠與身。四者等一。一則無外。梵聲泠泠。

第十四伐那婆斯尊者

出入息空。山無異同。見山禮足。山多笑容。謂我在定。定無邊中。無邊中處。定慧雙融。

第十五阿氏多尊者

頭如擁腫。抱膝軒渠。鼻曲眼斜。眉垂心虛。心虛無我。豈有愛憎。凡百笑言。衆生慧燈。

第十六注茶半託迦尊者

樹老藤枯。心同太虛。我忘我所。樹即自余。左指伸屈。爲誰說禪。廣長舌相。聲出右邊。

第十七慶友尊者

松雲是身。身是松雲。耳目雖存。本無見聞。交手奉杯。儼如忘懷。楊枝浸水。不洒同儕。

第十八賓頭盧尊者

衣不覆肩。足備約鞋。雙眸上視。日月光露。杖在右手。

功難左無心非有二用豈差殊

李次公畫接引佛薦見素居士別號善雲

佛身何在在在而圓日用不見封埋塵緣忽然垂手
欲接其誰居士善雲此心了知生前有德死後畫佛
筆筆蓮花香風拂拂娑婆極樂染淨無常循業發現
實難思量彌陀之願四十有八願願逗機當心一札
善雲善雲豈聞見聞好擲黃冠頓超仙羣歸無量壽
長揖死生車大蓮花何妨經行生爲死母憎死愛生
不若無生無生常生觀音爲友勢至爲朋七趣周旋
應知重輕於此模糊辜負李生

調獅圖贊并引

獅子一吼百獸腦裂此猛之至也獅子一躍百獸
皆悅此和之至也惟猛不和殺物無辜至人知其
如此故調而和之爲百獸師寬猛中節威而能和
如冬之日暖然而春故易曰無妄之藥不可試也
法窟爪牙晴空霹靂一鳴一躍若欣若戚我本無心
天機淺深同條生殺明白浮沈結角羅紋交加難辨
銅睛鐵眼蚤被眨轉

掃象圖贊并引

夫根本差別兩智一心悟道淺深致有先後見性
則冥大乎根本治情則莫要乎差別故古人有同
條生不同條死之典刑明暗相參之權變雖然聖
人設象要在盡意得意忘象則象爲筌諦得心忘
情則得無所得矣

十惡五逆窮之有性千魔萬恠執返其正合下了知
崐崙非堅色空無地白象現前習垢有餘是須掃除
長松之下盆水涵虛主伴交映聖凡參差森羅海印
在我雄雌

菩薩贊

文殊師利菩薩贊

千岩萬壑皆層水一切衆生渾凍殺昨夜梅花放嶺
頭紛紛蜂蝶承春色巴蜀雪消流水急無限魚龍生
欣悅大智現前春光回觸著身心等水降此光曾爲
七佛師復爲迦文之長子無名可呼稱文殊善財最
初先見之一見百城烟水邊境界逆順不倒顛歸來
雙手一物無清涼老漢重摩頂

普賢菩薩贊

稽首徧吉大尊者在在佛土爲願王普率羣生歸智
海波濤浩渺不可測巍巍白象塞虛空譬如鉢中盛
滿飯飯滿豈復容纖物象塞虛空坐何處菩薩到此
不停思如鐘受擊聲答我萬行門中饒伎倆願王不
動恒自在雪覆寒岩法界幽瑯瑯貝葉彈舌轉清音
不許瞿曇聞牛頭馬面偏知己

禮北臺大文殊菩薩贊

稽首文殊智中尊不離萬法得根本譬如金師不廢
器廢器獨露金之體善財一見難再逢遙伸金臂摩
其頂此頂無分聖與凡清淨顯露不可見不可見處
見妙相亦如出水妙蓮華妙容標渺香雲中一切見
者皆懽喜寶瓶藉此獸中王欣然荷負恬於几翻惜
人爲萬物靈相參若個生悲戀有心來此禮菩薩解
聞師吼輪英傑積劫情根當下消龍蛇混雜常自在
妙觀察智誰爲母烟水百城老人祖率懷仰承菩薩
力吐此微詞贊功德菩薩功德贊可盡何異晴空轟
霹靂巍巍妙首妙吉祥惟願智光常照我浮雲飛盡

空無際叶斗峰頭月孤冷盡在清光妙湛中譬爾生
心隔千里

提珠菩薩贊

珠雖成串不攪不轉得意毫微礙我電卷春秋幾何
提示無多耳處聞聲退之諸訛

大悲菩薩贊

螭蟠蜈蚣足多眼少橫行直走心事豈了衆人雙手
目亦惟兩多藝多才皆出妄想物我雖殊有待之用
同異未忘共而弗共我觀大悲由聞而覺聲無逆順
一聞脫殼殼乃謂塵塵銷根拔初非先後寧有本末
任運而周多臂多頭頭臂具眼如清在秋無論智愚
聞見皆驚封我常執疑彼聖明四十八臂一十一首
臂有承捉首無左右承則象智捉則象悲悲智交運
照無所遺無待之光熱惱清涼一指屈信蜜無中旁
念彼衆生卽蛆螭蜈蚣一切有知三毒難解稱大悲名
見大悲相聲咳之間悟入無上無量壽聖大悲之君
君臣願力共拯迷羣如臂使指了無彼此正中無邪
妙物無累無累之慈惠物所思若求男女男女大師

因愛生信。因信心通。心通愛拔。菩薩神功。

觀音菩薩贊

稽首大悲觀世音。有大方便拔衆苦。若人多於淫欲。心常念恭敬。便離欲。此言初聞不覺妙。久而味之妙。無極。自是衆生心識粗。不知菩薩救苦益。淫業乃非一朝。習元從無始。至今日。一稱名號欲頓離。衆生乍聞誰復信。不信以其根未熟。根熟自然疑不起。治淫觀門既如是。治瞋觀門亦復爾。若人多於瞋恚心。當究瞋心自何始。不知其始欲滅瞋。辟如斷流不塞源。源若不流塞豈止。未得其始瞋安息。我願普念觀音者。於凡逆順憎愛中。發憤自強。揆去一朝戰勝。萬無異。若作是念。名正念。不作是念。邪念耳。豈有人爲萬物靈。不行正念。行邪念。讀普門品

毒藥不可食。惡人不可親。食毒命必夭。親惡善必損。是故佛菩薩種種設方便。以毒攻其毒。毒亦不殺人。以惡攻其惡。惡亦不害物。若作如是用。善惡無常性。毒若非妙藥。聖人物有棄。是以知觀音善。解此三昧。能於普門道教一切衆生。受惠必報德。衆生常情見。

讀本

以情報菩薩。掉棒打空月。空月若知痛。菩薩乃受供。

衆生無苦不呼名。菩薩不願誰復救。救苦慈威苦感生。苦是衆生大悲父。若謂菩薩願力深。一切世間苦皆度。作是觀者非善觀。善觀聖凡苦爲本。若人頓了苦性空。菩薩爾時乃始現。現時電火唸。莫齊分別音聲皆可見。

初針至後針。線線曾不斷。由引乃成滿。滿豈有成耶。滿既非功立。引亦何初始。若能如是觀。繡者不可得。諸人善思念。菩薩卽現前。綉像

寒谿古岸細柳疎。篁裙帶微飄。岩花泛香。隻籃雙鯉。人在舟藏。無擇知。憑一瞻容光。刀山火聚。毒藥沸湯。凡百諸苦。洒然都忘。衆生熱惱。本自清涼。卽覺橫夢。認奴作郎。勞彼至人大慈多方。以魚爲鼓。聲震八荒。縱爾闌提。聞腥亦喪魚籃。

三災九橫。八難二求。罪福無常。圓通自在。罪若有主。福不可修。福若常恒。罪不可洗。兩俱無力。悲智圓成。如見一花春。非有際。雲巒海岸。朽宅青蓮。烟波渺瀰。

菩薩欲語海潮

春山方青桃花正開天男大士掛坐岩臺花枝鬪鵲
側窺童子唱酬本調誰領斯旨。脚底有耳耳中有眼
觀一切音理。豐言簡天男

無際海濤中雲山忽簇簇魚龍及蝦蟹猿狖并麋鹿
朝暮聽潮音共沾慈悲福人爲萬物靈睹此應痛哭
異類尚歸依汝曹徒碌碌浮生若漚泡交臂頭已禿
童子不畏險衝波頻仰伏。刹那根塵空妙相者可掬
著眼嵐霧合陰森惟紫竹吳郎寄逸想大地梅花馥

梅花道人畫像

衆生有苦菩薩救菩薩最初苦誰拔若使更有所拔
者痛思拔何窮已忽然智訖情枯時海月雲山菩
薩語猛獸刀林及火坑驚雷電慈悲鼓此聲寧分
聖與凡一歷耳根無不死是故觀音度衆生空華落
影春光始海月

眼耳鼻舌身此五本來妙覺爾明了起五根如膠盆
一切好惡聲觀音以目聽有時則不然耳聞不異衆
由聞達無聞同入普門海眼耳俱一境惟根不相等

所證了無別歸源浪分纖有能則有所所忘能亦滅
能既隨所盡忘功不屬能。能盡所隨化功亦不屬所
究竟兩無功悲智妙莫測二輪碾大夜譬若杲日出
手尙多無數慈威寧有常眼不局面上掌中亦放光
例以毛髮推手眼復過是世見大悲驚驚則感而惑
誰知卽恐者與菩薩無二大悲

我聞菩薩心卽是衆生性衆生與菩薩兩杓同一柄
若說菩薩度衆生總是當人頭倒病若說衆生憶菩
薩亦如斬頭求活命且道如何卽得藥病俱除血脉
不斷觀音應現比丘身補怛岩前行正令比丘

眞觀聖凡情頓斷大智現前菩薩露悲觀慈觀利澤
深三草二木皆蒙潤如是功德難思議一切衆生願
瞻仰衆生衆苦本無盡菩薩願力豈有窮無窮願力
度無盡譬如環輪尋始終衆生正當苦迫時揭誠一
念呼菩薩菩薩聞呼以眼觀呼者衆苦卽時脫若人
知痛知不痛不痛卽是觀音力一根入流諸塵消八
耀滿證圓通覺

天風海濤不與耳交能用眼觀衆苦永消三十二應

十四無畏并二隨順一心不生無德不備稍涉情塵鏡上有痕能所角立橫見疎親以心取心陸地平沈水豈溺人人自溺津自是是水水不消滅入難之中風火殆險無形割物假物逞威苟外薪空兩者勢窮風火既爾水力亦同天機深者知此萬了未能神會寧免顛倒吾言甚平奇討難曉達本忘枝合下自了苦是導師勿得憎之離苦覓樂有師無資襄明功墜並昧斯義編縞白衣月豈在指觀薄白衣以手指月

提籃示人踏入風塵此一尾魚明暗交陳馬郎營地牙齒生津鎖骨挑後出水方新魚籃

稽首大悲觀世音所求云何而得道惟願菩薩開示我使我彈指獲圓通圓通儻獲誓度衆凡屬血氣有知者一一領之入普門菩薩以身爲廣舌開示現前所求者汝若真欲得我心我心只在汝日用在眼數與色塵合乃至在意與法和汝能了色并餘塵塵爲復從何處生若知塵塵所生處六根自無椿立地根塵廓落一精明迥迥孤光埋不住一切衆苦解脫師以眼聞聲山說法善財何處覓觀音當問初求觀音

人是人身外尋菩薩好堅一株成兩樹曇耶化身端鄺供曇端俱從我口出我若不得菩薩心安能爲渠通消息菩薩若不得我教淪墜愛河終不了只今危坐石龕中松韻泉聲粉枯寂枯木花開香異常鼻根難嗅耳根識石龜

觀音菩薩能救苦未成菩薩苦誰救往反推之救苦功始終不見有功者若人欲識觀世音能解此贊即菩薩衆生自然不須救管取即如湯潑雪

不以耳當而以眼當一切音聲若存若亡六根秀茂片石昂藏是誰鼻孔大士眼眶六根清淨

稽首大悲觀世音隱勝現此稚子相周瞻七丈有餘許狹習衆生廬生懼所懼謂其身高大不信世中有是人吾因若輩說此偈使其當處懼情消順了吾身大逾彼請觀菩薩觀觀者若有大小詎能觀以能觀無大小故是則能照大小境即如觀空亦此觀縱觀天地亦復然至於以觀觀芥子總是能觀之所了能觀果小弗能大安可復觀天與地能觀果大不能小亦復不能觀芥子吾以妙觀察智尋能觀畢竟非大

小能觀既其非大小虛空天地莫可比是三大者尙
乃爾何況七丈稚子相哀哉癡兒不自觀逐境分別
生恐懼若人於偈能返研管取大笑諦信自

現七丈稚子相

衆生有苦觀音救觀音救苦自無苦若自有苦能救
人自古至今無此理譬如薪火煎冷水水熱火本不
曾濕衆生墮落險難中恐怖悲號求出離誰知自己
悲號者一切衆苦不能縛衆苦能縛悲號者水亦可
熱火可濕若人遇苦作此觀鑊湯鑊炭常安樂救苦
普門不遠日用之中好惡顏色觀音之容能事此觀
物我本同火聚刀山春波和融纔關思惟菩薩潛踪
仰翼抹苦首西面東善財不禁直得隱空

衆人聖人初非兩心以不善用致有升沈水若外月
清而匪徹月若外水澈而有闕互弗相外能光能潔
衆人昧之萬苦萃身達身無待待者皆神以目觀聲
拯諸迷淪水月

奇峰翠竹菩薩之眉眉解說法孰能聞之直以眼觀
對境心安刀山火聚不異琅玕外勁中虛靈而我無
開彼七趣悲拔三途以智爲日霜雪消除我覓罪相

女子之翳六根互用何往不洞洞在何處在我毛孔
一孔一身菩薩微塵散滿十虛月印萬津善財欲捉
鸚鵡笑人榮辱得喪孰假孰真蜜有中邊背岩無春
竹林

水外無心觀者何物心物苟辨水觀乃得此觀時
無擇色空十方三世汪洋冲融凡聖垢除始圓妙容
三塗八難無量劇苦恒作是觀刀山樂土若作他觀
樂土刀山冲融性水苦海波瀾魚龍擾擾五欲是就
愛源冀枯須待驢年菩薩悲之以身爲薪往來欲海
結清淨緣眼聞濤聲主客同玄水觀

雲濤無際中片月何圓滿菩薩月中坐恐怖久已斷
魚龍仰眉宇出沒無定時常念觀世音濤聲入路奇
隔壁墮釵釧相逢誰解薦薦得魚卽龍防渠作雷電
電比石火忙生心早失光楊枝挿淨瓶風蕩學低昂
團蒲吉祥草坐到何年了衆生界未空我亦和泥倒
聲若用耳聞眼根渾錯照水月

稽首大悲觀世音一切苦聲惟眼聞刀山火聚成解
脫是時何處覓迷雲長江浪高如雪山我若無心水

本開衆河流急。喻閃電就中有路透長安。長安風月雖然好。頭上燄光燒。本早不藉三春出地。雷衆生蟄夢終不了。南無最勝觀自在。苦厄山中作良導。

我聞觀世音。初亦是衆生。因遇觀音。佛教眼觀聲音。菩薩領教已。音聲用眼觀。生心觀不就。幾回多愁頭。愁苦觀不徹。觀久心忽裂。心裂知自遺。知遺見亦脫。知見雙忘時。眼觀音聲。決向時無量。苦今成悲智。路路由普門入。回互不回互。隔壁隨。釵響入路。知幾箇觀聲善根深。見渠悅我心。我見觀音聲。朝暮常照臨。因聲薦此意。便能投鉢針。

菩薩衆生初。無異同其心。善用先得圓通。我用不疑。太虛長風游行自在。何物成封。用稍不善。疑情橫現。死生榮辱。魔面佛面。菩薩哀之。扶我障翳。願還本明。光洞三際。過現未來。永河蓮開。臂交徐行。足不染埃。水變琉璃。魚龍皆驚。浮沈無所有。眼如盲。聲若眼觀。琉璃豈非善財氣。急自恨鈍機。

春在桃花紅如血。染春在菩薩慈悲無倦。左肘倚石。右手屈指伸者。惟二二三之中。屈伸無住。若以住求。

是謂死句。活句在何。桃花。簪花。解說法。法遍恒河。聞者以眼。領出愛波。

七稱觀音。三稱四弘。信手拈來。普字分明。指上有眼。眼界觀聲。自親而疏。衆苦消停。性能如是。緣生無生。刀山劍樹。苦痛難承。夜閒摸枕。大悲現形。交臂失之。既足。徒行善財。捕影。鸚鵡飛鳴。在而不見。楊枝礙路。謂此非實。普陀是真。隔垣。釵墮入。借聲。塵聲可說法。色爲大師。我無隱乎。爾欠諦思。三十二應。離黃慈成。德山托鉢。杲日流輝。眼界聞鐘。衆苦息機。

兩餘芳草。綠。編草成。綠玉跌坐。玉溫潤。萬慮不煩。濯此心空。潭清垢淨。忘邊幅。見者意自消。饒舌非我事。萬象解高論。聽者根豈具。惟不具根者。善聽萬象說。熾然常不停。眼根爲媒的。接引苦衆生。普門作安歇。淨瓶與楊枝。當面徒排設。

熱惱清涼。初無有常用之何如。遂見短長。菩薩知此。所觀異人。聲聞於眼。人則耳。塵於眼。聞音。法無淺深。情關坐斷。凡聖平沈。以此爲門。門包虛空。有形無形。陶鑄此中。造化辭巧。陰陽難工。一毛多身。萬竅號風。

聲作佛事大悲之宗智悲爲航願力無窮樹葉爲席
妙容盤膝屈信在心豈在形跡碧草蒙茸秋光何密
衆生眼毒菩薩眼慈慈毒相反難爲相知毒盈惡極
惡極罪深萬苦交主始呼觀音觀音能揀理折難通
眼界司聲千災頓融衆生知此菩薩一同

衆生無明菩薩圓通兩者諦觀本非異同三塗八難
衆苦靡窮毒藥刀山生心成封拈來便用用處渠逢
渠若是我馬將喚龍于茲薦取悲智沖融不涉安排
自然適中重巖流水舌相覆空說法無盡眼聞耳聾
萬般煩惱六月松風睡著善財面西背東

悲智之用衆生本全以我所故圓而不圓以苦爲師
苦極深思思之積久心開神怡寄根明發用無順違
夜光在盤自在而馳生心卜度火燒汝眉菩薩哀之
方便備施百千三昧應身無疲片月在空萬影臨池
本無前後豈有參差刀山火聚解脫之機但覺畏怯
線刺牛皮

輕風生微波異草生巖阿菩薩自在坐心念衆生多
瘦竹五六根瓶中楊柳疎大地本清涼將何熱惱除

天風生海角翠簾摩空虛楊枝不解縛瓶水知湛如
女人欲成男先將姪機枯姪枯心清淨定作大丈夫
童真剖恩愛盡形守戒珠參禪與學道魔外難擾渠
忽開佛知見以眼聞筌竿分付董道人精進長髯鬚
何必待來生然後出迷塗

六根不圓通情念不能空情忘念滅時六根元互用
一作多佛事多是一根功八萬四千毛個個無優劣
誰謂耳聞聲誰道眼見色聖凡無寸地何母子先後
一念不生時本光常獨露圓通在螻蛄門屬蛇虎
大士無功德何讚復何毀

以手爲目以珠爲聲虛空硬骨難相無生泉石清幽
寄此玉頸半跏而坐屈伸本閒鸚鵡覓食善財繫頑
呼之不來不呼卽還

持珠

以濤爲槳並泛海涯有力爭請唯然朱家魚龍哀鳴
水族失爺旣爲人有吾曹咨嗟人憐龜鼈禱佛冥加
凡彼濕生心開覺花人心佛心達本無差魚龍知此
咨嗟徒譚心佛衆生玉本無瑕吳門綠熟通玄地嘉
兩鉢雖破二尊靈遐見聞之輩數若河沙若毀若譽

毒鼓誰搗有心無心鼓實爪牙癡子不解打草驚蛇
蛇忽換骨風雨橫斜閃電光中雷師開遮石像鼻孔
或隆或窪雪浪山崩緒上行蹉水陸無虞聖凡一車
運重致遠手抱琵琶有聲無聲趙州賜茶纔涉唇吻
波浪如麻

吳中二
石佛

稽首大悲觀世音於音聲中作佛事一切衆生受難
時號呼痛切卽起救譬如淨月在天際凡有水處皆
遍入水卽衆生痛切心月卽菩薩方便力刀山劍樹
與鑊湯黑風鬼國漂墮處衆生命根將欲斷菩薩委
曲爲之續或遭饑饉寒病疫子母不顧皆雖析菩薩
身化衣食藥令人歡喜復完聚衆生設受愚癡苦文
字語言觀不悟菩薩冥以甘露水蕩除昏翳忽通達
世出世法觀掌果了了分明永不惑菩薩威神感卽
應究竟俱我自心力我心痛切若不真有苦菩薩救
不得十四無畏及三十二應衆功德若離我之
痛切心向外馳求寧有濟我又諦觀此痛切極力推
求不見有求之於苦苦無從苦若有所豈能滅我今
號呼菩薩時一切苦處成懽悅是知苦樂總無常衆

生不了生順逆龍犀紛紛夢正濃幾度號呼喚不醒
惟愿菩薩愍我愚冥熏加被喚卽悟悟後身心空裡
花愛憎生死龜毛拂如是了知圓通失菩薩無地可
站立無奈去作馬郎婦以欲釣牽度衆苦譬如以毒
攻毒疾除毒亦了無所何妨鬼臉與神頭順行逆
行普利益我因房山一斗泉得觀菩薩相好身又於
慈壽石碑上乞食曾禮菩薩相菩薩手提新篋籃籃
裡魚兒若活狀蓮華艷冶瓏光儀令人瞻之生佛想
旃檀龍腦朝暮燒香烟霽霽籠樓臺供養富貴最無
比善財龍女常懽喜惟有鸚鵡心不足猶道枯淡難
棲泊誰知上方兜率寺岩龕亦有觀世音烟霞香火
甚蕭索超然不厭於寂寞

魚籃
觀音

菩薩未得道涉世寧自在一旦悟自心解脫非障礙
非身無盡身慈嚴相非一無心周萬物精照靡不徹
身心本三昧衆生甘下劣無苦中見苦非樂中求樂
是謂顛倒想難入圓通覺
驚濤撼俗獄巨舟不敢渡菩薩何所能蓮華瓣襯足
去來若鴻毛飄然雖恐怖蛟龍與鼉鼉一切諸水族

觀影生慈心。劍輪忽停住。南無觀世音。智願廣無盡。
我既歸命禮。願一切如我。

本來一精明。迷成六和合。譬如水結冰。室礙非通達。
文殊選當機。菩薩聖中首。聞聲聲即心。心不見心故。
心若能自見。眼亦可觀眼。如是頓了知。衆苦皆解脫。
○開物成務。聖人之能。或經或權。緣生無生。威中有
慈。不與威相遇。慈中有威。不與慈相值。如山出雲。如
月臨水。如春著花。三者同現。不遇乃成。不值乃靈。惟
成與靈。力在無功。大悲千手。手手有目。較此妙相。手
眼何寡。寡爲多母。多爲寡子。多寡不到。智者自了。了
則不疑。此相即我。我能疑我。入道之式。

五色令人目盲。五音令人耳聾。竹石而開。樓身世有。
無中則色之與聲。皆可入圓通。究其所以然。眼觀音
之功。是故三塗八難。衆苦雲從。凡逆之與順。如清風
之度松。

智海欲海。初無有常心。兮善用欲海。發光倘不善用。
蟻炭鑊湯。以蓮爲舟。普門浮游。即呼而應。未分馬牛。
馬窺鞭影。馳不待再牛。拽大車。所往自在。魚龍鳥獸。

或一作靈

水陸之儔。海印三昧。靡影不收。手中楊枝。時蘸雲濤。
熱惱沾者。百苦頓消。以海爲盜。魚龍在掌。眼觀龍鳴。
晴空雷響。

心火既熾。境風扇之。凋殘本妙。入難險奇。度一食頃。
如千百劫。相驚龍辱。成熱黑業。勞彼慈母。奔波成勞。
等觀大地。如一子驕。求不得苦。急於燒眉。人間乏嗣。
天上共悲。救苦尋聲了。聲之前。普門月滿。我願亦圓。
求女得女。求男得男。自心現量。菩薩之貪。若問幾許。
手中數珠。童男童女。轉處自如。

吾嘗觸逆境。熱惱燒肝肺。吾嘗遇順境。喜悅發毛孔。
本來一吾耳。苦樂何多種。世以苦爲苦。不以樂爲樂。
誰知苦不了。皆因樂爲幻。此幻弗能遣。苦根安可拔。
縱使苦樂盡。平受亦是刺。是故觀世音。哀衆生三者。
寔爲諸惡源。衆苦之所集。於是設方便。教汝眼聞聲。
入流成正覺。獲三十二應。得十四無畏。上下二隨順。
廣菩薩悲智。且吾正苦時。猛獸與刀劍。一時俱盡受。
楚痛莫能堪。號呼吾菩薩。忽想吾暴痛呼者。復是誰。
正痛又能呼。痛呼兩不涉。不涉而妄呼。何異夢蛇咬。

方蛇夢咬時怖畏不勝急忽聞鼠翻盆蛇我奚得失

佛香庵旃檀觀音像贊并序

析旃檀則無片不香分滄海則無滴不濕旃檀滄海以心爲母故得心者可以爲諸聖祖大地母馮生既逝以情觀之似水競東而不能返矣吾聞萬物一物萬人一人所以聖人知此而迭用之若然者此像既生馮生果真逝乎贊曰

馮生果死此像不存此像既存馮生奚往如眼觀聲清機歷掌馮生有靈莫忽吾想

吳道子觀音變相贊并序

凡畫之妙不難於可見而妙惟不可見而妙著焉爲難耳故妙而可見者易以平出難以側形唯遠視而彷彿側出則非畫者逸想幻出焉能不卽而親墨淪而神哉故曰妙萬物而無累謂之神神之所存雖至朽之物其生機觸心似不可掩此不可掩者寓萬物而靈隨寓爲君君之所在何物非臣歲丁酉余於董內翰家瞻吳道子所畫觀音變相三十二身其精神態度萬變錯出譬如夜光之珠

在金盤之中流轉自在率不可以有思惟心而計其所向也或無心而非木偶有思而非著想者其可以知此哉贊曰

逸想所寄非羣非情觀音其師寫我虛靈筆筆畫著緣生無生一身衆妙萬鏡一燈可悅難卽欲離反冥窮其所以淵默雷霆不責耳聞惟宜目聆普門窈窕意路難登菩薩哀之分光散形爲渠紹介招手呼名慈母聲咽兒終不應念茲心痛徒自涕零

彌醯觀音贊

觀音菩薩閒不徹盡日觀身與夜接觀去觀來見觸體枯然只在我眉睫此時西施來作禮菩薩淫心了不起莫教出觀遭野狐眼中見渠生歡喜咄是男是女皆如此何必生心更愛憎

准提菩薩贊

一心不生萬用皆備手臂錯執超然無累衆生熱惱用處弗齊以呪鑄習蓮敷欲泥

唐賈休畫十八羅漢贊

第一

十方一珠三世一線尊者有心撥之豈轉大顛春秋
韓愈綢繆咨問幾何立僧代酬

第二

背倚枯槎安知歲華半邊鼻孔落在誰家出賣日月
破除大夜戀幽之鬼紛然驚詫

第三

師觀一切如母視子子感母恩脫離癡美拳拳握策
兩指蠱天蝸牛生角雙塔燈懸

第四

握中何物佛祖不識左手倚膝口開可測默如雷轟
聲在未聲若以耳聽離婁失明

第五

心外無法雲山此心是身果有定則難尋瞑目巖室
卽身非身有緣見者其孰弗神

第六

忽然想逢誤獨眼龍扇上青山流泉何窮屈伸五指
一二三無定恣口雌黃千峰鐘聲

第七

紺目澄碧萬象莫逃併握支頰恐難堅牢喉深如谷
開口便淺不過三寸閉藏孰辨

第八

視身如雲雲豈異身鉢水楊枝衆生之春老松糾盤
風雨所在無限龍蛇恣其變態

第九

飲啄之餘消閒梵書橫眸數墨自卷自舒白麝烏跡
鴻飛雪嶺隨風斷續野水留影

第十

肘闌雲石手還在空袒肩持杖眼視飛鴻謂彼神用
其誰不備有無非酒飲者皆醉

第十一

此木童子有身無手藉師成功師手我有用處隨宜
癢非在皮待爬而除問孰了知

第十二

以眉說法口吻俱閒舒卷自在長短之間偶將爲繩
束縛虛空安置芥子江山無窮

第十三

口閉不開。誰知齒缺舌根輕搖。一任賞罰抱膝而坐。
屹如枯株。欲昏未昏。以此自娛。

第十四

一掌五指屈伸無常。如風玩柳。按室主張謂屈謂伸。
始終環輪。勞動夢想。尊者爾嘆。

第十五

大悲菩薩手眼百千用。既皆備。照何不圓。經珠與杖。
并治妄想。念若未起。一虧喪兩。

第十六

指麾佛魔把柄在我。雷厲風飛縱操皆可。驢駝馬載。
並足還錢。子奪生心。虛空有邊。

第十七

兩眉如風。兩目如海。經在面前。宛然有待。一毛山河。
劫歷難窮。謂遠謂近。瓶之貯空。

第十八

微塵既剖。經始現前。文句無多。歷觀窮年了。知在我。
不在于經。兩者有常。牛皮見星。

又十八羅漢贊

第一

枯槎生花非耳。不見額鼻俱聳。春光何限。屈伸有常。
機絕抑揚。三直兩曲。臂肱堂堂。

第二

頭疑恠石。髮如飄柳。一手持珠。以珠代口。莫驚濶額。
具體而閒。顛倒佛頭。依稀德山。

第三

衣卸肩出。碧眸注經。此經甚深。大夢雷霆。文字非實。
實非文字。獨垂一足。兩手自念。

第四

視經垂頭。肩背吞耳。泉出地中。湛然存紙。嶺南老盧。
柴擔暫停。待查龍藏。無所住心。

第五

兩手支頤。恐其墮地。口開齒露。眼迸心睡。心睡身忘。
石無施剛。石忘我足。沒入何妨。

第六

一心不生。我即龍巖。波浪衣紋。泉鳴翠巖。眼雖不開。
光照六合。明暗兩忘。見精非雜。

第七

以杖倚額。額爲杖架。一肩孤聳。並足踰。價杖額不同。主賓何功。唯肩與足。空磳虛空。

第八

琉璃與鉢。內外洞然。目注其中。五臺現前。白雲卷舒。百狀千態。故埋松根。逞其自在。

第九

歛肩抱膝。果何所思。我所思者。心清思遺。思遺而坐。寬窄皆可。石本無相。吹毛莫躲。

第十

腕爲教主。手復持珠。更忍心放托。經自娛。秋空雁鳴。梵宇參差。以此贊佛。耆年了知。

第十一

怒髮衝冠。惟思不然。刈茅非鏤。一怒盡。三屈兩伸。卷舒一手。瞋爲佛事。誠不請友。

第十二

腦後無際。枕馮高岩。手中所握。扇塵同函。雲沸無心。偶遮半面。其誰作禮。直不我見。

必不我作
見不

第十三

面則如樓。五官併穴。分疆割界。漂杵流血。衆部之君。眉應不羣。坐妨曲折。行則拖雲。

第十四

背若果有痒。爬難除。果然無背。爬痒非虛。往復觀察。情枯智訖。池或月來。眼底見佛。

第十五

眉揚目朗。彈指肅然。卽此爲舌。舌沾人天。誰爲虎子。牙爪鋒利。具而不張。野干爭避。

第十六

肩長無用。聊可倚杖。膝亦空閒。承經何恙。莫嫌眉長。飄拂岩龕。不碍眼光。湛如寒潭。

第十七

抱杖伸指。非三推兩。以靴藏足。靴脫足爽。風致疎閒。巢由之閒。髮鬚若存。鼻孔蚤露。

第十八

衣不掩胸。心同虛空。握拳誰擊。開口漏風。謂手按膝。膝無我人。謂膝承手。手原屬身。

卷之十七

紫柏老人集卷十八

明 憨山德清 閱

唐貫休畫十六應真贊

第一賓度羅跋囉墮尊者一手持杖而手屈二指膝上閑經而不觀

杖穿虎口餘指閒屈以此爲人喚渠何物頭顱異常隆而復衆巖底雙眸光芒難遮

第二迦諾迦伐蹉尊者雙手結印而杖倚肩

形如枯木忽開面門須眉之閒眼挂鼻掀御栗一條拳拳握牢有心無心筆墨難描

第三迦諾迦跋黎墮闍尊者骨瘦稜層目瞠而眉橫如劍右手執拂左手按膝

骨齊枯柴物我忘懷眼露眉橫見人活埋右手握拂抑揚雌雄聳肩並足龍象之宗

第四蘇頻陀尊者跌坐石上右手握拳左手按膝眉長覆面

一手握拳一手闔膝累足而坐萬古一日面部少寬

頭多峰巒若問法義兩眉覆額

第五諾矩羅尊者雙手執木童子爬癢

俄覺背痒手爬不能用木童子一爬痒停未癢癢無既癢爬除敢問尊者此癢何如

第六跋陀羅尊者匾腦豐頤瞠日上視手掐數珠

春秋幾何晝夜百八珠轉如輪聖凡生殺腦額欠肥匾頤所希眼光射空鳥駭停飛

第七迦理迦尊者宴坐石上眉長繞身面不盈握五官分職聲色香味各有法則身無一尋

眉長丈餘以此爲舌隨時卷舒

第八伐闍羅弗多尊者露肩交手注目視經

貝多展石橫眸讀之交臂露肩心有所思空山無人老樹爲伴風弄新條如柔如斷

第九戒博迦尊者側坐正見半面一手執扇拂一手屈三指

在手握扇右手握拳衆人之見我則不然以扇握手

拳亦何有。作是觀者。雲山我肘。

第十半託迦尊者。雙手持經。縮頸。垂肩。注

目視之。

肩高枕骨。目迸天裂。經轉雙。隨清機漏洩。風月無主。煩絃耆年是龍。是蛇。逐句試宣。

第十一羅怛羅尊者。撐眉怒目。手有所指。

怒則不喜。雙目如劍。眸子流火。晴空電閃。凡有邪思。指之即空。本光獨露。如日在中。

第十二那伽犀那尊者。擎拳拄頰。開口露

舌。見喉而大笑。

目動眉搖。開口見舌。以誠悟物。擎拳曲折。背後雲山。流泉潺湲。不以耳聞。我心始閒。

第十三因揭陀尊者。杖藜倚肩。左手托經。

垂頭而注視。右手拈珠。

降伏其心。使心不開。珠輪指上。經置掌間。猶恐其放。杖倚腹肩。以經視眼。心遊象先。

第十四伐那婆斯尊者。六用不行。入定岩

谷。

心如死灰。形如槁木。神妙萬物。蒼巖骨肉。鐵磬誰鳴。空谷傳聲。呼之不聞。不呼眼瞳。

第十五阿氏多尊者。雙手抱膝。而開口仰

視。齒牙畢露。脫去數枚。

抱膝何勞。頭顱岩。纔開口。縫舌相可。描以眼說法。開合無常。明暗代謝。奚累此光。

第十六注茶半託迦尊者。倚枯槎。而書空。

腰插搜扇。一握上畫日月。

古樹苔垂。指頰屈伸。請問大士。爲我爲人。搜扇一柄。匪搖風生。無邊熱惱。披拂頓清。

達磨贊

航海東來。唱傳佛心。斷臂求之。了不可得。一場懺懺。阿誰受屈。五乳峰前。太煞狼籍。皮肉骨髓。腥氣逆鼻。只今聞著。還云不識。

旃檀乾闥婆神王贊

無生路絕。有生門開。聖人之權。變化莫猜。現容威猛。慈母之痛。凡有赤子。愛如麟鳳。

龍樹尊者道影贊

稽首龍樹尊。無端現月輪。若無那提婆。敗闕不堪聞。
且道遮老漢。未後轉身一句子。作麼生。咄。外道五千。
成佛去。自家端只陷泥犁。

康居國會尊者像贊并序

嘗聞孫權初見會公。疑其形服。及求舍利。有驗。遂
建浮圖。嗚呼。人心多疑。皆生於有欲。有欲則計利。
害利害未決。疑從是起。殊不知一心不生。凡聖平
等。本光圓滿。利害奚從。衆生昧此。聖人之不遠
千萬里。抱夜光而投人人。猶按劍痛哉。

身非我有。心亦無常。身心之外。更復何當。三稱如來。
血淚沾裳。終古之痛。爲誰著。忙知公者。希公德難量。
舍利昭靈。示現無方。嗟予小子。藍墮僧行。中秋之夜。
一接容光。怒嚴流注。沃我焦腸。此情此恩。芥劫難忘。

康居國會尊者像贊寄慈公并序

三國爲英雄之聚。亦刀兵之聚。慈悲般若。若無有入。
處而康祖一錫浮江。三稱如來。兩目流血。舍利投
瓶。光燦六合。澤綿千古。是時也。吳之君臣。莫不爲
之動心。變色。卽事徵理。知有佛而不疑。六度既譯。

安般門開。無擇黑白。得法琅淨。與夫禪思入微者。
不可計算。皆我祖爲之嚆矢也。茲慈山清大師因
弘法成章。海善以慈心三昧。普使朽骨生春。聖華
居士聞風感慕。特寫祖影。寄上曹溪。以爲大師影
響。嗚呼。曹溪肉佛。所現自唐及宋。飲曹溪而得道
者。代不乏人。邇來曹溪涸矣。搖林蕭然。又藉慈師
以謫戍爲波瀾。而曹源復活。康祖分身。彌縫眼開。
恒沙難喻。豈可以有思惟心。測其功德淺深者哉。
達觀道人。不解逆風把舵。但解順水推船。爲之贊
曰。

康祖來吳。清公謫粵。彌縫大師。金剛眼突。瘴海之慘。
骨刺魂驚。大師得戍。彌縫聖明。曹谿蠱毒。飲者皆喪。
大師飲之。銷盡諸障。指撮舍利。康祖之貪。貪不爲我。
此心何慚。弘法得罪。命如單絲。千里瘴嶺。芒鞋踏遍。
雷道岩巖。颶風正高。鉢瓶孤逝。舌相昭昭。南粵魍魎。
白日鼓掌。我若無心。菩薩影響。有心應之。康祖愚癡。
章甫之國。其誰不疑。石頭之別。肝膈冰冷。丁生吹火。
寫康祖影。緣影得心。心忘性冥。大用無常。鍾以眼聽。

根塵主客收放夢醒掌擎瑤塔牢山之頂

潭柘山嘉福寺觀音殿足跡贊并序

夫差雪恥而破越勾踐嘗膽而亡吳伍員覆楚申包胥哭秦庭以復楚皆苦心志勞筋骨積歲月忘寒暑而後其願始克今此道人以有情之踵磨無情之縛縛穿跡成雙趺宛然使後之見者毛髮俱豎涕淚交下懈怠之習精進之光雲迸日露以夫差等四子心力所積較此道人足力淺深其何如哉余感而贊之不惟見賢思齊願人人因贊生奮因奮生恒因恒生克贊曰

頂禮道人雙足跡身毛不覺忽俱豎無始懈怠習頓除覺天雲迸精進日逆想斯人初未逝朝暮殷勤禮大士心注聖容口稱名形骸屈伸安可計積日成月月成時積時成歲歲成劫如是積漸難盡言水滴石穿心力至辟如千里始初步又如合抱生毫末以踵磨縛縛漸易跡易精進猶未已縛穿大地承足底地穿有時人不見我獨了了無疑異因之耿耿生悲泣願我從今頂禮後精進爲足踐覺地境緣逆順湯潑

雪又如利刀破新竹迎刃而解觸熱消在在處處常自在又願見聞此跡者剎那懈怠皆水釋

自贊

以石爲屋初無成敗風塵負情水月償債寂寞心珠虛空眼界田衣拱默累足捏怪嘆是教是宗俱不會象先富貴有誰爭

或言汝廓落吾笑汝褊窄見善便懽喜見惡即不樂善惡未忘懷安可入無著又言汝了了自了復度衆信汝如活佛朝夕生殷重吾知汝見思尙在法空未登帶情說法誑諸聖盲吾聞知人者智自知者明汝於兩者何者爲衡嘆帶情說法情何物明暗相參作者知

汝若是我世出世閒種種好醜一點也瞞你不得我若是汝一切逆順關頭死生路口如風過樹如雲觸石雖然如此也未必是老漢本色事若舉本色管取凡聖魂消毒鼓無聲在有人不知汝脚跟立處橫搜豎覓究竟汝生緣何處但向伊道自笑行蹤如野鶴前岡飛倦有長松

渠是我兮。我何所存。我是渠兮。渠何所留。主心揀別。兮血脉斷流。不揀別兮。龍個宗。猷枯木開花兮。頑石點頭當家。種草兮。皮裏春秋。晴相逢。莫道無機智。多少魚龍銀海中。

汝這漢閒多管見人。便勸學善提。更解談長與說短。松江月。誰能識。今宵皎皎懸空碧。無限魚龍吸影忙。江濤滾滾渾泥出。阿庵努眼石灰湯。水晶庵內難婁窟。箇中夢春浪急。蠱毒之家水莫喫。知不知命根斷。命根斷時何處立。翻得身來夢已醒。黃金總是虛空骨。

牛首峰頭獻花岩。畔不憚烟霞訪老農。因緣往日曾相結。浮玉雲金。慙月。廣長舌。相分明。說江北江南春本同。桃紅李白。顏分別。且道分別個甚。麼。誰家竈裡火無烟。一任旁吹閉不徹。

問渠何處人。南北恣超放。有時觀驚濤。或復噴層嶂。山水癖最深。膏肓莫可況。天子不得臣。諸侯不得黨。死生視一條。榮辱豈二想。更有一般拙。輕重不自量。直饒佛與祖。也要稱斤兩。境風逆順時。行藏任跌宕。

虛舟橫急湍。魚龍憑覆仰。虎兕固和暴。錫環振偏響。忌諱吉亦凶。惑癡衰亦旺。首尾俱坐斷。中心拄子喪。善善而惡惡。譽譽而謗謗。獨途皆有入。生心蚤成障。憶昔登葛洪。反策天水漲。河梁羅黑白。掉頭明月上。陳侯卽普賢。清光本一樣。永寧暮鐘動。幾回思鐵杖。高踪不可追。令人殊悵悵。朗空不遠來。碧雲索爾像。信口叙疇昔。持歸常供養。

諸方禪和子。誰不有生緣。惟汝初不語水中。涵碧天。無風浪。自寂有影。色本然。若謂是僧兮。依希具髭髯。若謂是俗兮。眼空鼻祖。禪若謂不可名。假號何駢駢。慣用明暗。鎚鎚破無底船。且道船底破時。向什麼處安身立命。落得智香薰法界。吳江烟水本依然。陰陰紫柏。覆枯禪。一道神光照大千。世上難逢開口笑。雲邊常得枕流眠。

汝卽吾兮。片月在天影。臨千澗。吾卽汝兮。智訖情枯。泥牛作吼。且道誰家曲調。咄。海山雲盡。花叢出光德。庵前春水深。

汝卽我兮。全無覺知。我卽汝兮。妄想紛飛。合則非一。

離則愈疑。縱有龍樹之明。鷲子之智。亦難辨伊伊賦性豪縱。腸肚闊。個繩墨不拘。利害如夢。頗具英雄之心。而無功名之志。所以難留於塵樊。只宜放浪於泉石。更有一種傲性。自謂佛祖是鈍根才。料鬻奴白牯。堪與交遊。有時引教證宗。引宗印教。有時荆棘瓦礫。般般是寶。有時珊瑚瑪瑙。不值糞草。一片舌頭。褒貶無定。是非亂統。有恩處不異冤仇。無情處慣肯淹留。最是喜怒不常。如嬰兒模樣。我看你對人不設機關。觸著胡談漢談。惹得別人憎愛。自猶如癡如憨。紅禪衣一領披之喜。權若被一箇青眼郎君覷破。我看你不值一錢。呵呵。誰薦此權衡在手。任抑揚。要人活。兮死即死。

朝供養。暮供養。喜怒無常。情識浪。但能直下死偷心。此是老儂真妙相。紫羅袍舊袈裟。兩種看來何者佳。旃檀狗糞分明在。凡罌關頭路不賒。如此會無向背。流水青山渾不昧。只此不昧火中蓮。香光戒月無瑕類。

血書金剛經贊

稽首金剛經般若最堅利。一切有爲法無能越此者。若人見一字。或復聞一句。乃至四句等。功德難思議。墨書不若銀。銀書不若金。金書不若血。娑婆震旦國。有大精進女。視身等漚泡。知本幻化。一念堅固。信歷刺十指。血書此無上寶。願彼見聞者。頓空身心。執持此金剛劍。斷一切憎愛。如是妙利益。不求人之福。回向般若海。澡我五漏身。獲淨七寶體。童真割世染。早遇明眼師。悟心爲佛子。弘彼妙法華。聲震微塵刹。無心及有心。非緣培聖種。況我血書經。果報寧虛誑。

儒陳如比丘贊

瑤宮金闕視等微塵。不以富貴而勤此身。雲山蒼蒼。借石爲床。心如虛空。僧中之王。田衣被物。鼻孔昂藏。荷擔大法。苦海津梁。頭顱圓滿。螺髮久除。欲覓一莖雪。觸紅爐。稽首陳如比丘之祖。續佛心燈。光傳終古。此光非月月有。圓缺不圓缺者。慈藹當說說而不聞。自沒迷雲。煩他木石。饒舌驚羣。驚而忽省。楊枝救病。瓶解參禪。奉如來命。泉響千峰。眼觀正令。

竹杖贊

此君何來。愜我素懷。挂有撐無。峨眉五臺。手如持杖。杖不持手。直下便見。兩頭莫走。

寒山拾得贊

兄持數珠。弟握掃帚。若問雌雄。泥牛哮吼。山林市城。共覓無生。取像會意。撥粗得精。

頌古

楞嚴經。佛告阿難。吾不見時。何不見吾不見之處。若見不見。自然非彼不見之相。若不見吾不見之處。自然非物。云何非汝。湛堂準禪師頌曰。老胡徹底老婆心。爲阿難陀意。轉深韓幹馬嘶芳草渡。戴嵩牛臥綠楊陰。頌曰。

蒼龍慣喜臥重泉。額下驪珠愈燦然。借問有誰能挾得化爲日月照山川。

南泉因東西兩堂各爭貓兒。師遇之。白衆曰。道得。卽救取貓兒。道不得。卽斬却。也衆無對。師便斬之。趙州自外歸。師舉前語示之。州乃脫草履安頭上。而出。師曰。汝適來若在。卽救得貓兒也。頌曰。

設使南泉不學刀草鞋。何地賣風騷。相逢若問兩堂。

客鼻直橫眉總姓貓。

貓兒未必直千金。惹得堂頭亦動心。信手一刀成兩段。草鞋帶去血淋淋。

黃蘗云。汝等盡是。噇酒糟漢。還知大唐國內無禪師麼。時有僧問。諸方聚衆。爲什麼却道無禪師。曰。不道無禪。祇是無師。頌曰。

年去年來噇酒糟。迷花醉柳浪滔滔。雙眸驢糞換將去。含笑臨行奉一盞。

德山一日飯遲。托鉢下堂。時雪峰作鉢頭。見便云。這老漢。鐘未鳴。鼓未響。托鉢向什麼處去。師便歸方丈。峰舉似巖頭。頭曰。大小德山。未會末後句。師聞。令侍者喚來。問汝不肯。老僧那頭密啓其意。師乃休去。至明日升堂。果與尋常不同。頭至僧堂前。撫掌大笑曰。且喜老漢會末後句。雖然如是。只得三年師果三年而死。頌曰。

又

瞽叟掘井迫舜入象。却忙忙填土石。悲哉舜兮何時出。度門未必是真賊。

鐘鳴與針家常事。老漢偏渠托鉢充。不是雪峰親勘破。巖頭管取亦茫然。

又

垂垂白髮出堂來。一鉢高擎果異哉。不是巖頭親點破。至今眼睡未曾開。

吉州禾山無殷禪師示衆曰。習學謂之聞。絕學謂之隣。過此二者。謂之眞。過有僧問。如何是眞。過師曰。禾山解打鼓。曰。如何是眞。諦曰。禾山解打鼓。又問。卽心卽佛。則不問。如何是非心。非佛。師曰。禾山解打鼓。曰。如何是向上事。師曰。禾山解打鼓。頌曰。崑崙爲竿。弓長江。絲泰山爲餌。兮釣鯨鯢。咄。恠底桃花風雨急。魚龍總爲浪頭迷。

白雲守端禪師往參楊岐。岐一日忽問。受業師爲誰。師曰。茶陵郁和尚。岐曰。吾聞伊過橋。遭擲。有省。作偈甚奇。能記否。師誦曰。我有明珠一顆。久被塵勞關鎖。今朝塵盡光生。照破山河萬朵。岐笑而趨起。師愕然。通夕不寐。黎明咨詢之。適歲暮。岐曰。汝見昨日打歐。難者麼。曰。見。岐曰。汝一籌不及渠師。

復駭曰。意旨如何。岐曰。渠愛人笑。汝怕人笑。師大悟。頌曰。

從來伯樂九方臯。帶顧驚駘價倍高。怕笑只因心有負。一籌不及野狐曹。

又

江上貪觀浪勢高。被人奪却手中撓。孤舟風蕩渾無主。一笑分明殺活刀。

頌雪峰汝虎

光還自照心無恐。汝虎誰知光正圓。最苦者僧成異類。人身一失幾時全。

頌隔壁聞鉞釧聲

耳外有聲無是事。除聲有耳事還無。燈前往復觀聲耳。五色囊中得一珠。

頌五蘊山前一段空

有我時時背主公。我無何處不相逢。刀山火聚閒遊戲。不負山前一段空。

僧問趙州。萬法歸一一。歸何處。州云。我在青州做領布衫。重七斤。頌曰。

七斤衫子製青州半月沉江魚潭鉤惟底蒼龍終是別一歸何處解遨遊

臨濟尋常上堂曰汝等諸人赤肉團上有一無位真人常在面門出入照天照地自汝諸人未能薦得頌曰

無位真人乾屎橛一名兩實使人猜他家自有通人在豈似韓盧逐塊來

浮山法遠禪師暮年休於會聖巖叙佛祖奧義作九帶曰佛法眼帶佛法藏帶理貫帶事實帶理事縱橫帶屈曲垂帶妙叶兼帶金針雙鎖帶平懷常實帶學者既已傳誦師曰若據圓極法門本具十數今此九帶已爲諸人說了更有一帶還見得麼若也見得親切分明却請出來對衆說看說得分明許汝通前九帶圓明這眼若見不親切說不相應唯依吾語而爲已解則名謗法諸人到此如何衆無語師叱之而去頌曰

沒坐地沒坐地五位九帶君須記夜來風雨桃花落處處相逢何處避

長水問瑯琊云清淨本然云何忽生山河大地瑯琊亦曰清淨本然云何忽生山河大地頌曰

嬰兒失怙久飄零舊路相逢喚一聲知得阿娘腸斷處從教鐵漢淚須傾

陸亘大夫舉肇論向南泉曰肇公所謂萬物一體天地同根也甚奇特泉指庭前牡丹曰大夫時人見此一枝花如夢相似頌曰

龍出援毫豈是真行雲施雨更謾人夢中說夢知音少花落庭前已過春

圓覺經居一切時不起妄念於諸妄心亦不息滅住妄想境不加了知於無了知不辨真寔頌曰自家痛癢自家爬爬重傷他莫戀嗟翠竹黃花隨處有江南江北路非賒

巖頭全僊禪師值沙汰於鄂渚湖邊作渡子兩岸各掛一板有人過渡打板一下師曰阿誰或曰要過那邊去師乃舞棹迎之一日因一婆抱一孩兒來乃曰呈機舞棹即不問且道婆手中兒甚處得來師便打婆曰婆生七子六箇不遇知音祇者一

箇也不消得便拋向水中頌曰

臭口纔開。一橈老婆無計。血腥臊便將赤子拋寒。浪惹得魚龍四海驚。

世尊一日升座。大眾纔集。定文殊白。槌云。諦觀法王法。法王法如是。世尊便下坐。頌曰

瞿曇上座無奇特。下座須知便不同。就裏相逢能委悉。靈山誰是作家翁。

又

聖凡雲集非無事。有事如何口不開。上座定知還下座。文殊椎破使人猜。

又

虎踞深林不見蹤。爪牙纔露失威風。獵人弓矢尋常在。弦響須臾命已終。

又

聖凡雲集事非常。據座緣何不舉揚。賴有文殊解救。拾上來下去兩頭光。

秀州華亭船子德誠禪師印心於藥山。與道吾雲巖爲交。泊離藥山。謂同志曰。予率性疎野。惟好山

水。他後知我所止。遇伶俐座主。指一人來。遂分攜至華亭。泛一小舟。隨緣度日。吾後到京口。遇夾山上堂。僧問。如何是法身。曰。法身無相。曰。如何是法眼。曰。法眼無瑕。吾失笑。山下座請問。某甲抵對。這僧話必有不是。致令失笑。望不吝慈。悲。吾曰。和尚一等是出世。未有師在山。曰。甚處不是。曰。某甲終不說。請往華亭船子處。去。山曰。此人如何。曰。此人上無片瓦。下無卓錫。若去須易服。而往山。乃散衆直造華亭。船子纔見。卽問。大德住甚麼寺。山曰。寺卽不住。住卽不似。師曰。不似。似箇甚麼。山曰。不是。目前法師曰。甚處學得。來。山曰。非耳目之所到。師曰。一句合頭語。萬劫繫驢。師又問。垂絲千尺。意在深潭。離釣三寸。子何不道。山擬開口。師便打。山豁然大悟。乃點頭三下。師曰。竿頭絲線。從君弄。不犯清波意。自殊山。遂問。拋綸。釣師意如何。師曰。絲懸淥水。浮定有無之意。山曰。語帶玄。而無路。舌頭談而不談。師曰。釣盡江波。錦鱗始遇。山乃掩耳。師曰。如是如是。遂囑曰。汝向去。直須藏身處沒踪。

跡沒蹤跡處莫藏身。吾二十年在藥山祇明斯事。汝今已得他後莫住城隍聚落。但向深山裏纔頭邊覓取一箇半箇接續。無令斷絕。山乃辭行。頻頻回顧師。遂喚閭黎山。乃回首師。豎起橈子曰。汝將謂別有。乃覆船入水而逝。頌曰。

父子冤讐結最深。覆舟自盡孰知音。朱涇水月渾如舊。幾度空過未了心。

又

一副肝腸割不留。夾山猶自暗回頭。風恬浪靜船翻處。蘋蓼蕭蕭萬古愁。

又

贈君十五棒。恨爾不知心。昨夜華亭月。朱涇何淺深。初祖菩提達磨大師。初過震旦。至金陵見梁武帝。帝問曰。如何是聖諦第一義。師曰。廓然無聖。曰。對朕者誰。師曰。不識。帝不領悟。師遂折蘆渡江。至魏後武帝。舉問誌公。公曰。陛下識此人否。曰。不識。誌曰。此是觀音大士。傳佛心印。曰。當遣使詔之。曰。莫道陛下詔。蓋國人去他亦不回。頌曰。

蕭公豈是等閒人。一見當頭便撒塵。直得老胡無措手。折蘆火速度江津。

文殊師利在靈山。會上諸佛集。處見一女子。近佛坐入於三昧。文殊白佛云。何此女得近佛坐。佛云。汝但覺此女。令從三昧起。汝自問之。文殊繞女子三匝。鳴指一下。乃至托上梵天。盡其神力而不能出。佛云。假使百千文殊。亦出此女定不得。下方過二十四恒沙國土。有罔明菩薩。能出此女。定須臾罔明至。佛所佛敕出此女。定罔明即於女子前。鳴指一下。女子於是從定而出。頌曰。

入定從他近佛休。陸行車馬水操舟。罔明逞俊輕彈指。也是無愁惹得愁。

雪峰因三聖問透網金鱗。以何爲食。師曰。待汝出網來。向汝道。聖曰。一千五百人善知識。話頭也不識。師曰。老僧住持事繁。頌曰。

一戰那分雌與雄。重新戈甲再交鋒。瞎驢驢鼻相強弱。畢竟誰家落下風。

德山因臨濟待次。師曰。今日困濟。曰。這老賊寐語。

作甚麼師擬拈棒濟掀倒禪床頌曰

兵家勝負是尋常。未戰人人手脚忙。不識眼前誰可將。旌旗擬展早先降。

湖州吳山端禪師抵鄣南見上方超和尚有一尼師來參師云。待來日五更三點入來。師侵早紅粉搽面而坐。尼入見驚而遂悟。超和尚有頌曰。堪笑吳山老秃奴。巧粧紅粉接師姑。茫茫宇宙人無數。那箇男兒是丈夫。頌曰。

驀地牯牛見牯牛。牯牛產犢牯牛羞。從來蹄角分明在。今日溪山得自由。

又

五更三點入房中。一見紅粧計已窮。蜂蝶紛紛過牆去。林花夜雨早先空。

又

五更三點急忙來。驀面相逢伎倆灰。堂上師姑堂下漢。者場屈事惹人猜。

又

女人剃頭拜尼僧。尼僧笑汝不知汝。可憐特地作人。

情到底臨時無用處

又

比丘尼接比丘尼。橐鼓春風不可思。甜有中邊寧是蜜。分明說破許誰知。

頌摩登伽女經

性底瞿曇老滑頭。臨機縱奪有誰儔。無端賺殺隣家女。嫁與祇園少比丘。

洪州百丈山懷海大智禪師。每上堂有一老人常隨衆聽法。衆退唯老人不退。師問汝何人也。曰吾非人也。於過去迦葉佛時曾住此山。因學人問大修行人還落因果也。無某甲對曰不落因果。遂五百生墮野狐身。今請和尚代一轉語。貴脫野狐身。師曰汝問乃問大修行人還落因果也。無師曰不味因果。老於言下。大悟作禮曰某甲已脫野狐身。住在山後。敢乞依亡僧事例。師令維那白椎告衆。食後送亡僧衆驚異。食後師領衆至山後巖下。以杖挑出一死野狐。乃依法火葬。師至晚上堂。舉前因緣。黃蘗便問古人錯祇對一轉語。五百生墮野

狐身轉轉不錯合作箇什麼師曰近前來與汝道
藥近前與師一掌師拍手笑曰將請鬚鬚赤更有
赤鬚鬚頌曰

前百丈後百丈白雲青山無兩樣夜行荒塚不生疑
野狐倒跨金毛上

又

不笑金毛笑野狐野狐伎倆金毛無鬼臉神頭翻大
智杖頭挑出看燒渠

釋迦牟尼世尊初降生一手指天一手指地周行
七步目顧四方云天上天下唯吾獨尊後雲門云
我當時若見一棒打殺與狗子喫貴圖天下太平
瑯琊覺云可謂將此深心奉塵刹是則名爲報佛
恩頌曰

纔出娘胎便惑人指天指地眼中塵相逢莫與雲門
道萬紫千紅別有春

又

未出胞胎事已多那堪笑裏弄干戈指天指地誇尊
大誰料雲門不放過

又

出得娘胎便不同人閒天上獨稱雄桃花若使隨流
水誤引漁郎到洞中

又

出得娘胎氣便高指天指地駭兒曹雲門以棒爲滄
海惡水年年此日澆

又

韶陽度量不多寬一見渠儂眼便酸啞喫黃連心內
苦同行誰識舌中甜

師讀楞嚴至七處徵心八還辨見處置卷而歎曰
本是泥裏土塊何乃衆生顛倒支支離離鼓粥飯
氣頌曰

七處徵心心徵心八還辨見見辨見從教猛風蕩釣
舟一任吹去水清淺

法華經觀世音菩薩普門品卽時觀其音聲皆得
解脫頌曰

率然之怒拔劍斬木木斷頭落山河匪隔蔡母嚙指
順卽心痛往反不同血脉非斷衆生號呼菩薩心戚

慈眼視之衆生苦息。致知格物。誰知物格。格物情通。物格情塞。通有解路。臭肉蠅集。塞無滋味。咬嚼莫測。於莫測處。聚精并力。冷灰豆爆。靈機無極。觀彼音聲。彼卽解脫。於未觀時。萬苦交迫。苦若有常。解脫何得。旣得解脫。苦本無骨。解脫有筋。開物無門。水無筋骨。能勝大舟。水若無有。徐鉉愕然。張豐失色。不見龍潭。龍豈有值。於刹那頃。電光霹靂。如是號呼。眼根得入。普門廣大。凡無救者。入則安適。

棲賢舜禪師。初自洞山如武昌。行乞先至一居士家。居士高行。爲郡所敬。意所與奪。莫不從之。故諸方乞士。至必首謁之。舜老夫。年少不知其飽參。頗易之。居士曰。老漢有一問。上人語相契。卽開疏。如不契。卽請却還。新豐問古鏡已磨時。如何對曰。照天照地。未磨時。如何。曰。黑如漆。居士曰。却請還山。舜卽馳歸。舉似聰禪師。聰爲代語。舜卽趨問曰。古鏡未磨時。如何。聰曰。此去漢陽不遠。磨後如何。曰。黃鶴樓前鸚鵡洲。舜於言下大悟。頌曰。古鏡休將勘我曹。漢陽此去路非遙。叢林澹泊先開。

疏箇箇兒孫出俊髦

文殊問庵遮提女云。生以何爲義女。云。生以不生。生爲義殊云。如何。是生以不生。生爲義女云。若能明知地水火風四緣。未嘗自得有所和合。而能隨其所宜。是爲義殊。又問。死以何爲義女。云。死以不死。死爲義殊云。如何。是死以不死。死爲義女云。若能明知地水火風四緣。未嘗自得有所離散。而能隨其所宜。是爲義殊。頌曰。

了四初非有非有。恰隨宜。只此隨宜。時是名爲義。不了初非有。染應非隨宜。迷悟雖無常。盤珠毫弗昧。迦葉因阿難問世尊。傳金襴外。別傳何物。迦葉召阿難。難應諾。迦葉曰。倒却門前刹竿著。頌曰。

金襴之外有何傳。喚應教他倒刹竿。少寔多虛非得已。飲光猶欠自翻船。

世尊初於臘月八日。明星出時。忽云。奇哉。一切衆生。具有如來智慧德相。但以妄想執著。不能證得。頌曰。

三七思惟著甚忙。癡兒火宅正相狂。況兼門狹難迴。

避老漢多番欲斷腸

頌童子聞韶而出

高山流水少知音。犬吠雞鳴調更深。試向聲前聊聽取。恐將別有定盤針。

六祖壇經有僧舉臥輪禪師偈曰。臥輪有伎倆。能斷百思想。對境心不起。菩提日日長。祖聞之曰。此偈未明心地。若依而行之。是加繫縛。因示一偈曰。慧能沒伎倆。不斷百思想。對境心數起。菩提作麼長。頌曰。

明鏡不照像。謂光日日長。此見問如何。捕風與捉響。明鏡照萬像。妍媸了不妄。此見問如何。鏡光可有長。金剛般若經何以故。若世界實有者。則是一合相。如來說非一合相。是名一合相。須菩提。一合相者。則是不可說。但凡夫之人貪著其事。頌曰。

微塵世界本無差。自是衆生眼見花。試聽江聲歸海上。就中何地著龍蛇。

鴻山問香巖曰。我不問汝經論義理種種知見。汝但向父母未生前。道取一句香巖曰。和尚替我道。

鴻山曰。道得卽是我。三昧於汝何益。於是香巖泣辭。鴻山曰。畫餅不可充饑。今生不復學識。且作箇長行粥飯僧。遂去。止南陽庵。以休息焉。久之。一日。冀除瓦礫。擊竹笑曰。鴻山大慈恩。踰父母。當時若爲我說。却何處有今日。頌曰。

父母未生頭角露。鴻山今日禮香巖。莫嫌此語無分曉。萬里雲空月滿天。

三祖信心銘云。境由能境。能由境能。欲知兩段元是一空。頌曰。

若人忽睡。問床有無。床若不睡。是人卽醒。床醒。入覺理。致昭灼。本法如是。生心卽錯。

僧問首山念禪師。如何是佛。答曰。新婦騎驢阿家牽。僧曰。未審意旨如何。曰。百歲翁翁失却父。僧曰。百歲翁翁豈有父。耶。首山曰。汝會也。又曰。此是獨坐無尊卑。從上無一法與人。頌曰。

婢子奴兒久服勞。主人何事反相高。無端惹得隣家笑。失禮從來乃自招。

趙州一日問投子。大死的人。活後如何。子云。不許。

夜行投明須到頌曰

年老成精久自誇。從來慣打不防家。誰知更有白拈賊。就裏何曾放過他。

僧問趙州玄之又玄如何。州云汝玄來多少時耶。僧云玄之久矣。州云若不遇老僧。幾乎玄殺頌曰。孟三娘子十分嬌。脚小纔行頭便搖。嫁與前村王大伯。不教刺繡著燒窑。

丹霞從石頭歸。再往江西謁馬祖。未多禮便入僧堂。內騎聖僧頭。而坐時大衆驚愕。遽報馬祖。祖躬入堂視之曰。我子天然。師卽下地禮拜曰。謝師賜法號。因名天然。祖問從甚處來。師曰。石頭祖曰。石頭路滑。還躓倒汝麼。師曰。若躓倒卽不來也。頌曰。撥草瞻風去復還。石頭豈是趙州關。無因開眼閒遭跌。話擺傳來笑不殘。

杭州無著文喜禪師。因參仰山。頓了心契。令充典座。文殊嘗現於粥鉢上。師以攪粥筴便打曰。文殊自文殊。文喜自文喜。文殊乃說偈曰。苦瓠連根苦。甜瓜徹蒂甜。修行三大劫。却被老僧嫌。頌曰。

喫茶說話意何親。誰道文殊是主人。別後幾回倍翻唱。再來翻作眼中塵。

城東有一老母。與佛同生。而不欲見佛。每見佛來。卽便回避。雖然如此。回顧東西。總皆是佛。遂以手掩面於十指掌中。亦總是佛。頌曰。

自家歡喜自家瞋。業火燒心莫恠人。若要瞿曇不相見。黃金鼻孔可藏身。

窮子得親頌

戰鼓聲中父母失。散二十餘年好惡無。常此情不味。無故一朝杏花樓上。淺斟低唱。異姓骨肉。歡呼縱樂。忽人報言。父母及門。初失散境。不思而現。凡我佛子。迷根本智。漂流識海。如失父母。玲瓏孤露。利那念之。智曰。頓明一切逆順。譬如一毛。投大火聚。擬欲拈出。喪身失命。把髻投衙。自起自倒。忽然酒醒。起倒非酒。

二鬼爭屍頌

二鬼爭屍事不同。誰能繫取嶺頭風。夜來借宿寒山寺。醒後方知拔續空。頌張天覺見雲庵。

楊岐一笑。端公措。眞淨一怒。無盡失利。法窟牙爪。喜怒無常。辟如神龍。忽舒忽縮。一切有心。於舒縮時。謂龍舒縮。如是見者。龍去久矣。

頌三毒四倒亦皆清淨

漢家功業起淮陰。不有蕭何月下尋。未必此人終得用。相逢誰復是知音。

法身頌

紫薇花醉罵荷花。輪却荷花不理他。惱殺紫薇誰抵命。風吹楊柳亂如麻。

慧忠國師一日喚侍者。侍者應諾。如是三召皆應。諾師曰。將謂吾辜負汝。却是汝辜負吾。後有僧問。玄沙國師喚侍者。意作麼生。玄沙云。却是侍者會。雲居錫云。且道侍者會不會。若道會。國師又道汝辜負吾。若道不會。玄沙又道。却是侍者會。且作麼生商量。玄覺徵問僧。什麼是侍者。會處僧云。若不會爭解。怎麼應。玄覺云。汝少會在。又云。若於這裏商量得去。便見玄沙。僧問法眼國師。喚侍者。意作麼生。法眼云。且去。別時來。雲居錫云。法眼怎麼道。

爲復明國師意。不明國師意。僧問趙州國師。喚侍者。意作麼生。趙州云。如人暗中書字。字雖不成。文彩已彰。頌曰。

侍者解應不解會。諸方解會不解應。夜光宛轉金盤中。當面阿誰拏得定。

趙州關頌

蜀道難行。尚可。行趙州關。險不堪登。分明舉目。眞如院多少。英靈度未能。

嵩岳破竈墮和尚。因嵩山塢有廟。甚靈。殿中惟安一竈。遠近不輟祭祀。烹殺物命甚多。師以杖敲竈三下。云。咄。此竈只是泥瓦合成。聖從何來。靈從何起。怎麼烹宰物命。又打三下。竈乃傾破墮落。須臾有青衣。執冠設拜。曰。我本此廟竈神。久受業報。今蒙師說無生法。得脫此處。生天。特來致謝。師曰。是汝本有此性。非吾強言。神再拜而沒。後僧問師。某甲久侍左右。未蒙方便。竈神得何宗旨。便乃生天。師曰。我只向伊道是泥瓦合成。別無有道理。爲伊僧佇思。師曰。會麼。曰。不會。師曰。本有之性。爲什麼。

不會僧作禮師曰墮也墮也破也破也後有僧舉
白安國師國師嘆曰此子會盡物我一如頌曰
佛竈衆生竈杖敲一時墮寶几啣狸奴聖凡巢穴固

又

竈不附我我自附竈賴師敲醒不復顛倒竈雖已墮
天豈非竈此墮彼成一絲白皂用處無疑天竈神竈
我臂屈伸臂竈墮了禮佛不墮誰起誰倒起倒自在
自在萬妙一竈所墮歎帝冷笑

潮州靈山大顛寶通禪師韓文公一日相訪問師
春秋多少師提起數珠曰會麼曰不會師曰晝夜
一百八公不曉遂回次日再來至門前見首座舉
前話問意旨如何座叩齒三下及見師理前問師
亦叩齒三下公曰元來佛法無兩般師曰是何道
理曰適來問首座亦如是師乃召首座是汝如此
對否曰是師便打趨出院頌曰

數珠百八記春秋首座承風馬學牛三十藤條驅出
院韓公有事掛心頭

又

大顛伎倆苦無多却被韓公活網羅算計總來難擺
脫潮陽瞎棒肯遭何

杭州龍興宗靖禪師初參雪峰密承宗印嘗於衆
堂中袒一膊釘簾雪峰觀而記曰汝向後住持有
千僧其中無一人褫子也師悔過辭歸故里住六
通院錢王命居龍興寺有衆千餘唯三學講誦之
徒果如雪峰所識

袒膊雖然是好心未央宮裏斬淮陰年年歲歲花開
日長使英雄淚滿襟

頌輪王髻珠

夜明久向髻中藏欲愛乾枯戰自強報捷歸來親頂
受放光豈但照東方

頌百丈懷海禪師寧作心師不師於心

好惡關頭那管他呼來喝去亂如麻奴兒婢子家家
有用處無疑我是爺

雙峰古禪師嘗受雙峰印記後到石霜霜欲詰其
所悟而未得其便師因辭石霜霜將拂子送出門
首召云古侍者師回首霜云擬著卽差是著卽乖

不擬不是亦莫作箇會。除非知有莫能知之。好去。好去。師應諾。卽前邁尋。屬雙峰歸寂師。乃繼續住持。頌曰

洛陽公子醉豪華。不看青山只看花。松寺若能留得住。老僧那肯惜杯茶。

廬山歸宗智常禪師。一日剗草次。有講僧來參。忽見一蛇過。師以鋤斷之。僧曰。久向歸宗。元來是箇蠱行沙門。師曰。你蠱我。蠱曰。如何是蠱。師豎起鋤頭。曰。如何是細。師作斬蛇勢。曰。與麼則依而行之。曰。依而行之。且置。甚處見我斬蛇。僧無對。頌曰。嘉路相逢便一刀。一條帶作兩三條。住山束肚無煩。篋毒氣。從今當下消。

又

斷處是性動處情。蛇兒擔荷大英靈。十方諸佛渠兒。孫說與。傍人誰肯聽。

袁州楊岐方會禪師。僧問。如何是佛。師曰。三脚驢子弄蹄行。曰。莫只這便是。師曰。湖南長老。頌曰。楊岐弄蹄驢。弄蹄石女生兒。知不知。一日追風千萬。

里歸來。一日尙嫌遲。

僧問。與化獎曰。多子塔前共談何事。獎曰。一人傳虛。萬人傳實。頌曰。

塔前多子共談玄。側耳聽來眼得傳。萬實千真渠不謬。騎驢新婦阿家牽。

紫栢老人集卷之十八

紫栢老人集卷之十九

明 憨山德清 閱

偈

燈光偈

燈初未有光。我點光始生。光若在燈者。無光燈不明。有人知此意。無火夜能行。弗信問觀音。觀音笑不停。

生日偈

自知今日出娘胎。今日緣何娘不來。來去覓娘無所得。蓮花國裏一枝開。

生無生偈

欲曉未生時。先須忘已生。已生若不忘未生。終不知

示于中甫

千妖百怪。總相知心。外何曾有一絲達本忘情。生滅事他家。種草認爲癡。

夜行偈

星夜經行時。前後步互起。前步若至地。後步不能起。後步若至地。前步亦不起。前後不至地。乃能起不已。卽此諦觀之。足何嘗至地。足既不至地。空水亦可履。空水既可履。神通孰不具。

示弟子并序

法華經云。佛種從緣起。是故說無生。夫無生卽非墮。常無滅。卽非墮。斷斷常不墮何事。非眞故妙法者。卽觸事之顯也。嗟乎。顯妙豈有常哉。顧其所明如何耳。是知凡緣所起。因地不眞。果終紆曲。比來去佛甚遠。龍象蕭條。黑白之徒。邪正不知。菽麥無辨。合掌禮佛。心在狐狸。剃頭爲僧。志存俗諦。以至千態萬狀。不可名言。皆由最初剏染之時。因地不眞耳。余每念此。雖浪跡江湖。將四十年。初未嘗

輕爲人祝髮。命名非無慈心也。良恐以小慈傷大慈耳。某來吾語汝。汝痛體之。凡百脫白離俗者。最初當審其因地。發心眞正。倘無委曲相決。當披剃。或吾遠近無定。音問不接。卽懸老人禪影。剏染授名。亦不須執滯。直宜圓成其勝。因勝因。卽佛種也。因不勝。卽魔種也。魔佛難辨。某其眞之偈曰。好因緣是惡。因緣眞實難瞞。頭上天分付。春潮帶雨客歸來。快上渡頭船。

夢覺偈

夢中知夢將入覺。覺中知夢將證我。空我既空矣。孰爲雌雄。

宿石鍾寺并序

乙未三月。紫栢道人有曹溪之役。偕二三子信宿湖口石鍾寺。寺據山水之勝。纔一登之。萬有盡洗。夫浮生聚散。不殊。迴花惟達人眞觀。視聚爲散。視散爲聚。怨歌不廢。而思本無邪。二三子因請留一偈。以作廣長舌相之前茅。偈曰。

湖口山上石。豈惟千萬片。征航肯暫收。法句皆題徧。

片石一伽陀。瞿曇開笑面。遊人聽好音。獨許眼根便。
萬竅忽怒號。長波吼江甸。我將生心會。眉宇已閃電。
夙慕石鐘寺。寺逢僧未見。轉經了不難。彈指知幾轉。
千里步初始。行行敢辭倦。

獻旃檀偈

獻者是香。香外無人能所路。斷是香誰受。受者不可。
何況獻者。如是觀香。香即導師。徵受香者。奚如枯木。
以是之故。香總無邊等十方空。

釋廣百論

眼中有色。識死人應見物。識中有色。眼識去眼色。隨。
死人如見物。何名爲死人。識去眼色。隨根境同時去。
據事觀不然。能所反復推。生者不見色。何況乃死乎。
理極情自忘。情忘識即智。以智觀根塵。譬如水洗水。

擇仙偈

身見難消金石輕。何須更願學長生。試觀父母情。非。
有始見幽宵照世燈。

贈周叔夜偈

處處春風處處花。問君何地是根芽。簷前松曲數椽。

朽脫却袈裟更起家。

觀轂偈并序

老子曰三十輻共一轂。當其無有車之用。又曰有。
之以爲利。無之以爲用。予曰非但轆轤戶轆轤轂。
然也。即自身徐察之。耳有輪廓而輪廓有竅。虛通。
耳始有用。乃至眼鼻口等。獨不然乎。雖至愚舉一。
根以例之。則餘者自曉了矣。偈曰。

觀轂知一身。觀身知天地。是觀善。昭廓至理。靡弗了。
至理本心。有日用。欠深視。故用而不覺。是謂衆人耳。
直下洞了此。孰非大覺尊。大覺吾尙得。何況世中貴。

究昏偈

譬如人醒時。倏爾昏住。起此昏。從醒有是。則不名醒。
離醒有此昏。一入寧有二。往返細研之。昏根植何地。
於此忽然透。疑情直下釋。

旃檀幢偈并序

去冬牢山主人謂余。眞州吳生出所供旃檀幢。豎。
不盈尺。剖面爲門。啓門而視中。等虛空。千佛忽現。
主伴重重。如衆黍聚立。而眉纔須彌。目湛大海。無。

不畢著巧奪鬼工見者驚絕殆不可以智識測非目力能窮也此夕吳生省余梵川燈前復及是幢且詫曰安得天劃神鏤而於不盈尺具一世界耶余喟然歎曰吳生吳生安知生不生如知生不生則芥子可藏虛空牛毛可納滄海而況是幢乎且蠶螟以蚊睫爲世界蝸牛以濡沫爲濶闊此皆以小爲大也大濁不可小哉故曰以小爲大小非大外以大爲大小非小外小非大外則何小非大大非小外則何大非小何大非小則一豆之中閒關莫窮何小非大則八荒之表密邇非遠良以大小生乎情見情忘則何爲而不可耶文子薦此則牢山之無風起波若之承虛接響將非螻蟻拳宮之夢哉偈曰

木不盈尺所藏無量凡聖雌雄不可情想如心未生量包虛空微塵刹土像現鏡中一念既起即落邊際知周五尺棄海認滴小大劍立鋒芒難犯苟非忘我心碎形段文字曷之無往不吉我語尋常遵之獲益刻畫之功施之三寶苟善用心何技非寶

孫仲來書經薦母偈

此法極微妙亦復極堅固微妙者資父堅固者資母孝子未投毫亡者生善處況乃字續句句續續成部各各自心力存亡皆獨露日用而不知摸鼻疑是鼓

爬癢偈

南泉庭前花紫柏背上爬兩者並舉似雌雄看作家

蟲偈

成堆蠅蟲有誰知也解申頭與展眉若把法身輕抖攢總教枯殼逐風飛

禮諸祖道影偈

衆人昏昏見影謂假見形謂眞智人不然知形生影知影生心心無生滅安有古今以無古今生尙不有況乎有滅不生非常不滅非斷作如是說能如是察影影形形智德無闕

香供偈

心外無香香外無心譬如身手身外有手決非已手手外有身決非已身身手不疑香心了然以此供祖祖必欣受受非事理成就執住惟其無住施者之福

寧有邊際。以此薦親。無不超。以此祝君。君無不福。衆人半目睹香。非心。聖人眼妙見香。非香。惟吾曹溪。香心無常。兩者不成就。一切用爲毒。鼓聞者耳失。失耳用眼。牆壁觀樹。香之所作。無不可。可爲人之師。爲地獄主。香乎。香乎。旃檀非名。孝心爲指。並熟千古。端雍知此。不枉爲子。熏續無窮。烟霽其後。

禮六祖法供偈

師本賣柴漢。天機何其深。一聞金剛句。直下悟自心。既悟自心已。胸中復何事。迢迢向黃梅。糟粕充賤役。用石墜腰閒。八月齊食頃。米熟機相投。夜半入祖室。密傳聲如雷。聖凡若鼎沸。師聽不以耳。直用眼觀取。衆人則不然。廢耳聲不領。是故應有住。能所角然立。惟應無所住。生心境無咎。無咎無不心。何物更爲待。分別雖熾然。譬馬見自影。了知身出故。時見不驚異。若見餘物影。馬驚何足疑。惟不見餘物。驚疑從何起。自心取自心。佛亦不印可。離心求法者。曹溪水不濕。大哉至人慮。必以誠爲本。誠則偷心死。心死性自靈。靈則無不照。理事皆不成。卽此不成。就能成就一切。

譬如隆冬時。萬木凍欲折。陽春一夕回。光輝無不露。是謂誠生明。非照光圓滿。吾師得祖心。祖心不欠少。師心不增多。得心本無得。無得而心傳。永作世閒眼。重昏須臾旦。吾曾讀壇經。得師心自知。亦無得而得。用處習爲障。心明力不逮。於是恒痛泣。仰遇冥熏慈。既失復乃得。今獻法供偈。剖折微知見。於法苟不昧。乞垂慈印可。

白茫遇虬并序

吾禮曹溪至白茫。將買舟北還。沿岸登舟。見一虬。毒焰熾然。怒目呿舌。不覺失嘆。嗚呼。云何忽生之前。本然無二。忽生之後。乃萬其趣。是誰負汝。汝恨不釋積而成毒。形隨心變。受此毒狀。無擇智愚。見汝必殺。吾觀汝性。與佛無異。視汝如佛。偶因不覺。暫時迷墮。一朝知毒。毒本無根。根於無性。無性無我。我無我。無人喚誰負。汝人既無。負汝恨何懷。雖然一迷永迷。迷而求覺。苟不籍佛祖。龍靈慈悲熏炙。方便旁擊。則寐者終難寤矣。今有人於此。有少忤懷。遂抱恨不解。積而成怨。怨必終報。報則必復如。

我輩人見此雄虺。痛當自反。反而有終。必證圓通。
大悲爲侶。度諸愚蒙。反而中止。非虺不已。智者思
之。寧不毛豎。偈曰

祖師之鄉。產此雄虺。見人不嚙。嚙則必死。慈悲薰蒸。
翻爲毒具。不善用心。乃至此耳。如善用之。一切毒具。
博施之資。吾禮曹溪。行至白茫。見此毒物。內心自慌。
我若懷毒。心毒形彰。自然之理。何必商量。竊祖慈力。
小毒必損。大毒敢藏。言而不行。必受其殃。

示弟子

目前一切境。皆自心建立。離心竟一毫。譬如兔有角。
人不悟自心。見境乃分別。遂被好醜轉。長劫無時止。
或報人天身。或受羽毛等。強弱互相瞰。如已口嚙指。
又如善畫者。畫出如花女。容顏世希有。忽然生癡心。
乃謂是實女。相思病至死。不悟自心出。醫王何自來。
咄哉呵病者。自畫自生著。何異口嚙口。病者聞斯語。
知離心無法。非但此畫女。凡聖法皆爾。一旦癡計消。
畫師本如故。

偈

搜剔春光不見根。雲來雲去石無痕。夢中行盡風波
路。醒後漁舟泊故村。

又

落花芳草。恣尋幽夜。靜明妝。獨倚樓。自是老婆心。不
死男兒。何處不風流。

又

桃源仙子。昔曾逢。別後重來訪舊蹤。滿院好花零落。
盡却於樹底。覓殘紅。

又

觀橋卽我橋。誰坐達境。惟心境自空。片月在天。光不
斷。夜涼長。嘯水聲中。

示病僧

我無病時。初不檢情。一旦抱疾。宛延難屏。火燒我骨。
冷刺我心。種種苦楚。日將漸深。非天地與。非鬼神使。
皆我自作。作空病止。此真實語。諦聽逆思。忽得病本。
了然何疑。

吳江華嚴寺浮圖然燈偈示法麟并序

緣見因明。暗成無見。不明自發。則諸暗相。永不能

昏此楞嚴會上如來之語也。此語自古及今於中發明本光者豈少哉。然而有不發明者何故。病在能信佛語而不能信自心故也。是以一切血氣之屬若不緣明。橫謂不見。殊不知不見者果見耶。果不見耶。見則見本無欠。不見則誰知不見。由是而觀則本具常光。包空裏有未始欠缺。在眼名見。在耳名聞。在鼻名臭。在舌名嘗。在身名覺。在心名知。堯舜不能加桀紂不能損。然非迴脫根塵者亦未易薦取之。今有人於此憂是光物。物本有奈何。日用而不知。於是寄有象之明。階入無見之頂。吳江華嚴寺有大浮圖空洞。特立於江之上。凡邑之善信有志於背暗投明者。皆割其所愛。易油然燈。使光徹上下。飛而宿者潛而止者。同悟本光。紫柏道人聞而說之。綴以偈曰

本光誰不具。具而不能知。以故名衆生。一朝知本具。衆生卽如來。六尺勿謂短。有佛時時現。百尺勿謂長。燈滅光不見。法麟能知此。燈傳定無盡。

觸塵偈

未打打已。如有疼。兩頭無有中。開生一切凡夫。作此見是故輪迴不暫停。若人靜心痛觀。察未打打已痛。何在兩頭不疼。謂中疼以理觀察難解。釋究竟此疼了不疑。正疼疼了果非有。

登耶舍塔

未聞耶舍塔。本無驗不驗。既聞耶舍塔。心中忽驗生。已登耶舍塔。與初未聞。冥正登驗太甚。自決不能登。是時究始末。果驗果是平。

與智燈

犀牛昨日與君看。頭角渾然不見還。本欲無言安可得。誰憐田地草蔓蔓。

紙花偈

人言此花假。我謂此花真。紅白香欲浮。作者之精神。於此觀天地。離心無纖塵。況居天地者。設誇造物新。智者見之智。仁者見之仁。通塞本無礙。萬事存乎人。

讀觀心論

念有一切有念。無一切無。有無惟一念念。沒有無無。

示元復

百千無量苦。苦本於三毒。三毒乃有名。名曰貪瞋癡。我常受其賊。憤欲搜其窟。試覓於身初。身初不可得。再覓於心始。心始不可得。次覓中與外。空洞無物。我及觸逆順時。現行關好惡。隱然若有物。藏於有無處。秉理痛折之。其勇不可敵。若不拚性命。與其死捱逼。有隙取敗績。無隙我卽勝。勝時觀敗際。總是兩頭失。兩失求其中。龜毛縛西風。此觀頗有志。成熟猶未能。所以憎愛閒。違時常失候。我今吐實語。信我者取則。亦如我拚命力。敵終不負。

示于潤父

鬢枯神索胸中不樂。此不樂者。本無依託。推之於境。境非能捉。境何所縛。推之於能。能非境界。能何所著。於此兩者。究而得宗。事會於真。川歸於壑。事會於真。何事非能。能不害能。仔細斟酌。水歸於壑。何滴不諾。於此頓了。苦樂皆樂。深慈曉汝。丑午匪覺。

元廣代木童子偈

試問木童子。爬癢有心否。有心難隨師。安能與師違。是時非有無。寧復墮來去。廣子無心來。吾適背困倦。

借代木童子信手撻不已。若說是有意。直下情不生。用處應不累。請問誰鼻孔。彌勒大頭垂。釋迦山根直。吾本人非人。渠亦子非子。拳拳不落空。倦處斬然暢。此暢曹山墮。凡聖絕心路。人子若有功。此墮者可測。汝若不能薦。童子木笑汝。

皮斗偈

形骸如皮斗。心識若巨燭。光焰本無際。皮斗罩不明。忽然揭皮斗。光卽滿天地。此據橫計言。皮斗燭不同。了達橫計空。說甚皮斗異。

示唐凝庵并序

凝庵詣清涼參師。師問曰。曾看棧巖否。曰。看師曰。棧巖云。緣見因明。暗成無見。不明自發。則諸暗相。永不能昏。如何理會。答曰。見暗之見。卽是見明之見。師曰。明中則萬境昭然。暗中則一物不見。如何喚得見。暗之見。卽是見明之見。唐沈吟次。師命侍者滅燈。以掌張其面。唐不知。師震威一喝。因示以偈。

迴合羣峰裏。其誰踏入來。過橋雲不礙。尋我鹿猶猜。

一喝鳴千古。多生住五臺。吹燈休按劍。直下夜光開。

示馮驥子

有一物甚奇特。可蛇可龍能風雨。有人拈起。猶不識。能識之。則可得。處處常有鬼神護。不護佛語不真寔。又非銅。又非鐵。看來不如乾屎橛。雲門盡力道不全。瞿曇到此難饒舌。惟有得此如意者。任伊橫說與豎說。

滅燈示六根互用

拄杖飛來一陣風。燭光燭滅暗塵封。誰知別有通天路。一道神光照不窮。

示林白

一切世閒音。若以耳聞之。能所角然立。憎愛迭浮沈。自心永埋沒。如以眼觀之。寂滅頓現前。所謂能所者。譬如虛空骨。癡狗情瞥生。垂涎橫咀嚼。菩薩哀此流。分身三十二。凡有見聞者。隨類得悟入。

丙申三月將結夏。示朗麟二三子并序

浮生閃電聚首難。逢荷不究竟。向上機緣。則結夏之所何適。而不可哉。奚必遠峰泉而傍城隍耶。故

說偈見志

透則自應同結夏。若還不透夏。難同一枝藤。杖橫肩。上又入千峰。與萬峰。

聲聽偈

聲聽是一何異。木石聲聽非一。誰主誰客。主客不辨。情終不息。長淪聲波。復性何日。

□□偈

富貴夢不醒。貧賤根未斷。兩者念後事。念前仔細看。聖凡尚難留。生死何欣厭。憎愛交加時。是誰解敬慢。於此瞿弗能坐禪。非善幹。薄脫分別起。嫖母賣笑面。

佛香庵觀月偈

一片清天絕點雲。繁星不見見冰輪。郎君若問蟾宮信。報道寒香馬鼻聞。

其二

此身自笑是虛舟。好惡從他一任浮。縱使風高翻却了。主人贏得浴清流。

其三

智光力大不思議。世界須臾散作泥。是事若還君未

信夢中榮辱醒中非

聞豬聲

業識茫茫不解休。還憂爲水夢爲舟。無明風猛搖心海。浪大帆開未易收。

其二

敗帆何必更商量。歇却狂心萬事康。自是衆生心不歇。歇心便是法中王。

拂香庵卽事偶成

觀宗父設齋特地太多事。萬物有通情。恐將情折理。此情化未能。難入至人域。我若以情觀。空山富寂寞。自足肯輕移。深雲睡正著。略情平等觀。法身何彼此。委曲隨波浪。拔爾出生死。竟不以此察。盤桓損無益。

醒夢偈

夢中地上走。忽然地成水。又謂水中遊。忽然水枯竭。謂我空中浮。忽然空消殞。謂我無承載。恐怖求處所。怖極忽然醒。醒後觀種種。不異兔之角。醒中觸憎愛。好惡迭相攻。攻戰情忽破。當處無我所。醒夢念後事。卽念得無念。醒夢大導師。我故稽首敬衆人不稽首。

不知醒夢恩。夫醒夢者。識一識本。不得萬古處幽。夕覆盆非故鄉。迷暗豈眷屬。何爲戀不舍。勞彼至人咄。

再過金壇東禪寺

寺前寺後行一回。門外門內秋雲堆。馬面牛頭手握蛇。會當以眼聽春雷。

示法鍾

雲門老祖師。忽問搬柴人。畢竟柴搬汝。畢竟汝搬柴。吾今問其子。畢竟子走地。畢竟地走子。雲門鼻孔垂。紫栢鼻不反。古今同一條。莫謂有生死。地走痛究竟。心開情自釋。情釋地與子。離卽用不虧。大千不爲廣。芥子不爲窄。虛空納一毛。一毛包大地。如是不思議。於子本來具。日用暫不知。知得笑不住。

蘭溪示魏覺樞

初畫若有畫。次畫則不就。次畫若成就。初畫未嘗畫。初畫未嘗畫。縱使無量畫。畫果成畫不。若人知此意。是則庖犧氏。離此竟庖犧。何異我竟我。

示元廣

見海不能渡。疑水惟信土。信水與土等。驚濤穩可步。

吾語最真寔。元廣生恐怖。恐怖不生。見用處獨回護。此根從何來。以疑未斷故。

示楊生

此經能背汝。非汝經不背。汝能背此經。無經將何背。經汝痛心。究竟誰能背。若謂汝是能。無經汝無對。經先汝在後。云何認汝能。若謂經是所。無汝經不立。由汝而立經。謂經所非理。兩者往復觀。根塵當處割。

日用

塵實終日覺。忙忙那事原來總不妨。舉步倘能離背。向更無岐路。泣亡羊。

拈花

因見一花故。乃入無邊空。一花既如是。好醜無不同。以此觀世界。雪點紅爐中。以此觀身心。兔角杖打風。能得此三昧。度世力豈窮。愚人反此故。頭頭行不通。誰悟不運者。當處元虛融。

沐浴偈

稽首沐浴諸佛子。亦身入水見長短。溫然清冷宣妙。觸香水海中同受。用見有身相。即鑊湯不見身相。亦

燒羹。願諸佛子。作是觀。沛然涓滴皆般若。施者受者。功不虛。是名沐浴妙三昧。

塵尾偈

吾當手捉白塵尾。日用用之不復思。一夕獨坐忽思之。塵尾是所。手是能。所忘能亦不成。捉離復手在無所用。既而再思。使手者。手即是所。使者。能手忘能使。亦無用。若人常思無用者。思熟無用。用無盡。果能妙達此境界。無煩惱。悟道出生死。

斷淫偈

佛無不喜。惟不喜淫。佛若喜淫。水中用塵。塵以水洗。塵從水生。水不洗水。塵豈能清。兩者匪惑。淫火自停。

示學人

等閒鼓此兩片皮。汝即以我為說法。北俱盧洲舌廣長。溪聲山色分明語。此即解聽。彼不聽。棄彼取此。乃心病。心病不空聽法。難。北俱盧洲路不遙。如何有耳聽不入。徒自千難與萬艱。兩片之皮。曉曉時。便謂聲聲我解。知離皮之外。謂著耳。面面相覷。總若癡勸爾。向後欲聽法。北俱盧洲領妙機。

讀信心銘

吾讀信心銘。口倦默然坐。坐時聞簫鼓音響。直貫耳。復作如是思。耳若無虛空。此聲何自入。以耳例諸根。根根虛空等。根既等虛空。空非有邊際。以空等耳根。根根周法界。不壞亦不壞。見聞嗅嘗觸。及以意思想。六用皆不昧。不昧而等空。能所無分別。苟非大智人。照必勞心力。勞心失本明。佛眼光。即失分別。墮能所。慧命早夭折。忽達兩無功。血脉斷而續。一佛續百佛。百佛續萬佛。萬佛續無盡。無盡皆骨肉。常作如是觀。弘願與慈悲。無煩外薰炙。神力不思議。

紡粟偈

達觀道人窮伎倆。喜怒無常招謗順。則懼喜逆則惱。從來自狹而至廣。試將老漢爲毒鼓。逆順聞聲命根喪。但恐謗不甚多。多愈善度無量。無量衆生。辟如粟達觀老漢。還同紡以紡載粟。無多寡粒粒教他登彼岸。智人以此而觀之。謗誹真實大方。便毒鼓化作度人具。苦海灘頭濟衆難。濟難之人疎亦親。豈有智人惡親。屬惡親必定是愚夫。愚夫謗毀當哀憫。

哀憫之心聞惡聲。即如赤子罵父母。父母聞之憐愈深。寧暇生心怒赤子。若人聞謗意不平。當學達觀作此觀。謗者聞之。不生怒。譽者紛紛何足羨。喜怒須和不獨立。相待而起成憎愛。若虧其一兩。亦空廓達常光。無內外。既無內外。遠近遺遠近。既遺古今。喪古今。既喪誰老少。無生無死真菩薩。吾勸世人誦我偈。勝閱大藏經千轉。豈惟功德不可思。凍臙直作金剛聚。金剛聚。金剛聚。聚捏不成團。打不碎。有緣得而善用之。子子孫孫常富貴。

弘法偈

夢中見海不能度。孤立海岸日將暮。退則還家路已遠。進之無地足難措。萬福徬徨進退難。正難之時誰打鼓。鼓聲未歇夢早醒。開眼何曾有惱苦。

又

醒中見海不能度。回首西山紅日暮。進前驚濤怕殺人。退後已失還家路。千難萬難在此時。不知阿誰能救苦。能救苦。能救苦。諦觀身心誰福禍。福禍從來各有門。一心不生孰爲主。憎愛場中辨僞真。死生路上。

分頭緒以水洗水金博金日用分明善回互善回互善回互等閒不犯他苗稼塞破虚空老水枯

和蘇長公書焦山綸長老壁附長公偈

蘇偈曰法師住焦山而寔未嘗住我來輒問法法師了無語法師非無語不知所答故君看頭與足本自安冠屨譬如長鬣人不以長爲苦一旦或人問每睡無所措歸來視上下一夜著無處展轉遂達晨意欲盡錄去此言雖鄙淺亦固有深趣持此問法師法師一笑許

蘇子怎麼來法師怎麼住兩名白拈賊無舌能解語此意本平常遊人自多故譬如風狂子顛倒冠與屨既以苦爲樂亦將樂爲苦夢中苦樂事試問誰安措長鬣我自裁我裁我解處無端我疑我石火電光去我若不疑我從他趣非趣忽逢明眼人未語心先許

看桃花偈

舊樹新花開共看此花不異去年顏誰知花笑人分別榮落頻經樹本閒

讀普門品偈并序

衆生三毒習以成性如油入麪欲壓而出之雖神禹莫能也今此經云若有衆生多於淫欲常念恭敬觀世音菩薩便得離欲等既曰常念又曰便離則其辭勢義理卒難消會細而味之常念則無閒斷由無閒斷始乃便得離欲若然者運東溟之水救束薪之火理必然也雖然恭敬而常荷非大明至勇者其誰能之且恭敬與懈慢勢不兩立荷見理未定染習力猛理不勝習十戰九敗如猩猩指酒而怒罵於怒罵中冥遭習轉不覺不知去而復返酒香染神醉氣疲罵力忽成軟暖以口吸酒是時也不知有利安知有害不知有死安知有身余故曰能常念恭敬觀世音菩薩者復三毒而鑄三德非大明至勇孰能臻此偈曰

恭敬受持此經現前此經現前觀音說法眼聽始玄不以眼聽却將耳聞玄妙之聲成愚癡雲雲埋慧日長處覆盆讀此經者恭敬爲本無擇長幼佛性爾審作如是觀韋天護念若已頭目愛惜無倦

心塵無性偈

心不自心。因塵而心。塵不自塵。因心而塵。因塵而心。喚誰作心。因心而塵。指何是塵。兩者既悟。萬法通真。

送悟慈省親偈

此身敢問自何來。四大分明土一堆。就裡有恩忘不得。西風落木渡江淮。

示禪人

流水松風總舌頭。真言萬古轉無休。若將兩耳終難聽。合調還須死髑髏。

示申知離雄心偈并序

夫雄心者。有不雄者爲其母。今有人於此。不得其母。而欲強制其子。是謂子制。子終不服。惟得母者。可以制子也。故曰銅山崩。鐘應。母嚙指而子心痛。皆以母召子也。子孰不應。永嘉云。不離當處。常湛然。子耶母耶。知此者是謂得母。

雄心若可銷。聲伎片掌應。須置岱嵩。欲海萬尋終莫測。愛源一滴竟何窮。

書經薦父母入蘆山塔偈

我父生時我逃逝。痛慚不得奉甘旨。我父死時我未

歸。一抔之土孰揜骨。此慚此恨何時消。日增月累丘山積。丘山劫壞終有崩。劫壞山崩恨無盡。今仗佛光書此經。字字功德難思議。南無妙法蓮華經。經中之王。我自性以此功德報亡父。黑業頓謝。生佛國。見佛聞法。證實相。如戰有功德。譬珠願我亡父持此寶。徧照十方。談無際。我本母生不及養。寸心耿耿石難化。期酬至德無所從。慶我離塵爲佛子。深思婦人姪業重。堅固難拔。等須彌。須彌可傾。姪難斷。津梁苦海須聖力。佛說諸經度衆生。皆先戒殺後姪。欲先姪後殺。惟護嚴。是故報母應仗此。南無無上接嚴。呪消母姪業。如天風片晌之閒。不可得戒珠清淨光。無缺見佛聞法。得自心。一切萬法悉堅固。我發此願等法。性見者聞者。皆出苦。何況書經報父母。若無利益。我不實。惟願二經入此塔。塔亦永永無圯壞。風鈴宣說諸呪。心有。心無。心俱悟。入又願因緣若至。時放大光明照法界。觸此光者。生孝心。因此孝心得菩提。一燈傳至百千燈。百千燈傳永無盡。我願如是。佛證知。法僧人天并八部二經會上發心者。佛前立誓說諸呪。願護

此經如護眼。在在處處恒不離我。今哀求說呪者。護我書經亦如是。我若成佛報汝恩。如我今日報父母。

碎甲偈并序

天折地裂。物莫不驚。髮脫爪枯。而人不覺。設或覺之。則與天折地裂驚無不同者。此義甚微。徐而思之。思而知之。知無不覺。覺無不驚。驚則不忽。不忽則復。復則天本不裂。地本不折。髮本不脫。爪本不枯。偈曰。

機無精。龜見者用之。纔欲生。心機則成。疑疑復不覺。天裂寧知。龜者如此。細者轉迷。根塵廓落。碎甲導師。豆佛禪師起龜偈。

百戰爭山河埋骨。只數步千斛豆。念佛佛夢今朝破。凡聖情枯時。根塵瞥然墮。起龜佛威神。虛空合掌賀。觸體何處理。法身忽猛露。豆佛若有靈。當面肯錯過。雖然如是。且道起龜佛事畢。還有出身路否。噫。從來心外無毫髮。掘土埋人心用心。

豆佛禪師懸真偈

大地山河是阿誰。了無一法可思惟。登時豆佛全身。

顯面面相看幾箇知。唵雲山頭角露。流水解譚經。

豆佛禪師停龜偈

安樂殿前路不差紛紛黑白。開烟霞須知今日停龜處。雨霽叢林報覺芽。

豆佛禪師撒沙藏龜偈

一把吉祥沙。安樂潭中撒。藏龜千萬年。兒孫常秀發。

沐浴畢偈

入水出水中。邊何在。纔稍停思。滿身白賴。

示安公偈

安公患足疾。紫栢施爪甲。適然爬癢處。根塵頓廓落。是時問病足利口。請置閣。此意頗平常。智者摸不著。

問本亭偈寄岷巖鄰居士

清淨本然問本然。瑯琊長水舊機緣。五峰雙潤亭中客。七塔一池爲我巖。

空谷偈

萬人呼空空。空谷一齊應。人谷若知萬。兩者皆有病。病在心生時。早出人谷境。龍辱若萬人。驚若空有應。警爾生欣戚。驚亦早越境。我以比量智。人谷理自定。

寵辱不重辨。驚人谷境。

粥偈

一碗道心粥。勝飲人參湯。米豈有兩般。須知在心腸。細人不惜福。徒自損傷。智者慚愧。重心田。種日香。

示匡石居士

分明大地本無塵。水火何曾有異真。燈下研窮悵然去。朝中還是夜來人。

弔沈母偈

地水火風處處有。遇緣假合成身首。達人了此遺生。死是名真得無量。壽尊堂報盡還其本地。水火風不可混。以情觀之有死生。以理推之無加損。山高水深不改常。桃紅梅白皆配色。一度花開一度春。年年昆季增悲泣。

次邸店偈

此邸險三界。嘉賓若驟雨。忽散而忽聚。得示無生旨。其奈翳眼人。當面不遑視。有問臺山路。出門驚直去。

斷峰偈

古今不可得。孰覓前後際。生佛不可得。孰立真俗諦。

爲有下劣故。寶几與珍御。爲有驚異故。盤奴與白牯。皆隨衆顛倒。曰此緇此素。素因緇得名。緇非素無謂。究竟緇素閒了無。真實義前後並真俗。言際亦如是。窮際際不有。斷將安所寄。直下心言絕。眨眼涉思慮。木人拍手萬峰頭。石女崖前笑相覷。

示僧

祖宗一片閒田地。無奈兒孫懶不耕。日久歲深荒沒盡。苟非的骨裏翻騰。

憩古岩偈

人生誰百年。轉眼卽來世。浮榮鏡中花。苦海無邊際。楚漢競雌雄。只今成何事。奚若守心城。護此光明地。劫燒渠不然。煩濁渠不穢。靈機統六門。出入洩真意。勸君觀岩石。龕內佛是你。苟非大丈夫。未易承當去。

示于中甫

直下寸絲渾不挂。熱屎潑人誰不怕。披毛戴角解翻身。跛踣蹀躞活卓卓。

觀射偈

空合箭跡箭穿空。空箭難分體異同。若謂空中無箭。

道分明箭過於空中。空立含箭難觀跡。箭妙穿空不見踪。假使箭空微有礙。如何彼此得圓融。

沐浴碧雲禪房觀維什道影

一光東照法被支那。雖義有淺深。乘分大小。皆金口所宣也。至於譯經者。流無慮百餘家。若夫文質精到。逗機不爽。無越什師。予素欽渴慈。兩竊恨不得並世而生。一奉瓶錫。萬曆歲在癸巳春。信宿碧雲寺。辱雲莊禪丈爲子設浴。既而慶觀什師道影於其禪室。再拜稽首而說偈言。

稽首羅什師。文字般若海。澡沐如來言。鮮潔流法界。愧我生末世。不遑奉瓶錫。徒瞻尊者影。痛生殷重想。冥藉慈悲力。拔我出愚垢。澡沐知見水。潤此實相印。不待鑿乾土。坐飽般若漿。無擇聲與色。及以牛馬音。戲笑與唾罵。土石諸荊棘。皆語言三昧。雲莊聚寶山。松下迸玉髓。汲引繞階砌。流入香積厨。轉冷爲溫泉。襟以諸藥草。乘熱貯木盆。直作香水壑。愍我行脚倦。衣弊風塵集。拋擲清冷中。沒頭兼浸足。辟如春波裏。殘冰蕩能幾。妙觸宣明時。根塵不可得。伸手摸虛空。

虛空寧有骨。却被什師見。吟吟笑不止。咄哉呼稚子。莫以眼觀眼。眼若能自觀。終非是己眼。眼雖不自觀。已眼非不有。子能如是解。盆卽廣長舌。出沒舌相端。不被舌相礙。是謂如來使。亦名觀自在。若人擬澡沐。先當知此偈。不知而費水。功罪誰復據。

紫栢老人集卷之十九

紫栢老人集卷之二十

明 憨山得清 閱

五常偈

南無仁慈佛。愛人如愛己。此心常不昧。如來卽出世。南無義氣佛。愛人必得所。臨事不苟且。立地成正覺。南無禮節佛。事事要明白。長幼序不亂。世尊卽是你。南無智慧佛。變通無滯礙。扶正不扶邪。化苦而爲福。南無信心佛。真實無所改。一念與萬年。始終常若一。如是五如來。人人本自有。善用佛放光。不善佛滅度。我願一切衆。死生與好惡。務須善用心。莫被情欲轉。

生時佛不死。死時佛豈滅。不滅不生處。此是吉祥地。

伍員申包胥

伍員包胥初爲莫逆。一日亡楚。一日存楚。員若忌胥。豈能亡楚。胥若忌員。亦難存楚。兩人如鏡。通互相照。本光不昧。大用現前。擔荷不下。擬心進退。是曰野狐。非師子種。

不變隨緣偈

始從一塊金。造出諸鳥獸。鳥獸亡其本。鬪爭分彼此。智者見之笑。愚者見之怒。笑則鄙其癡。怒則助其鬪。我觀天下人。助鬪何其衆。笑者萬無一。惟願乘佛光。怒笑俱照破。逆順恒自在。

讀東坡贊石恪畫維摩頌

我觀石子不思議。神力大於維摩詰。能將過去毗耶室。普令觀者如見掌。三十二士不二談。口門滾滾川。江注病夫無語答。文殊耳熱面黃口寂默。聖凡乘隙亂離黃。到頭誰解知明暗。現成香飯圖一飽。飽觀妙喜延復捉。師子座高二萬餘。菩薩更多容不隘。方丈無增衆不減。如燈互照無相礙。我觀蘇公更巧奪。劫

掠夢中石處士。復將維摩置腦後。逞已自在神通句。卷舒語默臂屈伸。壯士寧費纖毫力。善使觀者駭且驚。豈殊胡蝶遭風雨。紛紛紙上尋入路。競覓高堂避漂溺。自笑老漢旁弗禁。一拳打倒眉山子。奪得驪珠光更奇。覆盆頓教成曉國。胡蝶夢回春初霽。毗耶城裡人方語。

陸太宰手印偈

夫禍福莫烈於死生。而死生之前。茅必發。端於老病。老病疑危之際。雖有孟賁之勇。神禹之智。莫能施也。今太宰臨老病疑危之頃。而神不撓。手印堅持。老病不能累。望其眉宇而氣色澄明。豈非一生心力精堅之明驗乎。遂觀道人因問疾目觀其事。贊嘆說偈曰。

手印堅持衆所見者。手印之初不可心測。豈能目觀。是不能觀。卽壞不壞。智者了然。衆人驚恠。

題金壇龍山圓通庵四佛臺

一身千閒屋。猶嫌住處窄。四佛共一臺。欣然各相得。凡聖本來同。迷悟乃成隔。呵呵會也麼。桃紅李白。

春將半。明月清風調不同。

示某念佛偈

五十八歲前。汝果年多少。於此痛觀之。多少年便了。
了得好念佛。未了念佛早。生死從身有。離身何處討。
兩人未見我。燈光如天曉。還家仔細參。邪路爾勿造。

慈音母難日偈

慈音今日生。慈母得身輕。般若煩誰轉。金輪說法聲。
能將毛孔聽。日用顯威靈。誰料慈音舌。金剛千尺丁。

示石門故倪道人偈

來時無物去還同。來去分明鼓囊風。若使亡靈知此。
意眼開眼合有何蹤。

破生死心偈

現前分別心。畢竟生何處。若使生自心。境無執爲地。
境能生分別。境豈分別境。設謂相因生。兩無難成合。
合無不應理。終入自然計。智者痛觀察。癡人輕放過。
於此竟不究。生死心難破。

示紀禪人并序

紫栢先生往讀東坡觀音贊。最愛其呼者若自痛。

則必不能呼。今聞紀禪人渡江之險。於險中排遣。
初雖自覺有力。至浪愈大。風愈高。則終不免被風。
浪轉。却此禪人不欺之言也。雖然。從此不欺於逆。
順。境緣風波險處。勉強排遣。日久則信位可入也。
因而說偈。遺禪人稍爲精進之助云。

千波萬浪一舟危。勉強支吾能幾時。試問命根將斷。
處就中誰是大悲師。

母難偈

我娘生我我無生。久負我娘一片情。今日尹山炷香。
者爲娘請得走方僧。

住山偈

住山無甚巧。一味朴頭來。雨後開新地。燈昏剪舊煤。
照心翻貝葉。觀足護蒼苔。久斷風塵路。何人問大梅。

觀花偈

江上芙蓉開。花含秋波奇。風搖疑顧盼。遊子心魂癡。
花豈有子心。子心何不思。以思思心前。自悟花汝師。
此意頗不淺。心開輪天機。

明暗偈

設不點燈暗則滿前忽點燈時明無缺圓暗實有暗明何從生明若有明暗何從形每作此觀根境蕭然蕭然之時濕無中邊水當寒互堅相難除水當和暖融相本如明暗水水以類萬物一物得入物物皆蜜蜜有邊中佛難分析分析不能攀緣自寂見徹觀熟死生逆順宰割虛空千古一瞬孰爲滅度孰爲出世乘智願輪而權而實權止兒啼實則自畢明暗吾師曷忘其德水水吾友敢別好醜舟泊南徐楊枝吾肘無隱齋頭鎖江開口奇郎代筆知郎點首同行皆睡夢翻筋斗

廬山黃龍潭募供佛燈油偈并引

夫火不自傳必假於薪薪亦不自燒必假於火然謂薪盡而火滅則非達人之見也何者蓋薪有盡而火無盡故也若火有盡凡有薪處則有火凡無薪處則無火矣今則不然以方諸向月以盤承之即少頃而水盈盤矣謂此水果從月來若微方諸則獨月不能流水謂從珠來珠不待月珠何不水出謂珠月合而有水此又不然初月與珠各求其

水水皆無自寧有兩無合而有水乎世之君子果以格物致知之學不爲分外當徐而察之薪盡而火果盡乎方諸與月果合而流水乎如察而久之誠積將明一旦悟通然後知形而上者未嘗非器也形而下者未嘗非道也若然者則我日用之閒迎賓待客折旋俯仰是非榮辱境緣逆順身心勞逸穿衣喫飯屙屎放尿寒則索衣饑則索食順我則喜逆我則嘆者亦當徐而察之器耶道耶道耶器耶必自了然矣廬山黃龍潭有像毗盧遮那佛毗盧遮那者此言光明遍一切處既光明遍一切處矣何假於燈蓋日以照晝月以燭夜繼日月之明明於無盡者惟燈爲然聖人欲人即象得意得象忘此又大覺末後句也奇男子何必登黃龍觀佛像然後開悟即共兒女團圓於燈燭光中夜飲權歌酣睡之後睡熟酒解微開醉眼徐察此燈之光從油生耶從燈薪生耶火自明耶倘於此際一旦悟光生處管取者醉漢不須三大劫修行立地成佛在襄陽君子不以達觀之言爲狂能采

聽之則黃龍化主。隨越如麻矣。偈曰

應藏黃龍潭。乞油供如來。不知誰有緣。歡喜捨淨財。
用買香潔油。然燈照佛臺。光明永無盡。聞見心花開。
油亦從水出。水偏與火乖。戰爭兩不已。水去油火偕。
此理甚微妙。知行世莫猜。緣生即無生。道器本同胎。
胎產無量佛。皆從光明來。願諸施油者。皆契毗盧懷。
承恩寺十景偈

寶獅巖

尾拂青天首撼空。等閒一吼怖毛蟲。文殊老漢騎將
去。遊遍十方塵刹中。

臥牛池

不臥蒼龍臥白牛。大千世界角尖收。尋常懶犯人苗
稼。雲影天光水草優。

千峰菴

路在虛空不在塵。白雲堆處臥禪人。春來一雨千峰
淨。樹杪泉飛五朶新。

鎖鳳橋

鳳舞龍飛恐不歸。石樑爲鎖永羈遲。相逢若問僧多

少。萬指森森繞硯池。

廣德刹竿

幡動鈴鳴調豈同。曹溪謾道不因風。魚蝦若許平田
擺。今日桃花舊日紅。

五眼泉

五眼人人本自周。無明地迸豁清眸。若將橫目分凡
聖。兎角挑雲過別丘。

涅槃臺

除却身心問吉凶。分明宰割太虛空。涅槃臺上清秋
夜。萬里無雲月正中。

成公塔院

寶地空林落葉多。先師靈骨在洪波。荷鋤擬斷水中
月。輸我拋香禮上坡。

洗心軒

覓心無得洗心方。熱惱都教富處涼。若使遊人知此
意。松風水月舌根長。

觀音塚

萬峰深處普門開。道骨寧甘火宅羈。大士果然煬帝

子麒麟何事產牛胎

照身心偈

身若卽心誰是身心若卽身誰是心身若卽心則生死何來心若卽身則煩惱何在身心了徹疑不生卽此身心真般若般若現前身心空身心雖空身心在此身卽是真法身此心卽是真妙心法身本來無生死衆生迷之生死起妙心本來無煩惱衆生迷之煩惱擾自達身心水卽波尋常日用頭頭偕相逢不是兒女戲身心不悟真狗彘況乃人爲萬物靈大事不明須怖驚怖驚日久諸佛憐變身爲我說無生眼前早晚相見者誰不胸堂點佛燈佛燈雖點不照已開眼如同夜裏行

初于聞中入流亡所頌

百戰將軍未肯降太虛空裏割疆場凍雷出地醒殘夢別有梅花一段香

豬偈

養豬充口腹因愛結成讐豬若知此意終朝不食愁愁兼與不食豬死肉有不煩賴豬未知肥肉過汝喉

終來汝作豬還須償豬油此理果弗謬勸汝養豬休

文薪偈

若微文字薪觀照火無附若微觀照火身心薪不然薪然俄成灰灰飛身心盡湛然實相燈光明無內外自燒復燒人一燈傳百千百千傳無窮終古常若旦十方無夜時文字薪功德是故有智者卽文字得心心外了無法文字心之光以光照眼根無色能待眼以光爲雷音耳聞耳識空以雷爲妙香鼻嗅鼻無得以香爲上味舌嘗嘗卽智以味爲觸覺覺觸身根遺生死在何處龜毛縛兔角以觸爲法則五塵落謝影緣非因緣變分別變所緣影各具三種子習氣現雖經千萬劫六根更無量四生七趣中浮沈難可數種子習現等熏種影不亂不亂各有則故以法則名我作文薪偈名緣因佛性熏汝了與正實相燈傳承無論冤與親皆入光明海

釋中論偈并序

已去無有去未去亦無去離已去未去去時亦無去此偈明何義良以未去爲正去之因正去爲未

去之果正去復爲已去之因已去爲正去之果用是觀之正去不能自去必假未去而有去既必假未去而有去去本無自性既了去無性未去已去皆然譬如中閒則有兩頭智者了達此三時無去來去來亦不昧

未去不名去已去不名去雖已去未去去去誰去去又難正去去已未去不得離兩有中閒斷無有是處離中有兩頭亦無有是處我以差別智往返推去來龜毛與兔角有名而無實於一法見徹於諸法不疑於諸法有疑於一法未了若人有善根頓達是偈已一切修多羅洞明如指掌拳手與屈伸卷舒得自在

光明偈

無量光明藏隨緣用不同始終若有性事事豈圓通

勉少年偈

子房椎秦氣豈止萬丈虹一旦能自下進履圯橋翁吾聞老屠叟與客宴笑閒呼客客疾跪客面無怒顏跪久竟無語仍呼客共餐客疑敢問叟此跪何所以老屠舒徐言少年登高科未經貧賤抑此跪若不忘

平生用不盡子房進履後圯翁骨已朽至今聞其風使人毛骨竦跪者埋黃土相國付流水此跪無今古聞者無不勇此勇遇聲色聲色不能惑此勇治夷虜夷虜不敢忒我願以此勇日用持不忘在在極樂國

午齋偈并序

予有泉石之疾久患未寥偶午齋未訖山水忽臨不覺眼根食色舌不廢味自笑自癡說此偈耳舌以飯爲食眼以色爲食舌眼一時食次第非次第山水富煙雲菜飯鹹酸具是同是異耶本是一人事此中覓能所知如人手指鼻鼻外若有手是他非是我此義初明白豈煩求索得

病偈示通方

人人無病時自謂生鐵鑄及至有病日何止軟如絮四大互增損衆苦靡不至所習佛知見試之了無濟病中難作主臨死豈不錯一錯千萬劫稱鍾沈海底若欲出頭來須待馬生角安得奇男子病時如不病寒熱交攻時寸心安若海驚濤怒濤天濕性初弗收卽此不改者了達譬指掌開握與舒卷壯士屈伸臂

病猶羸劣。夫病者如壯士。相角勝與負。愚者亦可決。況復有智人。於此何疑惑。知病虛不有。般若頓現前。纔覺有微苦。般若即隱沒。病苦與般若。何曾是兩物。清涼及熱惱。剎那順忽倒。病根在何處。病者自尋討。一旦得其根。病愈呵呵笑。

聞鐘偈

眼中若有塵。塵中若有根。根塵既交參。能所互不斷。根中若無塵。塵中若無根。根塵不交參。誰先復誰後。真妄各有路。同行不同入。入則頓了知。未入徒支離。是事大不小。大雄始能了。

禮四祖偈

南無四祖信大師。重眞便知求解脫。苟非夙具靈骨。來憂深慮遠。何至此一朝狹路逢。聚老當頭一推迸。臭汗了知縛脫兩頭。語黎奴白牯常爲隊。臨行接得無姓兒。窮家破具從他紹。多情突地出黃梅。賺殺牛頭資。徹骨人天自是失依怙。抱賊叫屈誰相悉。銜花百鳥覓踪由。何異屠氷求烈燄。我懸狗馬心已久。帶疾慈光一稽首。惟願我祖憐弱喪。死生夢中頻拔濟。

禮五祖偈

稽首五祖忍大師。片時不計計長時。山前山後種松子。松高引得鶴來棲。鶴來弗解騎鶴去。有去有來非所慮。長生固勝短生多。莫若無生死亦住。一朝釋勦拜牀下。法道可得相分付。堂頭嫌老許。再來只顧問娘匪。問父賺得阿娘肚。忽大舉族紛紛爭痛惡。一身子然無所依。敗堂冷廟延朝暮。生兒便會道無姓。觸著堂頭心上病。西來衣鉢總交渠。赤卵咆哮行祖令。十方諸佛縮却項。嶺南獨擅神通廣。獵人隊裏覓生涯。七百高流空腹脹。蜀道難行世所知。誰云傳命法懸絲。我常深夜念及此。世閒想淚沾緇衣。今日濁港灘頭過。離娘墩前草如故。西風落木行路難。子母恩情從此破。

聖凡偈

兔子懷胎產六龍。不惟爲雨更爲風。臨機縱奪能翻弄。一片春光萬卉融。

微顯台宗性惡妙旨偈亦云非性偈

稽首十方三寶尊。未來過去現在者。我今哀求請證。

明惟顯冥顯有加被三際不離一念有豈離三際有一念譬如一指有屈伸廢屈立伸血脉斷染淨亦隨緣所熏隨緣善惡二相顯顯者可見謂之修不可見者謂之性性惟非性自不覺不覺不離染與淨了知染淨既如是一指屈伸奚足病屈伸離指不可得染淨離心亦何有心即本體染淨源源亦非性寧染淨惟有悟心方決了決了始知台宗妙台宗之妙在性惡性惡三昧三昧王一切染淨橫自在皆藉性惡功德力盲師不見性惡立廢染立淨褻佛體弟子仰仗三寶力述偈微顯台宗旨更顯見者及聞者同悟性惡利含識

臘月八日供佛乳糜偈

如來成道是今日成道畢竟何所得我等今日未成道未成畢竟何所失現前大眾當痛參參透乳糜用鼻喫莫憎此是孟浪言言字字塗毒汁

蜂觸紙窓偈二首

縱使千飛與萬飛心因境有豈真知但將能所俱拋却不假鑽研透不疑

來時初不有遮欄纔欲投明便離若肯反觀來甚處去來何路不天寬

示徐孟孺偈

掉轉頭來一拍時就中無地著思惟徐郎覲面知歸處始信春來花滿枝

聖智偈并序

若謂念未動是聖智則了得念未動是聖智之知此了涉念耶不涉念耶涉念則有念定不能測無念不涉念則念既不涉知亦本無謂了念未動是聖智此了何異虛空揣骨思之

聖智昭然休更覓山河之外別無靈但能當處尋生滅方信紅爐有剎冰

雷耶吃茶偈

念未生時誰吃茶寧知茶不自噉他就中別有通喉路滴滴須教成露花

芭蕉菴聽雨偈

直謂重泉樹杪來微微巖壑起輕雷何須方外尋幽僻城市雲林趣不乖

雨打芭蕉一樣聲。聽來迷悟太分明。桃花只許靈雲見。敢保盤山夢未醒。

皖公靈跡

行盡千峰與萬峰。飛泉響自半天中。背囊有路通幽處。流水桃花問皖公。

示宇靖偈

春來誰不愛花紅。落地東風起太空。艷冶凋零一條看。此心無處不虛融。

逆順偈

姪怒無常總是渠。逢緣逆順遞乘除。從教伎倆翻天地。幾度推尋失舊居。

偶成偈

天上人閒勢利同。但將罪福判雌雄。達觀老漢偏奇怪。慣解藏身兔角中。

宣州興教坦禪師偈并序

宗門武庫。温州牛氏子。世業打銀。因磨洗銀瓶。次有省出家。號宣州興教坦禪師。

恠底牛郎業打銀。銀瓶磨次現全身。廣長舌相無多。

子獨許渠。儂見得親。

應事粘滯不覺失笑賦此

賊後張弓。悔已遲。更教賊後笑。愚癡何當明鏡無留礙。妍醜難瞞不屬知。

寄王元美

法身有口能噎飯。大地無塵翳眼睛。此事遙知已相委。願垂一語印愚情。

悼王方麓先生偈

未生曾道是華嚴。習氣臨終果現前。釋尾儒頭難辨別。還同竹筴勘癡禪。

無題二十首

丈六金身賣酒標。一朝爛醉睡如猫。牡丹花下春風裏。多少馨香帶露飄。

狂心未歇似猿猴。日夜翻騰者箇骸。一把無明火燒却。紫烟堆裏好回頭。

莫待焚燒始轉頭。正當強健好調牛。皮膚脫落全身白。水遠山長任自由。

水國微茫坐入禪。六銖縹緲散花天。只今靈骨無尋。

處風雨蕭蕭送客船

踏來空翠幾千重。曲折曹溪鎖梵宮。欲問嶺南傳底事。青山白鳥水聲中。

百尺危梁架碧溪。行人到此莫思惟。浪花風捲晴飛雨。掉得頭來已濕衣。

縣空架地力難移。惟石爲腔薛作皮。無孔鐵椎敲便響。禪流直下不須疑。

一作注

道人無往不悲秋。何事扁舟帶月浮。白雪陽春誰接拍。石門流水暗相投。

君家幾箇長松樹。引得天風作海濤。熱惱任教千萬斛。此中一坐自全消。

浮雲初不染虛空。起滅從交淡復濃。若使身心成兔角。應酬萬有自春風。

白鳥銜魚上釣磯。漁翁初不涉思惟。水天空濶相忘處。坐者坐兮飛者飛。

萬別千差總此心。誰融大地作黃金。愛憎交錯難銷處。多少男兒被陸沈。

春來花草興綢繆。丹室珠林挾妓遊。盧舍那身隨處

現醉中幾箇解回頭

空林何處夜鳴鐘。踏遍蒼苔叩梵宮。此會不須言底事。相看箕踞明月中。

萬別千差總不妨。無心觸處可相忘。雖然六入如空聚。見豕何曾喚作羊。

春來樹杪百重泉。飽飯眠雲聽不厭。若使陶潛知此意。何須弦斷始無弦。

阿娘奶頭大如斗。不食小兒見之走。飲乳輸他親所生。一口未了復一口。

廣長舌相覆虛空。大地山河舒卷中。若問人天何處著。歸宗口裏有拳容。

凡當我處皆非我。我若無時我始全。縱使虛空爲辟喻。虛空我後我曾先。

流水青山笑我癡。涉川絕嶺慣忘疲。南來北往緣何事。一線真機世不知。

究心想偈并序二首

皮毬子曰。一心不生爲善。無地況爲惡手。故無論逆順境風扇中。則念之生雖有心擬禁而不起。無

是理也。但起善念。當勉力而充擴之。若起惡念。當究此念。是貪耶。是瞋耶。貪近淫。瞋近殺。淫之爲過。莫大焉。殺之爲禍。禍莫甚焉。我清淨廓然之中。而忽生此不祥之念。幸而有始無終。則過禍似可逃也。不幸念起而始終之。小則殺身喪名。敗德大則一墮阿鼻。魂靈受罰。一日一夜。萬死萬生。卒難出離。且我此身。究其所自。初本於父精母血。雜而有之。現前能分別之心。初本於父母交遘之時。不達前境。惟心乃受境惑。故男子投胎時。於母作可意思。女子投胎時。於父亦作可意思。既而此想身成之後。不名想而名心矣。此精血雜成之機。心主之後。不名機而名身矣。故有智男女。解作此觀。觀久得力。則於飲食男女之閒。雖風扇鼓自然念不生也。噫。念果不生。則向之清淨廓然。還復入我手矣。故曰。雖然舊閣閒田地。一度耘來方始休。至此然後說栽田博飯喫。無愧於心焉。若未詣此祖翁田地。尙屬別人管業。我安敢妄想偈曰。

羶臊交媾始成身。中有貪淫卽識神。兩者若能看得

破何妨。寒凍作陽春。

祖翁田地賣年深。執券風塵何處尋。見說豺狼與狐兔。荒寒荊棘久成林。

行昌刺祖偈

行昌刺六祖。却被六祖刺。世人誰得知。豈非冤枉事。

智識偈

五識攬性境。是名因緣變。行解猶未起。名言豈能及。同時意忽生。五爲退殘客。五退六旣進。六攬獨影耳。由塵發知故。此知非本有。由知塵現容。此容異晴空。了知不了知。識智競分路。識則假名賊。智則克家子。熾然善分別。我法執漸釋。入流而亡所。所亡能亦失。能所無地時。轆轤搖不息。

示于中甫

國賊患在智。心賊患在立。三叉乃見刺。諸塵解脫源。龍潭虎豹窟。驚悸雪松邊。

示于潤甫

六祖本樵夫。悟心乃成祖。此心是何物。證之遇今古。非獨釋迦然。仲尼亦復爾。如若道未聞。雖生不殊死。

且道道奚聞。最初從信入。堅持久。不情。自然人指路。遵之直截行。寸心勿回互。世有毀譽風。此是諸魔使。遇之力愈堅。始信真寔。做一點疑惑生。無媒自招禍。苟非英靈漢。逆風難把柁。

淨土偈

心淨佛土淨。心穢此土穢。淨穢既在心。如何別尋理。但觀心未生。淨穢在何處。此觀若透徹。衆罪自消滅。不待蓮花開。香光從口發。南無阿彌陀。佛卽自心覺。覺卽情不生。情生成殺佛。殺佛墮地獄。難生蓮花國。能使情不生。彌陀自來迎。蓮花爲胞胎。永不作衆生。念佛雖不難。難破逆順關。逆順關若破。始面彌陀顏。

自警

衆人關意處。飲食男女耳。我輩所急者。治心藥。貴止止時。不由觀。茲止非盡美。止觀相爲師。循環妙。無已現前。赤肉團。善用初非累。誰謂臭觸穢。金剛堅莫比。色生空匪殊。波水護彼此。古德曾有言。亡僧痛爲子。當陽旣不薦。白骨爲汝死。回首石樓癡。覆舟華亭耻。死生等戲具。心了何足齒。

吃水齋聞鼓偈

我昔吃水齋。幾月分別輕。身心有若無。六根瀉鼓聲。仔細推所以。擊鼓道士耳。此觀尙隔河。聲乃發於邇。始悟念不生。古今無異路。遠近分別起。法身豈有阻。六尺空中雲。雲起有無際。聚散初無常。何苦徒橫計。橫計若不消。驢年出生死。

脫女身偈

有身有女執。無身執自消。衆生久顛倒。橫執身堅牢。堅濕暖動觀。女身等龜毛。此觀若成熟。蓮花爲胞胎。更將憎愛空。心空境寂寥。能所情塵蕩。童眞著方袍。參禪與學道。永無魔外撓。眞祥痛持偈。女身當處超。

常如寺偈

逆順本無性。似有惟橫計。若知喜卽瞋。步步安樂地。

示聞郎

鬼怕捺硬人。識怕捺硬智。強久自成熟。忽契無分別。

示修慈

有我衆生。我無我諸佛。我真妄我明白。頓超生死路。

明暗偈

生滅不生滅。譬喻明與暗。一存一不存。未合波羅蜜。生滅不生滅。譬喻明與暗。兩存不兩遇。乃合波羅蜜。

斷姪偈有引

夫言清行濁。開眼說律。合眼行姪。醒夢雖殊。姪根無二。故此根未拔。生死難逃。今世後世。眼合眼開。根塵主客。授受無窮。苟能一念不起。姪機自枯。於衆生分中。念起是常。不起是變。於菩薩日用。不起是常。念起是變。常變無根。隨習所熏。熟則名常。生則名變。名雖有換。初無異同。故能以戒定慧之香。熏而不斷。則淨用現前。以貪瞋癡之水。潤之則染。用力猛故。寂音尊者。觀音贊有曰。憫我心。明力不逮時。種子發現行。此我尊者。踢翻好醜。窠臼而能吐言真實。如雲盡長空。明月顯露。清淨光潔。如此也。偈曰

十方三世中。惟我一人姪。姪機斷不難。姪人處處滿。姪機卒難斷。時時互相熏。增長無有已。我斷人不斷。斷斷熏復深。染淨各有源。源窮染淨洗。戒根盤虛空。空外無有物。有姪無地藏。

戒殺生偈

以心觀天地。天地伯仲同。以天地觀心。物方分雌雄。雌雄生強弱。強弱生戰攻。勝負不相下。互吞豈有窮。未窮能知變。口腹戒肥膿。

臥佛偈

睡者不忘石。焉能臥石上。石非忘睡者。石則有我相。誰謂雙忘中。鼻風吹樹鬻。陰陽既不到。出入息難狀。惟有本色人。聞斯稱絕唱。

聞雷偈

將雨雷先鳴。轟然聲達耳。遂即究聞者。猶未決能所。所聞既無知。能聞寧獨起。若復合而聞。細推無此理。能所既不有。合者是何物。合乃且共生。龍樹曾不許。無因如可聞。山河皆吾耳。往返研其因。畢竟窮無始。無始不昧聞。聞時遺彼此。玄沙老古錘。昔日曾有偈。鼓中無鐘響。鐘中無鼓意。鐘鼓不交參。句句無終始。

六識功能偈

第六分別觀。生法功成本位粗。相滅細相乃通七。識分生法以無分別觀。觀之不已。無功成。乘此無功。鑄

異熟異熟既融任運入五八刹那同時轉聖人能事
自此畢駕此無事自在船逆順風波渡羣有究竟如
上種種德皆是六識作觀力餘識但坐不能行惟六
能行未始坐張翥吃酒李翥醉說與旁人誰肯信三
量三境攝心所以此之故功在六聖凡迷悟六不行
總是天晴地下濕

醒夢偈

紫柏老人妄想多夜來合眼夢不少夢中好惡幾千
般開眼何曾有莖草腦髓心肝命所保夢中有人平
白取解空未熟取時堅成就堅貪多巧計直得計窮
瞋發盡腦髓心肝宛然具將觀具者等夢中死生榮
辱恣遊戲

持華嚴偈

大方廣佛華嚴經如來初轉根本輪此輪轉不離四
門理轉事轉事理轉事事無礙最幽玄拈來便用無
廉纖離理無事波水同事理互轉亦流類若微第四
事事幽前三終未離窠臼窠臼不離情不枯情不枯
兮智不訖智不訖兮覺爲礙境風逆順難自在理障

事障難爲覓覺不爲礙事事快若能受持此經卷洞
達吾儒根本在且道根本畢竟在何處所熱惱燒心
誰著火清涼徹骨豈天來

長松館雪偈

明月在天雲障之障雲疎漏露明月幻作梨花與柳
絮鋪遍江山無空缺白象兒休裂罅境界逆順蹴踏
時金毛聞之亦腦裂三月桃花笑路人主人於此心
能歇

修補大藏經板偈

百年三萬六千日憂勤功利何其急若將長劫較百
年百年不殊出入息出入息中營勝事苟非明勇誰
能得功利不過周微生勝事資我脫苦趣勝事之中
最勝者續佛慧命第一義慧命得續欲命枯安婆羅
爲極樂土此意智者獨了然愚者狐疑難信入吾偈
不實是綺語舌根生生常破碎

西子說法偈

世人盡愛西施美范蠡不愛却載去此意若使吳王
知伍員頭始留得住我聞西施美亦愛愛情如火燒

心裏無限精神爲此枯干排遣無用處偶讀圓覺普眼章西施之醜雖掩藏三十六物仔細觀但覺其臭不覺香。香臭互奪本無地。范蠡滿載明月光。此光要使照千古。伍員頭斷日中霜。萬花叢裏去復來。西施翻作說法王。試觀捧心顰眉時。芙蓉兩岸秋波長。得漁歎乃聲何奇耳。根一染平空亡。

雲居山復古偈有序

青山無古今。白雲有去來。法運之通塞。人情之愛憎。道場之興廢。俱循業發現。不可以有心期。亦不可以無心待者也。予別雲居二十餘年。近思歸宗金輪峰之陽。一日雲居紹住山過予。問訊且曰。雲居近有諸緣。山主肝腦塗地。鼎建古刹。予曰。此亦循業發現耳。問何謂業。予曰。業命也。又問何謂命。曰。命用也。又問何謂用。予震聲一喝。曰。在眼能見。在耳能聞。此是怎麼。紹不薦予說偈曰。

見聞歷歷自何來。纔復生心光早。覆此去。歐峰三尺半。杖頭日月照塵埃。

示等觀讀梭嚴經偈有序

有身之身。衆苦所聚。有心之心。萬慮所縈。惟無身之身形。充人極而無患。無心之心。智周萬物而不勞。衆生日用不知病在外。封六尺內。迷方寸苟有智男子。達封非封了。迷非迷。然後以一身爲無量。身神頭鬼。險輔弼法門。以一心爲無窮心。奇媒異智。通達佛法。寄廣長舌於諸子百氏之岐。使歸大道。是爲真報佛恩。

十卷楞嚴一柄刀。全牛不見眼中毛。試將智刃游心馬。積劫無明當下消。

讀東坡觀音贊

當年客少室。飯訖乃經行。栢根見短碑。刻畫觀音形。上有東坡讚。讀之蚊上鐵。徐而久味之。一日頓了徹。自是恣口門。到處爲人說。眉山蘇長公。覓佛心已歇。心歇光自圓。事理皆活潑。戲謔與譏呵。譬如青天裂。天裂眼界高。天外風景別。如若自不見。反笑人見拙。

示周季華

衆生無明。驕執身招死。生聖人憫其愚。教以一觀四。見四了不昧。一身不可得。此滌凡夫垢。非是二乘執。

又以一遣四四亦不可得一四俱不有直下無生智。不可以數求不可以情會。情數兩坐斷肉塊金剛體。譬如手作拳。或者作拳想。或以拳作手。或者作手想。拳若有拳性。作手不可得手。若有手性。作拳亦不得。拳手兩無性。執者寧非惑。雖無拳手性。拳手宛然爾。我以拳手偈相逢。誰薦取自信。合佛心。龍神護持。願凡見聞者。俱悟無生理。

分別能所偈

若使分別因境有。境有於我何交涉。一切凡小未了知。根塵擾擾無由歇。了知兩者但名言。能所何曾是。兩搬環輪之上。竟始終笑殺東村王大姐。了知成佛真子。煩惱未除超十地。此知止觀大導師。愚者棄師尋覺路。無能所中怖根境。誰知根境覺路資。水多水多何須疑。衆生若使無我所。聖凡血脉皆枯斷。撥無因果成魔種。却疑了知非親兒。誰知生滅不生滅。智識一條有同別。我今說此妙伽陀。何異幽宵懸日月。大家苦樂光明中。日用不知盲者。各醫王一朝扶障翳。光明初不離眼。有此光若謂醫王與尋常見暗。

是何物

示知幾病中偈

祁寒溽暑。暑旅不歸。啖熱吞冷。惟自知之境。緣錯注。飲氣支持。苟弗以理。消釋甚難。逆順榮辱。理遇本閒。若以情遣。紛擾無端。喜則屬陽。怒則屬陰。陽易舒暢。陰易結沈。舒暢融通。面目光澤。結沈凝滯。毒乘爲賊。賊據背脊。痛不可勝。究其所以。惟業是生。業生無地。造者惟心。心外有法。聖人沈吟。南嶽大師。身忽腫脹。求生不得。求死無恙。轉側靡停。苦極覺朗。知病惟業。知業惟能。推能之初。無我而靈。腫脹頓消。獲宿命智。過去善惡。雲度沼沚。纖毫不昧。如見十指。貴郎貴郎。病臥一床。正當病痛。情識張皇。智不可治。力不可降。痛痛痛。覺能所兩角。我代渠觀。根塵廓落。病乃知識。誘我得入。奇哉奇哉。我入賊出一塵。正受塵塵。歷歷自他。無閒維摩神力。八萬師座。總納丈室。大小相容。位分不失。問何宗旨。端郎把筆。筆如寶劍。聖凡失色。且道末後一句。又作麼生。燈燭光中。相問疾。淨明茶飯。自然香。

示賀仰庵有引

夫心無真妄而真妄名生。良以迷無真妄之心而真妄之名不得不立焉。又有迷真妄之名而不求其實役。然巔毛白而執名不返。可不痛哉。夫物必有名。名必有物。名物不相負。而天機深者。卽名爲梯緣。而上之終得其實。實得心明。則真妄可辨矣。何謂真。無我而靈。熾然而分別與性不違。此真之始也。何謂妄。流逸前境。迷而不返。妄之謂也。又妄身假四大而有。妄心亦假四蘊而有。故妄身盈不五尺。妄心周不逾身。今天下競以五尺者爲真身。不逾身者爲真心。不知果真乎。果妄乎。吾聞空無邊際。乃法身中影子。故曰空生大覺中。如海一漚發。吾聞聖凡依正。亦無有窮盡。依真心而建立。故曰心外無法。又凡夫迷真既久。故真生妄。熟而於妄熟之中。籍佛祖聖賢師友眷屬緣。因熏發了。因初啓培而養之境。風順逆。死生好惡。交加之。閉以勇濟。明以明扶。勇銳然而進。精然而深。是謂以生滅心。開生滅解。和泥帶水。究竟十信。皆圓解生。

滅之力也。入住則力非生滅矣。吾悲憫汝兄弟身處塵勞腥膻之界。而能長齋茹素。一切血肉眞火宅蓮華也。乃說此偈曰

因境而生。因境而滅。生滅無常。惡境貿易。從無始來。至於今日。執此爲心。認賊爲子。自劫家寶。無時不爾。失功德財。一貧如洗。背無生滅。隨順生滅。十二緣生。以爲窟宅。忻忻戀戀。著莫思舍。離不舍離。中衆苦積集。如影隨形。怒逐不去。從劫至劫。等汲井輪。下上無歇。如上衆苦。初本無地。一迷本智。幻出諸有。無能所處。建立人我。戈劍勝負。血流漂杵。皆自心作。離心無有。卽心觀察。本智何物。有何因緣。變出根境。一旦精明。如子得母。彼十二支。皆功德使。自利利他。無有窮極。

示李次德偈

水外有波波。波必不濕波。若果濕何波。非水愚人不了見。彼波相千變萬化。洶湧無常。生滅多狀。逐彼名言。爲境所轉。熾然分別。從無始來。了無休息。改頭換面。鱗甲羽毛。人間天上。升沈隨業。此皆波也。迷水疑波。謂波非水。故名愚人。智者不然。了波卽水。達境唯心。

本無凡聖。豈有古今。靈然無我。爲羣有祖。故知祖者。必能孝順。悟自心者。必能奉重。如不奉重。說食不飽。乾慧無用。獨事臨機。情見妄覓。法珠在掌。勿誤墮失。年光難把。老病莫期。小子痛慚。日用勿昧。

弔顧諟齋偈

世有塗毒鼓。有擊則有聲。毋論心有無聞者。靡不爽。若使無人擊。聲亦無所有。無聲而有聞。聞者聞何物。是故塗毒鼓。有毒等無毒。雖復鼓上臥毒。不能毒人。所以無緣者。佛亦不能化。吾鼓則不然。以名而爲之。塗毒於名上。以傳而爲。一人傳百人。百人傳無盡。如是無盡。傳授之擊。茲鼓無論見不見。聞者無不死。有人未見我。但聞我名號。誰知塗毒名。聞聲毒入耳。毒入而不發。決無有是處。公曾聞我名。豈得不受毒。以此因緣。故公終偷心死。心死性則活。性活執非佛。吾是以知公已墮諸佛數。

悼藏主法本偈有引

夫割股救人。不若割股救親。割股救親。莫若割俗亡身弘法。何以故。資我身者。不能使我無生生我。

身者不能使我無患。老氏曰。我有大患。爲我有身。我若無身。何患之有。惟亡身弘法之德。近則使我。即大患而爲藥草。遠則使我。鑄緣生而終契無生。以患爲藥。智者所甘。從緣悟入。衆人所昧。智甘衆。味水中。擇乳。苟非明而勇者。孰能鑑此。爾少業瑜。珈既而遇大善知識。割瑜珈而從禪禪。雖未悟而。操介車輪。教雖未了。而弘法無懈。惜其志有餘。而氣不能持。於萬曆某月日。大命將終。猶謂法侶曰。我今生乏財。凡作佛事。則多難少易。此去再出頭。來倘得作宰官。身則刻藏不難也。嗚呼。爲僧知僧。貧而不知官。貧爲官。知官貧而不知僧。貧僧貧於財。官貧於閒。兩者所貧皆非。識心達本者。也。故爲官多受勞辱。則曰莫若爲僧。清閑爲僧多受貧困。則曰莫若宰官。如意殊不知。勞動莫先於有心。大患莫若於有身。惟了心非心。達身非身者。照窮萬有而不勞。形充十虛而無患。然後發同體之悲。接無量之衆。運智於無何有之鄉。究竟無上燈傳。不絕乃吾曹能事。故曰。厭生死苦。失佛法道。今爾發。

願雖與衆殊。然以吾曹本色。斷之步驟失矣。夫形有聚散。心無古今。有聚散者。既化則無。古今者。寧不存耶。汝生以慈父事我。且爲法而死。若不以率性之痛。誨超情之推輪。提撕本色。恐成埋沒。聽吾

偈曰

四十九年前。四十九年後。又復覓生死。日中見北斗。厭僧欲爲官。官資汝知不。俸薄不能給。合家餓如狗。爲官得有財。必從貪中來。以貪作佛事。培福反培災。賴有弘法願。終與衆人殊。舍身復受身。慎勿失戒珠。戒珠如不失。生處自光潔。所願終當克。九原休泣血。我若老未死。遲汝疾出頭。果不昧初心。來充法海牛。耕徧大藏田。福慧始無邊。假使熱鐵輪。在汝頂上旋。辨教燒箇死。亦是好因緣。

示王孟夙偈

若人靜坐時。妄想來打攪。種種力排遣。此妄終不了。不了妄是賊。賊必劫我寶。我寶既劫去。主人等枯槁。人爲萬物靈。枯槁豈相較。若欲得真靜。必先求動自。此動爲我生。此動爲物起。此動果我生。物未感不有。

此動爲物起。物感木人無。往復究竟。動物我求無得。物我求既無。橫謂合而有。兩無合若可。水可洗其水。水既可相洗。已眼見已眼。已眼能見眼。諦觀君自省。

醒夢偈

夢裏寬親相逢喜。醒中無異奔過前。塵鼠競翻盆。醒知非真。幻景泡影。喻此夢身。露電倏忽。臂交故新。仲尼哀之。菩薩沾巾。顏子未薦。坐忘彌勤。肢體聰黜。離雲月輪。清光充滿。照絕邊中。以眼觀聲。普門圓通。百川一月。觸處相逢。念彼善財。參尋未回。難光覓月。月被雲羣。身等夢幻。泡影露電。殼雖假合。恒作是觀。一觀若成。餘五自現。見思消融。是身舒卷。譬如白雲。豈涉牽絆。跣足經行。脚跟具眼。

墨畫偈

萬物本虛。惟人自擾。一心本真。逐物顛倒。惟物惟心。悟之皆妙。以未悟故。成敵在鬧。惟大覺人。日用了了。見物卽心。見心匪槁。智周萬有。茲靈常皎。卽色入空。廢器小道。卽空接粗。衆無不曉。以觀墨畫。賦此寄臬。

伊峰偈

非縱非橫。凡聖莫測。警爾生心。雷轟耳則。

持戒偈有序

五戒名根本。戒蓋人天聖凡之根本也。廓而大之。則名沙彌十戒。再廓而大之。則名比丘二百五十戒。然皆以初五戒爲根本。故名根本五戒。凡具諸覺而有生者。如於初根本五戒中。不持一戒。爾戒決不能生。人中故曰戒勝。則生勝。戒劣則生劣。大塊閒所以富貴與貧賤斷。非造物使然。皆自心所造。爾古人有曰。五戒不持。人天路絕。噫。人天路絕。且問汝舉足向甚麼處去。偈曰。

五戒不持。人天路窮。舉足何往。牛馬胎中。持戒不難。難在重道。苟能重道。何戒不皎。戒皎根香。香遍十方。是凡是聖。出沒香光。如戒有破。頭頭死路。我不敢言。爾痛自悟。

紫柏老人集卷之二十

紫柏老人集卷之二十一

明 慈山德清 閱

雜說

巨石暴亡說

世有年志俱盛而求菩提。一旦志不遂而暴亡。或者便生誹謗。驅烏子應之曰。此亡者。乃廣長舌相也。善聽法者。卽於此悟國土危脆。而況微軀乎。如雪峰指亡僧。獨體示衆曰。此僧爲汝等却真實大衆。如何。爾取玄沙有頌曰。萬里神光腦後相。若然者。則巨石先生之暴亡。豈有亡不亡之窠臼。爲龍藏子作口實。翻騰去耶。

魂魄辨

精氣爲物。游魂爲變。是故知鬼神之情狀。此孔子之言也。而解者互有不同。或謂精氣無知。游魂有知。或謂精氣與游魂皆無知也。或謂精氣與游魂皆有知也。是故學者所宗亦各不同。焉然孔子之言。若日月之在天而盲者不見。豈日月之咎哉。蓋孔子立言之意。有順有逆。有逆而復順。三說焉。而伊川晦菴謂。

與魂皆無知。東坡與沈內翰謂魄與魂皆有知。獨新建則謂魄無知而魂有知。此皆能會通孔子之意者。但解愈易而孔子之意愈晦耳。何謂順自性而之情也。何謂逆自情而之性也。何謂逆而順。聖人以爲我復性而人不復。則情不消。情不消則我見熾然。我見熾然則貪暴無厭爭鬪靡已。故以復性之教教之。使夫順者知逆逆者知順。則原始反終死生之說可明也。夫迷順而不知道者。恣情而昧性。其生也爲魄死也爲鬼。順而知道者。悟性而治情。其生也爲魂其死也爲神。魄之爲言泊也。夫泊者以衆人未聞道則無往而非情也。而情無自體必假於根塵。故衆人其實厚則氣強其資薄則氣弱。所以其生也寄泊於物而強弱隨焉。則其死也亦必泊於物而強弱隨焉。若怕有爲厲是也。君子則不然。既聞道矣。知道外無物無物非道也。所以貴爲天子不以爲榮。賤爲匹夫不以爲辱。若舜與禹是也。卽此觀之。伊川之說非矣。新建之論得失半焉。唯蘇長公與沈內翰近是。然蘇沈猶未能精辨順逆逆順三者之始終。所以理全而事略。

事略則波虧波虧則水缺。波譬事也。水譬理也。故事不融而理終不徹耳。予故曰。衆人恣情而昧性。則魄盛而魂衰。君子則魂多而魄少。以其聞道而能以理折情故也。故魄爲鬼之因。鬼爲魄之果。魂爲神之因。神爲魂之果。因果情而魂魄鬼神之說明。若鏡中見眉目耳。夫何疑哉。至於三魂七魄之說。此衆人也。魂多而魄少。此君子也。唯聖人無魄而惟神。故其生也。生不能累而其死也。豈獨有累耶。故曰。妙萬物而無心。謂之神。又曰。聖人無復。夫無復者。謂性外更無情可治也。如有微情不盡。終非無復。故曰。微塵尚諸學明極。卽如來。又曰。一切浮塵諸幻化相應。念化成無上知覺。卽此言之。則易之爲書也深矣。妙矣。楞嚴之爲經也妙矣。深矣。昔張無盡謂我讀佛經。然後知儒是以非窮理盡性。至於命者。則魂魄鬼神之說始終逆順之淺深。精而粗之粗而精之因之果之千曲萬折。解情釋縛。異其名言。同其義理。是而非之。非而是之。無疑處使之生疑。有疑處使之無疑。此聖人之深慈。君子之苦心也。學者不可不知焉。

示字泰放光石說

天下疑信之生。不生於事。則生於理。故生於事者。惑乎理矣。生於理者。疑於事矣。以此觀之。信理而不信事。信事而不信理。所謂信非真信。疑非真疑也。惟即理而信事。即事而信理者。予又何言哉。若夫孔陵之善草。樊老之摩松。事以理推。理以事究。情與無情之異。皎如日星。此石六稜而鋒銳。體質光潔。映日流輝。產於峨嵋。而他山無之說者。以爲六稜以表六度。鋒銳以表精進。充三學而統萬行。體萬行而治衆習。習治則即事成。理即理成。事而徧吉之德備矣。夫峨嵋盤礴千里。空翠接天。絕巘奇峰。倚伏萬狀。豈星星之石而備衆德耶。曰。一花可識無邊之春。勺水可分圓滿之月。彼既如是。此獨不然與。

似完齋說

聖人不以長蛇封豕爲患。而以一身爲患。其憂亦深矣。如章臺帶水。阿房連雲。極游觀之樂。至死而不能返者。可不哀哉。松陵密郎。知身是患。不重厚生。唯不重厚生。凡百所治。特似完而已。故堂不圖高。內不圖

實。莠莠可以蔽形。醴粥可以糊吻。以古視古。書素心。資骨。薄金張之榮。淡然自富。紫栢道人。適避風雨於斯。喜其朴實。所輯有野人之風。題曰似完齋書。此道之。

交蘊生書千字文說

夫畫本未畫。未畫本於自心。故自心欲一畫。欲兩畫。以至於千萬畫。畫畫皆活。未嘗死也。何謂死。活曰。若見一畫。即謂一畫。見千萬畫。即謂千萬畫。是謂知死而不知活。惟知活者。畫雖無盡。曉然了知。機在我而不在畫也。即如六十四卦。三百八十四爻。如。一卦有常。一爻落。死則變化亦有窮矣。唯其卦卦無常。爻爻本活。所以周流六虛。上下無常。情之性之鬼之神之。往復莫測。隱顯若惑。先天而天不違。後天而奉天時。設不知活。烏能臻此哉。故蒼頡觀鳥跡而悟字。母梵法婁不煩感而悟字。生於心。雖文成橫豎。而詮義未始不同焉。如鳥跡而變大篆。大篆變小篆。小篆變隸。隸變楷。楷變草。草則復幾乎鳥跡矣。何異中竺而變四竺。四竺而變胡。胡變夷乎。故曰。通其變者。始制者。

也因其變者乃衆人耳。雖然始制幾聖衆人幾愚。有能因畫而悟。未盡因心而得。悟心。噫。未盡畫。母無心。天地萬物之祖。既知其母。復得其祖。則愚可以爲聖。聖可以同愚。故曰大智若愚。予觀交蘆生手書千字文。其字畫起伏縱橫。變化有條。而又不死於法。果書者之能品耶。

孝侯諡說

晉周孝侯逢大敵。欲拚命一戰。同僚勸曰。將軍母老矣。戰而不捷。太夫人將安托乎。孝侯曰。我爲大臣。必盡臣節。今日之事。既爲人臣。安知有母哉。遂戰。及朝廷嘉其忠。諡曰孝侯。由是觀之。忠孝本一條。學者以爲孝是孝。忠是忠。作兩條解之。非也大抵以我見前之心。盡力事親。謂之孝。盡力事君。謂之忠。心無異心。忠孝者名焉而已。故達心者。洞了忠孝爲一。狗名者。橫執爲二。

剛說

夫子不剛。不能孝。臣不剛。不能忠。至於榮辱死生之際。不以剛爲地。卽爲其眩惑不遑自持矣。然剛亦未

易言也。必先於聞道。聞道則識見高明。卽聽了知天地萬物。古先今後。皆我。自心影響。影響由心。而有心由影響。而彰而影響。現時衆人見之。計天地萬物爲大小計。形器虛空爲有無計。一器所聚之塊爲我身。計前境所生之影爲我心。自此則靡所不至矣。豈可以言說窮乎。故曰剛也者。五常性命之本也。

動靜說

皮篋老人問黃龍孫曰。昔人卽動而靜。其義安在。孫曰。靜在動上。老人指座前牡丹微之。若此花芳穠時。零落時。豈非動手。謂芳穠自住芳穠。零落自住零落。以兩者各住。謂之靜乎。兩則非一一。則非兩。兩兩一一。一一兩兩。譬如夢中見花開。謝見花謝。開開先謝。後謝先開。後謂皆各性住於一世。卽謂之動上。卽靜。此愚者之談也。智則決其不然。何以故。開謝先後。離夢不可得。故夢非自有。必因想生。想非自有。必因未想。有未想。不自有。必因想顯。所以未想爲想。父想爲夢。父夢爲花。父花爲開。謝父開。謝爲動。靜父言。靜在動上者。復爲動。靜子子之言。棄本太遠。爲足徵之。

觀戲

處處相逢是戲場。何須傀儡夜登堂。繁華過眼三更促。名利牽人一線長。稚子自應爭詫說。矮人亦復浪悲傷。本來面目何曾識。且向尊前學楚狂。此陽明傀儡詩也。紫柏先生曰。陽明之看戲。戲亦道。師衆人之歡樂。何異傀儡。故周穆王之怒偃師。偃師析其傀儡。穆王始悟非真人也。今天下無論古今。或衣冠相揖。男女雜坐。談笑超然。若以頃刻散心。迴觀我此身。果籍何物而成耶。設必由五行而有五行。生克無常。能有我者。尚無常。況所有者乎。如是觀身。身不異戲。則偃師所作。寧非廣長舌相哉。

卓吾天臺

聞卓吾有年數矣。未遑一見。適讀耿子庸傳。始心見卓吾也。卓吾謂天臺子以人倫爲至。卓吾以未發之中爲人倫之至。以故互執而不相化。殆十年所乃今始化其自叙如此。夫人倫猶波也。未發猶水也。執波爲至。固非矣。執水爲波之至。事不非乎。良以已發外未發則已發無源矣。必謂未發至於已發。則未發似

可取。殊不知已發未發皆不可取。皆不可舍者也。如已發可取。何異離水求波也。未發可取。何異離波求水也。已發未發既皆不可取。又皆可舍乎。故曰。取不得。舍不得。不可得中。只麼得。若然者。卓吾天臺始相執而不化。泊相化而不執。何異太末蟲自取自舍於火聚之上。耶。古德有言曰。死水固不可藏。龍活水亦豈藏龍之所。蓋就假龍言耳。如真龍則死死活活。在龍而不在水矣。夫龍之爲物也。處空若水。觸石則石化爲水。觸林木觸火皆不旋尾而化。卽此觀之。謂空可取則太虛有利矣。謂空可舍則太虛有外矣。空爲色影。尚不可以取舍。彷彿之況有大於此者乎。卓吾卓吾果真龍也。耶。果葉公之所畫者耶。

問本亭

本不可問。可問則非本矣。何以故。本不問本。故如本可問。何異水洗水。金博金哉。雖然。善問者以未嘗問而問之。答者亦以未嘗答而答之。昔有僧問馬祖曰。離四句。絕百非。請和尚直指西來意。祖曰。我今日勞。倦不能爲汝說。問智藏去。藏曰。我亦頭痛不能說。問

海兄去海曰。我却不會。僧乃見祖。舉藏海語。祖曰。藏頭黑。海頭白。僧亦懺羅。而退。天童頌此機緣。堂堂坐斷舌頭路。應笑毗耶老古錘。吾味天童此頌。乃知文殊問維摩不二意。摩以默答之。此則有問有答者也。天台崑巖鄭居士。萬歷壬寅冬。曾問清淨本然之旨。於紫柏道人。道人曰。居士機緣未熟。熟後再問。不遇。噫。夜光投入。鮮不按劍。翻思藏海不覺扼腕。癸卯春。冲禪人還國清寺。紫柏道人先有問本亭偈。寄居士。且囑冲曰。爲居士構一亭於國清泉石幽爽處。榜曰問本。以見道人不忘居士問本之意也。

落日懸鼓

衆生根鈍執重耳。目似具聰明。心實靈覺。聖人知其如此。開之以名言。不可卽名言。寓其方所。示其象物。此所謂以情博情。以境導境。始則鑄我成物。終則會物成己。然苦相多端。若不親嘗。知苦不易。既知苦已。卽苦推樂。樂雖不見。理考不虛。由是信力堅固。作之不休。終必克願。懸鼓大義。不過如此。餘觀雖多方。委曲調攝。修習淺深次序。歷然難混。惟有志於出苦者。

用力不苟。終必精深。方知真慈初心也。

三界說

夫一天地之閒。有四大洲。東曰神州。西曰賀州。南曰鄯州。北曰廬州。而其疆土不知幾千萬里。按七政分野推之。亦自有里數。然南州人壽唯百歲。富貴亦不大。崇高。東州則人壽二百五十歲。富貴崇高。固勝南州多矣。以東州較西。牛賀州則西州人壽五百歲。崇高富貴。復勝東州。卽西州較諸北。俱廬州。又天淵之不同也。蓋北州人壽千歲。中無夭折。而富貴崇高。可謂至矣。若較諸四天王。又不啻醯雞之匹大鵬耳。乃至他化自在天之富貴。匹諸初禪喜樂。猶野人以曝背之暖。獻萬乘之君。由初禪天而至非非想層級轉勝下。不如上大相懸絕也。若以聲聞天眼視。非非想壽命之與富貴崇高。辟如朝生暮死之蟲。沾滯涕唾。焉今南州之人。率以富貴自恃。年華不惜。從生至死。昏擾欲夢。曾不暫覺。苟能以三州匹己。以四王匹三州。以非非想天匹夜摩。切利則南州所謂富貴崇高。自恃視百年爲長劫者。可不悲夫。故曰。以法眼觀三

界依正之報不啻獄囚豈欺我哉

讀素問

吾聞得般若菩薩能於一切法中得大自在由是觀之在儒而爲明王聖師在老而爲真人神人在佛而爲大覺世雄在百家通爲其長各建旗鼓而鳴於世者皆菩薩之示現也予讀黃帝素問至其略曰粗守關上守機機之動不離其空空中之機清淨而微其來不可逢其往不可追知機知道者不可掛以絲髮不覺置卷長嘆是書也非聖人莫能作焉予以是知得其空者可以治其風得其風者可以治其火得其火者可以治其水得其水者可以治其地故地浮於水水資於火火憑乎風風載於空故得其空者造其微矣微則不可以朕兆求不可以將迎會若然者湛神於空微視其形部分經絡腑臟淺深猶處堂奧而照萬有奚惑哉故良醫知守其機而會其微神游無滯靡細不察地惟四塵水則滅一火又滅一風則一而已矣一則累輕故力用超乎三者地之堅水之濕火之燥風之動凡有所偏而不均調者病矣空則非

四者之所困故得空者始可以主乎四也四者有主習民之得君民得君而世弗治者未之有焉雖然得空之數能治有形不能治無形能治無形非得心者莫能也故曰空生大覺中如海一漚發所謂得般若菩薩者是也

金舌三目

大自心靈通而循緣成相故金舌和尚截舌以進唐文宗舌猶哦經如故帝異之遂證金舌和尚焉蓋以火鍛之而成金色故也三目高僧左臂一目視物遠徹世多異之殊不知人心本靈以五欲封蔽故靈用弗顯夫大悲菩薩有千手千眼鬼車之鳥九頭異情由是觀之聖凡猶一指之屈伸耳指喻自心屈伸喻用故觀音善用自心而千手之執千目之照亦大海之一滴太倉之一粟也鬼車以不善用自心受斯醜報悲夫雖然蚯蚓截而兩頭動蚊虫咬而一心驚知此者可與言金舌三目之異矣

蘆芽夜話記過

自古及今凡作史官者身及子孫不罹人禍必犯天

刑蓋人爲萬物靈雖賢愚不同轍不過大槩耳其心曲隱微之際賢者未必無一失愚者亦未必無一得大都世教檢人賢否斷然弗能徹照既弗徹照則落筆註人豈能無誤每見宋儒多犯此病惟出世大雄始能無蔽所以然者蓋此老三惑圓斷六通滿證眼徹無量世界耳聞無量世界鼻舌身心一一虛靈徹照無遺譬如軒轅懸於太空六合四維十方三世一塵一芥靡弗洞然自此老而降凡天下賢愚交遊淺深人情反復傷心動念皆不可私定臧否蓋大家處在無明窟中豈無差謬歲丁亥予與蘆芽妙師燈下偶及世故不覺談一二交遊短處既而思我非如來安知無誤書此以記吾過

寄聚光洞微作時文說

如風在帆風不可見而帆飽舟行此可見者也如地中有泉所以能產百穀泉不可見而百穀秀實可見者也如春在花春不可見而花可見者也如水中鹽味水可見而味不可見惟飲水者乃知之耳如色裏膠青色可見而青不可見如日出嶺山月圓當戶一

半可見那一半雖不可見決知非無也如空生處即是色生此真實語然衆人但見空而不見色情封故也八者悟其一則餘皆等矣如汝等作時文既謂之時文此須我就人者也若待人就我便非時文矣然我就人須就而不就則無所不就矣惟無所不就所以人雖不欲我就不可得也然人不得不就之者蓋有不可見者存焉今人作文可見者有餘而不可見者索然苟能於不可見者以可見者爲之紹介如雲中龍頭角雖不露而中自有神此皆僞不掩真真亦不掩僞故也故文如雲我意之所寄如龍倘懷抱不虛靈而欲我意如龍之神未之有也夫養懷抱端在以理治情情消則寸虛若青天之廓布文章自秀朗矣此之謂以我就人人雖欲不我就不可得者也

戒貪暴說

古以爲官爲家爲公器故曰五帝官天下三王家天下今之人上焉者以爲官爲家爲恥辱下焉者以爲官爲豪客爵位爲綠林公然建旗鼓操長蛇封豕之矛而吞劫百姓習以成風天下無怪以此觀之則以

爲官爲家爲恥辱者。乃救時之良劑也。盜賊以絲林爲數。兵刃爲權。則易捕。設以衣冠爲數。爵位爲權。則難擒。故莊周云。聖人不死。大盜不止。良有以夫。雖然。恃柄而劫生靈。飽賂而藏軒冕。上則鬻誓君之耳目。中則同袍相爲扶護。下則百姓敢怒而不敢言。殊不知生靈爲國根本。劫生靈。乃所以滅君也。君滅則爵位誰與衣冠誰主。若然者。則盜賊自窮。其數自削。其權矣。嗚呼。人爲萬物之靈。不爲聖賢而甘爲盜賊。必至數窮權削。而終不悟。可不謂之大癡極愚乎。

法王人王說

夫大道夢而天地分。天地分而萬物生。萬物生而受氣。強弱之不同。苟無王以主之。則強凌弱。弱受凌而弱者不能並生於天地之間矣。昔堯讓天下於許由。許由惡聞而洗耳。說者以爲爲巢許易爲堯舜。難堯舜當兼善之任。圓通萬物之情。設有一物不得其所。雖南面樂不能解其憂。此何心哉。若巢許持獨善之見。享獨善之福。視天下若敝屣。以形骸爲大患。薄外而厚內。此又何心哉。梅西子持兩說折衷於紫柏先

生曰。堯舜與巢許孰得孰喪。先生春然應之曰。皆得。皆喪。梅西子曰。先生言實未解。乞先生揭示。曰。子知有世出世法乎。易形而上者謂之道。形而下者謂之器。故主其道者爲法王。主其器者爲人王。堯舜人王也。其所設教惟尊天。故每臨事必稱上帝。卽巢許亦皆尊天。惟佛氏以法性無邊際。設教以所性爲封疆。以九有爲臣民。九有者。地獄餓鬼畜生人修羅天聲聞緣覺菩薩是也。而匹以堯舜巢許之所教。猶蹄涔之匹滄海也。然人王惟一而法王則四。有藏教法王。有通教法王。有別教法王。有圓教法王。藏教法王修空觀而斷見思。通教法王修假觀而分斷塵沙。別教法王則空假中三觀次第而修。能斷十二品。無明證分眞三德。至圓教法王則究竟三德三觀齊修。三惑圓斷。所謂皮煩惱肉煩惱骨煩惱。圓斷無遺。直登妙覺而歸於無得。嗚呼。此大道夢而天地分。所謂由清淨本然而忽生山河大地者也。蓋根器有大小。迷悟有淺深。於是藏通別圓不得不設。而爲四究之四。卽一也。故聖人有冥權有顯權。以冥權準之。堯舜巢許

皆不可思議者也。若以顯權準之。則堯舜巢許皆六凡之數也。楞嚴有七趣。雖神仙之徒亦六凡所屬事。堯舜巢許乎。夫凡之與聖。染之與淨。非無生也。皆緣生也。而緣生之中。趣萬不同。皆夢也。非覺也。苟能從緣生而入無生。則覺與夢皆覺矣。莊周曰。有大覺而後知。大夢大覺者。無醒無夢。皆龜之毛而兔之角也。今人每將方內之義。以責方外之賓。由未明乎人王法王之道故也。使責者果知世出世道。則亦各率其教而已。又何責之有哉。

有土爲之長。謂之人王。有道爲之長。謂之法王。土有形。將則尊有所不尊。道無邊際。則無所不尊者。也是故鐵輪不若銅輪之尊。銅輪不若銀輪。銀輪不若金輪。金輪雖尊。又不若帝釋與梵王之尊。此皆就土形。將廣狹而尊者也。惟法王之尊。自凡及聖。包無并。有統十虛而無遺。御萬有而無敵。以道無邊際。故無所不尊也。無所不尊。則不可以人主之法繩之矣。故不土而君不爵而貴者。謂之方外之賓。今人必欲以世主之禮法羈縻方外之人。至於羈縻之不能。則便欲

毀廢其教。是以晉桓玄矯辭欲折遠公。遠因其折徐申其理而玄怒爲之頓銷。豈假口舌以諍之哉。理不可屈故也。故人王以仁義爲理。法王以性爲理。仁義乃情之善者也。易曰。繼之者善也。成之者性也。即此觀之。謂善繼性可也。謂善即性不可也。辟如謂子繼父可也。謂子即父不可也。蓋情有待而性無待也。苟能緣情而復性。聖人謂之逆性。復而開物。聖人謂之順。故知順逆之理者。則人王法王有所不尊。無所不尊。較若日星又何待辯。

皮孟鹿門子問答

客有號皮孟者。謂鹿門子曰。朱新安不識佛心。兼不識孔子心。孟擬作一書以駁之。子以爲何如。鹿門子曰。建安沈內翰著書十四篇。雖論解辨之不同。然駁世儒不識佛心者。罄矣。不獨駁新安也。子又何駁哉。雖然。內翰之駁新安。豈內翰能駁之。乃新安自駁耳。孟聞鹿門子語。愕然曰。凡所謂駁者。必有一人駁一人。方始成駁。譬如兩掌拍。則有聲。孤掌則不能鳴也。子謂新安自駁。僕實不解。願先生論之。鹿門子曰。大

槩立言者。根於理。不根於情。雖聖人復出。惡能駁我。若根於情。不根於理。此所謂自駁。事煩人駁。歟。夫何故。理無我。而情有我。故也。無我。則自心寂然。有我。則自心汨然。寂然。則感而遂通天下之故。汨然。則自心先渾。亦如水渾。不見天影也。況能通天下之故哉。聖人知理之與情如此。故不以情通天下。而以理通之也。凡彼此勝負。皆情有。而理無者也。朱新安不識佛心。與孔子心。乃以衆人之心。推好佛之心。何啻天淵相隔哉。蓋衆人不善用其心。日用何往。而非情。聖人了知心外。無法。則心無所待。所以我隨理化。而物亦無待。故物物皆我。我我皆物。以物通物。以我通我。理徹而情空。則何情不可通哉。譬之水無自相。所以隨器而方圓矣。新安以情立言。建安以理立言。以無我而攻有我。則攻無不破。苟以有我攻無我。我尚不有。誰當我攻。予故曰。新安自駁。非建安駁之也。皮孟子聞鹿門子之教。再拜而稽首曰。理之攻情。何情不破。情之攻理。誰當其攻。雖聖人復生。不能易子之言也。

方便說

夫天地之始。若使有名。則名名者。其誰哉。又謂天地之始。本無名。殊不知無名待名。而有也。故天地之始。不可以無名。名不可以有名。名有無之名。既窮。則有無之實。不待召而至矣。實至。則名不能惑。名不能惑。凡天之高地之厚。萬物之多。寡欲名其無名。則無名欲名其有名。則有名。以至亦有亦無。名非有非無。名皆我名之也。孰得而使之哉。噫。有使使者。我嘗疑。積不散不散。則聚聚則一一。則精精則通通。則無疑矣。乃知名也。實也。形也。聲也。心也。皆蘊廬也。非主人也。或曰。敢問。主先生應之曰。汝即主。汝不知。所以爲客。汝一日知之。客未嘗非主也。問者不解。且跪而請曰。解此有方便乎。先生曰。舉扇。類月。搖樹。訓風。以龍譬乾。以馬譬坤。而扇之與樹。龍之與馬。豈果風月乾坤哉。但取其能譬四者耳。子知此方便。在子而不在我。如子饑。即索食。渴。即索飲。饑之與渴。是子之饑渴耶。非子之饑渴耶。是子之饑渴。子當求子饑渴之前者。是子乎。非子乎。若饑渴非子。則索食索飲之情。從何而來。哉。子能痛察於饑渴。是非之閒。一旦心開。主人

觀面此卽子之師也卽子之方便也雖然先生有一方便又方便外之方便耳子能深思而得之則天地萬物皆我四肢毛孔矣故曰悟心之人無壅不進如若未悟無通不壅物無壅通壅通在我我能悟心大地非壅我未悟心虛空疎林子果有志於道當精熟此篇

字說

覺林字說

萬曆壬辰春王正月甲子日自清涼山攜諸法侶謁晉陽方山李長者遺像還道青石村休於竟師禪房其法孫通香者字蘊空余謂二三子曰夫蘊者積聚義也四大積聚名身四蘊積聚名心有身則大患至矣有心則衆擾至矣惟有道者視有若無視色卽空當積聚處洞見積聚非有也譬如冰水焉萬水之爲冰也則謂之積聚能視冰卽水冰豈有哉知此乃可以寂寥於萬化之餘動用於一虛之中矣若然者蘊不能自空必覺後始空也然覺支有七焉所謂擇法覺支精進覺支念覺支喜覺支猗覺支定覺支捨覺

支簡邪正別眞僞謂之擇聞道而力行謂之進進而
不雜專注不移謂之念念熟有得心廣體胖謂之喜
喜而不狂謂之猗猗者安也安而神凝手象帝之先
謂之定定而不懸泛應曲當開物成務謂之捨是以
凡夫葑菲於積聚不遑縣解榮之辱之名之利之死
之生之憎之愛之如醉夢不醒也二乘廢積聚而縛
於枯槁沉空滯寂以爲至樂笑傲松泉目視雲漢聞
苦而不哀見難而不救蕭然獨善其身不念同體也
兩者固聖凡不相若也然究其病源奚啻避溺而投
火哉故大覺聖人以焦芽敗種火宅癡子呵之不亦
宜乎通香來前吾語汝凡夫固可厭二乘亦勿取宜
以大菩薩爲心始不墮斷常坑耳茲以覺林字汝蓋
取諸李長者華嚴決疑論萬行以七覺爲體七覺支
以根本智爲身之義香其勉之

思微字說

一微涉動境成此類山勢一微塵裏轉大法輪靈山
會上世尊拈花飲光微笑初微之與二微二微之與
三微名雖同而實不同焉初則三假之始終次則依

正無礙。唯末後微笑。此笑中有刀也。故因成不覺。至於相續相續。不覺至於相續。嗚乎。心本無生。因境而有者。此非因成乎。由此觀之。因成即覺。無生不遠。因成不覺。勢必流於相續相待也。故曰。初居圓成現量之中。浮塵未起。後落明了。意根之地。外狀潛形。所謂圓成也。者。即因成之初。有覺存焉。謂之圓成者。圓則極成。則住極。則變住則壞。亦自然之勢也。所以達者知此。能不遠復。若流入相續相待。則遠之甚矣。可不慨哉。思微來前思。一微涉動境耶。思一微塵中轉大法輪耶。思飲光破顏微笑耶。此三思微。隨根悟入。所以果熟香殊也。如能悟一微而得三微。此上根也。如三微次第悟入。而得自受用三昧者。此中根也。如一微難入。非下根而何。又有沒量漢。用三微而三微不能自用。故能遇緣即宗。生殺自在。如此流類。則非宗教所能管轄。又非天魔外道可能親近。唯有緣者。觸著端著。無不瞥地。思微來前。吾問汝微之始。有微乎。微之終。有微乎。微之始。有微。則微不生。微微之終。有微。則微不終。微始終推微。既皆無地。豈有兩頭無微。

而中間獨言。我思微能薦此。則一微涉動境時。境既無待。微自何涉。作此觀。察是名正觀。不作此觀。邪觀無算。

剗塵字說

夫空藏一粟芥。塞大千。衆人之所疑也。兎角施名。龜毛立號。至人之權也。疑則悶悶。則死死。則無我。無我孰爲緣主。緣主不有。即物而虛。虛能靈靈而通。通則變。由是而觀。衆人不疑。緣心不死。緣心不死。前境有微。微則不虛。能所抗立於太虛空中。靈屬忤。肆一怒。萬尸靡所不至。於是虛者弗靈。靈而通者。權變乖真。故曰。微塵不剗。大經終隱。微塵一剗。經變。虛空謂之有耶。虛空名負。謂之無耶。經稱寔虛。所以淨名口杜。如來要言。雖然。一真失覺。萬惑雲興。苟非明而勇者。以恒繼之。則一塵之固。豈需莫喻。其堅長夜莫喻。其黑。割塵當念人爲萬物。靈茫茫業海。榮辱交爭。年光易逝。流芳難捉。不幸失手。既沉弗浮。剗塵勉之。

曇生字說

夫曇則不生。生則不曇。而曇而生。墮字義成。所謂懸。

河牆壁枯木花榮鳥但聞聲人惟聆響是以隔江搖手頭石點頭宗教濤驚聖凡交混有分者悟在迷先白拈者覺非過後曇生禪人頗知忌諱入鱉腹而再出犯龍鱗而得生有佛處無故成仇無佛處有心作惡黃河雖險親曾洗耳少室未登亦解安心達觀道人愛其風致殊常行藏峭拔復以鱉餘鱗之曇生當痛勉焉

照如字說

心若不生何物爲待凡有所待必因念萌譬如影必從形離形覓影紅鱸片雪徒實虛名故曰一生二成此由性而情也又曰若虧其一必喪其二此即情而復性也雖然由性而情誰知所始即情復性誰知所終若曰知忘則始終匪得則二乘不必回心向大矣若曰既有所始必有所終始則名生終則名滅生滅未滅自心非圓惟圓乃如如則照生猶若止水生澄天光雲影無不洞然此乃果上之德用也豈初心者能之哉今以照如字若若當照果修因因非生滅因圓克果果非自然嗟乎因果之妙世所罕知直以報

復言之殊不知黃面老人設此圈匱本破斷常迷執初不爲報復設也報復乃旁義耳或曰宗門以戒定慧閒家具老漢大殺巴鼻喃喃以因果爲繩索束縛後學豈古德標格耶余曰來前爲汝注破其人亦知手脚惡匍匐而遁去

金了生字說

高山出雲無盡以其本虛故也遠水同天無辨以其本清故也夫人之生也直直生虛虛生清清而虛者謂之本不傷濁而礙者謂之傷本矣是以了緣生即無生者始覺之功也昧無生而奔緣生者不覺之咎也嗚呼始覺與不覺果嘗有性哉不覺有性則始覺奚生始覺有性則本覺奚冥紫柏老人放浪江湖有年數矣閱人固不少然而能達無生者亦不多見有新安金氏樂生者與老人遊從最久故其於緣生無性之旨閒嘗有所悟入也惜乎不幸短命而死行其所知不克其功所以光大者不遑現乎世今其侄字了生者老人蓋望其了亡叔所未了之公案也了生當痛勉之始不負老人之望焉且功名之與富貴貧

賤之與吉凶譬如太虛塗彩浮雲過眼能幾何哉夫緣生擾擾從生至老百年旦暮一息不來復何醜好故曰境緣無好醜好醜起於心心若不分別好醜從何起以此而觀則一心不生萬緣頓泯離心之外覓絲毫許緣生了不可得喚何物作好醜耶了生果能了此始堪駕無生之舟泛緣生之海無擇朝夕來者恣其先登豈可以有心得其有緣無緣者哉如高山出雲遠水混天果有心乎果無心乎清乎盪乎一乎二乎有知乎無知乎有知則分別未亡惡能契同無知即同木石復何貴之昔人有言曰萬物皆賤唯道至貴所以王公大人遇之則失其富貴與臺皂隸遇之則忘其貧賤雖然外水無天離山無雲又離水無波離波無水貧賤富貴果一物乎果兩物乎紫柏老人唯解穿衣喫針橫眠倒臥事暇分別同異而同異之辨付之了生爲我了之

玄藏字說

自摩竺入震旦爲義學蓋矢達磨來文物爲玄學前茅義則可以名言求玄則不可以知識得既不可以

知識得則諸方衲子號稱玄學者終無所得耶昔有僧問尊宿曰寒暑到來向甚麼處迴避宿曰向無寒暑處迴避僧曰如何是無寒暑處宿曰寒時寒殺團黎熱時熱殺團黎則曰垂手還同萬仞崖正偏何必在安排琉璃寶殿藏明月忍俊韓盧空上塔津禪人派通名津字玄藏或以問紫柏先生先生曰獅子蹴人韓盧逐塊子若薦此喚玄名藏亦可指藏名玄亦可如不薦此義乃玄則不藏藏則不玄又曹洞家以黑象正位以白象偏位正位即知識不可得者偏位即臨濟家人境俱不奪者故曰善財參徧處黑豆未生芽由是而觀謂玄名黑謂黑名玄謂玄名遠謂遠名藏無不可也法華曰法花經藏深固幽遠無人能到又曰是法非思量分別之所能解先生故曰謂玄即黑謂黑即玄謂玄即遠謂遠即藏謂藏即非思量者以此雖然道不虛行存乎其人義學玄學初非兩藏由智識而入乃名義學離情識而悟乃名玄學如亮座主見馬祖而乎大事此非由義而玄乎如晦堂心玄學透徹復從泐潭精楞嚴大意此非由玄而義

乎津禪人苟薦寒暑之機玄亦可義亦可如未悟此生齋戒持律誦經書崇飾塔寺眞積力久一旦觸事而眞道豈遠乎玄藏勉之

常如字說

夫天不常高地不常厚人不常靈如是則天不如天矣地不如地矣人不如人矣三才爲萬物之統而皆不如獨萬物如手哉然而如者何爲也良以吉凶悔吝紛然而至本自如也此如在天可以爲高在地可以爲厚在人可以爲靈在萬物可以各遂其所生今有人於此如不如則常不常不如則乖眞不常則累物眞乖而物累謂之顛倒故二乘顛倒醉於空寂凡夫顛倒醉於愛慾皆非如也茲以常如字某人當於吉凶悔吝之中死生得失之際心光弗昧終始常如則此說名當其實矣常如勉之

金仲堅字說

夫正金精而最堅者莫堅乎黃金故金堅也性以不改爲義不改亦堅也茲金生姓金名性字仲堅予徐而觀之則知金生志在堅之又堅猶恐未堅復字仲

堅以堅之堅則堅固矣如以易道觀之則艮之又艮艮之又艮者也艮之又艮則身不護而庭無人矣況又艮之艮哉夫身不護則我忘庭無人則物忘我與物兼忘則身雖有物雖在未嘗有身與物也身與物既未嘗有則我之姓名與字獨有耶且心外無法何法非心心本妙物而無累者也妙則泛應曲當無累則超然而無待也此艮之止也昔人有言曰死水不藏龍此病艮之又艮者也蓋艮止也止則足矣而止之上又止之此何異死水乎即此觀之艮之又艮不但死水而已死水而臭者也予故易金生之名羅易其字字仲如耀則照與寂會如則寂與物通照與寂會則智周萬物而不勞寂與物通則形充八極而無患也雖然知之易而行之難行之易而證之難證之易而忘之難忘之易而用之難凡求無上菩提者苟不知五難之情粗橫謂一念不生全體自現何煩瑣瑣而廣求哉殊不知博則能約不博而約者非約也橫莽也故宗門大老悟心之後必皆遍遊諸方參求知識淘汰見地以圓差別豈無見而然耶蓋根本

智固已發明而差別智未圓則根本智之用終是不全差別智圓則本智之用始全也故曰全機大用又禪門自曹溪之後馬祖與石頭諸老以謂自拈花微笑以至曹溪而拈花之機變而爲義理窠臼使神而明者死矣於是翻然復義理而爲禪機也使狂慧與夫世智辯聰揣摩之徒苟未到智訖情枯之地終不能會神而明之者也嗚呼江西石頭此心何心哉是不可思議之深心也而或者反謂禪家慣設隱語以欺人何失言至此耶良以已眼生盲遂謂舉世不觀日月也豈日月之咎乎盲者自咎耳仲如倘知此則生盲障翳豈不可抉之哉仲如勉之

無所字說

震旦鼻祖少林壁觀九易寒暑有號神光者斷臂求祖安心祖索光心光諦思少頃索而無物對曰覓心了不可得祖曰與汝安心竟於是光斷臂謝祖昔人爲法忘身今汝之求不下昔人夫覓心可得則有所覓心不可得則無所明矣大槩所之所生必由乎能能之所起必由乎所心苟不安能未忘故能未忘者

以有所故所之爲咎能爲媒故覓心無得則所無媒所既無媒能豈有約往返推究能所都遺知都遺者復爲都遺之能都遺成所亦勢然也莫若一心不生根境陸沈有所無所不生之影影不自生則生乎形未生爲形已生爲影影可見而不可捉謂有可乎形則可捉矣嘻無可捉則兔之有角龜之有毛截角爲弓以毛爲弦以無我爲箭張而射之有無之鳥喪是時也有所耶無所耶無所來前吾語若若身假四大而成若心託前境而有四大是身何物非身哉前境是心心豈有無無所若能痛而思之思極情忘情忘則智枯智枯情忘則所者在無所不在紫栢先生矣無所勉之

紫栢老人集卷之二十一

紫栢老人集卷之二十二

明 慈山德清 閱

雜記

一日于比部言一屠牛者牛將屠忽跪而求生淚墮不止屠不勝怒遂刺其兩目牛死未移時屠剔牛背緊刀忽躍刺其目斃焉嗚呼萬物一物也萬神一神也故以大道觀之天地我伯仲也以天地觀之萬物我伯仲也我戕伯仲則伯仲戕我何尤哉

蘇長公跋張無盡清淨經曰作止任滅佛言四病無盡言作止任滅是四法門長公則曰無盡若見法門應無是語紫栢老人試拈問麟郎麟曰兩頭不著老人曰尙未信汝再道看麟則崖柴笑而已老人謂麟汝見車輪否能引重致遠千里往復輪若拖地則一轉不能也汝知此謂四病四法門果是兩頭語然汝還欠一籌者殊不知即兩頭耳

夫龍之爲物也隱顯莫測變化無常以故世多奇之殊不知有象龍氏者駕之若牛馬驅之若犬羊夫復何奇豈非有欲則易制無欲卒難馴耶豎而趨者靈

出萬物謂之人設有欲亦弗靈矣昔有鸛鵒效僧念佛久之一旦無疾而化既檢其餘燼得舍利若干粒燦然奪目聞而未知奇者將非黑業酒醉父母憾而未醒乎當湖有僧誦法華經有年數矣一蝦蟇聞經聲忽作拳踞狀者移時衆見恠而厭之少頃若禪坐撼之已息斷矣達觀道人聞而奇之以爲法華會上八歲龍女能獻珠得佛獨擅其美而斯蟲復能數千載之下追其芳躅是不奇又孰爲奇夫茫茫宇宙人豈少哉人弗能而蟲能之則有愧於牛馬多矣雖然誦經不誠音難悟物觀蝦蟇而後信誦者之誠也我聞唐修雅法師曰佛之意兮祖之髓吾之心兮經之旨合目冥心仔細聽醍醐滴入焦腸裡若然者則是蟲豈非醉醍醐而熟睡者耶

達觀道人乙酉歲之伏牛山道出滁陽達丁太僕時方炎暑與二三法侶納涼於滁之龍泉寺一時田侍御并鄒鍾二司馬俱問法於道人道人應機率性適忤鍾司馬司馬大怒威作百態道人未能以慈心三昧攝伏之終有愧焉使鍾君邂逅於今日必以道人

予登峨嵋往返幾年。以貪觀山水。鬚髮不暇剃除。遂成頭陀焉。既至曲阿。于觀察北園時。比部爲地主。常熟繆生吳江周生並在。予以暑熱。乃剃髮而留鬚。髮幾四寸許。以一囊紅花裹而藏之。攜至清涼。授開侍者。寓清涼半載。除夕鬚亦剃除。亦授開侍者。惟左右髮命衆闍之時。一蘆運禪人得其右。一微淵禪人得其左。葉航江禪人闍畢。特請於余曰。願得分少鬚髮供養。予觀其眉宇真色。藹然乃分向。授開侍者所藏髮一束。與之。雖然。老漢以十方世界爲一縷髮。且

嘉靖初蒲之萬固寺背七里許峰巒攢秀處有古剎曰讚嘆其中老納義秀者溫里人精進敦實日課阿彌佛十萬餘聲朝夕無閒五十餘年矣至於經行之所磚砌成漕或穿及底人試補之久復成漕今猶在也初有貧寒子不能自活來依秀秀納之久之見其動靜弗佳因呵曰汝真賊也無何果約其黨乘夜擊秀初擊秀稱佛聲猶洪再擊稱佛聲弗斷然亦微矣因死亦當垂絕之際佛聲不斷至於股折能跣跣而逝非五十年志氣堅強勁正烏能至此又有白居士者亦往來蒲城傭役得值不擇僧俗悉施與之一日灌園汲水忽遺身心鼻息乎絕有老嫗不知其定多方強救之醒七日旋定如初後遊陝定於盤屋冷廟中將九十日村人謂其死也而埋之嗚呼秀老精邁而取殺居士禪定而活埋皆多生夙殃也

五祖演和尚一日云我這裡禪似個什麼如人會作賊止一子其子一日忽問云我爺死後我却如何養家須學個事業始得其爺一夜引至瓦室穿窬入宅開櫃教兒子入其中取衣帛兒纔入櫃即鎖却父乃尋先寶而去其兒子在櫃中計無所出故作鼠噉聲其家點燈開視櫃纔開賊兒從身跳出人不及措手得脫隨趕至中路賊兒忽見一井乃推巨石投井中追人却於井中覓賊兒直走歸家問爺爺云你且道怎生得出兒具說所以爺云怎麼却儘做得萬曆丁亥冬余結制蘆芽禪餘無事偶與主人妙師閑及此篇妙師捧腹笑而淚下余問何故若是妙師曰我笑中有痛余又問痛甚事妙師曰痛他父子情忘始做得賊余感妙師知言故錄之

迦旃延有慧辯善說法要於大眾中以解行稱第一常宴坐樹下有外道來問曰以我觀世人但有此世更無他世可得然乎迦旃延曰今此日月爲天爲人爲此世爲他世耶若無他世則無日月矣外道俛首如是轉折幾十而外道情枯智訖遂歸依之或者問

佛迦旃延富樓那皆有慧辯何故佛曰渠二人多生修無我觀故曰修無我觀何以得慧辯佛曰汝不見鐘鼓手本無心念而隨叩隨應以其內本空故也問者始解

嘉靖閒夔州萬縣象鼻岩下有一庵禪師書華嚴經一日日暮殘陽已沒尙徐徐書之不已侍者報曰日光久沒何書經不止禪師聞則伸手不見指矣嗚呼本有常光無擇凡聖暫爾情生暗相現前余追思一庵之精誠於書經之際此光忽露因綴之以偈曰筆頭無火夜生光了了徐書經幾行幽鳥一聲啼綠樹東風吹散百花香此偈余忘之矣適萬縣福城庵行上人詣吳請華嚴經聞余書法華於金壇於見素之墨光亭特過信宿燈下偶及此予憬然因再綴之以偈曰萬縣吳門共一天書經誰後復誰先夜深偶舉陳公案這段常光又現前

松陵丁慈音言及金剛經應無所住而生其心句師撝之曰如何是應無所住而生其心丁生惘然師曰汝問我我爲汝說了生唯然師忽擊几一下問丁生

問。答曰。問師曰。此非而生其心。又問。丁生汝聞時。是有心聞。無心聞。答曰。無心聞。師曰。此非應無所住。既而師復說一偈曰。木魚打得。頻怕痛。忽生瞋。汝若知痛處。禹門度金鱗。丁生名法麟

解易

先天有常。則後天何始。後天有常。則先天何復。唯先天無常。而後天始開。唯後天無常。而先天可復也。如伏羲未畫之先。豈無易哉。然非伏羲畫之。則天下不知也。予讀蘇長公易解。乃知六十四卦三百八十四爻。雖性情有殊。而無常則一也。何者。乾若有常。則終爲乾矣。離自何始。坤若有常。則終爲坤矣。坎自何生。故乾坤皆無常。而離坎生焉。至於一卦生八卦。一爻生六十四爻。不本於無常。則其生也窮矣。此就遠取諸物而言也。如近取諸身。則一身有四體。手與足也。總手與足而數之。不過二十指。就一指觀之。可屈可伸。若指有常。則屈伸之路塞矣。若屈伸有常。則指終不得復爲指矣。吾以是知先天之易。初無有常。則後天之路不窮也。後天之易。無常而先天之途。本自通。

也。苟性若有常情。何從生情。若有常性。何從明唯性。無常。則道可爲器也。唯情無常。則器可復爲道也。聖人知其然。所以卽情而復性。而不廢耳目之用。卽性而攝情。而本無物我之累也。所以開物成務。多方變化。使天下沾其化。而情消性復者。如春陽之在萬物。物無不化也。如嚴冬之藏萬物。物無不復也。然易有理。事焉。性情焉。卦爻焉。三者體同而名異。何哉。所在因時之稱。謂異也。苟神而明之理。可以爲事事。可以爲理。則性與情。卦與爻。獨不可以相易乎哉。如易之數。爻情是也。如易之理。卦性是也。數明則吉凶消長之機在我。而不在造物也。理通則卷萬而藏一。雖鬼神之靈。陰陽之妙。亦莫吾陶鑄也。卦名大有。蓋一陰而居尊位。備有信順尙賢之三德。而羣陽心服自歸之故名大有也。唯初九處遠而不能通五。故若有害也。九二位與五應。陽以柔通三。以陽居陽。位勢可以通天子。復有上九冥而援之。則其通上豈不易哉。四則近五。而三又非強梁者。則專而附五矣。而五自知柔不能獨立。得上九而附之。五既

附上又能容四與三。乃本配專。五而不憚。勞可
信也。以此觀之初九。雖則處遠。其陰被五之德厚矣。
未有被其厚德而不懷報者也。予以是知一陰五陽。
而陽服其信順。尚賢之德。併甘心爲其用也。不亦宜
乎。

我觀易之噬嗑。乃知人之情。若水火也。蓋水不至下。
則不止也。火不至空。亦不止也。以下與空。水火之極。
也。如噬嗑之初九。惡六二之乘已也。怒而噬之。由膚
而至鼻。而六二以至柔之德。自持以中正之道。自安
恬。不爲介意。然終非初九之福也。故天道損有餘而
矜不足也。又六三之惡九四乘已也。亦怒而噬之。是
不知九四六五皆至堅而難噬者也。六三由是而力
窮矣。然九四六五不推六三之力窮。亦併力噬之。則
六三也。欲敵之。則力不勝。欲安之。則心不甘。唯懷毒
而已。然則六三之刀窮。乃九四六五之福也。九四六
五皆堅而難噬。則又六三之福也。而六三得福不知。
唯懷毒焉。可謂愚而陋矣。若九四六五果知六三之
有毒噬而能止。則九四六五得福亦多矣。唯上九也。

處噬之終。不知戒而以噬爲事。則處終者。凡噬之而
並歸之矣。其荷校滅耳。不亦宜乎。嗚呼。唯君子玩象
而得意。得意而知戒。持理而折情。情折而理充。理充
而日造乎無我之域。故有犯而能容。容則大大。則無
外。無外則天地萬物皆可以範圍之。豈可當噬嗑時。
我無術以禦之哉。

夫井不自井。由人而井。故井雖不可改。而可夷也。然
井不自夷。亦由人而夷。卽此觀之。井夷不夷。井潔不
潔。皆由人而已。井何預哉。故井無得喪。而人有往來。
汔至則瓶入井。而未得水。未繙則瓶得水。而未出井。
如繙而出井。則有功。而無凶。未出井而羸其瓶。則有
凶。而無吉也。然皆存乎人。不由乎井。井唯應之而已。
又卦不自卦。合六爻而後有卦。爻亦不自爻。分一卦
而後有爻。然合六爻而爲卦。則心在。而情不存矣。分
一卦而爲六爻。則情在。而心不存矣。夫情發有情。我
心果有心哉。但應物而有累。則謂之情。應物而無累。
則謂之心。故情與心名焉而已。若其實也。亦存乎其
人耳。故曰。周流六虛。上下無常。無常者。情也。六虛者。

爻也。爻乃虛位。忽吉忽凶。皆情之所致。故曰吉凶以情遷。設一心不生。六虛不遊。則應物而累與無累者。全矣。全則謂之靜。靜則無我。而靈者寓焉。爻則有我。而昧者寓焉。心則又寓乎卦爻之間。故可以統情性。統通也。蓋善用其心。則情通而非有性通。而非無故。老龐曰。但願空諸所有。是勿實諸所無。更有以也。良其肯不獲其身。行其庭不見其人。此十四字。本一義耳。蓋人之有我。以有身也。身之有人。以相待也。身既不獲。誰復我名。我既無我。人又誰見。吾故曰。此十四字。是一義也。

咸之四爻。吾知之矣。如有心而應之。終不甚光大也。無心而聽天。則未光者亦光大也。噫。吾纔生心。則性變而爲情矣。性無我而靈。故能通天下之情。情通則無事。不吉不遘。則有我而滯。故以之圖事。吉亦變凶也。

一日文待者問余咸艮之旨。余將拄杖獨其足。失聲叫疼。余徵之曰。汝知咸艮之旨乎。對曰。弗知。余復示之曰。汝知之乎。汝若不虛獨。卽不應。汝若不止獨。亦

不知。唯止資虛。所以應之不窮。唯虛資止。所以智之不倦。所謂咸艮者。在於日用。非在語言文字也。

智鑑曰。一心不生。萬法無咎。廬山曰。一微涉動。境成此。類山勢。予聞二老之言久矣。然終不大明了。及讀易至漸卦。始於二老之言了無所疑。蓋卦寓性。爻寓情。如一心不生。萬法無咎者。卽卦之意也。如一微涉動。靜成。此類山勢者。卽爻之意也。大都一心不生。則吉凶無地。一微涉動。則吉凶生矣。故漸之六爻。一微未涉之初。有其位而無其人。一微涉動之後。則有是位而有是人矣。唐李長者以漸卦六爻。寓十信升進之意。蓋十信自初至十。皆以生滅心。聞法悟解。以解始染。尙屬生滅。未入無生滅位。至入初住。則分得無生滅矣。

予讀易繫辭。至在天成象。在地成形。變化現矣。處覺象與形。皆在在之。籙廬而非在在象。象形者。也。如得在在象。象形者。則象象形。形一指之屈伸耳。噫。金之未銷也。塊然而已。及其既銷也。則融然而已。然外塊然而求融。然外融然而求塊。然吾知神聖亦無

如之何也

予觀易至泰卦不覺掩卷長歎久之夫大壯之與夬卦當是時也小人愈衰而君子愈盛矣然而聖人獨安夫泰者以爲世之小人不可勝盡必欲迫而逐之使其窮而無歸其勢必至於爭爭則勝負之勢未有決焉不若獨安乎泰使君子常居中而制其命而小人在外不爲無措然後君子之思無由而起噫聖人之見遠矣後世君子不體聖人之意一得其位必欲盡逐小人飽快所懷殊不知君子小人邪正不同固雖天淵然而共以天地爲父母天地之於子也賢不肖豈不自知哉知而容之以爲既生之矣以其不肖而逐之則父母之心亦有所不忍也但當使賢者制其命不肖者聽其令則君子不失包荒之度而小人亦得以遂其所生若必欲盡逐小人而都用君子雖聖人復生不能行也知不能行而強行之謂之悖天之民苟使其人得其位行其志而國家元氣不至大壞蒼生不受其荼毒未之有也

銘

樊城仁王寺建大雄殿碑銘

蓋聞西方般若一名而含多義中國無一名多義之名以翻譯之故存梵而略華也般若若有文字有觀照有實相三者同名實異苟得其實名豈能涌又般若若有八部惟仁王般若乃波斯匿王首問釋迦如來護國祐民之法波斯匿又名月光月光所問之經總八千餘言言言本於五忍而五忍之立蓋凡有國有家者不以爲前茅則七大不祥相繼而起不祥起復不以五忍禦之則社稷亡矣又梵云般若此翻智慧良以一切不祥皆生於愚癡故君愚癡則失臣臣愚癡則不忠父愚癡則不慈子愚癡則不孝桀紂幽厲愚癡之尤也堯舜夷惠智慧之首也襄陽府樊城仁王寺建自宋景定閒迄國朝中廢而楚唐襄三王僉謂寺以仁王名必有謂既而訪之高人勝士乃知名本於經於是併力重建適逢世廟龍飛漢水易名仁皇焉萬曆辛卯屬有不淨火龍怒而浴之殿廡灰燼而楚唐襄三府主以爲茲寺也我先王所建於是復并建之嗚呼波斯匿王爲五天之長不以出世法爲問

而問世法護國祐民之具苟非夙植善本有大智慧豈能卽世開法而明出世法哉經以仁王名蓋旌其德也而楚唐襄三王亦並夙植善本繼月光之業而世爲金湯豈偶然乎殿成禪客乾公從余問訊曰寺不幸而火浴之又幸楚唐襄三令主不忽祖宗之志復同鼎建敢乞先生一言光三主之德予曰某人發言輕曷敢當此且楚才地顧攜布鼓於雷門公慨然久之復率住持等衆再問訊曰叙事記土木不無其人若夫考名審實暢般若之玄旨非師筆恐不大快余曰諾夫心外無法文字性離文字性離則觀照微密觀照微密則所謂無思而契同者得非實相而何大哉般若一名多義孔得之而治六經述春秋老得之而二篇作子得之而立論王通得之而作經李翱得之著復性之書新建得之揭良知之訓雖然有真般若若有似般若真般若者了色卽空了空卽色故不死於枯稿不蕩於情波了知而修故修無所修以修無所修所以當境緣順逆之衝習染消而我無所修也似般若則解而不精忽修以逞見一旦危疑交至

解失而氣喪境奪識情事敗醜布遺笑千古此逞相似般若之咎也凡一切黑白倘有志於般若者苟不能精義入神以致用不惟負我迦文聖人實負波斯匿王與夫楚唐襄三王世世金湯建寺之德銘曰寺名仁王緣起月光五忍之立立銷不祥自西而東法傳華中襄陽樊城是有禪宮宋景定開寶始創焉綿歷既久三王扶顙子孫繼護金湯彌堅龍飛漢水仁皇易題堯天佛日萬古光輝般若一名多義所存般若名審實妙不可言密在汝邊在我卽粗離我我所翠竹真如火龍浴之殿堂灰飛三王併建波斯之遺子願吾曹願披方袍戒根清淨地產靈苗鬼神呵護梵剎堅牢晨昏祝聖地久天長舜田秀實覺樹花香世出世法光洞八荒凡有心者根塵頓忘靈燄熾然共徹眞常

足軒銘有引

夫大道不礙無夢夢非獨有以礙爲媒邇流窮顯本末洞悉順而不返痕順有無是以善觀者富有天下而無受貧等餓夫而有餘故小人絕竈上之

心。君子無多求之。玷置三才於末世。發大曉於重昏。出者若魚投春海。處者如獸老雲山。禮樂用而不知日用。運而忘照。公忘私。私忘公。公私相忘。如心忘身。不見有餘不足。誰待不足。生足忘不足。始能惟足。惟軒足乃充十虛。而常慙軒乃示萬有。而常無地。待空浮水。隨天到四時。予奪一念。雌雄花茂園林。草芳崗阜。進退魚鳥。坐臥得之者。則頭頭自在。失之者。則處處乖張。玄黃勞其目力。好惡搖其心光。當足而不能足。足爲欲師。當軒而不能軒。軒爲我主。名實難欺。根塵易昧。故去來無常。賓主互用。粗妙在人。軒惟嚆矢。銘曰：

一念不生。諸塵無待。光景無邊。豈須錢買。七情熾然。蔽虧本天。烟雲起滅。以馬作船。載諸顛倒。狂醉寧了。聲塵萬端。枕上失曉。聲色無檀。檀惟耳目。耳目無主。主者不足。惟無我者。衆妙簇簇。兼善一切。獨立無欲。

足軒銘有序

愚讀過秦論。知賈生進退英雄。雌黃強弱。意獨在秦。餘者不過倚數而已。由是而觀。秦已過矣。然不

知足。至於鞭山填海。希冀長年。社稷且不爲子孫有。況他哉。博浪雖椎。毫不醒悟。既而陳勝吳廣之徒。掉挺輟起。秦爲之板蕩。今麟郎於此土。增茅茨。粗衣糲食。出不爲喜。處不爲憂。借風月以陶情。假詩書而理性。於四部洲中。六天之下。較秦所逞。乃太倉稊米耳。於六天中有天。曰兜率。此言知足。嗟乎。知足則茅茨土墉。雖瑤宮金屋。不能過之。不知足。雖處九天之上。若在溝壑。雖然有身而無心。榮辱誰知。有心而無身。苦樂誰受。身兮心兮。一報之蘊。蘊橫謂我有。自是靡患不至矣。若然者。身心猶非我有。始爲知足。況身心之外者乎。古顏氏之子。墮體黜聰。合於大同。大同則天地非大。塵毛非小。卽此而言。知足待不知足。而名如無。不知足。則知足亦毛焉而已。雲門大師有函。蓋乾坤句。截斷衆流句。隨波逐浪句。三句一句得失在人。此又足軒之證據也。銘曰：

麟室銘有序

三句一句。達人自知。足軒之舌。風行水瀾。

龍爲麟蟲之長虎豹千峰之中獅子爲百獸王
吼震衆至於腦裂鳳凰飛鳴羽蟲雲從麒麟之性
不受羈繫仁而無欲東西自如無欲近剛仁則近
慈惟剛唯慈乾坤乃備用九用六出入自在故麒
麟出聖人生焉麒麟死聖人悲焉嗚呼剛以慈濟
威而不猛慈以剛克寬而不濫兩者不虧聖德乃
全聖人初人明勇自強千屈不折終至適常在麟
爲龍在羽爲鳳在毛爲麟異其行藏今以麟名子
望子念人初碌碌童稚屯蒙未詳一旦啓正靈竅
發光以明明德即心作佛言有異同義無中邊善
惡則無書不經不思則無經不書書記姓名經常
無變變者受滅不變不生不生之心斷常莫侵百
工技藝觸處行深老龐有言日用無別惟我偶諸
諸則佛魔受役況其餘乎銘曰

龍之與虎水陸疆土獅子麒麟各遵其路鳳凰飛鳴
羽蟲生光麒麟產瑞符聖王在物既然人當自強
君子小初無常種情理相攻勝敗漆桶楞伽之洲
梵川之島鷗閣凌虛窗吞月曉此室麟名小子無驚

佛魔在握以理治情

佛智泉銘

佛智深渺能消熱惱飲從眼入動念枯稿蒼石之下
雲林之杪湛然本狀神會可了觀影知渠我惟顛倒
兩存無功靡往非道

鵬沙彌塔銘有序

鵬子少爲書生含毫弄墨子業及學爲古文詩賦
精陰陽識緯之術皆臻其奧又以宿習現行復知
歸敬大法旣而游學燕京觸事感懷遂決焚染雙
骨棲層抱喘疾破積雪不怯嚴寒深雲而登清涼
於萬曆辛卯十一月望日訪道人於妙德庵中遂
克初志明年四月十日奄然而逝嗟哉俗壽三十
二歲僧臘一百四十五日道人哀鵬志有餘而壽
不永特銘之銘曰

抱志未克死生變更耿耿一念有願必成古之今之
何殊晝夜晝夜之群一指高下尻之與脊本無中邊
求其兩端以黃爲玄鵬子于此匪滯假真以習爲教
轉大法輪骨埋嘉福雞園爭秀舊佛新祖誰左誰右

鵬其有靈當處速鑑三際同時普振清梵

宛平縣資福寺開山守心端禪師塔銘

有序

師名鎮端字守心族姓陳世本山西潞安府長治縣師生多禪鄰里驚異弱不好弄風骨卓羣年十二依黎城縣洪福庵瑞禪師之高足惠忍爲受業師居無何棄去登伏牛禮補陀既而入代之五臺山謁二虎禪師一見器焉爲嗣法弟子及還故山藩王聞而敬之延住資福禪院給供甚勤師一日曰大丈夫不出家卽當以仁義輔明主澤流遐邇出家則當精深宗教做法底源闡揚佛祖之道俾博地凡夫彈指登聖以報佛恩始不慚爲男子顧吾於二者之閒一無所有藩王雖勤厚濡滯一方莫能廣飯方來終非鄙志於是復棄去來燕山宛平縣盧溝橋東茆茨採椽聊爲諸方息肩之地亦願資福者示不忘藩王也資福西南隙師穿大井一口置石槽六方發願曰無論黑白愚智人畜凡有知者沾我滴水食我粒米同生阿彌陀佛國中無量壽覺親爲授記登不退轉雖然以師受

性嚴冷不喜阿世卽豪貴臨門不少屈故自某年至某年施者簡寂常住荒寒師力抱枯淡歡接方來了無倦色或不堪其憂師曰自要弄這迦陀勤苦澹泊不爲世采我分耳復何尤王恭妃亦聞其風而敬之遣中貴茅茨採椽爲金碧師方暢志樹功德輒爲聖天子祝延聖壽徵福蒼生迨於萬曆二十年冬十二月預謂門弟子曰我明日行矣積年勞勤施主使我成就行門我去後若輩當併心常住無乏方來粥飯我死猶生也至期果端坐而逝諸檀信僉謂師預知時至倍加歸向焉師生於嘉靖二年某月日卒於萬曆二十年十二月日僧臘五十七世壽七十三門弟子依天竺法闡毗其願身歸骨於南岡之塔達觀道人諡師號曰普慈塔曰願光嗚呼福福莫烈於死生而端師不爲之撓超然脫去大患不能留難雖古之所謂豪傑之士挾仁義佐人主建大勳名垂芳百世至於臨死生之際軟嘆不堪貽天下笑由是而觀則端師豈不爲大道人者哉銘曰

凡有知者。皆爲欲取生。因欲乘死。因欲去。唯師異此。去來乘願。勞動死生。不爲欲取。自生至老。老而愈壯。固濟一切。始終匪兩。樹塔南岡。普爲諸方。生資以食。死以骨藏。燕山可磨。願力靡竟。無斷骨計。臨死之命。兒孫念之。勉強力支。如盧溝水。長流無贏。吾君長胤。母曰恭妃。聞師德風。篤信歸依。師其有靈。保此英檀。福壽無疆。萬世莫安。爲佛金湯。廣建道場。龍象蹴踏。日月彌光。野人之心。淺而弗深。赤抱義剖。鬼神鑑臨。銘刻貞石。天地同脉。形有代謝。心無今昔。

大悲菩薩多臂多目解并銘

世疑大悲菩薩。臂目廣多。互相驚恠。蓋不以理察。橫以情觀。苟以理察之。則人人自信。不暇豈獨疑於大悲乎。如我一身之眇。毛孔八萬四千。布植森如六尺。匪狹正當。毛孔森顯。則一身弗留。一身現前。則毛孔皆隱。隱顯互換。而一多歷然。適此之時。豈不有非一多之數。所能牢籠繫綴者存乎。若環輪之無竟。應萬物而無窮。大悲獨有而我獨無。此情也。非理也。故以理應目。則象帝之先。我得而徹。

視也以理應耳。則八荒之外。蚊蚋之音。我得而徹。聽也。我常靜坐。忽然身心都遺。耳目無邊。遠近情化。古今夢破。始恠大悲臂目甚寡。而世猶疑爲多。不亦癡乎。雖然。南人不信。有千人之帳。北人不信。有萬斛之舟。蓋其信情而不信理故也。殊不知福禍死生物。我廣狹古今。代謝清濁。浮沉皆情。有而理無者。也。倘能以理折情。則近取諸身。遠取諸物。皆我臂與目也。若然者。提挈四生。智周萬有。初非勇與明所能預者。也。銘曰。

本一精明。暫應六根。應而不返。望流迷源。大悲菩薩。教我觀音。不以耳聽。目視。禪深。禪深。莫測。一六陳跡。錦繡芻狗。既陳勿惜。一爲無量。無量爲一事。理無成。慈及萬物。循業發現。我本平常。三十二應。塵刹放光。若出有心。菩薩病狂。鼻祖東來。眉山奇才。大悲闍記。捏聚放開。卷舒自在。理徹無礙。恍柳林中。長公放賴。態罷虎豹。視以儕輩。出怒入娛。了不驚恠。吾生公後。知公三昧。得自禪老。語言翻敲。曄若春花。春容銜態。不善觀者。離花覓春。春不可得。泣岐沾巾。文字語言。

道之光華何必排擯始謂不差

韶石銘

視端神凝牧豎在郊尼父見之悟其聞韶愀然輟後至則樂淵不以耳聞音鳴寂寥初無古今事有近遠是石舜心連雲岌堯

丁南羽結綠現銘

混沌之精昌谿之骨南羽得之象罔不識玄池天啓彩筆龍遊彈指之間諸佛雲湧莊嚴淨土熏炙羣生若見若聞當處解脫誰促大地成此片瓊囊括十虛現諸希有須彌爲舌難盡贊揚口卽大虛渾吞不出丁氏諸子互相寶之譬若眼珠明不可失

于中甫宋端硯銘

由天而人由人而天太古之色中有玄泉雲出無盡魚龍可眠若人得之造化同堅

臥牛硯銘

溪山無盡春草有餘饑渴弗擾恣臥超如毛穎爲鞭一聲悚然頸尾屈伸蹄角柔堅噫鶴背輕危龍背滑歸來牛背穩如船

孚泉硯

辭修誠立信貫金石卓錫泉飛臥水鯉出用無聖凡名有黑白甘冽異常孚翁血脉

瓢銘

納十方之虛不爲大勺四溟之水不能溢實濟渴之勝具乃補饑之妙器其餘滴餘粒可以飽龍蛇足虎豹是爲鉢之良輔

獨高菴銘

爽塏之陽卜居斯祥風度疎林香濤琅琅飯訖無事讀天竺之章閒或得意身世都忘本真揭露雲淨月光散步庭除薛衣清涼城市焦煩一刻十霜王侯兮若夢爭如落魄而徜徉

竹瓢銘

若之爲物兮堅而有節虛而能容雅分溪邊之月閒挂石上之松偕而老兮萬壑千峰

雲笠銘原本缺文

頭上笠人不識譬如片雲覆松梢夜鶴歸來巢莫覓無巴生傳

中傳下一有
自寓二字

無巴生自言生於青草灘。灘即姑蘇之松陵。今之吳江也。予從無巴生遊甚久。每於無巴行藏所忽之間。音聲笑貌之際。與夫習氣動靜徐而察之。似非青草灘人。蓋無巴受性超放。不耐世故。於習俗繩墨了不相拘。予嘗規之。無巴笑曰。子奚不檢名而審實耶。名檢則實審。實審則名不虛。名不虛。實即主也。主即賓也。物與我皆不得已而受形於天地之間。倘不達此。則何往而非有待乎。夫有待則有累。有累則孔隙不待鑿而不可勝數矣。吾嘗歷觀有待之大槩。不出乎地水火風空見識七大而已。如以自心觀七大。則七大有名而無實矣。方此之時。且問子大火聚中。爲吾拈得一莖眉毛。出乎予曰。不能。無巴舍然大笑曰。子雖從吾遊甚久。然不我知。若是謂之相知可乎。子不聞龍樹有頌乎。諸法不自生。亦不從他生。不共。不無。因是故說無生。即此觀之。有生則有我。有我始有物。脫求以名實之相。外名則無實。外實則無名。吾故曰。賓即主也。主即賓也。賓即主。則主未嘗主。主即賓。則賓未嘗賓。主未嘗主。賓未嘗賓。則我與物。物與我不

待觀空而始翫然也。故曰。會萬物歸於己者。其惟聖人乎。如我有已。則物豈可會乎。如物有物。則物亦不受會也。所以有待顯而無待隱矣。無待既隱。則地以堅爲孔隙。水以濕爲孔隙。火以暖爲孔隙。風以動爲孔隙。空以無形爲孔隙。見以照爲孔隙。識以分別爲孔隙。皆不得無巴鼻者。也。如以自心觀此七者。則地未嘗堅。火未嘗濕。火未嘗暖。風未嘗動。空未嘗無形。見未嘗照。識未嘗分別。若然者。謂七爲一可也。謂一爲七可也。七若可一。則七未嘗七。有待隱而無待顯矣。一若可七。則一未嘗一。無待隱而有待顯矣。吾以是知有待與無待。初皆無性也。如曹溪佛性。無常諸法。有常之說。亦此謂乎。故吾以自心觀九竅與六根。我實未嘗有也。然九竅六根。不妨用而不廢。我實未嘗無也。有無路窮。凡聖情斷。子謂我有巴鼻可乎。如木生也。直人生也。靜直則無私。無私則無我。靜則無擾。無擾則本虛。虛則靈。靈則妙。既妙矣。有巴鼻可也。無巴鼻可也。雖然。莊周謂七竅鑿而混沌死。吾則曰。孔隙鑿而巴鼻形。所以鈎索得而秘之矣。今吾一受

形之後六根九竅。巴鼻太多。於是手聲色鈎索於外。好惡鈎索於內。吾本無巴鼻者。始不得自由矣。故以無巴字我者。陰借其名。而鞭我後也。子亦何疑。而私察我耶。子聞無巴之義。乃稽首謝。不知之罪。無巴曰。罪本無性。何謝之有哉。子不知答而退。

紫栢老人集卷之二十二

紫栢老人集卷之二十三

明 慈山樵清 閱

書

復王宇望叔姪

書經之事。本老漢私恩。豈可累弟子。古有僧或荷母而行。旁人憐其勞頓。欲代荷之。其僧拜而辭曰。吾母寧敢勞君。由是言之。弟子圖治經壇。設遲速亦奚罪。且接歲薦饑。人力疲極。雖素稱阿堵翁者。爲之艱難。而況王生家向清寒。首出延陵者哉。日附件淳此簡。情真而言朴。亦老漢見汝叔姪於北園。請書經之心。

情真色慄。誠可裂石。所以久淹留都末。他游者恐負叔姪初心也。或者解傳溢言。聽復不察。比來此流觸處洋洋汨人耳目。使聞見倒置。爭鬪橫起。情少弗合。視如胡越。情少苟合。胡越同心。是皆我刺堅固佛手。難拔矣。可笑老漢不識時務。將一片熱心。出手委曲。強欲拔之。刺不能拔。反受刺。刺此非人。過過在老漢。修行無力。天猶不佑也。自今而後。惟圖自治。弗敢照人。若起照人之念。卽我失照。失照不照。謂之卽昧昧而不反。更復尤人。罪莫大焉。賢叔姪并痛感吾言。日用之中。精進學契。欺覺得契。欺有歡喜處。便是學佛靈効。若書經日期。俟晤再定。

與王宇泰

所受三戒命根金湯。凡百行止。切切護念。如或放逸。其畏非言可喻。想此箇光景。日用宇泰不忘也。且凡夫情習濃厚。卒難卽除。當如螻蟻過須彌。力雖微弱。必期逾頂。而後已。須彌之高。螻蟻之微。以常情觀之。過也必難矣。據其初志。則螻蟻與我何別。惟吾宇泰常以螻蟻爲師。志必須逾頂可也。然衆生情習積劫。

熏久高厚煩惱之山。又過於須彌遠矣。

與王後石

薰地相逢。雅同舊識。非頂門具眼。病犯烟霞者。寧有此哉。顯親別後。抱寂芙蓉。高誼如雲。攸攸在望。不遑過我。豈暑妬青山耶。聞上人來金壇。一詢起居。知令孫女已遊九原矣。云先生追傷成疾。世外野人亦覺愴如。雖然。死生者造物之遽。臨也。死者既歸。嬉笑家山。先生皇皇未已。何啻求馬於唐肆哉。且有先生而有令郎。有令郎而有令孫女。先生能善返之。則令孫女猶在在而求之。所謂頭上尋頭也。聞上人風便。謹奉解憂散一劑。敢乞服之。

答王方麓公

睡眠乍開。日高三丈餘。睡未盡。拭眼讀手偈。目趣清遠。滌除睡魔。何啻天外長風。杯中春茗也。但一微涉動。起滅萬端。喜怒戰酣。苟不以一微之前者督之。則血流漂杵。長劫無已耳。故所諭誠盡善矣。然道待器言。靜待動言。是皆一微待中境界。苟不以一微之前者吸之。不過能觀者一微。萬起萬滅者特一微待也。

故曰達本忘情。知心體合。此古人萬古不欺之言也。本卽一微之前者。此尙不可以有無求。況可以起滅觀之哉。又心不知心。如已眼不見已眼。作麼生知。既不可知。則古人又道。知心體始合。豈道辱方老過弊屢矣。無以報德。敢以諭次直心。請餘則披晤再請教。不盡。

與王方麓公

夫有身必有心。有心必有知。故掐胸則胸知。掐背則背知。掐首則首知。掐足則足知。如離身一紙。掐則不知矣。今此身從頂至足。特不過五尺耳。此知卽五尺則有。知離五尺則無。知又不覺鬚眉皆五尺之分。皆掐而不知。由是而觀。則此知但能屬五尺。此知果是我心。我心何小哉。此知非我心。則離此知別無有心。且自古及今。建大勳。勞慮周萬物。果周五尺之知之能耶。或離此知別有所能者耶。嗚呼。此知甚微。孰肯審而究之。如究之得其所。以然。則中庸之未發。大學之在明明德。一以心言。一以性言。此聖賢之深慈也。若未發可以五尺拘。已發亦可以五尺拘。未發非已。

發可知何以故。已發之知。但周五尺。豈周五尺者。能知未發哉。貧道與方老。或披晤。或促膝談笑之閒。若皆處乎無我人之鄉。苟非兩下。超情安有此等光景。今方老年。高貧道鬢毛亦頽白矣。恐此一別。不知再晤何期。所以深坐而不忍。卽去。茲以周五尺之知。請教方老。願方老不負貧道徇馬之心。儻一檢之。或有小補。未可知焉。

與陸五臺公病中

昨日見門下頽然抱疾而臥。及客至。復能強起支應。噫。門下今日之事。可謂急矣。安有閒精神。周給人情哉。直當痛念無常。視自身爲罪數。知自心爲惡源。苟罪數未空。惡源未竭。外則形骸爲桎梏。內則識火焦靈根。一刻萬劫。且念佛持呪。并參機緣。旣言皆不得力。則臨行一著。有何憑據。貧道雖不敏。實爲門下大痛。豈門下思此。寧弗自痛。如果不痛。或再來菩薩。則非鄙人可思議矣。若非菩薩。安得不謂之癡憨乎。昔龐蘊初見石頭。便能頓融。前境前境。旣融。則何物爲吾敵。敵旣不立。則能有之根。曷可獨存。根旣不存。則

身尙不有。誰爲桎梏。蘊次見馬祖。則命根俱斷。聖情永釋。況凡情耶。凡情旣洗。識火潛消。則靈根密固。誰爲焦爍。若然者。則罪數未始非功德之林。惡源未始非菩提之路。惟善用其心者。逆順皆爲解脫之門。貧道誠不作詔語。願門下照其迫切之心。深自痛焉。

復敬鄧

夫樹高必招風。名高必招忌。非但人閒世如此。卽出世法中。亦所不免者。故明教嵩大慧杲。皆見道明白。問學淵博。行不負解。出言成章。心光耿潔。近則可以照一時。遠則可以光萬古。然明教大慧。俱不免貶斥。況其他乎。本朝隆慶間。如徧融法界二師。操履光耿。亦不下古人。而皆遭細人之讒。至於抵獄。旣而讒口卷舌。心事頓明。初雖受誣。於一時終大取信於天下。無擇智惡聞二師之風者。莫不引領願見。如肉佛然。比勞盛亦遭誣陷。吾曹有不知大體者。亦隨脚跟乘風鼓謗。流言充斥。弱惑清聽。殊不知松柏不歷風霜。黃金不經爐冶。道人不涉逆境。執辨眞僞。嗟哉。兒奴徒捐髮鬚。不諳大體。滅華倡胡。浮雲散盡。明月還孤。

光徹寰宇。汝面泥塗。辱書答此。可諦踴躍情申理白。邪正皎如。古人有語。誣人自誣。事未定而先見情難辨。而聖區千載晨昏。何疑之有。

謝于見素公惠墨尾

結夏曲阿影樓於圃。食殘蕭散。稍復經行。匪涉神奇。咸投妙會。清池白月。洞剖禪心。沃野嘉禾。滋培佛種。卷風襲於觀力。鄭泉石於情根。魚躍波鳴。蟬啼樹響。卽喧頤寂。冥妙關蠶。併有無而通幽。齊遐邇以開務。辰丁賤誕。天賜清涼。法侶雲臻。時逢雨足。既除煩暑。坐榻生寒。主人嚴臨。高賓翔集。惠我墨尾。舉揚真風。豈惟動識雷驚。應使無情夢破。顯漸薄劣。敢弗銘懷。

寄趙定宇

石頭一別。南北殊踪。心境依然。初非損昔。想吉人多福。動履勝常。胸中之天。身外之累。信莫能翳。問音久寂。續抱常懸。

與丁勺原

滁陽一別。嗣後絕音。時復逆思。宛然一夢。黑頭俄白。悲境奪歡。日勝日輪。苟不以自重爲主。則眩我者多。

矣。奇男子家。如知名重而不知身重。知身重而不知心重。知心重而不知性重。是不知類也。貧道雖不敏。每愛足下。個儻殊衆。骨氣清深。動止嚴謹。惜乎於此道不甚留意。比因來慈道者。過江西。勸此聊敘疏濶。來慈於此道。操詣清深。行履光耿。極可與語者。南阜近有書見。招但貧道病瘥未愈。不遑赴耳。湯若士尊公近清勝否。聞佳郎秀爽特羣。圓通大士一幅附贈。倘令鄭夙昔曾親承大士。未可知也。春深時序。清和教子著書。是天下極樂事。且得重而遣。輕蒼蒼或厚待足下。足下當歡喜承接。不宜外附法華合論一部。此書能啓迪本光。譬如長風驅雲。天月自顯。塵心濃者亦不易讀。

答請主法事

比遣果清問訊足下。而足下所答書。意況不甚清朗。想二郎之母。病重擾之。耶大都死生榮辱。皆命所定。夫命業也。業不離心。故外心與業而論病本者。非也。古人有言曰。三界塵勞如海濶。無古無今。閑聒聒都向自己心念生。一念不生。卽解脫。此語極真。但衆生

不知自心是何物在何處。所以治心無效耳。治心既無效。即古人言上生疑。疑生則不信於古人。分上且疑而不信。況今人哉。又百千中誰有治心之志。男子尙甘昏昏而待盡。況女人輩乎。承大令鄭見招爲母作佛事。佛事作而無效。奚若不作。雖然。效不效。誠不在佛。顧其作者發心淺深如何耳。如病苦有十分非二十分深心作。此斷無有效果。以深心作之。病苦不消。無有是處。若令鄭發心果如道人意。敢弗赴之。道人如孤雲野鶴。去來凡百現成。但慮作之無效。反退病者與賢子心耳。

答竺生

得書讀之亦甚懽然。言實出於赤懷。而鬱憤之氣。卒不能自勝。此所謂志雖有而理不察故也。如能察理。則得喪榮辱皆我自致。雖天地之大造物之神。亦不能陶鑄我自致之情。此情必須自鑄。且道自鑄之方。從何鑄起。凡向日所不能克者。痛當克去。所不能全者。痛當全去。然不耐心而究理。則心昏而神濁。情豈易鑄哉。思之。

答于中甫

十二月初四與勤持手書。至資福購燈讀之。凄然痛人都下風習。險譏誠如所言。於世閒法則公道誰亮。於出世閒法則得少爲足。且頭緒不甚清楚。道人見此光景。亦不喜淹留。第以既爲佛子。當報佛恩。如報佛之志。方自見定。而於禍福死生。又生心計較。則定志何在。所以風波迭經。總視覺後之夢行住任。緣初不預料也。但念汝連年境風浩然。於不堪忍處。強力支持一切。拂逆譏謗。翻成受益之地。餘喘幸存。此又令道人凄然中生歡喜耳。法朗尊公。臨逝光景。斷非此生習氣。乃前生夙習也。果如是。則道人與汝等亦有助不淺。卓頭陀胸次灑然。本必無根根在見地。不虛不審法。朗見卓受益何如。渠舍宅爲寺。言不可輕發。蓋風不可輕起。以風無形而能鼓物故也。言如風可聽而不可見。所以與風同勢。聞之心遠遠則難挽。如不言而事成。活機在我。言則死已。

二

天厚其人衆患燬之天薄其人衆幸誘之汝連年親

涉衆患天實厚汝而煅之儻不能歡喜領受便是薄福種子也直以忍辱爲海割舍爲刀斬我相根株汪洋包納則將來受用未易量矣

三

德卿不意至此殊令人哽噎幸汝周旋其兒子輩此又老人合爪痛感麟郎者也骨藏何所知忍能念之否幸致老人意光公急究相宗勿癡度時陰比見學佛緇白骨節不甚硬稍觸逆境卽如野狐變人作怪一聞犬聲故體頓復犬始知其是狐敢恣口咬之儻人形尙存犬決不咬惟卓吾非狐變之人也故不煩犬咬遂爾自刎然卓吾非不知道但不能用道耳知卽照用卽行老朽更不如卓吾在

四

凡讀汝來書則句意自然可悲可喜以下字不癡故能令人造中若汝觸不可意事如裁書下字法則不可意事之機卽天機之資也儻知而未能却順逆之境風得無增吾憂乎奇男子須割愛愛不割則墮軟暖魔網矣

與李次公

世閒人自有法度出世人亦自有法度世閒人禮義不可苟出世人照用不可昧禮義但人界照用統九道如忽九道而從人界不免觸不可意自然以平時所見治之終不得力蓋平時所見者不是自家固有但從本子上拾來耳孔聽來非是寒泉湧地明珠萬斛倒噴濺日之勢安能却迷事無明乎故曰境大般若大如般若威神頓損殊爲笑具

與元鑑

少年爲客以技博供供養父母是須筆筆寫著古人真處自然卽技入道儻謂技道有別此所謂把鬚投衙者也思之

答馮開之

數千里外忽辱手書展讀再四如面玉容何樂如之且云般若緣深天去其疾豈胸中無秋江者而能道哉咄青山白雲一切不放過時光此又貧道萬萬所延頸也

與方幼輿

邇來祖風凋弊。法道荒涼。無分黑白。凡在此門。孰不以爲生死爲言。及問死生。所以十箇到有五雙。罔措。此皆最初發心。不真實見地。不透徹。所以一逢逼拶。自然手脚忙亂。且道真實心。如何發。善財初見文殊。卽獲根本智。然後徧參知識。雖則門頭次第不同。要且換他鼻孔。不得何以故。有本者如是耳。今時人雖說發心學佛。大都如瞎公鷄相似。他也不知天明不明。但聽得他鷄鳴。亦隨胡叫。一上撞著個孟嘗門下。會假鷄鳴的。賊冷地叫一聲。亦卽隨他鳴去。學佛的人。見地不透徹。見人嘴皮動。他心上理知開解。卽搬出許多來。殊不知總是意根上的影子。此點影子。熟睡的人。熟睡去了。或被跌的人。跌悶去了。或臨卒。然利害關頭。意識照管不到。處都總用不著。這三箇境界。較之臨命終時。孰險孰夷。想其輕重好惡。幼與必定辨得出。旣辨得出。必知活時。此點影子。尙支吾不來。臨命終時。豈有交涉。又有一等人。以反聞聞自性。做工夫。是必不聞聲塵。將聞聲塵的機。來反照自性。積習日久。或見個空清境界。便謂真得。我且問他聲

塵。畢竟是性內的。性外的。若在性內。則聲塵亦性。何必去聲塵。而反聞。則謂之聞自性。若在性外。性非有。外謂性外。有聲塵。決無是處。又有一等於耳根門頭。靈靈應物的。謂之真性。殊不知此是由塵發。知應境。影子前境遷。謝此亦隨沒。以此當本來面目。此所謂喚奴作郎。皆非佛旨。若要真實。會得耳根圓通的消息。我拈個榜樣。你看古德問僧。隔壁聞釵釧聲。卽爲破戒。且道作麼生持。其僧云。好個入路。幼與會得這僧入路處麼。若會得。方見善財見文殊的境界。方可參天下善知識。若會不得。也須猛著精彩。向這僧入路處。討個分曉。無常迅速。時不待人珍重。

與塗毒居士

我今止有報佛恩。一事拂却身命。一切利害毀譽。非我所知。我逆逆順順。淺淺深深。非汝輩所知。

二

俗諦中人入吾法中。如人溺大海。露髮髻子。善知識提攜如援髮髻子相似。須是自家盡命掙著。不然是自要沉沒。千佛出世也難採取。

寄沈德輿

達觀自匡廬下江南二三年往來吳越開初心竊謂
宗門寥落法道陵遲假我門庭熾然以魔習爲傳以
訛繼訛眞僞不辨天下遂謂宗門光景不過如此而
不求眞悟至於少林奉朝廷欽依以傳宗爲名而崇
尙曹洞臨濟爲仰法眼雲門五家綱宗亦不辨端倪
不知設此胡爲則宗風掃地可知矣巖頭禪云但識
取綱宗本無實法若然者則綱宗乃宗門之命脉而
有志於斯道者豈可忽諸達觀以此未嘗不痛心疾
首撫膺流涕然知我此懷者幾人哉所以下匡廬持
僧寶傳林閒錄智證傳三書雖亡者糟粕而五家典
刑綱宗係焉以故急爲梓行意在廣傳今天下豈無
豪傑挺生遇此書頓斷命根洞豁綱宗荷擔法道不
顧危亡必有以宗風中興爲志者出焉則我寂音尊
者千古之下若旦暮遇之也達觀於居士中時時舉
揚而薦此者希惟汝雖不能始終徹然亦知好惡
承順觸犯奈汝勝習微弱善根雖有實不能如好堅
木出地頃刻千尺垂陰如蓋作衆生疲熱避涼處此

皆是往因願力輕鮮感報不去故也自今切不可埋
沒此生直於逆順關頭利害之際如風過樹如雲行
空卽常光時時現前如投夜明珠於金盤之中宛轉
橫斜莫測方向特不出盤耳從上祖師以綱宗爲盤
以見地受用爲珠有珠無盤則非人天眼目有盤無
珠則自沉情海虛張綱宗擬欲度人則龍天不祐佛
祖所厭福日消而罪日長慧雲散而情風熾一旦業
報盡來請隨無常殺鬼受指揮去那時始悔心地未
徹妄拈綱宗之所致也悔之何及此等忌諱汝必
知今書此遺汝雖達觀隔遠屢之示有志於宗乘者
則達觀未嘗不在也此日舟過吳江汝曾索開示當
謹受持不可錯舉若要相應我語不許夜行投明須
到於此不能透徹吾此葛藤何異說夢

與平廓

莊周有言魚相忘於江湖人相忘於道術夫人不以
此而稱相知者妄也不佞與座下周旋甚久受座下
益甚深今座下行思無以報敢割肝膽吐一言願聖
下采聽座下素研精教乘而宗乘亦未始不留心不

無領會處。然命根情窟。未能翻空截斷者。其過安在。古人云。一則不透。則千則不透。千則不透。則一則不透。座下得無坐此乎哉。惟座下於五燈中留神。一上或有一機半緣。與座下相仇讐。卒不能消釋者。決不可放過。挨排久之。而一朝爆然。拶破。則向所謂仇讐者。翻爲骨肉矣。

答汪仲淹

辱惠書。讀至此。來業重災生處。達觀亦不覺爲仲淹愴然久之。遂亦爲仲淹喜。大抵人苦不能自反。既不能自反。不但達觀救不得。直教諸佛亦無下手處。仲淹獨能自反。則苦根將拔矣。惟仲淹一反。永覺於愛憎關頭。死生境上。挺然獨立。拚命捱將去了。不失脚。正當苦時。卽推苦根爲自心生。耶爲從業生。耶爲心業共生。耶爲離心業生。耶若從心生。非業則心本無病。若從業生。非心則業本無主。若心業共生。初於自他兩者推之。既無生處。又將何物而共生。耶若離心業而無端生。更無謂矣。仲淹果能觸境諦察。深推於四生中。何生中生。是苦根。一旦推功極處。苦根披露。

到此地位。仲淹方體得古人道。老僧自有安閒法。八苦熬煎。也不妨。仲淹若不能擔當。做得去。則所問若宗若教。何日暮途。遠尙有閒工夫。及此耶。雖然。達觀一則古人葛藤。聊爲仲淹病苦中作個消閒的方子。一日洞山不安。僧問和尚。病還有不病者麼。山云。有。僧云。不病者還看和尚否。山云。老僧看他。有分。僧云。和尚看他如何。山云。則不見有病。達觀將此問仲淹。病時亦有人看仲淹否。仲淹亦能看渠否。於此句中。若仲淹罔措。不薦。則病熱命光。遷謝之時。敢保至愛的代你不得。在江山綺阻。雲月長新。南羽康虞。信來復此。以爲山中音耗耳。

與陸太宰

大法丁艱。殘燈幾滅。僅憑牆塹。保障緇林。是以安禪無狼虎之驚。集講有龍象之慶。然則百尺竿頭。非進步之階。千峯頂上。豈窮年之地。檀越位高。爵厚。任重。心勞。雖則帝渥。靡涯。懸恐精神有限。事繁食簡。德茂年尊。莫教眼下。蹉跎。直向胸前。便判。鳥未倦而知返。雲將歸而始聞。不失早見之明。全收自知之譽。功留。

三寶蔭庇諸方此世外野人延頸禮越者也

答李虹霄

讀手疏服筆力雄健辭旨精明但神迹之論尚墮於常習世謂迹粗神密殊不知迹是何物神又何物苟神迹果殊聖人曷能會萬物歸於己哉是以移舊染擴本光必理行事行如車並輪如鳥雙翅始能運遠騰空今公獨抱理行弗重事行何異鳥之折翅車之廢輪又執事習氣偏用事行則有益偏用理行則無益大都事行難逃於實迹理行則易資乎空譚貧道探討此道頗有年矣少見不真決不敢橫斷惟高明思之

與雷雨居士

人有小技謗階自設況吾爾抱出世之道而陵厲塵奴則其不悅自引也又何介哉

二

人若不生病則空談可當修行人若不有好惡境界則真心學好無可辨驗汝生得這點病便覺受他不得根在何處只爲生病日子少無病日子多故耳勿

厭此語當味之

與鄒南阜公

燕山無量寺風月不減西江仲淳近當行蹤飄泊之際足下能不忘燕山之舊一旦爲渠東道則西江風月乃無量之故物也牢山亦自燕山來縲絏隆冬將有萬里之行究其所自因弘法被譴亦可哀已然觀其眉宇自有一段不可言處使人意消心化今渠道吉水足下當一晤之鐵佛菴有佛名而無佛實如南阜卽佛不必別鑒雖然也須大經爐睡一上始不負名此貧道犬馬心也聞仲淳堪輿役忙峰頭澗畔葛籬無量倘失脚絆倒足下不垂手扶持之更待阿誰昔瀉山勸仰山曰當此境界鐵佛也須汗出夫此汗出境界從上聖賢苟不以了知爲前茅隨順心體爲急務此汗亦未易出

與李君實節推

易傳有宋刻無一字訛者惜未得也聞屠田叔有之田叔亦曾親老漢瓶錫今在福建如得渠的本證抄本之訛則蕪沒之垢俾列聖不傳之妙卽文字而傳

傳之者始知無所得也。知無所得則一切衆生可以交神之道見之。見之者乃痛民饑。卽我饑。民寒。卽我寒。如未見之。不過率情之痛。非率性之痛。情屬生滅。性無生滅。故以有生滅者痛。民終有倦時。惟無倦者。□□見之不見之。在李鄺而不在老人也。

與湯義仍

浮生幾何而新故代謝年齒兼往。那堪躊躇靜觀前念後念一起一滅。如環無端。善用其心則靈者漸妙。不善用其心則妙者漸靈。妙者漸靈。將不妙於不妙處了不覺。知是身存而心死矣。所以古德云。乍時不到便同死人。夫身在而心死。則不當存者。我反存之。不當死者。我反死之。老氏曰。我有大患。爲我有身。又曰。介然有知。惟施是畏。卽此觀之大患。當除而我不能除。真心本妙。情生卽癡。癡則近死。近死而不覺。心幾頭矣。況復昭廓其癡。馳而不返。則種種不妙。不召而至焉。至人知其如此。惟施是畏。顧子藥肢體得非除大患乎。黜聰明得非空癡心乎。大患除而癡心空。則我固有法身。本妙真心。亦不待召而至矣。曹溪

聞應無所住而生其心。則根塵迥脫。妙心昭然。故馮山曰。靈光獨露。迥脫根塵。體露真常。不拘文字。至此則靈者復妙矣。遠者習近矣。人爲萬物之靈。於此不急而他急。此所謂不知類者也。寸虛受性。高明嗜欲。淺而天機深。眞求道利器。第向來於此路頭生疎不熟。或言及此。未見渴仰。此點消息。乃羽毛鱗甲之媒。三塗四生之引。故曰。一微涉動境。成此頽山勢。此半偈三假全備。三假者。因成假相。續假相待。假是也。如上根利器。纔入因成。覺不隨流。謂之不遠復。如天機稍淺。流入相續。慚愧知返。謂之流復於相續中。尚不驚覺。勢必流入於相待矣。既流入於相待。則以習遠爲重。反以習近爲輕。夫近者性也。遠者情也。昧性而恣情。謂之輕道。如唐德宗不能自反。迷而不悟。終致大盜以亂天下。此遠公所謂成此頽山勢者也。又因成是何義。蓋妄心不能獨立。必因附前境而生。故智鑑曰。能由境能此能。乃妄心之始。我相之根。我相乃不善之前芽。仲尼曰。顏氏之子有不善未嘗不知。知之未嘗復行。果如此。謂之不遠復。無祇悔。不亦宜乎。

毗舍浮佛此言自在覺其傳法偈曰假借四大以爲身心本無生因境有前境若無心亦無罪福如幻起亦滅昔有貴人以上妙素帛求黃魯直書平時得意之詩魯直曰庭堅亦凡夫耳詩縱得意亦不妙遂書此偈遺之且屬之曰七佛偈乃禪宗之源今天下黑白譁然望流迷源庭堅旁觀不禁書之贈公願公由讀而誦由誦而持由持而入由入而化則自在覺在公日用而不在此偈也山谷楚人寸虛亦楚人茲以楚人引楚人則似易倘吳人引楚人則楚人以謂吳人似不知楚人也若相續假以因成錯過本來面目便將錯就錯不惟不知因成之前心本獨立初非附麗即其照無中邊之光初不夢見彼照而應物偶然忘照流入因成以不知是因成復流入相續相續流入相續相續是何義謂物我對待亢然角立也嗚呼相待不覺則三毒五陰亦不明而迷矣故知能由境能則能非我我能非我有豈境我得有哉此理皎如日星理明則情消情消則性復性復則奇男子能事畢矣雖死何憾焉仲尼曰朝聞道夕死可矣爲是故

也如生死代謝寒暑迭遷有物流動人之常情衆人迷常而不知返道終不聞矣故曰反常合道夫道乃聖人之常情乃衆人之常聖人就衆人而言故曰反常合道耳據實言之衆人之常豈果真常耶野人追維往遊西山雲峰寺得寸虛於壁上此初遇也至石頭晤於南臯齋中此二遇也尋寸虛冒風雨而枉顧棲霞此三遇也及寸虛上疏後客瘴海野人每有徐聞時寸虛方歸余聞討之心然有心而未遂至買舟絕錢塘道龍游訪寸虛於遂昌遂昌唐山寺冠世絕境泉潔峰頭月印波心紅魚誤認爲餌虎白吐吞吐既久化而爲丹衆魚得以龍焉故曰龍乃魚中之仙唐山禪月舊宅微寸虛方便接引則達道人此生幾不知有唐山矣然此遇四遇也今臨川之遇大出意外何殊雲水相逢兩皆無心情曠自足此五遇也野人久慕疎山石門並龍象禪窺冒雨犯風直抵石門黎明入寺然寺有名無實故址雖存草萊荆棘狐蛇淵數四顧不堪故不遑拋擲香熏圓明而行圓明山谷最敬之每歎東坡不遑一面然圓明敬東坡不在山谷之

下今石門狼狽至於此使東坡山谷有靈亦其所不堪者也大都真人大士之遺跡乃衆生開佛知見之旗鼓也蓋旗能一目鼓能一耳耳目既一目即耳可也耳即目可也目可以爲耳則旗非目境耳可以爲目則鼓非耳境旗鼓固非耳目之境而耳目之用不廢此謂六根互用也然以一精明爲君六和合爲臣臣奉君命無往不一無往不一謂之獨往獨來獨往獨來此即妙萬物而無累者也此意悼西兒名序中亦稍泄之嗚呼野人與寸虛必大有宿因故野人不能以最上等人望寸虛謂之瞞心爲山曰但不瞞心心自靈聖且寸虛賦性精奇必自宿植若非宿植則世緣必濃世緣一濃靈根必昧年來世緣逆多順少此造物不忍精奇之物沉霾欲海暗相接引必欲接引寸虛了此大事野人二遇於石頭時曾與寸虛約曰十年後定當打破寸虛館也楞嚴曰空生大覺中如海一漚發即此觀之有形最大者天地無形最大者虛空天地生於空中如片雲點太清虛空生於大覺中如一漚生大海往以寸虛號足下者蓋衆人以

六尺爲身方寸爲心方寸爲心則心之狹小可知矣然衆人不能虛重以日夜而實之爲實寸虛稍能虛之且畏實而常不自安近野人望寸虛以四大觀身則六尺可遺以前塵緣影觀心則寸虛可遺六尺與寸虛既皆遺之則太虛即寸虛之身與心也至此以明爲相以勇爲將破其釜而焚其舟示將相於必死搏命與五陰魔血戰一場忽然報捷此野人深有望於寸虛者也願寸虛不以野人道淺學少略其玄黃而取其神駿神駿者即野人望寸虛之癡心也又野人今將升寸虛爲廣虛升廣虛爲覺虛願廣虛不當自降吳臨川野人往字以始光蓋取佛放眉開白毫相光照東方萬八千土東爲動方能以眉光照之則不必釋動以求靜動本靜耳蓋方有十舉東一方則餘九方不待舉而可知矣方有十而知則一知即能由境能之能方即境也境有動靜能無動靜能若是動則不知動能若是靜則不知靜惟能非動非靜所以能知動靜耳肇公曰知有有壞知無無敗野人則曰知動動壞知靜靜敗動靜壞敗有無都遣則始光

大而爲圓光矣。此圓光在竟不加多。在紂不加少。然光有邪正。善用則謂之妙光。不善用則謂之黏安。發光如吳臨川。已知野人動靜。廣虛當以此書附達之。如是則不惟野人不負五遇之緣。亦廣虛不負五遇之緣也。

二

屢承公不見。則已見。則必勸僕須披髮入山。始妙。僕雖感公教愛。然謂公知僕。則似未盡也。大抵僕輩披髮入山。易與世浮沉。難公以易者愛僕。不以難者愛僕。此公以姑息愛我。我不以大德愛我。昔二祖與世浮沉。或有嘲之者。祖曰。我自調心。非關汝事。此等境界。本難與世法中人道者。惟公體之幸甚。又年來有等。聞提忌。僕眼明多知。凡所作爲。彼謂終瞞僕。不得殊。不知僕眼亦不甚明。智亦不甚深。此輩窺僕。不破。徒橫生疑忌耳。如其一窺破之。縱使有人教其疑忌。僕彼亦自然不生疑忌矣。但破以未窺破。誤作此伎倆也。且僕一祝髮後。斷髮如斷頭。豈有斷頭之人。怕人疑忌耶。

答吳臨川始光居士

五金八石。世以爲寶。始光獨不寶之。不以剩語爲笑具。而復珍之。且願淘其粗。存其精。此心何心哉。然不知粗者。既去。果復有精者存乎。呵呵。

二

喜哥受性靈奇。終非火宅種草緣。盡長逝當觀往因。永嘉曰。大千沙界海中漚。一切聖賢如電拂。沉凡夫與喜哥乎。此理也。非情也。道人願始光力以理折情。毋以情昧理。且喜哥形有聚散。有死生。不可拘束。而去來自由。隨業咸報者。安知今日去速之機。非異日來速之機乎。但再願始光於世緣牽絆交加處。踢倒情精。究竟徹理。海而於理。海智願感格佛天。於佛天慈。嚴光裏流出一兩個有福慧兒子。慰汝喜哥之痛。亦補喜哥金湯之職。又即喜哥復來。未可知也。思之道人於此月十九。始聞喜哥長往之音。亦不覺悲楚。難禁時臺泉卓。塵與二三法侶。亦嗚咽不勝。然喜哥以死說法。維摩以病說法。雖古今老少不同。以理推之。了無二也。不知喜哥老子。聞喜哥說法否。若聞則悲。

鳴不廢而情弗傷。理當前死生順逆。皆吾導師耳。道人恐始光父子情重。緩以理照。或以情延。怨天尤人。所以先附手字。於沸湯釜底。急爲抽薪也。

三

匡山大佛初生。汝心今幸成之。當正信堅固。勿流異趣。且白面郎君。薰地爲民父母。日用之知人畜所係。率性則仁。明勇觸處現成。率情則牛頭馬面。百千畜習亦觸事現成。臆情淨光中無故起念。危乎哉。哉。果非虛語。吳郎吳郎。咄。

與李君實

達道人自楞嚴東靜室始識賢父子。信知賢父子與道人有菩提緣者。於是卽囑君實。護法疏焚於韋馱之前。而君實直下無疑。又承賢父子追道人於王江。逕值驟雨淋漓。而賢父子曾無懈心。此非有卓倫之見者。斷不能也。茲幸奉命出典潯陽。潯陽乃古禪窟。比來縉曹無論主者客者。多飽食橫眠。遊談無根之徒。似不少也。嗟乎。因時布政之弊生。則仁信之治救焉。仁信之治弊生。則智勇之治救焉。智勇之治弊

生。則莫得而救者。若干年矣。至漢明兆夢摩竺西來。則以一出世之法救莫救之弊。此理勢然也。蓋世法變極。不以出世法救之。則變終莫止。出世法變極。脫不以世法救之。則其變亦終不止。故迦文老子將涅槃時。付囑國王大臣金湯正法。卽此意也。然孔釋之徒。世不多憂深慮遠之人。所以二氏不得相資而救弊。則必相毀而弊愈生焉。道人初自吳門來南康。止開先而未入潯陽者。此意非淺淺。以爲君實素頗卓倫。焚疏之舉。斷非常人所能爲。竊謂臺老之後。有趙公定宇繼二公者。必君實矣。君實自今而後。於相傳溢言之際。或於書柬之間。大須要審察諦觀。此書柬言雖甘。然察其心。爲我真。而無他腸者。此書柬言。瞞不過此。便是佛心也。又人情雖變態。百出能以理折。情精而衡之。則真僞似不可逃焉。又真心爲人。必先以德業僞心爲人。必先以姑息德業。順性姑息。順情順性。則照用齊到。所以染習消而不自知。順情則照用俱昧。所以染習不培而日深矣。噫嘻。三界之內。

非情重衆生。決不生之。故色界無色界。雖勝於鬼獄。四空四禪。雖勝於無色。四王忉利。雖勝於四禪。據實觀之。而勝者必情重於劣者。以勝者恒處順境。故劣者恒處逆境。故逆境則苦。極苦極則思。本思本則近。覺近覺則苦。樂之根了而不昧。於了而不昧之時。忽推苦樂之前。苦樂之根。畢竟根於何處。推久誠積。誠積心開。則知向來極苦極樂。斷非此外有耳。自是便解將苦樂之前。寄於境緣。逆順之衝。橫拈豎弄。弄得熟了。則入地獄也是好事。生天堂亦不作希奇想也。然後痛念我同體之流。苦海日深。火宅烟濃。燒然三界。流蕩七趣。強發四弘誓願。願克方休。四弘誓願。不難發。惟強之一字。最難荷擔耳。若能直下荷擔得這箇強字。牢靠則世出世間法。縱不憂深遠慮。亦無往而不克矣。道人於這強字。著實勉力荷擔。每滑肩不少矣。此蓋衆生習熟佛祖習生。衆生習熟。則我根難拔。我根難拔。則此肩便不是金剛肩矣。所以被利害得失。轉却了。苟能衆生習生。佛祖習熟。不但肩是金剛肩。卽戲罵譏訶。皆金剛雷也。此雷出地。何蟄夢之

不破何擔之不可肩耶。此等言句。說易行難。故馮山訶仰山曰。寂子。汝莫口解脫。又佛法不以禪定爲要。惟以智進爲本。故曰。智進全名。餘度皆字。見徹不疑。是智。用不疑者。而能治惡習。是進。又近日世態。於至親骨肉中。尚觸了他。毫不顧惜。直欲陷死我。便快此言。不信佛法者。卽信佛法人。偶有無心之失。觸了他情。所護處他。且把佛法拋在一邊。百種生計。害我。我有日在我佛所謂末法。鬪爭堅固。是也。夫鬪爭已是不好了。更加堅固之力。持鬪爭之心。則此鬪爭。不入阿鼻不已。此亦理勢然也。道人願君實將智進兩者。強於此等境界。大昭廓王江。逕遭雨時。心韋馱前焚疏時。心更以護法爲己任。則報君報親。靡不盡矣。君實勉之餘不盡。

紫栢老人集卷之二十三

紫柏老人集卷之二十四

明 慈山德清 閱

書

與黃慎軒

近得王字。泰書知慎軒已出長安。想還家有日。茲有臺泉上人。保持華梵諸祖道影。安置峨眉普賢光中。永遠供養。道影乃新安丁南羽雲鵬手寫。而清神慈注風致靜深。實希有勝事也。欲作一記。此必出公手。方愜道人意。徐彥文遂作九原之客。令人心痛。碧雲無恙。燕山如昔。死者不知何往。生者不知何事。每念至此。悲喜交集。不知慎軒會道人意否。中甫尊公忠厚適俗。斷息時初無昏亂。其平生雖不能作清淨行。想得忠厚之力。有此效驗。夫忠厚則不欺。不欺則自無偷心。偷心少。則日用瞞心處。不必提撕自少矣。故曰。但不瞞心。心自靈聖。忠厚之力。尚如此。況開佛知見。以知見治習者乎。慎軒前書來。以為佛知解作障。於日用中不得力果。如此則臨濟曰。但得知見正當。便可橫行天下。若臨濟是。則慎軒非矣。若慎軒是。則

臨濟却成不是。又有一喻。慎軒當熟思之。有一武人與賊戰。不勝退而私忿曰。我武藝太多。所以不能勝。賊如我無武藝。則不受武藝障礙。可勝賊矣。道人知公讀至此。必捧腹絕倒也。末大慧禪師每謂士大夫曰。聰明固是好事。亦是不好事。聰明非佛知見。則八難中一大難也。良以聰明屬非量。非量者。於理不相應之謂也。佛知見上。則屬現量。次則屬比量。現量者。不思而得。不勉而中之謂也。比量者。雖出思惟。比度而知。於佛祖聖斷量中。相契不妄。以之治習。終入現量。古人謂之流注真如。此非宗教精深者不能辨之。道人往往見士大夫語及流注真如。便掉頭不顧。殊不知流注真如。即臨濟洞山俱不敢忽。故曰。以有言露箇無言的。又曰。動容揚古路。不墮悄然機。又曰。但了綱宗本無實法。近見董思白。撈及此事。渠於不知不覺中。佛法習氣漸覺生。疎橫口褒貶古德。機緣判寂音決。非悟道之僧道人。從容謂渠曰。汝信大慧果禪師悟道否。渠曰。是一定大悟徹的。又問曰。寂音乃大慧平生所最仰者。脫寂音果見地不真。大慧難道

作人情面。畏他邪惡。白倪首無語。又有一種人。見地萬不如蘇長公。握一根毛。雖于東刺西。獨謂東坡這裏又說道理。便獨一闕。這裡却不涉理路。便圈幾圈。殊不知東坡於普賢毛孔中。鼻笑如雷。曰。我不恁麼。汝却恁麼。我恁麼。汝却不恁麼。長公是慎軒鄉老。慎軒肯爲此老一雪否。即流注真如。也不甚惡。所刻大智度論。必大放般若光。在道人念公忠厚。無大偷心。所以因囑護持諸祖道影。初但至此。倘公不以道人疑野見笑。爲法自重。幸甚。

與于中甫

謝孝還家。當發心作契。臭醋郎游方僧。習痛須漸消去。老漢教汝兩者。汝若不能勉強力行。汝便當除却于字。始惡汝可也。汝頂著于字。又不能契。臭醋不能消游方僧。習支持得于家門裡。事要家門安帖。無有是處。且古人處順境時。長便謂佛菩薩不來護念我矣。卽此觀之。良以不可意事重疊加來。使當事者苦楚之極。不得不憂深慮遠耳。憂深慮遠。所應之事。必有義者。多恣情忽略。感激中出來所應之事。必無義

者。多凡有義事。自然不覺不知。覺醒悟門。收凡無義事。則屬散亂門。收南嶽思大師於一佛性中。開達順二門。順門卽醒悟門也。違門卽散亂門也。又違順二門。非南嶽新設。實本馬鳴起信論中。真如生滅二門。來今天下學禪。習講求生淨土。兼所謂講道學者。此四種人。難道無有一人真心學好者。但俱不肯憂深慮遠。所以禪非達磨之禪。講非如來之義。求生淨土。以爲愛根不拔。泛然亦可生者。講道學。初不究仲尼之本懷。蹈襲程朱。欄設氣話。以爲旗鼓。欲一天下人之耳目。見學老學佛者。如仇讐。相似殊不知孔老與佛果三人。耶果一人耶。此等斷案。孔老俱通而未精深。佛典者。且護度量於三家頭腦。俱不曾一摸。使談儒談老談佛。逞一隊騷驢。隨處鼓揚。醋臭尙然。狹路相逢。若生不耐煩心。應酬他。便是不能契。酸臭醋。穢子。卽游方僧。習氣終不會消。老漢受性。纔聞酸臭之名。魂驚萬里。卽游方僧。習氣。老漢初出家時。較汝更甚。年來痛念佛恩。難報痛恨自己。受性剛烈。徐以佛祖知見治之。不免酸臭醋也。緩緩契將去。剛烈習也。

痛克將去。汝若如此。兩者不能痛行。則汝結果可知也。老漢吐此語時。方口痛。又在行促之中。而忍痛。不得不喋喋者。不知汝讀老漢此語時。動甚念頭。這裡倘忽略了。則狗馬不若矣。麟郎麟郎。痛念吾孺。

與王宇泰

所天皆在。高年而令兄與令弟。並受性疎曠。不能奉湯藥。光公苟不任此。孰能任之。此事理然也。老漢但念光公。晚得一子。則事有繼。倘事親而無繼。不惟家門之光。無有傳者。卽心燈之光。後談難續矣。此苦不獨人閒有之。天上亦有之。故曰。人閒有絕嗣之痛。天上有無子之悲。或光公若能準之因果。直下不疑。反以無累爲作觀之資。則無子之苦。乃光公大師也。苦何有哉。但恐識得破。忍不過。終被習繩所牽。觸世態炎涼處。又不知不覺。忽生無量感慨矣。正當感慨時。拭回鼻孔。向父母未生前。尋些水草喫。則感慨之情。又光公無生之紹介也。此五轉。汝能次第置於日用中。橫來豎去。恒作是念。曰。此我本師。不遠數千里之外。重疊風波。遣人持來者。於我求名耶。求利耶。要我

好耶。不要我好耶。真心爲我耶。假心爲我耶。此六耶字。汝能不忽仔細咀嚼之。或於汝憎愛關頭。作個道場。亦是本色。不爲分外。光公勉之。

答于潤甫

士林詣燕得手書。徐讀次。掩卷思之。乃覺渡江五易寒暑矣。汝自覺悠悠。送日於正法中。不殊羣盲人。無可學。似此果出誠痛。惕然不歇。憤然勇進。則惡無大小。罪無重輕。皆導師與不請友也。若志稍懈。力稍緩。則暫時洗然。有清涼處。未必非三障嚙矢耳。三炬眞能頓豁情塵。心味老朽。剩語將往日。無可學。似者。審誰使之。於無可學。似中。一旦無明障心。於不知不覺時。恬然造惡。惡既造成。終難省報。無明障心。卽煩惱障。恬然造惡。卽業障。終難省報。卽報障。此三障造就。如源與流。流與波。名雖有三。而濕則一矣。老人問三炬。一是恁麼。若識得渠。卽徐察渠之前所造三障。是苦耶。樂耶。於苦樂根源。果徹底不疑。則三障便是三炬。本來面目。老朽不惜。怛追究汝一之前者。倘不知重經直下。翻身不得。怎生是好。要於三寶中。揀身

捨命護法如過撈殿頂禮聖像見朽草破席覆之不覺偏體芒刺汗發淫頽者此片念力能消十惡五逆之罪雖千萬金之施不若此念力功德不可情智測度也但此念力能始而終之則本郎與開郎雖死生有先後而其心事亦了矣刻藏事體終有荷之者勿慮卽康直指疏乃三伏天松風潭月能不清涼老朽肝肺乎爲仲淳致聲無業懷老朽年在耳順未能聳入心通愈自扼腕奚煩遠念惟念汝兄弟中我相勝負如攫金人只見其金不見其主大須恕之寫至此老朽固乃解空之凍膿亦於不知不覺中思汝等父母在時光景淚欲迸流強止不能蓋父母汝等之本也俱肯念本則分別之情忘情忘則無我之天不煩舉目而昭然在上也卽汝三兄雖向稱于氏之賢者渠失照較汝更多老朽旣爲汝提明白此後牢持想字若逆境順境憤力挨熟得則向後受用不淺炬郎炬郎毋以老朽之言爲迂濶痛力勗之

二

大丈夫處於大塊間本分事元無多端不過經世出

世而已若於經世無心縱得富貴亦何用之若用之於飲食男女乃造罪也非用之也若於出世留心苟不能檢攝身心究竟性命之學則大道終不聞矣噫人爲萬物靈果於經世出世兩無所就又甘與愚痴人競無明更錯矣思之思之有省則宜收拾世故自別有受用地幸莫忽

與陸太宰

去歲聞門下一切屏置唯勤念佛此暮年本色然得勝淨之緣資之則念頭易得綿密而勝淨之緣莫過乎佛緣法緣僧緣也佛像在前經卷列之更得僧徒一二人朝夕親炙自然勝淨之緣殊勝矣但僧徒之中求人卒未易得卽發道亦東西南北之人曷能恒爲得助故請丹青丁生寫此跋陀羅尊者道影意在代貧道助門下念佛也願門下以眼根聽其說法當下萬緣坐斷念頭現前此貧道所深望門下者也年光飄忽剎那不住況頭白老翁乎永嘉曰日夜精勤恐緣差故況不精勤乎噫緣之差則惑亂正念雖有見透者每遭其埋沒況見未透者乎願門下莫爲鄙

人語不近情而忽之幸甚

復董元宰

緣起無生之旨。祖佛骨髓。而像季黑白千萬人中。求一二信者。不可得。今足下於此。獨能信入。非夙具靈種。緣因重發。那來現行。暫露何快如之來。書謂初頗暢快。茲又不活潑。若將失去。病在何處。此既現行。暫露熏力。稍微自然。隱沒不必生疑。惟宗門語句。不可草草。若以足下信入者。擬通其關。振所謂魯君以已養養鳥也。昔兜率悅問。張無盡。宗門葛藤。有少疑否。無盡曰。惟德山托鉢。因緣未了。兜率厲聲曰。此既有疑。其餘安得無疑。逕入方丈。不顧無盡。由是發憤。參究。然後大徹。今足下十有三二。不透則去。無盡尙遠。極當發憤。此生決了。不得自留。疑情遺悞。來世來示。又謂念念起處。索頭在手。敢問足下。爲念起處。本即無生。爲了念。本空。乃契無生。若念起。本即無生。則知無生者。念耶。非念耶。若了念。乃契無生。則了者。謂有念了耶。謂無念了耶。有念則早乖。無生無念。則無生誰契。於此透脫無疑。席幾草菴。借宿。猶非實所。第來

示所謂如何踐履。如何保持。待力之充。及涉境試驗。云云。自知時節矣。豈待貧道饒舌。貧道不惜口業。如此總是鉢盂添柄。惟足下或宗乘中。或教乘中大著精神。作個仇讐。務必撲破其窠窟。擣其棲泊。再共商量。未晚。

與丁勺原

凡榮辱得喪。皆念後事也。向煩潯陽那來慈持。八行詣足下。良欲足下緣得喪而求念。緣念而求念之。未始念之。未始既得。然後可以駕未始之航。來往於榮辱得喪。死生之津。博運羣有。安置彼岸。不意足下報章未久。則聖天子之椎輪。又至矣。此實天以厚足下。非薄足下也。惟足下力承之。且雲外散人於世。實泊然一無所求。而拳拳爲足下。如此者。寧無微意。願足下以瘴鄉爲苑囿。刁斗爲遊觀。加攝自重。散人脫有曹溪之遊。再詢起。止不悉。

答陳五岳

辱問無垢之義。鄙人嘗鈍。寧足以酬。然無垢之說多矣。不審居士所問者何種也。夫夷齊以不食周粟爲

無垢魯仲連以解人危。周人急而不愛爵祿爲無垢。顏氏子以簞瓢陋巷超然自樂爲無垢。此皆世中之無垢也。至於空聞以有身爲患。觀空爲無垢。緣覺則以遠患。初無爲無垢。菩薩則見患即心。高境皆眞爲無垢。一切如來則以不可得爲無垢。惟我初祖達磨而下。諸禪老以乾屎橛爲無垢。此又世外之無垢也。如以世中無垢爲得意。則是下自能發揮無煩貧道。若以出世無垢爲悅心。則是菴以聲聞居之。菴即乖。空以緣覺居之。菴初非有以菩薩居之。菴即自心。以如來居之。菴不可得。或曰。如來之不可得。得非與聲聞緣覺之空同乎。對曰。如來之不可得。雖一切大菩薩莫能窺其涯際。即如來自亦不可知。豈聲聞緣覺所能測哉。以如來所到境界。一切聖凡莫有容心之地。故以不可得名之耳。乃遂以小乘之空。蓋茲雖三尺驅鳥聞之莫不捧腹者也。此無垢大意。敢繼陳之。至菴之巔末。在高明自定。倘披晤有期。再容請教。

與雷雨居士

病體稍愈。卽當默誦八識頌。此頌乃相宗綱骨。相宗

乃性宗五藏。如五藏相克不明。則一身便調養不來。至轉識成智之旨。若相宗恍惚。斷不能精了。此既不精了。卽高論元微。剝真剔秘。若觸境翻機。照用便提不出來矣。且吾此到巢陵。非是小緣。但衆生泛常之見觀之。竟不生大奇特想。世故非堅。人情翻覆橫計。無常染習難緣。宜須痛洗心。魂志凌金石。少有出頭分。警爾因循。知苦未有盡日時在。

與于中甫

大都學道人。能未窮知變。則變不能驚。窮不能困。噫。此三昧非見幾而作者。孰能用之。

與趙乾所

禍福莫烈乎死生。故至貧賤之人。聞得生則喜。若登天。聞得死則悲。若入淵。然皆情也。如能率性觀死生。榮辱之境。不惟死生榮辱之境。不得奪我之志。且彼境密爲我。不請友也。故大丈夫。平居無大苦迫。楚之時。理不可不窮。性不可不盡耳。如此一著子。忽略放過於平居時。猛涉不可意事。交錯在前。則我之志。管取全被境奪矣。卽李卓吾雖不能從容脫去。而以速

死爲快。竟舉刀自刎。權應怒者之忿。亦奇矣。今直心之事。終不至喪身失命。極處不過放歸田里而已。又造物以逆境成就我。未可知也。由是而觀。則竭計。誅謀。排陷。我之輩。恐造物使之然。此等意思。若以衆人之心。領會便錯。過矣。直以佛祖聖賢之心。虛懷平氣。勉強領會。一有肯首處。則無我而靈者。頭面露焉。如此際。不信聖賢。而信衆人。則我終莫聞道也。人豈物靈。道不聞可乎。願熟思之。

適得手示讀之。亦不覺傷心。然立意擺布人者。第恐氣力不猛。計謀不深。一味欲直心。生無際地。死有餘波。此自古至今衆人之常態如是。故君子涉此境界。倘感激心生。弗堪受之痛。當自訟者。以君子見過之。生於自心。故訟極得力。時方見過。不生於人心。再乞痛思之。

二

古今福禍。皆初無常。直以天理與人情折斷。臧否無不驗者。若以天理折斷。人情則公道明。設以人情折斷。天理則私忿重。方私忿重。時則中外防閑布置。彼

之用心。未必不周密。於私忿周密之中。而忿者且衆。決死生之機。何如此。非人力可以陰挽也。然直心必無傷命之理。自然老蒼亦不忍事後或徵耳。

三

凡禍福人我之根。根於已發。若以未發照察之。則禍福人我之根本。無有地也。已發情也未發性也。故以情觀禍福人我之事。則有我而昧者。愈重矣。重則厚。厚則深深。則畜畜則決難輕泄。故報復人我百千萬劫。卒不能了此必然之事。而愚人不曉此理。於人我禍福之根。不但不能拔反。著力栽種之。恨未能深殊可痛也。故佛祖聖賢要人。聞道見性。別無他意。不過要拔斷衆人之情根而已。情根一拔。則向之禍福人我之事。皆漸漸化爲妙用矣。以妙用慧眼觀衆人禍福人我。爭競殊不足怪也。直心於今日人我場中。若不能開心洞。肺受野朽之教。則汝墜墮。但可流涕也。思之思之。又功名富貴。根於身。此身極壽。長不過百年。而百年中。享富貴快樂。又被愁多喜少。占大半去了。故百年中。享富貴快樂。亦不多。時何苦爲不多時。

禍福人我之情便甘把本性昧却。至人以本性觀是非榮辱不異太虛中微雲散聚耳。奚暇介懷哉。汝於今日多故之際。野朽不惜口業。種種開解。直心情抱如於野朽口業中錯過這些慈悲熱腸。則直心受苦時劫正。方長在咄。大丈夫情性關頭。若認得真了。則今日與直心爭競。害直心者皆我善知識也。苟有此見。何妨惡衣惡食。了我生死大事。去豈弗樂乎。汝名法復正爲今日耳。

四

天力。地力。佛力。法力。僧力。皆外力也。惟自心之力。乃內力。外力是助。內力是正。如正力不猛。助力雖多。終不能化凶爲吉。故曰先天而天不違。又曰自心之力。可以顛倒天地。設信此。不過別尋外助。斷無是處。野朽凡遇禍害。更無他術。但直信自心之外。安有禍害。一涉禍害。皆自心所造。還須自心受毒。此理甚平。法復思之。思之。

五

別來甚久。思念甚深。不知近來一切境界。或有意或

無心。種種交衝。能以觀音大士大悲大智。歸逆順爲自受用。三昧否。此三昧初。貴知得透。次貴行得堅。再次必期證而後已。又再次證而能忘忘而用始全矣。大丈夫何暇論儒論釋。論老是皆古人已用過了。不殊已陳腐。耳豈有閑精神。理會他雖然。若自家本有無生之心。倘未知得透。則儒釋老。白文要緊經書。又不可不痛留神會之。貧道每於好山水行坐時。未始不觸勝思。廣虛也。又思初與南阜。勺原。寸虛。聚首石頭光景。邈不可得。比趙乾所亦嘗披晤。但渠氣勝於理。則不免逆順境風搖蕩。亦可憫然。忠直不滅古人也。

六

持忠而遭黜。命也。惟知命。故恬黜而無悶。如黜而懷悶。則向之所謂忠者。果忠乎。若人之不忠。我必知之。此智也。非明也。惟我之不忠。於自心了。了不昧。此明也。非智也。今直心之忠。與不忠。惟天知之。亦惟直心自知之耳。且人將欲置直心於死地。幸得爲白衣郎。此莫大之福也。又何悶之有。大丈夫屢遭黜辱。不必

爲介願直心以大丈夫自任終必相見。有期。去年有書寄海若書中已言直心終必遭黜。倘晤海若取書徵之。由是而觀爲白衣郎不在今日也。直心直心休再沉吟。萬緣歇却。樂最甚。深以此送行大地黃金。

七

自正月二十日得手書。搖心頓歇。未得手書前。以傳溢紛然。雖有定見。亦不覺稍受搖眩。此人情之常也。但直心向後於筆札。不必與人極力辯清濁。是非辯則失其大大失。則局量便小了。且清濁是非。自直心離長安後。未嘗不漸皎然明白也。比來亦有人爲直心扼腕者。惟直心直置身心於無何有之鄉。饑來喫飯。困來眠。便了。倘豪逸習病發作。一味看得自大了。則我相不異乎。無何有鄉矣。且道這個時節。豪逸習病置之何地。幸無忽此。此是奇男子家常茶飯。此外別求。皆卽外道。直心果能見此透徹。觸境用得。則向之與直心爲怨府者。皆直心入道之資也。何怨府之有哉。湯若士近有音耗否。渠比來亦有思之者。老子曰。寵辱若驚。以老子之意。觀寵辱驚則等也。然此等

字。非藥體黜聰者。斷未易知也。直心如知之。再出頭來。於世出世法中。方許橫衝豎撞。做得去也。西風正。高空林落葉更深。夜靜。故人之思。何如哉。

莫憎人海風波惡。心外何曾有浪頭。豪習登時消不去。禪書飯飽細鑽求。

八

大都人情時事。於可意不可意之間。必有業使之然。業卽命也。倘信情而不信命。則感激百出矣。故至人知人情時事。變幻奪人之志。所以必先於窮理。窮理則見定。見定則人情時事之變幻。不能奪其志矣。志既有定。所謂生死榮辱交錯於前。雖未能無心應之。而持吾志。順理制情。力用不怯。則情自消而理日開。理日開。性必徹徹盡也。故曰窮理盡性。此一路話頭。向曾數提直心。直心以爲別有口訣。不傳。將此澹話。塞人公置之。而弗究及。觸不可意事。卽不堪人作賤。便欲拚命與人決個雌雄。豈大君子之所爲哉。故曰。有我我在天地中。無我天地在我中。直心若不能諦信無我而靈之理。力制有我而昧者。則昧終不日矣。

思之至此。察野朽。猶提此澹話。恐澹中有不澹者存焉。

與周金吾

居士三請謁矣。可謂勤至。然觀吾相。不若得吾心。且道如何是吾心。馬嘶楊柳春風暖。人對曇花慧月涼。能薦此再晤不暮。

寄繆仲淳

男子出世一番。畢竟何事要緊。即拜懺一節。若任情識支吾。不若不拜。既拜。拚弱性命。剜心割膽。哀號像前。惡習偏處。直下挽回。既回。片刻不可閒斷。纔閒斷。即如水銀詐死。復活要在順逆火中。橫煨豎煨。死到真處方可。

與沈及菴

佛祖有言。一切衆生。因想念而度生死。亦因想念而受生死。今人未登極果。即謂想念當屏絕。是乃不明想念。即賊即子之故。譬如劍握之劫人。即賊用握之。救人。即道用。即此想念。用之籌算佛法。想來想去。念去念來。莫知其然。衆生想念。化成佛知見矣。到此地

位方可說自在現成話。或未到此。當堅固想念。不可少懈殺法。

答某司寇

辱手示知愛女新亡。榮遷多擾。適當炎暑。情緒難堪。雲外鄙人。無能一代。勞痛徒爲長歎而已。雖然。貧道又竊爲門下賀夫。萬苦所集。皆從愛生。愛者既亡。則苦本已拔。且死者不愛生者。而長逝矣。而生者猶愛而哭之。哭之能使其復生。則宜哭哭之。未必能復生者。哭之奚益。昔有士人子死。痛傷不止。因自疑傷痛妨道。乃問妙喜曰。子死而痛傷太過。不妨道乎。妙喜曰。子死。死痛豺狼也。以妙喜言較貧道今日之語。吾語似近。不情。若實究竟。或有理焉。惟門下體之。北轉行止。想自有定衡。然貧道又有說焉。官當司寇者。握死生之柄。能忍哀一行。拚一條老性命。救得幾人不當死者。亦不可思議功德也。且能治獄。以情則神人悅服。神人悅服。則陰陽和順。陰陽和順。則年穀豐年。穀豐則民樂生之心。重。民樂生之心。重。則刑教易施。苟刑教可行。則於治道有補大矣。奚必濡滯哉。某久

託道中敢以此奉勸或當與不當亦其曝背心也

答某居士

得手書讀之兩過而居士所疑所見無不了了所謂我若無心餘者俱了。嘻此心豈易無哉縱能當下卽無亦非此中正事又云了得煩惱卽菩提決乃疑此復爲居士生大恐怖昔法眼益公事長慶久甚次見地藏老深始徹頭耳長慶高弟昭公昉公皆不非法眼率衆徵之曰公燒誰家香益公曰地藏汝何辜負先師眼曰吾不會長慶萬象之中獨露身句昭曰汝問我我爲汝決破眼問曰獨露身是撥萬象不撥萬象昉曰不撥益公申兩指曰兩個我問居士既是不撥恁麼却成兩個若曰生心於不撥上墮情了故成兩個如此見識要摸法眼鼻孔所謂冠章甫而化越矣安得恰好昉公撥一場懺懺則居士煩惱卽菩提與不撥便摸矣不知居士又作何出身之計跳過懺懺場去若人果真知生死極大此事必須了當且把尋常大家到得的解會一坐坐斷吞一個無味丸子不管味不味悟不悟日嚼不破加之月嚼月嚼不

破加之年嚼年嚼不破便擄此生不了他生難道不破則此中可來入得保社若無個等志氣個等耐煩切不要提起雖然是裏既不能措脚亦當於精要內典中著精神搜索一上則解路自精粗浮習氣自然蕩也粗習既蕩則靈根藉般若津之澆溉自然茂秀始可於作家手裡討個實果子終須不難筆舌卒難盡意倘披晤有期重新拈起亦不爲纏擾蓋做了此等蟲豸我也須耐煩也若不耐煩不惟堂前草深一丈管取達觀窮性命了在汝等業鬼手中

與馮開之

云何忽生之前初無生佛寧有人我奈何忽生之後凡夫根識庸常纔染人天小樂便移多生本願本願既移豈惟小樂難長享用只恐牛頭阿旁操鑊湯爐炭之具俟渠久矣夫本願者既稱佛子苟不以開佛知見爲己任則莫若深雲重壑悠悠自得也何煩投足風塵惹黃頭蠻子恣白眼也耶此言吾曹出處之分蓋如此若在家菩薩則不然有親則以親爲事有君則以君爲重倘其本願不忘卽假君親爲金湯蒿

矢委曲多方護持真乘。置得失於情波之外。化利害於願海之中心。如虛空。骨等金剛。千磨萬折。堅強不摧。如是則增一倍護法之心。消無量罪長。無量福。何以故。本願不傾善根。冥長故也。故以六凡較之。惡多善少。於善少之世。不幸不逢正像。又值末法。稍有靈根者。徐而察之。管取身毛皆豎在。降是更有何言。客歲初晤先生於吉祥。再晤靜海別後。道人抱病。潯陽百餘日。再閱歲之曹溪禮六祖。復買舟東還。忽勞盛事。生義當北上。爲白其寃。上諸公書。已仍復南返。適又值先生至此。似乎彼此本願。因緣力故。於無期會中。宛如期會。道人不以開佛知見爲家務。便是忘本。願自斷善根。榜樣先生不以金湯大法爲推輪。便是牛頭阿旁作戲具的樣子。吾言不妄。先生當痛念本願。毋忽。

二

前狀因文字冗鄙。敘事揚塵。不惟不能發先德之幽光。反足掩亂本色。如得其菩薩心者。於冗處情之鄙處。文之敘事揚塵處。直吹之以天風。洒之以靈雨。發

幽光於掩亂之中。全本色於散漫之後。使我龍首尊者。重現色身三昧於千古。再覆廣長舌相於十虛。則大明無乏高僧之談。而覺苑有傳心燈之光矣。貧道往復思惟。雖能言者。代不缺人。至於別冗化鄙。善鼓天風。海濤清洒。朽骨全本色。剖幽光。非先生之筆。將文則失實。實則無文。而理事軌逸矣。惟先生念我戒壇佛祖。慧命所係。卽爲我抖擻根塵。堅智願力。大舞筆頭三昧。成就乎彌普現色身利羣。無方幸甚。

與阮三城

老漢向來不解生病。忽爾病生。遇一切熱時。若火輪洞劫。寒時。無異寒水。地獄寒熱交作。時其苦復烈於單寒。單熱時。使老漢一片情識。卒支持不下。始返病不無端而生。生必有自。大都推病由業。推業由心。推心由不心者。既推至於斯。則能推之者。獨不心而歇。所寒寒熱熱者。隨歇而歇。惟初不寒熱者。固自若也。此等言句。向不曾受病者。漏之何異木札鐵丁。辱汝遠訊。從實復此。

與王宇泰

中甫人來得手書甚慰懸想。但書中云參禪不易。若只將心等悟。縱任貪瞋癡漸修之功。豈不兩成就。悞只得隨緣制伏。蓋言前薦得。屈我宗風。是教將心等悟。縱任習氣。資道曩與宇泰。舉揚時未始有此不知。宇泰何處得此知見。若真心要出生死。與人商量不得。須要自家討個分曉。資道雖宗門種草。若論見地。未始不以教乘爲據。證釋迦因中未值然燈。苦修多劫。終非佛因。值然燈後。一稱南無佛。皆已成佛。道此理顯白易了。見地一端。諸佛稱之爲大事。因緣今人隨情起見。或專求生淨土。或持呪課經。謂之借緣熏煉。消融習氣。殊不知見地不透徹。淨土豈能親切持呪課經。何異澆水增冰。總皆結業。毫無所益。古德云。悟明後方修行。然悟明之說。種種不同。有解悟。有修悟。有證悟。解悟者。從經教熏陶力久。心漸開通。又謂之依通識。解修悟者。宿有聞熏。曾少開解。但未得實受。用今生出頭來。或假修習。忽然疑情頓斷。受用現前。證悟者。根器猛利。不移刹那。習隨悟消。立地成佛。今宇泰卽未能修悟。證悟亦當閱熟一部教乘。以求

解悟。其閒習氣。以熏力故。不求損滅。而自損滅。然此亦必以證悟爲心。奈功不勇猛。流至於此。取法乎上。僅得乎中。可也。使但只隨緣制伏。而絕無求悟之心。則習氣終不可除。而佛道終不可成矣。何以故。種藕端的不生。禾故取法乎下。非其因故。

答樂子晉

辱手書。讀之何志大。而憂深哉。使吾神槍不已。法道凋衰。吾曹妄庸。誠如所言。顧惟魯鈍。道不勝習。才識亦復不甚遠。蓋混緇林。無補其教。人患不自知。能自知。則餘想自歇矣。魯鈍雖不敏。年來亦頗自知。短有餘。而長不足。世好諛。而我好直。誰能容我。人不容我。而我不自知。持方投圓。寧不倒置哉。且粗豪如舊。放不移。知我者。以爲渠胸中無他。不足較。不知我者。以爲狂傲無稽。恨不卽貼之死亡。爲快。以故魯鈍只宜佯狂。詐風。不拘山林城市。飽食橫眠。苟延此生耳。但有負高誼。慚愧何如。尊慈齒長。而子晉爲客。有年甘旨不能遂。而相知中。亦不能及時周旋。多口抱餓於故山之壚。而一身羈縻數千里之外。凡相知者。豈

有聞之而不急見之而不痛哉。由是觀之。則向所稱相知於子晉者。果相知乎。故曰。相知不易。易不相知耳。雖然。有深知子晉者。而力又不給。而力給者。未必相知。信乎子晉命之窮也。密藏關於禪誦之際。爲老漢舉似之。青山白雲。亦爲之變色。況有情者乎。又子晉慨世法出世法交喪。不堪憤欲剃染。然剃染一事。如見不徹。持不固。亦非易者。痛思之。孫武有言曰。少算不如多算。況無算乎。想子晉言必不苟。發預非多算。安能便爾耶。昔崔趙公問徑山欽禪師。弟子出得家否。欽正色曰。出家乃大丈夫事。非將相所能爲。予初讀此。以爲老欽恃高尚而忽榮名。及親驗之。乃知此老以眞實心吐眞實語。果不我欺。夫情根積固。豈崑崙須彌之可並識。浪奔騰。豈滄海岷江之可齊。將相雖非人傑。不可爲然。夾情做事。而少有才識者。人可爲之。惟出家一路。乘短生而欲拔長劫之情根。倚螳螂之臂。而欲厚竭滄岷之水。靜而思之。始知可否矣。顧子晉直以我言爲贅疣。大笑而割之。我亦無憾。清凉大雅。非他名山可並。倘能稍撥塵事。一登何快。

如之。且有法門一兩事。急欲面商之。潭柘機緣具堅。默書中不備。

與吳臨川始光居士

性宗不精。則不免墮事障。緣讀相宗不精。則不免墮理障。卷續。禪宗不了。則不免墮業公畫龍。卷續。近世黑白並乏。憂深慮遠之心。所以性不性。相不相。禪不禪。且性相禪三宗。各有綱宗。如天台八教。賢首五教。皆毫不可紊者也。豈禪宗獨無綱宗乎。禪宗若無綱宗。則岩頭龐但了。綱宗本無實法之語。得非孟浪耶。龐公宗門龍象。寧肯草草特後。人心識粗浮。根器薄劣。了不知古德之典刑。作家之大全耳。如知之脫不面熟。余知其心死而不復活者也。

二

到家果能打屏人事。專力淨業。乃第一義。第恐淨業理未徹。必受多生染種。現行因折行終難。副言也大抵有志淨業。切勿厭煩。厭煩則性相見地終不高明。率此不高明見地。專力淨業。而能困折染種。現行資發淨種功能。無有是處。往蘇秦欲恃口辯得官及裘

散金盡抱餓還家。方悟始以厭煩出終以厭煩歸。蓋厭煩則不能憂深慮遠。不能憂深慮遠則讀書必不能得立言人之意。立言人之意既不得。雖詩書滿腹。口若懸河。終糟粕耳。糟粕可以得官。官果能治世哉。不過循時具位而已。故秦憤我復還。探家所藏之書。至於懸梁刺股。輟睡忘食。稍得書意。再出方遂其欲。彼功名尚如此。況求出世法乎。以此言之。則見地不高。明淨業亦未易修也。思之又淨業一途。近時僧俗遁逃數也。三院當大痛省。老朽切怛如此。非無見耳。

三

臨汝別來。奄忽近歲。舟中光景。獨影昭然。信乎一微包裹十世。若必然者。達與臨川。未始睽違也。雖然。兩順一逆之關。未能掉臂。則性變為情。情復成性。所以然之說。斷不可不痛究之。且黑白親近。知識賴有此段瓜葛耳。否則方外之賓。絕物則高。染物乃卑。此亦自然之勢也。

四

此方真教體清淨。在音聞。音聞即文字三昧也。此三

珠又名文字般若。又名緣因佛性。如刻藏之舉。正所謂緣因佛性耳。蓋衆生所習無常。以緣因衆生性熏之。則衆生知見發現。以緣因佛性熏之。則佛知見發現。能熏如風。所熏如谷。此娑婆世界。非以文字三昧鼓舞佛法。法安可行。

五

臨行匆遽中。而事無不用。情可知。此非夙植靈根。兼有深心。視名聞爲唾涕者。不能也。第勞累始光於小善。細緣亦心所不忍耳。意在小善。不忽爲大。於其細也。法華云。以衆生有種種欲。佛以種種因緣譬喻利導之。亦此意耳。由是言之。但患衆生無種種欲心。如有欲心。則水外無水之義立矣。此義一立。又患水少。水不多也。幸深思之。近來黑白。或有不知此義者。善雖不擇勤而行之。乃人天果報。及魔外因緣耳。小乘則視衆善爲勞累。棄之若灰。灰恐其燒子故也。是以善無大小。直以唯心觀之。則德行未嘗不神矣。果如此。則勞累亦何獨不神哉。

別汪居士

林下野人受性狷介。齋於希世。行止疎慵。徒益英俊之笑談。茂補聖流之玄化。雖托於孤清之館。寧忘乎寂寞之濱。暫謝白雲。終慚丹嶂。將回。故錫。致報軒車。乞惟遂其猿猿之情。亮其犬馬之暗。得還初地。永祝遐齡。

與婁生

別後寒暑屢遷。去者不可追矣。每一念此。則婁生未始不在眼中。婁生。娑婆缺陷世界耳。缺則終難如意。陷則終難出離。難得如意。何往而非苦。難得出離。何往而非牽。墜哉。故衆人於缺陷之坑。作得意想。作得離觀。譬如執捉虛空。祇益自勞也。惟達者知身非我。有心逐境。生於是。死生不排而空。好惡不遣而化。所謂缺陷之坑。頓成極樂之邦。然明而不能勇。則身心二執亦不易排遣者。古人於冰嶮上走劒刃上行。亦爲死生之關。未易打破。愛憎之坑。未易出離。故有此喻也。於此兩者。未能解脫。則談玄說妙。爲山謂之口解脫。苟非入水。長人難見。婁生能痛不負道人慈念。管取缺陷坑中。如意珠放光。有日在道人乞食。

江陵遼遠。責縣某上人。空谷足音也。上人東歸。附此轅後。

寄顧汝平

大凡百工技藝。有志成其術。苟自心不死。而能詣其精處。無有是理。何以故。蓋心死。則一切舊染。失其樞。而本心自全。精神不勝用矣。然可死之心。必因前塵而有。既因前塵而有。如能達塵無地。則心不死。未之有也。又達塵無地者。關子有似達塵。有真達塵。凡似達塵之知見。謂之藥。汞銀見火。即飛去矣。曷能終吾事。汝自今去。必要到真達塵境界。則功名性命。當必克願。汝痛無負達道人慈念。

與馬君侯

夫雨有天。雨人雨不禱。而雨者天雨也。禱而雨者人雨也。此古人成訓。而人之禱天。在德不在爵。又非奇術可能也。誠而已矣。大藏之中。有請雨經三帙。乃大覺聖人慈悲真誠濟旱之良方也。明公既以蒼生爲念。誠發於中。則精徹天地。雨可必致。然須擇請戒行高僧。設壇淨地。依科奉行。請雨之法。必得雨以爲期。

隆興寺僧能課。頗亦真誠。行著鄉黨。當敦請主壇。加
以僧官。能錫輔。弱奔走建壇之後。再得一禪僧。夜
放焰口。斛食一筵。亦得雨爲限。良以亢旱所自。必由
乎所屈。屈而不伸。則抱鬱而怨。生怨生則悖戾之氣。
作下有所感。上必應之。若不仰仗大覺慈光。實力神
呪。并守土諸侯。卑弱虔禱。則屈不可伸。怨不可解。雨
烏可得哉。怨有多種。難卒備言。卽人情而推之。可以
意悉。惟明公大虛已。靈臺照野人之衷曲。凡壇中一
切費用。資具項件。但憑主壇者所須。在處公所當供
養。大悲雲生如來聖位。至於命各州縣禁屠。又皆明
公指揮之下也。且禁屠大都。有名無實。童蒙孺子。尙
不可欺。以不實況上天之高明哉。此又當榜以哀慘
告示。徧曉州邑。至緊至緊。

紫栢老人集卷之二十四

紫栢老人集卷之二十五

明 慈山德清 閱

詩五言古

宿洪福寺懷古

浮生若電露。豈有山河壽。磨筭高入雲。還同天地久。
其誰張麗筵。夜半操銅斗。逐鹿不畏險。攫金寧顧醜。
滹沱鎮長流。覆宿千峰首。骨肉靡暇念。侈心若淵藪。
霸功高幾許。直道難箝口。野寺秋風清。塔鈴解獅吼。
燈前聞草蟲。更復悲蒲柳。

山居

鳥道曲復直。遐邇通幽寂。枯松學龍舞。怪石疑僧立。
香雲彌足柔。清磬聲歷歷。老衲笑相迎。有意非言說。
宿可休堂

野人無心來。寧復有心去。來去總無心。白雲知所趣。
幽篁一徑通。落葉四簷聚。念此夜露寒。草蟲鳴不住。

紺園卽事二首

無風水自定。潭太虛。四岸交清陰。竹槐何翳如。
游鱗戲樹杪。天影看却倒。去者亦幽人。有情難盡道。

夕陽澄紺圃。淺港動蘭棹。

卜居在野曠。寂無塵俗想。疎鐘深夜聞。六根瀉清響。
晝讀天竺書。幽慮思恍恍。犬吠桃花陰。麥浪人來往。
最愛晚雨晴。空林反照爽。

芙蓉寺踰雲梁

白雲不知訖。折竹爲輶。帶幾度掃復合。流泉觸石吼。
望中峰巒奇。欲往未敢走。老衲駕津梁。去來恐怖否。
患媒以有身。墮體無堅朽。遲者既知此。死生何好醜。
經殘磬亦歇。豈更聞鷄狗。

龍潭靜室

睡起帶微昏。拭眼出禪戶。碧天紅日高。雲山光可睹。
倚闌聽流泉。橋上孰爲伍。岩側立奇石。向我石欲舞。
衲僧傍弗禁。於石生忌妬。汝本無心物。如何解玄路。
生公昔教汝。吾今擬摧破。一憎一愛之。且道誰福禍。
了此得佛心。未會大莽魯。

舍下邵巾留侯

子房椎秦氣。豈止萬丈虹。一旦能自下。進履圯橋翁。
翁怒竟弗納。復進心如初。苟非天地量。報韓計即疎。

佐漢功已成。超然掉臂行。青山去不返。爲答赤松盟。
月夜泊下邳。忽聞流水聲。尚疑先生在。感激無盡情。

山居

潭柘溪山深。那聞空谷音。凍雲雷忽鳴。日月其誰心。
塔前斜放光。此照無古今。老人不負渠。影響渠有餘。
渠能不負老。在處皆追如。

白仁岩

誰云山路險。我覺山路幽。空林鳴落木。斷壁瀉寒流。
徑曲難可記。雲閒時復留。樓臺斜礙石。松柏老成虬。
拭蘇讀殘碣。遠公豈凡儔。五篇悟今古。六事羞王侯。
危峯代主人。玉雪泛磁甌。蓮漏滴弗酒。棋枰局未收。
悲歌曳杖去。日暮不勝秋。

夜坐上方山即事

頭戴古人笠。夜禪松露泣。怡然醉遐曠。想是多生習。
雲鎖兜率門。人來撥雲入。瑤梯知幾層。攀援鐵繩急。
舉眸見樓臺。重疊峰巒巖。磬韻瀉空翠。清泉道者汲。
水窮路亦盡。相見惟合十。茶罷揮麈尾。雄談匪暇給。
中岩月未沈。謝法且長揖。貪睡但畏曉。那復顧衣濕。

潭柘山一音堂寄懷靜光滑居士

世路多崎嶇。悠悠寄巖谷。去來惟白雪。天地亦窮屋。
渴有泉可飲。懶餽鐵松充。祿明月上東峰。貝葉聊披讀。
會旨忽喪我。虛心而實腹。愛生死媒進。忘所能豈獨。
譬若古寶鏡。無塵光自復。松邊坐良久。介爾一成六。
天水本不遠。亦寧非五竺。行蹤顧難留。薦茗誰擊筑。
邂逅雖可期。江山阻人目。搖搖莫盡思。卷來托茲幅。

晨起蕭岡納涼

煩暑不可捺。扶筇傍溪光。偶然值幽陰。輕風發林芳。
新荷浮湛露。閒雲停蕭岡。遠山既以淨。遠水亦以長。
眠鷗驚復定。吾與我亦忘。寂寂花暫落。浪浪溜鳴廊。
雖有合塵心。其如法中王。爲問西來意。倒影泛虛堂。

日暮歸自龍潭

利名非烟霞。率人不辭遠。泉石非美酒。醉我不知返。
狂笑出重幽。殘陽沒松坂。

長松館夜坐

禪庭就樹縛。草徑遠塵寰。有時鳥相語。無人來叩關。
江聲蘗松響。飯訖聽潺湲。染習漸將洗。靈臺似近閒。

許詢解設難支遁答非慳莫問城樓月潯陽照碧灣

山居即懷

峰泉本澁好何必修飾之蔬食飲水外白雲可悅怡
放言慙末德危行竊與期麋鹿散還聚詩書忘復思
相知嫌地遠誰共嚼紫芝

仲夏攜覺生受食芙蓉山中

閒將飯袋子共爾納涼此雲鶴樓高松池魚玩清水
有心豈得妙無念墮寂止前識古不貴朴哉智之始
歸鴉點暮烟杖履懷故里

覺生評講釋二韻險絕難廣和予應覺賦此

二首

明珠藏老蚌蕩漾吳門港一旦誰剖之圓光照佛頂
談經不須舌直示但用棒高枕臥顏巖松濤代畫講
松窓匪貴簾常以雲爲巷雨歇千山寒流泉隨勢降
林鴉噪夕陽碧漢浮彩虹村落牛羊歸晚鐘何處撞
人生特寄耳埋骨無賢意

題骨香菴隆公靜室畫梅

萬木凍欲死枯槎銜春色禪房午夜寒明月挂枝側

彷彿暗香浮鼻根不可識支郎定初回瘦影橫癭肋
此意向誰言冰魂自相得鹽梅非所望投老終佛國

悼無相容公

是身如邱井聊以命爲綆汲久終必斷世中有誰省
輸他達道人念起恒自微生滅本一條見形即知影
去來有異同誼寂靡炎冷刀斗豈弗停沙門觀力猛
未死恣昏動含識豈超韻遠公之清塵師歿孰爲整

悼如超

往曾見吾影實未得吾心見影雖植因得心道可尋
死生非細事神寂昏不侵苟非得道骨安能無浮沈
難消是五障易失惟一音新塚遍芳草松風多悲吟
誰有堅固經嗚此無生琴

哭素菴師

棲霞久岑寂泉石漸光霽願力洒心血禪宮始壯麗
青山色不老碧水流無滯舌相與德容見聞安可契
師來春著物師去猿亦涕愧我徒識師弗堪支傾替
東南法梁折苦海浩難濟小子瞻白雲幾回淚沾纔

長松館西風吟

朝來坐庭除。木葉墮不歇。未是西風高。千林如脫髮。
林林或比邱。遠近坐兀兀。無口舌豈勞。妙音從手發。
門人聚白雲。聽法誰敢忽。以眼爲耳根。聲塵迥超越。
長松強出頭。夜靜挂明月。萬籟寂不喧。月明滿禪窟。
閒中度朝暮。所見何賞罰。

燕山送無言道公住持少林寺

青山不易老。白日何其短。葉落黃金臺。誰人行急緩。
四泉清且深。五乳秋雲滿。取汲豈有心。爲霖濟枯旱。
苟非善用之。雖正亦復反。鉢樹旣成袍。帝座香未散。
惟輪久失主。賞罰責明斷。祖令試全提。波旬應左袒。
焦螟泊火聚。燕雀秋鵠邪。直下不生心。聖凡俱納款。

芭蕉菴偶成

誰謂城市諠。我居若空谷。晨昏雞犬聲。誤聽作岩瀑。
庭際羅雲石。微風撼疎竹。故人家務忙。誰共法海沐。

石門寺

我愛石門寺。臨川清曠處。業當水月深。道益魚龍助。
帆影亂幽窓。櫓聲搖靜慮。南山及峨眉。併換終不與。

讀法華經

一室住峰深。樵夫猶莫尋。日永閒不徹。獨轉蓮花經。
自誦還自聽。問渠誰賞音。反復細推究。本來非二心。
如何根塵識。三者各有因。使我疑難解。取決白雲岑。
白雲亦弗答。隨時變晴陰。

梵川

水曲午風清。輕舟浪花淺。主人遊未歸。碧草坐來軟。
有茗向誰啜。有心向誰展。青春感逝波。白日應共勉。
何必觀滄溟。乃稱雲濤瀾。崑崙與培塿。會理非隱顯。
島嶼壘塊成。池塘貴折轉。水澄見樹影。隔岸雲舒卷。
中流構精藍。荆棘試初剪。魚鳥識香燈。兒童慣習善。
輞川王右丞。泉石寄軒冕。今有曲阿生。梵川託幽選。
道人偶飯茲。細雨濕蒼蘚。理棹向何處。北園少鷄犬。

過石鐘寺

長江水不淺。湖口山不深。雲石多奇巧。疑生丹青心。
子偕二三子。取次望春林。何異畫圖上。歡笑發空音。
假山與真山。象始可相尋。

過匡廬棲賢橋

我昔遊峨眉。峨眉青雲閒。巴江瀉天上。千里一日還。

今來匡廬陽峰巒潛復翔。玉淵溢必泛三峽。何鑿鑿行倦坐橋側。鳴珮聲琅琅。聞遺心獨清。觀音舌相長。幾人度流水。卽影見慈光。

風塵通觀

風塵齊水月。染淨但唯心。試看匣中鏡。澹然光靜深。一朝縣高臺。萬像等照臨。好醜識不昧。未嘗煩沈吟。予心得如此。寧畏風塵侵。

棄杖

柳栗何所生。托根峨嵋石。偶然棄此山。尊者何得失。且以四塵觀。推之本無質。寧惟此杖哉。萬物同一職。

贈馬子善

堤上垂垂柳。堤下青青草。等閒清遊時。文章皆極妙。不假彫琢工。天然而自巧。借問此何來。胸中無煩惱。

贈明月寺皎如

古寺負靈岩。湖山最深處。微塵固難近。心遠本非預。流水解清談。白雲好來去。經殘坐松下。調息澄俗慮。明月懸高天。空床任箕踞。莫憎青白眼。身世等飛絮。

山中卽事

粥殘無所事。策杖尋幽去。岩下聽流水。冷然爲誰語。天寒茗弗熟。霧重晝匪曙。此本龍蛇鄉。廓然忘怖慮。談笑殊未休。日暮難久據。月上還再來。何必生猶豫。

過天寧寺有序

余讀唐李長者決疑論。是知無爲而成者。天也。應物而不亂者。寧也。故古人有以擣寧自號者。亦此早春攜二三法侶。謁李長者於方山。旣而還清涼。以薄沱冰將泮。徘徊未渡。少憩天寧。遠公禪房賦此。

年華不可留。齒髮豈堪倚。旣少終必老。逝波力難止。無生則無死。有末必窮始。岸柳夢欲醒。桃花尙含恥。同誰遊寶地。歡茗談莊子。一嘯出門去。千峰翼方起。

方山金剛泉

丈夫思軟暖。任事不耐長。一飲金剛泉。形骸頓堅強。視生與死等。視苦爲樂場。此觀久成熟。身心俱清涼。

送得心開士遊五臺

牢山去五臺相近。亦相遠。近則在剎那。遠則離涯岸。生心禮文殊。何啻太虛電。轉眼光已沈。掌紋不可見。

秋高風色寒。落葉情無限。望孤雲遙。令人看眷戀。
讀經曾敷蓮。陸地清馨遍。今昔悅仰中。千里寧隔線。
大士笑相迎。茗貯玻璃碗。鼻風生浪華。香光搖臺殿。
無錯箭鋒機。掉頭空絕囑。

月下讀書

天高秋露寒。元侶皆寢歇。油濁燈頗昏。讀書借明月。
得朋古始初。會理心自愜。釋卷夜已深。清光滿岩穴。

過龍門靜室

羊腸路高低。深林秘禪宮。既到坐門次。重疊皆雲峰。
剝木三百尺。閣石架虛空。寒泉委曲瀉。點滴落厨中。
昨見僧頭上。水聲來匆匆。相看拍手笑。王維難形容。
惟有無心者。會旨超塵封。

春日登清涼

昨來進幽谷。草木時雨足。欣欣向人笑。紅黃開紫綠。
揮戈日難返。流泉去甚速。正思東家邱。川上嗟不復。
蚤春謁李長者著論處。

高人李長者。風致久欽尚。問法蒲衣子。從茲乃西往。
青山不改色。白足遞酬唱。人代付流水。雲巖獻奇狀。

芙蓉繞禪室。貝葉生佛想。春雪被四野。玄津滌五障。
華嚴佛始談。大論誠快暢。恨我生何晚。不遑奉巾杖。
猶欣侍尊者。龍象共趨蹌。夜寒山路幽。再宿解悽愴。

尚朴崖

予非太古人。君是太古石。今昔甚懸遠。一朝此相識。
因悲世道衰。尚友千古客。柰有峨嵋遊。匪違久侍側。
雲邊言別離。杯茗瀉慘惻。敢企明月心。常相照行識。

針鳳林寺有感

昔人依寒巖。虎豹常爲伍。片心委寂寥。頽然混沌父。
古木不知春。鳥不驚樵斧。一旦陽光回。白雲化丹圃。
我老欲投杖。已生峨嵋羽。

食菜

莫嫌菜味淡淡中。趣甚長。長者可以久久。則耐歲霜。
人謂梁肉美。我愛菜根香。東坡曾有言。大丈夫須嘗。
淡泊滋高明。奢侈汨心光。節儉可成家。費則近淫荒。
聽我冷舌言。天下亦可康。

山堂夜坐

空堂澄佛火。寒月照僧笠。俯仰天地閒。冰壺喻不及。

微雲淡欲斷。野鳥雪枝集。廻嶺互明滅。流泉凍弗泣。
相將坐遠旦。行者頻乞入。所樂既難齊。滄浪豈牛習。

秋夜宿積善菴洪上人禪房號大宗

微雲散空碧。片月當天竊。獨聽草蛩鳴。遺塵契深奧。
緣粗而得精。精化合常道。目擊猶千峰。語言豈可到。
虛憊涼初高。擁毳坐來好。黃葉飄秋風。夜中誰復掃。

潭拓一音堂卽事

三界如旅泊。北邱寧敢著。去來類孤雲。足跡難可摸。
樹下只一宿。遲回恐生縛。雖梁與畫拱。眷顧詎非錯。
末世風俗澆。鬚毛徒剗削。酣然醉大欲。男女飲食樂。
雖復著袈裟。諸方亦行脚。研窮本色事。凝默熱惱灼。
一日死魔主。惶惶何所托。

吳江聖壽寺

吾愛吳江山。浮杯恣幽尋。又愛吳江水。臨流閒照心。
城中有古寺。銘碣何埋沈。偶讀高僧傳。赤烏到於今。
佛燈斷復續。棒喝振雷音。禪虎踞堂老。昔曾踞此林。
殘碑陷新壁。每動騷人吟。近世微某公。幾遭荊棘侵。
何其棄而去。令我彌愴襟。山豈貴必高。水安貴在深。

寸虛苟無欲。朝市卽雲岑。曠然離苦地。誰解投管纓。

名二泉詩有序

余遊廣慧寺。見一泉湛然明瑩。歡喜心生。熱惱自
消。因名之曰歡喜泉。復見一泉淙淙然瀉。諸龍吻
若枯禪大龍神遊覺海。慧濤洶湧之中而不撓乎。
澄潔之性。有卽動而靜。彷彿乎禪定之象。名之曰
禪悅泉。後之高人勝士。過廣慧者。皆生歡喜入禪。
悅庶無負名二泉之心乎。

歡喜泉

千峰有流水。一見何皎皎。歡喜油然而生。相將山月曉。
掬之聞妙觸。直下無不了。夜靜鍾磬歇。清音瀉叢篠。
更聞洗鉢殘。惹得游鱗遠。

禪悅泉

商者見利喜。農人得雨悅。空山萬籟寂。老衲默無說。
所樂雖不同。適懷寧優劣。寒颼吹微雲。凡聖情波徹。
過某公禪房

鑿破千尺冰。雲邊結方丈。漁樵絕往來。天地同俯仰。
不見喧笑聲。但聞流水響。山深遊子稀。夜靜明月上。

把袂論素心。忘機其大業。爲烹虎邱茗。已接鸞藤枝。
何處動疎鐘。此時離靈掌。人生若福泡。莫使煩惱長。
高堅曾進履。共超無明網。

寶珠泉有序

嘉靖間有禪者不知何許人。雲行鳥飛足跡滿天。
下而愛杭之徑。山有凌霄峰。高出羣巘。石少土。
多可以樹藝。然以乏水。棲者不能久。此禪禱於龍。
神一旦泉湧。成掬更三日。泓然厭沃。龍象笑萬歷。
壬辰仲春。自杭來五臺。言其始末如此。遂賦之。
寒流迸絕頂。清冷遠泥濘。午夜微雲空。水輪印滄瀾。
誰披破納頭。分玉注爐鼎。熾炭三沸初。浪花明珠並。
試傾磁甌中。一啜禪夢醒。

芙蓉寺

千峰有流水。碧沼有明月。承坐香雲柔。此心何所關。
美人秋思深。肯向岩隈歇。麋鹿去復返。孤鴻天際沒。
滿城夜露寒。燈火照佛國。鏡裡浮幢新。山河壯禪窟。
重過樓煩寺。

至人將欲誕。寶地湧靈脉。飲者無賢愚。俱然消諸厄。

一朝產金芝。佛日生大夕。千古鳴法雷。舌根等堅石。
樓煩師之里。爾我悲陳迹。鷹獸秋風高。東林正蕭索。
聰明泉未枯。勝井塵土積。搔首共踟躕。哀鴻催白髮。
敢承聖者光。分發照靈貺。況復中華生。自來雷法澤。
慚余道力衰。匪及爲輝赫。

玄岡山店別事武諸法侶

偶然飯山店。法侶動正念。反視身與心。豈殊速閃電。
百年喻朝露。日出花即飲。寵辱鏡上塵。本光澆相染。
秋風催馬蹄。去去情無厭。

過清涼義塚園示某禪人

鸞姬遊花林。過者誰不讀。白骨亂荒草。見之誰不嘆。
從來百年中。好醜隨時判。嘆者未死時。容儀何繁縟。
讀者埋黃土。白骨同一貫。佛說女三昧。卽身成境觀。
比邱住尸林。攝念厭分段。如觀一枝花。洞悉春無畔。

過華嚴菴

流水青山曲。誅茅拭心鏡。法界雖四重。了之凡可聖。
風高鐵磬寒。月上松窻淨。莫謂故紙厚。鑽研力須勁。
一塵忽剖破。大藏頓究竟。且說春光深。杏花正當令。

浮生能幾何。誰悟身爲病。

驅旱魃有序

予道與善寺觀麥苗枯槁。知魃鬼爲祟。遂賦詩驅之。期雨足爲驗。

苗麥仰甘泉。赤子饑念乳。我自清涼來。久離熱惱伍。行中覩枯槁。魃鬼握炭斧。喜旱暢淫習。羣生失所父。民以食爲天。麥枯將誰怙。聖哉大悲覺。雲澍滋朽腐。遐邇聞雷音。妖魃墜幽苦。

偶成

長年只滿酒。靡事可牽掛。山河喻蒼狗。生死齊野馬。曹劉無幾豪。榮枯轉頭罷。輪與世外人。金剛虛空畫。

五言律

開化寺有感

建勝自隋唐。燈傳不計霜。幢高文字古。碑臥藓苔蒼。雨過金容泣。花開鐵釜香。登臨曾感慨。槐冷鎖斜陽。

散髮受食芙蓉山中

散髮長林下。清歌傍碧渠。水流天影在。風靜竹聲虛。路出雲松杪。心遊象帝初。上方誰送供。香飯及池魚。

客多勝閣

寡欲地終偏。忘機趣自元。帆檣爭碧浪。日月走青天。耳寄江聲外。心遊象帝先。人閒通覺路。登眺石門邊。

日暮二首

風落春時葉。堦生雨後苔。門前雙樹老。竹外片帆開。高塔嘶沈日。祇林隱鏡臺。遙看情不盡。宿鳥促歸來。日莫泊灘頭。隣船燈火浮。地高疑傍斗。天暗自停舟。春暖衣初減。江清興更投。殊方皆逆旅。鄉語信蘇州。

雪中有懷

寂寞空山裡。連陰雨雪重。鷗愁巢樹折。猿慮洞門封。草木應難辨。山川彷彿同。誰能明此意。夕霽上方鐘。

潭柘元日聽泉

一年今日始。寒谷煖初生。松下浮天色。雲邊領磬聲。翻然辭絕壑。此去向滄溟。吾道秋風冷。波光浴日明。

山居

住在萬峰深。遊人何處尋。斷崖能障路。流水自成吟。白髮生空想。青山冷世心。那知城市裡。正畫擾黃金。過報恩寺。

一棹到禪居。溪山春雨初宿雲橫古砌遺像臥荒墟。
斷編迷唐額。空梁得宋書。同遊皆法侶。誰可振門闥。

明月池

老禪閒消遣。雲邊斫此泉。淺深不可測。今古但澄然。
照影渠看我。涵虛地壓天。夜寒羣籟寂。明月幾虧圓。

秋夜宿本侍者禪房

儂家所住處。長日少人踪。水月四時有。雲山幾萬重。
黃猴偷紫芋。白鶴立青松。夜靜成孤坐。燈前孰所從。

遊張公洞有序

暮春與二三子遊張公洞。玉女潭舟中披閱支公
小品序。倦而舒目。忽見舟前碧翠浮空。波光映几。
時高論者清難雲。構虛懷者瓶瀉而酬。次復舍舟。
策杖尋樵徑而入。既至蒼松夾道。修篁點黛。怪石
亂出。清泉滴響。仙源幽勝。應接不暇。時有小作藥
記其事。雖無雞園鹿苑法。咏之倡和。亦一時之良
遇也。

微波搖樹影。風好片帆輕。望裏千峰秀。行邊一水清。
高言消永日。搜闕托幽情。相去桃源近。時因法伴登。

北園藥咏

閒來無所事。觀花適幽情。鳥路生明月。魚程混太清。
蒼山常問寺。濁世不留名。雲外存知已。前峰鐘磬聲。

泊湘中

日暮停舟處。蒼茫古渡西。雲羣江上月。雨濕客中衣。
行侶鄉音異。隣船燈火微。故山千里隔。迢遞不勝悲。

巖居卽事

潛壑堆雲處。寒泉不斷流。千峰長鎖翠。六月只如秋。
蟻鬪驚天地。人空恣馬牛。山林與城市。心歇便相投。

留別慈公

大道久荒涼。離歌東海旁。行踪將萬里。津濟正微茫。
白日肝腸苦。青山骨肉香。相逢卽相別。揮淚欲沾裳。

示于潤父

寂寞英雄地。浮華計不深。好花開萬品。古木獨千尋。
路盡生奇智。言窮得自心。封侯西海上。白骨博黃金。

過邢匡石居士

朝來居士家。一路踏烟霞。會理花非待。開池水有涯。
石橋當戶險。山郭帶江斜。飯罷無餘事。空窻轉法華。

同開侍者繆仲淳宿洪福寺有序

昔思大禪師登南嶽。恍若舊遊因掘地得髑髏。及瓦鉢。道具遂創招提。以三生名之。貧病與二三子。過洪福寺。四顧躊躇。亦若舊遊。第不知前生髑髏何在。雖然。卽非髑髏。瓦鉢思大前身爲南嶽風月主人。猶信也。洪福由唐迄我明。廢興不知凡幾。其寺僧慈峰朝公。今復力舉廢墜。而貧病與二三子。阻雨得假信宿。朝公索詩題石。遂賦此以結三生之緣。時萬歷丙戌夏六月十有一日也。

信宿中流寺行藏支許從。禪居開水月。佛光照魚龍。石弔英雄跡。雲埋今古踪。廢興無限意。問取舊栽松。

牢山海印寺

珠林完舊物。天子錫靈文。鳥道懸丹嶂。僧堂起白雲。魚龍階下宿。塵世海邊分。佛火誰相續。心香朝暮熏。

梵川偶作

情縱頭頭礙。心空事事如。死生雖復大。來去總由吾。貯水煩滄海。關風役太虛。諸般皆便用。何物可能愚。

石門舟次

石門前代寺。澤國隔塵氛。四面皆流水。孤峰獨出雲。寂音陳世界。長者列經文。舟到黃昏裡。鐘聲鼓後聞。

偶成四首

折葦來初地。漁人枕浪眠。塔鈴閒自語。僧夢醒忘緣。井竈魚龍窟。風塵水月天。雖非親眼見。澄照尙依然。住山無甚巧。一味朴頭來。雨後開新地。燈昏剪舊煤。照心翻貝葉。觀足護蒼苔。久斷風塵路。何人問大梅。草坐白雲寺。閒中自較量。利名非我事。歲月讓人忙。飯飽松花粉。烟浮栢子香。流芳如可待。公道屬侯王。我自別人閒。空山擬投老。松風六月涼。潭月千古皎。黃獨雨後肥。白雲不煩掃。來時路正忘。欲出問誰好。

少林晤高竹川襄陽復晤却贈

一別幾經霜。相逢鬢共蒼。行蹤雲聚散。此道路低昂。多病知禪觀。無才損世忙。少林今夜月。應復照東廊。

秋日與黑白諸法侶遊衍恩寺

秋日來金鼠。西風落葉聲。堤楊猶帶綠。池草尙含青。斷碣迷前代。空山慨世情。同行皆法侶。誰解說無生。

嘯風

乾坤全賴爾。萬物恣翻騰。撼樹惟聞響。排雲不見形。
吐吞真有力。來去本無情。一種呈奇處。空山送磬聲。

臥龍菴

寺藏青樹密。路轉白雲深。山帶前朝色。人多上古心。
浮塵不可見。流水自知音。滿目東西意。題詩期再尋。

秋夜宿水月菴

黃昏泊釣臺。坐聽草蟲哀。水濶天無辨。堂成月自來。
已醒蕉鹿夢。肯使海鷗猜。對岸人如粟。登臨念自灰。

登那羅延窟

菩薩僧常住。皈依上翠微。山高疑日近。海濶覺天低。
島嶼屏中國。波濤限外夷。重來防失路。拂石一留題。

金輪靜室即事

縛屋依金刹。時聞鐘磬聲。種苗非博飯。勸草代經行。
春水涵天碧。雲山當戶青。斬蛇誰取性。拭眼證無生。

新秋念開郎

客裡逢秋早。林閒宿雨涼。小鮮猶聚樂。侍者却甘忘。
莫謂千山隔。須知一脈長。狂心終自歇。含淚禮香床。

題張公洞

清曉探靈蹟。行歌入翠微。山光開眼界。泉響淡塵機。
去路非難進。浮生不可期。洞門雲不鎖。出處未成迷。

題玉女潭

長松夾道陰。幽勝許吾尋。樹老寧知歲。潭清驗此心。
同遊俱法侶。消歇聽鳴禽。杳藹天將酉。時聞簫管聲。

溧陽莊結夏念開侍者

閒中無箇事。鐵鉢貯清泉。鏡面浮天色。禪心空世緣。
人生既不久。幻影豈常堅。相見難相悉。開郎尚未旋。

過多寶寺弔元菴穆居士

塵中開覺路。訪勝夜登臨。貝葉依然在。蓮花誰復尋。
行踪寄軒冕。名姓落珠林。一片青天月。先生萬古心。

出佛兒門別潭柘山嘉福住持佐公兼諸法侶

靈脉來何遠。溪深知幾回。雲山常忽斷。天日頓重開。
道大終難隱。名高不可埋。行當尊貴下。空翠湧樓臺。

贈王太古

旅底逢王子。風標迥不羣。身家流水葉。心事遠山雲。
任俠猶存劍。陶情但屬文。何如俱屏却。世外一期君。

慰徐覺非

暫息還鄉思。同來聚雪岑。雲山常在目。妻子不牽心。
月下搜禪觀。閒中學梵音。更憐豪縱習。鑄作大悲針。

國山寺訪了虛不遇

迢遞來烟寺。松門夾道生。青山太古色。流水自然聲。
石上癡龍跡。林閒怖鴿鳴。西江相去遠。誰慰客中情。

登天目山頂

歷盡巉巖路。中峰地忽平。捫蘿重涉險。坐石看雲生。
有飲人方忌。無心道自成。相將登絕頂。更覺此身輕。

馮元甫書室

逃塵寧是隱。養素在蒼生。湖水硯池碧。秋山筆架青。
烟雲通藻思。風浪漲書聲。永日人稀到。惟聞幽鳥鳴。

舟次石門弔古

筠溪任黑風。折葦石門通。一水中浮玉。孤林兩抱峰。
津梁勞佛臂。舟楫濟禪宮。歲莫探陳蹟。悲歌寒霧濃。

梵川穀居二首

水國廠禪庭。微舟不可輕。波光搖閣影。松吹學潮聲。
魚小知常恐。龍癡睡未醒。莫言城市近。隔岸遠山青。

閒來坐池館。乘月弄潺湲。驚鷺浮天上。漁舟放樹閒。
鳥喧因論法。龍出未歸灣。已少尋幽者。柴荆不用關。

螺髻山送傅廣居

窮窅不知深。誰同此一尋。聽雲天地耳。抱寂聖賢心。
漢室青山在。韓祠白日陰。那堪離別淚。春酒洒海螺岑。

偕諸居士登墨光亭

地僻無隣並。同來日已暝。穿雲驚宿鳥。帶月到幽亭。
近水堪資觀。虛窓可寫經。漁舟催早渡。風冷夜波腥。

喜于中甫再入潭柘

喜爾到山中。雲門一破封。聽泉身世盡。坐石意言空。
明月東生海。焚香禮大雄。來朝今日路。杖屨出千峰。

秋日登玄墓

覽勝攜高侶。捫蘿謁梵宮。千山飛片雨。數載寄孤踪。
空翠鳴疎磬。波光照遠峰。烟霞誰愛客。相送有支公。

過菖父寶願寺有感

新秋遊寶地。落日照城隈。馬跡侵蒼蘚。蟬聲泣古槐。
短碑師子孔。高世鳳毛才。此日扶消歇。還須玄度來。

同勉講主過洪山寺

舉刀無可欲。斷足是何心。法雨千山潤。慈雲萬里陰。
清泉還似昔。白血到於今。古碣迷荒草。同誰杖屨尋。

暮秋宿龍興寺

入寺烟霞古。金繩鎖梵宮。譯經人不見。呪水鉢成空。
漂母河邊草。韓侯墓上松。夜深誰共坐。難聽是秋風。

示吳康虞

此生卽曉夢。龍辱兩俱非。三棹何時息。千峰早晚離。
乾坤鏡裡象。身世鼻端泥。去去春程遠。烟花示密機。

圓常寺次松窓宗室韻

欲濟沉無舟。名林亦可留。樓臺片雨歇。河漢淡雲浮。
水靜月方定。心空境自幽。慧燈明徹夜。日暮不須愁。

夜讀楞嚴有感

軒冕增人相。松泉冷世情。微官五嶽重。大道一毛輕。
石淨雲生倦。窓空月愈明。殘經翻未了。何處曉鍾聲。

訪鹿野坪微空禪師

林叟持高節。幽居淡世情。閒朝觀鶴色。靜夜聽泉聲。
行道一身健。翻經兩眼明。自慚投社晚。乞地結松陰。

清涼有感

幽谷深雲裡。樓臺知幾重。西裙歌夜月。緇袖醉秋風。
鶴犬聲將遍。猿猿跡豈同。因思張相國。一怒淨龍宮。

燈下懷憨山

支郎昔住此。冰雪記流年。已就屠龍技。猶參伏虎禪。
法雷鳴十地。花雨散諸天。信宿空心累。焦桐擬徹絃。

山居喜雪霽

一室萬山中。何人問遠公。雪迷樵子路。凍合蟻王宮。
照性知非染。無思始契同。朝來餽粥罷。海日上東峯。

一微泉懷法侶

路斷千峰際。雲門忽破封。好山知幾疊。幽草自成叢。
石徑通林杪。寒泉出壁中。下方諸法侶。誰得此相從。

仲夏偕諸法侶游上方喜雨二首

路向平田始。蒼崖似削成。有天當絕頂。無地可兼程。
避世雲非淡。忘機水自清。同來逢好雨。鐘磬報新晴。

結屋近青天。居高地自偏。鳥鳴階下樹。龍出洞中泉。

山月通宵白。松雲拂暑炎。遙知城市裡。枕簟不成眠。

五言排律

過知鄖澹然齋

地僻資心靜。池空悟世忙。廻觀南末有。強謂是常光。
樓閣窻中影。松泉鏡裏香。雲山終不老。水月爲誰涼。
天破魚吹浪。書拋客臥床。去來情不染。喧寂路俱忘。
莫厭茆齋小。風塵別道場。

紫柏老人集卷之二十五

紫柏老人集卷之二十六

明 慈山德清 閱

詩七言古

釣竿峰

漢家失鹿爭相逐。江上一絲山水足。夢裡龍蛇戰正酣。
羊裘之外何所欲。釣竿偶擲化危峰。掛月撐雲曾不曲。
君不見渭水垂綸一釣閒。享年八百資亭毒。先生一釣成何事。
萬古令人仰高躅。

夜宿盱江太平橋南

昨夜太平橋北宿。今宵太平橋南眠。橋南橋北只一水。
一水何曾有兩船。若得詰朝天氣好。從姑山上訪。

神仙神仙初亦是凡女。欲海情枯斷愛纏。一斷愛纏蛇爲龍。
飛行自在獨超然。

野鶴

千峰道人天邊鶴。三年狀頭籠中雀。天邊野鶴自在飛。
籠中飽雀甘束約。松雲軒冕病不同。幾人知病能服藥。
自笑少學屠龍術。伎成無用渾棄却。瓶錫婆娑到處遊。
楊枝漱口朝自嚼。苦中有味頗清涼。龍肝鳳肺輪寂寞。

梵川問月攜麟郎覺生

吾問天邊月。可曾有離別。燕山與吳門。幾見月圓缺。
或復海上生。有時林閒沒。光輝在隱嶺。肯爲迷雲汨。
君不見長安道傍。蕭寺中焚香露坐月。當空昨宵十八高人聚。
雲月無邊爾復從。又不見不傳之妙亂拋擲。滿地珍珠誰拾得。
此情難借空虛喻。摧破空虛須著力。

送栗菴居士來南閩

道人自慚情未空。憐君遠行心忡忡。漳州一去四千里。
崎嶇不知經幾重。分水嶺頭縣鳥道。僮僕相呼晚。

與早何處寒雲猿欲啼。日月不催雙鬢老。梁山見說多霜松。松根抱石苔色濃。幽期無負有如河。無子掃髮千岩中。

趙州柏林寺壁間畫水

畫水何曾有水相。有相焉能畫水狀。靈臺無物湛然清。信手風生掃成浪。視之滾滾聽無聲。日日波濤千萬丈。此中未必無魚龍。頭角潛藏待雷響。君不問畫水之時。念不生念。生畫之終不成。譬如陽春回大地。紅白枝枝豈有情。

送鶴林寺海祥禪人還南

千年常住一朝僧。汝師獨為常住死。蚊蠅雖微尚貪生。人而安能可愛此。吾悲死者賦此詩。莫言朽骨無所知。幾回竹院月明夜。幽魂嗚咽聲。隱隱名藍未復心。豈忘心不忘。吾道在場。最憐秋風苦雨。歇汝師來往山之岡。

靈峰觀泉

山水無心銜靈奇。遊人分別生幽思。幽思之初未分別。山水靈奇誰得知。就裡亦自有佳處。有心不足無。

多之後一有
七言律三字
一行

心時我遊靈峰峰。不語淵默雷聲耳。欲遺鰲頭戴我欲飛去。拄杖挑雲何所之。

山居

莫謂雲林是化城。相逢幾箇世緣輕。青山不解隨人老。白髮偏知逐歲生。萬境本空心作障。一真無待道方成。長安若問開先勝。飯罷閒聽瀑布聲。

仲夏同諸法侶。禮多寶寺五百羅漢。適有禪人跪讀法華經。於像前靜而聽之。若流泉寒瀉聲聲入耳。靈臺澄澈。樂而賦此。

白日來參伏虎禪。袈衣誰共染香烟。風塵有路通心地。水月無人問性天。空想玄菴翻貝葉。遙知雷雨護金田。冷冷松下聽寒浪。萬劫情根一洒然。

咏懷

小小狂歌混狗屠。翻然一旦醉醒。胸中日月光無盡。身外風塵患已祛。虎豹由來山寺犬。王侯誰悟利名奴。閒朝何事堪消遣。飯罷看雲獨倚梧。

天啓禪房

石磴盤廻不記重。亂峯深處隱禪宮。泉從剗木雲閒

落僧住高岩眼界空。欲了殘經還待月。偶成半偈暫吟風。歸來不覺烟霞晚。谷口初聞定夜鍾。

感懷二首

山重重兮水重重。迷悟須知路不同。冥寂場中蟻似虎。長安道上馬如龍。白雲自解歸青嶂。明月誰將掛碧空。若使貴人能不死。從教桃李笑春風。風塵那得此中幽。萬壑千岩鎖一邱。白髮不栽偏易長。紅顏欲駐却難留。飛禽有跡空中覓。老衲無心物外遊。試問故人槐國夢。五更霜冷解惺不。

瑠璃燈

誰把水輪擲下方。老禪拈取掛虛堂。升沈雖復憑他力。內外從來本自光。未點金容猶冷淡。纔燃寶座愈輝煌。莫將龍燭堪相比。不照人王照法王。

過楞伽州遺麟郎

孤巖面面生雲烟。無限魚龍鬧水天。欲遣白非煩問答。那消一句蕩中邊。不須設險人難到。但若無求地自偏。大慧日長何所事。經殘抱膝看鷗眠。

詠開先寺瀑布。遺仲堅行脚作探竿影草

隱隱隆隆天上來。白雲重疊不能裁。剪裁無地容刀尺。慣便乘風作雨雷。到海終須涵日月。出山豈肯染塵埃。杖頭挑向諸方去。席卷魚龍擔取回。

聽松

水光山色世情空。偶聽松風更不同。無夢却遊天地外。有身豈落死生中。名高自古生心累。道在何妨徹骨窮。願上葉瓢嫌聒耳。寧知聲是大悲翁。

舟次石門東岸。訪寂音靈蹟兼懷廬山歸宗常禪師

行盡溪山興未窮。扁舟聊繫石門東。金輪雨露承千古。玉歷春風自九重。鬢髮不愁連夜白。身心已悟本來空。何妨城市山林處。瓶錫飄飄訪臥龍。山水縈廻妙莫窮。烟濤空翠著禪宮。石門有路憑舟楫。金地無人候飯鍾。雨助溪聲吞寂寞。雲拖海色淬虛空。重來一上楞伽閣。徙倚長歌望祝融。

偶成

閱世歸來隱半峰。茅茨小結虎溪東。了知我相無安處。直得緣心當下空。花落花開成敗夢。漚生漚滅是

非縱相逢若問平生事。坦腹高歌大塊中。

墨光亭

選得幽居傍顧龍。竹牀苔徑少人蹤。閒朝有鶴松梢立。靜夜無雲月正中。夢裡山河乘想起。眼前榮辱即緣空。名香自爇書經罷。猶見陶泓墨氣濃。

道閒堂夜坐

來往風塵老客顏。竭來高臥萬峰閒。從教世路千重樂。那得禪心一片閒。空翠有情留白足。炎蒸無夢到青山。蕉漿一任能驅暑。石上聽泉未可攀。

登岳陽樓懷呂仙翁

見說先生醉此樓。任教呼馬亦呼牛。無緣濁世誰青眼。得意滄波有白鷗。一劍寒光天闕冷。半瓢明月洞庭秋。君山笑我登臨晚。知爾還同旦暮遊。

早渡嘉陵江登錦屏山

日上長谿渡彩虹。隔江烟樹古蘆叢。危峰欲墮松根抱。浩露初殘花影空。山水不殊前代色。衣冠猶帶野人風。白鷗訝我登臨晚。晚來去飛鳴錦浪中。

冬夜墨香菴懷方麓先生

卜宅江村遠市塵。相尋朝暮但耕人。水邊習坐鏡中影。月下經行夢裡身。黃葉不須童子掃。白鷗偏與野僧親。著書日久知成癖。好到禪房一養神。

新秋

行踪誰料去還留。洞壑俄驚夏已秋。佛性喜隨雲自在。禪心懶與水爭流。身貧方外吾常分。病少閒中福最優。桐葉儘教飛萬片。道人無事可生愁。

過慈壽寺有感

惱亂禪心魔是詩。怪將歲月廢浮辭。念頭未起光無量。情識生時苦不知。抱甕灌園休道拙。攻城雲擾謾爲奇。何如石室披衣坐。方寸澄來別有機。

紺園卽事

柴門不遣白雲封。來去何須問主翁。方寸高明千古鏡。萬緣空寂一聲鐘。涼生肝肺蓮花漏。香泛簾櫳貝葉風。鐵鉢願傾三昧水。散成甘露洒寰中。

聞秋聲有感

住住行行鳥莫猜。因貪幽勝重徘徊。烟霞自古非人世。石瀨偏能洗客懷。階下雲峰知幾疊。岩頭秋色怪

先來舟藏石壑誰相負。靜夜深觀念是媒。

季春過竹院訪見素居士

萬竿竹影掃波光。野曠風微麥浪香。我輩自來多懶癖。主人疎朗更相忘。閣中棋局敲殘月。池上峰巒接半堂。鷄鳥不知塵世事。飛來飛去看人忙。

過陽羨蜀山弔蘇長公

來自黃州老此身。青山流水隔風塵。心同日月難逃謗。名滿乾坤不救貧。遷謫幾番生似夢。文章終古氣如春。清秋何處堪悲弔。蜀阜荒祠一愴神。

山居

相逢多勸罷仙遊。行脚終難可到頭。片月在天光不斷。千峰當戶翠常浮。消閒石上題黃葉。解渴雲邊飲碧流。潦倒那堪聞此語。感懷方且暫淹留。

往曹溪暫憩長松館

幽居卜得在城中。竹浪松雲草徑通。習靜何須違萬化。隨緣應不昧雙空。燈前誰是青衫客。月下時聞白社鍾。路債今猶償未了。曹溪禮鉢看降龍。

過陶居士精舍不遇

高臥青山絕世埃。柴門終日閉蒼苔。雲連樹色室中暗。竹引泉聲空裏來。凡鳥不題遶佛地。主人何處醉仙臺。相逢未及探高論。閒對玄猿一帳懷。

初冬有感

炎威未已又寒來。催得頭毛雪作堆。樂事盡從忙裏錯。憂懷應向靜中開。死生若使饒尊貴。道德應看等土埃。情理皎然如黑白。窮通壽夭不須猜。

石門夜泛

撥草瞻風豈偶然。百城迢遞舊因緣。中流水月深還淺。兩岸雲山斷復連。諸子競誇天上坐。片帆疑在鏡中懸。石門鍾鼓相將動。耳聽何如眼聽玄。

示王宇望

壯志稜稜鬢未蒼。男兒莫負好時光。清晨一念埋靈種。白晝諸塵化德香。世樂從來刀上蜜。浮生迅速草頭霜。超凡有路非天外。日用明明不覆藏。

夜坐聞于繆二生論友道

殺命仇讐恨未深。相知辜負最難禁。堅持劫外精勤願。常省燈前感慨心。世諦業緣非骨肉。慈門靈種是

眞因此番失却菩提子。苦海茫茫不易尋。

唐奉常凝菴見訪次及楞嚴子喝之以爲禪者多不遜不揖而去賦此嘲之

雲林何事遠相尋。破我蒼苔豈賞音。蕉鹿夜來非好夢。火牛古始救軍侵。多緣薄世尊危。爵未必高言止衆心。既見不煩增傲想。王生一叱直千金。

謝劉司丞

但當淨意等虛空。何必頻來訪遠公。王事若將家事做。世心便與道心同。須知一死難高下。自古浮雲易始終。每笑閒身無所用。縱觀山水走西東。

宿方山昭化寺有序

夫靈而最良者人也。毒而最猛者虎也。人遇至人大笑之。虎見長者而馴伏。人乎虎乎。虎乎人乎。必有知言者。予聞長者之風有年矣。快瞻遺像賦此。千峰寂歷路迢遙。長者苔龕乳虎號。背嶺霜崖雲尚凍。向陽林壑雪初消。窗光法海澄松月。舌相天風吼夜潮。一自妙嚴投筆後。襟華誰復繼揮毫。

同傅侍御汪將軍禮方山大像

從來天地是岩龕。妙相巍巍獨面南。萬古燈傳憑日月。一毛散影徧江山。獸花野鳥飛空下。出水蒼龍聽法酣。回首白雲封絕頂。證明功德共誰參。

述懷

江湖浪跡幾經霜。不學禪狂學楚狂。白髮有髣催我老。青山無事笑人忙。情消豈是將空遣。習斷還須作觀忘。杖履飄然隨所住。攀緣澹處卽家鄉。

偶成

遠來水面覓遺踪。道學西天龍樹同。揮斥古今眠坐外。雌黃凡聖笑談中。書成紙價一時重。理徹文章萬世雄。更有一般蕭洒處。死生無夢入心中。

山中偶感

住來曾不見風塵。野鹿常容伴法身。碧海偏開雲外客。青山冷笑世中人。六龍朽索終難遠。二鼠枯藤斷易鄰。若使王侯知此事。掛冠未必待清晨。

秋日同澄公開侍者宿南臺

丹梯宛轉路迢遙。與叟寧知杖屨勞。明月滿臺清雪色。白雲橫谷誤江濤。金壇端許藏真骨。寶偈能將化

青蛟吾道只今寥落。甚爲誰流涕。濕緇袍。

睡起讀圓覺經

豁然草榻伴雲眠。夢覺驚頭月正圓。起念除瞋損轉
熾。生心捐妄安尤。添有無不立。非爲妙人法。雙忘亦
未元。主道空虛誰敢擬。思量已墮二三邊。

奉答萬思默學憲

潦倒無心作解嘲。乾坤誰復可論交。澄潭信是蒼龍
窟。華屋終非野鶴巢。飯罷祇堪閒坐臥。詩成何必苦
推敲。遙知大范耽光景。靜裏清虛恐未拋。

墨香菴卽事示元廣二首

雨過何人策短筇。道生擁毳自從容。碧空無際雲初
斷。明月常來水不窮。問法應須超意路。尋香終是落
行蹤。吾家別有通元處。牢繫泥牛嶺上松。

道在隨緣可遣情。呼牛呼馬總閒名。梅須遇雪方爭
白。竹爲當風始見清。鏡上無塵光自滿。雪邊有路鹿
常行。相逢若問山前寺。流水冷冷磬磬聲。

墨香菴示廣郎二首

村前村後盡烟波。年去年來足稻禾。苔徑寂寥人不

到霜天清曠。月先過三牙。遙隔長相憶。半偈初成獨
自哦。最愛無生琴調別。顧龍山上磬聲多。

野外蕭蕭風雨。天支郎入夜未成眠。人生若使還無
老月。闕何須惡不圓。業在好山甘作客。道成隨事斷
華緣。窮靈未必非狂慧。寧及香床未到禪。

閒中感懷示廣郎

火宅炎災唇吻乾。蔗漿滿鉢有誰飡。隨流得妙從今
入對境無心自古難。水底搖紅花兩岸。風前舞翠竹
千竿。年光若使常留在北闕。何人肯掛冠。

日暮瀟湘舟中

萬里歸來杖屨輕。附舟又得坐經行。櫓聲帆影供詩
料。水色山光副客情。弔古烟波殊有恨。忘機鷗鳥自
無驚。黃昏停泊知何處。雲外遙天月正明。

結夏金壇之北園兼懷侯鐵菴

納涼何必獨夫容。水木清幽趣亦同。世上共高肥馬
價。林閒單放病僧慵。苔痕鶴退偶成字。月影魚吞不
解空。更憶澹虛亭上夢。寒雲片片嶺頭逢。

吉安舟中望白鷺書院

樓臺一片水中央。白鷺蕭蕭知幾霜。兩岸青山雖不
語。千秋黃髮仰遺芳。烟騰梵宇龍龍。腦波撼書堂。過
客航。莫道登臨終有日。芒鞋踏遍使君腸。

咏懷

少年屠狗混春秋。誰料披緇作比丘。俠習自慚忘未
盡。眞修方喜進無休。安禪雲石爲床坐。說法松風代
舌頭。唯剩閒身何所事。山川重疊恣遨遊。

喜王生元廣問法

四圍松竹護禪關。布納蕭蕭遠市闌。清磬一聲塵夢
斷。白雲幾片道心閒。天邊高鳥應須慕。塔下蒼苔不
可刪。金地夜來誰問法。共分燈火照癡山。

仲冬懷覺休

暑往寒來老易驚。乾坤誰復慰衷情。花非得露終無
色。松必因風始有聲。任道自來千古重。離家常若一
毛輕。相逢欲問黃河水。少小曾經幾度清。

大覺寺訪桂峰禪師

行盡溪山到梵居。空林落葉遍階除。閒消歲月燒龍
腦。功蓋吾曹賞璧珠。鴻信梁閒懸貝葉。鴉譚水上看

芙蓉。尋常飯訖無餘事。自掬寒泉洗鉢盂。

訪袁坤義有感

擬採蘋花震北遊。桃源忽爾又清秋。空巖蕭瑟松杉
老。澤國蒼茫蘭杜幽。紫塞斷鴻雲外夢。青山片雨客
中愁。維舟欲覓無風樹。黃葉飛飛卒未休。

喜于中甫過龍泉

瓶錫聊將寄此山。千峰迢遞問巖龕。長松影裡塵喧
寂。流水聲中月色寒。靈骨不從身外覓。神珠共向掌
中看。相逢有日休相負。自古朝花露易殘。

山中偶成

因厭風塵此閉關。寸心清冷喻寒潭。芟松放月壺頭
上。引水移天屋角閒。惟有禪書消白日。更無人跡到
青山。相知莫笑謀生拙。浩蕩乾坤幾箇閒。

瀑布二首

誰家千尺素絲抽。高掛雲端永不收。已悟源頭來處
遠。肯將根脚混常流。從他妙手應難剪。許我閒心分
自投。此去定當歸大海。待看波浪滾天浮。
欲投滄海作波瀾。豈憚千重鳥道難。响奪聲聲雙劍

冷光吞月色一爐寒。銀河倒瀉青天外。玉樹孤懸碧
幢閒。幾度天風吹不斷。爲留雲袂伴僧閒。

秋日禮清涼塔

人代風烟知幾霜。石函靈骨自珍藏。珠林倒影天垂
蓋。寶塔鳴空地擁幢。澤被乾坤歸夢杳。春迴岩谷煉
泥香。重來盡敬增悲慨。落木秋高舊影堂。

山中禪咏二首

大乘何必斷攀緣。小隱還須遠市廛。習定水邊觀皓
月。消閒樹裡看青天。心中有欲山非靜。世上無求地
自偏。怪底相知歸計緩。巢陵寂寞鎖重烟。
野曠風高一壯觀。爲誰談笑斗牛閒。憑欄自覺青天
近。下界寧知白日閑。岳色橫空簾外墮。海濤喧闐坐
中寒。登臨未盡狂奴興。茗碗悲歌行路難。

山居咏懷二首

補袖閒中拾斷麻。肯將泉石易浮華。光生甕牖東山
月。香散經壇上界花。夢裡英雄勞白起。古來驕主笑
夫差。隆冬富貴欺高國。自鑿池冰自煮茶。
茫茫苦海正波濤。莫若逃禪計最高。世路已驚心不

死。功名猶夢鬢先凋。因甘白粥忘枯淡。却怪蒼苔分
寂寥。樂極只緣貧到骨。巢由未許讓前茅。

贈永慶寺秀峰法師

塵機少小便知休。瓶鉢蕭然隱伏牛。明月有光難自
晦。白雲無累易相留。狂猿不可驚禪虎。攫獸何曾異
海鷗。說法年來傾水石。新崖瀑布爲誰流。

招隱

死生兩字事非輕。怪底癡人不自驚。萬里黃金窮口
腹。滿頭白髮戰功名。閻公豈貴屠龍技。田子何須學
狗鳴。早晚歸來雲外寺。夜深松火閱傳燈。

雪中登蘆芽有序

予寓吳中。楞嚴忽夢登一山。疊嶂重巒。萬松映雪。
覺而舉似開侍者。且曰。吾今號松雪矣。開曰。願以
雪松字開。踞而請甚堅。遂許之。茲登蘆芽訪妙師。
適逢大雪。宛然當年夢境也。感而賦此。
數年杖錫走江湖。一旦蓬蒿化淨居。虎踞岩頭關世
路。泉飛樹杪入天厨。每因煮茗煩燒葉。猶愛看山懶
讀書。夢境曾來同鉢食。只今松雪竟何如。

與蘆芽主人談世故有感

雲屋寥寥冰雪重。燈前益茗論英雄。情關未破寧無失。世路相遭豈易公。共飲每憐愁不共。同床未必夢相同。年來多少傷心事。總付瞿曇妙觀中。

寄袁了凡居士水齋

華嶽山人辟穀方。先生獨得已休糧。懸知天上增仙籍。豈戀人間轉燭光。玉液常吞肝肺潤。金丹能轉鬢毛蒼。青山不遠終相見。知已新添一少郎。

龍嘴有序

日光之前有嶺。稜稜垂於欄旁。勢若虬然。曰龍嘴。嘴上茅菴初結。喜其清曠。且有二禪者。轉經於此。一謙華一蓮華。子由梵仙而下。適聞音響。冷泠賦此。

鳥道盤迴不易登。此中清曠愜幽情。陰籠翠嶺春雲度。影落空潭海月生。山茶盡堪供瓦鉢。道人偏喜聽蓮經。冷泠滴向焦腸裡。寶所休將喻化城。

曲阿書經卽事

敝廬故有不誅茅。沉隔青山遠市朝。野納披雲常自

到。主人護法豈知勞。孤燈花落搖紅影。幽竹風生涌翠濤。若使貴人能駐景。巢由豈肯臥蓬蒿。

秋夜石經山禮琬公靈骨有序

凡血氣必有知。有知則有欲。有欲則有生。有生則有死。唯至人能以無生治人。欲欲空則知不廢而妙用無方矣。隋琬公閱南嶽思大師發願文。知末法運窮三災條起。一切法藏皆當盡滅。喟然歎曰。有天地不可無日月。有作息不可無衣食。有人生不可無佛法。然日能照晝不能照夜。月能照夜不能照晝。衣能遮人之寒不能使時不寒。食能濟人之饑不能使年不饑。惟佛法之妙不惟使天地終古長且羣有死生無患以至歸凡爲聖。卽暗爲明。達生無生以大願力兼萬有而普濟之。則廣大殊勝豈可思議哉。乃刊石爲經續佛法壽延及慈氏行恐古今代謝巖壑變遷以佛舍利并已骸骨藏諸石窟。壞無茲山矢大法藏永劫無毀。予感公之憂深而慮遠也。含涕賦此。

月夜青山謁琬公石堂無語對千峰。蓮花片片皆心

血貝業行行奪化工。靈骨可埋名不朽。法身非相用。常通那堪更向蒼崖上鑿室藏經示不窮。

問竹亭即事

策杖深林問此君。空亭誰復謝塵紛。青山不禁長年住。流水何須獨自聞。鬢髮如霜難遣黑。利名非酒大。家昏輸他定起千峰裡。倒握琅玕掃白雲。

五言絕

蕭崗望方茅諸山

有濤可傾耳。何必千尺松。偶此藉芳草。春山當遠空。

咏雪

出谷幽雲細。成花大地陰。盡翻桃李夢。潔白本來心。

禮拜石

慢幢高須彌。能折必自重。安得離欲尊。頻來此獻供。

洗衣泉

松邊剪碧霞。偶爾成袈裟。披久亦何染。閒將飄浪花。

觀流石

路在層峰外。扶筇向深壑。跣趺水聲中。靜看飛寒瀑。同遊法侶散。坐松岡。叔宗忽浮小舟入柳陰。

宛然有孤鴈沒空之致賦此

春水望無際。乘舟向何處。杳然花柳陰。日暮忘歸去。

樹禪

空山木上座。坐石不知年。歲月無心記。風柯舌相全。

鐵袈裟

天造福田衣。何年施禪伯。獸重拋雲邊。風吹與日炙。

爾菴禪咏

竹靜雨初歇。風和鳥健鳴。書殘成獨睡。無夢繞江城。

芭蕉菴

月臺疑近壑。鱗石欲生雲。誰謂塵囂裡。幽居讀梵文。

楞伽洲

斷澗蒼山裂。飛梁老樹眠。朝來扶杖處。雲度水中天。

題畫

水曲山頻合。春寒花倦開。吁江來復去。人在畫圖回。

題竹塢石室

何處無青山。片心灰冷難。片心灰冷易。智拔萬重關。

講經臺

尊者身相空。舌根何所寄。松風與流水。說盡無生義。

初祖亭

面壁不說法。此心誰復傳。神光三拜後。震旦五燈懸。
錢資蕩三首

青山點樹杪。斜日照溪灣。試問錢資蕩。滄波長夜寒。
望裏水高船却疑空墮。天既到平如掌。人聲竟裏傳
見水心卽了。逢山眼便開。生平窮伎倆。此外復何懷。

利刀

利刀日切泥。鋒芒漸鈍置。若向沙石礪。斬鐵如斫水。

夜坐

夜坐空階寂。清言絕妄悌。回看雲樹杪。不覺月沈西。

雲墮石

飛回因閱世。墮此不知春。擬欲挑將去。恐驚杯下人。

望玉臺卽懷

一峰秀雲外。玉立望不厭。坐此未須臾。六虛方寸瞻。

題萬玉菴

誰將崑崙峰。一斧千百塊。散洒天目閒。古今無謝代。

說法石

清清澗水邊。冷冷奇石下。大哉衆中尊。爲說無生話。

單傳崖

少林曾斷臂。五乳血腥高。末後誰三拜。中雲雪並腰。
示匡石居士

山中咏松

拈書相示處。石火電光遲。纔擬生心答。松風知未知。
絕頂凌峰寂。長年不改青。幾回良月夜。倚杖聽濤聲。

天啓石

行到深雲裏。沉冥孰可議。不見太古人。只見太古石。

崑石

崑崙太崔巍。飛劍斬其頂。置之几席閒。烟雲朝夕暝。

過嚴灘

帆飽客舟輕。由來飲德名。難逢今夜月。見月見先生。

獅吼臺

飛者不敢飛。走者不敢走。箕踞寥廓中。靜聽獅子吼。

歡喜泉

愛爲煩惱根。愛盡煩惱空。方寸同此水。誰無歡喜容。

清深崖

萬物始乎水。六情始乎動。一心苟不生。清深在日用。

甘露泉

寒流我慣枕消渴。非口飲。雖弗愛長生。心地清涼甚。

朗公石

朗公初不死。謂死不知朗。試看朗公岩。頽然誰觀想。

托鉢峰

誰伸黃金手。笑托碧玉鉢。歡喜施將來。福源永無竭。

本湛泉

石縫瀉流水。見之心湛然。是誰掬嗽齒。吸盡空中天。

韋陀峰

我笑叉頭石。爭如韋馱峰。儼然大悲則。草木增威風。

重遊黃花洞

棄馬陟危峰。盤迴知幾重。蒼岩開石室。共聽禪華鐘。

贈龍泉關劉善友之峨眉

五峰與三峨。相去路無多。想念纔生處。蒲衣笑薛蘿。

爾菴禪咏

鶴解聽僧語。魚爭候梵音。海門明月上。何處讀書聲。

冷巖

源從雲外來。豈止千萬折。移臥冷巖上。一嘯驚天關。

綠瓊

行倦逢綠瓊。欣然欲一坐。縱橫紫翠虬。噴薄晴雲破。

湖心寺懷堅光趙居士

海上明月生。太空浮雲橫。清光照衡門。須待天風鳴。

辭澹然居士齋

白雲本無心。有期則有跡。何如無期好。隨風靡不適。

登虎邱

我愛虎邱雲。去來初無心。遊人嘆霸業。削壁多微陰。

其二

我愛虎邱月。清光鎮潑澈。悲欣幾萬重。普照無分別。

其三

我愛虎邱石。談經解點頭。生公去不返。長抱白雲幽。

偶成

胸次千竿竹。眉邊萬頃梧。清音常染耳。遺聽即鳶魚。

其二

願留犬馬骨。努力報慈恩。猶若湘江水。滋乾更潤坤。

贈海通居士

殘陽逢高閣。溪山烟霧深。當勤持半偈。終出海通心。

玄帝閣望石門寺懷湯遂昌

紅魚飛碧嶺。白鳥點青林。楚越皆初地。相逢孰賞音。

開先龍潭

地裂潭初就。天開瀑始懸。老龍如不在。何物起雲烟。

元素菴坐柏

酒客窺簾下。雲禪坐柏根。不因塵詰手。誰復寫元真。

貯碧軒

萬竹凝空翠。方池貯碧流。小橋通別圃。抱石白雲幽。

讀茅山志

夜讀茅山傳。無生有幾人。都來長視者。花落一年春。

佛香子曰。觀此詩意。若使無生。則不有死。如既生。

矣。欲歸生。不死恐無此理。若欲長生。先須忘生。良。

以生忘則死媒絕矣。如能無生。則忘生之說。又在。

下風耳。或萬年爲一年。或萬年爲一日。或三百六。

十日爲一年。或以頃刻爲長劫。此皆念後事也。如。

能泝而上之。則念且無。所謂年月日劫。豈非計。

龜之生毛乎

紫柏老人集卷之二十六

紫柏老人集卷之二十七

明 憨山德清 閱

詩七言絕

龍華坐雪呈瑞菴禪公

地從朝市入空山。玉屑霏霏萬井寒。茗碗爐香圍磨。

坐。六龍無首臥澄潭。

曉過天然老禪別室。老禪睡未足。恬然慈臥。

賦此贈之

海天紅日照東窗。床枕高眠一切忘。客到是誰魂夢。

裡。蓮邦遊賞與偏長。

眞州別丁南羽吳康虞

世夢由來水上漚。頭毛誰解鏡中秋。相逢相別休相。

負。門外長江日夜流。

贈潭柘龍泉寺柘林藏主

布衲蕭蕭抱寂寥。遍探龍藏答清朝。山深自是桃花。

晚。紅白枝枝祖意饒。

贈正菴靜主誦蓮華經

昔日匡廬曾見來。黃龍潭上暫徘徊。於今又遇燕山。

裏車大蓮華舌底開

擬登峨嵋

丹霄高入翠峰孤。問道從來偏吉居。萬里翩翩追白象。平羌曉渡浪花疎。

贈靜淵秀公

孤鸞寂寂久棲桐。凡鳥雄雌鬧棘叢。羊角風高三萬里。等閒清韻徹丹空。

龍泉念仲淳

曉露風高便結霜。冰凌入夏襲衣裳。人閒暑氣渾無有。五項經行少繆郎。

示白侶

六月耘田水似湯。農人肩背盡生瘡。僧倫飯訖無情思。揮麈雲閒倚竹窗。

西臺掛月峰

地入寒空天倒垂。芙蓉萬朵麗招提。君王翠輦曾留此。松下千官月正西。

清涼有感

因悲熱惱入清涼。白髮頭陀紛黛香。應是秋深霜露

冷。白雲明月共繩床。

其二

翠卷輕烟紫陌中。東風一夜掃殘紅。相逢盡道春歸去。誰料寒岩春更濃。

開侍者自清涼迎至彭城以此示之

白日青天爾到來。翻疑是夢復驚猜。須知人世如朝露。曼室光中住一回。

其二

寒雲重疊萬峰深。誰把明珠慰遠心。只恐支郎情未覺。夢中按劍是知音。

題蘆芽山萬佛崖

一片蒼崖古佛胎。殷勤鑿出萬如來。寒泉晝夜無休歇。鼻孔同聲喚蚤回。

寄陸太宰

黃鵬未已復青山。階下流泉去不還。到海從教爲巨浪。輸他幽石抱雲閒。

陸太宰以寶帶施清涼賦此贈之

一語參差寶帶輸。等閒笑倒老文殊。金湯吾道山河

舊八覺聊將抵鉢盂

雙峰寺

古殿蕭蕭門徑開。雙峰如劍列香臺。夜深流水翻孤
調。雲外禪人一槍懷。

龍泉寺啜茶

一帶秋泉斷復流。向陽迴壑敞珠樓。是誰小歇雲邊
石。劫外龍團啜七畝。

懷諸法侶

望裏雲山知幾重。更聞流水與松風。那堪人代攀緣
苦。南北車塵夢未空。

示大道禪人

大道阿誰行不得。那知障礙自身心。若將兩者推無
地。到處白雲流水聲。

同朱彥吉登玄墓法堂口占

翠微縹緲紫雲樓。萬里湖山一目收。攜手偶經禪誦
處。範峰落葉不勝愁。

訪湛堂禪丈五臺銅瓦殿

方丈蕭蕭倚範峰。顯通久寂講經鐘。更憐銅瓦風霜

老。祇恐重來不易逢。

過抱雲堂懷印郎

搗雪敲冰不怯寒。凍雲深處幾盤桓。夜來獨對前峰
月。試問華亭可一般。

清涼山懷陸太宰

重疊寒雲住底人。世閒無路可相親。期君不至長嘯
去。楊柳桃花處處春。

弔無邊師

紛紛桃李鎖寒雲。桂折秋風不忍聞。莫使餘香飄渭
底。暗隨流水出前村。

臥病長松館有懷

白雲端老有宋僧。中龍也覩其圓通。座上一喝包
腰而去。人天百萬追之。不返。耿光照映千古。臥病
潯陽。去能仁不遠。未皇參禮。靈踪先賦。此以舒積
懷。

城市何人問白雲。長松月夜獨思君。五陵公子機鋒
別。接得貧儒自絕羣。

萬杉寺

爲訪超公入遠峰。慶雲散盡萬杉空。曾聞聖主親題
墨。一片樓臺紫翠中。

過萬壽龍巖

卜宅重巖計不疎。象先有路莫躊躇。泉聲岳色是何
物。纔復生心蚤失虛。

寓皖太平寺示濯凡居士

科頭三拜是何心。不見翻成見更深。山色江聲君舌
相隔垣。猶復領清音。

詠畫水

望裏滄溟湧火珠。驚濤何處覓龍魚。玉樓但覺寒生
粟。却喚兒童燒地爐。

雙劍峰

雌雄誰把插丹霄。時有光芒拂斗梢。若使老僧拈起
用。世情斬斷沒絲毫。

辭賜紫以讓慈公

三十年來江海遊。尋常片袂度春秋。自慙骨難披
紫。轉施高人福更優。

過天花傳母塚

鳳凰城畔問仙居。水遶天花十里餘。生氣若教乘鎖
骨。海鷗亦復解詩書。

于峰

聞道于峰有深處。于峰行盡更難尋。桃花片片隨流
水。只是不聞幽鳥音。

送孫仲來赴館新安

夫士之爲龍爲蛇。何常顯其志如何耳。所志在道
德。則必先以悟心爲主。所志在功名。則必先以精
藝爲梯。兩者見定。神識內凝。放心自住。何往而不
可哉。今子當溽暑涉崎嶇。赴新安而不能一日千
里。一夕十年。則其志安在。子其勉之。

夏日蒸泉處處湯。千峰夾道暑偏藏。憐君此去魚投
沸。但念無生當處涼。

觀北園假山

樹高山矮世閒希。抑樹扶山癡上癡。高者自高矮者
矮。就中亦自有天機。

過梅圃訪見素居士不遇

主人不遇竹先逢。曲徑微風響自空。若使有心聽此

調耳根。諸却眼根。響

偶成

美酒醉人醒不貪。利名人醉死猶甘。浮生果使如春夢。枕上歸來肯自慚。

冬夜泊漏澤寺寄梅禪人

黃昏停棹問尸林。月滿寒空秀水深。說法不須煩舌相。耳根豈解領玄音。

重遊漏澤寺

重來豈是做仙遊。最愛春波浴白鷗。自笑黑衣非宰相。却從覺苑覓封侯。

漏澤寺聞鐘

何處烟霞鳴曉鐘。道人行色又匆匆。片帆風飽吳江近。歌吹樓船調不同。

于圃偶感

波臣曾不著袈裟。解乞園亭作歇家。直得主人窮計較。篷條千片代籬笆。

唐山寺禮禪月大師

天台深處覓高人。幾度登臨無一身。却上唐山寺裡

看池清影現妙通神

其二

浙江靜夜月中峰。總是吾師管子龍。蓋出如來無量相。人閒無水不遺踪。

還度赤津嶺懷湯義仍

踏入千峰去復來。唐山古道足蒼苔。紅魚早晚遲龍藏。須信湯休願不灰。

夜坐偶成

每憐世上少人閒。笑口頻開復更難。睡起披衣誰共坐。蟲琴蛙鼓月明閒。

悼如印

昔年共看雲閒月。今夜月明照曲阿。誰道此回竟長別。燕山月色滿松蘿。

曲阿夜坐懷休郎

道成無事業。青山誰復憐。君去不還湖口江。頭月明夜炎蒸。迢遞苦應難。

過斷崖塔院

行到山窮水盡頭。斷崖壁立使人愁。誰知別有通天

路任爾猿猴不可遊

禮高峰塔

三十餘年抱死關。那來魂夢落青山。臨行白骨無藏處。擲向金毛舌上安。

示某居士

不向君心覓我心。茫茫滄海定難尋。魚龍若使聞消息。無限風波總陸沉。

池上觀荷三首

紅白蓮花知幾多。應齋尊者弄清波。臨風欲語誰相委。茂叔當年愛長哥。
樹密無心遮日色。風微有意緩花香。當波更許科頭坐。不盡蕭疎孰主張。
六月樹陰坐一息。更有荷風水面來。試問長安陌上客。蔗漿未必冷人懷。

感夢

苦海寬深浮復沈。所天淪溺最傷心。幾回欲拯愁無力。獨擲灘頭淚滿襟。

疊華峰

此華不開聖人隱。一旦復開聖人出。拂拂天風生太虛。香光無際奉佛日。

弔吳江某禪師

孤城一片太湖東。誰料吳江出此雄。坐斷聖凡無走路。兒孫千古泣途窮。

懶去岩

走遍天下不肯住。竭來此岩懶復去。禪餘拳枕臥蒼苔。就裏有心向誰語。

最勝泉

從來大旱了無渴。爲雨爲雲散自歇。山下爭如山上泉。出處孤高難勝越。

謁五臺大賢村蘇子廟

古廟蕭蕭鎖萬峰。寒雲踏遍覓遺踪。殷勤再拜不忍別。自笑參寥是舊容。

日暮龍潭卽事

巖端待月一天靜。石上聽泉萬慮空。笑問同來二三子。是誰行樂有無中。

飛雲泉

蒼岩一隙漏寒流。欲究根源志未酬。莫使天風飄出去。混同大海作潮頭。

過楞嚴廢寺三首

萬花叢裏畫樓新。玉女憑闌天上春。明月一輪簾外冷。夜深曾照坐禪人。
曾見名園全盛時。春遊公子醉芳菲。於今鹿苑花無主。惟有杜鵑枝上啼。

當年遊此花無限。今日重來不見花。想是支那厭華麗。不教留住任烟霞。

楚江舟中感度門講主舉楞伽大綱

荆南喜見度門公。字字談心不放空。試問楞伽在何處。頭頭物物是孤峰。

因麟郎說七里灘景物偶成

布帆風急碧溪遙。兩岸泉聲聽不勞。試問此時人在否。青山迴合一鴻毛。

季夏從清涼山過練陽登望湖亭

山下湖光山上松。是誰高枕臥虛空。大風拂拂來何處。魂夢還疑水壑中。

梵川螺館

天地分明是一螺。何殊此館在烟波。閒來折葦登臨者。獨立蒼茫自詠歌。

過奔牛弔蘇長公

懷中日月隱何方。聞道奔牛坐化場。剩語殘言誰檢得。江山千古藉輝光。

長松館遇雪

樹樹有花皆一色。枝枝無葉但多光。朝來莫道人踪絕。亦有東隣送炭忙。

有感二首

滾滾雲濤不轉頭。使君因建鎖江樓。緋衣未必長爲主。塔頂何人一啓眸。

香城開士舊名林。流水松濤演梵音。端爲此山形勝好。等閒昧却大夫心。

弔妙峰覺講主

金翅盤空萬里風。有門入妙古人同。朱陵止觀橋頭月。不挂天台挂別峰。

雜吟

鬢毛種種日維新。逝水滔滔更滄神。獨有月明流不去。蓬窓此夜照幽人。

勸大川李善友求生淨土

熱惱清涼本不差。何妨荊棘與蓮花。相逢幾箇知歸者。薄暮鐘聲送落霞。

悼鵬郎

瘦骨稜層上五臺。頓除鬚髮斷塵埃。出山不見入山去。慟殺文殊淚滿腮。

潭柘山一音堂謝諸法侶

夢裏青山夢裏身。那堪去住別疎親。何須醒後覩憎愛。始信龜毛第七塵。

遺聞堂喜晴

夜來風雨滿岩阿。樹杪泉聲百道多。無限好山雲蔽盡。那知今夕更嵯峨。

過弘恩寺

門外千峰寺裏燈。一光三世照金繩。老禪飯訖無餘事。靜聽松濤沒愛憎。

過昭慶寺

迴合青山鎖梵宮。階前階後象王踪。懸知超世非無本。法雨香雲不記重。

大悲閣別陸太宰

馳驛還家聖主光。憑虛一嘯萬機忘。手中有眼應知響耳處。聞聲豈妙常。

其二

金身七尺有餘高。柱石乾坤不計勞。自是君王憐朽骨。敢歸雲外聽松濤。

過潼關

黃驃初不異青牛。關吏何須作路轡。西向秦關同此去。神珠大夜向誰投。

彭城洪福寺月下懷仲淳

盤馬山前月正明。烟波渺渺片帆輕。清光不減金臺夜。禪室南冠少繆生。

登戲馬臺

掀髯一笑火威陽。衣錦長歌歸故鄉。莫問當年橫槊地。蕭蕭秋草帶寒霜。

送仲淳奔喪南還

風樹蕭蕭千里歸。兩行血淚染麻衣。送君有意難爲語。那可燕山聞子規。

夏日遊清泉寺

寺裏清泉戶外山。波光空翠盡生寒。獨憐大士翻經館。狐兔黃昏自往還。

彭城題蘇公黃樓

一片孤城捍怒濤。幾回隄壑舞黿蛟。祖龍曾此求周鼎。不及黃樓意自高。

題福岩師子峰

千日萬日爾不吼。我來便作無畏聲。風雷夜半震岩谷。深林百獸無不驚。

同諸法子金山看月

青山兩岸鎖金鰲。石上觀濤月正高。雲外片帆飛不住。分明鏡裏渡鴻毛。

同諸法子過廣陵宿上方寺敘別

月下尋幽叩梵宮。老禪猶在夢魂中。溪山莫問來朝路。夾岸桃花色不同。

題上方寺觀音池

大士無端錯用心。不觀色相却觀音。寒流若使離聲入。千尺雲濤覓一針。

讀桃源記

夾岸桃花知幾深。漁郎何事解相尋。此回出去輕饒舌。負殺丁寧一片心。

晉王羲之曬書堂

竹帛古人心血在。肯教魚蠹更生塵。自知南渡無歸日。獻與如來轉法輪。

示徐符卿孺東子告還山

滄浪辛苦幾經秋。一片丹衷竟未酬。偶向雙林尋白足。談空猶自夢春疇。

夜泊義興城下

烟濤空翠雨濛濛。一片孤城山水中。我欲尋幽向深處。黃昏停棹但聞鐘。

哀路南塘先生示路抱赤

貧寒徹骨更連喪。開士聞之亦感傷。江上麥舟誰肯棄。兒孫珞珞產南塘。

聞秦直指禁令

野禪若使是妖僧。敢惜殘年瀆聖明。便請一刀彰國
憲。何妨痛處了無生。

中秋泊蘇長公祠下

維舟祠下露沾巾。雪漲銅棺月色新。歌笑不須刀布
換。開中開口許何人。

壽雙山先生

軒冕松雲路不同。雙山高出大夫松。天風一陣來何
處。吹走雲濤響碧空。

過漏澤園

彌體此地莫言多。法界都來毗富羅。更看陌頭誰氏
塚。幾回歡笑幾悲歌。

題金沙寺岳武穆王碑陰

碑中有陪僧寒
謁金仙之句

將軍何事謁金仙。弘忍精忠本一源。不具殺人真手
段。安能截斷世閒纏。

長者菴定起

微雲淨盡天如洗。定起經行月色中。無限風光向誰
道。菴前菴後碧山重。

長者菴讀決疑論

善財童子不辭勞。五十三參粉寂寥。不是當年李長
者。瞿曇安得有皮毛。

示大賢村諸善友

世人都怨日閒忙。夢裡波波醒後忘。何者真兮何者
假。大家爲我細推詳。

早春謁方山李長者。還請清涼招陸太宰。特賦

此二絕

飯喫黃精衣著麻。長菴七碗勝芽茶。相知若問山中
事。定起巖前掃落花。

其二

五峰冰雪古來深。春滿乾坤冷莫禁。曼室老人虛別
室。遙知端不負登臨。

謁方山李長者。還定裏道中有序

余慕唐李長者。有年數矣。而以參學未暇。一訪遺
踪。萬歷壬辰發春三日。自清涼山攜開江彩三子。
特禮觀之。既而揮鞭還清涼。春雪續紛。千山裹玉。
逆思長者音容笑貌。恨不與之同生。得事巾拂。感
而賦此。

十年如渴仰高風。神福山原訪道踪。春雪紛紛遍南北。杖藜何處倚寒松。

過聖壽寺三首

郭外青山兩岸斜。禪房寂寂鎖烟霞。佛前燈火誰相別。分得清光照萬家。

看花若使待花紅。無限春光逐晚風。著眼直須天地外。持竿寰海辨魚龍。

柳條何事漏春光。蜂蝶紛紛過短牆。只恐東風妬花笑。馬蹄千里踏紅香。

送魏覺禪

富陽江畔別君時。此別蘭谿月尚微。明月無心能兩照。錢塘渡口使人思。

過七里灘

富春山水杳無窮。誰著羊裘隱此中。若使劉郎不相喚。後人何處覓遺踪。

北園見紫薇花有感

未見花時已落花。雨前雨後兩無差。紛紛蜂蝶來還去。一段春光被眼遮。

秋夜半室崖聞法雲菴居士讀經

片雨初收生夜涼。半峰趺坐石爲床。忽聞松下讀經響。清磬敲殘斜月光。

題廟壁 師遊衡山過此廟遇廟僧邦人伐廟樹修葺因題此邑侯見詩遂止不伐於石

修廟還災廟裏松。廟成松去鶴巢空。無如留却青松在。逮得長生老化龍。

夜坐

後夜空山坐入禪。那知明月照寒泉。無端失伴猿相喚。瞥地身心又宛然。

示覺迷居士

鬢毛如雪骨如蒿。若問長生路轉遙。淫殺且將根蒂斷。蟠桃只在自心苗。

慰傅居士

重疊青山古樹多。一菴高結在松蘿。通幽別有池邊路。居士空床獨抱疴。

禮香山臥如來

兩脚長伸只管眠。那知苦海浪滔天。相參莫問雙林

夢幾度春深啼杜鵑

來隱標

當年三十隱修禪。鶴在松梢龍在淵。我老一來尋勝跡。莫愁破甕不生烟。

登說法臺

鳳頭老漢一登臺。萬壑千巖笑面開。說法若教頌舌相。兩花惹得帝天來。

題戒壇九松

五岳三山曾遍遊。此中松樹更無儔。高鞍雲盡蓋壇出。風月龍蛇舞不休。

大賢村長者菴懷江南諸法侶

階前屋後盡青山。苔徑蕭蕭遠市寰。來往風塵頭共白。爭如雲外聽潺湲。

燕京別文卿中甫之峨嵋

三義廟前楊柳青。垂垂無語不勝情。從來木帝難爲主。莫厭閒中風雨聲。

夢端師子

夢中曾見端師子。瀟灑風流自不羣。一片皮兒蒙却

首等閒啼吼萬重雲

潭柘懷繆仲淳

谷水龍泉一片雲。去來誰解見離羣。夜深唯有滄溟月。無限清光不可分。

燒爆竹有序

魏中光居士於萬曆十四年冬。參予於潭柘山嘉福寺。明年仲春。仍送別於此。中光好燒爆竹。聞予不喜。遂止。予謂中光曰。潭柘陰氣久積。法輪弗轉。正當以爆竹聲震散之。中光大喜。燒竹達旦。日輪重轉。和氣翕集中光。其有所助歟。因感而賦此。爆竹聲中一別來。桃花谷口幾回開。堯天佛日重光處。莫把浮生送酒杯。

碧雲寺禪房見迎春花

一段風情自不同。道人瞥見萬緣空。最是松泉明月夜。清香浮遍梵王宮。

長松館

君家幾個長松樹。引得天風作海濤。熱惱從教千萬斛。此中一坐自然消。

懷弇山居士

太室歸來事事幽。散花天女豈全牛。雲邊水木同誰賞。隱几無心對海鷗。

悼無盡禪伯

坐破蒲團知幾枚。世緣見說久成灰。春深岩畔花痕籍。百鳥空啼喚不回。

上方別守愚座主紹宗天恩開士之蛾眉

大家都是異鄉人。相送殷勤骨肉親。回首白雲重疊處。巴江行色洞中春。

梵川西爽樓雨中卽事

屈曲池塘楊柳風。浮空瀰閣雨烟中。誰將半偈拴心馬。夜聚魚龍水月宮。

曲阿梵川卽懷

流金鑲石雪漫漫。豈但危峰與峻谿。秦道巴江千萬曲。蘆芽雲樹帶冰看。

示王中貴

江南江北盡叢林。惟有龍神願最深。身命肯將拋此地。盲龜植木芥投針。

與大光禪人

瓶錫飄然歷萬山。境風逆順片心閒。若將水月同行跡。刻畫虛空作道顏。

舟行卽事

兩岸好山青不了一溪流水碧無窮。布帆風急浪花白。飛入千峰與萬峰。

寄嘉禾李培秀才

武塘一別幾經秋。萬里雲山兩地愁。惟有吳門江上月。清光不逐水東流。

洗硯池

洗硯洗頭試問津。波光潋灩墨花春。一心清白居雲屋。人世於今有幾人。

法華寮玩月有感

寂寞空山夜氣澄。長天那得片雲生。不知身在清光裏。猶乞傍人指月明。

遊太湖

平生那得此遊奇。夾岸風高落木稀。一水征帆千萬片。青天鏡裏浪花飛。

贈一光趙居士

驀路相逢喚喫茶。杖頭有眼辨龍蛇。誰知邂逅秋風後。南國疎梅又著花。

登牛首文殊樓

高樓憶昔撫長松。塔勢棱棱雲壑中。閒笑一聲天地外。行踪髣髴在虛空。

偕魏李沈三子登釣臺

雲外釣臺高若許。桐江萬古一絲垂。水寒夜靜魚龍睡。誰聽先生歌紫芝。

華嚴嶺

丹楹畫棟鎖凡峰。絕巘盤迴有路通。一部蕪花乖古調。龍蛇曾此領真風。

悼石頭洪濟寺守心禪伯

夕陽歸鳥向江濱。猛浪聲中共息身。大樹無何風折倒。一回過此一沾巾。

識禪客

寶塔凌空衆鳥喧。那來英物解飛翾。一雙鐵翅天生就。夢裡曾驚燕雀魂。

靈岩過傅居士舊遊處

嗜酒狂歌問狗屠。禪房白日醉呼盧。溪山不改前來路。香飯空庭讀佛書。

題用師靜室龍供泉

把茅誰縛萬峰頭。絕壑寒泉日夜流。一自用師歸去後。老龍玉髓竟還收。

登伏虎崖

豈是來尋伏虎踪。爲看巖底列羣峰。笑將四大分千影。處處山頭有凍膿。

歡喜泉

鳥道盤迴知幾重。寒泉潤吻想龍宮。呼童試斫雲邊石。止渴梅林亦有功。

過活埋菴十首

山林清淨本無塵。那得泥灰埋此身。莫如老死娘胎裏。省却寰中獨惱人。

試看父母未生前。可有形骸倚樹邊。自是堂頭無出處。腥臊炙地更薰天。
觸醢究竟本來空。可埋藏空有蹤。未審吾師作何

見無端捕形與關風

逼塞虛空不厭高。何須掘土葬山腰。應知世眼無多

太青把皮囊刺破曹

大患從來爲有身。不如埋却免生靈。青山白石爲棺

槨。作箇閒中活死人

生死何曾是兩條。活埋未必掩腥臊。從教逼塞虛空

去。萬戶千門處處高

鼻孔撐天不可藏。被人牽拽轉慌忙。何如未死先埋

却也勝林梢掛角羊

埋身未必勝埋心。直下無生絕古今。若谷市朝皆大

隱。吾師何事遁雲深

埋身何必在青山。但自無心萬境閒。怪底老禪太多

事。白雲深處立重關

自古名高果不輕。飲牛終是上流清。吾師未死先埋

却。又向巢由頂上行

弔月公杉

經殘手自植。雲透塵拂風。霜知幾年毫末眼。看成合

抱。題王悅道破吳賢

過曇陽館

聞道曇陽已得仙。盡看白日下青天。是誰却恨相從

晚。華髮蕭蕭讀老篇

有感

二十年來勸此心。無分淨穢任浮沈。相逢說道輕繩

墨。除却青松孰賞音

簡魁禪客師事曇陽

一從別後感同袍。少室論真爾獨高。不謂年來愛狎

舉。却將解脫博逍遙

答禪客

藜杖春風入閣來。此中心事謾相猜。誰家樓上如花

女。倦倚欄杆手托腮

貽南竺僧葛鏤

聞道慈心及昆蟲。降龍曾不假神通。相逢莫問途中

事。蔥嶺春深雪未融

佛手崖

茫茫三界總成迷。孔老雖能力尚微。不是瞿曇舒大

手。衆生淪淪孰提携

趙州關

蜀道雖難尚可。行趙州關險不堪。登分明舉目。真如院多少。美靈度未能。

過懸珠塔

清谿委曲抱樓臺。金地空閒絕點埃。聞道當湖舊林鳥。無枝可宿亦飛來。

龍光寺諸文學開講見招有答

雨過空林生午涼。衣冠高論洗心堂。遙知此道今收住。不屬禪家棒喝旁。

擬偕開公之匡廬度夏

千尋絕壑夾龍潭。旁有長松片石寒。避暑開先誰是伴。臥看飛瀑瀉雲端。

供花

誰把金刀費剪裁。殷勤雙手獻如來。雖然不藉春風力。紅白枝枝次第開。

偶成二首

野牛鼻孔本撐天。去住從來不受穿。水草鮮明隨分足。行期早晚漫相憐。

松毛著火燄初騰。逐逐趨光競北行。未及更深烟盡散。歸來都怨篋無靈。

贈某禪人斷指

利斧輕將斷指頭。百花林裡萬緣休。只今舉似湘江上。鮮血翻成碧水流。

宿文殊寺懷鳳林禪伯別諸法侶

覆宿風高白草淒。孤桐空在鳳先飛。月光如水清人夢。杯茗相看動所思。

感懷

鬢毛歷歷幾經霜。越鳥燕鴻倍感傷。行盡江湖三十載。買船無限客如常。

欲過麟郎別墅先此示之

連日天陰今日晴。杖藜躍躍南園行。主人池上笑相待。茗碗相看香浪生。

同王方老過子成別業因悼子成

夕陽烟水對荒墳。亦有人來掃白雲。今日倚欄同啜茗。蕭蕭落木不堪聞。

別如曉

莫道來朝谷一天。溪山雖異月無偏。若能心水常如鏡。處處清光在眼前。

訪萬延老禪

三箇柴頭品字燒。支那擁彗暖偏饒。千岩雪覆人蹤絕。唯有梅花慰寂寥。

華亭願浩寺微笑堂

澤畔桃花歲歲紅。幾回帶醉笑春風。年來莫問靈山會。夜半吟殘曉寺鐘。

僧買蟹供檀越聞而有感

汝輩橫行已積年。成羣白日海沙田。今朝捉去爲媒灼。百沸湯中謾卧天。

喜遇王居士

見說終南幾萬峰。春來一雨瀑千重。萌茨欲結最深處。可有陽坡著凍膿。

偶成

故山初不改蒼茫。萬壑龍蛇迴得氣。龍自笑草萊埋不盡。空中頭角尚昂藏。

冬日上歌風臺

峨帽應拄萬重天。歷盡冰霜到絕巔。憎愛當頭風過樹。象王行處自超然。

難勝泉

修羅愛酒海爲器。釀乃不成遂大怒。豈若此泉清且甘。一飲令人忘衆苦。

太古峰前懷許使君

相對頽然幽思生。鹿泉此去隔雲層。更聞白拂山中事。蒼石誰留不朽名。

蕭岡納涼二首

納涼獨處藕花風。翠裏青山如幾重。怪底蕭岡秋色早。炎蒸不到綠陰濃。

五老峰頭結夏難。日閒無暑夜愁寒。城居六月心遊此。鑠石流金總是閒。

懷楊慈湖先生三首

曾讀先生所著書。明星朗月照禪居。夜來頭面渾呈露。知我慈湖浪裏魚。

其二

那個男兒不丈夫。念頭纔起便模糊。試看白日青天

上雲霧從來一點無

其二

慈湖今日尚長清誰謂先生死生何處風來波復
起依然不斷此聲聲

秋日偶成

少年走馬過邯鄲寒風吹毛骨寒飯罷日長無箇
事斷雲自剪補衣殘

春遊

隔岸桃花血染紅誰家大坑水聲中不因雨過春江
濶一扣柴扉問小童

開先瀑布

黃岩老衲經行倦瞌睡獨翻淨板水化作長虹千萬
丈轟發今古鳴不止

送懷慈之南海

每聞南海風波濶未得身心空莫遊浪散小舟如芥
子財童雲裡爲擔憂

過趙州柏林寺

花木蕭蕭春色微庭前柏子舊來機只今誰復重拈

出無限人天領旨歸

題畫

千松新禪絕飛梁松下何人問老羅花落不隨流水
出那知深處有春光

廬山夜坐

雲去瀑布有無閒錦綉歸來日已闌法侶二三談坐
穩磬聲流水共潺湲

月下偶成

靜夜無雲月正中清光何處不相同江南江北閒臺
殿幾箇心聞曉寺鐘

宿靈隱山房有感

長松九里接飛來碧袖雲濤吼法雷猿鳥無端驚斧
鑿一回登此一傷懷

登丹陽玄覽亭

松篁看山松色蒙待或千尺自疎通南湖西嶺清秋
夜月下看來更不同

示吳元石

孤光一片本圓明纔復心生便隔程紙上相尋尤可

笑畫龍安得解通靈

醒夢

夢裡悲歡知是虛。醒中境界也真乎。常將醒夢細推勘。逆順關頭便自如。

示密藏

潛行密用道階梯。總覺聰明早自欺。醒處未能達現行。夢中安得不昏迷。

咏懷

年來心事隨流水。一到滄冥不復還。剩得靈臺無所著。境風順逆鎖窗閒。

憶孫仲承翁余過祖堂尋賴融尊者

策杖同誰問竹房。千山翠染衣裳。歡花鳥去無消息。却使延陵道更香。

玉板橋留度門

一片寒瓊踏碧流。行人到此忽驚秋。莫教飛出人閒去。爲雨爲雲不點頭。

承天寺懷古

風塵何處問羅衣。八德池頭見覺花。庭下叢蘭今寂寂。

寞更生留得破迷邪

峨眉送人遊清涼

冰雪風塵路不同。出門拄杖便成龍。朝來何處桃花浪。片片香雲接五峰。

過十八灘二首

孤蓬終日翠微閒。纔過前灘復一灘。直入深山更深處。曹溪猶在嶺西南。

兩岸青山月滿川。篙師貪睡不行船。此時意味清如許。法句難將口吻宣。

草寺別顧南宮

馬嘶楊柳春風煖。人對曇花慧月涼。此別不知何處見。片帆縹緲渡滄浪。

住山

厚衣三條束肚皮。住山誰飽更誰饑。幾回獨自隨荒籬。不學曹溪滾是非。

吳城舟中

黃梅未已復紅梅。浪水歌殘吉水來。若使東林堪卓錫。聰明泉冷滌紛埃。

過關

曉云橫曉嶺南來流水青山綠
三司關吏何須扣吏
馬囊中無物不憂天

偶成

長松二下坐牛棚直抵紅塵三
三三豈知一心不生
前三處懸魂蒼苔石

題得伽山海圖

宋代峰泉曾見來這回新見更
可哉雲濤生翠皆無
盡一任人閒雜劫灰

夜泊星子朱堤

浪到南康城脚時往來舟楫命
如絲新安不產水天
手誰向湖邊築此堤

過南雄遺賁澤人

南來北去重嶺終日烟霞伴客
行浪水西風誰解
道實長舌相說無生

登二祖說法臺

鼻祖當年此說經尋常花雨慧
風清只今臺殿蕭蕭
裏惟封龍不改奇

祝守心禪人

十年辛苦在叢林六月葵花一
片心雲過龍泉秋雨
歌寒流多是斷腸音

秋夜宿本寺香禪房

秋初入雨忽新晴雲星寥寥千
月明爽氣逼人眠不
去經行誰共聽泉聲

夢覺偶成

夢裏峰泉興正濃幽松夫在一聲
鐘覺來空翠猶凝
烟縹復生心趣便窮

題好堅木圖壽王司寇

牛羊不敢臥其陰出地高升壓
衆林堅直不隨秋氣
改無情豈肯負初心

秋日過多寶寺懷陳平江侯穆文簡公

魚龍不改舊波濤多寶潭雲壯
寂寥陳穆遺踪何處
覓斷碑殘碣草蕭蕭

哀福聖寺古柏

香葉玲瓏翠作陰幾回風度瀉清
音簷前寶地依然
在無復朝來報曉禽

夜登中臺

師子峰頭縱大觀。翻身直上碧雲端。一聲長嘯乾坤外。五頂風生月影寒。

喜姚侍御問法

烏曇白足笑曾登。柱史焚香問大乘。佛性自來無貴賤。有心男子卽通靈。

過鶴林古竹院二首

深空徧種碧琅玕。小結茆茨亦可安。一任流金并鑠石。老禪擁毳尙憎寒。

其二

青山有竹千萬竿。聽雨時來一倚闌。蕉地耳根尋不見。主人喝下破癡頑。

入湘陰

自古巴江學字流。湘潭水出更深幽。三十六灣來似去。不知誰是共行舟。

咏懷

蓋世功名豈足談。時人所貴我如閒。誰知別有登科處。不在文章紙墨閒。

陽羨舟中卽事

來往風塵兩鬢彫。青山冷笑世人勞。平生碌碌成何事。一片年光夢裡消。

示僧

衣中難著是袈裟。龍袞貂裘未必佳。若使爲僧心不了。何須祝髮住烟霞。

過大庾嶺二首

空拳出嶺一樵夫。得鉢歸來上祖圖。鼻孔大頭還向下。支那翻作葛藤窠。

紅梅林下黃梅鉢。夜半誰持過嶺南。無限好山青不語。箇中一句若爲參。

贈本來和尚

前後千峰去復來。幾回蠟屐破蒼苔。只今懶向諸方走。飯罷和雲臥石臺。

過張文學茂木

竹林流水讀書堂。更愛清風送午涼。喜怒未萌誰是主。香雲片片度長廊。

哭千松座主

茫茫宇宙總他鄉。像不驚離。三三隨。南望一海。然不盡。千松深處落花香。

歸鞋山

無勞針線自成。萬。萬。萬。不可。世。二。有人。能著得。輸他沒量。這人來。

悼廖元七

怪底元。老。老。覺。春。光。漏。盡。對。頭。空。漸。余。一。片。紅。蓮。舌。無。地。輕。搖。此。聯。逢。

九江舟行

春風楊柳問前途。南北關山萬里孤。一。片。月。明。照。江。水。此。時。心。事。有。中。無。

紫栢老人集卷之二十一

紫栢老人集卷之二十一

明 慈山德清 閱

詩七言絕

登吳江華嚴寺塔

漢武何須問劫灰。只今滄海舊壘埃。塔燈誰點吳江。二。直。得。魚。龍。睡。眼。開。

空堂夜坐

跌坐空堂如水清。鼓機歷歷自超情。百年三萬六千。日。安。得。須。臾。此。地。行。

詠于三公觀察十郎

秋風疎影搖窓冷。夜月清香引坐深。更愛諸君能抱。節。不。因。霜。露。失。初。心。

弔鶴林寺松

從來說法有松隣。老衲無煩舌相勞。誰料一朝都伐。盡。幾。回。歸。鶴。夜。尋。巢。

寄吳江諸法侶

吳江明月舊時同。萬里迢迢向蜀中。寄語長橋流水。道。莫。催。塵。世。白。毛。翁。

寄仲溫

去去峨眉萬里餘，揮東海意何如。但將覓骨埋平地，到處青山好著書。

贈姚國賓

往史歸來一逐雷，吳淞聞笑到東昌。汾河片影巢陵月，千里關山不盡光。

悼大千老師

八功德水最清涼，飲者能消熱惱狂。不二樓高雲散盡，大千龍象益悲傷。

贈叢喜汪將軍侍御至

却掃風塵進白雲，空山流水靜中聞。九重天上人多少，遍數那能及二君。

佛香院

佛香院裏過清明，門外垂垂柳正青。怪底曉鶯啼不斷，廣長舌相蕩風輕。

宿東臺

絕頂風高白日寒，雲山重疊檻前看。夜深徙倚南樓柱，喜見滄溟湧玉團。

題玉女潭

仙肌香潔本無塵，未必臨潭浴此身。自是山公嫌寂寞，裝成幽勝引遊人。

弔玄晏

桃紅李白春光好，誰料衰風役半狂。玄晏先生非寂寞，菜根滋味古今長。

過玄晏草堂

春鳥啼來花已深，草堂可得靜居心。逝川既去不復返，幾度臨風淚滿襟。

示姜士華

火宅焦煩豈久居，鬢毛成雪費驅除。故山相去無多遠，車馬蓮華衣裡珠。

示端雅

花落花開幾度春，此身如夢亦如塵。曉來聚散東風急，紅點蒼苔色不新。

示傅公肅四首

江上芙蓉向曉風，霧華初染色偏濃。人間樂事真堪笑，管甚臺高鏡中。

白髮從來不怕人。侯王頭上曉霜新。還家莫道關山遠。一念回光凍地春。

日月升沈不解停。鬢毛鏡裡雪花明。何如掉臂風塵外。閒伴樵漁過此生。

逝水滔滔日夜鳴。浮生誰復解心驚。青山常在在人頻老。紫陌絃歌不可聽。

示韓生

螺髻山中雪色寒。綉衣雲外有彈冠。韓生也解聞鐘磬。消盡聲塵領八還。

寄鐵菴居士

天雄山色武夷同。負約尋來入夢中。怪底維摩常抱疾。八行無鴈有誰通。

遊海門二首

嶽宗朝會古來聞。此日尋源到海門。寄語行邊碣石上。圖南還有北溟鯨。

青山結伴好忘機。春水桃花一色緋。鵬翼自憐風力細。鰕魚先向海東歸。

避暑蕭岡

利名不識有何親。累殺世閒多少人在處。松泉堪避暑。肯將白足走風塵。

偶成八首

烟波堆裏道場開。車馬終難踐碧苔。清梵竹籬關不住。磬聲飛出水雲來。

山頭百畝鉢。孟田聞道英檀。據有年。此日雲居得新主。彫胡食盡好垂憐。

襄江一水曲何多。兩岸桃花色未酡。莫道春寒楊柳怯。乘風也解弄烟波。

建昌山水勝臨川。縱使王維畫不全。風大觀成君試看。直將吹放小西天。

祖庭秋晚覺花空。祇樹蕭條鎖梵宮。幽鳥似憐無縫塔。幾回腸斷叫西風。

四顧乾坤一洞然。長江萬里片帆懸。潯陽此去無多路。五老雲開翠潑天。

野水去來六七里。小舟黑白兩三人。雨餘自是烟波潤。歸去清歌月色新。

朝來金鳳賣紅香。朵朵含羞挹露光。色更空生空更

色。謾誇飛燕體輕揚。

聞磬

長堤短岸絕烟波。彷彿龍宮隱薜蘿。風煖磬聲飛欲斷。道閒誰解聽漁歌。

夏日曲阿梵川偶成

三伏乾坤一甌同。靜思水壑駕寒松。凍雲便覺生毛孔。不若長齋繡佛容。

泛舟梵川二首

綠楊堤畔微風起。紅掌爭驚碧玉盤。誰棹小舟橫水口。清香拂拂帶輕寒。

不抹胭脂趣已幽。自憐顏色照池頭。須知此外無空相。蜀錦何妨隔水浮。

春日重遊光德菴

流水桃花大士家。道人曾此泛星槎。白牛塘上閒吹笛。歸去兒童日已斜。

慈壽訪勞盛主人不遇

千巖披月到懸崖。一訪那羅洞裡人。莫道過門余不入。香雲騰處示全身。

過玉河觀音寺

一徑秋雲到薜蘿。隋唐陳迹問烟波。重來誰起祥公定。馬上行吟五噫歌。

客東雲居寺卽事

軒冕松雲調不同。那堪簫鼓磔疎鐘。一聲長嘯出山去。野鶴從來無定蹤。

顯靈宮聞邢煉師語有感

仙源密邇蕊珠宮。雲盡天壇月正中。松露鶴翻曾濕袖。相逢莫笑野烟濃。

過西雲居寺有感

萬里峨嵋去復來。古碑無字洗蒼苔。宛公慧命誰將續。淚洒青山染劫灰。

南嶽觀音沼

流泉豈是世中聲。妄想紛飛聽不成。試把耳根暫拈却。雲邊別有路通明。

鏡崖

鏡裡虛空花上春。未生心處却投真。若教蜂蝶紛紛集。只恐東風解作瞋。

望普說殿

廣長舌相覆虚空。佛與衆生吞吐中。隔壁剱聲生殺
柄。清涼熱惱辨雌雄。

尊者堂

雙松盤據萬峰腰。靜夜微風學怒濤。龍象百千相次
禮。捲簾喜見鳳頭高。

戒壇偶成

黃金不記築爲臺。死馬能牽樂毅來。絕壑築壇傳佛
戒。大雄家具凍雲雷。

結冬永慈寺贈蘆芽主人妙公

莫測深林虎豹居。道高何事費驅除。危峰環列聽禪
觀。流水淙澗學梵書。

悼壽禪堂師

宿草平輿共度關。只今靈骨葬空山。瓣香飛奠秋風
裡。流水聲中塔影寒。

芙蓉閣偶成

白犢溪頭過小舟。布帆風急浪花浮。烟深不識歸何
處。時聽歌聲到畫樓。

約王泰宇登茅山因未返賦此

處處東風弄柳條。行蹤猶未上三茅。華陽洞口春將
老。愁殺遊人歸路遙。

吳中夜泊

涼生蘋藻動秋風。萬里無雲一鏡空。今夜孤舟繫何
處。吳江清淺月明中。

吳氏廢園二首

汾陽門第晉風流。縹緲湖山感勝遊。今日松蘿誰是
主。斷雲殘月鎖江樓。

築成金屋貯嬋娟。草豔花迷知幾年。愁見向來歌舞
地。古槐疎柳起寒烟。

寓匡山黃龍潭寄賓陽老禪

一菴高結翠微閒。千尺飛泉萬仞山。月夜爲誰歌白
雪。遙聞清磬落松關。

山中老人

青山回合路紆盤。流水松風六月寒。九十老翁忘晝
夜。醒時只把夢時看。

葛洪山訪澤上人

路當新澗倚寒松。重疊峯巒擁梵宮。未過竹橋清磬歇。老禪扶杖笑相逢。

西沼晚泊

扁舟日暮泊孤村。何物吹空天上雲。臥看月明照清淺。是誰遙指水晶紋。

憶山居

勞勞白足走風塵。纔別青山秋復春。重疊雲深叢畔屋。寂寥空鎖久無人。

訪鄭春實不遇

湖州城裡風光別。一半人家烟浪中。惆悵仙公醉何處。柴門岑寂水雲封。

贈天竺僧

十萬程途數載通。沙頭彈舌授降龍。五天到日頭應白。月落斜西半夜鐘。

大方禪伯上山

白雲一片解深藏。家醜雖多慎播揚。松谷老禪真面目。太行山色自蒼蒼。

與鄒南阜居士

孤松高倚大江頭。日夕波濤蕩去舟。野鶴幾回翔欲下。風枝縹緲未能留。

過向城廣福寺

萬簇雲山擁佛宮。華嚴藻井草萊封。夕陽墟落向城北。幾度鐘聲送晚風。

潭柘懷繆仲淳

谷口龍泉一片雲。去來誰復見離羣。夜深唯有滄浪月。無限清光不可分。

懷燕京諸居士

羣鷺消沈片月西。阿誰寫出未生時。長安不在春光外。夢裡浮華幾箇知。

別開侍者

日光寺前日已西。空山搖落語離違。行塵悻悻兩條路。頭上青天不可移。

咏石乳泉

石乳高懸不記秋。半空路路瀉寒流。遙知此去歸滄海。大作雲濤浴巨舟。

志夢

獨惜無人萬斛舟風波恍惚卒難留誰知岸上持竿者幾度斜陽淚濕裘

示諸沙彌

赤心片片爲諸人痛棒難禁滿腹瞋只恐出門三十里恨心竟作水中塵

囑蘆溝橋資福寺住持本公

十年拚命死挨排逆順相逢莫動懷待過隆冬春自到千紅萬紫一齊開

山居二首

獨自經行未欲眠夜涼明月照松泉好茶一碗昏方歇踏破虛空別有天
白雲無心道人心流水無迹道人迹心迹兩忘齊有無白雲流水誰復識

別陸太宰有序

余童時知太宰名既脫白始識於嘉善之大勝寺今逆推之凡易二十二寒暑矣余嘗見太宰出處無常得失參互不可以凡情測也如維摩以臥疾爲廣長舌說不二法門夫疾與不疾爲二死與生

爲二榮與辱爲二老與少爲二凡與聖爲二了知疾即不疾死即不死榮即不榮老即不老凡即不凡是謂不二法門苟能入之雖火聚刀山皆清涼慈忍地惟太宰久入是法門故能於生死榮辱出處之際縱橫自在耳余少太宰二十二年辱太宰不以齒少貧病託於道義之分今將別而之晉陽披晤未期感而賦此

春過丈室維摩疾夏到維摩丈室安此別不知何處去浮生開口笑多難

謝太初靜主惠楞嚴集註

萬疊寒雲抱寂寥日高猶自懶伸腰楞嚴十軸誰相送一炷名香笑裡刀

自肯寮自詠

莫嫌奇特障靈泉大用臨機不現前媿我毒心行未徹賺他男女落廉纖

般若泉

獨坐苔龕萬慮空灑然一脉瀉層峰從教龍象如雲集供佛澆花用不窮

月夜登海藏樓懷江南諸法侶

頭上青天四面山。一樓高聳翠微閒。空窗最愛無雲夜。溢目清光只獨看。

睡起示道開

粥罷正憐方夢醒。日高猶自打鼾眠。開郎已解隨慵懶。伸脚無端襯布穿。

自肯寮

年來足跡遍江山。五頂清涼未欲還。却笑今朝心自肯。河沙龍象任躋攀。

爲新剃可禪人字止臺有序

昔人有言曰。知人者智。自知者明。馬大師住山時。獵人石鞏逐鹿過其前。問曰。鹿何之。大師曰。汝一箭射幾鹿。鞏曰。一鹿。大師曰。吾則不然。鞏曰。師射幾鹿。曰。一羣。鞏聞而駭之。大師乘其駭而啓迪之。曰。汝能射鹿。何不自射。鞏遂反弓自射。曰。直無下手處。大師曰。這漢千劫無明。當下水消去也。若然者。信知人易。而自知難。人能自知。如已眼見。眼苟非就中人。則石鞏之無下手處。寧易言哉。禪人名。

常可余字之曰止臺。以渠剃染清涼。誠無忘文殊老漢。并其受業和尚之德耳。雖然。止臺能自知。則臺可止。臺可止。斯恩不負人。壽幾何。老而知反脫。不能於空閒寂寞之濱。水枯雪老之地。以終其志。非夫也。止臺勉之。

世上稀逢七十人。羨君老大出風塵。慧刀舉處情根斷。去住無忘五頂春。

再遊潭柘寺

峨嵋萬里去重來。法雨香雲遍九垓。誰料昔年荊棘地。空山已復湧樓臺。

雲叢見石門山

此中山水如西子。手抱琵琶面半遮。若使風流渾看見。今朝雲盡孰驚嗟。

悼栗菴居士

武夷不改舊山青。十卷楞嚴講未成。懶媿自言還自食。但將一頌寄延陵。

悼王方麓先生

前生曾道是華嚴。習氣臨終果現前。釋尾儒頭難辨。

別還同竹筴勘癡禪

吁江舟中望從姑山

學得長生固是奇。身存影逐有誰知。何如只學無生好。我既無生死自離。

曾爲紫栢巢中穀。和好音聲總不如。今日一編重舉似。血痕沾洒透珊瑚。

滿腹春工著處裁。含毫聊當一枝開。是誰管領無絃曲。雙徑迢迢庾嶺梅。

丁卯秋日。閑刻紫栢巢弟子元廣分預其役。每見當時拈似處。失聲而泣。因成二絕。句漫綴於末。不自計其詞之工拙也。

歌

頌僧歌

君不見大塊內大塊外。凡屬有形皆聚沫。風卷滄溟徹底枯。皮既不存毛奚賴。今與古知幾代。搜剔興亡多感慨。鏡裏豪華草上霜。日出浮光竟安在。大道喪仁義。起愚智。遑遑分彼此。七雄五伯殺氣驕。楚狂悲鳳譏孔子。李伯陽。爾胡爲去華。取實亦支離。欲返真。

淳盤古心。時人未必解。相隨窮百家。討衆論。傍門駢戶。增迷悶。精閑文武戰功名。究竟空餘千載恨。自秦來不可說。力并山河流。杵血雖然美惡不同觀。到頭名分慙先列。千算計。萬思量。古往今來夢一場。寒暑相推毛易白。爭如削髮禮空王。空王業貴人紹生死中。流施櫓棹有緣。拍手便登船。一念不生等瓏妙。死井水豈藏龍。巨靈一撥泥沙遁。百千三昧總心源。橫拈豎弄。振家風。有等人眼睜睜。欲心如火覓長生。誰知生是死之媒。媒在終難藥物成。縱成得必有壞有壞修之非所解。少年自笑學飛昇。一段風騷幾爲賣。多算勝少算。敗算來算去。爲僧快。五蘊身心水。卽波聖凡坐斷無罣礙。一瓶一鉢海山寬。雲行鳥飛恣歌頌。願爲僧。願爲僧。世生生繼祖燈。四弘爲嚴法。爲輪碾斷衆生愛與憎。杜鵑漸王欽。若生願爲僧。死負約不榮國。相貴爲僧。達者自知解。與縛青山曲。碧水灣松竹。風來益道顏。相逢若問爲僧事。須信爲僧非等閒。

喚鳥歌

道人天放度浮生。城市山林信脚行。除却著衣并喫飯。眼前無事可留情。雲邊松下石。枕錫橫眠消白日。從他花鳥報年光。鼻息如雷睡正密。忽醒來持鐵鉢。狂譌出谷真快活。望烟乞食向前村。一飽那分精與麪。風塵中境界。則憎愛紛紛難了絕。輪與心空及第人。遇緣好醜何煩。熱知不知。漫自癡。蕭梁陳迹草萋萋。兩輪日月如丸擲。竹馬兒童鬢已絲。貧與賤富與貴。冷眼看來無面背。狂奴自是賣高名。平等光中生忌諱。簑衣不著著羊裘。七里灘頭成浪費。這段光見不見。日用堂堂同掣電。直饒師曠與離婁。竭盡聰明隔一線。訪道易悟道難。相逢幾個委心肝。些兒拂意便生嗔。神珠肯把與君看。得此珠大事了。我本不生誰復老。流水聲中唱哩囉。斜陽影裡喚歸鳥。罷罷罷。及早休。千峰古木足清幽。莫待飛高勸始下。羽毛零落道難修。

弔開先湖月鑑公種樹歌

君不見開先老僧號湖月。羅公見之不敢忽。贈之湖月非無取。清明在躬體外拙。湖上山月邊窺朝暮往。

來行不歇。見人斫樹。卽哀號跪拜其前。求莫伐。毫末全抱。霄壤然損我一枝。拔我髮。君欲伐者。便一時老僧視之。如斫骨。願君頓發菩提心。留與禪林壯門闕。夏月遊人來道。涼冬來風雪難埋。沒更有神飈天外來。樹響泉聲當面。咄。男兒咄。面解翻身。凡聖情塵彈指剎。

示覺幡居士歌

去年花落開今年。今年花落開明年。花開花落知幾回。有誰能究未生前。未生前。痛究竟。死生憎笑登時淨。覺花開遍菩提樹。香滿十虛耳根領。

病病歌

五行四大是何物。解寒熱。解生克。風寒水濕互交馳。情根未拔。遭渠惑。遭渠惑。幾度尋渠。渾不得。一片虛明礙口門。千言萬語吐不出。馬駒兒。日面佛。月面佛。洞山暗裏同軌。則看他。有分有誰知。拈轉頭。心赤骨立。赤骨立。從教五眼難窺。識却許狸奴。白牯流寒熱。鑪中閒跳躑。君不見桃花紅。李花白。纔得春光便增色。昨夜東風過短牆。朝來滿地空痕。藉眼前榮能。

有幾二鼠侵藤墜。復起等閒鏡裏鬢毛斑。報道富人
死消息。死消息。我若無生媒。不入這些病。病向誰言。
多少男兒。甘自忽。甘自忽。鐵面閻君。羅織三途一
報。却五千出得頭來。終費力。又不見高張富貴。震天
地。頭白黃金買不去。南山北嶺。塚纍纍。兒說蓬蒿穿
眼裡。愁愁子。能病病。夢中拾箇破沙盆。醒來却是談
禪柄。曲折松枝。隨手應天風。偏向手中吹。霹靂一聲
頭却聳。

桃花歌

君不見桃花開。桃花落。開時何芳穠。落時何寂寞。誰
知本無殊。人情有豐約。南青。阡東紫。陌無限。桃紅與
李白。玉樓人醉喚不醒。夢裏南柯郡。政績不知何處
曉。驚啼醒來紅日懸。天碧。追思枕上榮。辱事兒角龜
毛爭。仲伯古與今。休與戚。動靜一條橫。喧寂竟齊集
由鏡裏花。春深風雨閒吹笛。牧童豈有悲歡心。有心
聽之心。如摘桃花開。桃花落。開落恣無常。道人臥巖
壑。壑之上。巖之東。偏多翠栢與蒼松。長風忽然遊太
虛。雲濤滾滾鳴千峰。耳根無何聲洗脫。我乃喪我我。

無踪無踪是我我是誰。斜陽西去自鳴鐘。鐘中鼓聲
如可撲。曉來何以破昏蒙。桃花落。桃花紅。分別情空
代謝同。我是如來真骨肉。肯將妄語誑寰中。

示如印觀身歌

君不見如花女子。誰不戀。只緣面嫩怕風吹。幾回躲
避桃花畔。又不見吳王樓船載西施。蕩漾中流。街頭
色一朝。越兵過。行春等閒笑裡姑蘇失。這肉塊害殺
人。古今無限沒風塵。老僧有箇降魔術。不是英雄不
解議。常將此心觀此身。此身畢竟是何物。今日觀明
日。察內外。搜求沒搭殺。皮裹肉。肉包骨。橫筋豎絡互
相織。三焦五臟細復推。螻蛄以爲極樂國。膿血漿糞
爲食。終日醺醺自爲得。一朝報盡幻軀燒。總隨烟焰
風飄。失能觀者是我心。所觀者是我身。能所何曾有
疏親。譬如吳越各江山。癡人無智認爲一觀之久。觀
力漸熟。成抖擻。一道神光照。照則抗蛆蟲。滾滾希延壽
臭穢中。不堪處。爭名奪利誰思止。萬兩黃金買粉頭。
直謂風流長不死。悲哉業鬼與姪妖。不道東風夜半
生。猶謂春光常若此。

紙襖歌

君不見天上六銖衣人閉宮錦袍纖柔交錯固無比
爭若溪藤道味高西風起誰不怕凜凜侵人如箭射
寂寞千巖披坐時恁爾寒雲覆房瓦夜將半窗月白
侍者莫能辨青赤誤認霜侵覆余禪齋地當頭打一
策曲兮曲直兮直凡聖情忘難可測化母機梭織不
成那堪羅綺較顏色行客輕坐著端坐臥相應便舒
卷八風一任作風濤道人豈改菩薩面挂松枝西星
角穿窬見之亦不捉隆冬獨壯老僧懷一片虛明謾
描遊又不見紙衣道者亦奇特生死去來何自在却
被曹山痛斥之念吳便與立體味中峰老亦紙襖橫
拈豎弄無不好即衣說法聲如雷自是聾人耳昏耗
比年來俗愈薄狐兔成羣亂穿鑿柳絮蘆花翳眼瞞
解脫光明甘束縛紫陌生見弗忍道即道兮順即順
夜叉菩薩面無常劫化癡鄭悟心印也不管你青州
衫重七斤也不管你溪藤襖無四兩一條性命等微
塵賞即罰分罰即賞

悼徐文卿太僕

避暑何須萬峰去虛堂寂寂多山趣飄風驟雨須臾
過星青瓦溝流泉注西壑千岩孰卷來等閒却向城
中開秋雷轟轟鳴法鼓無限勞生夢裡回君不見開
門緣自到雲處紅如妝即色知非相風塵蓮萼香不
數日徐彥文匆匆束裝朝聖者計者一旦聞意外空
解未深淚續紛紛前船便是後船我莫道他死我不
驚地臨到我頭上電光石火徒悲歎隨順無明起諸
有英雄百戰爭好醜若不隨順諸有羅佛手何曾異
我手

觀牡丹念來慈

未花主人何處去正花猶自不歸來倘然一夜風雨
生可憐艷冶點蒼苔君不見富貴貧賤本一條花開
花落徒嘈嘈幾井未發試看眼搖落孤根寂寞饒

鞭鏡歌

君不見冰李華鮮且軟紅白皮似水徒誇三亭晚
勒馬看等閒一片飄情淺河邊水去不返可惜朱顏
日漸損從教把鏡玩調戲笑殺癡心生纏繞又不見
潘安末玉貌最美一息不來成棄背銅鏡道落誰

家不照兒郎照婆子

山居歌

達觀顯達觀。顯衆人所愛。渠弗憐。開裏抽身委躁君。
疎狂一味樂。樂林泉。撐起行未甚錯。鼻孔孤危不受索。
世路崎嶇行道難。算來肥道是高著。大率進莫若退。
行藏慎密終無累。糞衣懷寶寧負礙。人不知我我則。
貴仕深山敢偷安。火種刀耕度歲寒。飯訖虛窗禮佛。
書幾回明月借光看。置殘卷雙足飲水韻。松聲耳不。
攬一塊圓明忽現前。瞥爾生心卽不見。眼中釘腦後。
楔不是輪扁難出脫。相應約莫徐疾閒。放過依然成。
兩癩。無手人解行拳。輕輕擊破趙州關。五家祖印落。
掌握。生殺縱橫豈等閒。羅緱嶺石孤硬。鳥道懸空常。
寂靜。萬壑千巖一線通。龍泉幽邃多潭洞。可棲身可。
滌心。覺路蕭蕭缺嗣音。孤兔成羣白日暉。夕陽碧殿。
下秋陰。君不見屈步蟲。卽屈卽伸難大用。蒼虬一蟄。
適三冬。出水雲雷自相送。烟霞趣莫謾學。古往今來。
把巢許。衡山懶瓚枕流眠。丹詔速徵不解起。這家風。
勿外通。若將此意透王公。管取當頭失高貴。涕唾功。

名學苦空

梵川問月攜麟郎覺生

吾問天邊月。可曾有離別。燕山與吳門。幾見月圓缺。
或復海上生。有時林閒沒。光輝在隱顯。肯爲迷雲汨。
君不見長安道傍蕭寺中。焚香露坐月當空。昨宵十。
八高人聚。風月無邊爾復從。又不見不傳之妙亂拋。
擲。滿地珍珠誰拾得。此情難借虛空喻。摧破虛空須。
著力。

清涼寺雙栢歌

君不見古清涼。伯仲千霄知幾霜。窗前倏忽神誕生。
翠濤吼喚寒焦陽。此時趣誰領。路積劫情塵俱廓落。
堂堂一片舊靈臺。塞破虛空無處著。好家風謾從聖。
浮生如夢夢如空。今昔豪華鏡裏狂。勸君莫負主人。
公。淮陰功留侯策。究竟都來閒費力。三月桃花雨後。
看殘紅。滿地悲痕簪大將軍。五大夫。策名無故落江。
湖。爭似清源堤下柏。難兄難弟世中無。又不見鸞鳳。
高去去來來愛此巢。香葉玲瓏頤獨奇。靜聽瀑水滌。
心苗。俗漸薄。眞可哀。幾人癡想製棺材。金郭玉廊終。

須懷木板安能保久埋勿短見取勢便呼奴喝隸逞
好漢直謂青天亦可欺青天較汝更會算大張羅網
他鑽到頭一一結公案何如當年即回光留取清陰
後人感

示張春堂

丹衷雲外尋知己赤脚塵中覓信心二十年來霜雪
苦寸腸愁絕爲誰吟爲誰吟吳門風月最知音知音
不在念生後一道神光貫古今聞我行惠雙履萬里
烟雲生足底烟雲總是相知心去去懷君寧有已寧
有已督爾生情早不親願君護念常如死死人坐斷
攀緣時檣木寒灰未足比猛然大地回春光頭頭處
處皆芳紫信手拈來總藥經問君何處留經註唯願
龍神常護持普與衆生作良劑

姜節婦歌

項羽強猛誰敢並恣暴縱火燒咸陽烟燄亘天三百
日視之談笑略不傷想必肚腸生鐵鑄又同木石無
情思及別虞姬更動情歌罷傷心淚如雨又不見漢
高大度天下聞抱病呻吟欲斷魂戚姬難舍死不顧

無床相視淚紛紛這兩漢氣吞當世真罕見羅絡英
雄如小兒使責即責賤即賤獨著虞姬與戚姬不殊
生鐵遭火煨方圓曲直任鉗錘又如蓬條任舒卷楚
霸王漢高祖大度強猛何足數愛欲關頭皆受降臨
死戀戀猶相顧反不如嘉禾城東姜氏女亡夫節抱
金石固彈指高樓五十年不異羈旅寓旦暮又如枯
木倚寒岩春光荏苒心如死唯有清貞不變常遺風
永永鎮顏世

遊善卷祠

性僻平生愛泉石天下山川遍嘗歷搜奇討異幾經
秋佛窟仙源蹤不識善卷幽靈更殊特香藹
嵒桐別一天雕嚴刻岫綴雲烟石田丹竈尚依然仙
人一去不復還人物森森嚴若生遊人把翫何多情
造物變幻固難測以道究之亦可得自是遊人不悟
心却於心外生情執生情執隨境遷流何日息此心
明曠本無涯味之無故生欣戚臨泉坐石便歡然把
酒高歌自比仙須臾興盡復墜一段幽懷變業纏
何如直悟本有心信手握土總成金大地都來一隻

眼不知何處可安針。若有一針可容得此心之外。必有物有物安能無愛憎。愛憎既起迷真識。吾之愛山水。從來不斷此。踏遍名山不著墨。看盡江山又何色。撩天鼻孔任昂藏。去住無非無有都。不知誰爲此中旨。國山寺裏禮空王。空王禮畢出法堂。千峰迴合已殘陽。扁舟漂渺向何處。夜泊烟波萬里長。

汝堅歌贈項子

有形堅久惟天地。水火風災終飄沒。此乃如來真實言。不是等閒相誑惑。天地閒事雖多升沈光景暗消磨。一一已過不復計。榮辱牽人情不枯。情不枯逢春歡喜遇秋悲。古往今來皆若斯。不思天地不長久。但見所欲皆可守。天地數窮尚傾頽。須臾榮辱我何有。春花雖媚終必凋。容顏雖好終必憔。君不見偷桃曼倩頭解白。寒暑催年不可逃。可逃惟有一著子。天地有壞他不死。不在深雲遠壑求。不離現前日用處。穿衣喫飯莫放過。生心早是路頭錯。一路光明變識情。改頭換面由渠作。瞥然悟識情。卽是金剛座。一切萬物屬生滅。惟有此座常堅固。不是英雄大丈夫。阿誰

占之得安妥。得安妥汝字汝堅不虛度。我歌信口不思量。旁人讀之笑我狂。惟有汝堅信不疑。晨昏吟咏遣時光。遣時光春花爛漫香何處。不用鼻嘗用口嘗。

白納歌爲馮開之作

此色不異奔茶黎。來往風塵不染泥。願君此心如此色。一點孤明常歷歷。又同日月破幽昏。昇沉宇宙無踪蹟。此衣披之不顛倒。願君此身常皎皎。朔風吹雪天不寒。又作蒼生黃綿襖。此衣又同青山雲卷舒。自在爲甘霖。一切枯槁被恩澤。無情亦生。歡喜心與君聚首不甚久。知君心地少塵垢。臨別遣君此禱頭。願君精神常抖擻。耳根如鐵捲不轉。相逢依舊春風臉。黑白叢中標格奇。魔外望之心膽戰。我去矣。君須記。雲影天光總我情。閒朝靜夜休相憶。休相憶。絕情識。一點孤明常歷歷。此色不異奔茶黎。願君此心如此色。呵呵呵呵。咄咄咄。到頭光景何消息。白白黑黑黑。君之脉。

懶瓚歌贈曾金簡

我聞君家住衡岳。出入常隨猿與鶴。消閒更解弄潺

漫絕勝風塵爭奕博。又聞衡岳日懶。只言穿衣并
喫飯。衆生苦海正浮沉。限藏岩畔。揮不啻丈夫兒。既
出世。不爲衆生作何事。焦芽敗種。非大根。唯堪打殺
錢狗子。普天之下。皆王土。汝獨潛心。志懶惰。假使天
下都學。汝衆生淪落。復誰度。懶病不除。害非淺。此風
從今不可扇。君不見天子懶惰。社稷亡。丈夫懶惰。家
不昌。農夫懶惰。致餓死。懸婦懶惰。蠶必僵。汝這漢。沒
思算。專以習懶爲慣。便懶病。既或無藥醫。不生一事
無所辦。汝不聞。如來呵懶。爲毒蛇。昏蔽靈臺。苦無涯
頭出頭。沒生死中。幾能得觀。優曇花。君既歸懶。懶想
必舊相。知爲我殷勤。致此說。從今勿以懶爲辭。聞此
說。仍不改。猶復松蘿貪自在。與我一拳打殺伊。敢保
長劫無罪債。只恐君力量小。反被懶癢。到打倒一場。
敢闕天下聞。惹得兒孫聚口笑。

子房山歌

彭城山上雲。彭城山下水。聚散及浮沉。人代迭終始。
君不見人生大塊能幾何。黃河東逝無回波。豪華過
眼。曉天霜。誰能百戰爭山河。楚漢雌雄一夢勞其餘。

蹄岑安足。多世謂先生。見幾墨侯。印葉之如。齒草超
然。故托赤松。遊到頂。那得韓彭。惜此。據先生跡。安知
先生心。先生在報。韓功名。非所忻。秦亡。心事了。不去
何。沉吟。又不見。功名。長生。不相遠。棄彼。取此。議亦淺。
我知先生。天機深。刀圭。勿論。都非。戀。因登古寺。賦此
歌。偶將墨跡。洒烟蘿。先生莫笑太多事。男兒志氣。情
難磨。難磨。若是蒼蒼。蠟河。遷客。變無定。軌。惟有先生
一片心。恒與茲山。增秀美。

龍蛇歌

君不見龍與蛇。本無常。龍若有欲。即爲蛇。蛇能無欲。
變蟲王。世人所欲。固雖多。飲食男女。爲六病。若以飲
食較男女。男女又爲欲之戈。漢高祖之太婆。楚霸王
之西母。一火成錫心。不悲虞姬別時。臂何軟。淮陰功
高。尚忍誅。戚姬臨決。苦躊躇。能將欲海。輕秋。到目下
人閒。幾丈夫。西施不知。是何物。傾城傾國。無多力。當
時若使。留於越。越霸諸侯。亦未必。又不見五百仙人。
善取。去來空。紫雲超羣。纔聽宮女一聲曲。神力俱
遭。飲火焚。蘇子卿。持漢節。吞並。噉雪。命欲絕。死生朝

夕不可保。胡婦生兒。猶所悅。欲之難斷。有若是難斷。能斷須男子。男子斷欲尚多。難婦人失節何足。耻言雖反意甚切。字字分明。心吐血。是男是女。能斷欲。誠爲世上真豪傑。扶人倫。整世道。苟非豪傑。寧堪造。饒有周公伊尹才。未能斷欲。終顛倒。大可笑。大可笑。好漢多迷尿屎。竅臭皮袋上。巧莊嚴。相看莫不稱爲妙。殊不知四大合成身。四蘊攢爲心。若以四四觀身心。何處尋煩惱。海豈有邊。龍蛇出沒足雲烟。入欲關頭。雷雨深等閒。換骨阿誰先。

舊路嶺龍泉寺普同塔歌

君不見。隆興東。龍泉西。後層窳塔倚雲霓。山高靈骨。鱗蟲長地。發林瑯。鳳樓老別傳。願行堅。峨嵋補怛。咸周旋。戒珠圓潔。光飲日。興福十萬并八千。了此心。非一生。十方三世時。精誠誰料。獨饒無著處。清涼山裏。伴繚英。金閣嶺亦曾住。再來矢願立標幟。可憐一片好心腸。深郎徒剖驢肝肺。照法師。涅槃義。皮肉相連無斷際。生公盡道是前身。來往白雲知幾祀。臨終時顯大機。講堂端坐稱阿彌。十氣未殘神獨逝。蓮花

國裡誕嬰兒。義禪客實難得。天生一段混沌質。無論早晚話頭勤。探藥林閒忽禪寂。紅日暮不知歸。虎豹羣中身正遺。兒孫滿望阿爹還。燈燭相尋鳥道迷。古澗邊。定松烟。凝兒一見叫蒼天。如何連日不歸家。却向深林伴虎眠。既喚醒忘所證。猶道須臾無片頃。爾曹無故惱老僧。好場瞋睡多破靜。這三老誰解表輪與皮。迷閒妙鬧家醜翻騰無剩留。浩浩聲光千古調。齊一變至於魯。魯一變至於道。從粗至精。成風教。花落花開不記春。年年黑白來祭掃。此道場初起難數番。血戰清寒。殺鎗把刀口。誰知痛會。首當年命幾拚。助戰者老與少。僧俗橫死真可悼。而今大衆得安然。饒餐渴飲皆溫飽。如是恩莫忘。却學首虛空有菩薩。行藏好歹渠盡知。勸君莫爲沒傷。僅我作歌意甚美。但恐吾曹忘所始。始忘本折枝葉衰。前人辛苦成何事。話到此肝膽裂。知恩報恩須豪傑。春來寺外桃花開。前後殘紅亡者血。

甲子陵穀先生并序

自洗飲風微至。馬上得天下之雄。而功利智勇波。

震塵飛君臣交猜。富貴夕誅夷。然趨之者猶如
夜蛾之投燄。哀哉。及先生足加帝腹。恥纓綈。而激
清。延至李膺。范滂之徒。不以死生易義。槩桐江
一絲之餘烈也。今幸過嗣下。因寄短章一甲。先生
吟曰

三召兮不能榮先生。一退兮不能高先生。榮高既外
兮。則先生不可得而名。唯山高水長兮。一瞻先生之
眉宇。悵然而行。

銅鑪歌卷公遺在龍門者

扶桑之西。黑水之東。勞盛凌厲。海色朦朧。奇岩異壑。
曲澗巨峰。烟雲深處。驚濤振空。中有美人。寂默禪宮。
予曾扣關。如桴擊鐘。不慮而酬。即問而通。見斯蒼嶺。
背負仙翁。展卷勿收。意托冲融。神遊混茫之初。跡符
既判之後。長者緒言。久承下風。觀物思人。真懷忡忡。
上方山夜坐懷孫仲來

明月在青天。流泉在碧山。素輝與寒響。靜默有無閒。
我有所思兮。美人紛未還。時陰固難待。奄忽鬢毛斑。
結尾松蘿深。沉連清溪灣。輕舟飄白波。漁父多軟頑。

無去仍復來。華麟得非艱。欣然換濁酒。一醉忘萬般。
拍手喚不醒。遊魂江海閒。風濤未可測。彼岸宜早攀。
警世

嗟哉世間人。所計何其短。但欲遂目前。終古竟不管。
形骸有敗壞。真光常自在。不滅必受生。生必酬業債。
今生弗如意。前因所招待。貴賤雖有殊。業鏡寧假借。
形端影必佳。面惡形必怪。少年如春花。既鮮豈不萎。
常將萎事看。安俟零落悟。

哀靈岩寺僧歌

莫謂出家好。山居絕閒擾。年來苦更多。開口向誰道。
山地枯山田。瘦枯瘦豐收。能幾斗往來。賓客強支持。
分外徵求何所有。況復三年兩度荒。每日吞饑如餓。
狗。到此淚如雨。莫若離山托鉢去。翻思佛祖舊叢。
林。難將一旦委荒。楚君不見靈岩寺。大小禪房皆廢。
棄。老僧乞食求歸來。白骨不知葬何地。流泉聲難可。
聽。誰謂靈岩四絕英。松風今作斷腸吟。木偶聞之亦。
淚零。

悼棲霞素菴節公并引

師之所得以無得爲得所以處失而未始失也以
其未始失故凡莊嚴淨土崇麗繙林者獨願而或
雖雲山可嚮恨江可竭師之德容无如也一旦棄
我而逝寧無悲乎故以辭悼之辭曰

師來兮以慈悲爲釣師逝兮而性命合妙青山兮師
骨流水兮師笑余痛哀兮垂照法梁折兮孰肖鄙詞
瓣香兮一巾

登方山歌

君不見晉陽方山李長者愛虎馱經不用馬大賢村
頭高山奴一見主人便能下差哉世道衰斯文竟或
假空閒冠蓋名已乏舊風雅馬家古佛堂土室久荒
涼長者去不返佛日誰洗光漸小予生何晚變林那
堪紹緇衰見賢思齊非憚勞尋山問水叩玄關我曾
聞華嚴經十方如來之典刑四重法界難思議孰能
揮毫無留停譬百川爭赴海萬里雲濤極文彩又如
春光在萬物洪纖濃淡皆自在理法界喻夫水水結
爲水事相似互成互奪等屈伸千舒萬卷不離指最
難悟後一箇事事無拘非建瓴輸與文殊可遙多當

陽頭出價增重懷州牛嘉州象張三吃草李四眼更
兼空手把鋤頭明暗相參呈伎倆日用中露形容含
毫臨紙何匆匆星霜五易論告成世傳天女俱騰空
又聞長者初來時囊挈經書歷險危風霜一夕震林
谷老松拔去泉如飴至今數僧仰饑渴聖師厚德寧
忘之遠觀慈出苦龍蚤春結伴下寒嵐芒屨踏破幾
層雪神福山原試一參寶眉朗目瞬上峰丹唇紫臉
髯不同身長七尺有二寸天問法海眞英雄般動再
拜不忍別行行回首烟雲重

式廬歌育序

我聞太極老人乍夢之後而兩儀始行自是特立
環立於大地閒者惟山焉耳喪且中祖崐崙高三
峨尊五嶽奇傑牢盛神吳蓬萊今有易崐崙退三
峨隱五嶽進匡廬而獨式焉者蓋匡廬之山清深
慈秀故也清則難垢獨立深則幽討莫測慈則近
厚秀則遠媚若人取之有以哉慈慈子聞而爲之
歌曰

清兮本無染兮深兮難討測兮慈兮且有容兮秀兮

遠媚兮奚獨全此四德兮予其望之厚兮

澄公泉歌

君不見高山岩曲有流水烟鎖雲藏人不覩白足窮
幽偶識之倚被徘徊不忍去泉泉泉何其玄儼若欲
語聲弗全又不見伯夷清巢父潔若倫此泉雖我懷
澄公講餘來彈舌蒼虬作雨潤枯渴令人長憶晉
君泥塗板築龍蛇穴

江水歌

江水忽起兮江水忽伏兮起兮伏兮是誰所使兮心
水本澄忽然怒生怒既爲媒兮所謂喜者不煩介紹
自然而相展是事甚易知兮奈何觸事而迷起伏無
媒風哥作戲蓬蓬然而來寂寂然而去來兮去兮其
誰之命說者曰有陰陽而後有動靜風兮風兮陰陽
未判兮廓然昭徹兮此爲渾沌之老敢問此老之先
曰太極無極耳嘻無極之先孰名無極或曰無極之
後名德始興慙慙于抱膝而歌曰名兮實兮相互而
窮兮所謂無極也者太虛塗彩耳喜兮怒兮一心未
生兮果異果同兮喜怒哀發兮有待無待兮知有無

者果然真兮果然妄兮有能析兮則江水之起伏富
兮貴兮貧兮賤兮皆春風中小兒騎竹馬耳知此則
風之所始在我而不在物矣昔人有偈曰大地山河
是阿誰了無一法可思惟燈前喜怒自起倒敢問西
隣知不知咄夜來處處鳴鐘鼓敲破觸骸人不知

燕山送雷雨居士奉使入楚

君不見湘水湘山天下希烟濤空翠交相輝片帆杳
然向深處掉首方悲人世非賈傅韓生曾去來滿前
幽勝或思歸好山好水不解賞此道遙知未入微又
不見懶瓚慙眠石枕頭禪心如水清無休千峰但覺
芋火煖那知世上有王侯君承王命辭燕山拂拂秋
風兩鬢斑岷江洞庭遠更闊虎兇魚龍日夕環覺有
心見有身無端明鏡忽生塵騰今耀古光自在相逢
幾箇用天真莫道此言淡無味無味之中無限春朱
陵高久寂寥回鴈峰前荊棘饒狐兔成羣笑復哀驅
除剪拂金湯勞臨行更勸一杯茗兩行熱淚沾緇袍
再過澹菴居士園有感

勺水何必滄海水愛石何必太山石此石此水意甚

深白雲碧草誰復識誰復識誰復識見說先生手自
疊一花一木皆自植吾雖無心來此中恍若先生共
相揖

紫栢老人集卷之二十八

紫栢老人集卷之二十九

明 憨山德清 閱

歌

皮囊歌

這皮囊無好醜空色從來莫能瞞自是當人情未消
千零百碎分淨垢君不見元沙老觸護面前金剛倒
費盡精神扶不起使人常夜徒悲懷客大蟲逞家風
快言叢障本來空一朝拶著難伸訴業障依然障不
通兩禪伯心路直血刀刀無愧色公案分明請試
觀冷灰豆爆知恩德透此關便不難掉臂縱橫恣軟
頑但得胸中無夙食從教藥病自般般聖凡情頓坐
斷不住中流豈兩岸須知死水不藏龍雷電光中看

胡亂看胡亂看胡亂末上通身出臭汗生殺交加意
氣開大底輸他本色漢

送靜菴知客之燕京造佛像歌有引

靜菴上人將鑄銅爲像一旦辭予出山予問此行
奚爲曰造佛去子曰佛如可造空可青黃若知泥
佛不度水金佛不度爐乎莫若鑄心爲佛大水稽
天佛能漂劫火洞然弗能燒顧不偉哉焉用範銅
爲乎上人曰我聞水可以爲水色可以爲空土木
銅鐵皆可以目得之色乎非乎若然者心無形段
空無邊際即空即心即心即空空兮心兮孰得而
思議之範銅爲佛有何不可古德有言曰若人誠
得心大地無寸土寸土尚無指何爲銅予曰善哉
子行矣乃作歌以壯之歌曰
劫火洞然天地灰毗嵐吼擊三禪墮鑄銅爲佛不可
壞常光千古破昏埃此行秋深時漸寒歸來應是桃
花殘文殊老人頻相喚夢裏春光與易闌君不見屬
塔殘層高入雲龍藏稀奇難可聞等閒莫把年光玩
老病休將口舌分呵呵呵呵會得麼剝皮刺血苦何多

豈是古人無所見。行邊早晚細思他。

悼無塵開士

沁水諸觀兮不遷。遙入潭柘兮獨還。白雲忽散兮寧堪不遠。悼爾兮義完。生爲死媒兮奚歎。死爲生母兮奚難。了此而超然兮。卽羣動而固閒。公若有知兮。懸解於去來之閒。

紅禪衣歌與開侍者

宛然一片大火聚。觸著當下誰不死。惟有命根久斷者。披之處處爲標幟。又如初八天上月。黑白相參難辨別。朽枯骸內解龍吟。烏雲重疊清光發。莫謂穿舊不復美。華林曾示裴相國。再來非仗觀世音。老僧端取直壁立。君不見鳥窠拈起等閒吹。侍者當陽便知歸。陽天和暖披此坐。一切回互不同。互曹谿少室有來由。不是知音不點頭。或五位或三寶。總是衆生寒之服。殺猪屠戶念彌陀。聖凡覲面謾分訴。謾分訴銀盆盛雪月。藏鷺阿誰於此辨。端倪木兒石女堪分付。堪分付不是綾。不是布。燦爛光明處處露。披之安坐風雪中。不異周圍設壇火。設壇火點雪投之。可見麼。

若還不見總顙。預見之無事討事做。

寄弔陳內翰良輔

我登廬山時。東林訪君子。別後不幾年。君子取高第。黃梁夢未全。忽聞已棄世。花開終必落。人生終必死。花落還復開。人死竟不起。此情向誰言。耒陽有名士。以人還自驚。無常無彼此。縱活一百年。不過先後耳。君子君子兮。望雲空相思。聰明泉不枯。聲咽何時已。

觀放花炮歌

君不見富貴人所喜。貧賤世所厭。古往及今來。升沈寧有限。惟有達道人。榮辱俱如幻。漢高祖楚霸王。爭鋒氣勢何昂藏。正眼看來總是空。長安彭城俱荒涼。亞夫塚蕭何墓。荊棘深深眠狐兔。山河不改動業盡。奚必從前多勞苦。大不若林閒叟。龍犀胸中曾不有。白雲去住本無心。泉石城隍恣遊走。或愛靜。或任喧。超然直下了。非關萬竅寥寥夜。月寒何妨花炮共相看。聲悅耳色供目。聲色叢中誰解悟。常光生滅兩俱遺。千峰寂歷心如谷。又不見張相國。馮司禮。光燄輝輝貴無極。一朝福盡草頭霜。日出何曾曙。涓滴古如。

此今如此相逢誰是奇男子。聽炮觀花洞世情掛冠
岩穴尋高士。薦大機開塗毒。彈指根塵成石火。羽化
還同水夾魚。陽回大地俱懷。學無生即無死。生死
從來互相起。生若無生死亦無。孤明歷歷照千古。要
會得須家傑。一切情頭都斷絕。譬如香象脫羈鎖。縱
橫不受人牽拽。披人聽炮我亦聽。人觀花我亦觀。就中
別自有玄端。妍醜交加慧鑑前。片心湛湛喻寒潭。寒
潭水清徹底富。寶貨賤如泡。弱碌碌珞珞有何期。輸
吾枕石和雲睡。

病中歌有序

皮毬道人以四國王相勝負而未調。或以火攻。或
以土迫。水風二帥復激而鼓之。大戰不休。是以陰
陽弗和。結爲寒濕。病求醫於盧扁。術於華陀。皆
爲之縮手。且曰。此病根於混沌之初。發於太極之
後。證自而相須。有識而致之。非我曹可以療也。皮
毬道人側聞而笑之。遂發而爲歌。

皮毬道人抱痰火咳嗽寒涎朝暮吐。四大相凌未易
調。一呼一吸無常主。達此理真快活。謾言天地爲棺

。此是莊周夢裡談。無生路上渠難摸。既無生寧有
死。一切屈伸皆幻耳。乾坤亦是臭皮囊。囊中膿滴奚
相惜。千萬劫如一瞬。南嶽關門何太鈍。由心造業業
生灾。勞頓農家失本分。君不見一念不生佛亦幻。既
生有覺覺生情。常寂光中受磨難離圓。覺無六道廢
六道。無三乘增減。關頭理不明。醫王設藥聊蕩洗。皮
毬道人一身輕。一身輕健如狗衛。主說說不歇口。相
逢誰悉片肝腸。濕草功勳亦曾。有罷罷罷變毛骨。曼
殊大士騎未足。於今只上峨嵋山。象王隊裡超拳拳。
又不見遺二道人。最相愛燈前爲我償。筆債一行兩
行寫。病單皮毬道人常不壞。常不壞太自在。房山深
處覓春光。巨桃易杏誰偷賣。孫郎藥貴近來風。飄香
鮮毒無人曬。身既爾物亦同。痰火機關萬法通。造化
莫頭漏真訣。誰家園裡杏非紅。

慈郎撓柴歌

撓柴好撓柴。強古人標格誰敢忘。無分老少與賢愚。
一聲榔響下禪床。下禪床看轉髮。欵忽更頭并換臉。
人人圍片破簷肩。翻翻隨衆出門遠。一步高一步低。

孤懸鳥道路。殘風團冷氣。攻心腹。日照水。噴滑似泥。到雲深。稍停息。天寒地凍。難久立。揀得枯株。竊喜經。誰知雨打中心。濕撞著了重。也能安上肩頭。逐步下高坡。峻嶺轉折。煩幾迴。踉蹌脚心驚。怕不做過。寧知苦往往。偷安恣懶惰。直待親身經一番。從今去。後知回互。喫熱飯。睡暖坑。也要回光暗自想。大家若不共勤勞。安能有此清福享。撓柴強撓柴。好居山。莫要閒炒關。衲僧既欲煉昏沉。撓塊柴兒勿生惱。

與開侍者

龍泉侍者名道。開白雲飛去。又飛回。山深迢遞。勞去來。蕭蕭祖道生塵埃。羊蹄馬跡遍蒼苔。優曇枯悴不復開。幾番搔首憶黃梅。輪樵斲出梁棟材。竭力晚季支傾頽。稿汝特賜茶七杯。

子房山漫歌重前

彭城山上雲。彭城山下水。聚散及浮沈。廢興不可數。君不見人生。天地能幾何。黃河東逝無回波。豪華過眼。曉天霜。誰能百戰爭山河。楚漢雄雌一夢勞。其餘蹄浴安足多。世謂先生見機蚤。侯印棄之如腐草。超

然故託赤松遊。到頭那得韓彭惱。此據先生迹。安知先生心。先生在報讎。功名非所欣。秦亡心事了。不去何沈吟。又不見功名長生不相遠。棄彼取此識亦淺。我知先生天機清。登仙冲舉皆無戀。因登此山作此歌。偶將墨跡灑烟蘿。先生聞之謂我何。男兒意氣情難磨。難磨惟是山與水。河遷谷變無定軌。惟有先生一片心。恒與茲山增秀美。

甲虛白師

我正生兮五蘊本。空師方滅兮一真無。待本空則生而無生。無待則滅而非滅。生而無生。師不異我。滅而非滅。我不異師。師我窮極。炎燼雪飛。此中有旨。誰復提撕。我今哭師。非悲之悲。師其有靈鑒我寸思。

燕遷聖避佛歌

余寓傳侍御之紺園。以時事多感。又見其俗尚強喜誇詐。殺伐故淹留。曰深冀以化之一日。禮佛聞鳴。鳴聲視之。則見梁燕巢佛頂者。遷聖於偏掖矣。余不覺泣然。蓋余挂錫幾三月。此方疑信朝暮無常。燕乃知罪。福避佛遷巢。則佐我化多矣。豈羽蟲

之欲累輕而靈隙猶存。不若人心凶昧。本心蔽盡。
歎因悲慨作歌。

誰謂羽蟲愚。羽蟲人不如。年年壘巢當正梁。今歲自
遷偏掖居。大爲主人供。聖像竊恐。獲罪難除。細思
想。誠可悲。飛鳴之類。何知機。人乃最靈。萬物首。腥臊
唐突入禪期。我重此燕。異常鳥形。雖昧略。信三寶。尚
爾聞經。悟自心。羽蟲可作慈悲。憐慈悲。憐紅日落。幾
回渡頭待行客。無明浪裏作津梁。始信羽蟲人不若。
來紺圖讀此歌。歌中滋味苦心多。莫謂喃喃口海濤。
急要人人出愛河。這段緣非無端。只因燕子成。此篇
由是觀之。鳥我師。師恩師德。敢不傳。

蘆芽山閱法華論懷閑侍者

君不見北帝震怒寒飈生。蒼雲彤霧馳太清。木榻林
扉睡起時。出門一片瓊瑤明。懷美人。鬱幽思。策杖孤
遊。飄泊子地。凍山水草木。強獸踪鳥跡。渾莫視明窗
下。法華論焚香坐。閱陶所題紙。勞字故念初澄。非思
量處。牛眠隱寂滅。體光明。腰三周九喻。皆皮毛。相逢
若箇渠頭角。萬壑千岩雪徑遙。纔眨眼。卽不見行步。

如風又如電。惱殺揚鞭喚不回。熊窩豹窟多坑塹。荆
棘林煩惱。懣懣憎愛交加。埋自己。蘆芽清勝異風塵。早
晚歸來眠露地。歸來兮。勿帶伴。火宅衆生心路險。同
床合被尙相猜。何況烟霞沒量漢。沒量漢兮。閒不徹。
冷看侯王營黑業。至死不聞知見香。茫茫苦海何時
竭。又不見生天上。猶有墜入閒富貴。能幾日。春花雖
好。豈常鮮。到頭零落風雨急。夫差驕勾踐。臥薪嘗
膽勤報復。只今吳越舊山河。年年惟見芳草綠。爭如
七軸妙蓮花。深雲淨室頻翻讀。頻翻讀兮。塵習斷。靈
山一會曾不散。凡聖交參趕闊場。拈華微笑頭陀慣。
如是相無委曲。和盤托出寧掩覆。自是衆生情見深。
醍醐上味翻成毒。開侍者。頗可惱。杖屨翻翻何處倒。
齊魯風高落木寒。長更那得黃綿襖。好歸來。聽此經。
簷前共看天花落。

湛緣亭歌有序

昔人有以利爲病者。則重名以藥之。病名則藥以
重生。病生則藥以重。忘殊不知利不自利。名不自
名。生不自生。忘不自忘。皆相待而有也。故白黑紅

緣初非有色而或者色之豈非忘湛醉緣歟紫柏先生偕二三子問秋生疾於湛緣亭覺非子進曰大師來不一發藥乎先生舍然大笑曰紅綠白黑聲聲色色乃至飲食男女萬物精粗如冥湛而不昧緣孰非良藥覺非曰若然者奚不曰湛六而曰湛緣先生曰書不盡言言不盡意聖人設象以盡意耶夫象者似也故緣卽六也九方臯之相馬略其玄黃取其神駿今子膠之乎玄黃則所謂神駿者隱矣歌曰

湛兮緣兮雄兮雌兮苟非其人兮豈易同歸介然有知兮則屬妄想稿然無知兮則倫木石復揣摩兮愈得愈失非開朗兮孰能辨析

茅山歌送思燈還松陵

吳江丁生幼業儒屢試不第遂棄去問津無生既而將祝髮其子求父得之雲陽號眺白父曰兒雖家貧饋粥可供何忍棄故土去異鄉丁生舍然大笑曰三界以名爲體名言以因緣變而有浮生於因緣變中變態萬狀子也父也親也疎也榮也

辱也死也生也譬如龜毛繩兔角杖繫風挑月豈可以泥哉小子行矣無悞乃翁大事紫柏先生壯丁生之言哀其子之誠孝贈之以茅以吟

吳江江上月此夕照茅山茅山上雲送汝吳江還人生乃小夢逆順徒悲歡試觀心未生何缺復何完茅山雲吳江月父子恩情卒難割卒難割到頭恩愛終有歇君不見五世後慶不賀喪不弔使汝由之不爲道霜毛頃刻隨刀空昨夜頭痛長五峰得道歸來撐渡船兼載冤親無我中

佛香菴夜坐

今夜佛香菴前坐明朝瀨陽江上別今夜月明照坐客來宵月明照行役行踪去來故無定月明在處常相識常相識犬吠雞鳴報消息月明若使堪把斷海上神仙肯蛻骨

壽仲堅尋李生佛歌

人事卒難遂年光不可留是非橫劫掠使我莫自由豈惟今如此往古恐相侔但若得聞道死生付波流何況榮與辱不殊雲空浮君不見豬揩金山金愈光

小人君子各有長。小人懷惡則忘善。君子懷善惡必忘終。來善惡不到處。自是君子快活。堂一夫快活。天下安一夫愁戚。天下難。丹山碧水益道心。金釵換酒。王公寒又不見李彌遜。李生佛崇學。祠前虎渡橋。行跡月明猶髣髴。山僧本是方外賓。竹杖芒屨何所親。却言遠尋李生。佛七閩寧復畏嶙峋。

鳳頭歌并序

道人往年乞食京師。諸中貴紛然爭飯。道人中有年少未冠者。謬呼爲鳳頭。邇來抱病房山而鳳頭者。又不遠來。飯道人則已冠矣。嗚呼。梵志白首而歸。隣人謂昔人猶在。梵志曉之曰。吾猶昔人。非昔人也。隣人皆驚愕。其言道人感鳳頭不畏巖谷崎嶇。敬持主命飯道人於深山。遂賦此。

昔鳳頭今鳳頭。誰云今鳳頭是昔鳳頭。來者且未至。去者不可留。來去既非有。眼中見鳳頭。嗟哉世上人。當面昧鳳頭。鳳頭復鳳頭。橫計如奔流。滔滔正莫返。無風爭覆舟。大覺不忍看。垂手援癡牛。夜光暗投入。按劍誰非讐。嗟哉世上人。何人識鳳頭。

題淨業堂徹天師卷

經殘老衲無餘事。手自窗前拂竹几。一卷橫鋪非等閒。烟濤空翠何窮止。君不見斷岸孤村富花卉。容顏零落妬山鬼。又不見一片閒雲度碧空。舳艫千里疑銜尾。浪巨風高帆互飛。龜鼉出沒如螻蟻。看來性命微塵輕。弄險收成能有幾。半峰上石磊磊春去幽枝含蓓蕾。彷彿吳姬擬笑時。貪觀日暮不知悔。前王塚後王墳。秋雨蕭蕭欲斷魂。相逢莫問雌雄事。得失還同谷口雲。今與古柳生肘。富貴功名非我有。任他造物亂翻騰。殷勤抱住無生帚。鴟與梟鸞與鳳麟。麝香象同一甕。長松雪重鶴巢傾。誰知打破漁人夢。烟霞曲隱龍宮鍾。梵喧喧震太空。聞聲幾箇解入流。萬劫根塵當處融。運筆端憑覺觀念。未生時誰所判。和盤托出與人看。始是英雄豪傑漢。咄咄咄。勿翻洩。落霞孤鶩兩俱絕。水色山光一鏡懸。通天別有超情訣。

靜樂縣萬花山清涼寺歌

君不見萬花深處清涼寺。山迴水遶清佳處。昔有幽人此鍊心。黎羹藿食知幾祀。一旦荊棘化樓臺。青蓮

寶座踞如來等閒忽作師子吼。魔外妖獸腦裂開。哲人既出成草莽。狐狼野干鳴如雷。琳宮金砌臥牛馬。其誰見之弗生哀。我惑往者心。血枯驚策力盡成精。廬相去未有五百世。寧能忍之不扶持。又不見布金太子芳名久。給孤長者隨方有。讀我歌。信我語。便是祇園賢檀那。慨然出手爲之整。兒孫管取多魁渠。呵呵。智者誰。清涼一念未生時。萬花開處六門香。若人聞之。領大機。領大機。勿生疑。業重終難昧。厭離厭離二字聖。賢命常人聞之等糠粃。唯有英雄調不同。相逢一見便相期。畜生無有厭離心。安得爲人秉義。倫爲人無有厭離心。安得聞道出苦津。不厭財。被財殺。不離色。被色縛。殺縛由來厭離缺。諸君欲邁風塵路。洗心厭離是真訣。

眉山歌

君不見眉山高入雲霄際。翠靄氤氳三萬里。其誰度夏清涼深雪飛。六月寒侵肌。銀鈎掛懶能拭。一任垂垂壯風骨。南衡老漢調不同。時可入兮時可出。顯與晦豈有常。譬如一手握復張。癡人見之有開合。了得

寰中總不妨。巴江水龍翻石夢。裡徒勞分遠邇。何處青林鳥忽鳴。醒來白象仍師子。山中樂聲聞縛大隱。何須生執著。去住閒雲恣卷舒。從人笑我無圭角。五羊皮一釣竿。無底盤中弄彈丸。浮空落地設留得。宛轉橫斜著眼看。秋風高暑氣消。棧閣岩巒道路遙。翻翻瓶錫漢關險。二三法侶俱腰包。一箇下一箇上。松畔回頭渾畫樣。足倦團團坐樹閒。滿前黃葉扶清曠。坐復起過幽曲。流水冷冷絕塵俗。却憶淮陰算計多。陳倉刁斗喧空谷。出不意。備不及。席卷中原無許力。英雄不見空聞名。玄猿月下啼山色。今卽古。古卽今。行人怕聽斷腸音。輸我胸中無所慮。萍蹤江海儘浮沈。

過樓煩寺有感

君不見五胡亂華綱紀裂。君臣相啖如蛇蝎。晉室翻成累卵危。奸雄竊保逞豪傑。老與少弗忍。道骨肉流離委荒草。中國瓜分屬犬羊。腥羶滿地將誰告。仁與義咸廢棄。七經二篇成故紙。佳兵尙武殺氣驕。直謂山河馬上治。佛菩薩閱此輩。鑄頑爲良慈雨沛。谷隱

龍飛紹佛圖樓煩豹變昭羣類隨方設化順機宜貴
賤從風啓蒙昧姚秦石勒悟初心蒼生塗炭承茲濟
又不見勝井金枝秀異常揚光將表醍醐瑞三草二
木均受霑鼓鼙那入圖提耳投鞭斷流狹長江強梁
狠顧恣吞噬出師安公諫再三符堅伏軾伴瞋睡一
朝兵散霸業空取笑千古真成戲飄風驟雨刁斗鳴
生民無奈樵蘇計廬山高五峰峻翠靄氤氲跌座穩
五篇六事選策由天子潯陽詔不准貪夫懦夫聞此
風孰不剛明消鄙吝利世從來功績高昌黎吉水猶
猜忿烏紗巾天在上雖黃人品休齒莽休齒莽人禍
天刑指諸掌我勸爾慢弄文淵淳損朴文爲君是非
顛倒誠堪惜鸞鳳驅入鴟梟羣引後生祖輕薄短什
豐章播唇舌大方君子自有見肯逐兒童營黑業習
鑿齒勾踐民襄陽匡阜挹清芬片言一偈相酬唱流
光足啓萬世香邊風勁侵骨冷杖履翩翩尋勝井白
草黃雲古殿寒遠公芳躅蕭條盡蓮華漏石棋枰東
林白社空留名自慚小子道業疎坐觀成敗難支撐
悲歌涕泗拽杖去淖沱滾滾愁堪誌

長歌送廬山黃龍潭湛上人遊學并序

古人之志於學也學則必成今人雖志於學迄未
有成者豈古今人知覺不同耶蓋古人之學也專
事而勤勤而恒恒而思思而明明而行於是六者
斯須不敢怠也而其學成矣今子將遊學四方亦
能於此六者持之有常則古人不遠聊贈以歌作
長途主杖子

決戰從來貴拚死決學從來貴自強拚死臨敵心慷
慨慷慨之者敵必亡自強不息學必成事慮中途無
主張所以古人志於學尋常臉上生冰霜美惡境界
付虛空不留方寸蔽心光心光不蔽慧自生慧生觸
理無不明理明覽教自相契自然吐語佛智冥佛智
既冥天有梯知君到此不生迷歸來高隱黃龍潭白
足蹈遍萬峰西相逢月下論疇昔始證予言無不實
無不實也是無端太浪藉不是鎗旗惑亂人要衒儂
家召巴鼻

登天目徑山作

天上富貴人閉幕人閉富貴天上睡從來惟有達道

人天上人閒都觀破。栗柳一條橫瘦。窮山深水不知年。兩九日月誰拋。都滄海桑田幾變遷。君不見崑崙飛來浙江號。天目一枝搖擺向東溟。怒馬方馳忽頓伏。雙徑繁迴雲霧深。五峰盤踞星辰簇。天所作地所藏。待人而與名。始揚欽師一受龍神施。深秋漲爲行道場。道成德厚動天子。王侯奔走爲金湯。須信開池莫待月。池成水滿月自光。又不見幽岩樹歷盡嚴霜。春未遇一日。陽和整地回。嬌花嫩葉紛相附。自唐來至於今。烟霞朝市幾浮沉。何事東風撼塔鈴。殘紅流水澹人心。龍與蛇無常。居山頭老漢八十餘。夜叉佛面振家聲。正令當陽肯讓渠。白兔踪靈雞豕暖。足功高。蝦蟇豈可人爲箇物。靈逢緣不布。菩提種放生池。金蓮開異香。時復染樓臺。微風閒吹石上松。定裡初驚聲若雷。聲與色休妄測。眼聞耳見不可即。兩者既然法法同。凡大作佛無多力。怪底貳郎業垢昏。青天白日生疑惑。石解喝螺解活。情與無情一機括。試將輕線石下牽。橫來豎去皆通達。螺脫死仍復生。百沸鍋中別路行。若人於此知消息。劫火毗嵐一

任烹且拈小喻。其大了得頭頭本非昧。前朝後代祖師禪。善解施爲何利害。趙州狗無佛性。相逢學著誰不病。一朝徹底忽掀翻。救却瞿曇窮性命。一大事。饒將相。皆取懸知弄不上。非是欽師惑亂人情。斷輪他本色。匠子房謀淮陰功。楚漢爭雄春夢中。飛沙何處鳴刀斗。醒來自笑兩成空。遮空相元清淨。無邊利海虛明鏡。一微涉動太山崩。今古紛紛憎愛。兩莫若早直下。休千頭萬緒。付溪流。明月溪邊跌坐時。雲空臺殿自清秋。嗟祖道轉荒涼。孤兔成羣白日狂。三衣瓦鉢是何物。淫坊酒肆較低昂。水山勝無過此絕頂纔。登收衆美。浙江濤接海門潮。觀音舌相拖牀。被大慧老慈悲。好白雲却許紅裙掃。遊人若怪烟花迷。敢保先生未聞道。迷在我不在人。境緣逆順陷根塵。迴脫根塵光獨露。閒花野草大家春。聊暫遊未能留。阿誰追我雙溪頭。孤燈達旦話疇昔。臨別瓶甌惜更稠。丈夫脚背閒踏蓮花藏板。期永納分付山靈善護持。萬古蒼生無畏塔。

予聞萬物浮沉於生死者。情爲其累耳。故未超情者。解奴人而不自奴。何殊東施醜嫫母哉。因而信口歌此。

君不見蕭梁求爲佛。家奴五體投地拜泥塗。至今天下聚口笑。誰知就裡存遠圖。又不見張子房。圯橋進履人。呼狂少年不恥拜白頭。強秦一旦爲之亡。死生於人亦大矣。若比強秦難。此彼不笑留侯笑。梁武西施貌。惡嫫母。美。嗟世眼見何短。是遠非近。徒毀讚。塵劫不憂憂頃刻。緩者反急急者。緩子房亡。秦爲報。韓秦亡。心事都已完。超然且托赤松遊。流水青山天地寬。人生大患莫若身。老子立言寧不真。既悟此身爲大患。忘身事佛。豈凡民勸君夜氣清明時。細將兩者較疎親。蕭張所存志遠。近何殊青天與黃塵。衆人見小。不見大。蟻垤龍峰等一巾。又不見眼爲色之奴耳。爲聲之奴。鼻爲香臭。奴舌爲鹹酸。奴身爲觸之奴。意爲攀緣。奴巢許爲名高之奴。堯舜爲天下之奴。老子爲三寶之奴。孔氏爲仁義之奴。釋迦爲衆生之奴。達觀老漢爲沒巴鼻之奴。長亦奴。短亦奴。美亦奴。惡亦

奴。古亦奴。今亦奴。大道未判何爾。汝凡落朕兆皆爲奴。嗟哉濁世顛復。倒不奴於汝。謂我奴。譬如魚龍在水中。分疆割界。嚴異同。殊不知離水覓魚。龍魚龍何所從。又如大地上。培塿與崑崙。離地辨高低。瞎子笑盲人。呵呵。何會也。麼若知此。可來同度苦海波。

溧陽結夏歌

溧陽莊。溧陽莊。地廣天低。野色蒼蒼。樹塵希。盡作陰翠簾。月上夜生光。凭淨几。對明窗。飯罷喃喃讀竺章。慧風颯。爾卷迷雲。一輪靈鑒照無方。喜長夏。荒林僻。游子那能覓踪跡。鉢水爐香魂夢涼。共誰箕踞恣幽適。君不見龍唇陌。思得患夫驚俗骨。華髮蕭蕭孰解休。等閒氣斷空悲泣。兒與孫。縱滿眼黃泉路上苦無眼。自家造罪自家當。悔恨生前欠營善。慈陰槐翠蛟軒培植。構來知幾年。從聞閣覆垂玉堂。飛紅一片浮青天。朝與暮。勤功課。鐵磬聲中亡者度。右丞別墅敗招提。潮川千載王氏做。嘆古今。錯用心。懶積白業積黃金。滿頭雪色買難消。歌舞樓臺變荊榛。吳王墓。齊王陵。年年歲歲記空名。金棺銀槨屬豪客。行人弔古

枉車停。似聊城傳居士爲爺生子續傳燈。

房山歌

房山奇勝天下寡。羣峰梁棟青天瓦。四圍翠壁鎖空明。就中幽邃難圖寫。行鳥路多恐怖。挾策捫蘿防失。悞禪流欲透死生關。百尺竿頭須進步。擠跌殺危機。竭虎穴。龍宮皆寂滅。對境無心。方寸閒懸崖跳躑。須豪傑。閻老子見此輩。業鏡分明罪難配。從來不落朕兆中。鄧公礪折馬駒腿。據尊卑明彼此。丹霞燒佛亦合死。誰知禍著熱心人。院主眉須甘墮耳。冤不冤屈不屈生。殺那論祖與佛。驢糞相逢換眼睛。夜光翻作路旁物。君不見雲深處。兜率鐘聲等刀踞。白拈老子解回互。明暗相參向誰語。語言不言知不知。雲邊老樹礙人枝。月夜幾回橫瘦影。驅烏錯解作蛇兒行。未里頻滴瀝。點點有聲何處覓。一聲既爾萬聲同。眼聽清音太古笛。禪家樂調自朴不屬宮商辨清濁。去聖遠兮邪見深。紛紛魔子寧知覺。笛此爾琴亦然子。期千古臥黃泉。料難拍手喚得起。伯牙安忍再整絃。高山上有流水一斗之名。何代始曾聞大旱爲雲。覓三草。

二木生悲喜。一六合水可見未合已前浪更險。若言龍去水卽枯。性空眞水成虛陷。如是觀名正觀。魔外從教心膽寒。一大既然三大等。事事同條莫自瞞。頓悟了。識轉智。六七因中分等地。觀門逆順痛自強。年光宜惜莫虛棄。補處尊相宗祖知。足天中施法雨。上方臺殿信玲瓏。龍象當年成隊伍。寒岩下巽草青纔說興亡不可聽。空門尙復有消歇。人代安能無朽榮。漢高祖楚霸王山河百戰爭雌黃。請看而今安在哉。龍樓鳳閣草萊荒。笑淮陰輪留侯自成敗。誰之由。只爲當頭一著差。滿盤棋子未央收。奇男兒不見快。開眼却教婦人賣。相逢多少稱英雄。事到頭來皆納敗。春夢曉聞啼鳥。古往今來事多少。昨夜東風過短牆。殘紅滿地誰相眺。初立表華嚴老法界。精深試尋討。前三可以季解知。後一從來沒頭腦。殃及兒孫卒未休。天開林叟分青皂。皮毬道人強證明。也是自起還自倒。房山好任行坐。峰巒面面如花朶。石磴蒼苔笑馬蹄。冷看遊人攀鐵鎖。上者上下者下。流芳自古不可把。老樹不與人相期。莫待臨時淚空酒。因有身。

招寵辱。因有心。生好惡。苦海茫茫難濟度。直將兩者
等乾城。那怕房山路頭踏。

元伯歌

羊生虎犬生牛。指鹿爲馬誰所尤。大抵人情反覆閒。
波瀾未必喻。能周勢所臨。利所在。血口論交心尚昧。
況復相酬杯酒中。伊能便肯傾肝肺。君不見有形大
者。惟天地。包羅萬有。纖不棄。暑往寒來與興亡。未嘗
有心爲軌。則孔子元勢耀伯。賊福年來甚。雖赫骨肉
相逢。狹路中。死生榮辱。恣所役。孔夫子李老君。釋迦
文。乾坤三老。最超羣。直得於今。伎倆窮。相看品坐淚。
紛紛青者黃。白者黑。直者枉。枉者直。禮樂詩書過
耳風。五千十二乾。蘆葦孔。方伯勢耀。元英雄。彼此互
崢嶸。證今作古。作今仰憑神。力無不成。自笑從來
不安分。淡視二兄。如土糞。同儕盡道。且狗時。賦受剛
福情。不近窮。性命直甚錢。東拋西擲。信前緣。寸衷苟
有真機。在頭上。安能無青天。雲山中。風塵裏。出處何
曾有定軌。士庶公侯。一道看。境緣逆順。何悲喜。言之
易行之難。好惡關頭。戰歲寒。自心未了。強磨礱。到底

情根未易。拚破鉢。孟折拄。故一息不來。都棄放。單單
利得臭尸骸。從他蛆出。爛如醬。爛如醬。銀鄰金棺。無
兩樣。南北山頭。多墓田。未死誰非。勢利。匠吾所言。大
似正歌之。恐犯伯元。伯元從此。肯回光。迷雲鑿破。
呈心境。心境明。便自信。向來勢利。真罪釁。即將此念。
擴充之。伯元直下。俱堯舜。又不見君子。小人豈有常。
魔佛還同。雪與湯。雪消湯內。重尋雪。何殊石女覓爺。
娘。這般話。甚易曉。未解爲緣人。欲擾。試看一念未生。
時。日用身心。奚大小。忽頓悟。子得母。騰騰天性。自相
厚。死生顯沛。只如閒。一段恩情。無左右。千古始千古。
末。如我所說。理方達。若非我說。別尋條。從教佛也。奉
一喝。

道吉水懷鄒鄧

隔吉水。兮望吉山。吉山之下。誰結菴。菴前古道蒼苔
滿。獨許白雲閒。往還。

山居歌遣兜率寺隆禪人

山居春花木。氣氤氳。氣象斯幽鳥。一聲啼曉夢。等閒喚
醒本來人。

山居夏雷雨龍蛇爭變化戶外階前雲水深禪人慾
臥長松下

山居秋石上裁雲補澗頭一任西風頻落葉園林芋
栗已全收

山居冬雪覆千峰與萬峰茅屋夜深成燭坐地蘊達
旦暖烘烘

寄慈師觀音歌

石頭船搶大幾多我與公坐寬如何一別三年不相
見幾曾難得上新河然無船主爲把舵普門尋得觀
音哥觀音老哥我不異今寄觀音到廣城廣城亦不
異船搶我公朝莫富歡情此情情在象帝先千磨萬
折觀音憐故特分身作三老長年爲公撐此船此船
撐到安穩處何怕風波浪濤天浪濤天浪濤天寶船
廠裏結因緣我聞南海寶嚴衆公載衆寶船滿手船
若不滿重相見觀音老哥意何如意何如意何如意
峰海月明如鏡照破支郎不丈夫

龐德公歌

襄陽龐公少陵東白髮不髡亦不俗世所奔趨我獨

棄我已有餘彼不足鹿門有月樹下行虎溪無風舟
上宿不識當時捕魚客但愛長康畫金粟杜口如今
不復言龐公爲人不曲局東西有人問老翁爲道明
燈照華屋五言七言正兒戲三行五行亦偶耳我性
不飲只解醉正如春風弄羣卉四十年來同所事老
去何須別愚智古人不住亦不滅我今不作亦不止
寄與悠悠世上人浪生浪死一埃塵洗墨無池筆無
冢聊以作戲悅吾爾

岷江歌

藍袍不服服繚袍身處塵諠慕寂寥山水移來紋曉
上閒消那得白頭毛頭毛白雪覆層峰趣難得從教
熱惱化清涼娑婆不異蓮華國但將憎愛付岷江龍
堂寺裏龍初出龍初出千山萬山雲墨黑火星撞見
老比丘伎倆難施空自泣

古澗歌

直下千峰與萬峰山中一雨瀑千里流來深處湛然
滿分出池平映遠空君不見源遠流長出處高終歸
大海作波濤此言雖復尋常句得意忘言理本遙又

不見言說法身無精靈。忘言得意皆真如。白雪重疊
流水聲。側耳聽來有若。無自太宰與諸君。靈言細語
如蟲食木。偶爾成文。有心無心。路既窮。流水冷冷出
白雲。遂和道人健行。脚海北天南。遍摸索青山。飽飯
臥松下。泉聲咽石。催夢覺。夢覺眼開天地寬。寒喧何
處不安樂。偶然乞食來。荆楚淨業禪房。竹几角。禪人
笑而示此卷。兩耳泉聲洗煩濁。橫疑身在烟霞中。禪
房何日誅茅。縛溪聲果是廣長舌。說法何勞口聒聒。

髡丁歌

恣軟頭恣軟頭。去聖遠兮無羞頭。髡丁六羣與七羣。
飽食遊談胡亂攀。或攀佛或攀祖。佛祖吾曹當踵武。
羊質虎皮徧諸方。爲非往往煩官府。官不知橫生疑。
玉石俱焚一同看。遂謂緇林無靈芝。三家村七里店。
善惡賢愚皆可驗。檢名審實情難瞞。善者賜香惡賜
劍。賞罰明奸莫逃。難將黑白味絲毫。空門廣濶人烟
衆。荆棘梧桐各有條。鳳棲棘。鴉聚梧。鳳鴉自然精神
殊。莫因棲止眩毛色。鴉豈能作鳳鳴乎。佛知見貴戒
律。背則凶兮奉則吉。爲僧若不斷葷羶。如來呼爲髡

頭卒。城市裏山林閒。名藍眞宇指可頒。相將十九廢
七八疎。山石門徒悲。漕推所自廢寺。由不因黃冠。因
髡頭。髡頭若使守戒珠。福田自然多秋收。實相米飯
如雪嚼。破一顆。狂心歇。狂心歇處本菩提。光還自照
無圓缺。僧如此。孰不敬。敬僧檀那心。亦正僧俗心。光
照不窮。疎山石門行正令。正令行兮神鬼泣。當機佛
祖難攙柄。陳瑩中人中龍。天台教觀有門融。上藍長
老世英勛。宗教精深覺範翁。

登那羅窟有感

君不見太僕未鑿混沌始。情與無情無彼此。瞥然一
念是誰生。骨肉山河成礙。望那羅窟甚深密。底裏空
明不可測。見說神僧向入中。雲邊千古遺包笠。聞其
風。我亦來幽岩。感慨增徘徊。自慚身見仍還在。菩薩
有門不爲開。一直上莫分別。凡聖都盧乾屎橛。當頭
若許著思量。石人腦後重加楔。由是觀休外。參眼聲
耳色。觸體寒常光。一片色非色。乾坤攝取一毛端。又
不見維摩丈室十笏許。百千師座皆容處。若言老漢
弄神通。分明瞞睡成錯去。這妙用孰不有。吃飯穿衣

記得否。自是男兒不丈夫。超躡金毛變癡狗。風吹草
本非賊。望影猶吠不已。及乎大盜劫主人。煩惱刀
鳴。遂置。墮葉酒醉。何日醒。碌碌浮華俱醺酣。輕裘肥
馬。送時光。愁殺相知多此病。且由他。各管自。沐猴性
躁。方痛治。好惡關頭。林木深。上下何曾有定止。鞭其
後。卽回首。叱去呼來不敢扭。掌中繩索尙相持。禪翁
謾笑狂奴醜。明道易履道難。習水情潭豈易乾。不是
一番拚命做。說時似悟。用時瞞。話到此。淚如雨。滴滴
皆從肝肺出。相逢罕遇箇中人。愁人莫向愁人語。既
有苦。必有甜。陰晴陽回。峒口乾。閒來桑梓解麻納。寧
知身在重巒閒。夜來慙忘人情。萬里烟波海月生。設
使侯王知此境。便教敝屣視功名。

皮囊歌

怪哉四大誠吾患。害孜孜給其所需。念念從其所愛。
未嘗少頃而哀矜。胡廼忘恩之莫大。正欲策進於清
虛。反招增損於勤怠。正欲忘彼於無何。有之鄉不覺
遷移於愛憎之態。幼而累父母。匡扶長以藉師。資教
誠。晝則役我如馬牛。夜則昏我如蟲蠹。登山兮氣喘。

神疲涉水兮足寒。腰擦動時纔覺得其所宜。轉眼以
成。無能靜時方欲憩。其幾微。倏爾千條萬派。我之恩
德。日隆。汝之過慙。日敗。從今識破這冤家。任我縱橫
俱自在。或赴火。或投崖。終不爲汝生驚怪。或中矢。或
嬰矛。豈復還爲汝望礙。但願人人出此情。何分九蓮
及三界。若還一念被他迷。管取來生償業債。

石門多勝閣啜茗問月歌

連宵明月在何處。明月今宵始見汝。我問明月月佯
聾。清光湛湛嬌不語。誰知不語意更深。明月無心解
相與。海角天涯在在逢。根塵迴脫月爲侶。月明若使
有盈虧。拾得寒山肯輕許。李白把酒問月。明月明石
門。翻問予。予無所答。指溪山。溪山明月常所處。我心
卽月月卽我。我我兮月。月兮謾寒暑。盧仝七碗生清風。予
啜三甌問吳楚。吳王楚子安在哉。章臺餘艸夢空舉。
雪消巴蜀春水來。羅峯龍團試重煮。瓦爐湯沸雪雷
鳴。凍壑一聲忘我所。

臨川文昌橋水月歌

君不見文昌橋上月。幾回圓兮幾回缺。月缺月圓非

無心要知黑髮成白髮。髮白若使不復黑。無拘貴賤終埋骨。金棺銀槨與蓬條。骨朽到頭總須沒。又不見文昌橋下水。逝波一去不復返。花開花落知幾遭。流水送花無近遠。近送前川花自沈。遠送東溟花始損。雖分遠近皆殘紅。樹底悲歌何太晚。月兮花兮是何物。盈虧榮落信還屈。扣其兩端情自枯。情枯自然智亦訖。智訖情枯著眼觀。月明流水如湯沸。如湯沸文昌橋斷應鋪鐵。鋪鐵文昌功最高。津梁萬古何崎嶇。何崎嶇利害關。頭情貴拂情拂理。通津梁成頭顱水底休悲鬱。文昌橋上月明時。法食徧拋無煩乞。管教一飽忘百饑。饑餓夢覺心非佛。

遊飛鰲峰悼羅近溪先生

雲峰如花公如春。春歸花自少精神。高山流水初不異。風月無邊欠主人。主人一去不復返。笑予何事來遊晚。梅花落盡浪花浮。片帆風飽來迹遠。舟停山脚望山頭。橋橫半空跨絕巘。巘見說羅公橋上行。仰看青天橋上偃。身心已視等虛空。虛空豈復有增損。翻身橋上東復西。下方人見驚不穩。羅公浩歌行雲停聲。

滿乾坤誰復隱。歌聲全落麻姑泉。泉化為酒解愁本。愁本莫過利與名。利名又以身為鍵。身忘患忘神。始全神全風塵即闕苑。何必雲深覓從姑。却被麻姑笑凡混。羅公心曲歌中剖。摩利支天司北斗。一身多臂手縱橫。各執法物心豈有有心兩手勞。不勝無心千手妙。自偶羅公此妙孰能傳。能傳問君有受否。有受心外則有法。根塵亢然神復走。身心翻作是非巢。利名鳥雀爭好醜。鷦鷯一枝身以安。肯學烏雅開惡口。惡口不開善口開。開言終與理不乖。橫說豎說萬竅號。天風寧出有心哉。無心根塵何彼此。如去如來莫亂猜。羅公此意得無得。暗將無得化春雷。春雷出地羣蟄醒。醒後三家夢自回。君不見儒釋老三家兒孫橫煩惱。羅公一笑如春風。無明樁子都吹倒。吁江三月放桃花。兩岸紅顏知多少。莫道羅公去不歸。雲峰古路無人掃。

悟道歌并序

古人謂悟道難。予甚不然。特作歌聊泄微意。君不見牛與馬。只愛憨眠不愛打。草肥水美情更歡。

蹄角饑焦難可惹。水中魚樹上鳥。一樣飛潛無大小。
慕潭擇木最難。駭駭驚釣太分曉。又不見上達輕。
軒冕雲壑松泉苦。就湫空谷幽蘭獨。自香終須不逐。
清風卷。惟中人甘緝紳。聲色遊觀意氣新。瓊林宴罷。
喝如雷。帶酒歸來燭已陳。田家苦。田家樂。苦樂浮沈。
任豐約。最是西風晚稻香。濁醪肥鴨對斟酌。南枝鵲。
瀚海羊。蘇武當在冷獨營。馬市開來三十年。破膚將。
軍齒盡。黃人與物殊階級。喜則揚聲悲則泣。莫言人。
貴物賤微。一念未生皆獨立。性所變乃爲情。憎愛交。
加理不清。須知想念卽本智。覓水離水佛豈成。臨濟。
捧德山。喝馬面牛頭。手段辣。士庶公侯隻眼看。是凡。
是聖從宰割。這些子真妙術。掃却迷雲懸慧日。大家。
都在清光中。盲者依然黑漆漆。再方便。開覺路。內外。
推尋心無住。無住之心物我同。熾然成異。因喜怒喜。
怒起初無性。離却前塵沒把柄。智者順達能所空。迸。
出軒轅太古鏡。等閒用處辨妍媸。斷送瞿曇窮性命。
悟道易。難在人人而果敢。冬可春。孟宗哭竹笋爲抽。
蛇奴雖鈍亦登真。滿天下老和尚。一片舌頭橫贊謗。

一千七百葛藤窩。都將截斷隨風颺。喫飯穿衣誰不。
能。死生榮辱奚欣愴。荒墳見鬼不生疑。便是金毛師。
子樣。

棕履歌

破棕履聊相驢。蹈遍千崖與萬仞。試看脚尖未舉時。
聖凡側耳雷電迅。勤警策勿懈困。好把年光惜分寸。
塞北邊南往返勞。不明大事千生恨。又不見老達磨。
手持隻履過寒施。嶺頭相見果是真。熊耳開棺事更。
訛。何如老漢這棕鞋。浪跡雲山與薜蘿。直饒大悲千。
手。管教摸索火中波。又一事。謾再卜。來去如毬轉。
轉轉東村大伯最相知。幾回正笑翻成哭。妄念起不。
須覺。信步茫茫最真朴。若離大地覓脚跟。何殊離石。
求其璞。誠實語若斟酌。失却木梳問鋤。纔向上程途。
有路行。賺煞呆郎自擔閣。

登徑山歌

紫栢老紫栢老。一枝筇杖探奇奧。但除中國未經封。
勝水佳山無不到。惟此山未嘗攀。春來絕頂叩禪關。
五峰盤踞諸天上。雙徑濛濛萬壑閒。唐國一號初祖。

芟茅剪棘開茲土。燈傳終古慧光寒。龍象繩繩爭步武。這擔板不可縮。是聖是凡一切刻。直饒劍刃解翻身。早被儂家笑。杜撰法王孫。喻鸞鳳。豈逐山雞閒打。闌羊角風高十萬里。世閒榮辱誰能控。朝出將暮入相一息不來皆莫仗。拆天勳業目前雲。罪過閻羅肯輕放。君不見留侯揮臂入千峰。不事君王事亦松。不是好花開未遍。等閒臺殿起秋風。

虎丘圖

海湧崔嵬高入雲。青松白石遠塵紛。烟蘿深處前朝寺。鐘磬風清時忽聞。我曾投策禮大覺。殿堂金壁光輝發。誰將龍腦焚寶爐。香雲繚繞沾摩訶。今日君家見此圖。當年勝事宛如昨。人生韶華能幾何。常年行樂不爲多。君不見吳王盛時強已極。觀兵中國誰敢逆。黃池敗闕歸來遲。吳王山川帶羞色。英雄夢在瞬息平地。宮花變荆棘。劍池今已屬遊人。惟有魚腸伴枯骨。又不見勾踐得意渡錢塘。如花吳女滿舟航。蛟龍欲得不敢奪。越王載之還故鄉。只今會稽仍復在。竹箭蕭蕭變人代。吳王盛越王衰。越王盛時吳王敗。

吳越雌雄夢一場。業魂千古償冤債。前車既覆後車鑒。一念回光復不遠。雖然大小不同倫。由來有理不隔線。我作此歌有深意。順逆關頭君却記。吳越爭鋒尙已非。儂家那復爭閒氣。澹泊勤勞是本行。精深內典明心志。從他面面鼓風波。一炷清香答天地。消遣春光展此圖。虎丘移入書堂裏。

劉某公禪房歌

羨公所居兮高曠而遠塵。機重岩闐寂兮麋鹿同棲。遲白雲抱幽石兮。未可以有無知明月留清泉兮。豈可以去來期雪竇撫髯兮。薦此機者稀余拽杖出山兮。孤松芳蘭牽所思。牽所思兮在離微。離則不可言說。求微則不可心想。推既不可求。推兮天地一指萬物一馬。渠卽是我我卽伊。我卽伊兮何所思。

看花歌

看花來看花來。花開花落樂多迴。人閒富貴亦如此。看花幾箇心花開。心花開色本空。從來富貴花在風。風中艷冶與馨色。兎角龜毛豈不同。眼見色耳聞聲。聲色場頭多愛憎。榮卽喜兮辱卽悲。茫茫苦海岸難。

登看花好看花。好寒暑相催。人易老。從今熱惱化清涼。莫使清涼來熱惱。花卽心意最深。相逢幾箇是知音。文殊隊裏解翻身。塵塵刹刹皆黃金。花障眼。眼生花。分明本是却成差。境緣好醜。心外無天上人。閒一朵花。看花去看花去。凡聖有無切莫住。從來花相權最奇。旣解放開。又捏聚。問君把柄憑誰力。看花歌意休輕舉。

贈戴升之

君不見戴郎短小膽氣豪。不畏岷江濤。不畏廬山高。傲然駕孤蓬。意思何飄飄。輕截蛟龍窟。閒尋虎豹巢。長松之下拜老衲。老衲無印佩瘦腰。戴郎所爲爲何事。敢挹玄津滋靈苗。靈苗一抽千萬丈。天風忽起摩重霄。見說稻花香十處。金湯大法安辭勞。又不見戴郎裘敝黃金盡。衆人相逢無不晒。誰知屈乃伸之機。頭角崢嶸待雷震。泥蟠設無冲天志。丈夫雖生何異死。又不見勾踐報吳痛嘗膽。孟明拜賜心不反。破釜焚舟決一戰。晉人堅守出不敢戴郎。別我將十年。鬢毛相見驚蒼然。精神不似觀河時。負車猶困羊腸巔。

自慚本是解空叟。不覺飲泣獨良久。青春古道不再來。戴郎此去莫甘朽。廬山山色鎮長青。岷江江濤鎮長吼。焰光一朝燒杏花。三尺烏紗也不醜。再來五老望番湖。莫言心事今朝剖。

紫栢老人集卷之二十九終

紫柏尊者別集

明・錢謙益

編

紫栢尊者別集序

金壇刻紫栢尊者全集已行藝林此外有錢啓忠集鈔四卷陸符心夢四卷按指禪師携吳江周氏藏本乃尊者中年之作白衣弟子繆仲淳周季華周子介執侍左右手自鑄寫者余爲會萃諸本取全集所未載者排爲四卷名爲紫栢別集而序其後曰禪門五燈自南宋南渡已後石門妙喜至高峯新崖中峰爲一盛由元以迄明初元叟寂照笑隱至楚石蒲菴季潭爲再盛二百年來傳燈寂蔑尊者挺生東吳氣宇如王蹴踏天下機緣闊現從地湧出實有關於國運隆替法運廢興未可以凡心世智妄爲此量也尊者出世萬曆中正國家日中豫秦之侯紹寺甞表華牙盤互師以慈願戒力住王舍城而爲說法薄聖母之慈雲開衆主之智日庶幾曠稅可罷黨禁可除戎索可清殺運可挽群小張羅鉤黨推刃妖書師於是揀幻有之軀息清流之禍法幢既倒國論日非乾綱下移帝心解紐魔外交侵人天不佑考妖書本末之記知劫運摧剝之因雖業繁有固然實振古所未觀也古來元臣命世必曰降神矧乎法王導師寧非間出尊者秉金剛心具那延力舉手可以拍須彌噓氣可以吸溟渤金翅鼓搏則龍子隨其唆食而況於魚鰕與師子碎吼則香象爲之失糞而況於野干與人之云亡法燈熄矣魚鰕翔舞而野干號呼矣同時大德捨緒還緇却來人間以夢遊了大事譬如老將全師退守深溝固壘使賊人相戒莫敢犯而廓清摧陷固非其所有事矣嗚呼尊者之出世其關係國運法運如此悠悠斯世惟慈山老人爲能知而言之而其爲增銘茹荼噉蠟含嚙齒舌間所謂我聞有命不敢以告人者也尊者之化去也次年爲萬曆乙巳余夢至高山有大和尚危坐巖端謂是遠觀尊者恭敬禮足已指左方地命余坐密語付囑戒以勿忘涕淚悲泣而寤距今將六十年矣私心擬議願踵慈老之後撰第二碑用以續僧史徵國史發揮增銘未盡光明日月逾邁氣侵晦蒙六十年來一往是昔夢中涕淚悲泣世界吮毫閣筆多歷年所非敢食言於二老也每自循省往昔年少書生不通佛法不知以何

等因緣夢中得受記。前今頭童筆秃。無所成就。尋行數墨。排次遺文。如拾字老比丘背破籠。箇放紙波波劫劫。以為能事。尊者常寂光中。得無自笑。失却一雙眼。手別集既成。謹書其後。以自懺抑。或以有待焉。尊者之文一言半偈。網性流出。如水銀撒地。願願皆圓。余不敢輕為揀別。然集中散落者不少。如乙未送慈老渡嶺作。逐客說及顧仲恭所見。澹居鐙公本論。寧吾誠所諸篇。皆法門眼目也。斗間紫氣久而不沒。殆斯文之祥乎。余雖遙矣。猶願得而見之。歲在庚子十一月。長至後七日。來復之日。虞山白衣私淑弟子蒙叟錢謙益焚香肅拜謹序。

紫栢尊者別集目次

卷第一

序

雜文

卷第二

贊偈詩

偈

詩

卷第三

書問

卷第四

語錄

附錄

跋

紫栢尊者別集目次終

紫栢尊者別集卷一

虞山白衣私淑弟子蒙叟錢謙益纂閱

徑山寂照六世孫傳臨濟宗契願壽梓

雜文

阿賴識四分略解

夫搜剔陰陽之奧。囊括造化之精。洞鴻濛之源。破混沌之窳。超儒老而獨高。冠百氏而弘深。舍唯識之宗。而他求。未之有也。夫唯遮境有識。箇心空。遮境則識外無法。箇空則非同枯滅。是以夷。斯。常。之。坑。塞。生。滅。之路。圓。彰。中。道。判。定。因。明。魔。外。望。絕。凡。聖。共。遵。也。然識有八種。又有心王心所之殊。苟非智慧空靈思量。妙密豈易窺其庭哉。阿賴耶識等大略窮其所由生。直以真如。照。極。反。昧。生。滅。與。不。生。滅。和。合。謂。之。證。自。證。分。如。醒。人。忽。爾。昏。作。人。語。雖。聞。而。不。能。了。了。謂。之。醒。耶。又。不。能。了。了。謂。之。昏。耶。人。語。又。聞。此。之。謂。昏。醒。相。半。迷。悟。之。關。也。此。等。時。節。有。人。喚。之。即。昏。隨。醒。矣。不。喚。則。醒。隨。昏。矣。醒。既。隨。昏。而。外。不。能。了。境。內。不。作。夢。惟。昏。然。而。已。謂。之。自。證。分。此。等。時。節。位。無。能。所。冥。

然獨存也。少頃頓夢種種悲歡苦樂能觀而言謂之見分。即所觀之所即相分。或問曰。見相二分前後生耶。抗然生耶。予則應之曰。見相二分謂之前後生者。現量之中不許有無分別。纔生分別。現量滅矣。謂之抗生。則能所弗同也。此四分乃八識之本。故有志於此宗者。不可不留神焉。四分通徹則八識之綱思過半矣。

前五識略解

夫八識四分乃相宗之綱骨也。阿賴耶識末那識分別識眼識耳識鼻識舌識身識。謂之八識。證自證分。自證分見分相分。謂之四分。究本言之。八識四初無分體。特以真如隨緣乃成種種耳。夫真如隨緣之旨。最難明了。往往講師禪衲率皆于此不能出其隨緣所以然也。良以真如清淨初無熏染。如何營起隨緣耶。于此參之不已。忽然悟通。所謂八識四分不煩少檢唯識之書便能了了矣。故曰。性宗通而相宗不通。則性宗所見。猶未則滿通相宗而不通性宗。則相宗所見亦未稍徹。性相俱通而未悟達磨之禪。則如

業公畫龍頭角望之非不宛然也。故其濟亢旱與雷雨斷不能焉。是以有志于出世而荷擔法道者。性若相若。禪宗敢不竭誠而留神哉。惟相宗名義數多。若非心智妙密。委曲精披。實未易明也。今則取大略稍論而疏之。但粗曉蒙孺耳。大抵阿賴耶識通前眼耳鼻舌身五識。當併而發揮之。似覺明易也。蓋阿賴耶識及前五識皆屬現量。又皆上品果中轉也。若第七識第六識則三品皆具。三品者。見道爲下品。修道爲中品。究竟爲上品。故六七因中轉也。若以三境三量三性五十一種心所法言之。則前五識量。性屬現境。惟屬性善惡無記三性皆通焉。心所法則惟三十四耳。頌曰。性境現量通三性。眼耳身三二地居偏行則境善十一中二大八貪瞋癡五。識同依淨色根九緣七八好相鄰合三離二觀塵。世愚者難分識與根。變相觀空唯後得。果中猶自不詮真。圓明初發成無漏。三類分身息苦輪。此頌前八句。惟明有漏後四句。明無漏耳。又八句之中。初二句言五識三境。惟屬性境三境者。謂性境帶實境。獨影境三量則屬現境。惟三

性俱通三量者。謂現量比量非量三性。則善性惡性無記性是也。又此五識以界地言之。惟欲界五趣雜居地識識皆全。至于初禪離生喜樂地。五識不全。以上二禪既無尋伺故。鼻舌二識不生也。蓋禪天無段食。故段食以香味觸三法爲體。段食既無。則此二識不生。明矣。現量之義說有多種。現謂顯現。取境親明。故量謂量度。故若心心所緣境之時。離映障等顯了分明得境自性。所謂得境自性者。以性境根塵能以八法而成。各有實體。相分各有實體。生有實體。用現在實法故。即所緣唯識也。又現屬境量。屬心或俱屬心。或現屬根量。屬心。依士持業。依主三釋。西方釋名有六種。一依主二持業三有財四相違五帶數六鄰近。又有依士釋。此六釋以離合名之者。蓋六者互相離合。故六釋一一具二名。若單字即非六釋。以不得成離合相。故初依主者。謂所依爲主。如說眼識識依眼起。即眼之識。故名眼識。舉眼之主以依于識。故曰依主。亦名依士者。如父取子名。即若此老頭兒某官之父也。又離合者。離謂眼是根識了別根非即識識

非卽根故曰離合則根識不分而同呼故曰合言持業者如說藏識者是體藏是業用用能顯體體能持業藏卽識故故言持業識也又名同依識藏卽合藏用識取了別用此二同一所依故曰同依識言有財者謂從所有以得其名一如佛陀此云覺者卽有覺之者故當名覺此卽分取他名二如俱舍非對法藏對法藏者是本論名爲依根本對法藏造故名爲對法藏論此全取他名亦名有財義者何釋言相違者如說眼及耳等各別所詮皆自爲主不相隨順故曰相違言帶數者以數顯義通于三釋如五蘊二諦等五卽是蘊二卽是諦此用自爲名卽持業帶數如眼等六識取自他爲名卽依主帶數如說五逆爲五無聞無聞是果卽因談果此全取他名卽有財帶數言鄰近者從近爲名如四念住以慧爲體以慧近念故名念住既是鄰近不同自爲名無持業義通除二釋一依主鄰近如有人近長安住有人問言何處住答云長安住此人非長安以近長安故云長安住以分取他名復是依主鄰近二有財鄰近如問何處人

答云長安以全處他處以標已名卽是有財以近長安復名鄰近頃曰用自及用他自他用俱非通二通三種如是六種釋此六釋凡註釋經論必用之者如註釋八識非以此不能發揮便當有條五五次二句敘言五識心所也五識心所編所有五別境有五善則十一中隨唯二大隨有八加貪瞋癡三合而言之三十四耳五識同依淨色根者言此識所依之根非浮塵根乃勝義淨色根也此根非肉眼可見惟具天眼者能見之九緣七八好相鄰者此言五識生起之義必借九緣乃得生起五識九緣者謂空明根境作意分別依染淨依根本依種子也合三離二觀塵世者此言眼耳二識離中取境鼻舌身三合中取境愚者難分識與根者此言小乘愚法聲聞不知根之與識各有種子現行妄爲根識互生也根之種現但能導識之種現謂根爲生識之緣則可謂根能生識則不可矣以識自有能生之種子何爲能生識之種子故小乘人未除所知障智淺心粗于法不了故不信大乘唯識教也此五識有漏限此後四句者發明無

漏義耳。變相觀空。唯後得果中。猶自不詮真者。此言小乘人。謂無漏五識。可以變相觀空。故大乘論師破之曰。此無漏五識。在佛果位中。尚不能親緣真如。況因中耶。圓明初發。成無漏三類分身。息苦輪者。此言五識因窮果滿。則相應心品。俱成所作智現三類身止息。衆生苦輪也。蓋佛果位中。第八識轉爲無漏白淨識已。而相應心。所即成大圓鏡智。豁然現前。故云初發。而前五識亦同時轉識成智矣。既成。或所作智。則三類分身有何難哉。言三類者。千丈大化身。被大乘四加行菩薩。小化丈六身。被大乘三資糧位菩薩。及二乘凡夫。隨類化則三乘。普被六趣。均超或問前五識成無漏。相應心品。現身益物。何以先言第八成無漏耶。以圓明初發。乃第八識相應心品。成大圓鏡智故。且前五根即第八識所變相分。能變本識。既成無漏。所變五根自當即成無漏矣。能發五根。既成無漏。則所發五根。遂成無漏。何疑哉。或曰。能言八識轉成四智。何故却言相應心品耶。對曰。唯識第十云。此四品總攝佛地一切有爲功德。皆盡此轉有漏八

識七識六識五識相應心品。如次而得智。雖非識而依識轉。識爲主故。說識轉得。又有漏位智劣。識強無漏位中智強。識劣爲勸有情依智捨識。故說轉識成智也。予初言八識五識轉識成智。當併而註之。亦此意耳。

此解已見全集中。以大師教學人深研相宗。其中詳略互異。故並存之。以備參考。

元注云。此篇八識之綱。思過半矣。已上是大師于東阿旅中。爲如聞說者。明午南下。不及說竟。夫八識四分已下。如聞後請大師續說。只記得前五識十二句頌。

變相觀空。唯後得果中。猶自不詮真。

此二句善言相宗者。常交互而不請。以不達安慧所計及護法所破故耳。蓋安慧宗者。小乘不知有八識所知者。唯六識耳。六識既滅。似無分別。似現量用事。便謂無道可進。殊不知小乘所證者。全是無明。即第八識中不覺也。故安慧妄謂因中無漏五識。即能緣如此五識。以大乘觀之。安得無漏哉。以其通善惡無

記之性。小乘粗惡。雖盡細惡。尚在。謂之無漏。可乎。謂之緣如。可乎。故大乘護法。以此二句。破之。護法意。謂變相觀空。唯後得智可能。而後得智。且非因中可得。要待轉入識爲根本智已。方得此智。所謂根本而後得此是果上事。非因中薦得也。此智果上可以變相。亦不能觀體緣如。以根本智是實智。後得智是權智。實智可以緣如。權智可以應俗。權智果上縱能緣如。不過變相耳。不能親緣也。然此五入唯果上轉識成智。六七因中便能轉矣。如安慧言。妙觀察智。因中緣如。則亦可通執無漏五識能緣者。大可笑也。

原注云。五識至果上轉名。後得智時也。只好變相緣如。而非親緣。故護法說此五識至果中。猶自不詮真。如豈五識於因中得親證真如耶。此二句頌乃護法出正義。以破安慧之義。

毗舍浮佛頌說示如裴

毗舍浮佛此言一切自在覺。既自在覺矣。有何物而爲障礙哉。然未覺者不免觸途成滯。見色則被色障。礙見空則被空障礙。忽然而有身則爲身障礙。介然

而有心則被心障礙。身障礙生老病死。心障礙喜怒哀樂。是以周旋于一光之中。而妄成角立。既角立矣。一切不自在。至矣。生有老迫。老有病迫。病有死迫。喜有怒迫。怒有哀迫。哀有樂迫。迫者相催之謂也。嗚呼。生若定。常老不可迫。喜若定。常哀不可迫。以其無常流之莫能已也。惟有道者。達身無常。四大成。故達心無常。前境生。故達四無常。一身待故。達境無常。因心有故。借一蕩四。四無所立。借四蕩一。一無所存。借境蕩心心。初不有。借心蕩境。境自不留。一四互蕩。心境兼忘。一身而爲無量之身。身相不壞。一心而慮周萬物。寸抱本。閒由一切不自在。入一切自在。達之者。剎那可以超曠劫。如其未達。解脫幢卽成行屍肉塊。智慧津梁。翻作苦海業浪。自古及今。豪傑英雄。打破這關捩子。不得。雖功高千古。名光萬世。於本分事上。了無交涉。故生時受生。迷老時受老。迷病時受病。迷死時受死。迷喜怒哀樂時。受喜怒哀樂。迷以迷續。迷迷無斷。日人爲萬物之靈。而靈不悟。以靈續迷。爲一切黑業本。山高水積。未有撼竭之時。少知自反者。安

可不懼乎。又靈如融通之水。迷如窒礙之冰。融通則在方而方。在圓而圓。窒礙則方則定。方圓則定。圓方圓無滯之謂。活方圓有定之謂。死是故。聖人居方圓而方圓莫能滯。以無滯故。所以能通天下之情。衆人則不然。見方而被方。惑見圓而起圓。執所以在聖人。卽死而活在衆人。卽活而死。故聖人謂之生人。衆人謂之死人。由是觀之。自上古以來。所謂生人者。能得幾何哉。爲聖不難。難在通靈。苟能通靈。非惟身心俱靈。大則虛空天地。萬物之夥。微則一芥一塵一毛一髮。靡不靈矣。至於三藏六經。諸子之流。百工之技。亦無不通。故達身靈通無事可礙。達心靈通無理可障。化生老病死爲無上涅槃。迴喜怒哀樂證大菩提。涅槃菩提。從身心得。若無身心。二果何階。故曰。此身爲塵勞山。此心爲雜毒海。一旦達身無已。塵勞山卽功德聚也。達心如幻。雜毒海卽般若漿也。人爲萬物之靈。不自重。甘爲死人不爲生人。可悲矣。

送龍子歸潭柘文

潭柘龍子靈應異常。其術法也甚固。誠在丁亥。我將

禮普賢大士于峨眉。顧惟水陸間關。夷嶮莫測。乃白龍父。余雖不德。忝爲佛子。行邁在羣。其尙有以借我。旣而達龍泉。客濟南。青嵯觀一夕夢。小青遙遙綠壁而下。無何開侍者至。謂開曰。夢蛇而若來異哉。對曰。和尚杖錫將西。此必燕山龍之來赴盟耳。自是每食。出生次必祭諸龍子。龍子夾輔跋涉。三易寒暑。履波蹈險。冥護實多。己丑。我始東還。結夏曲阿。于觀察別墅。則龍子現形。辭我欲歸。故居嗚呼。龍爲鱗蟲之長。能大能小。能隱能顯。智德威靈。變化多種。如多頭現毒摩那斯。慈心難陀。歡喜優鉢羅。黛色婆伽羅。鹹海此皆或以德或以威。或以處故名。或人其龍德。非我所知也。潭柘大青小青。夫亦龍族。奉如來敕。藩屏伽藍。蛇形而佛心。類異而敦善。見人不怖。遇物不傷。歲或不若。雨暘愆期。百穀憔悴。農人悲惶。二青顯迹。吐沫爲雲。噴涕爲雷。彈指之頃。潤澤大地。枯者頓蘇。僵者立起。羣登而望者。鼓舞歡忭。于是感青惠施。金碧其宮。昭廓其神代。有銘志以示無忘。禮也。余道不勝習。萬里周旋。勤諸龍子。恬不告勞。可謂畢力矣。敢不

躬造闕庭以不腆之幣敬致龍父奉還令子行恐後世不知龍德我姑識之以傳不朽仍願龍之長幼藉佛龍靈得無上覺道爲大金湯於不替也萬曆壬辰歲夏五月二日遂觀可道人撰

蜀道古今稱險絕峰岵削立江漢渦濑如沸自非神力夾輔不克于驚我大師之謁峨眉也雲水其蹤果然往返乘安流蹈夷徑豈非至人之餘事而潭陌龍子功不可誣或見童子頭報前茅或示大手用拯溺險比大師夏于曲阿則現其常所見形以辭事致不爲之曉乎余既坐東欄愛其水聲黃舌寧不憶其大師昔年會衆說法此間自爲言二青鸞異狀抑又聞龍子侍遊峨眉故余有泉水不涇塵外錫薛蘿猶挂舊時衣鶴來句曲雲先待龍去峨眉雨未歸之句頃余讀送龍子文知龍子悉矣子其行也作詩送之颯颯雨露微風吹木葉飛行從此山下坐見小龍歸蜀雪崖珠絡江雲護寶衣可知雷法力臺殿展光輝嗟乎余望龍子在壘匕之間龍子今歸故山而我猶就窮鄉也弟子如

鵬謹跋

天池山假昏散道場說

原未假昏散之推輪三世諸佛迭相授受者也第在用之何如耳用之果善消昏散於刹那扶止觀於大寂頂山河於未始有地蕩身心於無得之鄉斷欲結之利刀資靈樞之正命効見當人之勇心遊象帝之先本有神珠光明在掌初非他寶價直誰酬即凡身而證佛身依俗諦而造真諦功高空施德富難量誠以行人一息昏散清即一息佛一念昏散清即一念佛耳嗚呼茫茫苦海之中凡有血氣之屬莫不抱靈而頭出頭沒不可勝計設有一人能於推輪之下清一息一念昏散成一息一念佛者若以佛眼觀之則其功德信不可思議況夫多時日者乎蓋人貴自反果能反照自己分上昏散自生至死剎那有停息乎故曰若人靜坐一須臾勝造河沙七寶塔寶塔畢竟化爲塵一念靜心成正覺如或用之弗善亦不荒失人天福田是以黑白賢豪能言者宜游揚贊嘆有力者宜護持周給凡道場所在等心助揚之

此文已收全集中矣。天池道場迄今尙爲魔外之所據。經過此地者。道俗四衆無不傷心。故拈書天池山道場等字。以爲人天眼目。觀者幸爲著眼。庚子長至日。蒙叟謙益謹識。

題包生所刻楞伽經

夫身不自身。由心故。身心不自心。由身故。心由心故。身由身故。由身故。心亦不可得。身心既不可得。則智山獨立。覺海澄清。情識路窮。能所寂斷矣。若然者。豈惟衆生不可往。即具大神通。亦安能往哉。此經以五法三自性八識二無我爲宗。爲根熟菩薩直明識體全真。便成智用。楞伽此言不可往。乃表心地法門。非修證可能入。故凡讀此經者。能直下究竟身心。無路自性無門。則肉身凡夫可立往也。馮太史謂子曰。包生新刻楞伽經。字畫精簡。明白顯明。使人觀之心開目明。乞師一語。爲流通前茅。何如。因書此。

般若波羅蜜多心經略解敘

夫般若大部數百萬言。如滄海雲濤。汪洋莫測。是以菩薩流慈。束廣成略。爰有心經。文言要約。旨趣全歸。

自唐迄今。註疏聯出。高人淵匠。迭震靈響。機緣驛定。好樂無常。取此節他。互有損益。俾後昆添疑。致非一矣。練川侯觀察復吾知寶斯經。津求奧義。亦由橋李許參知。爲之良導。敢得微問于予。因爲法界略解。以慰其徇法之志。遂道人自敘。

示鮑生持楞嚴經

一心不生。萬法何咎。首楞嚴此言一切事究竟堅固。即此而觀。智鑒意近。理究竟堅固。如來義近。事究竟堅固。何以故。情生則智隔。一心不生。得非情未生時。乎。設情未生。則無事不理。無情不智。耳。予故曰。智鑒之意。近乎理。究竟如來。近乎事。究竟昔雪峰示衆曰。二僧却真實爲人。玄沙曰。箇里神光。腦後相。又曰。獨體即金剛體。此皆非事。究竟堅固之樣子。手。鮑生果能於智鑒句中。薦得。則如來句中。未夢見在。於如來句中。薦得。則雪峰玄沙句中。未夢見在。如能於種種句中。透徹無礙。則十軸楞嚴。從頭至尾。由字積句。由句積軸。橫捺豎拖。無擇精麤。有心無心。莫非究竟堅固也。如於種種句中。未能透徹。則不妨朝持暮持。榮

持尋持開眼持合眼持阿屎放尿持穿衣喫飯持持來持去生持死持一日一持熟則觸摸時跳放金剛光作覆盆之日月有何不可如持經不遵此持何異春鳥畫啼秋蟲夜鳴者哉純生勉之

跋照公墨書華嚴楞嚴

本朝尹山隆菩薩少年時血書華嚴經法華經各一部及高皇帝開試經度僧之列有業不精而妄應者帝怒坐及三千僧皆邊遠充軍隆公特往京師願焚身贖衆僧之罪帝尤之敕有司設道場嚴持衛公羅然登之身將半燼烈名中猶手書風調雨順四字囑內使曰俟天早焚之後果亢旱帝焚之即沛然大足帝曰此永隆雨也嗚呼隆師血書華嚴法華二經時初無求效之心及焚身之際大光中露此三昧使天下千古仰而戴之當時道亦賴之大振皆自心不欺之力也今去隆師二百年尹山復有僧明照者墨書華嚴楞嚴各一部雖用墨不若用血然其最初一念不欺之力未始不同焉予登峨嵋道變之萬縣見一老僧書華嚴以精懇虔篤不覺暗中書經達旦偶隣

僧說破即不能書楞嚴曰因何有見暗或無見不明自發則諸暗相承不能香若然者隆師焚身之際火光亘空與變之老僧暗中眼光不昧皆不明自發之光也照上人書經時能猛加精懇以增上之緣熾薰自心則此光之發不獨前人有之上人當勉之

鐵盛光如來陀羅尼跋

夫聖人無常身因衆生所感之機而示身焉是故釋迦如來示丈六身逗婆娑機也若無量壽覺則身非丈尺之可量矣剛乎鐵盛光王如來以光爲身以願爲輪以慈悲爲轡以大白牛爲蹄進偏遊於星宿光中而作佛事者耶然衆曜之光不之此光分焰乃能變化無窮故五行七政經緯璇璣爲善者應之以吉祥不善者應之以咎殃雖曰衆生機感而彼佛如來神力以大慈力戒神故憫諸星宿變怪駭怖世間乃說吉祥陀羅尼折伏之俾凶曜伏降吉星懸朗是以一切衆生於此吉祥陀羅尼應當志心奉持其持誦之法或制輪佩身或以眞言意持若未臻靈應當更發增上願心可則必克迨乎應念響臻密非外得心

法不二本末同歸。可呪枯木以開花。喝頑石而使裂。乃至易短折爲長年。變無嗣爲益嗣。種種祈求必獲。如願揆之以理。豈外一心。嗚呼。木石無情。尚能因呪轉變。何況人心。本覺爲物中之主。靈手苟能因理生信。而持因持得。徵則神呪之力與信力。交入融固。必然也。乃若澡身以軍持。單線以拽山。此難斷慾。至人遊戲之事。猶然不可思議。況復善男子善女人。於此經呪信心不二。精勤奉持。其能壽變怪爲禪。祥化凶禍爲休慶。固必與至人三昧等耳。雖然。微我釋迦。如來憫此堪忍。隱無量威神。甘爲熾盛光王之紹介。接彼有情。置之吉祥光中焉。能如萬卉在春。樓纖俱麗。各各自足。而萬卉不知也哉。佛弟子賀懋。熙受氣羸弱。而爲宗子。願惟壽命不長。無違盡奉養之勤。以是發心。刻熾盛光王佛出相吉祥陀羅尼經壽諸天下。凡有如懋熙之願者。因經得呪。因呪得益。譬一燈光傳百千億百千億光傳之無盡。生生世世在在處處。恒爲熾盛光王如來之眷屬。以弘法爲家。務更願凡因此經得益者。滿願如熙等。無有異因斯希。有轉相

信奉以臻覺道寧非堪忍界中一入路乎

題三教圖

我得仲尼之心而鏡六經得伯陽之心而達二篇得佛心而始了自心雖然佛不得我心不能說法伯陽不得我心二篇奚作仲尼不得我心則不能集大成也且道末一句如何播弄自古群龍無首吉門牆雖異本相同

跋石刻法界觀

華嚴法界觀辭旨冲漠大經廣雅囊括盡矣丹陽賀生學仁欣然石刻印行達觀道人一語因書與之時萬曆辛卯四月二十一日也懷州牛嬰禾益州馬腹服天下覓醫人灸瘡左膊上此又杜順老漢注脚耳

跋石刻圓覺經

此神通大光明藏我釋迦如來入之乃說此經十二大士入之則能酬酢精辨如瓶瀉水了無滯礙丹陽賀上舍喜圓覺經刻石流通之乞予一語爲之嚆矢因書此時明萬曆辛卯四月下旬一日也

跋石刻八大人覺經

此經三百七十一字。八覺精光。雖則曲照。多方詮攝。殆盡其辭。冲遠簡明。旨趣弘深。非懷抱日月者。豈易措筆。一覺悟世無常。心爲惡源。二覺多欲爲苦。少欲自在。三覺知心無厭。慧業痛治。四覺懈怠墜落。勇伏四魔。五覺愚痴生死。多聞益物。六覺貪苦多怨。惡人等慈。七覺五欲過患。俗人偏念。三衣瓦鉢。增淨力勢。八覺生死熾然。苦惱無量。願代衆生受一切苦。使究竟大樂。夫達世無常。則前塵無得。知心爲惡源。衆苦自息。貪欲既止。枯淡常足。慧業非勤。染習難治。至于俗人念三衣瓦鉢。代衆生受苦。俱令安樂。雖復覺覺殊功。要之即現前一念情識之心。不善用之。則三塗橫起。善用之。則三德圓明也。此經元普光雪菴頭陀以爲沃宅清涼之具。機李福城東塔寺壁。清涼觀國師頂門之上。手澤猶存。魏塘光德菴如谷東公臨終之夕。以手寫此經授其徒某。且囑曰。吾雖大事未明。幸將穀漏子脫於寒雲之中。藉文殊老人與萬菩薩慈悲之火。闍毗之可謂慶甚。更何憾惟此經累汝刻石。施人則我死猶生也。其萬曆辛卯正月初五日於

王墨香菴向余言涕俱出曰。此先師命也。某聞鄆山丁氏南羽者。龍眠再來也。不揣暗短。欲仗慈光。乞一佛影。併此施行。不知可否。嗚呼。東公臨死而不忘法。其徒後能啣命持骨石不遠數千里。還自清涼有子如此死者。何憾焉。余哀其誠命。丁生成穉之且爲記其歲月云。

萬菩薩緣起引

夫聖人無常身。以衆生爲身。如片月在空。影臨在水。有見不見。則水有清濁。非無月也。我觀音大士以聞思修入三摩地。初於聞中。入流忘所。獲二殊勝。成三十二應。使一切衆生心水清淨。隨緣而得見焉。由是論之。則菩薩衆生初非有別。以聞思熏之。即得入流忘所。圓通妙應。以食噴痴熏之。即順無明。流墮諸趣。以故菩薩憫其同體。即所自驗。方救療群有。駕大慈悲。分身散影。隨類利益。滇南清禪人一日病幾死。夢觀世音勸其念自性佛。遂療由是發心。圖大士萬身普施供養。報菩薩恩。信入心地。情見乎辭。余見其涕淚俱出。而作是言。因慨焉爲之述。此夫清禪人以篤

疾爲水得觀。菩薩清涼之月。達觀道人聞其言。卽直下不疑。則以不疑之水。亦復見之。願諸淨信。各各若我直下不疑。則菩薩清涼之月。在在而見。雖然。衆生業重。不疑爲難。且向第二門頭。往生極樂。共觀彌陀。聞無上法音。又普門中最方便處也。

韋提觀境

稽首釋迦佛。恩逾昊天德。父母生育我。無能使不生。君師資教我。無能令出苦。惟有大雄氏。慧光破我迷。慈悲攝受我。令知生不生。令知苦出苦。指大捷徑路。使我坦然行。觀想光爲燭。破斷常黑暗。願力爲金繩。牽至極樂國。彌陀相尊特。妙好難思議。諦觀在眼中。曉然如皓月。乘佛慈力。故衆觀悉成就。觀光如大鏡。清明若秋水。依正影現中。交羅而不雜。觀成正悲喜。忽生一種疑。我身居穢土。作想阿彌陀。衆妙卽現前。歷歷了不昧。設若念不生。聖凡在何處。唯願無量壽。放光破我暗。一切同疑者。亦願淨疑垢。

姑蘇華山寺募緣疏

凡土木之工。不可輕舉。雖王公大人有所興復。若不

先斟酌而遂圖事。必費廣而難成。況深山窮谷之士。手雖然心爲萬法。本本立則事遂。由是觀之事無大小。先以立心爲本。故孟宗王祥立心在孝。則寒林爲之抽笋。堅凍爲之躍魚也。華山去縣治一舍。許山石峭拔巖壑深秀。池生千葉蓮。老子枕中記云。服之可以羽化。居之可以度難。復名天池者。昔虎丘晉王珣王琨舍別墅爲道場。一山兩寺亦此類也。萬曆辛卯夏至日。紫柏道人登天池。道木瀆忽飄風驟雨。竝作乃停舟明月寺。前次日間明月主僧得姑蘇志讀之。是知吳中名監眞宇十廢八九矣。卽華山寺去城差遠。與俗非涉。或者欲易爲遊樂之館焉。墨文上人慨然願新之道。人摩頂慰之曰。汝不聞王公大人苟有土木之役。必鄭重圖之。計汝衣惟一衲。食惟一鉢。地無卓錫之隙。敢圖勝事乎。上人愀然對曰。旣爲佛子。當報佛恩。昔包胥申一哭。可以存楚。韓雖三戶。可以亡秦。文雖不肖。但恐發心不眞。則難圖。心果眞。滄海可以犀蜃。泰山可以崩裂。今華山僧房已備。第正殿未新。文生是心。且擅越復尙賢輕利者和尙。毋多憂。

文計之久矣。道人再謂之曰：倘檀越舍地而不舍價，子又奚若？文曰：計其價不過三四金，富次第乞之，況蘇爲天下名州，豈無賢豪長者爲之樂助哉？且卓庵斷凡皆文同志，道人合掌稱常住三寶，願文子強力忍垢，始終其事，當爲渠說末後句，酬其勞，未晚也。

峩嵎山飯十千僧大點心疏

盡大地是一箇饅頭，誰能下口？撞着主化分二厘銀，隨自發心，或千錢百錢，乃至十錢，歡喜施來，或一佛二佛，乃至萬佛，就緣齋去，譬天水銀墮地，顆顆皆圓。月鏡澄江，頭頭皆滿。本空上人，以熱饅頭聊當金牛之飯，達觀老漢，以古雲門餅喚作可口饅頭。米麪是一般，由人做造，敢問十方善男信女及行脚上座，且道古人家風，是今人活計，薦得者許你掉臂橫行，如或未然，須乞我饅頭錢來啣。

修徑山放生池記

予自峩嵎還寓曲阿，每思登徑山，禮諸祖師骨塔，因緣未便。至萬曆辛卯二月之望，始克遂願，沿大人峰尋天目來，脉見一池，可三畝許，周甃以石，名曰放生。

池遠久蕪沒，使湛然玄津，天光不接，予甚慨焉。因爲于比部之于廣燈，許新是池，及還則廣燈有疾，且瘳之日，卽予許新池之日也。因語比部，相與感諸祖慈庇，遂捐金新之。

跋吳江永福寺吳明卿募緣文

紫栢道人於雲陽道中讀居士永福寺募緣之文，喟然嘆曰：楚人有吳人之心，吳人豈無楚人之心哉？且周仲大爲之嚆矢，瓦礫化爲金碧，將指日可待矣。紫栢道人再問修寺之意，仲大則曰：修寺在乎存教，存教在乎闡理，闡理在乎明心，心既明則三藏六經皆我注脚也。況其他乎？道人高仲大見遠而理明，遂述此。

募脩天池寺山門疏

吳門佛國山天池寺，迴峰抱寂，碧水長流，雅稱禪額。境實希有，紫栢道人每過而樂之。凡香臺名室，像設所安，幸皆修飾，惟三門凋落，未得英檀道人聊爲倡二十人緣人乞銀二兩完茲勝事。況三門譬人面眉宇，而眉宇塵埋，見者曷勿惜哉？萬曆辛卯四月二十

八日紫栢道人題于天池蓮花樓中

下邳卬留侯詩後語

卽此觀之則子房佐漢非爲漢也志在報韓報韓克之此情遂死吾曹求無上菩提若情不死決所欲未遂也殊不知欲不可遂如遂之長劫淪墜而已安有出期耶

讀靖節桃源記語

予於虞山之陽長宕湖中讀陶靖節桃源記忽覺心曠神怡乃悟武陵漁人卽洞中人耳若非洞中人豈能一見山口有光便捨舟入口中坦然直進了不生心視身若無有哉故能窮桃源之趣而得洞中之實者脫無漁人之胸次介然生心思與洞中人共語殊可笑也

跋王房仲林間錄

賀知忍亦肉團上無位真人暫時不在王房仲以白拈賊手段盜去此錄是錄不以古今銓次三百條白拈家法覺範老漢於石上林間積錄成書故名此中大都皆古德活句居多至於宗教典刑亦粲然在目

昔大慧禪師每舉師翁教子作賊之喻喻參禪者不以倚靠資緣自悟本心始許渠紹白拈種草紫栢道人却不然從教人家男女會作賊不會作賊總與他受個白拈法子或有旁不禁的出來饒舌道人緩緩地向道按牛頭喫草也不是分外

送寶山慶公之姑蘇訪丁南羽序

昔范陽刪生善爲長短說如蜜中邊聽者皆甜秦青善悲歌聲震林木響遏行云使薛譚終身不敢言罷代之五臺山有仰峴慶公主寺龍泉時善說法要使聽者如童穉得蜜如孝子依親悲喜交集戀如也故一半千日若彈指頃龍象雲委香廚妙供亦自然充足豈刪生秦青夙承佛記現比丘身而說法者乎唐吳道玄床李伯時皆以畫鳴於世雖風致各臻所妙然離自心光皆無所施其巧焉子以是知二子者皆以道寓技者也鄆山丁生善寫佛菩薩像生氣意態使人瞻之道心開霽莫知然而稽顙之不暇豈吳生龍眠其前身也歟丁生聞予道慶師之高方將髮纓問法慶師聞予道丁生之奇遂不遠千里求丁生寫

諸祖道影藏之峨帽衡嶽意在慈波慧炬照潤千古殊勝事也。余嘉其志因向所撰疏畧之并書此以壯其行且爲請謁丁生之地耳。

東梵川說

王維別墅謂之輞川者以所標其人也。渠嘗曰一興微塵念橫有朝露身如是觀陰界何方置我人。余每深味斯旨則不覺身心都遺所謂卓然而獨存者譬如微雲散長碧一輪圓滿生心卽殘矣。余脫白以來浪跡江海三十餘年然于吳中雲間曲阿乞食禪憩實多雲間有康孟修氏獨慕輞川之風亦頗昧于無生之學而曲阿于中甫氏意況清曠亦似孟修。孟修別墅碧溪抱竹楓樹桑藤春深花香空翠交映有禪思者寓之則彼皆無生資也。設驢人墨客來遊則詩思入微亦皆彼爲之梯矣。卽中甫靜室亦四圍流水池沼汪洋雖花木竹篠吟風爭暖不下孟修所居第曲阿別墅人多而天少。余虛其心而公其辭伯孟修而仲中甫焉。遂名雲間者謂之東梵川。曲阿者謂之西梵川。或高人勝士有聞二氏之風而悅之者能抽

思吐奇藻飾園林昭廓禪旨則鄙夫深望也。萬曆二十二年四月初三日達觀可道人書于東梵川白雲西閣。

康園幽曠雖輞川之勝恐未過也。但時流抱俗懷近味天真而譁世態却謂蕭瑟難禁似畏久留五茸名州園去州又不遠唯孟修能植卯郎能來老人能獨樂于二人之表卽花神木客亦窺老人有無不能也。況其肉食者乎。園兮園兮去或來兮來兮未可期。青山白雲欲何之年光等石火世路蟻旋磨一息喘不繼子女徒悲呼九原少相識未死應慮之此語須共徐三同覽手字付孟修。

雲間輞川卽事兼懷諸法侶

只因地僻無人到更爲池清有月來。惱殺藤花能抱樹枝枝都向半天開。

此篇句放而思遠寄無情諷有情卽有心會無心。噫當興懷之際而識境超然非本色人願未易知也。慈慈可禪人。

祭了然闢主文

夫人所以有生死者以其執我耳。我相若空。誰嬰生死。故曰吾有大患。以我有身。無身奚患焉。而身之所成。又以四大攢集。如三十輻爲一轂。如此者。生可也。死可也。無可也。有可也。奚患焉。吾了然師。初以習講爲志。故三吳叢席。靡不經歷。既而爲法忘軀。傷餓。遭疾。自惟軀殼。郎當識精昏弱。由是終年閉關。疲以接人。余曾扣關請益。喜其教乘精到。吐語出常。萬曆戊子八月。余挂錫五峯山中。一夕夢雙塔離崩。一倒于南。一倒于北。覺謂二三法侶曰。此何祥耶。或對曰。老漢昏沉。識變虛結。成夢。皆自心浮想所現耳。越日而師之受業徒。道開至自聊城。以師計及東禪月亭法師清涼無邊禪師之訃告余。聞之不覺肝膈愴裂。嗚咽移時。得公開講三吳福公清苦五臺而師則尤以佛法知見自治其心。皆法門棟梁。何蒼天不佑。並折乎一時。余與師同庚。公棄我先歸。余猶飄泊風塵。愧師良多。雖然。以四大觀身。則一忘而四存。以一身觀四大。則四忘而一存。以四忘一一無所忘。以一忘四四亦無所忘。所謂我執者。又將安寄。如是則先歸者。

歸無所歸。未去者住。無所住。此旨乃吾師閉關活計。必非死生之情所能蒙昧者也。瓣香懸炷。聊奠寸心。尚饗。

薦鶴林渠公亡父

居士生不見居士死。却問究竟生與死。如環上終始。以是之義。故聞與面見同。既見死。不弔於渠公。非安非安。不以情撈。嚴薄肝腦。廢利一旦。光光從真心出。以此功德。海亡者生善處。

悼太虛亮公

夫龍之爲物。神異莫測。大可以易形。千丈細可以隱質。秋毫及其噴睡。姪欲之際。則本形自露。若然者。龍雖神異。能於有心而不能於無心也。太虛亮公著沙門服。能世諦事。忽略繩墨。故同曹每譏之。及臨死時。雖病骨頹然。見常所識者。猶談笑自若。不以一死累其懷。乃挺然脫去。亮公踪跡。豈可以有思惟心測之哉。紫柏道人感而悼之曰。公未死。兮人多疑公既死。兮人多思死。生不可昧兮。心自知公其有靈兮。允我辭。

弔沈少江居士

一切衆生見身可得是謂愚痴。認知覺爲心是謂愚痴。且道愚痴現前般若在恁麼處。仰勞大衆助稱摩訶般若波羅蜜。繞靈三匝。且道般若現前愚痴又在恁麼處。少江居士聞我音聲了得過去心不可得。現在未來心不可得。曉門前流水長無盡。無限魚龍唱鷓鴣。

弔沈居士母

生死無定義。但隨四大起。見有謂之生。見空謂之死。死生有情見。見亡登佛地。我因弔尊堂。信口說此偈。昆玉如薦此芳靈。受佛記。

紫栢尊者別集卷一

紫栢尊者別集卷之二

虞山白衣私淑弟子蒙叟錢謙益纂閱
徑山寂照六世孫傳臨濟宗契額壽梓

贊偈詩

比丘觀音像贊四首爲南海諸禪上人作

昔雲門老漢大似眼底無人見。霍曇少逞英雄。便教一棒打殺。貴圖天下太平。邇當像季。魔眷尤隆。有一等捏怪衆生。不安本分。竊取正法。如來之號。詐現比丘之容。乳庭時逢酷暑。乞食疲勞。那討閑氣。力効雲門。鈍置家風。總將來貶向碧波洋裏。風吹浪打。百千萬劫受苦無窮。

天下本無事。庸人乃自擾。菩薩強出頭。衲僧笑不了。示現種種相。寧不愈顛倒。乾坤風月宇宙春光。既同血氣。孰不完妙。更何必圓顙方服。托形海島。噉惹人描摸。非佳事。惱亂衆生卒未休。

海門風浪惡。誰敢泛慈舟。惟有觀世音。此中賣饅頭。來去紛紛者。相逢飽也不飽。不飽卽置。且要檢點。因緣明白。但聞觀音買餬餅。不聞觀音賣饅頭。餬餅饅

頭是問是別。爾曾問下。不用指東話西。直教堂行者。辨看若揀。辨得出。補陀山穿衣喫飯。若揀辨不出。洛迦山中穿衣喫飯。

本是一海水。情見各不同。天人謂琉璃。我謂火。我今所見者。碧水涵虛空。一是兩必非。兩是一不通。往返細推尋。此理終未融。以故謁大士。笑指紫竹叢。白花去不遠。紫竹吟海風。俄然一比丘。彈舌授降龍。

觀音大士讚

衆生苦痛呼菩薩。衆難交併聲不已。不已之心果苦痛。如鐘受擊聲何出。若人了知知不痛。一切荼毒頓解脫。海山出雲本無盡。海水爲濤寧有窮。菩薩憫此煩惱。雲亦復復慨生死。真忽然示此慈。剪身壞衣跌坐。苦石上。若聞若見俱入流。聲塵未必爲眼障。阿誰携入五峰中。早晚經行閒拄杖。

觀世音菩薩讚

稽首淨聖尊。觀音不觀色。頓入三摩中。茲晨成正覺。恒不昧初心。願輪運悲智。譬如寶月明。水澄淺深現。我痛產末法。根鈍若牛馬。仰熏圓通香。轉臭成妙馥。

感恩雖有心。報德愧無力。菩薩道今成。哀誠獻贊耳。

又贊

我聞菩薩言。凡諸有難者。號痛稱其名。所苦即自在。稱者果有痛。悲聲復何出。聲出本冲曠。譬如雷震空。空若有形質。擊木則無響。若以法眼觀。大地塵非得。況復虛空痛。空痛安可一。一則無能所。今據理不然。以故痛不痛。衆生迷痛因。淫火起莫救。玄津焚益枯。觀音痛憫我。故我恒瞻仰。

觀世音贊

音可以觀。色可以聽。二根如是。餘則皆然是。以菩薩六塵圓通。六根互用。分身則如月在天。無心而影臨。萬水寂滅。則如春在花。非巧而艷。徧群芳。如此大用。無擇凡聖。誰不圓滿。但菩薩聞聲遺聲。謂之觀音。音屬於觀。則不逐聲塵。而奔境。所以常光時時現前。如夜光之珠。宛轉盤中。超然無滯也。菩薩心光之珠。以六塵爲盤。曾無纖滯。所以妙而常。靈衆生此光非缺。以聞聲見色之間。生心著想。所以珠滯於盤。不能宛轉圓活也。噫。有志男子。觀斯言而無所悟發。則牛馬。

不如也

觀西方像贊

宿有善根。佛冥加故。凡穢垢身心。具淨土。勿縱懈怠。當生精進。誓生彼國。了不去去。

觀佛贊

稽首無上圓滿覺神光。隱顯憎愛中。巍巍妙相。廢稱謂。一念不生。始真觀。

彌勒佛贊

心上若有一毫事。安能得入歡喜地。終朝坦腹笑。欣欣一切見者生福慧。

頌善雲堂彌勒像

從教煩惱等山高。一觀慈顏意自消。無限春風吹大地。那來霜雪上頭毛。

石佛頌

大地一尊佛。石在恁麼處。大地一塊石。佛在恁麼處。師子獨行時。哮吼百獸死。如是大慈悲。分明竹篋子。疏通一切法。法法廣長舌。舌上湧樓臺。眼前即不見。不見我是誰。毗盧家舍弟。

開元石佛贊

稽首如來相。非金亦非木。趺坐驚濤中。渡海達於此。若謂石有心。有心則非石。若謂石無心。無心豈名佛。吾聞自無法。攝一切法。盡若人於石佛。諸信不生疑。不疑惑。自斷惑。所凡聖情。層氷覓火焰。況夫石與佛。何從生二見。二見既不生。石佛迅於電。

雪山大士并文殊普賢贊

天晴日出。雨下地濕。飢來欲食。渴來欲飲。雖至愚之人。不待言說。而皆了然者。即此了然。文殊得之。徹見自心。普賢得之。圓用自心。惟釋迦老漢。百無一事。終日頽然。慈坐於蒼崑之下。文殊普賢。雖復常侍左右。提鞋擎瓶。種種親近。要且摸他鼻孔。不著在鼻孔。纍纍誰摸著。晨朝洗面。勿生疑。

刺血觀音像贊

學心刺血時。菩薩已現身。譬如濃雲迸寶月。忽然露待。幽欲著眼。雲合光鋪。過是光樂。不有苦難。豈可留六根有迷悟。苦樂從此起。方便拔一根。諸塵同解脫。一塵粘識精。根根皆障礙。以是而推之。我欲脫苦難。

必須自疑斷菩薩力無預

馬郎婦贊

欲火燒靈根。心苗終焦滅。智者聞此言。悲痛入骨髓。
奈何天下人。如花女爲寶。冀得枕臂眠。即死亦甘耳。
菩薩甚愍之。幻此微妙容。令衆生見喜。因喜生愛心。
因愛生覺悟。覺悟即慚愧。遠一切婦人。如菩薩無異。
勿於菩薩身。生此不淨想。人爲萬物靈。猪狗乃不若。
由是淫心生。號跳強制止。勉然至自然。終登無欲地。
無欲即聖人。常爲如來子。於世作日月。破大夜昏暗。
一人全此德。大千蒙利益。觀音之化身。身身無窮已。

大士像贊

次公寫此像。實夫受此像。吾亦贊此像。未寫未受未
贊時。圓通自古無。比況自是衆生。覺起情日用。紛紜
淪得喪。一尊妙相觀世音。鬼臉神頭失本狀。當情檢
點難。何從惡人猛獸。皆師友火坑刀山。解脫門。鴛鴦
鵲噪入寂滅。或儒或佛或神仙。譬如水清月影現。臨
濟捧德山喝。此是觀音廣長舌。相遇莫道靜無言。楊
枝滴水潤焦渴。且道誰知冷煖。待汝親嘗了。來說破。

未晚

墮指觀音贊

枯木不盈尺。執運般若手。刻此微妙相。眉目若山海。
遠橫而湛然。面部宛如月。光明照濁世。身量及衣紋。
滿重而縹緲。掌垂兜羅綿。足襯蓮花浪。一念未生處。
無手手之狀。故一指墮時。萬象皆墮也。

摩侯羅伽觀音贊

百蟲之中。維爾最毒。蛇質獸頭。聖凡難局。長蛇封豕。
帶之與蝎。世皆毒之。其毒如髮。毒中之雄。摩侯羅伽。
一承記。前爲佛爪牙。凡有梵刹。侵則毒殺。聞衆苦聲。
以眼觀察。虬松之下。毒處流慈。現微妙容。見者習移。
習移識轉。智光燦爛。駕以大悲。度諸毒難。兜鑿執斧。
倚松而閒仁。而能勇。泉石之間。稽首大士。護念聖觀。

火焰觀音贊有引

凡五金八石。觸火能化。而況于木。惟聖人善能會萬
物。通乎一已。故水不洗水。火不燒火耳。知此者可與
言火觀之微乎。稽首贊曰。
萬物無體。唯心爲本。于斯勿惑。近可爲遠。火兮火兮。

曷不能水橫計荷化弦解作矢

觀音贊

以一眼見觀盡世人是億萬心爲億萬法法歸於一
一歸自然自然歸無有語其細則攝入恒河沙語其
大則充滿十法界

第一賓度羅跋羅墮閣尊者俱丁雲觀畫

肩高無用聊可倚杖膝亦空閒承經何恙莫嫌眉長
飄拂鬚髯不礙眼光湛如寒潭

第二迦諾迦伐蹉尊者

抱杖伸指非三唯兩以韃藏足韃脫足爽風致疎閒
巢由之間鬚髮若存鼻孔蚤穿

第三迦諾迦跋梨墮闍尊者

眉揚目朗揮指蕭然卽此爲舌法沾人天誰爲虎子
牙爪鋒利具而不張野干爭避

第四蘇頻陀尊者

衣不揜胸心同虎空握拳誰擊開口漏風謂手按膝
膝無我人謂膝承手手原屬身

第五諾矩羅尊者

背若果有痒爬難除果然無背爬痒非虛往復觀察
情枯智訖訖池成月米眼底見佛

第六跋陀羅尊者

頭疑怪石飄髮如柳一手持珠以珠代口莫驚滿額
具體而問顛倒佛頭依稀德山

第七迦哩迦尊者

面圓如樓五官併穴分疆劃界漂杵流血衆部之君
眉應不群坐妨曲折行則拖雲

第八伐闍維弗多尊者

衣卸肩出碧眸注經此經甚深大夢雷霆文字非實
實非文字獨垂一足兩手自恣

第九戒博迦尊者

腦後無際額憑高巖手中所握扇塵同函雲沸無心
偶遮半面其誰作禮直見不見

第十半託迦尊者

視經垂頭肩背吞耳泉出地中湛然在紙嶺南老盧
柴擔壺停無所住心得之此經

第十一羅怛羅尊者

怒髮衝冠。唯師不然。刈茅非鎮。一怒盡蠲。三屈兩伸。
卷舒一手。嗔爲佛事。誠不請友。

第十二那伽犀那尊者

兩手支頤。恐其墮地。口開齒露。眼迸心睡。心睡身忘。
石無施測。石忘我足。沒入何妨。

第十三因揭陀尊者

腕爲杖主。手復持珠。更恐心放。托經自換。秋空鴈鳴。
梵字參差。以此贊佛。耆年了知。

第十四伐那婆斯尊者

一心不生。我卽龕巖。波浪衣紋。泉鳴翠巖。眼雖不開。
光照六合。明暗兩忘。見精非雜。

第十五阿氏多尊者

斂肩抱膝。果有所思。我所思者。心精思遺。思遺而坐。
寬窄皆可。石本無相。吹毛莫躲。

第十六注茶半托迦尊者

枯槁生花。非耳不見。額鼻俱從。春光何限。屈伸有常。
機絕抑揚。三直兩曲。臂肱堂堂。

第十七慶支尊者

瑠璃爲鍊。內外洞然。目注其中。五臺現前。白雲舒卷。
百狀千態。故埋松根。逞其自在。

第十八賓頭盧尊者

以杖倚額。額爲杖架。一肩孤聳。並足酬價。杖額不同。
主賓何功。唯肩與足。空臨虛空。

皮毬道人自贊

汝這男子。出身不是名門。舊族情懷。大都濶略寬勁。
世出世間之書。見之如飲醇醪。而不醒。有時胸中覓。
一箇字脚。又不可得。佛祖機緣。葛藤落索。偏解拈弄。
無常了無繫帶。或嫌佛祖無靈。置之腦後。恣自家一。
片舌頭。貶斥聖凡。忽升廁中。蛆虫於毗盧頂上。忽斥。
達磨老漢。於下風。要人學好。如已還過。一言不合。王。
侯涕唾。我看你一條窮性命。東鄰西拋。著甚麼急。咄。
將此身心奉塵刹。是則名爲佛。冤家。

其二

善知識不曾參得。一箇教乘不熟。閑得一部。每向無。
佛處。稱尊。忽然撞著鼻孔。遶天脚。跟點地底。漢子直。
教把住襟喉。坐斷舌頭。我看你。又向甚麼處更施手。

脚。噴相逢。設道無機。械。圍。圍。多端。惑。亂。人。

自贊

這漢行脚三十餘年。跋涉山海。露宿風餐。峨帽勞盛。白雲補陀。時光拋擲。所立何事。頭毛白而難黑。事未了而心悲。且道所悲何事。甬東三佛地。海濶魚龍腥。天童與雪竇。法鼓元不鳴。深心奉塵刹。二李眼聞聲。四明李次德。驥與其兄。次公驕參筆。經營畫師大。像自謂生平寫師。此爲神似。雖爪髮皮肉無不畢肖。大師手書贊筆蹟雄偉。今傳甬東陸符家。

漢壽亭侯關將軍贊

今日之光露於許田射鹿之時。許田射鹿之光露於桃園結義之日。此光此心。又得左傳聞薰。擴充躬體。力行之効。宜乎千古如雷。如霆。如日。如月。震諸昏聩。破諸幽暗。賢哉壽亭是故贊之。

宋岳武穆王像贊

將軍耿光萬古無配。學射於師。師亡如在。以斯事君。軀命敢愛。出處雖殊。寸心無再。中原失策。醜巨爲愁。據我疆場。犬羊成隊。將軍奮怒。一掃腥穢。恢復神州。

垂成而廢。心知檜奸。君命無背。視死如歸。坦然非悔。光同日月。炳耀大塊。匪擇賢愚。孰弗仰戴。浙西之巔。虔受若霖。中有精廬。城山是載。將軍無辭。永爲法備。吉者賜福。凶者摧碎。我乘佛慈。敕爾勿退。

吳江優婆夷周母薛孺人贊

漢高。大度。項羽。強悍。臨死。生別。離之際。而不脫兒女情狀。又青山白雲。三三十年。精修禪觀。者。臨終坐脫。亦不多得。況女流乎。孺人生平。奉佛勤至。尤信往生法門。故其臨終之時。家業手製兒孫。滿前毫無情見。超然坐脫。即此觀之。則孺人過漢高。項羽多矣。或者以女流閨閣。高僧贊之。非虛語也。噫。無雲萬古。吳江月淨。土蓮開火宅香。

偈

示潯陽二那偈出王字兼筆

紫栢尊者在潯陽。那來慈匡石二居士。同聲問曰。秦將白起四十萬人。一日坑之。爲是多人坑。一一報多人。爲是多人罪重。天使坑耶。兩者疑結。交構胸中。唯願尊者開解疑情。頓割積垢。尊者即說偈曰。昔多坑。

一今一坑多一屈一伸。箭鋒相值。本無所失。無失無疑。疑既無有。將何開解。以是印心。天遣非理。凡有報復。情有理。無情如夢中。理際非夢。夢中一多。醒後追思。何多何一。若離一念。古今延促。多一之辨。醉情味。理不以比量。折衷非似。亢違聖斷。穿鑿橫計。非理設問。智者不答。茲憐若愚。強說是偈。自今而後。莫生此見。當於佛前。懺洗癡垢。福慧冥長。脫弗痛慢。終成魔外。吾語不真。吾舌當朽。

讀東坡夢齋銘偈出王字泰筆墨

東坡居士曰。世人之心。因塵而有。未嘗獨立也。塵之生滅。無一念住。夢覺之間。塵塵相授。數傳之後。失其本矣。則以爲形神不接。豈非因乎人有牧羊而復者。因羊而念馬。因馬而念車。因車而念蓋。遂夢曲蓋鼓吹。身爲王公。夫牧羊之與王公。亦遠矣。想之所因。豈足怪乎。紫栢老人寓余齋中。與余讀夢齋銘。而示以偈曰。開眼見山河。合眼山河見。能見既本一。所見豈有二。雖分夢與覺。能所覺夢等。如覺乃有待。夢或無待者。無待則獨立。何塵相引授。以此觀覺夢。開合見。

非異。但習俗橫執。謂夢覺真僞。如開眼無想。合眼夢自除。吾本來覺者。非覺夢所囿。只此不囿光。照物初無累。明了若未起。覺夢亦無地。解此可轉經。用此經無字。無字轉無歇。塵刹熾然說。

什祖頂鉢偈

無心頂鉢。鉢無輕重。有心分別。鉢重不勝。由是而觀。物我本無分別。建立又如茄子。誤腳踏碎。心疑蝦蟇。合眼討命。開眼見茄。蝦蟇無影。汝爲佛子。常作此想。萬法無法。心生橫有。生死煩惱。亦復如是。

爲顯居士乞米偈

法輪轉處。食輪先甘。雨通霄注。似泉夢熟。莫言非佛力。黑山延慶。結因緣。

晴雨無常偈

萬佛庄前。觀月色。月中無雨。是真實。黑山延慶。雨何來。遠近普霑。皆利益。若使雨性晴性。常先天弗違。聖慚德。須知陰晴事。隨緣緣熏熟。處業用力。

顯慈息微菴字偈

根塵脫落。此心顯顯。則微妙智識難見。日用靈然。

江山踏遍歸來報本見偈始驗

示支檀拳手偈

衆生無明熾執身招生死聖人惑其愚教以觀一四見四了不昧一身不可得此滌凡夫垢非是二乘執又以一遣四四亦不可得一四俱不有直下無生智不可以數求不可以情會情數兩坐斷肉塊金剛體譬如手作拳或者作拳想或以拳作手或者作手想拳若有拳性作手不可得手若有手性作拳不可得拳手兩無性執者寧非惑雖無拳手性拳手宛然爾我此拳手偈相逢誰薦取自信合佛心龍神謹護持凡願見聞者俱悟無生理

婆子拋兒水中

臭口纔開薦一橈老婆無計雪腥臊便將赤子拋寒浪惹得魚龍四海驚

頌德山托鉢

托鉢因緣不甚難耳邊密啓即幽關相逢就裏知歸處萬妙千玄片餉間

偶偈

落花滿地已春深長日空堂演梵音若要靈臺無一物好將四蘊細推心

毒鼓頌

見身可得生死媒介然有知憎愛本若人兩者了無性境緣順逆塗毒鼓

降魔偈

若人精進時動靜境界中一切善惡想皆自心變現故得自心者衆魔不能惑如未得心人彼現作自觀除自心之外萬有不可得不可得中若有魔何異層冰覓猛焰如是諦觀自心空心空境寂魔不有魔既不有佛不生佛不生處光充滿此光有緣得觀者順逆關頭恒自在持是自在度含識佛燈終古照無盡一切魔屬當護持此偈若不護持魔種不能活

交蘆菴偈

萬象皆交蘆了達何好醜渴鹿逐陽焰愈近轉非有警起凡聖情夢中生取舍輸與滄山牛水足眠深緣題姑蘇寒山寺壁間寒山拾得像虛空其懷金石其寶古之今之對面不識

又

奇峰難以狀其骨。閉雲無以喻其心。吾不知其誰氏之子。奚超曠而精深。

又

洞然劫火燒虛空。兩箇頭陀漫作風。若問安身在何處。可即鬢上好藏踪。

題明月寺

虛無萬象本玄遠。精神門杜門而拔本。進德何所據。哀哉無事界。墮落難出去。死水不藏龍。藏龍須活水。譬如一枝花。春光寧有際。此言固雖淡。味之頗有理。

題竹塢石室

何處無青山。片心灰冷艱。片心灰冷易。智拔萬重關。師拈末句問。墨文答曰。竹密不妨流水過。山高豈礙白雲飛。師命文三拜曰。先以定動。後以智拔。汝說不免現成。

五色囊偈

男女念不動。赤白則不流。赤白既不流。我身安可得。我若念不動。赤白難所主。諦觀三緣中。身心冰底焰。

冰底若有焰。冰則不名冰。智者如是觀。深入如三昧。百花林下臥。弗殊荒塚間。飲壇成荒塚。遊者誰復留。假使有香餌。進之不肯食。怖畏擊肘去。寧敢生盼顧。惟有紫栢翁。同觀無二見。

破執偈

形骸如皮斗。心識若巨燭。光焰本無際。皮斗罩不明。忽然揭皮斗。光即滿天地。此據橫計言。皮斗燭不同了。達橫計空。說甚皮斗異。

五言偈

白雲雖無心。去住亦有度。清風則同行。驚鷺不隨舞。卷舒懶希時。惟乃率其故。孤峰與高松。長空及深塢。來往任悠悠。那受塵侵侮。

又

承蜩蜩不飛。蜩飛我有意。蜩正不飛時。蜩我本無二。有二則情生。情生神不凝。神凝我物敵。彼此各有形。有心尚不可。有形安可承。工在累丸起。其次乃忘形。我形若不忘。累丸終不來。形忘貴無我。無我神始凝。此旨順然曉。可以學長生。

渡江偈示戴生升之

夢中見海不敢渡。開眼見川不敢涉。分明陸障非水障。陸障若消海可涉。此理現成誰不知。不知端爲情所結。解結之人處可步。山壁由之火不熱。善哉男子能悟此。去來長江蘆莫折。

墮生歌

君不見。鴻山水枯牛蹄角。異常流苗稼。從他茂不犯。莫相尤。白雲叱郭公。立石火電光。喻莫及。縱使兒童解著鞭。聖凡路上難收。拾曹谿水。雲巖草城市。山林恣幽抱。相逢若問有何能。耕破虛空種梨棗。這家風輪與我。右即右兮左即左。平田淺呷總生涯。譬水方圓無不可。或時上或時下。逆順縱橫寧。旣把龐公未是就。中人當場且握雪團打。休妄想皆影響。覩面相呈。護齒莽夢中蹴踏龍象棋。一著參差三十杖。此綱領豈易逞。笑殺捉風并捕影。獨許章郎蓄養深。搖頭擺尾那堪省。那堪省。那堪省。春來處處泥沒脛。一聲短笛月明高。不脫蓑衣臥誰肯。收芒繩繫枯柳人兮牛兮。無煩守斗柄。從教夜半移。慈眠如醉君知否。

感懷歌

古云蜀道危。又云長江險。蜀道攀蘿度不難。長江無風亦可還。惟有人心危險極。千奇萬怪不可測。論交滿口如蜜甜。誰知甜內皆荊棘。荊棘刺人人不死。心刺刺人死未止。忽地思量怕殺人。究竟總因情所致。情關未破莫論交。論交須待情關破。情關破了冤親齊。寧有相知仍見過。

示王二峰歌

憐君今年四十九。燈下相參面目醜。昔日容顏今日無。韶華過眼能幾有。燕山見我不相見。慈壽香雲浮片片。不見因緣意最深。渠儂未必能親覿。我本雲外人。胸中何所欲。去來若轉蓬。豈肯墮流俗。王二峰王二峰。長橋月明清淺中。朝三暮四但如此。吳江水急鎖垂虹。子未生功未建。等閑雙鬢白上來。世故紛紛更難遣。一息不來身無主。身外所有豈能住。固有常光變黑風。羽毛鱗甲頻來去。天地生我不能育。賣我生者。聖君祿祿無窮。而生有涯。相逢幾個能回。屬呵呵。呵呵會也麼。老僧饒舌爲誰何。來年桃李如今歲。

紅白枝枝風雨多。更有一般堪痛處。大頭不是小頭和。

王二峰余妻父也。萬曆己丑進士。禮部郎中。繆仲淳覆舟驚腹。湖中二峰救起。解衣推食。遂爲生死交。後將赴任。同仲淳謁大師。示之以歌。無句不驗。二峰功名子嗣之念甚切。故開示對病發藥于中。甫先生簡老人稿。凡類神異者。悉不採錄。余爲翁婿。此歌得存。末小頭似指余內。內爲翁婿女。旣無出。亦四十九而亡。爾周永肩性贊識。

斷凡禪人恢復天池贈之以偈并序

天池子曰。凡可斷乎。曰。斷凡之情。非斷凡之法。法若可斷。何殊離波求水。山外覓雲乎。若然者。凡情旣斷。雖鑊湯爐炭。姪坊酒肆。皆蓮華淨土耳。況斷凡禪人。高臥層峰。與鹿豕游。果有凡可觀乎哉。無凡可斷乎哉。雖然。情根久植。非力斷之。終難得佛也。斷凡禪人。恢復天池。其寸心之苦。一生九死。而乃克功。紫栢道人哀其初心。聊此贈之。

雲石可以臥。松泉可以弄。鳥語恣所聞。客去何必送。

天池龍睡隱庭竹。堪栖鳳隔嶺。花山鍾當陽。蒼土洞斷凡心不生。六月烟霞凍。此意向誰道。擲鼻難忍痛。

示廣燈法名偈

兩度廣燈。今已見祖。翁何事太留遲。箇中別有通霄路。鐵壁銀牆自在馳。

此偈非凡夫心量測識。徵或不遠于鑒識。

贈清原寶藏秀峰二禪人

方始悲秋。又復春。百年豈止過駒。墮黑頭。若許黃金買不死。輪也富貴人。

住來無著。與天親。市上安禪道。自真少欲。何須親白骨。有緣曾不破。清貧寒流。並汲澆瓜菜。古佛同修。慙世塵。最是一般堪愛處。共甘澹泊。懶求人。

牢山訪慈清公

吾道沈冥久。誰唱齊魯風。閑來居海上。名誤落山東。水接田橫島。雲連慧炬峰。相尋不相見。踏遍法身中。

諸城道中乞食

秋風古策輕。曉揭淺溪清。此日風霜色。誰家鼓鉦聲。疎林明海曙。曲徑勸人情。白足空回鉢。蒼頭聞令行。

詩

送幻居講主之徑山

吾久浪山海。茲將息影何。念爾爲前茅。且建安樂窩。
雙徑固迷迴。五峰亦嵯峨。松濤鳴碧空。舌相真奇那。

登錦屏山

日上長歌度彩虹。隔江烟火古蠶叢。危峰欲墮松根
抱。浩露初殘花影空。山水不殊前代色。衣冠猶帶野
人風。白鷗訝我登臨晚。來去飛鳴錦浪中。

與王圖南出塵

出塵地不遠。貴在方寸虛。憎愛匪關心。逆順常自如。
芳草總心訣。白雲皆禪書。能將耳檢閱。除我誰復儒。

示范君昭

處處青山有白雲。此回何處更逢君。流泉若使眼根
聽。始信楞嚴非見聞。

過姑蘇北峰支公隱處

松根抱石不知勞。誰向空山守寂寥。老我遍參行脚
倦。笑來此地種靈苗。
紫栢尊者別集卷之二

紫栢尊者別集卷之三

虞山白衣私淑弟子蒙叟錢謙益纂閱

徑山寂照六世孫傳臨濟宗契額書梓

書問

與馮開之共十六首

貧道初辱法愛。猶不敢承教。及請教文石罪。始獲領
益下風。自是公信。此道如釘入木。既進不復出。雖有
奴兒婢子。鼓惑侍者。使蔽聰明。相成頂墮。然仗佛之
靈。見地日清。惟綱宗之旨未了。綱宗譬諸符璽。符璽
在我。生殺誰奪。一失符璽。雖王侯亦莫能賞罰人矣。
今茲黑白。孰不看幾則公案。尋常自謂明了。及被人
覷面拶著。便如雷瞋。相似眉眼。雖動。愧然無所措置。
此綱宗不明故也。邇來士大夫中。知好惡者實難其
人。卽僧輩亦不多得。惟公大憤精神。參究諸當。徹箇
雙眼圓明的護法菩薩。貧道初未敢以此望公。自公
於此道微有信入。實望公不淺。然猶以公世故重而
道念輕。恐中心柱子不甚牢固。又君子親而不能久。
小人知而不能遠。不能久終必我遠矣。不能遠終必

我親矣。君子遠而小人親。恐外面夾持。又無其人。公如肯慰貧道之望。須無忘貧道之言。

又

別來甚久。南北殊絕了。無音寄。何世道涼薄如此。大都此時。無論俗人與僧。惟以機智爲能。窺動靜而迎人意。就情辦事。則真實根本。竟無暇培護。由是觀之。法門興替可知矣。豈惟道法若是。世道亦可知也。貧道受質儻直。不能希世浮沉。惟深雲是避。不知先生近來作何狀。常想先生亦儻直。恐于世路亦難苟措。近得仲淳中甫書。甚喜聞先生終日超然。不以官故累大慰。遠人貧道度夏。清涼山中讀黃山谷全集。偶及山谷謫官時作承天塔記。有權貴欲托名不朽。而山谷竟闕筆。勿應于是其人憾甚。謫山谷于執政者。大受誣逐。貧道不覺汗墮如雨。且慟弗能止。若山谷當時心地不真。安能使後世人痛腸如此。因想先生當時此真實如金剛山一任毗嵐。橫吹豎撼。當有時放大光明。在此貧道銘刻肝肺。望于先生者也。密藏應世才能。今非昔時比矣。可喜。可怪。卽日往峨嵋會。

昭未期。惟爲法珍謹

又

大都男子出處。實係前分世之嘈雜。讀嘔何足介懷。且榮辱無常。兩無自性。辱若有性。貧賤者斷不能及富貴矣。是以達人了此。安于榮辱之間。不見二致。此旨先生素洞明者。不知觸境真受用自在否。若不自在。佛法卽無靈驗。法本有靈驗。先生受用不來。便是魔鬼入家矣。大丈夫氣宇如王。魔鬼在家而不能逐出。可不耻哉。不遠數千里獻此言。先生休負我於岑二公時亦相晤。否晤則爲致之白髮種種也。須稍進

又

別先生來卽登牛山。結冬訖觀。不可久居。聞妙峰掛搭京師。遂訪之。故得與藏公仲淳晤。接大都刻經。兩兆天時人事煩宜。中甫疎放有執見地。微清但未大透。終不作住頭許。可徐臨東鄒南。畢并曾健齋。皆宇宙中正氣。惟健齋于此中有深信。南畢拘強。可取貧道去住類孤雲。安著踪跡。特適志自任。亦嘗念先生懷抱真率。資質粹美。海內幾人哉。然貧道猶有蓬心。

不滿先生者以先生耳根太硬硬極則變硬之變不軟而何且先生喜聞耳硬或者不允又加之軟譏則先生之不快每每浮之顏色如聞貧道萬里直音即能轉習則法門有賴多矣

又

紫栢道人峨嵋東來初意本欲挂搭天目徑山者以時歲勿嘉故權寓曲阿耳然天目徑山悠悠在念焉即陽羨水山亦自清勝又爲請謁者多似亦致擾白雲也鄙人書經拔親爲答劬勞此心耿耿二十餘年矣此欲完之是以不暇接人如舊疎狂之習似亦消去大半惟不近人情故復未化習僻之入骨爲靈君損妙若是乎譬猶一婦人貪欲者見之生愛同色者見之生憎作不淨觀者惟見清淨無預之人見之平常兄見之妹子見之母此則惟聖人能之且夫妙明覺明初非兩件四者見之無非覺明兩者見之無非妙明此等淡話少有知見之流于明了中率皆能領略惟任運不昧其光雖大方菩薩猶難耳即紫栢道人不近人情亦妙明之妒先生何以教我

又

峨嵋顛末切須他書再細考之茲山乃華梵標幟一字一句苟非清淨靈臺頓忘身心從虛空中生大靈響安能光飲魔外揭人本心耶惟願弗苟惟願弗苟可道人痛乞

又

此讀聽雨草則居士時義較昔綴高科之作愈精愈雅矣又如諸葛武侯節制之兵嚴而安徐而疾誠佳藝也雖然流芳不待年命幾何哉足下往者相見時未及四十歲頭毛蒼然此乃用心時義所致也大都文章秀雅即精血所化是以文章愈奇而精血愈枯焉吾意願先生于出世法中拚片精神打磨一番苟心光洞徹于內典肯綮并古德機緣蕩然無礙而飯粥之餘或現量所得內典中精義自心光燄留照千古不亦可乎即古人葛藤亦頌幾則亦如楊大年張無盡輝映禪苑力持大法豈不至上且世間眷屬因緣不知縛了多少漢子入于地獄雖則世諦也要周旋然眼花認著甘墮已靈有智丈夫宜作去就于精

神尚可收拾。若形衰精敗。斷不能了結。由是言之。則時義不做。亦可。卽阿郎并相知中求教者。稱心現量。打發足矣。何必苦心自作。昔李伯時畫馬。秀鐵面呵之以爲必入馬腹。而墮地獄。今之留心時義者。心術循良。一旦出身做好官。則亦有益。如心術不佳。藉此出身爲大盜。而劫人。則較李伯時而先生罪尤甚。崔林風便附此。

又

長郎成人矣。已了世中一節大公案。又累輕一層。可喜。大抵累輕。則力大。累重。則力微矣。故地承一切。又不若水力。水力又不若火力。火力又不若風力。蓋地以四塵成。水以三塵至。風則一塵耳。惟心無一塵。力不可思議。由此推之。累輕一分。則與真心相應一分。而力大一分。奚惑哉。吾在北時。辱惠書曰。般若緣深。天去其疾。非先生孰能于此。比相知中。俱言先生兒女情多。風雲思少。若果然者。則資道青山白雲。誰壯寂寥乎。四明李次公乃烟霞徒耳。其于內典頗曾探索。且操守勿苟。今其省父南來。道出鳳城。指渠一謁。

高明當以門裡人接引之。

又

此道荒涼。東南已知。舍先生其誰哉。然一別五易寒暑。幸暫披晤。遂復離析。人非木石。安能忽然無情。初意登徑山。自謂過杭。決有十日之談。稍洗積渴。不意平望橋頭。觀面錯過。貧道法華楞嚴。藉佛寵慈。俱已書完。裝潢秀茂。皆屬丁南羽一手裁製。故得如意也。先四僧護行矣。此經安置西山。寧化蘆芽峰頂鐵塔之內。所願併塔堅固。候慈氏下生。放大光明。炳燭法界。四衆問佛。佛說所因。釋迦教中。初末世。有一比丘名真可。書此二經一名妙法蓮華。一名大佛頂首楞嚴。爲報父母生育之恩。今放光明。願見者聞者。共生孝心。因孝得佛。是彼願故。乃放此光。時彌勒語訖。四衆人等皆生希有想。亦發願如我想。先生必喜聞者。及此閏三月十六日。金壇諸弟子。送至瓜州。而別。截江風。致天色空朗。青山兩岸。碧水中流。片帆如葉。頃卽到岸。吾願先生同載苦海。登彼岸等。山西路亦不遠。且近清涼。若得杖屨一行。何勝如之于中甫真先。

生的骨時常切要煨其知見不可情識楞嚴曝天血
書華嚴乞先生作記用垂不朽毋忽

又

清風逕謁禪師碑銘未就使此老幽光主德無壽于
世老漢甚慨之妙常庵主妙峰雖碑石已具銘未求
不幸而死矣故老漢新托崔林代完此公案當欣然
握管速撰之則老漢受賜多矣崔林到清涼辱手書
何慰如之久不晤公公之近來習染甚矣奇男子家
眼睛無珠腰間無鏡可乎願痛思之老漢拄杖實無
面目當機之際狹路難避更道不言

又

道人持鉢諸方三十六年矣始行脚時絕勿曉世情
利害在前初不入胸且不知渠是何物改日用超放
快活處有餘自行脚久歷境緣逆順種種變怪駕無
爲有化有爲無理道捺過率曠以私情惟快業識不
顧將來結何菓子此輩出之法門外猶不足駭出之
法門寧不恐怖古人每云生平無限傷心事不向空
門何處銷大都世中不可意事譬如火空王三昧譬

如水以水救火吾如來深慈也今此輩直以水中生
火焚燒善類使玉石不分是等情狀於吉祥靜海雖
辱惠顧竟不一言者恐波及先生耳茲復提起非但
貧道要十分護念在先生亦當十分痛密則將來受
患猶輕不然臨時悔之晚矣又諸郎尚未知經遠之
計朋友交接苟非懼天理識因果者斷不可輕容相
處若于此爲父者不能以深慈妙嚴使子女輩隨量
成器則莫若不生而復怕費心調護則不仁甚矣
惟願不以深慈刺情不快卽于不快時痛猛悲泣一
上則道人承惠多矣蓋先生擔子漸重海內金湯寥
寥臺老又老唐一所董玄宰輩得一紗帽蓋頭惟快
情恣識逞其素所不逞寧暇及此趙定老近有信占
字泰中甫當委曲時警策之道人結夏皖山三祖寺
之馬祖庵彼中山水奇曠天目當兄之但不得與先
生共耳

又

禪有邪正官有冷熱邪禪熾行則正禪受厄矣卽如
熱官焰高則冷官焰低矣嗟乎邪邪正正冷冷熱熱

千態萬狀。陋不可言。阿奉者易進。謂謂者請退。如此種種。試觀一心不生之前。何殊片雪撲紅爐哉。故曰。達本忘情。知心體合。若然者。則邪正冷熱。皆情也。非本也。如不能達本。因循恣情。勝則本敗。而無所不至矣。又豈能知心體合耶。先生官不甚熱。忙不暇如此乎。道人抱病潯陽百餘日。病稍愈。即勞盛獄起。帶病冒暑北行。上諸公書。訖復乘流南還。挂搭石頭。未幾則公亦至。公至將半月。不能遣一蒼頭一問道。人病則先生冷官作熱官。夢煩奚暇。夢雲外病僧哉。吾非情求公直以理警耳。

又

潯陽水山高勝。非他者可並。蓋蟠湖盆其前。岷山帶其後。波光空翠。交映之中。而漢陽諸峰。裝點作痴爭奇吐秀。萬態非一。如使嗜欲深。而天機淺者。能一登之。則直下亦未必勿習染。爆落靈府。廓然。況天機深者乎。貧道抱疾長松之下。幾百餘日。而寒熱交攻之際。藥石逆治之時。常識駭飛。本明忽露。所謂波光空翠者。亦首尾騰換耳。吾知真實居士。堪與語此。乃不

敢諱而暴之意。欲居士攜一健僕。挾一枝枯藤。駕輕舟順流而南。直使病僧得請益。維摩亦得廬獄發前人未發之秘也。如王程有限。爲人臣者。悚息勿敢違寧。則山水之興。又當次之矣。然居士此出。大非細事。惟君子小人之辨。勢涉危疑。斷不可依回放過。貧道于久病中。握管作字。不遠寄公公。切當大知好惡。始得曾健齋公之相知。一病不起。何痛如之。幸得中甫治其後事。足見法脉不無人也。時在嚴寒。動定加餐。慰我幸甚。特遣覺休不遠而來。切爲法門之故。惟先生痛體之餘。無說

又

古人讀書。便立志作聖賢。今人只要作官。吾曹亦然。古人出家。志在作佛祖。今者惟爲利欲耳。貧道遲回長安。念頭頗不同。然舊識皆勸我早離北。雖是好心。爲我實未知我大都爲我者。率以利害規我。若利害我。照之久矣。實非我志也。我志在利害中。橫衝直撞。一兩番果幸。熟肉不臭。徐再搏立。奚晚。先生受性真實。故直以此相告。卽先生官到此。世味亦只如此。倘

不以本分爲急務計亦左矣。先生年漸高矣。酒色怒此三事。乃貧道數千里貢先生之供養也。往于石頭舉動逆思之。而有悟。亦人天師耳。徑山化城宜委曲恢復。爲完藏道場。毋悞。

又

南中自臺老卽世之後。金湯大法非先生其誰乎。然先生心真而才智疎終。非金湯料也。大概金湯之料。非雄深堅猛者。卒難爲之。雖然南中若微先生。又更難其人矣。先生才智雖疎。而真實有餘故也。然則南中佛事。貧道不委先生。獲持又委誰乎。比徑山楞嚴密藏。養病未還。幻子化不復返。雖能勤與勤。充使小隙。亦不過全開。卽與本郎之舊。貫此二僧。豈能復振其頽波乎。要在先生與諸金湯法侶。聚謀定其人。則徑山楞嚴兩道場事。一一完之不難也。願先生熟慮之。貧道年在耳順。有順之名。無順之實。豈果能備僧數耶。然微貧道亦恐如貧道者。又不多得。願公等恕其短而顧其長。或可以有少商略也。外肥皂。兩丸附洗染垢。願勿却。解蕩人天業。能除凡聖情。不知誰敢。

用垢淨任縱橫

又

萬曆三十年十一月初七日。始得展手。示徐讀之。備悉先生并江南法侶深護智願之心。卽土木偶人亦必知感。況貧道耶。第先生與諸法侶深護之心。固美。然皆不遑裂利害而計之。經稱丈夫畏時則非人得。其便非人。卽邪神小鬼。耶。大都邪神小鬼得爲崇者。不過我有欲。我若無欲。則彼伎倆弱矣。所謂欲者。顯則不過名聞利養聲色。近則不過肉塊子。與能計度分別人我之心。若顯與近者。直以無塵智強力觀之。則雖不能頓融。必不敢公然與能觀察者抗也。且百凡利害。必關過現之業。故憂虞之與悔吝。各之與吉凶。於不覺不知之中。莫之然而然。而任運計度生焉。此三者生而不以理折情。則憂虞之機不從各不從。凶將何從耶。願先生無忽勇猛思之思。之果有霍解。則知杭之天目。江右之匡廬。不在杭與江右。卽在長安也。貧道未出家時。智勇不在人下。凡世間之計度。無不計度過者。以千計度。萬計度。莫若出家爲僧。

是最上計度。然後脫白一條。編四十餘寒暑。稍弗住脚。寧有如此人。又畏時計度利害。而取舍之乎。又吾曹斷髮如斷頭也。更有何頭可斷哉。然先生并諸法侶。深護智願。敢不知好惡。但我斷行。止要心常不與世心和合。爲精進。故曰尋常利害稍關心。臨終自然生死現。貧道近年操守較往愈甚矣。不委先生邇來于逆順。關頭果能得自受用三昧否。此貧道切望于先生者也。此真語也。辱先生特遣與。擎持手示召貧道。如不以直心答先生與諸法侶。此非佛弟子本色。客歲沈訥卿看馮琢菴。脈後謂貧道曰。琢老若不速回去。則應酬不減靜機。無繇忍入春大命難保。今年琢菴果死。噫。琢菴死而先生頽然不驚且痛。則先生死機亦不遠矣。自密藏去後。貧道與先生疎濶以來。先生得聞藥石之言罕矣。茲先生又得貧道吐此裂情網之語。此先生自致之。非貧道橫加之也。再願先生熟思之。想天氣漸煖。遊湖情高。水淺舟輕。黑風謹慎。癸卯三月初七日。

大師集中與開之先生書。僅一通。及得其家藏手

札。凡裂情吐膽塗毒而出者。累紙皆是也。因思大師手書與人。其不顧忌諱。中人隱痛如與先生諸札。不得盡見。集中此段血心。歸之滅沒而不可著者。誠不少矣。然余考大師蒙難挺身抗救。止于中甫一疏事。雖無效。猶足爲宗風吐氣。至發憤流歎欲哭欲泣。託于詩歌。而見諸文辭。則反得于師明德而友達觀之湯養。仍若夫聞難旁皇及承訃痛哭。嘔心一文以抒寫平生發揮其末後之光焰。當首屬之先生。乃寂寥無聞。僅于日錄中記師坐脫爲一發。慨因歎息。小道人性田不可及。則亦可謂負却阿師也。師以萬曆癸卯臘月滅度。是歲與先生書尤加痛切。甚以死機不遠。折其遊湖高情。乃大師既逝。先生亦不久旋。物若夙照而預識者。余故于二十八札錄其十有六。而于癸卯一書獨存其日月陸符法。勿識。

與馮開之札

長江之南地若片掌。而片掌之間久缺聞問。可歎也。先生近從赤水遊。亦水仙學自謂扶宅非難。且其氣

盛於先生先生何以轉之若不能轉渠卽受渠轉此皆水火之力力盛者則奪之矣若不受渠轉是須旗鼓相當於人天衆中一較雌雄寧無明眼者爲之證據哉宋山谷黃先生凡遇道之邪正關頭必正色而論之決不用偷心取一時人快也故其耿光與諸禪爭先宜其如此今人稍涉勢利津徑則利害是顯榮辱是僻偷安是樂三是障心雖力如巨靈孰能撼之此等光景歷歷貧道親嘗者也苟無道以治心觸此境界安得超然哉吾眼中之人唯先生受其擠陷雖復乍聞亦有動心時少頃則忘之矣此最入道捷徑峨嵋別傳老師行實乞爲大整斥之不惟此師籍爲不朽吾亦欲先生之名同普賢老人不朽願無忽又輒震兀齋法師并其弟幻齋法師行實亦乞先生文之此二師于貧道有法義交渠先行而后行者不爲之圖不朽非義也

又

華嚴新論聞是宋板字畫清整朝夕思得朗讀百過少慰渴懷也不知此味何日上舌禪人覺之其天資

儘可教者但恨其常習入骨卒難淘瀉渠自發肯心則瀉之亦勿難者又其性近于文如先生排一月之工開其文竅關其文路壯其文氣堅其文骨提其文心保渠必有成者

又

居士官套習生猿猿習熟每寄吾書則以爲疾今官漸大得非疾大乎若謂南官冷靜可以久祿此非自食其言乎是事平言世中人誰肯及此思之傳金沙十方院疏文先當說理透徹方好敘事以東魯書生有理法障故

又

先生于楞嚴靜室曾稱丁勺原奇偉殊倫可爲法門金湯第于法海中迴未有所入乞師特接引之語訖卽爲貧道扣三首以是貧道過滌陽誘拔之渠世味正濃雖復相見於出世法掉頭不顧比勺原蒙大難頓覺交情反覆波瀾莫喻始知好因緣處翻成惡因緣貧道望其眉宇愀然頗有厭世之色卽爲提明向日先生婆心扣首爲渠之事渠始痛感先生爲渠熱

腸先生急當作書力提出世因緣渠亦得力信入且渠雖離此大辱而精神胸次不惟勿困頓實超朗無介亦可敬也

又

承手諭教我甚深第徐思之斷髮如斷頭倘再計山林可以避禍朝市取禍必易則尚有頭可斷矣所以甘受報緣初不暇生心趨避也且舍境何以煖心哉

又

令夫人信心何如世中之苦唯女身最苦何故行止多障礙故然要脫苦亦不難但能以堅渴暖動四大行住坐臥細細觀察查審何大是女身若查審有個頭腦便悟男身惟名言況女身乎先生勿海漲宜正顏色振精神將貧道法語痛示令夫人蓋貧道往嘗受其供養今不可不提撕之此理也非情也

寄開之大郎二郎

百丈竿頭蹈丈木而驚悸大地之上履寸板而坦然此何故哉蓋竿本不虛地本不實嗚呼一切衆生于無實無虛之中橫計虛實故也

句到意不到剪花能引蝶蝶醒呼不來意到句不到蜜在瓶中藏遊蜂寧聞香句意俱到譬如春在花枝誰曬不思句意俱不到殘紅逐流水春色浪頭尋

示王宇泰居士

念頭未起靈然清淨本無我人此所以一切病患奈何他不得豈惟病患奈何他不得縱十方諸佛盡其神力亦摸索他鼻孔不著念頭既起即有人我能所成敵觸處愛憎愛憎既熾則綿然交戰于胸中瞬息無停頭頭物物莫不見障如此等人豈特病患中受大劇苦就無病患時節被他愛憎使得慌慌忙忙一點做不得主何況正在病時攢心徹骨之痛呻吟苦楚情識種種又安做得主雖然此就常人言之耳若智者分上必有個消遣處若無消遣處臨一切病患便作不得主不免隨他種種楚痛去也且道如何是消遣的法子我今且問能知痛者畢竟是何物所痛者又是何物若無所痛知痛者不有若無知痛者則所痛于我有何交涉大丈夫到這時節正好作觀想畢竟尋究能痛所痛是一是二一則能所尚無阿

誰受痛二則能是能。是所能痛。畢竟不是所痛。能痛若是所痛。又則是一一則本無能所受痛者。阿誰公於此直將痛苦中種種憎愛憎愛情識轉爲一個觀想。拚命挨將去。畢竟要知痛者是誰。爲崇果然推得入頭。不惟業消痛除。敢保參禪一節從此結案。所以古人病患中發明心地者不少。故昔人見病患。不來慚懼。悲泣竊痛。責已此必諸佛捨我不冥加我故。若肯冥加。則病患不難。何以故。蓋衆生從無量劫來。迷却本明。廣大靈然之體。活潑潑淨之心。執此浮想。及這臭軀殼子。保惜不捨。若是病患苦痛煎迫衆生。自然悟此身危脆。臭穢不淨。有此念頭起時。更得善友。傍敲暗擊。此身臭穢不堪。保惜此相不實。又何憎愛病者。果是個英靈。種草聞此言。句不唯這些病苦。不顧直饒飛矢刺目。拔刀撼胸。但恨觀想不純熟。向上不明徹。豈有閑工夫在。臭軀殼上作活計。耶道理。卽如天有警人君之慈。則垂象現慧。今日宇泰剛發心。究此大事。便有此病苦來魔此實。諸佛冥加在公。不可不省。發道見公有此病患。既爲公憂。又爲公喜。

答仇謙謙語三段

喜怒哀樂之未發。謂之中。此中既云未發。誰知其中。夫發則有知覺。可知中與未中。未發則無念。無念則無知覺。尋常所謂未發之中者。將何以見其中。若以已發驗未發。所以知其中者。則已發不卽未發。未發不卽已發。則不可以已發驗未發矣。此中儒門大本不清楚久矣。惟先生高明博雅。乞爲剖示。既云未發本自無念。無念則無覺知。而能見未發者。知耶非知耶。知耶已發。不知則孰知其中。若謂自然而知。謂有我而知。無我而知。有我則非自然。無我則自然。誰知茲高明見復泛然卒酬未見愚之問。端所以大凡辨論必有宗旨。貴在問在答。處答在問。處如箭鋒相值。函蓋相契。所以問之端倪。倪不可不精思。揣其立宗。今立宗在于未發。既無念覺。如何知得未發。若以已發驗未發。遂謂已發不中。未發亦不中。或無是理。蓋未發廓然。無朕如太虛相似。縱已發差處。安能累之。如能累得。則虛空亦可彩畫矣。惟先生熟玩愚之問。答宗趣細見教之。

高明所謂明覺自然之體。此是未發之中者。謂明覺自知。所以知其未發中耶。謂起念覺照。故知其中耶。自知則刀不自割。眼不自覩。起念而知則屬已發。不謂之未發中矣。

示胡德修居士

從古至今大都學道不成者。往往奈何自家身心。不下是故。生死憎愛。交加紛擾。靈臺渾濁。片斷不得清寧。總不知生死何招。憎愛何成。雖復奔波湖海。尋真覓訣。爲治身心。或從眼中看得來的。耳中聞得來的。攢頭相授。依憑扭捏。又有靜中得少光景。卽爲究竟。長年終日。弄鬼眼睛。鼓粥飯氣。自家身心。毫厘竟治不得。設臨顛沛流離之際。逆順是非之場。依舊生死浩然。憎愛滿腔。紛飛搖蕩。方寸中如著芒刺。相似此蓋不知自身。自心來源。既不知身心來源。卽此身心障礙不淺。如是不唧啣。做去豈惟大道終難悟徹了。當日用中。敢保從生至死。未夢見安閑在。何則。不知身源。則見有身。見有身故。則受身累。不知心源。則見有心。見有心故。則受心勞。肇祖云。勞動莫先於有智。

大患莫若于有身。豈欺我哉。且道身心來源。處現前此個軀殼子。不過四大合成。現前分別了。了此點妄心。不過四蘊攢就。衆生顛倒妄。以此身爲身。此心爲心。塵沙劫波淪墜不已。改頭換面。如火傳薪。蔓延無歇。大丈夫真心學道。何不猛著精彩。拍胸自判。發一片決定心志。直下以四大推身。四蘊推心。逢緣觸境。崇朝至暮。綿然無間。歡喜也如是。推煩惱也如是。推推來推去。工夫純熟。一旦身心廓落。蕩然虛明。到此境界。德修畢竟喚甚麼作身心。喚甚麼作生死。憎愛德修果然擔荷得。眞做得不惟成佛。有分學仙有路。管取參禪門中。亦推爾不出。德修聞此語。不無疑他成佛成仙。到參禪門中。皆是末事。殊不知禪門向上巴鼻。諸佛猶未夢見在。且道如何是向上巴鼻。十方諸佛在何處。盡在驢胎馬腹中。

與智香居士書

周沈兩家乃吳江信法之始。故汝兩家精進愈熾。願力愈弘。則松陵之風移俗革。可翹足而待者。不委兩門居止。依怙果四稜塌地否。果能之則老漢敢不爲。

旗鼓哉。雖然汝所慈輔我大矣。惟城山未皇一登。或近過之。不知汝昆季俱在否。德輿昆季其所親。卽世不知臨命終時。不大苦否。如不大苦。則老漢歡喜。難喻如不自在。則丈夫不如婦矣。老漢也要打草驚蛇。捉死怖生。不知汝輩眼中。果有筋皮裡。果有骨否。不然則老漢罪過不少。

與于潤甫

墨香庵汝之費心深矣。介然寒生。費從何來。不能而能之。非卓有定見。則受紛綸之搖。此庵安能成也。既成矣。切須強力忍氣。終之老漢。蕭然雲外。夫耳汝不以富貴當眼。而必清高特持。委曲焦勞。決以初念是克。吾敢忘之哉。大凡做好人。不易賠錢。忍氣忍飢。所以天必憫之。吾聞天憫者。必有後。或汝異曰。此子必當鳴于世。吾故附此于來柬之尾。以表汝有後之兆云。

與李次公

業栢道人見地平常。行且疎略。吾法道中相識。或不可以其闕陋愛而不棄。欲寫其像。如具信心。亦不可易。

忽圖之。古人有言曰。魚相忘于江湖。人相忘于道德。蓋精神不真。終難持久。不以持久之心。寫之不若不寫爲第一義。卽如聞亦不可以老漢爲塞人情之具。苟察其果信得吾透。念無支路。非具禮亦不可爲輕寫。蓋衆生捨財如割身肉。如不能割肉。圖老漢老漢亦何故用其戲寫爲酒館八仙耶。且圖佛菩薩有功德。圖吾吾之功德。尙不能自福。曷可福人。吾行之後。次公謹體此囑。始不負吾。

答于景素儀部

此辱枉顧而不遑一接清塵。以傳生在也。且貧病棄置。世外之人。寸無所長。亦不敢輕接賢士大夫。向承令侄之歡。移錫延陵。而道德虛薄。無以感物。抱慚良多。又吾曹得與世途相接者。自有標格上。則非道德不應。次則不過詩文已耳。越兩者而有交焉。達觀雖不敏。懼弗能也。如足下不以軒飾自榮。于出世法中。果爾存神。貧道雖不敏。敢不全令姪之愛哉。大率存神不真。比屋千里。豈有千里之遙。形待情懸。而能聲入心通耶。故足下如辦心未暇。留俟因緣時。熟相接。

亦得達觀勿解作綺語言直近魯唯高明亮之

答馬誠所御史

辱手書知居士欲激野朽憤發同心雪卓頭陀之死耳敢不承命第野朽爲頭陀之心非爲頭陀也爲頭陀立言著書每以金湯大法自任此心何心哉如野朽不以此情照之則風馬牛不相及矣又頭陀自刎偈曰志士不忘在溝壑勇士不忘喪其元吾今不死待何時願早一命歸黃泉野朽以此偈觀頭陀之心則頭陀非佛祖聖賢之氣象也智勇烈丈夫耳大抵吾曹出處與俗士不同俗士所見見局乎一世吾曹見通于三世一世偏也三世圓也偏則情多昧理圓則理能制情如孔融李膺臨難皆疑怨不能自解此情蔽理故若少林二祖南岳思禪師臨難皆能用理制情所以直觀今世有生心殺我者我必前生曾殺他故也故南岳中十七大毒小毒不知其數一味觀手往因逆來順受而二祖亦死于縣令之手初不聞二老禪有所不堪受也此祖佛標格如是較諸孔李二君子又何如耶今嗚呼平生語禪而臨難竟不遵

鼻祖報冤行消釋宿業以不堪人之瑣碎甘擧刀自刎以跡觀之謂頭陀烈丈夫則可謂真是佛祖聖賢之徒則不可也雖然頭陀佛祖聖賢之理未嘗不知特知而未能行又豈能證而忘忘而用哉今之僧俗雖號稱知禪談禪者則又萬萬不若卓頭陀也故頭陀之死野朽不能說一偈寄香燭弔奠之非夫矣惟高明徐平其氣靜其心諦察野朽復居士之言何如爲頭陀之心何如於理果當謹存報章餘續不悉

付密藏開侍者

吾雲外夫與世泊然者然于世情若不能判然割斷以法門事重故也或者不察吾曹痛處亦不必介介但盡吾心而已如臺老之晚年吾復全初好與之遊亦不過爲此耳據實論護法肝腸使吾心死而服之此老非宿有願力安能若是乎其諸郎中吾甚喜第三者以知其好惡也此老一生委精神于法門而晚年又當爲朝廷之大臣適乃人情無常義利出沒之地設精神照顧不及處汝當剖肝竭誠一一扶照之使此老末後不要失了大人局面則使吾門有光也

中微下一有
不得主三字

此亦吾輩報其護法之勞理合如此。若于中甫傳廣居之出處。吾曾于此老言之矣。汝當再觀面細論之。痛癢之苦。論中甫爲法門之心。不下此老。但無此老之伎倆耳。卽傳耶伎倆頗有。又無此老堅凝持久之力耳。應人才之難。雖若是手文。卿絕不見一字來想。聞人之聲或疑耶。當爲稟說老漢天生生鐵禪和子也。疑夢不可不醒。仲淳與事忙法中。極不進其氣魄。甚勞頓可哀可哀。但在法脉中人。汝嘗相會。不可要他歡喜埋沒了。人古德有言曰。心常不與世心和合。是精進。卽老漢豈不能作時態度。顧末後累手耳。若論此事。設少年無真精神于此。則老來便做不得主。設臨命終時做不得主。便是千生萬劫驢胎馬腹做。設生前若無真精神于此。則臨命終時做不得主。設不得主也。由是觀之。不以此爲慮者。皆粉面女耳。第春光可翫。那悟群芳易凋哉。

付密藏幻子幻居三公

疊生來得清涼諸師書并汝等書。彼中人境殊勝大。可喜江南連歲歉。飢人情恍惚。非往年比也。但道人

日用無入不可。雖復世緣逆順。亦古今常態。又何足介哉。汝等宜各安心。勤勞藏事。吾樂多矣。此外不必縈懷。惟靈山諸公爲我一一致之。或披晤。有期此中諸居士亦佳。惟中甫少病已愈也。老漢書經一節。猶未克還。將完之也。老漢正月下旬。至留都。以吳元石風病甚狂。今幸如舊無恙矣。又石頭諸紳。紳大老率俱雅重于出世。法極刻意勤重。若繆仲淳葬事三棺地頗多。吉凡相知者。致聲龍樹尊者道影。唐岐山所臨。似不失真。可當裴莊之擇。一軒豁處供之。又京師亦不可不持去。共黑白。隨喜也。來僧乃西霞淨業堂徹天大德高足。汝等宜看顧之。益其道心。慧空雖卽世。與萬菩薩爲侶。復何恨焉。餘瑣不盡。

付密藏開侍者

汝兩度書來。讀之使老漢涕淚莫之止。想汝作書時。必亦淚墮耶。不然山川許遠。曷能致斯。此淚仗佛護念。如墮之不止。則鼻祖血脉決不斷矣。此脉既幸不斷。則大藏造成。必有日矣。惟願此淚同香水海。浮幢王利流通。無阻。則老漢受汝等供養。豈有窮哉。且置

是事別作波瀾發其深慈周全難能不委臺老至彼舉止何如大抵世路場中非再來菩薩九人之數必有十人外脚吾以此公於三寶中護法之勤幾四十餘年如吾曹坐觀成敗不回輔之則佛子之心安在又字泰受性魯直處世非其所長亦當渠識暗處痛提省之吾囑汝二者不可忽之法華楞嚴幸俱書完字泰叔姪中甫昆玉可謂盡矣汝有書來當一一爲我謝之生彼信心或老漢躬詣蘆芽有時也若雷雨阿堂清勝否中甫居家生得一兒甚奇偉此告病利錢也亦老漢願力也餘面悉之

付密藏開侍者

因謁舍利寺古峰師乃知唐金牛老漢藏骨之處及臨濟立老靈家往經真定屢矣竟莫聞其靈踪今得舉瞻豈勝感激但中甫過其地而亦未遑瞻禮可笑汝至此勿蹈中甫忽略必當尋其座處覈其始末要家裡人以筆硯三昧大贊揚之使末世衆生得聆塗毒聲實汝曹分內事又讀其碑知金牛舍利似不可似升斗量者吾國朝太祖曾禱之得十八粒及成祖

禱之乃獲萬餘粒何舍利生分別心略其父而實其子由是觀之設有緣厚于成祖者安知其勿能廣無量斗哉此亦希事錄其大略

付開鄺

曇生南來言汝形軀不比往日壯偉老漢不覺心痛流涕久之開鄺復不快汝細節強力忍飢惜些些之費勢願一至此乎若閻王不吞鐵丸便使小鬼不怕是則是矣以細而忽大敦末而發本一旦累死了汝這一枚人則使藏事孰能始終之此事或不幸累倒了汝則老漢晚年翻做了活死人也汝果體吾痛處此箇皮袋子爲吾收拾如舊壯偉無損之自然使吾無後憂矣良以法門寥落人物甚難揀也汝須大加凜毋添吾憂則享汝供養厚矣吾書經幸將訖若裝飾完汝當身送蘆芽安置之吾卽續後懷香禮畢之妙師併板首大衆爲老漢一一叱名致之如二經懺就汝能頂持大都廣會之場普令一切黑白隨喜之要使若聞若見者如老漢爲報父母此生劬勞之恩亦辦心書二經而報是恩非感邀他故也汝深體此

幸甚。凡吾南居動止。或有相傳于北者。大抵皆出人情好惡耳。汝不必念之久。後自當一笑矣。且老漢楞嚴發足北行。周旋六易寒暑一日耳。而一日之中。凡所動止。非光耿不出。不爲自有木偶人證之。又不在吾言也。廬山黃龍潭自龍藏惠彼彼中。遠近黑白益道心無量。茲碧公湛如上人。以闍成欲造毗盧金身供之。疏文甚奇。只據此文。必可成之。汝弗以勞却委曲其初來。

又

汝不能卽發身者。知爲所負未清故也。然則何必限于兩月之間。而能辦此。設一年不完。亦未可定也。汝眞決離彼。使人知汝行者。恐亦不妙。惟行時且活落言之。可便信復也。如汝置行跡于棲霞。則楞嚴之事安得廢哉。思之而藏事又可就現成。近都大叢林香宿道風。福緣爲之成之也。易又人好橫議者。亦不搖唇矣。然素老及高弟經事老鍊。雖不善輕諾。如諾之斷不苟也。可卽來議之。不必局償。完而乃至卽新刻書板。亦當汝至山中。共素老及諸高弟論徹後。遂

來可也。吾行期猶南北未定。汝勿慮也。或以我行藏異乎人。規我易之。是痴子也。夫麒麟鳳凰。或者較其異乎形色。規其易之。是須截其角而燬其毛。人則快之矣。大丈夫處乎浮世之間。適意爲樂。灑然于塵埃之表。寧戚戚乎局于常議也。又人之利害于我如佛天下。照我寸衷。果無天惡人。其安能奈我何。且凡事到人用力不及處。雖父母亦不能代之。必須苦樂觀受者。定難假借于人。惟可假者形跡相似之間耳。我之賤性。長于超放。不羈半邊處也。亦我真處。實人用力不及處也。敬煩用力耶。如我修行心真自然惡習漸消淨習自增矣。此我真言。汝宜照之。莫笑狂也。雪松省入前九月廿七燈下附。

付開侍者

汝行後若失右臂。慘然不快。久之吾嘗責汝。雖頻勿生勞倦。大都責重。則親深放過。則路人。至於此富門中。宰割情識。顛倒習垢。以青爲黃。使常我失守新智。增明卽憫入喜。反親爲冤。或生殺雙行。縱奪齊操。苟非骨具靈根。眼無凡刺。聞已憤取。況躬遭而內承之。

哉小子宜自重食須正命毋食別飯吾是有深慮痛
忽之山西有汾陽祖塔廢壞積久吾欲募人立石刻
汾祖寂音所撰傳不死其靈汾洲有曹祿者孝弟著
于郡里且亦常植福爲心曾囑其立石渠石買但傳
文未寫付去故未完當爲雷雨致吾意作一書達新
代巡一獎曹生助其善風前院獎過者亦不簡故可
爲也文道因無人用留用過冬著他上來二十八日
雪郎目

又

吾登峨嵋東還特又登南岳禮七祖讓尊者并訪思
大祖師石頭遷尊者及諸聖靈跡皆荒涼不堪不覺
悲痛之追聞南岳有大藏之願豈惟慶快老漢本懷
亦國家之福諸祖之幸然安藏之所送藏之人二者
不可苟且姑順人情須佛祖之心爲心可也一者安
藏之所南岳諸剎唯方廣寺道場最古風水最勝殿
宇莊嚴僧衆廣盛可垂萬世諸寺莫及吾言眞實送
藏人到彼自知二者送藏之人須得僧俗並行僧則
惟仰崖慶法師足以任之俗則再得信心內臣一人

如此乃可掘起遠方風化且不枉國母苦心弘願也
楞嚴勝緣當致意法燈及汝信心亦可見矣然須久
而愈堅不負學始終視之

付寒灰奇公

法本乃使亡者魂寧耳大抵藏事汝不必慮此佛慧
命衆生寶筏于震旦所繫重矣自有昔乘本願輪者
森然宜俟久矣豈待老漢薄福少德之人爲繫念耳
雖然彼乘輪者若不得老漢些些粥飯氣終是無源
思之法本骨石當作三分俟吾安置處所不得妄拆
毋誤餘不盡手字復

紫柏尊者別集卷之三

紫柏尊者別集卷之四

虞山白衣私淑弟子蒙叟錢謙益纂閱

徑山寂照六世孫傳臨濟宗契穎壽梓

語錄

修行四難

修行易而悟心難。悟心易而治心難。治心易而無心難。無心易而用心難。凡聖情盡體露。其常隨宜出興。不失于時。故曰用心難。如倚門傍戶者。大都不可與語。此也。學佛者倚傍釋迦。學儒者倚傍孔丘。學道者倚傍老聃。離却依傍。露地上立脚。如師子王往返遊行。跳躑自在了無依倚。惟悟徹心光者。信手使用。信手使用。方是隨宜出興。不失于時者也。若定上座。從臨濟來。或問如何是禪。河窮到底定。即擲住。擲向橋下有同行解之定。曰。若不是這老凍膿。直教禪河窮到底定。可謂信手使用者矣。總論隨宜出興。善用其心處。如是用出世。即名為佛。經世。即名為儒。養生。即名為老。彼倚門傍戶者。譬猶買舟自無勢力。假冒他勢。扁其額曰某翰閣某部寺某臺諫。以欺誑一切。

不知者解不望風而靡。若彼真主卒然相值。則所冒扁不惟不敢張炷。而且覆藏之不暇。嗚呼。男兒家項天立地。睜眉弩眼。高談闊論。孰不自謂聖賢豪傑之徒。一旦撞著個沒面目漢子。將無孔鐵鎚。輕輕敲擊。未有不眼目動定。支吾不及。如是而安望其能知四難之旨乎。

示衆

大抵衆生之機。不越四料簡。有高而不能下者。有下而不能高者。有不能高下者。有能高能下者。善教者隨機接引。

又

一僧作長歌送師北行。字畫不楷。內有差舛。掌之曰。今之學者。且莫說向上巴鼻。即進退辭讓之節。事師交友之道。茫然不知。學恁麼佛法。

示塗毒居士書云。我今止有報佛恩一事。拚却自命。一切利害毀譽。非我所知。我逆逆順順。淺淺深深。非汝輩所知。

中峰禪師刻石殿偈云。生生菩薩家。世世常出家。心

不忘殷若身不離袈裟師令緇白念誦曰修行人多
墮富貴者由願力輕微心有染著永嘉大師所以這
般發願

又云龔州王居士臨終願生貧賤重真出家歸依大
善知識却難得

俗諦中人入吾法中如人溺大海露髮髻子善知識
提携如援髮髻子相似須自家盡命淨著不然是自
要沉沒千佛出世也難救取

師問陸生云昔支公有言知廢則覺全旨意如何陸
云知廢可以全覺又問汝知曾廢否云不曾又問汝
是知否云是師云是知知不知

師問僧云汝曾念圓覺經否云今日念一部又問圓
覺經云如來入於神通大光明藏田中蝦蟇入神通
大光明藏否云入又問既入神通大光明藏云何又
散蝦蟇云不入又問一切衆生皆證圓覺又如何理
會云佛意一切衆生皆可修證圓覺師叱之曰若一
切衆生皆修證而證圓覺者何不曰一切諸佛皆證
圓覺僧無語

示衆

余讀普門品至於若多淫欲常念恭敬觀世音菩薩
便得離欲若多瞋恚常念恭敬觀世音菩薩便得離
瞋若多愚癡常念恭敬觀世音菩薩便得離癡不覺
施卷三嘆感聖言之明白照著皎如日星無奈讀者
於平常中作勝解想所以本易而反難也夫三毒者
果有性乎果無性乎如其有性則常劫恭敬稱念菩
薩終無空理如其無性凡觸不可意事及可意事何
卽佛然而怒忻然而喜耶余以是知三毒菩薩出沒
無常如一指之屈伸耳凡讀經者於此了然不惑則
普門示現豈獨觀音能之我不能哉

示僧明璿

太凡男子家立心作事先要究明源本源若不清流
必昏本若不固枝必枯故學出世法先要洞明自心
然後昭廓心境窮內外典籍而大其波瀾則化風自
遠矣人天自嚮矣學世間法亦先要講明仁義擴充
度量凡經世糟粕亦須嚼過復加真實心地行之既
久一旦臨事自然接拍成令矣又洞明自心貴在情

死蓋情不死性不活則於博地凡夫欲其直下轉識成智心境圓通安有是處故情不死豈惟禪不可參即問學亦難到精深處吾與汝先授五根本戒者亦願汝根門潔白攀緣自斷情亦漸死耳設情不死夾帶修行謂之野干種何哉以其自生至死若靜若動若穢若潔若情遷若懶墮無非情故故曰萬物浮沉於生死者情爲其累焉且道情死一句子又作麼生舉揚是佛是魔皆盡毒非魔非佛總冤讐直饒棒下翻身漢未入黎奴白牯流若學世間法非老漢本色他家自有門頭在茲不多說惟源與本不可草率則種種皆然汝果能依吾言語做去決不賺汝珍重

示丹陽老人誦毗舍浮佛偈

本來一切自在一有身心便不自在矣以有身故隨生隨死以有心故隨憎隨愛隨生則怖死隨死則迷生隨憎則愛亦成憎隨愛則憎亦成愛以故生死無常憎愛百出即一切直下自在翻成一切不自在矣故能達生死不可得者雖處生死而無思罷了愛憎不可得者雖當好惡而常閒此意易悟難行果行之

積久即一切不自在者直下又翻成一切自在矣欲明此旨須誦毗舍浮佛授道偈千百萬遍無論愚智自然開解

示狄都護

要拏的是去的耶去的是要拏的耶此兩個子孰實孰主判然揀辨得出自然諸想頓寂不坐於空到此時節自知好惡矣問人何益

示海鹽善人

心善蓮花開不善蓮花謝蓮花在心心鮮明不假借即心是佛頭上安頭離心是佛斬頭覓活不即不離若是佛者總成埋沒終不成佛若欲成佛須悟此旨

觀身

吾嘗諦觀此身兩叉九孔倘裸體通衢之衝吾知無分資愚少長之人必以爲醜而怪之矣再去吾皮膚而觀之吾又知觀者俱怖畏而逃矣吾又去吾筋肉骨立于獨人之中豈惟怖畏而逃之哉必人人胆驚魂喪而不忍觀也噫彼觀者怖畏吾而不返怖已謂

之有智可乎

佛光

僧之有光定慧并強定則情空慧則性彰兩者互奪一存一亡此非口說心悟力行

示志燈

志乃心之所在燈乃光耿破暗暗破心地自然高明心地既高明則大人君子便不下視汝矣

與于中甫

浮沉別道情爲其累常斷不斷幽繁奚釋

示如聞

衆生橫計封蔽本心是故於全體作用中疑而不能。用也。一夕余將一指屈而問。如聞曰。汝見麼。曰。見此。外見否。曰。不知。余喟然嗟嘆久之。而示之曰。我此指。一屈一切聖。凡一切依正。無有一法可伸者。豈唯此。屈如是。法法皆然。如一念生滅。生則盡虛空界俱生。無有芥菜子許空隙。可容滅者。滅亦如是。維摩爲彌。勒曰。一切衆生。皆如又文殊對維摩曰。居士我不來。相而來。若初有來。今則不能見居士矣。由是言之。則。

不來非來來非不來明矣。惟諦了自心者。情見漸破。於此法門。通得一法。而法法皆了矣。

勉法興

佛言。住家比丘。見客比丘。來心上不喜。此我法滅光也。余讀經至此。不覺涕泗橫流。法興有供衆志書此。勉之。

義井語錄

平湖西隱居士陸龜忠述

師說多讀書的人。終是近真。以其被佛祖聖賢言語熏得。此心熟了。熏得熟了。縱習氣不好也。漸漸熏得香。

師說全要講透這個明心見性四字。你說心性是一。是二。某請師開說。師說。心性原無二。衆人不見。性所以說百姓日用而不知也。主人能自見其性。豈非明心乎。見性則心自明。非是明了心。方能見得性也。師說。志公說。坐臥不知原是道。只麼忙忙受苦。師又說道。如水中。有魚大幾千里者。有魚小如毛髮者。大魚以爲我。大小魚以爲我。小此情也。非理也。理則魚無大小。皆是水。作如是觀。此理也。非情也。情。

本無根自性變而有之。無我而靈者性也。有我而味者情也。衆人率有我而味者。應事所以不能通天下之情。聖人率無我而靈者。應事所以能通天下之情。而吉凶禍福不能累。說雖如此。名不檢則義不精。義不精則理不徹。理不徹則性不盡。性不盡欲至於命。無有是處。夫命用也。此用現前。虛空可以卷舒。有無可以爲一條。佛說有無二法。攝盡一切法。故至於命者。先天而天不違。天尙不違。萬物能違之哉。此等意思。口說滑然可聽。聞者易生歡喜。然要此用現前。熱惱根拔不盡。清涼夢不曾醒。謂之盡性。則可謂之至於命。則不可。古德云。不是一番寒徹骨。怎得梅花噴鼻香。夫寒徹骨者。如顓子擦肢體。黜聰明。亦是個小樣子。蓋肢體擦則身不可得。聰明黜則心不可得。身心既皆不可得。則情死而性活矣。性活只此肢體便是法身。只此聰明便是般若法身。則無有邊際。般若則智用萬物而不勞。若人說法。身外有芥菜子許。法此便是外道。以其心外見法故也。又身與心身是積聚。義心是知覺。義以實言之身。卽是心心卽是身。

用他積聚便名身。用他知覺便名心。曹溪曰。吾有一物。無頭無尾。此無頭無尾者。見得徹了。謂之盡性見徹了。能用得謂之命。我故曰。命用也。師飯畢。說晉肇法師得罪於姚興。興欲殺之。肇乞假七日。作一書名寶藏論。訖將死時。說偈曰。四大原非有五。蘊本來空。將頭臨白刃。一似斬春風。又有一禪者。盜入室。問有寶否。禪曰。有盜曰。將寶來。禪一喝。盜斬其首。師問此二人。誰有受用。某曰。死不作偈者。有受用。師問曰。如何。見得不作偈者。有受用。某曰。不涉廉纖。師曰。後禪不獨熟養渠。亦用得了。師說把手牽他入不得。惟人自肯。乃方親知人者。智也。自知者明也。師說道。要知得。知得又要行。行得又要證。得證得又要忘。得忘得方纔用得。不知道者。一遇些小患難。卽不能做主。張便垂首喪氣。知道者。值此必有解脫之機。決不爲患難綁縛。知又有淺深。有誠明而知者。有明誠而知者。誠明而知得力。終大明誠而知得力。終弱。

師說學道先要沒偷心

師又說偈曰伏羲畫卦若有成伏羲有死而無生伏羲畫卦若不成伏羲無實而有名惟其成與不成故成成不成虛而靈

師問喜怒哀樂未發時有我無我若說無我則成斷滅故未發不是死物但未發不昧已發始謂之中已發不昧未發始謂之和

師說易顯道神德行道至微者也德行至顯者也如能通易則至微者我可以顯之至顯者我可以神之易豈可不讀乎不讀易則學問不通方

師言唯識界法喻參合理自曉然其經文中道理隨自家活變發揮及鋪敘節奏亦自活變前來所迷生起之由如此伏歸元真亦如此文章馳騁也要活變莫局死格

師見某執筆隨問隨說隨抄因謂之曰不必抄說你既在這裏與我相逢只要查考身心有個下落處便了

示吳居士

佛生七日母即生切利天及佛出家得道將欲普度衆生既而思之我母未度先度衆生此非後母而先人乎於是即昇切利天爲母說法母聞佛說亦心開得道由是而觀則生事死葬之孝以爲人子之孝止於此而已恐非天下之達道也以至孝言之而爲人子者能如佛爲母說法母亦得道如是之孝方爲至孝耳故曰以形孝者情也以理孝者性也情乃有我而昧者也性乃無我而靈者也有我則不虛不虛則不靈明無我則虛而靈明矣故以不虛不靈者行孝孝終不達以虛而靈者行孝謂孝不達未之有也今吳居士有志敬事旃檀瑞像必欲母之終將聞法心開得道此亦佛之心也雖然佛爲衆生立孝爲宗宗立則天下有所主有所主耳目不二耳目不二則心不待別而自一矣心一則有我而昧者日消無我而靈者日長矣

一合理相

自須菩提至是名微塵衆總七十九字此七十九字千轉萬變低昂浮沉隨問隨答勢如轉萬鈞之石於

千仞之溪。雖若泰山之重。而實輕如鴻毛也。泰山之重。喻衆生一合相。執鴻毛之輕。喻聖人般若之利。次段自世尊至貪著其事。總七十一字。此七十一字。不過以多碎相破一合相耳。前段不過以一合相破多碎相耳。何謂多碎相破一合相。以多碎相觀一合相。則一合相不待觀空而後空也。何謂一合相破多碎相。以一合相破多碎相。亦不待觀空而後空也。嗟乎衆生計六尺之軀。堅於須彌。所以死生榮辱。不召而至也。如知一合相可以破多碎相。多碎相破一合相。則一合相與多碎相未嘗有也。何須種種方便權巧而力破之。雖然身執既重。不藉方便。孰是天生彌勒。自然釋迦。

破地獄偈

若人欲了知三世一切佛。應觀法界性。一切惟心造。此偈總二十字。而四聖六凡十法界。依正二報。靡不括焉矣。第世人心識粗浮。誦而不知其義。義既不知。則所謂破地獄。破餓鬼。破畜生。破人。破修羅。破天。破聲聞。破緣覺。破菩薩。破佛。一破齊破。此佛說偈之意。

也。或曰六凡破之可也。四聖何故亦破之耶。對曰。子不達惟心之旨。如一達惟心。方知四聖六凡十法界。依正二報。皆情之變也。如六道中三途皆惡情也。人修羅天此三者皆善情也。聲聞緣覺菩薩佛皆淨情也。非染情也。由是觀之。則天與人修羅。雖勝於三塗。然皆善染情之變也。故曰凡聖情盡。體露真常。眞常卽惟心也。嗚呼。惟心之用。聖人與衆人。諸佛與衆生。皆未嘗不圓滿者也。但衆人與衆生。日用而不知。聖人與諸佛。日用而不昧。此所以有四聖六凡之別也。人爲萬物之靈。四聖六凡之前者。不能知。則四聖六凡之變。吾不能作主矣。既不能作主。則被凡聖境界轉我。我不能轉。凡聖境界也。西源居士如達此意。則滿偈道人自然形。雖木偶心未嘗不通悟也。何以故。一念不生。夫婦無二法身故也。又曰天地同根。萬物一體。故父子夫妻如存者。開悟亡者。亦心安亡者。開悟存者。亦心安。此道理如此。奈世人見迹而不明理。所以存亡便作兩截看也。萬曆丙申。紫柏尊者挂錫余誠開堂。偶閱普門品。

至受苦衆生聞是觀世音菩薩一心稱名觀世音菩薩即時觀其音聲皆得解脫乃詰學者云稱名者衆生也而菩薩觀之觀音者菩薩也而衆生解脫是張公喫酒李公醉也如之何其會通耶衆皆未達因舉閬守因緣曰了是則是矣余因偈曰
斬像頭挫射虎石破格物物格兩番墮王字泰筆墮

附禮佛儀式

初念淨法界真言三遍訖即曰乘佛威神謹誦淨法界真言若干遍惟願承是真言威神波光力故蕩除盡虛空遍法界十方三世依正二報悉皆清淨以此清淨三業讚歎三寶觀想三寶禮拜三寶即讚即觀即禮畢即曰

南無盡虛空遍法界十方三世一切佛陀達磨僧伽耶各一稱一拜

南無千華臺上百寶光中華嚴教主本師釋迦牟尼盧舍那尊佛以下俱一稱一拜

南無東方藥師琉璃光如來

南無西方極樂世界三十六萬億一十一萬九千五

● 卷一 禮懺

百同名同號大慈大悲阿彌陀佛

南無當來下生彌勒尊佛

南無藥王藥上菩薩摩訶薩

南無觀音勢至菩薩摩訶薩

南無文殊師利普賢菩薩摩訶薩

南無月光菩薩摩訶薩

南無南嶽慧思菩薩摩訶薩

南無智琬菩薩摩訶薩

南無西天東土歷代傳宗判教併翻傳秘密章句諸

祖菩薩摩訶薩等三稱三拜

南無南嶽慧海尊者以下一闍一拜

南無七祖讓尊者

南無青原思尊者

南無馬祖一尊者

南無石頭遷尊者

南無天台智者顓大師

南無賢首藏大師

南無慈悲基大師

南無十方現在人天眼目諸大知識大法師。惟願仗佛慈光。世世道風。遠布尊尊。福慧昌隆。弟子某。仰承釋迦如來慈善根力。謹代十方三世一切尊卑。檀越水陸空行。天龍八部。幽冥靈聰。人王世主。州牧縣長。師僧父母。法友眷屬。願于三寶光中。仰仗三寶威神之力。未發菩提心者。願發菩提心。已發菩提心者。堅固護法心。堅固精進心。早出輪迴。苦次念十願王。一遍拜次念般若心經一遍。迴向十方常住三寶。以此功德。囑願當今皇帝萬歲萬歲。發四弘誓願。三稱三拜。所謂禮佛一週也。

紫栢尊者別集卷之四終

紫栢尊者別集附錄

私淑弟子 甬東 陸符 撰

師諱真可。遂觀其字也。晚自號紫栢。萬曆中。慈聖皇太后欽師道風。上亦雅知師。謂若此真可名一僧師。

遂取以更名。云世家吳江之攤缺。沈姓父連字季子。其先句曲人。師生有異徵。雄猛不可羈。繼稍長。志益大。飲酒恃氣。慕古游俠之行。他日自言。吾本殺猪屠狗之夫。蓋道其實也。年十七。辭親隻行。願立功名。塞上行至郡城楓橋。天大雨。不得前。虎丘僧明覺者。過視壯其貌。問知遠行。因以蓋接之。歸具晚餐。夜臥。聞僧誦八十八佛名號。心忽開悅。侵晨起告覺。願出家。遂解腰纏治齋。覺即白衆爲祝。髮因禮覺爲師。是夜即兀坐達旦。覺欲募鐵萬斤鑄大鐘。師乃獨身往平湖。跌坐一巨室門外。主人進食不食。問何爲。曰願得鐵萬斤鑄大鐘。鎮虎丘山寺。主人立界鐵如募師爲學。食竟載之歸。閉戶讀書。歲餘不越閭。年二十從講師受具戒。掩關武塘景德寺。三年辭覺。包腰參訪。聞僧誦張拙秀才偈。至斷除妄想。重增病燼。向真如亦是邪。曰何不云方病無不是邪。僧晒之。師大疑。到處書二語于壁。迷悶至頭面俱腫。一日齋次。忽悟。頭面立消。曰使我在臨濟德山座下。一掌便醒。自是氣宇凌鏢。諸方矣。初祖西來以楞伽印心。從上祖家皆

精其義立爲綱宗勘驗來學宋洪覺範憂末法失傳遂爲智證傳僧寶傳諸書以撰述佛祖旨訣其書世多未見師按得古本大喜因遊匡山深究相宗精義已而遊五臺至峭壁空巖有老宿孤坐師作禮問一念未生時如何宿豎一指又問既生後如何宿展兩手師於言下領旨尋跡之失其處至京師參徧融大老融問何來曰從江南來來此何事曰習講又問習講何事曰貫通經旨代佛揚化融曰能清淨說法乎曰至今不染一塵融命師解直裰施旁僧覽其裏曰脫却一層還一層也師笑領之遂留時與知識嘯巖法主暹理諸公參證所得乃歸省覺去辭覺時已九年師見道法陵遲五家綱宗墜地以負荷大法爲已事倡刻大藏廣其流布日以智證傳一書囑付傳習或時教人專持毗舍浮佛偈謂此偈是去來諸佛心印禪之真源常言吾持此二十餘年已熟半句熟兩句死生無慮矣先是有南昌諸生出家補陀曰密藏道開者聞師風來歸師深器重留爲侍者凡法門大事如復楞嚴寺刻大藏復化城皆以屬之師終身不

受人祈請出世終師世亦無敢開堂受請者獨與憨山清公爲友嘗對談四十晝夜不交睫有志修國朝傳燈錄與清公約共住曹溪開導法脈遂從帝京繇三晉歷關中跨棧道至蜀禮普賢順流下瞿塘過荆襄登太和至匡廬尋清公約清公以興復勞山海印寺爲黃冠奧援許奏被逮師聞報禱佛冀佑不死獨往曹溪知己得遣雷陽戍因往白下江關待之相見執手嘆曰公以死荷大法我何人哉公不生還吾無生日他日卽先公死後事屬公清公至雷陽得間過曹溪曰此達老志也吾以行間至殆不偶後公得釋卽住錫宗風振焉上以三殿工開礦稅中使輩出有李道者初奏南康守吳寶秀抗旨逮治其夫人哀憤投繯死師聞之曰良二千石爲民請命死其妻自且不免時事至此乎遂入都門營救以毗舍半偈令誦十萬當出獄吳持至八萬上意解待末減師因喟然曰憨山不歸我出世一大負礦稅不止我救世一大負傳燈未續我慧命一大負釋此三負當不復遊王舍城矣門弟子皆知都下側目師相繼奉書勸出開

侍者刺血具書隱去。師居方山時。嘗卜出處于李長者。誓以身命弘法。報書輒謂吾當斷髮。已如斷頭。今更有何頭可斷。其意以出家兒大事。既明身心。尚有僂辱揀避。雖比古之立名義。不侵然諾者。尙不可得。況欲稱祖家兒孫。操提正令。以殺活天下。雖誘毀章疏。不一師處之屹然。居無何。妖書事發。上震怒。方大索。先是江夏郭公正域爲少宗伯。以楚藩事與政府抵牾。金壇于玉立比部。故與郭交好。而吳沈令譽與予皆師弟子。以醫游公卿間。尤往來江夏。稱最善。政府私人欲先得沈。以及予與郭。而并及師。乘妖書羅織捕沈。拷掠楚毒備至。沈終無所承。篋中搜得師與令譽手書。乃欲營救。清公謂勞山海印之復爲聖母保護。聖躬香火。今毀寺戍。清是傷聖母之慈。妨皇上之孝也。御史康丕揚得之。遂據以聞。先時慈聖聞師至命。近侍陳儒致齋供賜。紫伽黎師受供。謝紫衣。適從石經山得隋時琬禪師所藏佛舍利。因請入供。太后出帑金送歸石窠。言者率以靡內帑金錢爲師咎。一日有中使奉上命。賞數千金。請師印藏經頒賜師。

不奉詔曰。印經自有人。中使固以受上旨。堅請不肯去。其人常從師執禮者。師呵之。欲起杖不得。已復命上笑曰。固知此僧非利財者。上嘗手書金剛經。汗漬冊紙。疑當易取。遣中貴馳問師。以偈進曰。御汗之滴。萬世津梁。無窮法藏。從此放光。上覽之大悅。以故劾上留中。政府力持之。始下命大金吾研審而已。師居西山潭柘寺。諸校夜至。不敢白。但匍匐求開示。師爲語竟夕。至曉。諸校伏地哭出。帖師命治齋禮佛。書偈別衆。就訊以三。貢對無他辭。傳送刑部。對如初。有郎官嫉師者。同鞠。故令杖師。凡對簿直入。跌坐階下。左右雜投刑具。唱聲恐嚇。不爲動。受杖已復起坐。獄詞無可按。特以救清公書。謂語連朝廷。欲引子罵父律。不果。竟擬坐左道獄。具將上。師聞之曰。世法如此。久住何爲。手字付侍者。性田令致法侶出。哭師叱曰。侍我二十年。猶作此去。就却食飲。尋說轉生歌。子夜猶口授十餘偈。黎明索姜湯嗽齒。就地坐誦毗盧遮那佛數聲。閉目不語。御史曹學程先以言事繫獄。聞師狀趨至。望見輒大呼。師好去。師復張目微睇。啓手扶。

兩足跣跌以逝。時嘉曆癸卯十二月十七日也。師生于嘉靖癸卯六月十二日。世壽六十有一。法臘四十有奇。師報逝待命六日。坐風露中。顏色不少改。遺命母龕斂。周以草埋葬。慈慧寺土坎中。次年春夏霖雨及秋。衆憂淹漬。久令田侍者鳴諸當事。得請歸龕。啓視端然如生。見者悲踴如佛。復出傳聽。來觀奔動。畿下龕歸江南途中。尙多求啓視瞻禮者。江南弟子議卓塔地持未決。適園中錄刻成。寄至中有怪來雙徑爲雙樹語。遂定議歸徑山。師相好魁奇雄碩。威掩萬衆。童真絕染。膚體如鐵石。日飯數升。過中不食。自出家卽脇不到席。四十餘年。如一日。所至設高座。懸燈趺對密藏。開公嘗侍立。聞鷄鳴。顧語師曰。學道人坐地安。問鷄鳴。始行脚。二十里足痛以石砥足。至日行二百里。乃止。嘉興楞嚴寺初復禪堂。成師題一聯。謂當以血書之。引錐刺臂。血盈盃。用絮清大書榜上。常至膠西秋水時。至欲渡衆不可。師解衣先涉。亂流及肩。疾呼衆前。顧謂曰。閱生死要當如是。師身律嚴。至于忠孝大節。尤爲性篤。幼奉母訓不坐。闕終身立不

敢近。常禮佛始進食。在潭柘值客至。誤先舉。乃對知事曰。今日有犯戒者。命爾痛杖三十。輕則倍。起授杖就佛前。伏地受責如數。在陽羨山中。讀長沙志。至忠臣李芾城守垂陷。投劍部將斬其全家。部將痛哭受命已而自殺。執卷淚迸如雨。旁侍者不哭。呵之謂當推墮。下所至。至利見祝聖。牌必敬。禮曆書初授必加額。始開覽白衣弟子入室。激發以忠義懲戒貪暴。形于論說。至謂教人制舉業。進身使爲大盜劫財較昔人盡馬入馬腹。其罪報當愈甚。師心慈外貌威重。及門弟子多賢豪。搢紳御之平等。尊嚴不少假。常言法道非貧人爲牛鼎。以世情求法不入吾室。我不憾也。惟造利根男子。雖割不少假借。當機不契。恨之直欲頓斷其命。至誘接下中。隨器盡量。人自習安。驚緩畏其攀躋多望。岬而退焉。明覺者故嘗好醫。一日還家。畜妻妾以醫名。吳會然移居大澤中。深自匿。師密使人踪跡。詭名字稱病臥舟中。邀覺覺至。大駭。師流涕嘆息。覺皇恐唯命。遂剗除。乃反執弟子之禮。師行脚見名藍廢址。必發願恢復。從楞嚴至歸宗。凡興建

一十五所歸宗遺蹟僅古松一株寺僧薪斷幾所將盡伐售米五斗有丐者乞米贖免師過而累土石倚築呪其下願松再榮寺當後復松果日茂寺竟因師復云師聞難無敢爲訟冤者唯侍者性田周旋園中故有枯木冷雲獨見田侍者之句田常熟人幼常事慧日寺比丘古林貌癯顙起純體筋骨性突兀不易馴擾已林遣事師獨祇侍唯謹頤頤指使氣息相應卽中夜承諾警絕無寐少不知書索卷簪筆割隨所命必應手師有所往頂笠卽行一肩追隨若預裝者嘗呼爲小道人或命爲田道時遭痛杖初無怨色一日逐之使去田哀號無所出故嘗向大士禮清淨三業文是日聲鳴甚悲音齒忽異師問知爲田乃復令入自此不復加杖師示寂報訃江南復北上奉龕歸徑山始剃除不踰年微疾死塔骨寂照庵放生池山左曰田侍者塔云師龕始供庵中越十一年定葬山後黃沙灘人言其地有瀦水改卜五峰大慧塔之陰曰文殊臺已擇曰火浴矣清公從南嶽數千里來撰文預定祭日適與期會遂把火焉師有文集及園

中語錄金沙門人合刻共一十六卷後三十二年有私淑弟子四明陸符刪次補纂爲紫栢心要四卷序而藏于家

傳略據塔銘爲整頓先後蓋以傳說之最真者至大師被患本末當湖季高宗文血骨塔記載之獨詳因採補以入若大師里氏定爲吳江季高謂此特因師無巴生傳有生於青草灘語且記沈石林云固曾詢之師曰有益則言無益則止卜之以聞不果此更誦說大師者不可不知也

東甌緝訪妖書底簿

萬曆三十一年十一月二十日申時東甌番役李泰等報到僧人達觀由崇文門內觀音寺起身騎坐黑驢一頭帶徒僧二人俗人一名到于北安門外觀音庵住歇五鼓出阜城門去訖

十二月初一日辦事李繼祖等訪得達觀在西山檀栢寺潛住西司房辦事吳應斗拏獲錦衣衛候審初二日王之禎令校尉將達觀帶到西司房當廳問

設你是箇高僧。如何不在深山修行。緣何來京城中。交結士夫干預公事。有達觀回說。明公說的是。我也欲要遠去。今在西山暫住。我中原無別事。今既遭遇是我前世業障。

初三日王之禎問達觀。你是那裡人。爲何造作妖書。達觀回說。貧僧是蘇州府吳江縣人。自幼出家。于萬曆元年來京受。聖上無量之恩。那有此事。蒼蒼在上。若有一字。卽該萬死之禎。問康御史搜出你與沈令譽書。立心要遠而大書內。怎麼說達觀回說。因爲德清與耿一蘭爭海印寺造下業障。貧僧將此書與沈令譽託牌子官閣。寫未曾舉行之禎。問你書內如何將。穆宗皇帝稱夫你雖方外人。亦是朝廷臣子。這是你不省事處。達觀回說。貧僧止以五倫內所據寫之。只是教人學好。並不敢有一字爲非之禎。說恃著你有學問。造作妖書。你不肯實招。令校尉將手扭開了。將手指搽一搽。敲一百下。達觀回說。這樣事情。不是貧僧做的之禎。又問你爲僧只合居山谷修行。是你本等。你來京所幹何事。達觀回說。貧僧因化

藏經并修高僧傳續傳燈錄。因此來京暫住。又沈令譽供係吳江縣人。光年在籍投拜。被參問校監。故僧人達觀爲師。萬曆三十年六月。以行醫來京。比達觀先已在京朝夕相往計議。救拔德清張本及糾結月清戒山等謀進佛牙云云。

右東廠緝訪妖書底簿。故司理陳矩家所藏一時拷掠詰問。與大師從容應對。不激不撓。其實錄備見于此。可與園中語錄相證明也。奸邪小人快心。鈎黨欲借大師爲一網。斬艾賢士大夫之異己者。遂不憚殺阿羅漢造彌天積劫之業。江夏郭文毅公正域撰妖書始末特書其事。國史僧史胥有徵焉。載筆者宜詳考之。以補塔銘之闕。石渠舊史譌益謹識。

送達觀大師序

昔人云佛法難值。值善知識難遇。蓋兩重之余謂不然。卽值佛法矣。不遇善知識。道眼終不開通。譬如生育人不見日月。豈日月咎。一旦有大醫王扶其障翳而還之。明此豈尋常欣幸哉。余將三十歲始知有佛法。

又數年始遇達觀師于嘉善之風涇。此時習天台教。師略施鉤。雖余本然無自。蓋猶勿遇也。又數年遭先人之變。居憂里中。時營復。楞嚴師暫憩東靜室。余屢過焉。師密以緣生無性之旨。方便開示。余竟有悟如風痺人。始識痛癢矣。逾年師將雲水贈余。白袈并白納歌。俗以凡質蒙師。曲誘慶與愧俱。自乙酉別師。庚寅再晤金壇辛卯仲夏。再晤姑蘇。主今日之晤。凡三蓋屈指十年。所余道業不加進。負師實多。乃師道眼益明。操履益冰潔。而功益精。且勤蓋脇未嘗至席也。師謂予君輩無慚愧。坐無勝解。有勝解則生慚愧。自然照齊。到因扣墮。經佛性諸法。常無常義。詰余余目過了。然一再銷文。頓覺語盡。蓋真無自性。故能起妄。妄無自性。故能會真。衆生二乘所共迷。執不繇聖經。莫暢玄旨。是日再晤靜海師。再三逼拶。遂通斯義。有如撥霧。益悟向來依教隨文。取便口誦。其乖佛意多矣。師比精周易。絕喜東坡傳義。謂余曰。吾向淺視儒書。今觀周孔之言。對鏡見面。未有違佛者。違佛者。註脚耳。爲余剖析性情。魂魄之旨。明快直截。令人喜躍。

彼鑽故紙者。眞足愧死。嗟乎。如此人。奈何可。一日不親近承事哉。今師且行矣。師心如空。身如雲。如影行。如金玉。以慈悲爲牀座。以山河大地爲圍圍。瓶錫所到。天龍執侍。諸佛授手。大根大器。在在合集。如水投水。波波無盡。何有於余之蒙。又何有于蒙者之言。所喋喋者。以曷夫。遇師者。生難。遺想耳。是爲序。萬曆甲午五月十又三日。眞實居士。憑夢禪和南書于南翰林之公署。

華亭董其昌曰。達觀禪師初至雲間。余時爲諸生與會于積慶方丈。越三日。觀師過訪。稽首請余爲思大禪師大乘正觀序。曰。王廷尉妙于文章。陸宗伯深於禪理。合之雙美。離之兩傷。道人于子有厚望耳。余自此始沉酣內典。參究宗乘。後得密藏禪師激揚。稍有契。後觀師留長安。余以書招之曰。馬上君子無佛性。不如東南雲水。接引初機。利根紹隆大法。自是不復相聞。癸卯冬大獄波及。觀師授其書。此書不知何在。余謂此足以報觀師矣。昔人以三轉語報法乳恩。有以也。

又曰觀師答問。常有不經人道語。余曾問菩薩處胎受生之後。還知前生爲誰。如所云宿命通否。師曰。聖人無我。但受生之後。前生所作。循業發現。宛然如一。日安用自知爲。張三李四許多。我相又余時。方應舉。日用攻舉子業。余問此於學道。寧不相妨否。師曰。譬如好色人患思憶病。此人二六時中。寧廢著衣吃飯。一切酬應否。雖復著衣吃飯。一切酬應。其思憶病相續不斷。卽作意斷之。其病益深。李太白詩曰。抽刀斷水水更流。是也有患煩惱塵緣。能障道者。若爲掃除。師曰。如一男子有殺父讐。懷憤欲報。拂拭純鈎。畢生尋覓。初聞張三二十年後。知此眞讐。本是李四。便舍張三。直覓李四。諸人欲掃除煩惱。正爲未知眞讐也。此語與張拙斷除煩惱。重增病。更覺透徹。今紫栢老人集。乃不見載。知法語所遺多矣。

跋紫栢尊者全集

昔人嘆中峰輟席。不知道隱何方。以予耳目所及。如達觀可大師。眞末法中龍象也。讀其書。想見其志氣雄爽。爲人眞切。最可敬者。不以釋迦歷孔老。不以內

典廢子史于佛法中。不以宗壓教。不以性廢相。不以賢首廢天台。蓋其見地融明。圓攝萬法。故橫口所說。無罣礙。無偏黨。與俱牆倚壁。隨人妍媸者。大不侔矣。其于石門文字禪。東坡禪喜集。稱之不去口。蓋此方眞教體。清淨在音聞。欲以文字般若作觀照。實相之階梯。不妨高擡慧業。誘掖利根。則又此老之深心密意也。常熟顧大韶仲恭謹識。

憶萬曆庚申歲。達老之徒澹居鎧公持紫栢集見示。予爲校定二十卷。鎧公携往廬山。今其本存亡不可知。然料難再覩矣。此金壇子氏所刻。不知誰所刪定。較予所定本。似有遺漏。聊記所憶一二條于後。與某人書云。宗門問答。如蠻人說蠻語。蠻人當自解之。此語頗有味。又一傳記大盜某爲僧。殺倡斷愛。習靜得果。始末甚奇。又有一則盛稱本朝高僧琦楚石。又與馬御史經綸論李卓五往復書。俱可傳。今本皆無之。顧大韶又識。

紫栢老人集鈔序

紫栢老人示現嘉靖度生。萬曆方余駒齒甫落。則已

厭人間世。還兜率內院矣。余既深自痛恨。不獲親叩
籌室。然猶幸從山中禪衲。慈公塔銘。洞悉老人行履。
大都直捷似黃檗。通悟似臨濟。雄猛剛烈似天目。高
峰至於繇相歸性。卽緣生以指點無生。殆卓卓乎彼
土天親所不能踰。我震旦中相宗諸師。所不能窺其
閫奧也。嗟夫。入此門庭。誰不具決定志。發弘大願。乃
一朝布袋打失桶底。縮脫或以嗔。或以喜。或以辯才
樂說。或以佛事莊嚴。亦若各聽其機緣之所遭。各隨
其天性之所近。蓋從來未有學步邯鄲。抵掌叔敖。塵
尾雷同。而可以上傳祖燈者也。昔有譏陳元龍驕而
自矜者。應之曰。一門誰穆有德。有行吾敬陳元方兄。
弟淵清玉潔。有禮有法吾敬華子魚。清修嫉惡。有識
有義吾敬趙元達。博聞強記奇逸卓犖。吾敬孔文學。
雄姿傑出。有王霸之姿。吾敬劉玄德。所敬如此。何驕
之有。嗟夫。此可以定老人矣。全集卷帙浩繁。且多重
複。茲特摘其最要者。以爲老人文字三昧。崇禎甲戌
蒲月。甬東錢啓忠沃心甫題于潯陽之長松館中。
紫栢老人別集附錄卷終

紫栢尊者別集跋

尊者示現于嘉靖中。垂教于萬曆中。母后爲之優貴。
天子爲之褒嘉。自公卿以逮編氓。禮足而受記者。惟
恐後虞山所稱。挺生東吳。氣宇如王者。良不誣已夫。
摩騰致隆于漢。帝康會見。重于吳君。曇始登魏朝之
座。道林踞晉主之床。以觀尊者何多讓焉。昔大雄氏
說法。隨緣開示。卽一言半偈。四大衆諦聽。如童稚得
蜜。孝子依親。尊者擁大法幢。分身散影。普天利益。不
啻以三十二應身入諸國土。舒八萬四千臂。接引衆
生于本集之外。復有別集。迷者藉之爲寶。後覺者賴
之爲金。繩余合十而莊誦之。但知無上妙諦。嘆爲希
有。金貝浮香。梵花四照。雖古德之活句。五家之機鋒。
蔑以加矣。因念龍藏之所自始。西方聖人以一大事
因緣出現于世。從鹿野苑中至跋提河。倡演大經。無
我無量。無小無巨。或利或鈍。或頓或漸。盡皆攝入。薩
婆若海。旣滅度後。弟子阿難陀。優婆離等。各以大智
慧結集。爲修多羅藏。共闡化源。尊者爲末法中龍象。
導揚西方聖人之旨。闡化源以爲佛法金湯者。厥功

不亦偉與。余曾王父孝廉公親承摩頂。王父長史公
先君贈司理公世爲歸依。余之誦法尊耆遺言。非敢
曰報佛恩。僅以延先澤云耳。

康熙八年仲冬丹陽奉佛弟子賀寬盥手謹跋